

1 Alí Bulu mu Bi Yesu Kristo ɪwɪ asun wanklaan amu ilotsua asi nɪ.
 2 ɪleba mútɔ fɛ alíá Bulu ɔnɔsɔ ɔtɔɪpɔ Yesaia lɔwanɪn wa mu ɔwɪlɔtɔ ɔbɛɛ,
 < < Kɪ, ndɛ obi wa gya fu nkpa.
 Mu ɔbéla ɔkpa ha fu nɪ.
 3 Ɔkɪ dɛkplɪn dimbisɔ ɔbɛɛ,
 < Mɪlɪa anɪ Wie ɔkpa.
 Mɪɪtswii ɪkpa ha mu! > > >
 4 Asu Ɔbɔpɔ Yohane leba ɔdɛ aha asu bɔ, ɔdɛ Bulu asun ɔkan da Yudea dimbisɔ ɔbɛɛ, < < Mɪɪdamli klɔntɔ, amlɪsi lakpan bwe; Bulu osikie mɪɪ, ambɔ mɪɪ asu. > > 5 Aha botsu Yerusalem wulɔtɔ pɔ Yudea ɔmátɔ fée ba mu wa. Bɛɛ amú lakpan blɪ, ɔlɔbɔ amú asu Yordan ntsutso.
 6 Yohane lɔwa kpɔsɔ-imi atadiɛ, ɔlɔpɔ ɔwɪlɔ-kpakpa ɔfɛ klɪ músv. Atsantsankɪ pɔ ɔkwen otegyi. 7 Oletsia da asun amu ɔkan, blɪ ɔbɛɛ, < < Ɔkɪá ɔdun mɪ bu ɔma ɔba. Mmɔfun ání nógyonka sankɪ mu ntukɪta ɔfɛ kuraa. 8 Mɪ mú a, ntsu ndɛpɔbɔ mɪɪ asu, tamɛ mu mú ɔbɔpɔ Ɖɛ Wankɪhɛ bɔ mɪɪ asu. > >

Yesu Asubɔ Pɔ Mu ɪsɔkɪ

(Mateo 3:13--4:11; Luka 3:21-22; 4:1-13)

9 Nkɛ amɔtɔ a, Yesu lotsu Nasaret, wuluá ɪbu Galilea ɔmátɔ ba Yohane wa, Yohane lɔbɔ mu asu Yordan ntsutso. 10 Yesu lenya dalɪ ntsu amɔtɔ alɪ, olowun nwɪlɔta lefinkɪ, Ɖɛ Wankɪhɛ dɛkplɪ dalɪ mútɔ fɛ abɔduma, ilobogyonka musɔ. 11 ɪnu ɔmɛ kɪ lotsu ɔsɔsɔ ɔbɛɛ, < < Fugyi mɪ biá ntɔdwe, mɪ ansi tɛhɛ gyi mu ɪwɪ nɪ. > >
 12 ɪnɔnɔ Ɖɛ Wankɪhɛ amu lekpa Yesu ya dimbisɔ. 13 Oletsia unɔ

nke aduana, Satan letsia boso mu ki. Mwa pututo-mbwi letsia, Bulu-abapu beba beki musu.

Yesu Gyumagyihe Asitsua

(Mateo 4:12-22; Luka 4:14-15; 5:1-11)

14 Bekita Yohane tswi obu oma a, Yesu loyo Galilea omato, ode Bulu asun wanklaan amu okan da. **15** Obee, < < Bre amu lafun. Bulu iwiegyi amu lawie woyi ta. Mludamli klunto ba Bulu wa, amlho mu asun wanklaan amusu gyi. > >

16 Eke oku Yesu na Galilea opu ono, olowun Simon mwa mu gyama Andrea. Bude asawu tswi, tsufe aye alepu bugyi. **17** Mwu olebla amu obee, < < Mluba bobuo mi. Nobwe mli anyankpusa alepu. > >

18 Inunu besi amu asawu ana tswi, kpla buo mu.

19 Olenati yo nkpa kpalobi a, olowun Sebedeo abi, Yakobo mwa mu gyama Yohane e. Bubu oklunto, bude amu asawu bin. **20** Inunu Yesu leti amu e, benati si amu si mwa mu apafu wa oklun amuto ba bobuo mu.

Yesu Oge Lalahe Gya

(Luka 4:31-37)

21 Yesu mwa mu akasipu boyo Kapernaum wuluto. Oloyo Yudafo ofiakpa yosuna ato okpunu odake. **22** Mu atosunahe lobwie amu ono, tsufe olosuna amu ato tumisu. Megyi fe Mose mbla asunapu amu.

23 Oyin oku leba ofiakpa unu, oge lalahe bu musu. **24** Oklplun bli obee, < < Yesu Nasaretyin, amansu bu ania funyo nsine? Ani ohikpa feba loo? Nyin oha oduu fugyi. Fugyi Bulu Oha Wankihe amu ni! > >

25 Yesu oklplun wa oge amu obee, < < Kpa ono bun, afudali muti. > >

26 Inu ɔɛ lalaɛ amu lɔwusu oyin amu ɔwunlusu, sura okitikiti kuklukusu, dali mutɔ. **27** Ono lobwie amú fée, befite aba bee, < < Nto ofula ni? Iní mú a, atosunaɛ pɔpwe ni. Oyin anfi bu tumi, ɔɔkplun wa ɔɛ lalaɛ, itobu mu. > >

28 Iní su Yesu ida leklei wa Galilea ɔmá amuto fée.

Alɔpu Tsɔtsɔtsɔ Tsa

(Mateo 8:14-17; Luka 4:38-41)

29 Yesu mua mu akasipu benya dali Yudafo ofiakpa unu alí, boyo Simon mua Andrea woyito. Yakobo mua Yohane e bubu amúto.

30 Boyo a, owisu lakita Simon mu sia tsihe, ɔda. Inunu bebla Yesu ɔtsi amu iwi asun. **31** Muɔ ɔloyo yekita ɔtsi amu ibi, tsu mu kusu.

Inunu owisu amu lɔkusu muɔ, ɔlobwe amú afɔto.

32 Mú ntupwe fɔɔn a, bɔpu alɔpu pú aha ání ɔɛ lalaɛ de amú han fée ba Yesu. **33** Wulu amu fée beba befia woyi amu ɔno. **34** Yesu letsa aha tsɔtsɔtsɔá bude ilo ɔtsan-ɔtsan lo. Olegya ɔɛ lalaɛ tsɔtsɔtsɔ e le ahato. Omeha ɔɛ lalaɛ amu abutoi, tsufe amú fée buyin mu.

Bulu Asun ɔkanda Galilea ɔmáto

(Luka 4:42-44)

35 Mú ɔyikehe bake a, Yesu ledali wulu amuto yo itseto ɔde mpai bo. **36** Tame Simon mua mu aba bɔbo mbɔdi dunka mu alí yowun mu. **37** Breá bowun mu a, bebla mu bee, < < Aha fée bude fu dunka. > >

38 Muɔ Yesu lebla amú ɔbee < < Mliha ayo awulu bambasu, anyeda Bulu asun amu ɔkan unu e, tsufe uní su neba ni. > >

39 Inu ɔloyo yeki Galilea ɔmáto fée, ɔde asun amu ɔkan da Yudafo ofiakpa fée, ɔde ɔɛ lalaɛ gya le ahato.

Ulo Pepe Olupu Oku Tsa

(Mateo 8:1-4; Luka 5:12-16)

40 Ulo pepe olupu oku leba beda akpawunu Yesu ayabito, kokoli mu obee, < <Owie! Ni fotsula a, fetali ha mi iwi bepli. > >

41 Mu asun lwa Yesu nwe. Mu su oletinki ibi da mu, bla mu obee, < <Natsula, fu iwi ipli! > > 42 Inunu lo pepe amu leta, mu iwi lepli. 43-44 Mu Yesu leda mu ala obee, < <Mabla chaa asun anfi. Nati laa afupu fu iwi yosuna Bulu igyi chapu, afuha mu iwigyurato amvu Mose mbla losuna tsu lo pepetsa iwi amv. Igyi adansi suna aha ani fu iwi lapli. > >

45 Tame oyin amv lenya dali unv ali, olwa mu okan da bi. Oleda asun amv okan wulu amuto fee fia. Mu su Yesu metra tali le iwi owan wie wulu kukuto, itseto oletsia tsia. Tame mu o a, aha betsia tsu ntine-ntine ba mu wa.

2

Proofread 30-06-09

Tsukule Osinpu Tsa

(Mateo 9:1-8; Luka 5:17-26)

1 Nke kpalobi ku oma a, Yesu leyinki yo Kapernaum wuluto. Aha bonu ani alaba woyi. 2 Mu su aha tsotsotsoto beba bobula woyi amv. Okpa kuraa utra ma unva fotsun wie mutoto. Yesu leda Bulu asun amv okan suna amv. 3 Aha abana aku bosura tsukule osinpu akpasu ba mu. 4 Odom amv su bumenya okpa pu mu wie Yesu wa. Inu su boyodu obu amv awunsu, da mu otineku tii. Bekplia akpa amv tsun obo amuto, pu mu tswi Yesu ansito. Men lowering the paralytic through a hole in the roof|WA03824b.tif|span|MRK2:3-12|Graham

Wade, United Bible Societies, Nairobi|Bekplia akpa amu tsun ɔbo amuto, // pu mu tswi Yesu ansito. |Marko 2:4 **5** Breá Yesu lowun ání bahɔ mu gyi a, ɔlebla tsukule osinpu amu ɔbee, < < Mi bi, nasi fu lakpan kie fu. > >

6 Inu Mose mbla asunapu akvá butsie unu, bebli wa nwunto bee, **7** < < Nto asun oyin anfi debli alí? Megyi mbusuo alabo a? Ma e ɔbétali si lakpan kie aha dun Bulu nkule? > >

8 Yesu lebiá bude nwen gyi amú nwunto. Mú su ɔlefite amú ɔbee, < < Ntogyi su mlide uní odu gywun? **9** Mɔmu ibówa ablile ání nébla tsukule osinpu anfi? < Nasi fu lakpan kie fu > nte < Kusu tsu fu akpa afunati? > **10** Tame ndekleá mlibiá mí, Nyankpusa-Mu-Bi anfi mbu tumi ɔyi anfito si aha lakpan kie amú. > > Inu ɔlebla tsukule osinpu amu ɔbee, **11** < < Nde fu bla mbee, kusu! Tsu fu akpa afunati yo woyito! > >

12 Inunusun ɔɔkusu tsu mu akpa, nati amú ansito unu. Inu lɔwa amú féé wanwan, bekanfu Bulu bli bee, < < Anumokuwun ofula anfi odu ki. > >

Lewi Tɪ

(Mateo 9:9-13; Luka 5:27-32)

13 Yesu letra yo Galilea ɔpu ɔno. ɔdom kpɔnkpɔnkpɔnti beba mu wa, olosuna amú ato. **14** Breá ɔɔpu ɔyo a, olowun Alfeo mu bi Lewi tsie mu lampoo ɔhɔkpa. Muu ɔlebla mu ɔbee, < < Bobuo mí. > > Inunu ɔɔkusu buo mu.

15 Mú ɔma a, Lewi leti Yesu mua mu akasipu ato ogyikpa mu woyito. Lampoo ahɔpu pú lakpan abwepu tsɔtsɔtsɔ e bobuo mu ba ato amu ogyikpa. **16** Breá Mose mbla asunapu amuto akvá bugyi Farisifo bowun ání Yesu mua lakpan abwepu pú lampoo ahɔpu bude

ato gyi a, befite mu akasipu bee, < < Ntogyi su mua lakpan abwepu pu lampoo ahapu bude ibi wa gyi ato? > >

17 Yesu lonu asun anfi, olobla amu obe, < < Alapu lehian ilo otsapu, megyi aha ani iwi bu amu onlin. Mmaba aha wanklaan otikpa, mboun lakpan abwepu otikpa neba. > >

Onakli lwi Asun Fitehe

(Mateo 9:14-17; Luka 5:33-39)

18 Asu Obapu Yohane akasipu pu Farisifo butetsia kli on. Eke oku aku beba befite Yesu bee, < < Ntogyi su Yohane akasipu pu Farisifo akasipu butekli on, tame fu akasipu mu butamakli on? > >

19 Yesu lele mu on obe, < < Ni otso okpainsu bu mu anyawie wa a, bekli on? Ekekeke! Inia obu amu wa anfi mu a, bumekli on.

20 Tame eke ku beba ani bekpa oka otsiapu amu nati si amu. Ali nke amuto bekli on ni.

21 < < Ohaa tamapu tati papwe tan tati dada. Tsufe tati papwe amu ibekpiki tsii dada amu iku le, ha otankpa unu belatei tsia. **22** Ali ken butamapu nta papwe wa owulu-kpakpa kente wuheto ni. Nta papwe amu ibofu fa kente amu tsitsa, yinta kente amu e. Inu su owulu-kpakpa kente papweto butapu nta papwe wa. > >

Okpunu Odake Mu Wie

(Mateo 12:1-8; Luka 6:1-5)

23 Yesu mua mu akasipu botsun ayo ndo kuto okpunu odake, mu akasipu bopusa ayo amu ku wi. **24** Farisifo aku bowun amu, befite Yesu bee, < < Ki, ntogyi su bude toa anu mbla meha okpa bwe okpunu odake? > >

25 Yesu lefite amu obe, < < Mlumokukla nu toa Owie Dawid lobwe

breá akun de mua mu abuopu, buma tótóá bégyi? **26** Olebitiwie Bulu osumkpa yotsu bodobodoá bapuha Bulu igyi ba, mua mu abuopu amu begyi, Bulu igyi chapu dehen Abiata bisu. Bulu igyi ahapu nkule bele okpa butegyi alí bodobodo amu. > >

27 Muv oletra bla amú obee, < < Nyankpusa su Bulu lóbwe okpunu odake amu. Megyi okpunu odake amu su Bulu lóbwe nyankpusa.

28 Mú su mɪ, Nyankpusa-Mu-Bi anfi gyi okpunu odake mu wie! > >

3

Proofread 30-06-09

Ulotsa Okpunu Odake

(Mateo 12:9-14; Luka 6:6-11)

1 Yesu letra yɔ Yudafo ofiakpa unu a, oyin oku tsie unu, mu ibi kule lawu. **2** Aha aku bete Yesu ki bee obétsa mu ilo okpunu odake amu, mení bénya mu iwɪ asun bí. **3** Yesu lebla oyin amuv mu ibi kule lawu amu obee, < < Kusu belu amú ansito nfi. > > **4** Muv oléfite amú obee, < < Nto aní mbla leha okpa ání abwe okpunu odake? Yile loo, nte lalahé. Aho cha nkpa loo, nte amo mu? > >

Tame chaa mele mú onɔ. **5** Yesu lopu oblo ki amú bomli. Ucho mu osun, tsufe kluntɔ bu amú odwin. Muv olébla oyin amu obee, < < Tinkɪ fu ibi amu. > > Olenya tinkɪ mú alí pɛ, ɔɲe lowie mútɔ. **6** Farisifo amu bedalɪ yɔ, amúa Owie Herode aha bekita agywun ununu alá bóbwe bómo Yesu.

Aha Tsotsɔtsɔ Ulo Tsa

7-8 Yesu mua mu akasipu benatɪ boyo Galilea opu onɔ. Odɔm kpɔnkpɔnkpɔntɪ bobuo mu tsu Galilea múa Yudea ɔmátɔ, Yerusalem, Idumea, Yordan bunkpa obun pú Tiro múa Sidon nsaintɔ

ba mu wa. **9** Aha amu bɔdubi. Mú su ɔlebla mu akasipu ɔbɛɛ,
budunka ɔklun ku yaɪ ha mu, menɪ bumóoputa mu. **10** Tsufe alatsa
aha tsɔtsɔtsɔ ɪɔ. Mú su alɔpu amuto okugyiɔku dekleá ɔbɔpu ɪbi da
mu. **11** Nɪ aha ání ɔɛ lalaɛ bu amúsu benya wun mu alɪ badɪda mu
ayabiasɪ, sura okitikiti blɪ bɛɛ, < <Fugyi Bulu mu Bi amu nɪ! > >
12 Tame ɔleda ɔɛ lalaɛ amu ɔla kinkiinkin ɔbɛɛ, ɪmáha aha abubi
mu.

Akasipu Amu Ada

(Mateo 10:1-4; Luka 6:12-16)

13 Yesu lɔdu yɔ busu, ɔletɪ aha ání mu onuto odekle, bɔyɔtu mu.
14-15 Muv ɔlele amúto aha duanyɔ, ɔletɪ amú mu sumbi ayɔpu ání
mua amúnyɔ bétsia; otsia wa amú abuyɛda mu asun ɔkan, abugya ɔɛ
lalaɛ le ahato.
16 Aha duanyɔ amu ada gyi, Simon ání ɔledunka mu Petro;
17 Sebedeo abi Yakobo mua mu pio Yohane (ɔledunka amú ada ɔbɛɛ,
< <Boanerges.> > Mú asɪ gyi, < <ɔprada abi.> >); **18** Atraɛ gyi;
Andrea, Filipino, Bartolomeo, Mateo, Toma, Alfeo mu bi Yakobo,
Tadeo mua Simon ání ogyi ɪwɪsutsia adunkapu ɔpasuato ɔha **19** pú
Yuda Iskariot ání ɔlebele mu ha.

Yesu Mua Beelsebul

(Mateo 12:22-32; Luka 11:14-23; 12:10)

20 Bréá Yesu lɔyɔ woyito a, ɔdom betra ba ɪnu. Mua mu akasipu
bumenya ɔkpa ání bégyi ato kuraa. **21** Bréá mu woyito aha bonu mu
ɪwɪ asun a, bɔyɔ beyekpa mu, tsufe buki bɛɛ mu nwun layinta.
22 Mose mbla asunapu akuá botsu Yerusalem ba ɪnu bebli bɛɛ,
< <ɔɛ lalaɛ owie Beelsebul tsie muto. Mu tumi ɔdepugya ɔɛ

lalahe le ahato. > >

23 Mú su Yesu leti amú ba mu ɪwɪ wa, ɔlebla amú asun ayebito ɔbeɛ, < < Nkalɪ Ɖbunsam ɔbétaɪ gya mu ɪwɪ? **24** Iwie ogyikpa ání ɪlaye anyɔ, buɔɔ aba kɔ ɪbéɔɔɔɔ. **25** Woyi oduá mútɔ atsiapu buɔɔ aba kɔ ɛ tobwie. **26** Mú su nɪ Ɖbunsam ɔɔ mu ɪwɪ gya a, ɔméetaɪ lu. Mu ɔno ɔmɔkpa nɪ.

27 < < Ɖhaa méetaɪ wie ɔwɔnɪnpu woyitɔ yɔkula mu atɔ, nkɛti alagyankpa kíkɪ mu tswɪ, asa ɔbétaɪ kula mu atɔ féé.

28 < < Ɖnɔkwali nde mɪ bla mbɛɛ, Bulu ɔbétaɪ si lakpan pú abususu kugyiku kie nyankpusa. **29** Tame nɪ ɔku ɔbli abususu Ɖɛ Wankɪhe amu ɪwɪ a, Bulu méesikie mu ekekekeke, tsufe alabwe lakpan ání sikie ma mú ɪwɪ. > > **30** Aha aku bebli beɛ, ɔɛ lalahe bu Yesutɔ. Mú su ɔɔɔ ɪnɪ bli nɪ.

Yesu Abusuanfɔ Onuto

(Mateo 12:46-50; Luka 8:19-21)

31 Yesu mu yin mua mu apio beba belu kpankpa, bɔwa ɔku beɛ ɔti mu ha amú. **32** Ɖɔɔm butsie bomli mu, bebla mu beɛ, < < Fu yin mua fu apio bulu kpankpa, buɔɔ fu dunka. > >

33 Muu Yesu lefite amú ɔbeɛ, < < Amendi gyi mɪ yin múa mɪ apio? > > **34** Muu ɔlékɪ aha amuu butsie bomli mu amu, bli ɔbeɛ, < < Mɪkɪ, mɪ yin múa mɪ apio gyi aha anfi a! **35** Ɖhagyioha ání ɔtɔbwe Bulu ape a, mugyi mɪ pio pú mɪ yin nɪ. > >

4

[Proofread 30-06-09](#)

Atɔ-abi Owunyapu ɪwɪ Yebi

(Mateo 13:1-9; Luka 8:4-8)

1 Yesu letra kusu yɔ ɔde atɔ suna Galilea ɔpu ɔnɔ eke ɔku. Ɖɔɔm amu bobomli mu. Mú su ɔɔɔɔ wie ɔkluntɔ, yetsia ɔpu amusu, aha amu e bulu ɔpu ɔnɔ nu. **2** Inu olosuna amú atɔ tsɔtsɔɔtsɔ ayebitɔ ɔɔɔɔ,

3 < < Mlinu! Ɖɔɔɔɔpu ɔku loyɔ atɔ-abi owunyakpa. **4** Breá ɔde mú wunya a, iku lɔwuli ɔkpatɔ, mbubwi beba ɔɔswetswe mú féé. **5** Iku e lɔwuli abutasu, ɔtineá isi kpalobi dɔn. Uɔwa ɔsa kwe, **6** tame breá owi lelun a, ɔɔɔɔ mú mɔ, tsufe mú nlin mɔyɔ ɔɔɔɔ. **7** Abi amu ku lobun awutɔ. Awu amu lɔbula kita mú, imedan. Mú su imoswie abi. **8** Tame abi amu ku e lɔwuli ɔsulɔ wanklaansu. Uɔkwɛ, dan, swie abi, iku advasa (30). Iku aduesie (60), iku e lafa (100). > >

9 Inu ɔɔɔɔ mú ɔnɔ ɔɔɔɔ, < < Ɖha ání ɔbu asu onu! > >

Tɔá Svá Yesu Lɔɔɔ Ayebisu

(Mateo 13:10-17; Luka 8:9-10)

10 Breá ilesi Yesu mua sumbi ayɔpu duanyɔ amu pú aha kpalobi akvá bubuo mu a, bobwii ipa ha mu beɛ, ɔɔ yebi anfi asɔ suna amú.

11 Muɔ ɔɔɔɔ amú ɔɔɔɔ, < < Mli mú a, Bulu laha mli ɔkpa ɔɔɔɔ, mlibi mu iwiegyi amu iwi asun ɔainhe. Tame nde aha bamba asun bla ayebisu,

12 < Meni bówun lawun,
tame buméebi mú.

Bónu lanu,
tame bumóonu mú asɔ.

Ni megyi alɔ tɛkɔ bédamli kluntɔ,
Bulu obési amú lakpan kie amú. > > >

Atɔ-abi Owunypu Yebi Amu Asɔ

(Mateo 13:18-23; Luka 8:11-15)

13 Mvu Yesu ľefite amú ɔbee, < < Nt mlmonu yebi anft ası a, mú nkali mlóbwę asa mlónu trahe féé ası? **14** Atɔ-abi amuv owunyapu amu dewunya amu gyi Bulu asun amu. **15** Abi amuv ulɔwuli ɔkpasu amu gyi aha amuv benya nu Bulu asun amu alı ɔbunsam labelę mú le amú kluntɔ natı amu. **16** Abi amuv ulɔwuli abutasu amu gyi aha amuv bonu asun amu pe, baho mú ansigyisu, **17** tame unıá buma nlin su a, asun amu itamatsia amúto yɔ. Mú su nt budın amúsu nte iwıɔsun ku itu amú asun amu su a, unuv butedıda. **18** Abi amuv ulɔwuli awuto amu gyi aha amuv bonu asun amu a, baho mú, **19** tame ɔyi anftɔ atohianhe iwı gywun, pu múto atonyahe iwı ɔnsipe tegyi asun amuvu. Inı su butamaswie abi. **20** Abi amuv ulɔwuli ɔsulv wanklaansu amu gyi aha amuv bonu asun amu a, butegyi músu. Inı su iteha butɔbwę yile fe alıá atɔ-abi amu loswie, ıku advasa (30), ıku aduesie (60), ıku ę lafa (100) amu. > >

ɔkandıe lwı Yebi

(Luka 8:16-18)

21 Yesu ľefite amú ɔbee, < < Butonywe ɔkandıe pu ɔlɔ bun músu, nte puwa mpa ayası? Megyi ɔfvakpa butɔpubian? **22** Tɔto ma unvá ibéɣain, uméelun ɔwan. Asun ɣainhe kuku ę uma unvá buméebi mú.

23 ɔhagyıɔha ání ɔbu asu onu! > >

24 Mvu ɔleblı ɔbee, < < Mlıyaa asu wanklaan mlı asun-nuto. Itɔá mlópususu ha mlı aba a, mú ken Bulu ɔbópususu mú wanklaan, lapu ıku tsia múto ha mlı nt. **25** Tsufe ɔha ání odekleá obónu mı atosunahe amu ası a, Bulu ɔbópu ıku tsia múto ha mv. Tame ɔha ání omedekleá obónu mú ası a, Bulu ɔbóswu mv kpalobi amuv alabı amu kuraa. > >

Oyi-ibiá lɔɔdan lwı Asun

26 Yesu letra bli ɔbɛɛ, < < Bulu iwiegyi amu igyi fe alia ɔha todɔ oyi-ibi mu ndɔtɔ. **27** Nɛ owi ita a, ɔha amu tekledɛ. Nɛ ɔyi ike a, ɔtelakusu, tame omeyin alia itɔbwe asa oyi-ibi amu itɔkwe dan. **28** Osulu onuto teha mɔ tɔkwe. Itegyankpa le ate, wa ntswitswi, asa itɔbɔbwe abi onuto. **29** Tame ayo amu inya bli pe, ɔɔɔpu amu latsu mu ɔdayi ɔyetun mɔ, tsufe mɔ tunbi lafun. > >

Takyi-akpin Ibi Yebi

(Mateo 13:31-32, 34; Luka 13:18-19)

30 Inu Yesu lefite ɔbɛɛ, < < Nto Bulu iwiegyi amu lehan? Nte yebi mɔmu nɔpusuna alia igyi? **31** Igyi fe takyi-akpin ibi. Mɔgyi tukuriibi nyi-abito fee ni. **32** Tame ni idan a, itɔbwe ifa fuahe dun ifa kugyiku. Mɔ abambi tekpikli, mbubwi butogyonka mɔ asi. > >

33 Oletsia pu ayebi anfi odu tsɔtsɔtsɔ suna amɔ atɔ, yɔfun alia aha amu betali nu mɔ asi. **34** Omɛbla amɔ asun kukua imegyi ayebi ɔlɔputɔ. Tame ni isi muva mu akasipu nkule a, ɔtele togyito asi.

Atsufu Asiba

(Mateo 8:23-27; Luka 8:22-25)

35 Ali eke amu ntupwesɔ a, Yesu lebla mu akasipu ɔbɛɛ, < < Mliha afa Galilea ɔpu yɔ mɔ ɔbun! > > **36** Muɔ bowie ɔkluntɔ, akasipu amu bepla mɔ, benati si ɔɔm amu. Nklun bamba ku e lobuo amɔ. **37** Afu kpɔnkpɔnkpɔnti ku lɔwa tsun bi. Mɔ su ntsu deda wie ɔklun amutɔ, idekle ime. **38** Tame Yesu mɔ nɛlin sumuesɔ ɔklun amu ɔma ɔdedidi. Akasipu amu betsinki mu. Muɔ befitɛ mu beɛ, < < Osunapu, unia anɛde ntsu wie a, fumotsu kuku le muto? > >

39 Inu Yesu lɔkusu le ɔno wa afu amu, ɔlebla ɔpu amu ɔbɛɛ, < < Kpa ɔno bun! Di diin! > > Inu afu amu lesi tsun, unu fee lolua.

Jesus orders a storm to stop|DN00435b.tif|span|MRK4:36-41|Darwin
Dunham, United Bible Societies, Nairobi|Yesu lɔkusu lɛ ɔnɔ wa afu
amu.|Marko 4:39 40 Mvu ɔlɛfite amú ɔbɛɛ, < < Ntogyi su mlɛde ifu
nya alɪ? Mlɪmá hogyi? > >

41 Ifu lɛhɛ kɪta amú, bɛfite aba bɛɛ, < < Nyankpusa ɔmɔmu nɪ, afu
mva ntsu kura tonu mu ɔmɛ alɪ? > >

5

Proofread 30-06-09

Ɔɲɛ Lalahe Gya Lɛ Ogbedepɔɔ

(Mateo 8:28-34; Luka 8:26-39)

1 Brɛá Yesu mva mu akasɪpu amu bowie Galilea ɔpu amu ɔbɪn
Gerasɛfɔ^a ɔsulusu a, 2 olenya kplɪ dalɪ ɔklɔntɔ alɪ, oyin ɔkɔá ɔɲɛ
lalahe bu mutɔ lɛdalɪ tsu afuli opulakpa bɛfia mu. 3 Oyin anfi lapu
afuli opulakpa unu bwe mu otsiakpa. Ɖhɛ ɔbu ɪyɪn. Mú su ɔhaa
tamatra talɪ bwe mu otsia diin, nte wa mu ɪkan. 4 Tsufe tɛkɪ betsia
wa mu ayabi pú mu ɪbɪ ɪkan, tamɛ oletsia tɪn mú, biabia ɪkan amu
tsalɪfwɪ. Ɖhaa ɛ má ɔwɔnlɪn ání ɔbétalɪ pɔn mu. 5 Ekekegyiɛke ɔpa
múa onye féé a, ɔbu afuli opulakpa unu múa abusɔ, ɔde okitikiti;
ɔdepu abwi tsantsan ɪwɪ.

6 Olenya wun Yesu sɪsɪ alɪ, ɔlɛsɪ yɛda akpawunu mu ayabitɔ.
7 Mvu ɔlɔsura okitikiti kuklɔkɔsɔ ɔbɛɛ, < < Ɖsusɔsɔ Bulu mu Bi
Yesu, amansu igyi? Tanu Bulu ání fɔmɛ́ɛpɪtɪ mɪ atɔ! > > 8 Ɖlɛblɪ
asun anfi, tsufe Yesu lɛbla mu ɔbɛɛ, < < Ɖɲɛ lalahe, dalɪ oyin
anfitɔ. > >

^a5:1 *Gadarafɔ* bu nwɔlvɔ dada amu akɔtɔ.

9 Inu Yesu lefitε mu ɔβεε, < <Nkalı buteti fu? > >
Olele mύ ɔnɔ ɔβεε, < <Mi ida gyi, <Ɔɔm>, tsufe anihie anı
tsɔ.> > **10** Inu ɔɛ lalahe amu behie kokoli mu bee, ɔmagya amú le
Gerasefo ɔsulɔ amusu.

11 Mprakuo tsɔtsɔɔtsɔ aku budegyi okuku kusɔ unu fun. **12** Ɔɛ
lalahe amu bokokoli mu bee, ɔha amú abuyowie mprakuo amuto.

13 Musu ɔleha amú ɔkpa. Bedalı oyin amuto yowie mprakuoá bóbwe
fe mpum-anyɔɔ (2,000). Amú féé besrı kplı okuku amu wie ɔpu
amuto wuwu.

14 Mprakuo amu akpapu besrı yebli asun anfi ulaba anfi awulusu pú
nkudası féé. Aha bedalı bee, beba bekı tɔá ulaba. **15** Breá beba bowie
Yesu wa a, bowun ání oyin amusu ɔɛ lalahe betsia muto amu ansıɔ
ladı, alawa atadie otsie. Uɔwa amú ifu. **16** Aha amusu bowun tɔá uleba
oyin amusu teki ɔɛ lalahe tsie muto amu pú mprakuo amusu amu
bebla amú tɔá ulaba féé.

17 Inu bokokoli Yesu bee, ɔdalı amú ɔsulɔsu.

18 Breá olowie ɔklun amuto a, oyin amusu teki ɔɛ lalahe tsie muto
amu lokokoli mu ɔβεε, ɔha amubuo mu natı.

19 Tame Yesu meha mu ɔkpa. Mboun ɔlebla mu ɔβεε, < <Yinki yɔ
fu apio wa woyıɔ, afuyebli amú ıɔ yileá anı Wie Bulu labwe ha fu,
pu alıá alawun fu nwe.> >

20 Mú su oyin amu lenatı tsuntsun, ɔde itoyile amusu Yesu labwe ha
mu amu blı Dekapoli^b awulu amu féétɔ. Ɔnɔ lobwie aha amu féé.

Ɔhandε Ɔku Mu Bi Mva Ɔtsı Ɔku Uɔ Tsa

(Mateo 9:18-26; Luka 8:40-56)

^b**5:20** Dekapoli ası gyi awulu du.

21 Yesu lɛla fa ɔpu amu yɔ mú ɔbɪn. Brɛá ɔbu ɔpu ɔnɔ unu a, ɔdɔm kpɔnkpɔnkpɔntɪ bɛba bobomli mu. **22** Inu Yudafo ofiakpa ɔhandɛ ɔkuá butɛti mu Yairo lɛba unu. Brɛá olowun Yesu a, ɔlɛda akpawunu mu ayabitɔ, **23** kokoli mu ɔbɛɛ, < < Mɪ bi tsihɛ dewu. Ba afubɔpu ibɪ dɪnka musu, mu awutɔ iwa mu ɔnlɪn, onya nkpa. > >

24 Muu mua Yesu benatɪ bɔyɔ a. ɔdɔm kpɔnkpɔnkpɔntɪ bekpla buo mu, kpa puta mu.

25 ɔtsɪ ɔku ɛ bu aha amutɔ, obugya dɛ mu wulɪ nfi duanyɔ nɪ.

26 Alahɛ wun ipian ulɔ atsapu tsɔtsɔtsɔ ibitɔ, hulɪ mu iwɪsu atɔ fɛ́ɛ, tamɛ ulɔ amu umɛkala bwe mu. Iyɪn idɛwa tsia. **27** Brɛá ɔtsɪ anfi lonu Yesu nka a, ɔlɔtsun yɔ mu ɔma, fifitiwie ɔdɔm amutɔ yɔpu ibɪ da Yesu atadiɛ. **28** Tsufɛ ɔlɛbli wa mu nwuntɔ ɔbɛɛ, < < Nɪ nɔpu ibɪ da mu atadiɛ kpan a, ulɔ amu ibɛsi mɪ. > >

29 Olenya pu ibɪ da mu atadiɛ amu alɪ, obugya amu lɛka itin. Olonu mú nka mu awutɔ́á ulɔ amu lasi mu. **30** Inu Yesu lonu mú nka mu awutɔ mu ɛ ání ɔɲɛ ku ladali mutɔ. Inunu ɔlɛdamli kɪ ɔdɔm amu, ɔlɛfite amú ɔbɛɛ, < < Ma lapu ibɪ da mɪ atadiɛ? > >

31 Muu mu akasɪpu amu bɛfite mu bɛɛ, < < Fu onuto fawun ání ɔdɔm bakpa puta fu. Muu futra fudɛfite fɛɛ, < Ma lapu ibɪ da mɪ? > >

32 Yesu lɔwa ansɪ kɪ amúɔ́tɔ fɛ́ɛ, ɔdɛ ɔha ání ɔlɔpu ibɪ da mu dɪnka.

33 Ifu lɛkɪta ɔtsɪ amu. Mú su ɔlɔwa kpunkɪ kpakpakpakpa bɪ, tsufɛ oyin tɔ́á alanya. Inu ɔlɛba bɛda akpawunu Yesu ayabitɔ, bla mu ɔnɔkwali amu fɛ́ɛ. **34** Yesu lɛbla mu ɔbɛɛ, < < Mɪ bi, fu hogyi laho fu nkpa. Natɪ iwɪlwiitɔ. Fu ulɔ amu ita. > >

35 Brɛá Yesu bu músu ɔdɛtɔ a, aha aku botsu ofiakpa ɔhandɛ amu woyitɔ ba bɛbla mu bɛɛ, < < ɔhandɛ, fu bi tsihɛ amu ɔdikpa mɔwa alɛ. Mátepi tra wa osunapu tɔɪ. > >

36 Yesu mækpla asun amuv budebli amv. Mboun ðlebla mv ðbee,
 < < Mánya ifu. Fv mύ hogyi wule. > > **37** ðmeha ðhaa ðkpa obuο mv
 ðvn Petro pύ Yakobo mua mv pio Yohane nkule. **38** Breá bowie
 ðhande amv woyitɔ a, Yesu lowun ání aha babula unv, budesu, bude
 okitikiti. **39** Olowie unv fite amύ ðbee, < < Ntogyi sv mlide ipian
 wun, mlide okitikiti alí? Otsibi amv mækuvu, ðíðí ðde. > >
40 Aha amv bɔmɔsɪ mv. Muv olegya amύ féé ðalɪ ba wunsine,
 ðlekpa obi amv akwupv pύ mv akasɪv amuv bubuo mv amv
 bebitiwie obu amuv otsibi amv da mύtɔ amvɔ. **41** Inu ðlekɪta otsibi
 amv ɪbɪ, bla mv amύ ðblɪtɔ ðbee, < < Talita kuum! > > (Mύ asɪ gyi,
 < < Obitebi, kusv! > >)
42 Inuvu ðlɔkusv ðna. (Otsibi amv lahɔ nfi duanyɔ.) Ilobwie aha
 amv féé ðnɔ dafa. **43** Muv ðleda amύ ðla kinkiinkin ðbee, bumábla
 ðhaa asun anfi. Inu ðlebla amύ ðbee, buha kebi amv atɔ ogyi.

6

Proofread 30-06-09

Bumɔhɔ Yesu Mv Wuluto

(Mateo 13:53-58; Luka 4:16-30)

1 Yesu mua mv akasɪv beðalɪ ðmá amvɔ yinki yɔ mv wuluto.
2 ðkpunv ððake lenya fun alɪ ðlɔyɔ ðde atɔ suna Yudafo ofiakpa. Mv
 atosunahe leha ðnɔ lobwie aha tsɔtsɔɔtsɔá bonu mύ. Mύ sv befitɛ aba
 bee, < < Nkunv olenya nyansa mύa ofulabwe tumi anfi ε tsu?
3 Megyi atɔ osrepv amv nɪ. Megyi mv yin gyi Maria, mv apio yinhe
 gyi Yakobo, Yosef, Yuda pύ Simon? Ye anɪa mv apio tshe ε tsie nfi
 a? > > Benya ðblo musv.
4 Yesu lebla amύ ðbee, < < Aha butobu Bulu ðnɔsv ðtɔɪv

ɔtinegyiɔtine. Tame mu wulutofo, mu abusuanfo pu mu woyito aha mu butamabu mu. > >

5 Inia bumcho mu gyi su a, metali bwe ofula kuku, dun aha kpalobi akusu ɔɔpu ibi dinka tsa amu ɔɔ. 6 ɔɔwa mu ifu ani bumcho mu gyi.

Akasipu Duanyo Amu Sumbiwa

(Mateo 10:5-15; Luka 9:1-6)

Yesu leki nkuda ani ibi bomli unu asi, ɔde ato suna. 7 Inu ɔleti akasipu duanyo amu ba mu iwi wa. Muu ɔɔwa amu sumbi abanyo-abanyo. ɔleha amu tumia bɔpugyi ne lalahesu. 8 ɔɔda amu ɔɔ ɔɔɔ, < < Mlimatsu toto kita yo ɔkpa amu, dun mli oyi yiahe! Mlimatsu atogyihe nte akpankogyo, nte kɔba kita! 9 Mliwa ntukuta, tame mlimatsu atadie nyosi kita! 10 Woyigiyoyia mlɔswu mutɔ a, mlɔsia unu yɔfun brea mledali wulu amuto. 11 Ni mloyo wulu kusu, bumcho mli nte bumeklea bonu mli atosunahe, mliɔɔɔɔɔ mutɔ mloyo a, mlikpakpa mli ayabito-isi wuli unu, isuna ani bumebi bwe. > >

12 Mu su boyo yeda asun amu ɔkan bee, aha budamli klunto. 13 Begya ne lalahɔ tsɔtsɔtsɔ le ahato, bekpa alɔpu tsɔtsɔtsɔ e ofobi, tsa amu ɔɔ.

Asu ɔɔpu Yohane Lowu

(Mateo 14:1-12; Luka 9:7-9)

14 Galilea masu ogyipu Herode lonu Yesu iwi asun anfi, tsufe mu idayile de ɔtinegyiɔtine. Aku buɔɔɔ bee, < < Asu ɔɔpu Yohane lakusu tsu afulito. Mu su ɔde ofula anfi odu bwe ni. > >

15 Tame aku e bee, < < Bulu ɔɔsu ɔɔpu dada Elia ni. > > Aku e bee, < < Bulu ɔɔsu atɔpu dada amuto ɔku ni. > >

16 Bréá Herode lonu asun amu a, ɔleblɪ ɔbɛɛ, < <Yohane amuv nɛha bɛtɪn amu latsinki tsu afulitɔ. > > **17-18** Herode leha bɛkɪta Yohane wa mu ɪkan, wa mu obu. Tsufɛ oletsia bla Herode ɔbɛɛ, mbla mɛha ɔkpa ání obétsia mu pio Filipino mu ka Herodia amuv otsia amu.

19 Mú su Herodia lɔhɔ Yohane asun wa ɪwɪtɔ. ɔlobwɛ agywɪn ání ɔbómɔ mu, tamɛ ɔmetali, tsufɛ Herode mɛha mú ɔkpa. **20** Herode yin ání Yohane asun da ɔkpa, ogyi ɔha wankɪhɛ. Mú su olenya mu ifu, ɔlekɪ musu wanklaan ání tɔtɔ móɔbwɛ mu. Iɔu mótɔá Yohane asun blɪhɛ tɛhan Herode, tamɛ otekɪle mú nu.

21 Tɔá Herodia dedunka lɛba mótɔ ha mu. ɛkɛ ɔkɪvá Herode dɛ mu ɔkwukɛ gyi a, ɔlɔtswɪ ɔpɔnɔ, tɪ ahandɛ, ɪsa akɔpu dɛhɛn pú Galileafɔ ahandɛ ba atɔ amu ogyikpa. **22** Bréá Herodia mu bi tsɪhɛ lobowie ɔbuntɔ tsa a, ɪlɔwa Herode mua ahandɛ amu féé ansigyɪ. Herode lɛbla mu ɔbɛɛ, < <Fɪtɛ mɪ togyitɔá fudekle, néha fu. > > **23** Iɔu ɔlekɪ ntam ha mu ɔbɛɛ, < <Néha fu togyitɔá fɛfɪtɛ mɪ. Nɪ igyɪ mɪ iwie ogyikpa ɪfɔn kɪraa. > >

24 Otsibi amu lɛdali yɛfɪtɛ mu yin ɔbɛɛ, < <Ntɔ nfɪtɛ? > > Mu yin lɛbla mu ɔbɛɛ, < <Fɪtɛ Asu ɔbɔpu Yohane nwun. > >

25 ɔsasɔ otsibi amu lɛba bɛbla Herode ɔbɛɛ, < <Ndekɪléá fɔpu Asu ɔbɔpu Yohane nwun dɪnka ɪlɪnsu ha mɪ sɛsɛɛsɛɪ. > >

26 Asun anfi lɛhɪɛ han owie amu, tamɛ mu ntam amuv ɔlekɪ, pú aha amuv bubu ɪnɔ amu su omekɪléá ɔbótɔn ntam amu. **27** Iɔnɔnɔ ɔlɔwa mu aha ɔtɪnpɔ ɔbɛɛ, ɔyɛtɪn Yohane nwun ba mu. ɔlɔyɔ yɛtɪn Yohane nwun obu ɔdɪkpa ɪnɔ. **28** Musu ɔlɔpu nwun amu dɪnka ɪlɪnsu ba otsibi amu, mu ɛ ɔlɔpɪya mu yin Herodia. **29** Bréá Yohane akasɪpu bonu asun anfi a, bɛba botsu mu satin yopula.

Aha Mpɪm-nu Atogyihɛ Ha

(Mateo 14:13-21; Luka 9:10-17; Yohane 6:1-14)

30 Yesu sumbi ayɔpu amu beyinki ba bebla mu tɔ́á bayɔbwe pú mɔ́á bayosuna féé. **31** Mú ɔma a, aha buna amú wa alu, bumenya ɔkpa gyi ato kuraa. Mú su ɔlebla amú ɔbeé, < < Mliha ayɔ itsetɔ fléen, ayɛda ɔkpɔnu. > > **32** lnu bowie ɔkluntɔ, pu ɔkpa bɔyɔ itsetɔ ɔtineku.

33 Tame aha tsɔtsɔtsɔ bowun amú, bi ɔtineá bɔyɔ. Mú su botsu awulu amu féésu, tsii ɔsɔ gyankpa yowie ɔtine amuv Yesu aná bɔyɔ amu. **34** Breá Yesu lekpli dalɔ ɔklun amutɔ, wun ɔɔm kpɔnkpɔɔnkpɔntɔ amu a, amú asun lɔwa mu nwe, tsufe bugyi fé akufa ání buma ɔkparɔ. Mú su olosuna amú ato tsɔtsɔtsɔ. **35** Owi lɔpɔn a, akasɔpu amu beba mu wa bebla mu beé, < < Itsetɔ nfi gyi, owi é lata. **36** Ha amú abuyɔ nkuda mɔ́a awuluá ibu bomli nfi asɔ yodunka tɔku gyi. > >

37 Tame Yesu lelé mú ɔnɔ ɔbeé, < < Mliɔdunka ato ha amú abugyi. > >

Muv befitɛ mu beé, < < Abétalɔ nya sika^c hɔ ato ha aha anfi féé bégyi? > >

38 Yesu lefitɛ amú ɔbeé, < < Bodobodo apin afɔnɔ mliɔbu? Mliɔyɔ amlɔyekɔ! > >

Beyinki bebla mu beé, < < Bodobodo apin anu pú ntsutso iye bwahe anyɔ bu unu. > >

39 Yesu lebla amú ɔbeé, < < Mliha amú abutsiatsia ifa bɔbwe amuvu. > > **40** Betsia asɔ akusu-akusu, aku lafa (100), aku é aduenu (50). **41** lnu olotsu bodobodo anu pú ntsutso iye bwahe anyɔ amu. Muv olotsu ansɔ fua kɔ ɔsuvu, ɔléda Bulu ɔpan. lnu olebiabia

^c6:37 Sika anfi igyi sika fututu lafanyɔ (200), igyi ɔha nke lafanyɔ (200) ikɔka.

bodobodo amu ha mu akasipu amu ɔbɛɛ, buye ha amú. Oleye iye bwahe anyɔ amu ɛ ha amú, bɔpuha aha amu. 42 Amú fée begyi mwe sian. 43 Akasipu amu bɔtɔsi bodobodo múa iye sianhe amu a, ɔlobula alakpa duanyɔ. 44 Ayin ání begyi atɔ amu nkule bugyi mpum-nu (5,000).

Ɔpusu Natɪ

(Mateo 14:22-33; Yohane 6:15-21)

45 Benya gyi atɔ amu ta alɪ, Yesu lebla akasipu amu ɔbɛɛ, buwie ɔkluntɔ abugyankpa fa ɔpu amu yɔ Betsaida wulutɔ. Mu mú olesin ɔma si ɔdɔm amu ɔkpa. 46 Bréá olesi amú ɔkpa ta a, ɔlɔdu yɔ ibusu yɔbɔ mpai. 47 Bréá owi leta, ɔklun amu lawie ntsu nsune a, ilesi Yesu nkule ibu amusu. 48 Inu olowun ání ɔklun amu pla de ɔnlun wa wa akasipu amu, tsufe afu kpɔnkpɔntɪ detsun fia amú. Bake-bake a, Yesu lenatɪ ntsu amusu ayabitɔ buo amú, odekle ɔtsun amúsu. 49 Tame bréá bowun mu a, bukɪ bɛɛ fuli ogyi. Mú su bɔsura okitikiti. 50 Opuni letsii amú fée.

Tame ɔlɔwa ɔsa bla amú ɔbɛɛ, < < Mɪwa klun. Mɪ nɪ, mɪmánya ifu. > > 51 Mus ɔlɔdu wie ɔklun amutɔ, afu amu leka itin a. Asun anfi lɔwa amú wanwan. 52 Amú kluntɔ-odwin su bumɔkunya nu bodobodo ɪwɪ asun amu asɪ.

Genesaretɔ Alɔpu Tsa

(Mateo 14:34-36)

53 Yesu mua amúnyɔ befa ɔpu amu yesi Genesaret otsubunɔ, bɔwa ɔfe kita ɔklun amu. 54 Benya kplɪ dalɪ ɔklun amutɔ alɪ aha bowun Yesu, bɪ mu ɔtsawule pe. 55 Mú su besɪ yotsu amú alɔpu sura akpasu, tsu ntune-ntune bɔtu mu inu. 56 Ɔtinegyiɔtineá Yesu lɔyɔ, igyi

wuluto nte akuda o a, bɔpu amú alɔpu bɔtswi brɔnusu, kokoli mu bɛɛ,
ɔha alɔpu amu abupu ibi da mu atadie ɔdanu kpan. Amúá bɔpu ibi da
mú fée benya ɔlɔtsa.

7

Proofread 30-06-09

Atitifo Amandie

(Mateo 15:1-9)

1 Farisifo pú Mose mbla asunapu aku botsu Yerusalem ba befia
Yesu wa. 2 Muu bowun ání mu akasipu amu aku bumɔfwɔ ibi
amandie ɔkpasu asa bude ato gyi.

3 (Tsufe Yudafo, titriu Farisifo bumɔkusi amú anain amandieto. Mú
su nɔ bumɔkufwɔ ibi amandie ɔkpasu a, butamagyi ato. 4 Alɔ ken nɔ
bumɔkugyura iwɔ a, butamagyi tɔá bɔputsua biasu ba nɔ. Amandie
bamba ku aná ɛ bu unu, butra bude móto tsu nwe-nun-ntsu, nló pú
nlanka iwɔ.)

5 Mú su amúá Mose mbla asunapu befiɛ Yesu bɛɛ, < < Ntogyi su fu
akasipu amu butamagyi anɔ anain amandiesu, bumɔfwɔ ibi amandie
ɔkpasu asa abugyi ato? > >

6 Yesu lele mú ɔno ɔbɛɛ, < < Ɔnɔkwali Bulu ɔnɔsu ɔtoɔpu Yesaia
lebli tswi tsu mli apinabwebi abwepu anfi iwɔ ɔbɛɛ,

< Aha anfi budepu amú ɔno bu mɔ,
tame amú klɔn bu ifo mɔ wa.

7 Kpaali bude mɔ sum,
tsufe basi Bulu mbla tswi,
yɔ bude anyankpɔsa mbla suna. >

8 < < Mlɔlasi Bulu mbla amu tswi, mliɛ mli anain amandieto. > >

9 Inu ɔlebla amú ɔbeɛ, < < Mlilapina si Bulu mbla amu tswi nyansato, mení mlégyi mli onuto amandiesu. 10 Tsufe Mose lɔwanlɔn wa Bulu mbla amuto ɔbeɛ, < Bu fu si múa fu yin. > ɔletra wanlɔn ɔbeɛ, < Ni ɔku lebli asukpan tsu mu si nte mu yin iwi a, bumɔ mu. > 11 Tame mli mú mliaa, ɔha ɔbétaɔi bla mu si nte mu yin ɔbeɛ, < Tɔá tekɔ nópɔha fu a, napɔbwe Koban. >^d 12 Mlilaha aha bumede tɔto bwe ha amú akwɔpu. 13 Mli anain amandie su mlitra mlumede Bulu mblasu gyi. Ntobi tsɔtsɔtsɔ ε bu inuá mlitra mlidebwe tsia unto. > >

Tɔá Itɔkpɔi ɔha Bulu Ansito

(Mateo 15:10-20)

14 Yesu letra ti ɔɔɔm amu ba mu iwi wa, ɔlebla amú ɔbeɛ, < < Mli féé mliyaa asu amlɔnu unɔ asɔ! 15-16 Megyi tɔá ɔha tegyi tɔkpɔi mu Bulu ansito. Mboun múa itedali tsu mu ɔno.^e > >

17 Breá ɔlenati si ɔɔɔm amu yo woyito a, mu akasɔpu amu befite mu yebi anfi asɔ. 18 ɔlele mú ɔno ɔbeɛ, < < Mli ε mlitamanu asun asɔ? Mlumeyin ání tɔá itowie ɔha ɔno tamakpɔi mu Bulu ansito? 19 Tsufe megyi mu klɔntɔ itowie, mboun mu iputo itowie, ɔteyele mú wa ɔkpɔntɔ. > > (Yesu lele múto pusuna ání atogyihe kugyiku iwi letɔn.)

20 Inu ɔlebla amú ɔbeɛ, < < Tɔá itedali tsu ɔha klɔntɔ tɔkpɔi mu Bulu ansito. 21 Tsufe ɔha klɔntɔ agywɔn lalahe kugyiku tedali tsu. Múteha mu ɔtɔwa atsi múa ayin asun, otowi atɔ, ɔtɔmɔ ɔha, ɔtɔto mbua, 22 ɔtɔwa ɔnsɔpe, ɔtɔbwe lalahe, ɔtemle aha, ɔtɔwa hakpan, ɔtɔwa olu, otetsii ɔha, ototsu iwi, ɔtɔbwe mimlala. 23 ɔha klɔntɔ, atɔ

^d7:11 *Koban* asɔ gyi, napukie Bulu.

^e7:16 Múto ye 16 bu nwulɔ dada amu akuto: *ɔhagyicha ání ɔbu asu, onu!*

lalahe anfi féé tedali tsu. Mútákpáí mu ní. > >

Ọtsí Ọkúá Omegyi Yudayin Hogyi

(Mateo 15:21-28)

24 Yesu lenatí unu yó Tiro nsaintó, ọlọyọswu woyi kútó. Omedekle ọbée aha búbíá maba unu, tamé ọmetalí nǵain mu ıwı. **25** Ọ́nẹ lalahe bú ọtsí ọkú mu bi tsíhétó. Olenya nu Yesu nka alı, ọlọwa ọsa bẹda akpawunu mu ayabító. **26** Grikıyintse ọtsí anfi gyi. Bọkwu mu Siro Foenike ọsulusu. Olokokoli Yesu ọbée, ogya ọ́nẹ lalahe amu le mu bi amútó. **27** Tamé Yesu lebla mu ọbée, < <Ha nyebi amu abumwe asa, tsufe uma aláá fọ́swu nyebi atogyihe púha akıai. > >

28 Ọtsí amu lele mú ọ́nó ọbée, < <Owie, ıbu mútó alı, tamé akıai áńı buda ọ́punu amu ası é butegyi nyebi atogyihe mpupubıá ıtekpakpa bun amú ọ́punvası. > >

29 Múu Yesu lebla mu ọbée, < <Fabı le mú ọ́nó. Mú su natı, ọ́nẹ lalahe amu ladalı fu bi tsíhe amútó. > >

30 Bréá ọtsí amu lọyọ woyıtó a, olowun áńı ọ́nẹ lalahe amu ladalı mu bi amútó, alasi ọda mpasu.

Isutin Ọkúá Ọtamató Wanklaan Tsa

31 Yesu lenatí Tiro unu yó Sidon yobomli kplı ba Dekapoli^f awulu amu nsaintó asa ọ́lẹladu yó Galilea ọ́pú ọ́nó. **32** Bọ́pú isutin ọkú ba mu, ọtamatalı tıı wanklaan. Bokokoli mu bée, ọ́pú ıbı dıńka musu. **33** Múu ọ́lekpa oyin amu ya ıfuntó, pú mu asrebi wa oyin amu asútó, olotu atsunó dıńka mu osrebısu, puda oyin amu ọdandusu. **34** ınu olotsu ansı fua kı ọ́susı, ıun ọ́nẹ fu. Múu ọ́leblı ọbée, < <Hefata. > > Hebri ọ́blıtó. Mú ası gyi, < <Finki. > >

^f7:31 Dekapoli ası gyi awulu du.

35 Ịnunu mu asu lefinki, mu ɔdandu e lesanki; ɔlɔtɔi wanklaan.
36 Muu Yesu leda aha amu ɔla kpakpaakpa ɔbee, bumábla ɔhaa.
Tame tse dudubudvá ɔleda amú ɔla a, alɔ ken beda asun amu ɔkan nɔ.
37 Ono lehie bwie amú, bebli bee, < < Alabwe togyito wanklaan.
Alaha asutin buɔe asun nu, amumu e buɔetɔi. > >

8

Proofread 30-06-09

Aha Mpum-na Atogyihe Ha

(Mateo 15:32-39)

1 Nke amuto a, ɔɔm kpɔnkpɔnkpɔnti beta befia Yesu wa. Amú atogyihe leta. Mú su Yesu leti mu akasipu, bla amú ɔbee, 2 < < Aha anfi asun de mi nwe wa. Nde eke sasi ɔpá bubuo mi. Butra buma tɔtɔá bégyi. 3 Nɔ néha amú bɔpu akun nati bɔyo woyi a, ansitɔ béyebi amú ɔkpatɔ, tsufe amúto aku ɔkpa bu ifɔ. > >

4 Muu akasipu amu befite mu bee, < < Nkunu abénya atogyihe ha aha anfi féé bégyi mwe dimbi anfisɔ. > >

5 Yesu lefite amú ɔbee, < < Bodobodo afini mlibu? > >

Bele mú ɔnɔ bee, < < Asienɔ. > >

6 Yesu leha ɔɔm amu betsia ɔsuluto. Muu olotsu bodobodo asienɔ amu, da Bulu ɔpan, olebiabia múto ha akasipu amu beye mú ha amú.

7 Bubɔ ntsutso iye bwahɛ kpalobi ku e. Yesu loyula músɔ, ɔlɔpu mú e ha akasipu amu beye ha amú. 8 Amú féé begyi mwe. Akasipu amu bɔtɔsi isianhe bula alakpa yile asienɔ. 9 Aha amu bóbwe fe mpum-na (4,000), Yesu lesi amú ɔkpa. 10 Ịnunu mua mu akasipu bɔɔu wie ɔklunto ba Dalmanutafɔ ɔsulusu.

Farisifo Bodunka Ofula

(Mateo 12:38-42; 16:1-4)

11 Farisifo bonuá Yesu laba unu, beba bude mu asun fite. Bebla mu bee, obwe osuna pusuna amú ání lele otsu Bulu wa. **12** Yesu lolun oje fu. Muu jlefite amú obee, < < Ntogyi su mli ndemba-abi mlide osuna dunka amliwun? Mbla mli onkwali. Mmóobwe osuna kuvu suna mli! > >

13 Inu olenati si amú yo du wie oklonto, fa opu amu yo mú obin.

Farisifo Pú Owie Herode Bodobodotu-afa

(Mateo 16:5-12)

14 Yesu akasipu amu bumekain tsu bodobodo kita. Ipin kule pe bu oklun amuto. **15** Breá budin ntsu amusu boyo a, Yesu leda amú ola obee, < < Mliki wanklaan Farisifo pú omasu ogyipu Herode bodobodotu-afasu. > >

16 Akasipu amu befite aba bee, < < Bodobodo amuu anumedu amu su ode asun anfi bli loo? > >

17 Yesu lonu asun ání budebli. Muu jlefite amú obee, < < Ntogyi su mlidebli mliaa, mlimedu bodobodo? Mú su uklonto bu mli odwin mli e? **18** Mli ansibi tamawun ato, mli asu e tamanu asun? Mlitamakain asunsu? **19** Breá neye bodobodo apin anu ha aha mpum-nu (5,000) a, isianhe alakpa afinu mlilotosi? > >

Bele mú onó bee, < < Duanyo. > >

20 < < Bodobodo apin asieno amuu neye ha aha mpum-na amu e me, isianhe alakpa yile afinu mlilotosi? > >

Bele mú onó bee, < < Asieno. > >

21 Inu Yesu lefite amú obee, < < Imokuwanki mli ki? > >

Ansibi Obwiepu Oku Ansibi Bwii

22 Yesu mua mu akasipu beba Betsaida wuluto. Aha aku bekpa ansibi obwiepu oku ba. Bobwii ipa ha mu bee, opu ibi da mu, otsa mu ulo. **23** Yesu lekita ansibi obwiepu amu ibi, kpa mu dali wulu amuto. Inu olotu atsuno dinka oyin amu ansibisu, pu ibi dinka musu. Muu cleftite mu obee, < <Fude ato wun?> >

24 Ansibi obwiepu amu lotsu nwun fua ki, cleftli obee, < <Nde anyankpusa wun, tame bugyi fe nyi buna.> >

25 Inu Yesu letra pu ibi dinka mu ansibisu. Oyin amu lobwii ansibi ki a, mu ansibi lawa ale, ode togyito wun wanklaan ngya. **26** Yesu leyinkia mu sisi woyito obee, < <Nati laa yo woyi. Matepi wie wulu amuto kuraa.> >

Oha Ání Yesu Gyi

(Mateo 16:13-20; Luka 9:18-21)

27 Yesu mua mu akasipu amu benati inu boyo Kaesarea Filipi awulusu. Breá buna okpato a, cleftite amú obee, < <Ma aha bee ngyi?> >

28 Bele mú oko bee, < <Aku bee, fugyi Asu Obopu Yohane. Aku bee, Bulu onosu otapu Elia. Aku e bee, Bulu onosu atapu amuto oku.> >

29 Muu cleftite amú obee, < <Mli e me? Mliaa, mugyi ma?> >
Petro lele mú oko obee, < <Fugyi Kristo, (oha amuu Bulu lada mu ofuli amu) ni.> >

30 Inu cleda amú obee, < <Mlimábla ohaa mi iwi asun anfi.> >

Yesu lwuosin Pú Mu Lowu lwi Asun Bli

(Mateo 16:21-28; Luka 9:22-27)

31 Inu Yesu lefi asi ode asunto le suna amú obee, < <Ilehian ání

mi, Nyankpusa-Mu-Bi anfi nehie wun iwɔsɔn tsɔtsɔtsɔ. Yudafo ahande, Bulu igyi ahapu dehen pu Mose mbla asunapu fee bekina mi bee, megyi mgyi Kristo amu. Boma mi, tame Bulu obelakusua mi tsu afulito nkensa oma. > > 32 Omapu asun anfi gain amu. Mu su Petro leti mu ya utseto yeka mu itin obee, omatra bli ali. 33 Inu oledamli ki akasipu amu, okoplun wa Petro obee, < < Satan, nati tei misu! Megyi toa Bulu degywun fudegywun, anyankpusa kle fudegywun. > > 34 Inu oleti odom amu pu mu akasipu ba mu iwi wa. Mu o lebla amu obee, < < Ni oku deklea obobuo mi a, osi toa otekle bwe, otsu mu oyikpalihe bobuo mi. 35 Tsufe ni oku lepri mu nkpa a, obohuli mu. Ni oku e lohuli mu nkpa mia Bulu asun wanklaan amusu a, Bulu oboho mu nkpa. 36 Ni oku onya oyito ato fee, tame ohuli mu okla a, labi momu ilowa ha mu? 37 Nte nto oha obetali putse mu nkpa? 38 Tsufe ni oku onya mia mi atosunahe peli ndemba-abi lalahea badamli oma ha Bulu ansito a, mi, Nyankpusa-Mu-Bi anfi e nanya mu peli brea mia Bulu-abapu wankihe amu anina mi Si numnyamto aba. > >

9

Proofread 30-06-09

1 Yesu loyo mu taisu obee, < < Onokwali nde mli bla. Aku bubu mlito nfi bumowu, yofun brea bawun ani Bulu iwiegyi amu una tumisu iba. > >

Yesu lwitse

(Mateo 17:1-13; Luka 9:28-36)

2 Nkensie oma a, Yesu lekpa Petro, Yakobo mua Yohane. Mua amonyo bodu yo ibu kusu amu nkule. Inu Yesu letse amu ansito. 3 Mu

atadiɛ ledamli fututuutu, ɔde ogya kpa. Tɔtɔ ma ɔsulɔ anɔfɔvɔ́ ibétali bwe mú ibófuli alɔ. **4** Inu Elia mua Mose beɛ ɔwɔ ɔwan, amúa Yesu budetɔ. **5** Muɔ Petro lebla Yesu ɔbeɛ, < < Osunapu, ɔbu alɛ́a abétsia nfi. Ha ada abu asa. Fu kle kule, Mose kle kule, Elia ɛ kle kule. > > **6** Ifu lehie kɔta Petro mua mu aba amɔ dubɔ. Mú su omowun asun ání ɔbli.

7 Inu agyinde ku lobobun amúsu, ɔme ku ledali tsu mútɔ ɔbeɛ, < < Ɖní gyi mí Bi ɔdwɛpu ní! Mliyaa asu amlinu mu asun! > > **8** Inu belaki, tame bumetra wun ɔhaa ɔɔn Yesu nkule.

9 Breá buɔe ɔbu amɔ kpli a, Yesu leɔa amú ɔla ɔbeɛ, < < Mlɔmábla ɔhaa tɔ́a mlɔlayowun, yɔfɔn ekeá Bulu ɔbókɔsɔa mí, Nyankpɔsa-Mu-Bi anfi tsu afulitɔ. > >

10 Asun anfi lesin amú nwuntɔ, betsia fite aba beɛ, < < Kɔsu tsu afulitɔ anfi asɔ me? > > **11** Inu befite Yesu beɛ, < < Ntogyi su Mose mbla asunapu amɔ beɛ, ilehian ání Elia obéyinki ba asa Kristo amɔ ɔbéba? > >

12 Ɖlele mú ɔnɔ ɔbeɛ, < < Ɖnɔkwali igyiá Elia obégyankpa bela togyitɔ yaɔ wanklaan. Mú ntogyi su Bulu asun wanlinhe amɔ ken lebli tsu mí ɔwɔ ɔbeɛ, mí, Nyankpɔsa-Mu-Bi anfi néhie wun ipian, aha bókɔpa mí? **13** Nɔe mli bla mbeɛ, Elia layinki ba dodo. Aha bɔbwe mu alɔ́a buɔekle, fe alɔ́a bɔwanlin wa Bulu asun amutɔ. > >

Uɔ Dɔɔahe Ɖɔpu Tsa

(Mateo 17:14-21; Luka 9:37-43a)

14 Breá beyinki bowie akasɔpu atrahe amɔ wa a, bowun ání ɔɔm kɔnkpɔnkpɔntɔ bafia bomli amú, Mose mbla asunapu aku buɔe akasɔpu amɔ nwen gyi. **15** Breá ɔɔm amɔ bowun Yesu a, ɔlɔwa amú wanwan, besɔi yefia mu, ha mu aye. **16** Yesu lefite mu akasɔpu amɔ

ɔbɛɛ, < <Amansu mlia amúnyɔ mlidɛbuti? > >

17 Ɔɔɔm amuto ɔku lele mú ɔno ɔbɛɛ, < <Osunapu, nekpa mi bi yinhe ba fu mɛɛ, afutsa mu ilo. Ɖɛ lalahe laha ɔtamatɔ.

18 Bregyibreá ɔɛ lalahe amu iba musu a, itɔwusu mu, fin mu da ɔsuluto. Mu ɔno tɔbwe afu, ɔtɔwi ayin, ɔtesinsin. Nébla fu akasipu mɛɛ, bugya ɔɛ amu le muto ha mi, tame bumetalɔ. > >

19 Yesu lebla amú ɔbɛɛ, < <Ndɛmba-abiá mɛmá hogyi, alɔ nétsia mli wa yɔ ni? Yɔfun ɔmenke nnya klɔn ha mli? Mlikpa kebi amu ba mi! > > **20** Bekpa kebi amu ba Yesu.

Ɖɛ lalahe amu lenya wun Yesu alɔ, ilɔwusu kebi amu, fin mu da. Odemina, mu ɔno ɛ ide afu. **21** Yesu lefite obi mu si amu ɔbɛɛ, < <Tsu bre mɔmuto ilo anfi lefi asi? > >

Olele mú ɔno ɔbɛɛ, < <Tsu mu nyebito ɔpá. **22** Itɔtswi mu wa ogya múa ntsu aná féétɔ, itekleá ibɔmɔ mu, tame ni fétalɔ bwe tɔku tsu mú twi a, wun anɔ nwe afɔgyi anɔ buale. > >

23 Yesu lefite mu ɔbɛɛ, < <Bli fude fɛɛ, ni nétalɔ? Togyito lɔpɔn ha ohogyipu. > >

24 Inu obi mu si amu lɔkplɔn bli ɔbɛɛ, < <Nohogyi, tame mi hogyi mɔtsɔ. Gyi mi buale, mi hogyi imoni! > >

25 Breá Yesu lowun ání ɔɔm amu butra busri beba a, ɔlɔkplɔn wa ɔɛ lalahe amu ɔbɛɛ, < <Fu ɔdandubiabia múa usutin ɔɛ, dalɔ kebi amuto. Mátra wie muto ekekeke! > >

26 Ɖɛ lalahe amu lɔsura okitikiti kuklukusu, iletra wusu mu nyanyanyanya, iledalɔ muto. Ɖɛ leta mu. Mú su aha amuto aku bebli bɛɛ, < <Alawu. > > **27** Tame Yesu lekita mu ibi tsu mu fua, ɔlɔkusu lu.

28 Mú ɔma, breá Yesu mua mu akasipu amu nkule bubu woyito a, befitɛ mu bɛɛ, < <Ntogyi su anɔ mú anumetalɔ gya ɔɛ lalahe amu

dalı kebi amuto? > >

29 Mvu ɔlebla amú ɔbeɛ, < < lni odu mú a, nketi mpaí⁸ pɛ mletali pugya mú. > >

Yesu Lowu lwi Asun Bli Otse Nyɔsi

(Mateo 17:22-23; Luka 9:43b-45)

30 Breá Yesu mva mu akasipu amu benati unu a, bɔtsun Galilea ɔsulusu, tame Yesu mekleá ɔhaa ɔbi ɔtineá mubu. **31** Tsufe ɔde akasipu amu ato suna ɔbeɛ, < < Béle mi, Nyankpusa-Mu-Bi anfi ha adun bómo mi. Tame Bulu ɔbélakusva mi eke sasi. > >

32 Akasipu amu bumonu mú asi. Ifu ɛ de amú ání befite mu.

Ma Ɔbóbwe Ɔhande?

(Mateo 18:1-5; Luka 9:46-48)

33 Beba Kapernaum wuluto. Breá bowie woyito a, Yesu lefite amú ɔbeɛ, < < Nto nwen mlidegyi ɔkpatɔ? > >

34 Bekpa ɔno bun músu, tsufe thande buɔɔpri. **35** Yesu letsia asi, ɔleti akasipu duanyɔ amu, ɔlebla amú ɔbeɛ, < < Ni mlito ɔku dekleá ɔbóbwe mli nkpa ogyapu a, ɔbwe mu lwi ɔma ogyapu pú mli féé osumpu. > > **36** lnu ɔlekpa kebi ɔku belu amú ansito, lata mu puta, ɔlebla amú ɔbeɛ, **37** < < Ɔhagyioha ání ɔlɔho kebiá ogyi alɔ mi ɔdato laho mi. Ɔhagyioha ání ɔho mi a, megyi mi ɔlɔho, mboun ɔha amvu ɔlɔwa mi amu. > >

Ani Obuopu

(Luka 9:49-50)

38 Yohane lebla Yesu ɔbeɛ, < < Osunapu, anlowun oyin ɔku ɔɔpu

⁸**9:29** Mpai móa ɔnɔkli bu nwulu dada amu akuto.

fu da gya ɔɲe lalahe, anuleka mu tin, tsufe ɔma anito. > >

39 Tame Yesu lebla amú ɔbee, < < Mlumáka mu tin! Tsufe ɔhaa má unvá ɔbɔbwe ofula mi idato, labli mi iwi asun lalahe. **40** Tsufe ɔha ání ɔmɔkusu lu anisu buo ani. **41** Ɔnɔkwali nde mli bla mbee, ni ɔku ɔha mli ntsu-owebi mlonun mi ida ání idin mli su a, ɔmɔɔhuli mu ipan.

Ɔha Kpa Wa Lakpantɔ

(Mateo 18:6-9; Luka 17:1-2)

42 < < Ni ɔku leha aha anfi bumɔkudan misu hogyito anfitɔ ɔku ɔbwe lakpan a, ni beda nfuokwebu sian mu ɔmetɔ, tswi mu wa ɔputɔ po a, ibu ale dun. **43-44** Ni fu ibi kule teha futɔbwe lakpan a, ka mú le! Ibu aleá fɔpu ibi kule nya nkpa ání itamata, dun ání fɔpu ibi anyɔ wie isubiti ogya ání itamaduntɔ.^h **45-46** Ni fu yabi kule teha futɔbwe lakpan a, ka mú tswi tsalífwí! Ibu aleá fɔpu yabi kule nya nkpa ání itamata, dun ání fɔpu ayabi anyɔ wie isubiti ogya ání itamaduntɔ.ⁱ **47** Ni fu nsibi teha futɔbwe lakpan a, loti mú le. Ibu aleá fɔpu nsibi kule wie Bulu iwiegyi amutɔ, dun ání fɔpu ansibi anyɔ wie isubiti ogya ání itamaduntɔ. **48** Ɔtineá unu anyambi butamawu, unu ogya e itamadun.

49 < < Tsufe bópu ogya tun ɔhagyicha iwi, fe alíá butɔpu nfɔli tun afɔdie iwi.

50 < < Nfɔli bu ɔdwe, tame ni ita ɔdwe a, ntɔ belapɔwa mú ɔdwe?

^h**9:44** Múto ye 44 múa 46 belian 48, tame uma nwulu dada amu akuto.

ⁱ**9:46** Múto ye 44 múa 46 belian 48, tame uma nwulu dada amu akuto.

< < Mliha ɔdwe itsia mlɔtɔ fe nɔlɔ, iwɪlwii itsia mliha mli aba
nsunɛ. > >

10

Proofread 30-06-09

Ɔkakina lwi Atosunahe

(Mateo 19:1-12; Luka 16:18)

1 Yesu lɔkusɔ tsu ɪnu yɔ Yudea ɔmáɔ, Yordan ntsu ɔbɪn. Ɔɔɔm
betra befia bomli mu, ɔletra suna amó atɔ fe alɪá ɔtɔbwe yaɪ.

2 Farisifo aku beba mu wa, budekleá bósɔ mu kɪ. Mú su befite mu
beɛ, < < Anɪ Mbla leha ɔkpa ání oyin ɔbétaɪ kina mu ka? > >

3 Yesu lefite amó ɔbeɛ, < < Nkalɪ anɪ nain Mose lɔwa mbla ha
mli? > >

4 Bele mú ɔnɔ beɛ, < < Mose leha ɔkpa ání oyin ɔwanɪn ɔkakina
ɔwulɔ pukina mu ka. > >

5 Yesu lebla amó ɔbeɛ, < < Mli klɔntɔ-odwin su Mose lɔwanɪn
mbla anfi ha mli. **6** Tsu breá Bulu lele ɔyi a, ɔtsɪ múa oyin ɔɔbwe.

7 ɪnɪ su oyin obótu si mu si mua mu yin yemanta mu kasɔ, **8** amó
abanyɔ bóbwe ɔyulɔ kule nɪ. Butra bumegyɪ abanyɔ, mboun babwe
ɔbakule. **9** ɪnɪ su aha ání Bulu labwe amó kule a, ɔhaa mámain amó
abasɔ. > >

10 Breá beyinki ba woyitɔ a, Yesu akasɪpɔ amɔ betra fite mu asun
tsu asun anfi ɪwi. **11** Yesu lebla amó ɔbeɛ, < < Nɪ oyin okina mu ka
layetsia ɔtsɪ bamba a, alatɔ mbua. **12** Alɪ ken nɪ ɔtsɪ okina mu klu
layetsia oyin bamba a, alatɔ mbua nɪ. > >

Nyebi Yula

(Mateo 19:13-15; Luka 18:15-17)

13 Aha aku bekpa nyebi ba Yesu bee, opu ibi dinka amúsu, tame mu akasipu amu bowa iyun wa amú. **14** Breá Yesu lowun a, oblo lekita mu. Muu olebla akasipu amu bee, < < Mliha nyebi amu okpa abuba mi wa. Mlumatin amú okpa, tsufe aha anfi odu bu Bulu iwiegyi amu ni. **15** Onokwali nde mli bla. Cha ání omohó Bulu iwiegyi amu fe kebi a, omóowie múto. > > **16** Muu olelata amú puta, pu ibi dindinka amúsu, oloyula amú a.

Atonyahe lwi Atosunahe

(Mateo 19:16-30; Luka 18:18-30)

17 Breá Yesu lopu okpa opu a, oyin oku lesri ba beda akpawunu mu ayabito fite mu bee, < < Osunapu yile, nto nobwe asa nénya nkpa ání itamata? > >

18 Yesu lefite mu bee, < < Ntogyi su fude mi ti cha yile? Chaa megyi cha yile, nketi Bulu nkule. **19** Ye fuyin Bulu mbla amu dodo? Bee, mámo cha, máto mbua, máwi ato, máka asun dinka fu basu, másisi cha, bu fu si múa fu yin. > >

20 Oyin amu lebla mu bee, < < Osunapu, tsu mi nyebito opa nde uni féesu gyi. > >

21 Yesu leki mu diin, mu asun lowa mu odwe. Muu olebla mu bee, < < Uasi toku kuleá fóbwe. Yefe fu iwisu ato féé, afuye koba amu ha ahianfo, mení fénya siadié osusu. Fóbwe mú ta a, ba afubobuo mi. > > **22** Breá oyin amu lonu asun anfi a, lwi lowu mu. Mú su olenati diin, tsufe chie obu ato.

23 Yesu leki bomli, olebla mu akasipu amu bee, < < Ibéhie wa onlin asa lwi onyapu obówie Bulu iwiegyi amuto! > >

24 Breá akasipu amu bonu asun anfi a, onó lobwie amú. Tame Yesu lela bla amú bee, < < Mi abi, Bulu iwiegyi amuto wie ibéhie wa

onlin! 25 Ụ́lọ́pón ha kpọ́sọ́ ́ání ọ́bọ́tsun ọ́bun-atọ́ ọ́bọ́tọ́, dún ́ání ıwı onyapu obówie Bulu iwiegyi amuto. > > Man leading camels|hk00038c.tif|span|MRK10:25-31|Horace Knowles, The Bible Society, London|Akpọ́sọ́ nı.|Marko 10:25

26 Asun anfi leha ọ́nọ́ lehie bwie amú. Mú su befite aba bee,
< < Múmu ma mee Bulu ọ́bóhọ́ nkpa? > >

27 Yesu lekı amú diin, ọ́lebla amú ọ́bee, < < Tọ́á ıdun nyankpusa bwe mọ́dun Bulu, tsufe Bulu mú tetalı bwe togyito. > >

28 Múu Petro lebla mu ọ́bee, < < Ye anı mú anılası togyito tswı bobuo fu o! > >

29 Yesu lebla mu ọ́bee, < < Ọ́nọ́kwalı nde mlı bla. Ọ́hagyioha ́ání olesi mu woyi, mu apio, mu sı mua mu yin, mu abi nte mu ọ́sulọ́ ọ́magya, mıa mı asun wanklaan amu su a, 30 ọ́bélanya mu woyi, mu apio, mu ayin, mu abi pú mu agyapadıe amu odu tse lafa sei. Bédı́nka musu e sei, tame obénya nkpa ́ání itamata bre amuu ıba amuto.

31 Tame agyankpavu tsọ́tsọ́ọ́tsọ́ bẹ́bemli amapu, amapu e bẹ́bemli agyankpavu. > >

Yesu Lowu ıwı Asun Bı Otse Sasi

(Mateo 20:17-19; Luka 18:31-34)

32 Yesu mua mu akasıpu amu bọ́pu ọ́kpa bọ́yo Yerusalem wuluto, ogyankpa. ı́wıwa amú wanwan, ifu lekıta aha amuu bubuo amú amu. Múu ọ́lekpa akasıpu duanyọ́ amu ya itsetọ́, ọ́letra bla amú tọ́á ıbéba musu. 33 Ọ́bee, < < Mlınu! Nı awie Yerusalem a, b́ele mı, Nyankpusa-Mu-Bı anfi ha Bulu igyi ahapu dehen pú Mose mbla asunapu. B́eha mı lowu ıpón, pu mı wa aha ́ání bumegyi Yudafo ıbitọ́. 34 B́óbwe mı ahinla, tu atsunọ́ wulı mı, nwen mı mplı, mọ́ mı; tame eke sasi a, Bulu ọ́bókusua mı tsu afulito. > >

Ḑhande Osum Mu Aba

(Mateo 20:20-28)

35 Sebedeo abi Yakobo mua Yohane bɔkpukpe manta Yesu bla mu bɛɛ, < < Osunapu, anidekleá fubwe tɔku ha anɪ. > >

36 Muu Yesu lefite amú ɔbɛɛ, < < Ntɔ mlidekle mliaa mbwe ha mli? > >

37 Bebla mu bɛɛ, < < Ha anitɔ ɔkule otsia fu gyɔpɪsu, ɔkule ε otsia fu binasu breá Bulu ɔwa fu numnyam. > >

38 Tame Yesu lebla amú ɔbɛɛ, < < Mlumeyin tɔá mlidekulɪ! Mlétaɪi wun iwɔsin amuv neba bowun amv, nte mletali wu lowu amuv nówu amv? > >^j

39 Bele mú ɔno bɛɛ, < < Ee abétali. > >

Muu ɔlebla amú ɔbɛɛ, < < Mlówun iwɔsin amuv neba bowun amv, wu lowu amuv nówu amv ε, **40** tame mma tumiá néle ɔha ání obétsia mɪ gyɔpɪ nte binasu. Alɪ otsiakpa anfi mú ida gyo aha amuv Bulu lala unv yaɪ ha amv. > >

41 Breá akasɪpu idu atrahe amv bonu asun anfi a, Yakobo mua Yohane iwɪ lɔwa amú ɔblɔ. **42** Yesu letɪ amú féé ba mu iwɪ wa, ɔlebla amú ɔbɛɛ, < < Mliyin ání aha ání obú bu amúsu, bugyi ɔmátɔfɔsu agyɪpu butehɪe amú aha, amú ahande ε butenya tumi amúsu.

43 Tame mlitɔ mú a, umába alɪ. ɔha ání odekleá ɔbɔbwe mlitɔ ɔhande ɔbwe mli féé ɔkpábi. **44** Nɪ mlitɔ ɔku ε dekleá ɔbɔbwe mli nkpa ogyapu a, ɔbwe mli féé ɔkpábi. **45** Tsufe mɪ, Nyankpusa-Mv-Bi anfi ε mmeba mbɛɛ, busum mɪ. Aha osumkpa neba, ampu mɪ nkpa ho aha tsɔtsɔtsɔ nkpa. > >

^j**10:38** *Mlétaɪi wun iwɔsin ... wu lowu amuv nówu amv? Nte Mlétaɪi nun nta ání neba bonun nte ha bɔbɔ mli asu amuv neba bɔbɔ amv?*

Ansibi Obwiepu Oku Uo Tsa

(Mateo 20:29-34; Luka 18:35-43)

46 Boyowie Yeriko wuluto. Breá mua mu akasipu pú odom
kpónkpónkpónti amuv bubuo mu amu budedali unu a, bowun Timeo
mu bi Bartimeo. Mu ansibi labwie, otsie okpató ode ató kuli. **47** Breá
olonuá Yesu Nasaretyin amu detsun a, olowa kplun bi obee, < <Ani
Wie Dawid mu na Yesu, wun mi nwe! > >

48 Amúto aha tsotsótsó bókplun wa mu bee, okpa onó bun. Tame
mu mú olakplun dun ali obee, < <Ani Wie Dawid mu na, wun mi
nwe! > >

49 Yesu lesi lu, olebla amú obee, < <Mliti mu ha mi. > >
Bokpoli ansibi obwiepu amu, bebla mu bee, < <Fu klun idi fu asi,
afukusu ba. Ode fu ti! > >

50 Inu oyin amu lotswi mu osusu atadie tsalifu, nwan kusu ba
Yesu wa.

51 Yesu lefite mu obee, < <Nto fudekle fee, mbwe ha fu? > >
Inu ansibi obwiepu amu lebla mu obee, < <Osunapu, ha mi anwun
ato! > >

52 Inu Yesu lebla mu obee, < <Nati, fu hogyi latsa fu uo. > >
Inunu mu ansibi lobwii, olekpla buo Yesu.

11

[Proofread 30-06-09](#)

Yesu Ho Fe Owie Yerusalem

(Mateo 21:1-11; Luka 19:28-40; Yohane 12:12-19)

1 Breá bowie Betfage múa Betania, awuluá ibu Nfɔ-nyibu amú^k así, bata Yerusalem wie ta a, ɔlɔwa mu akasipu abanyɔ gyankpa. **2** Ɔbɛɛ, < < Mlɔyɔ wulu anfi ida mli ansitɔ anfitɔ. Nɛ mlowie wulu amɔ ɔnɔ a, mlówun afrimu kanahe ɔku da ɔfɛtɔ, ɔhaa mɔkutsia musu kɪ. Mlisankɪ mu, amlɪkpa mu ba mɪ. **3** Nɛ ɔku ɔfite mli ɔbɛɛ, < Ntogyi su mlɪde mu sankɪ? > a, mlɪbla mu mlɪaa, < Anɪ Wie de mu hian. Obéyinkia mu ba sei. > > >

4 Bɔyɔ a, bɔyɔtu afrimubi amɔ da ɔfɛtɔ woyi amɔ ɔnɔ ɔkpabai.

5 Breá buɔde mu sankɪ a, aha akvá bulu unu befitɛ amú bɛɛ, < < Ntogyi su mlɪde afrimubi amɔ sankɪ. > >

6 Bele mú ɔnɔ alɪ amuvu Yesu lebla amú amɔ pɛpɛɛpɛ. Besi amú, akasipu amɔ besankɪ mú. **7** Bekpa afrimu ibi amɔ ba Yesu. Beyai amú atati dinka musu, ɔlɔdu bian musu. **8** Amútɔ aha tsɔtsɔtsɔ beyai amú atati tswɪ ɔkpatɔ, aku ɛ bebiabia afita bunbun ɔkpa amuvu. **9** Aha amuvu bugya Yesu nkpa múa ɔma amɔ bɔsura okitikiti bɛɛ, < < Hosiana! Bulu oyula ɔha anfi ɔba anɪ Wie ɪdatɔ anfi! **10** Bulu oyula anɪ nain Dawid iwiegyi amuvu ɪba amɔ! Hosiana bu ɔsɔsɔsɔsɔ! > >

11 Breá Yesu lowie Yerusalem a, ɔlɔyɔ Bulu ɔtswekpa, ɔlɔwa ansɪ kɪ togyitɔ wunsɪnesu unu wanklaan. Owi lapɔn. Mú su mua mu akasipu duanyɔ amɔ beyinkɪ yɔ Betania wulutɔ.

Pɔntɔ Oyi Lwu

(Mateo 21:18-19)

12 Oyɪ kɛhe breá beyinkɪ tsu Betania beba a, akun de Yesu.

^k**11:1** *Nfɔ-nyibu* igyi obubwi kvá ibu manta Yerusalem, butɛtɪ mú Olifbu.

13 Olowun pɔntɔ kɔ́á ilahie pɔi sisi, ilu manta ɔkpa. Ɖɔɔyɔ yekɔ bɛɛ, obénya ku mútɔ. Tame olowie mú asɔ a, afita sɔɔn bu músu, tsufe oyi amu swiebi mɔkufun. Fig branch and fruit|hk00088b.tif|span|MRK11:12-24|Horace Knowles, The Bible Society, London|Pɔntɔ oyi mɔ́a mú abi nɛ.|Marko 11:13 **14** lɛnu ɔlebla oyi amu ɔbɛɛ, < <Tsu ndɛ pɔya a, ɔhaa méetra gyi fu abi swiehe.> >

Mu akasɔpu amu ε bonu asun anfi.

Ibia Agyipu Gya Le Bulu Ɖtswekpa Wunsɛsu

(Mateo 21:12-17; Luka 19:45-48; Yohane 2:13-22)

15 Brɛ́a bowie Yerusalem a, Yesu ɔyɔ Bulu ɔtswekpa wunsɛsu. lɛnuɛ ɔlɔwa atɔ afɛpu pɔ́ atɔ ahɔpu amu aná fɛ́é gya dalɔ unu bi. Olowuwuta kɔba atɛpu mpunu da, sunsunki abɔɔɔma afɛpu mbia da. **16** Ɖmeha atɔ ɔfɛpu ɔkuku ɔsɔra mu atɔ fɛhe ka tsun Ɖtswekpa wunsɛsu unu kɔraa. **17** Olosuna amú atɔ ɔbɛɛ, < <Bumɔwanlin wa Bulu asun wanlinhe amutɔ bɛɛ, <Béti mi ɔtswekpa bɛɛ, ɔmá fɛ́é mpaɔ ɔɔkpa?> Tame mlɔlapu unu mli awikplu oɔainkpa.> >

18 Brɛ́a Bulu igyi ahapu dehen pɔ́ Mose mbla asunapu amu bonu tɔ́a alabwe a, bodunka ɔkpa ání bótsun músu mɔ mu. Benya ifu, tsufe mu atosunahe amu leha ɔno lobwie ɔɔɔm amu.

19 Brɛ́a owi ɔpɔn a, Yesu mua mu akasɔpu bedalɔ wulu amutɔ.

Hogyi lwi Atosunahe

(Mateo 21:20-22)

20 Brɛ́a budetsun nyankɔ a, bowun ání pɔntɔ oyi amu ulawu tsu mú ɔsu beyi asɔ. **21** lɛnu Petro lekain asun ání Yesu lebla pɔntɔ oyi amu. Muu ɔlebla Yesu ɔbɛɛ, < <Osunapu, kɔ, pɔntɔ oyi amuu fɔlwu amu

ulawu! > >

22 Yesu lebla amú ɔbɛɛ, < < Mliho Bulu gyi. **23** Onɔkwali ndɛ mli bla, ɔhagyioha ání ɔbébla ibu anfi ɔbɛɛ, < Puli yowie ɔputɔ >, omegyí nwen mu kluntɔ, olohogyi ání asun amuv mabli amu íbéba mútɔ a, íbópuli yɔ. **24** lni su ndɛ mli bla mbɛɛ, togyitɔ́á mlókuli Bulu a, mlihogyi ání mlilanya mú dodo. Mli íbɪ bédá mú. **25-26** Nɪ mlilu mlidɛ mpaɪ bɔ, ɔku asun bu mli kluntɔ a, mlisi ɔha amu lakpan kie mu, menɪ mli Si amuv ɔbu ɔsusu amu ε obési mli klɛ kie mli.¹ > >

Yesu Tumi lwi Asun Fitehe

(Mateo 21:23-27; Luka 20:1-8)

27 Yesu mua mu akasipu amu betra yinki ba Yerusalem. Breá ɔna odeki Bulu ɔtswekpa wunsinesu unu a, Bulu igyi ahapu dehen, Mose mbla asunapu pú Yudafo ahandɛ amu beba mu wa. **28** Befite mu bɛɛ, < < Tumi mɔmu fɔdepubwe ntobi anfi? Ma leha fu tumi amu? > >

29 Yesu lele mú ɔnɔ ɔbɛɛ, < < Nfite mli asun kuakule. Nɪ mlele mú ɔnɔ ha mɪ a, mɪ ε nébla mli tumi oduá ndepubwe ntobi anfi. **30** Bulu wa Asu ɔbɔpu Yohane lenya tumi pubɔ aha asu loo, ntɛ nyankpɔsa? Mlibla mɪ! > >

31 Amú wulewule bɔyɔ asun anfitɔ bɛɛ, < < Nɪ abli aniaa itsu Bulu wa a, ɔbéfite anɪ ɔbɛɛ, mú ntogyi su mlimɔho mu gyi? **32** Ntɛ abli aniaa, itsu anyankpɔsa wa? > > Tame bude aha amu ifu nya, tsufe amú féé bohogyiá lele Bulu ɔnɔsu ɔtɔpu onuto Yohane gyi. **33** Mú su bele mú ɔnɔ bɛɛ, < < Ohwee! Animeyin ɔtineá olenya mu tumi tsu. > >

¹**11:26** Mútɔ ye 26 bu nwulu dada amu akutɔ: *Tame ni mlimesikie aha a, mli Si amuv ɔbu ɔsusu amu ε oméesikie mli.*

Muv Yesu ε lebla amú ɔbɛɛ, < < Muvu mɪ ε mméɛbla mli tumi
oduá ndɛpubwɛ ntobi anfi. > >

12

Proofread 30-06-09

Apafɔ Lalahe Aku

(Mateo 21:33-46; Luka 20:9-19)

1 Yesu lɔwa amú asun bla ayebitɔ bi. ɔbɛɛ, < < Oyin ɔku lɔɔ wain
ndɔ. Olegyi iban bomli mú. Olokwi wain amu onyimekpa, pwe obu
fuahe ku ha ndɔ amu agyopu. Muv ɔlɔpu ndɔ amu wa apafɔ ibitɔ,
olotu ɔkpa. **2** Breá wain-abi amu kpɔtibi lɔfun a, ɔlɔwa mu osumpu
apafɔ amu wa ɔbɛɛ, ɔyɔhɔ mu ogyikpa ba mu. **3** Tame apafɔ amu
bekita mu, da mu, gya mu sisi ibikpan. **4** Nɔ mu wie amu letra wa
mu osumpu nyɔsi amú wa. Apafɔ amu beda mu ε, pilan mu nwuntɔ,
supa mu. **5** ɔletra lawa ɔbamba. Mu mú a, bɔmɔ mu. Alɪ ken bɔbwe
atrahɛ ε nɪ. Beda aku, mɔ aku ε. **6** Ilesi mu onuto mu bi ɔkule pɛá
ɔtamatsula musu. ɔkɪ ɔbɛɛ, bóbu mu mú. Mú su ɔlɔwa mu ε. **7** Tame
apafɔ amu bebli bɛɛ, < ɔnɪ obégyi mu si atɔ nɪ. Mliha amɔ mu, menɪ
ndɔ amu ibémli anɪ kle. > **8** Mú su bekita mu, mɔ mu, tswɪ mu dalɪ
ndɔ amutɔ.

9 < < Ekeá ndɔ mu wie amu ɔba a, ntɔ mlɪlahogyi mliaa ɔbɔbwe
apafɔ anfi? ɔbéha bómu amú, ɔbélapu ndɔ amu wa apafɔ bamba ibitɔ.

10 Nte mlɪmɔkukla Bulu asun wanlɪnhe amu kɪ? Bɔwanlɪn bɛɛ,

< Ibwi amuv obu ayipu bekina amu
lebemli okonkɪsubwi nɪ.

11 Bulu lɔbwe mú alɪ.

lbu wanwan. > > >

12 Inu Yudafo amu bekleá békita Yesu, tsufe bebiá amú su alaha yebi anfi, tame bude odom amu ifu nya. Mú su benati si mu.

Lampooka

(Mateo 22:15-22; Luka 20:20-26)

13 Oma a, bowa Farisifo pú Owie Herode aha bee, buyetete Yesu onoto asun nu, abunya mu akitale. **14** Breá beba mu wa a, bebla mu bee, < < Osunapu, aniyin ání onokwalipu fugyi. Futamaha chaa otse fu agywun, tsufe futamaki chaa ansito. Mboun Bulu asun amuv igyi onokwali amu fudesuna. Mú su anide fu fite anu. Ani mbla leha okpa ání aka lampoo ha Roma owie dehen Kaesare, nte anumáka? > >

15 Yesu lebiá buki ansi. Mú su olefite amú obee, < < Apinabwebi abwepu, ntogyi su mlide mi so ki? Mlitsu koba amu iku ba mi anki. > >

16 Bopuba mu. Muv olefite amú obee, < < Ma nwun pú mu ida din músu? > >

Bele mú onó bee, < < Kaesare. > >

17 Muv olebla amú obee, < < Mumu mlipu toá igyi Kaesare kle ha Kaesare, amlipu múa igyi Bulu kle e ha Bulu. > >

Mu twi lwa amú ifu.

Kusu Tsu Afulito lwi Asun Fitehe

(Mateo 22:23-33; Luka 20:27-40)

18 Opasua kuá buteti mú Sadukifo aku beba Yesu wa. Bugyi opasua kuá butebli bee, kusu tsu afulito ma unu. Befite mu bee,

19 < < Osunapu, Mose lowanlin tswi obee, < Ni oku muva mu ka bumokwu asa olowu si mu ka amu a, mu pio otsu mu ka amu tsia, féki okwu ha owupu amu. > **20** Oyin okule abi abasienco aku betsia.

Amúto ogyankpapu letsia ɔka, tame ɔmɔkwu asa olowu. **21** Mu gyama lotsu ɔsurapuka amu tsia, tame mu e ɔmɔkwu. Ɔsasi lotsu ɔtsi amu tsia. Mu e ɔmɔkwu. **22** Alu yɔtu osienɔsi amu. Amúto ɔkuku mɔkwu asa olowu. Ɔma-ɔma a, ɔsurapu amu e lobowu. **23** Afuli ɔkusuke a, amúto ɔmɔmu ɔbóbwe mu klu? Tsufe amú abasienu amu féé betsia mu. > >

24 Mvu Yesu lele mú ɔno ɔbeɛ, < <Megyi mli ologyi. Mlumeyin Bulu asun wanlinhe amu nte Bulu tumi. **25** Tsufe ni afuli bɔkusɔ a, bóbwe fe Bulu-abɔpu. Buméetsia aka múa aklu. **26** Tame afulikusu iwi mú a, ye mlilakla Mose ɔwulu, nu asun amvu Bulu lebla mu dimbisu breá olowun oyibi ku de ogya tsii, tame umedeɔ amu? Ɔbeɛ, <Mɔgyi mli anain Abraham muɔ Isak pú Yakob Bulu amu ni. > > > **27** Inu ɔlebla amú ɔbeɛ, < <Megyi awupu Bulu ogyi, akɔankpapu Bulu ogyi. Mli mú mlilafwi féé. > >

Bulu Mbla Amuto Múa Idun

(Mateo 22:34-40; Luka 10:25-28)

28 Mose mbla asunapu amuto ɔkule lobɔtu amú unu, olonu asun ání budebiti. Olowun ání Yesu lale Sadukifo amu asun ɔno wanklaan. Mú su ɔlefite Yesu ɔbeɛ, < <Bulu mbla amuto mɔmu dun? > >

29 Yesu lele mú ɔno ɔbeɛ, < <Bulu mbla amuto múa idun ni. <Israelfɔ, mlinu. Bulu ɔkule pe anɔ Wie Bulu gyi. **30** Mú su pu fu klun, fu ɔkla, fu agywun pú fu ɔwunlin féé dwe fu Wie Bulu. > **31** Mú nyɔsi e gyi, <Dwe fu ba fe fu iwi. > Mbla kuku itra ma unvá idun un. > >

32 Mbla osunapu amu lebla Yesu ɔbeɛ, < <Osunapu, fabli ɔnɔkwali. Anɔ Wie Bulu nkule pe bu unu, ɔkuku tra ɔma unu. **33** Apu anɔ klun, anɔ agywun pú anɔ ɔwunlin féé dwe mu, adwe anɔ aba fe

anɪ ɪwɪ. ɪdʊn mbwɪ tɔhɛ pɹ ɔgya-afɔdɪɛ kugyikʊ. > >

34 Yesu lowun ání alabɪ ɪɛ asʊn amʊ ɔnɔ wanklaan, ɔɪɛbla mu ɔbɛɛ,
< < Fuma ɪfɔ Bulu iwiegyi amʊtɔ. > >

Mú ɔma a, ɔhaa mɛtra wa klʊn fɪtɛ mu asʊansʊ.

Ma Gyi Kristo Amʊ?

(Mateo 22:41-46; Luka 20:41-44)

35 Brɛá Yesu dɛ atɔ suna Bulu ɔtswɛkpa nwunsɪnɛsʊ ɪnʊ a, ɔɪɛfɪtɛ
ɔbɛɛ, < < Nkalɪ sʊ Mose mbla asunapʊ amʊ bɛtalɪ blɪ bɛɛ, Owie
Dawid mu na gyi Kristo, (ɔha amʊs Bulu ɪɛda mu ofuli amʊ)?

36 Tsufɛ ɔŋɛ Wankɪɛ ɪɛha Owie Dawid onuto ɪɛblɪ ɔbɛɛ,
< Anɪ Wie Bulu ɪɛbla mɪ Wie ɔbɛɛ,
< < Tsia mɪ gyɔpɪsʊ nfi
yɔfun brɛá nɛha fétsatsa fu alupʊsʊ. > > >

37 Owie Dawid onuto ɪɛtɪ mu ɔbɛɛ mu wie. Nkalɪ sʊ ɔtra ogyi mu
na? > >

Asʊn anfi ɪɔwa ɔdɔm kpɔnkpɔɔnkpɔntɪ amʊs bɛfia bomli mu amʊ
ɔdwɛ, bɔpʊ ansigyɪ nu mu asʊn.

Mose Mbla Asunapʊ Tsiatɔ

(Mateo 23:1-36; Luka 20:45-47)

38 Yesu ɪɛblɪ mu atosunaɛ amʊtɔ ɔbɛɛ, < < Mɪkɪ wanklaan Mose
mbla asunapʊsʊ. Butɛkle ɪɪga wa natɪ kɪ, butɛkle bɛɛ, aha bubun ha
amú itsia dɪnsʊ. **39** Otsiakpa yile butɛkle tsia Yudaɔ ofiakpa pɹ nkɛ
ogyikpa. **40** Butɛsɪsɪ asʊrapʊ, swu amú amú woyi. Butɛpina bɔ mpaɪ
tɪntɪntɪn ahatɔ pʊbun amú lalahɛsʊ. Bulu ɔbɛbitɪ amú ɪsʊ
kinkiinkin! > >

ɔsʊrapʊ ɔkʊ Tswɪtswɪ

(Luka 21:1-4)

41 Yesu letsia manta tswitswi daka Bulu ɔtswekpa unu, ɔde aha ki buɔepu amú tswitswi bɔwa múto. Aha ání amú ibito bu odwin buɔepu kɔba akpɔnkpɔnti bɔwa. 42 Inu ɔsurapu ɔkuá ɔma toto e lɔpu mu kɔba ana bɔwa daka amuto. 43 Muu ɔleti mu akasipu amu ba mu wa, ɔlebla amú ɔbeɛ, < < Onɔkwali nde mli bla, tswitswiá ɔsurapu anfi ɔma toto anfi lawa a, idun ɔhagyicha kle. 44 Tsufe atrahe amu féé a, amú kɔba tsɔtsɔtsɔto bale kpalobi tsu bɔwa. Tame unia ɔsurapu anfi mú má toto su toá ɔbu féé alapu bɔwa a. > >

13

Proofread 30-06-09

Bulu ɔtswekpa Amu Bwie

(Mateo 24:1-2; Luka 21:5-6)

1 Breá Yesu ledali Bulu ɔtswekpa wunsinesu unu ɔyo a, mu akasipu amuto ɔkule lebla mu ɔbeɛ, < < Osunapu, ki mbu wanklaan pú abwi akpɔnkpɔnti anfi bɔpuyi mú anfi akile! > >

2 Muu ɔlebla mu ɔbeɛ, < < Ye fawun mbu akpɔnkpɔnkpɔnti anfi? Bóbwie mú féé bun. Ibwi kule kuraa iméesian duka mú basu. > >

lwɔɔsin Múa lkplan

(Mateo 24:3-14; Luka 21:7-19)

3 Breá Yesu tsie Nfo-nyibu amusu, ɔde Bulu ɔtswekpa mbu amu ki a, Petro, Yakobo, Yohane mua Andrea nkule befite mu beɛ, 4 < < Bla an, bre momuto uní féé ibéba? Osuna momu e ɔbéba, ibósuna ání mú bre lafun? > >

5 Inu Yesu lebla amú ɔbeɛ, < < Mliki wanklaan, mení ɔhaa méemle

mlí. **6** Aha tsotsɔtsɔ bɔ́pɔ mɪ ɪdɑ bɑ bɛɛ, amúgyi Kristo amɔ nɪ. Bémle aha tsotsɔtsɔ bɔ́fwɪ ɔkpa. **7** Nɪ mlonuá ɪsɑ lɑdɑ mɑntɑ mlí nte ɔtɪnɛkɔ ɑ, opuni mátsii mlí Tsufɛ lehian ání ɪnɪ ɑnɑ féé ɪbébɑ, tɑmɛ imedesunɑ ání ɔyi ɔnɔmɔkɛ amɔ lafun. **8** Tsufɛ ɔmɑ bóko ɑbɑ. Awie bókusɔ lu ɑbɑsɔ. ɔsɔlɔ békɪnkɪ ntɪnɛ-ntɪnɛ. Akun ɛ bɛbɑ. ɪnɪ féé igyi fɛ ɪwɪɔsɪn ání ɔtsɪ towun brɛá ɪkwu de mu dwiin.

9 < < Mú sɔ mlí mú mlíkɪ mlí ɪwɪ wanklaan. Tsufɛ mɪ sɔ bɔ́pɔ mlí hɑ Yudaɔ asun agyipɔ. Bɛdɑ mlí amú ofiakpa awulu-awulusɔ. Békpa mlí yɑ ɔmásv agyipɔ pú awie ɑnsɪɔ, mɛnɪ mlégyi mɪ ɪwɪ ɑdɑnsɛ.

10 Tɑmɛ ilehian ání bégɪyankpɑ dɑ asun wanklaan amɔ ɔkɑn sunɑ ɔyɪɔ ɑhɑ féé. **11** Nɪ bɛkɪtɑ mlí yɑ ɑ, mlímágywɪn asun ání mlebɪ. Mlɪbɪ ɑsungɪyasun ání Bulu ɔbɔ́pɔwɑ mlí ɔnɔ ɑlɪ brɛ amɔɔ. Tsufɛ megɪ mlí onuto ɔbɔ́ɔɪ, ɔŋɛ Wankɪhɛ ɔbɔ́ɔɪ tsun mlɪsɔ.

12 < < Apio bɛle amú apio hɑ lowu. Abi ɑsɪ bɛle amú abi hɑ. Abi ɛ bókusɔ lu amú akwɪpɔsɔ, hɑ bómo amú. **13** Mɪ sɔ ɑhɑ féé bólu mlí, tɑmɛ nɪ mletalɪ wɑ klɪn lu kinkiinkin yɔfɔn mú ɔnɔmɔ ɑ, Bulu ɔbɔ́hɔ mlí nkpa.

ɪwɪɔsɪn Wunbɪ

(Mateo 24:15-28; Luka 21:20-24)

14 < < Tɑmɛ nɪ mlowun ɑkisɪɔá ɪtɔbwie ɔmá, ɪdɑ ɔtɪnɛá mlɪmɛdɪn ɑnsɪ ání ɪbébɑ ɑ, (ɑklapɔ, mlɪnu mú ɑsɪ.) Mɔmɔ ɑhɑ ání bubɔ Yudeɑ ɔmáɔ busɪ yɔ ɑbusɔ. **15** ɔhɑ ání ɔdɪn obusɔ mákplɪ botsu tɔɔ obuto! **16** ɔhɑ ání ɔbɔ ndɔɔ ɛ máyinki botsu mu tati. **17** Amentapɔ pú abi-ayin ání bɔpɪɑ abi bɔbwe ɑlɪ brɛ amɔɔ bɔgyɔwɪ nɪ!

18 Mlɪkokoli Bulu mlɪɑɑ, mlí ɔsrɪkɛ amɔ ɪmábwe nyankpɔ múɑ ɑtsalɪbɪ. **19** Tsufɛ asun wunhɛ ání ɪbébɑ ɑlɪ brɛ amɔɔ odu mɔkɔbɑ tsu brɛá Bulu ɪɔbwe ɔyi ɔpá kɪ. Mú odu kuku ɛ ɪméɛtrɑ bɑ ɛkɛkɛkɛ.

20 Ní Bulu mēdínkí nke amúsv a, tēkí ǵhaa méesian ǵyítǵ. Tame aha amúsv alale pubwe mu kle amu sv aladínkí nke amúsv.

21 < < Alí bre amútǵ a, ní ǵkú lēbla fu ǵbēē, < Kí, Kristo, (ǵha amúsv Bulu lada mu ofulí amu) bu nfi nte nana > a, máhogyi. **22** Tsufē aha ání bēē amúgyi Kristo amu pú aha ání bǵwa afunu bēē, Bulu ǵnǵsv atǵpǵ bǵgyi tsǵtsǵtsǵ bēba ǵyítǵ. Bǵbwe ofula pú osuna pumle aha. Ní bétalí kúraa a, bémle aha amúsv Bulu lalē amu ē. **23** Tame mlíkí wanklaan! Nabla mlí togyitǵ asa íbēba.

Nyankpusa-Mu-Bi Amu Ibabí

(Mateo 24:29-31; Luka 21:25-28)

24 < < lwǵsín-wun amu ǵma a, owí ǵbēta, ǵtsra ē ǵmēetra fēí. **25** Ntsrakpabí békpa tsu ǵsusu bēda. Nwuluta mǵa mútǵ atǵ fēé békpinkí. **26** ǵhagyiǵha obǵwun ání mí, Nyankpusa-Mu-Bi anfi napu tumí mǵa numnyam kpǵnkpǵntí mbu nwulutatǵ tsu ǵsusu nēba. **27** lnu Bulu ǵbǵwa mu abǵpǵ beyekpa mu aha amúsv alale amu tsu ǵyi afunka ana amu fēésv.

ǵyi ǵnǵmǵ lwí Osuna

(Mateo 24:32-35; Luka 21:29-33)

28 < < Mlípukí pǵntǵ oyi. Ní mǵ abambi depǵ, ídē atē pǵpwe lē a, mlitēbíá awikpan bre lafun. **29** Alí kēn, ní mlowun ání ntobi anfi fēé ídē mútǵ ba a, mlēbí ání mí, Nyankpusa-Mu-Bi anfi íbabí lafun ta ní. Nawie woyí amu ǵnǵ ta. **30** ǵnǵkwalí ndē mlí bla. Ndēmba-abi anfi fēé bumǵowu ta, asa úní fēé bēba mútǵ. **31** ǵsv mǵa así fēé bǵtsun, tame mí asun blíhe mǵǵtsun ēkekeēke.

Nyankpusa-Mu-Bi Amu Ibabí

(Mateo 24:36-44)

32 < < Tame ɔhaa meyin eke nte breá ntobi anfi féé ibéba. Bulu-abɔpu bumeyin. Bulu mu Bi amu e meyin, nketi aní Sɪ amuu ɔbu ɔsusu amu nkule pe yin. 33 Mlɪdɪnka ansɪ iwɪsu, tsufe mlɪmeyin ekeá bre amu ibɔfun. 34 Igyi fe ɔkuá ɔde ɔkpa tu, olesi mu woyi wa mu asumpu ibɪtɔ. ɔleha okugyiɔku agyuma ɔbee ɔbwe. ɔlebla woyi amu ogyopu e ɔbee, ɔyiri iwi ogyo woyi amu wanklaan. 35 Mú su mlɪdɪnka ansɪ iwɪsu, tsufe mlɪmeyin breá woyi mu wie amu ɔbéba. Fialɪ ntupwe o, ɔyinsine o, bake o, nte nyankɪ. 36 Mlɪdɪnka ansɪ iwɪsu, menɪ ɔba bofwie mlɪtɔ a, ɔmɔɔbɔtu mlɪ ánɪ mlɪladɪdɪ. 37 Asun anfi nde mlɪ bla anfi ken nde ɔyɪtɔ aha féé bla nɪ. Mbee, < Mlɪdɪnka ansɪ iwɪsu. > > >

14

Proofread 30-06-09

Bekɪklɪ Yesu Nwunsu

(Mateo 26:1-5; Luka 22:1-2; Yohane 11:45-53)

1 Ilesi nkenyɔ Yudafo abugyi Israelfɔsu Katsun Nke pú Bodobodo Mátuhe Nke. Alɪ bre amutɔ Bulu igyi ahapu dehen pú Mose mbla asunapu bodunka ɔkpa ánɪ bɔtsun músu kɪta Yesu ɲaintɔ, mɔ mu kokooko. 2 Tame beblɪ bee, < < Megyi Katsun Nke anfitɔ abómɔ mu, menɪ kpokiti méeda ɔmá amutɔ. > >

Ofobi Fanfaanfan Puwulɪ Yesu

(Mateo 26:6-13; Yohane 12:1-8)

3 Breá Yesu bu Betania wulutɔ, Simon ɔkuá alalɔ ɪɔ pepe kɪ woyitɔ ɔde atɔ gyi a, ɔtsɪ ɔku leba unu. ɔde prentua wanklaan kuá ofobi fanfan ánɪ ɪbu ibia bu mútɔ. Oletii mú ɔnɔ, ɔletsei ofobi amu wulɪ

Yesu nwuntɔ. **4** Aku bubu unvá unɔwa amú ɔdwe. Befite aba bee,
< < Ntogyi su ɔde ofobi anfi yinta? **5** Teki abétali fe ofobi fanfan anfi
mú ibia bódon ɔbakule ofi ɔkule ikɔka anfi, puha ahianfɔ. > > Behie
wa iyin wa ɔtsi amu.

6 Tame Yesu lebli ɔbee, < < Mlisi mu! Ntogyi su mlide mu han? Ito
yile alabwe ha mi. **7** Ahianfɔ bétsia mli wa ekekegyieke. Bregyibreá
mlidekle a, mlétali wa awɔtɔle ha amú, tame mi mú mméetsia mlito
ya. **8** Alabwe múá ɔbétali pula mi ɔyulu ya ha mi opulake.

9 Onɔkwali nde mli bla. ɔyito ɔtinegyiɔtineá béda Bulu asun
wanklaan amu ɔkan a, bébli to anfi ɔtsi anfi labwe anfi pukain
musu. > >

Yuda Iskariot Lotsula Ání ɔbéle Yesu Ha

(Mateo 26:14-16; Luka 22:3-6)

10 Mú ɔma a, mu akasipu duanyɔ amuto ɔkuleá buteti mu Yuda
Iskariot loyowun Bulu igyi ahapu dehen amu, menɔ ɔbéle Yesu ha
amú. **11** Breá bonu asun anfi a, ilehie wa amú ɔdwe. Behie mu asi ání
béka mu ikɔ. Mú su olodunka ɔkpa ání ɔbótsun músu le Yesu ha amú.

Katsun Atogyihe Gyi

(Mateo 26:17-25; Luka 22:7-14, 21-23; Yohane 13:21-30)

12 Bodobodo Mátuhe Nke amuto eke gyankpapvá butɔmɔ Israelfɔsu
Katsun Nke akufa lɔfun. Yesu akasipu befite mu bee, < < Osunapu,
obu mɔmuto ayela ha fu, afugyi Katsun Nketɔ atogyihe amu? > >

13 Musu ɔlɔwa amúto abanyɔ, bla amú ɔbee, < < Mliyo Yerusalem
wuluto. Mléfia oyin ɔkuá ɔsu ntsu-ɔlɔ, mlibuo mu. **14** Woyi oduato
obówie a, mlifite woyi mu wie amu mliaa, < Nkunu afɔɔ ɔswukpa
bu, mia mi akasipu aba begyi Israelfɔsu Katsun atogyihe amu unu? >

15 Obósuna mli abansru yile kvá bala mító yai. Mlibwe ato amu yai unu. > >

16 Yesu akasipu amu boyo wulu amuto a, bowun togyito ali amuu Yesu lebla amú amu peperepe. Bobwe Israelfosu Katsun atogyihe amu yai unu.

17 Breá nsainto deklun a, Yesu mua mu akasipu beba unu. **18** Ato amu ogyikpa a, Yesu lebla amú obee, < <Onokwali nde mli bla. Mlito okuleá mia munyo ibi da olepeto obéle mi ha. > >

19 Asun anfi lehie han akasipu amu. Mú su befi asi bude mu fite ikule-kule bee, < <Mi ni loo? > >

20 Yesu lebla amú obee, < <Mli aha duanyo anfito okuleá mia munyo ibi da olepeto obéle mi ha ni. **21** Mi, Nyankpusa-Mu-Bi anfi nówu fe alia bowanlin tswi, tame cha amuu obéle mi ha amu ogyowu ni. Ni bumetepi kwu mu kuraa a, teki ibu ale ha mu. > >

Yesu Ntupwe Atogyihe Trahe

(Mateo 26:26-30; Luka 22:14-20; 1 Korintofo 11:23-25)

22 Breá bude ato amu gyi a, Yesu lele bodobodo ipin. Oleda Bulu ipan, biabia mító puha amú, bli obee, < <Mliho, mi oyulu ni. > >

23 Inu olotsu nta-ewe, oleda Bulu ipan, puha amú féé bonun.

24 Muu oleda amú obee, < <Mi obugya ni. Mú Bulu depusi mu ntam^m ání alaka ha ahasu ni. Bétsei mú wuli asi aha tsotsotsotso lakpan su. The Last Supper (showing Jesus & 8

disciples)|CN01803B.TIF|span|MRK14:22-26|David C. Cook

Foundation|Olebla amú obee, < <Mi obugya ni. > > |Marko 14:24

25 Onokwali nde mli bla, mméetra nun wain-abi nta anfi alu yofon

^m**14:24** Ntam pɔpwe bu nwulu dada amu akuto.

ekéá nónun mú pɔpwe Bulu iwiegyi amuto. > >

26 Benya wa ulu da Bulu ɔpan ta alɔ benatɔ yɔ Nfɔ-nyibu amusu.

Petro Ɔbɔswu Ɔbeɛ Mumeyin Yesu

(Mateo 26:31-35; Luka 22:31-34; Yohane 13:36-38)

27 Mvu Yesu lebla amú ɔbeɛ, < < Mlɔ féé mléyinki mɔ ɔma. Tsufe Bulu ɔnɔsu atɔpu amu bɔwanlɔn wa Bulu asun amuto beɛ, < Néda akufa ɔkpapu amu leda, mu akufa beɔasaɔn. > **28** Tame nɔ Bulu ɔkusua mɔ tsu afulitɔ a, négya mlɔ nkpa yɔ Galilea ɔmáto. > >

29 Petro lebla mu ɔbeɛ, < < Nɔ amú féé béyinki fu ɔma kuraa a, mɔ mú mméeyinki ekekekeke. > >

30 Yesu lebla mu ɔbeɛ, < < Ɔnɔkwali nde fu bla. Onyenɔ, asa bate ɔbéle ɔnɔ tse nyɔ a, fɔswu pu ɔbɔ wa ogya tse sa fɛe fumeyin mɔ. > >

31 Inu Petro lefin yabi yi ɔbeɛ, < < Nɔ lowu igyi kuraa a, mméekina fu ekekekeke. > >

Alɔ ken atrahe amu e féé beblɔ nɔ.

Mpaɔbo Getsemane

(Mateo 26:36-46; Luka 22:39-46)

32 Boyowie ɔtɔnekuá butetɔ unu Getsemane. Mvu Yesu lebla mu akasɔpu amu ɔbeɛ, < < Mlɔtsia nfi, nýɔɔbo mpaɔ. > > **33** Ɔlekpa Petro mua Yakobo pú Yohane buo ɔwi. Inu asun lehiɛ han mu, mu ansɔ lepe. **34** Mvu ɔlebla amú ɔbeɛ, < < Asun ɔhiɛ de mɔ han. Idekle mɔ mɔ. Mlɔtsia nfi, amlɔgyo. > >

35 Inu ɔlenatɔ yɔ nkpa kpalobi, ɔleda akpawunu kokoli Bulu ɔbeɛ, < < Nɔ ɔbɔwa ale a, ha bre anfi utsun mɔsu. > > **36** Mvu ɔleblɔ ɔbeɛ, < < Abbaⁿ mɔ Sɔ, futetali bwe togyitɔ. Ha nta-ewe anfi^o utsun mɔsu!

ⁿ14:36 <Abba!> asɔ gyi, <Mɔ Sɔ!>

Tame megyi tɔ́á ndekle, mboun múá fudekle ɪba mútɔ! > >

37 Oleyinki ba akasɪpu amu wa bowun ání budɛdɪdɪ. Inɪ su ɔlefite Petro ɔbɛɛ, < < Simon, fudɛdɪdɪ? Fumetalɪ gyo dɔnhwɪrɪ kulɛ kpan?

38 Mlɪgyo amlɪkokoli Bulu, mɛnɪ mlumóowie ɪɔkɪtɔ. Tsufɛ ɔɲɛ amu dekle, tame nyankpusa lɔpɔn. > >

39 ɔlɛtra yɔbɔ mpaɪ, bla Bulu asun kuakulɛ amu kɛn. **40** ɔlɛtra yinki ba bowun ání akasɪpu amu bɪtra budɛdɪdɪ, tsufɛ dɪdɪ dɛ amó bu. Bɪmetalɪ bla mu asvansu.

41 Brɛá ɔlɛba otse sasi a, ɔlefite amó ɔbɛɛ, < < Mlɪlatra si mlɪda mlɪdɛ ɔkpunv da? Itsia alɪ ngya! Brɛ amu lafɪn ání bópu mɪ, Nyankpusa-Mu-Bi anfi wa lakpan abwɛpu ɪbɪtɔ. **42** Mlɪkusu ayo. Mlɪkɪ, ɔha amuv ɔdɛ mɪ lɛ ha amu na a! > >

Yesu Kɪta

(Mateo 26:47-56; Luka 22:47-53; Yohane 18:3-12)

43 Yesu ɔnɔ mesi asa akasɪpu duanyɔ amvɔtɔ ɔkulɛá butɛtɪ mu Yuda lobowie unv. ɔdɔm ání budɛ ndayi pú nkpoti bubuo mu. Bulu igyi ahapu dɛhɛn, Mose mbla asunapu pú Yudafo ahandɛ amu lɔwa amó. **44** Yuda amuv ɔlɛlɛ Yesu ha amu lɛbla ɔdɔm amu yaɪ ɔbɛɛ, < < ɔha amuv nɛlata puta amu gyi ɔha amu nɪ. Mlɪkɪta mu kinkiinkin, amlɪkpa mu natɪ. > >

45 Inu ɔlɛnatɪ laa yɔ Yesu wa, yokpoli mu ɔbɛɛ, < < Osunapu! > > ɔlɛlata mu puta. **46** Inu aha amu bɛnatɪ tv Yesu, kɪta mu kinkiinkin. **47** Tame unv alɪpu amvɔtɔ ɔkulɛ lɔtswɪ mu ɔdayi kpa Bulu igyi ɔhapu dɛhɛn osumbi ɔku ɪsu lɛ. **48** Inu Yesu lɛfite amó ɔbɛɛ, < < Ogyo otswapu ngyi, su mlɪlatsu nkpoti pú ndayi mlɛba mɪ ɔkitakpa?

°14:36 Nta-ɛwɛ anfi igyi ɪwɪɔsɪn ání Yesu obówun.

49 Ntsie mli wa Bulu ɔtswekpa wunsinesu unu ekekegyieke nde mli ato suna, mlimékita mi ekekeéke. Iní laha Bulu asun wanlinhe amu ulaba múto. > >

50 Inu mu akasipu amu féé besri si mu.

51 Ilesi ɔyasubi ɔkuá ɔlɔwa liga nkule. Bekita mu, 52 tame ɔlɔkɔli si mu liga amu wa amú ibito, pu yaya sri.

Yudafɔ Ahande Ansito Lu

(Mateo 26:57-68; Luka 22:54-55, 63-71; Yohane 18:13-14, 19-24)

53 Bekpa Yesu ya Bulu igyi ɔhapu dehen woyi. Igyi ahapu dehen, Mose mbla asunapu pú Yudafɔ ahande amu féé bafia unu. 54 Petro lepeti buo amú ɔma tsutsuutsu, alu yowie woyito unu. Inu oleyetsia unu asumpu wa, ɔde ogya nun. 55 Inu Bulu igyi ahapu dehen pú Yudafɔ asun agyipu^p atrahe féé bodunka aha ání béka asun dinka Yesusu, meni bélu amú asun blihesu mo mu, tame bumenya. 56 Tsufe aha tsɔtsɔɔtsɔ bɔwa afunu dinka musu, tame amú féé ɔno lotsun ɔsan. 57 Inu aku bɔkusɔ ka asun dinka musu bee, 58 < < Anilonuá ɔlebli ɔbee, < Nóbwie Bulu ɔtswekpa anfi bapu ibi yi anfi, tame nkensa ɔma a, nélayi pɔpweá megyi nyankpusa ɔbɔpu ibi yi mú. > > > 59 Tame amú ε amú ɔno mɔbwe kule.

60 Inu Bulu igyi ɔhapu dehen amu lɔkusɔ lu amú féé ansito, ɔlefite Yesu ɔbee, < < Fuma ɔno le? Fuma asvansu bli pule fu ɪwi? > >

61 Tame Yesu mele asvansu ɔno. Mus Bulu igyi ɔhapu dehen amu letra fite mu ɔbee, < < Bulu amuv butekanfu amu mu Bi gyi fu? Fugyi Kristo (ɔha amuv Bulu leda mu ofuli amu) ni? > >

62 Yesu lele mú ɔno ɔbee, < < Ee! Mi ni! Mlowun ání mi,

^p14:55 Yudafɔ asun agyipu anfi buteti Sanhedrin Griki ɔblito.

Nyankpusa-Mu-Bi anfi ntsie Bulu Otumipu gyɔpɔsu anfi ndɔn
nwulutasu tsu ɔsusu neba. > >

63 Bulu igyi ɔhapu dehen amu lekita mu atadie balɔ mɔ kɛaan.^q Muu
ɔleblɔ ɔbeɛ, < <Adansie mɔmu anitra anigyo? **64** Mlɛlanu abususuá
alablɔ. Nkalɔ gyi mli agywun? > >

Amú féé botsula ání olegyi pɔn, bumɔ mu.

65 Amúto aku bɔwa atsuno tutu wuli mu bi. Bɔpu ato tin mu ansibi,
bɔfulɔ mu atswɛ, bla mu beɛ, < <Bulu ɔnɔsu ɔtoɔpu, suna anɔ ɔha ání
ɔɔfulɔ fu itswɛ! > > Inu agyopu amu ε bedada mu asuto.

Petro Lɔswu ɔbeɛ Mɔmeyin Yesu

(Mateo 26:69-75; Luka 22:56-62; Yohane 18:15-18, 25-27)

66 Petro lesi otsie wunsɛnesu unu, Bulu igyi ɔhapu dehen amu
osumbi tsihe ɔku leba. **67** Breá olowun Petro tsie ɔde ogya nun a,
ɔlekɔ mu diin. Muu ɔlefite Petro ɔbeɛ, < <Fua Yesu Nasaretyin amu
nyɔ na. > >

68 Tame Petro lɔswu bli ɔbeɛ, < <Mmeyin toto tsu asun anfi
fudeblɔ anfi iwɔ! > > ɔlenati yɛlu ɔkpa ɔno, unu bate lɔbɔn.^r

69 Osumbi tsihe amu letra yɔtu mu unu, ɔlɔwa aha amuu bulu unu
amu bla bi ɔbeɛ, < <Amúto ɔkule gyi oyin anfi. > > **70** Tame Petro
letra swu pu ibi wa ogya.

Uɔbwe kpalobi a, aha amuu bulu unu amu bebla Petro beɛ, < <Lele
mɔ a, amúto ɔkule fugyi, tsufe Galileayin fu ε fugyi? > >

71 Inu Petro lɔwa ntam kaka bi ɔbeɛ, < <Neke togɔito, mmeyin
oyin anfi mlɛde mu iwɔ asun bli anfi. > >

^q**14:63** Ilosuna ání asun amu lawie mu iwɔto dubi.

^r**14:68** Inu bate lɔbɔn uma nwulu dada amu akuto.

72 lɛv batɛ lɔbɔn otse nyɔsi. Mɔv Petro lekain asun amɔv Yesu lebla mɔ ɔbɛɛ, < < Fɔswu tse sa fɛɛ fɔmeyin mɔ asa batɛ ɔbɛɛ ɔnɔ tse nyɔ. > > amɔv. Mɔv ɔlekpa isu yi, hiɛ su woo.

15

Proofread 30-06-09

Yesu Pilato Ansɔɔ Lu

(Mateo 27:1-2, 11-14; Luka 23:1-5; Yohane 18:28-38)

1 Oyikehe nyankɔ-nyankɔ a, Yudafo ahandɛ-ahandɛ amɔ fɛɛ befia kɔta agywun. Aku bugyi Bulu igyi ahapɔ dehen, Mose mbla asunapɔ pɔ Yudafo ahandɛ atrahe^s lɛv beha beklɔ Yesu, pɔ mɔ yɔwa Pilato ɔbɔɔ. **2** Pilato lefite Yesu ɔbɛɛ, < < Fugyi Yudafo owie amɔ nɔ? > >

Yesu lele mɔ ɔnɔ ɔbɛɛ, < < Ee, mɔ fablɔ a! > >

3 lɛv igyi ahapɔ dehen amɔ beka asun tsɔtsɔɔtsɔ dɔnka Yesuv.

4 Mɔ su Pilato lefite Yesu ɔbɛɛ, < < Kɔ asun tsɔtsɔɔtsɔá baka dɔnka fɔvɔ, fɔma mɔ ɔnɔ le? > >

5 Tame Yesu mele asvansɔ ɔnɔ. Mɔ su ɔlɔwa Pilato wanwan.

Yesu Lowu lɔn Ha

(Mateo 27:15-26; Luka 23:13-25; Yohane 18:39--19:16)

6 Katsɔn Nke kugyikɔɔ a, igyi ɔmásv ogyipɔ Pilato amandɛá obési obu adɔpɔɔ ɔkɔléá amɔ onuto bɔdekle ha amɔ. **7** Oyin ɔkɔá butetɔ mɔ Baraba mɔa mɔ aba bɔda obu alɔ brɛ amɔɔ. Bɔkɔsv lu ɔmásv, kpokiti leda, bɔmɔ ɔha mɔɔ. **8** Odɔm amɔ bɔyɔ Pilato wa yobwii ipa ha mɔ beɛ, osi obu ɔdɔpɔ ɔkɔle ha amɔ alɔ amɔv otetsia bwe ha amɔ amɔ. **9** Mɔv Pilato lefite amɔ ɔbɛɛ, < < Mlɔdekle mliaa, nsi Yudafo

^s**15:1** Ahandɛ atrahe anfi butetɔ Sanhedrin Griki ɔblɔɔ.

Owie anfi ha mli loo? > > **10** Ɔlefite amú alí, tsufe olowun ání Yesu ɔwí olu su Bulu igyi ahapu dehen amu bakita mu ba mu.

11 Ig yi ahapu dehen amu beha ɔdɔm amu ɔnɔ beɛ, bukokoli Pilato, osi Baraba mboun ha amú. **12** Pilato letra fite amú ɔbeɛ, < < Nto mbwe ɔha anfi mlidetɛ mliha, Yudafo Owie anfi? > >

13 lnu amú fée bɔsura okitikiti beɛ, < < Da mu manta oyikpalihesu! > >

14 Pilato lefite amú ɔbeɛ, < < Tsitsa mɔmu alabwe? > >
Tame belasura okitikiti kuklukuu beɛ < < Da mu manta oyikpalihesu! > >

15 Pilato dekleá ɔbɔbwe ɔdɔm amu ape ha amú. Mú su olesi Baraba ha amú, ɔleha mu isa akɔpu bepiti Yesu mpli; ɔɔpu mu wa amú ibito ɔbeɛ, buyeda mu manta oyikpalihesu.

Yesu Ahinla Bwe

(Mateo 27:27-31; Yohane 19:2-3)

16 Isa akɔpu amu bekpa Yesu ya ɔmásu ogyipu amu woyito. Beti amú aba isa akɔpu atrahe amu fée, beda Yesu ɔbun. **17** Bɔpu liga pepe ku wa mu, bɔlu obungyo-awu, bwe mú owiepa bun mu nwun. **18** lnu bɔbwe mu ahinla, beti mu beɛ, < < Yudafo Owie, fu nkpasu ɔnlinsu! > > Bɔtswi ope! **19** lnu bɔpu oyi sisi mu nwunto, tutu atsuno wuli mu, da akpawunu mu ansito. **20** Bɔbwe mu ahinla ta a, bɔwɔ amú liga pepe amu, yinkia mu onuto atadie wa mu, bekpa mu dali beyeda mu manta oyikpalihesu.

Yesu Da Manta Oyikpalihesu

(Mateo 27:32-44; Luka 23:26-43; Yohane 19:17-27)

21 Befia Kireneyin ɔkuá buteti mu Simon, ogyi Aleksandro mua

Rufo ɔsi. Otsu abu asi ɔba, beka mu hie bee, ɔsura oyikpalihe amu.

22 Muu bekpa Yesu ya ɔtinekuá buteti unu Golgota. Mú asi gyi,
< <Nwun Okokobi Otsiakpa. > > **23** Bɔpu afa kuá iteba iwɔsin asi
wa ntato tin Yesu ɔno bee onun, tame omonun. **24** Beda mu manta
oyikpalihe amusu ta a, beye mu atadieto. Inu bɔtswi abi puki
ɔhagyiɔha ogyikpa. **25** Ibɔbwe fe nyanki dokwebato beda mu manta
oyikpalihesu. **26** Muu bɔwanlin tɔá sɔá bude mu da manta oyikpalihe
amusu dinka mu awunsu bee, < <YUDAFɔ OWIE. > > **27-28** Beda
awikplu abanyɔ aku e manta nyikpalihesu tsia mutɔ. ɔkule bu mu
gyɔpɔsu, ɔkule e bu mu binasu.^t

29 Inu atsunpu bɔkpukpu nwuntɔ, bli mu iwi abususu bee, < <Ye
fu fee, fétaɔ bwie Bulu ɔtswekpa amu, lapwe mu nkensa owito ni?

30 Hɔ fu iwi, afukpli tsu oyi amusu aki! > >

31 Bulu igyi ahapu dehen pú Mose mbla asunapu amu e bɔbwe mu
ahinla bee, < <ɔlɔhɔ aha nkpa, tame ɔmetali hɔ mu iwi. **32** Nɔ
mugyi Israelfɔ owie, Kristo, (ɔha amuu Bulu lada mu ofuli) a, ɔkpli
tsu oyi amusu awun, aho mu gyi! > >

Aha amuu beda manta oyisu mu gyɔpɔsu múa binasu amu e bɔbwe
mu ahinla.

Yesu Lowu

(Mateo 27:45-56; Luka 23:44-49; Yohane 19:28-30)

33 Breá doduanyɔ leda a, owi leta ɔsulɔ amusu féé alu yɔfun ntupwe
dɔsatɔ. **34** Dɔsa amuto a, Yesu ɔkplun kuklukuu, bli ɔbee, < <Eloi,

^t**15:28** Múto ye 28 bu nwulu dada amu akuto: *Inu leha Bulu asun
amuu bɔwanlin tswi amu leba múto. Asun amu gyi, < <Bekla mu wa
lakpan abweputo. > >*

Eloi, Lama Sabaktani? > > Mú así gyi, < < Mí Bulu, mí Bulu, ntogyi su fakpa mí ɔma? > >

35 Aha amuvu bulu unu amuto aku bonu asun anfi, bebli bee, < < Mlunu, ɔde Elia kpoli. > > **36** Inu amuto ɔku lesri tsu ɔsapɔ, puda nta ɔdato, puyi oyisu, tsu mú fua putin mu ɔno ɔbee, onun. Muv ɔlebli ɔbee, < < Mlulu aki bee, Elia ɔbéba besiei mu le oyi amuvu? > >

37 Inu Yesu ɔkplun kuklukuv, ɔlele ɔɛ.

38 Inuvu Bulu lebalí tatiá bɔpuka ɔtswekpa obu amuto anyɔ, tsu awunsu beyi asi. **39** Breá isa akɔpu ɔhandeá ɔlu Yesu ansito ɔdeki lowun alíá Yesu lele ɔɛ trahe a, ɔlebli ɔbee < < Lele, Bulu mu Bi oyin anfi gyi! > >

40 Atsi aku e bulu ifunto budeki sisi. Amuto aku gyi, Magdalayintse Maria, Salome pú Maria ání ɔɔkwu Yakobo mua mu gyama Yosef.

41 Amú e betsia buo Yesu, tsia kí musu breá ɔbu Galilea. Atsi tsɔtsɔtsɔ akvá bobuo mu ba Yerusalem e bubu unu.

Yesu Pula

(Mateo 27:57-61; Luka 23:50-56; Yohane 19:38-42)

42 Eke amu igyi ekeá Yudafo butɔpula iwi asa butegyí amú ɔkpunu ɔdake. Breá owi depon a, **43** Arimateayin Yosef lowa uklun yɔ Pilato wa yɔkuli mu ɔbee, osi Yesu fuli ha mu amupula. Yudafo asun ogyipu ogyi, butobu mu. Mu e ɔde Bulu iwiegyi amu ɔkpa kí. **44** Lowa Pilato wanwan ání Yesu lawuna wu. Mú su ɔleti mu isa akɔpu ɔhande, fite mu ní olowu ulawa ɔpá. **45** Breá isa akɔpu ɔhande amu lotsula músu a, Pilato lesi fuli amu ha Yosef. **46** Muv Yosef lɔho ɔhrada, ɔɔyɔ yesiei Yesu le oyi amuvu, kíkí mu wa ɔhrada amuto, tsu mu yopula ɔbo kvá beda butato, olemina ibwi yileyile ku tin ɔbo amu ɔno. Burial

of Jesus|DN00494b.tif|span|MRK15:42--16:8|Darwin Dunham,
United Bible Societies, Nairobi|Bopula Yesu ɔbo kuá beda
butatɔ.|Marko 15:46 47 Magdalayintse Maria mua Yosef mu yin
Maria bowun Yesu opulakpa.

16

Proofread 30-06-09

Yesu Kusu Tsu Afulito

(Mateo 28:1-8; Luka 24:1-12; Yohane 20:1-10)

1 Yudafo ɔkpunu ɔdake amu ulotsun a, Magdalayintse Maria mua
Yakobo mu yin Maria pú Salome bɔho ofobi fanfan ku bee, beyekpa
Yesu fuli amu. 2 Kwasieda nyanki, breá owi lopwie a, bɔyo Yesu
opulakpa nu. 3 Breá buna ɔkpatɔ a, amú wulewule bude aba fite bee,
< <Ma abénya obémina ibwi amu le ɔbo amu ɔno ha aní? > >
4 Botsu anɛ ki a, bamina ibwi amu le ɔbo amu ɔno dodo. Ibwi amu
lehie moni. 5 Breá bebitiwie ɔbo amuto a, bowun ání ɔyasubi ɔku
lɔwa liga fututuutu, otsie ɔbo amu gyɔpɛsu. Ifu lekita amú.
6 ɔyasubi amu lebla amú ɔbee, < <Mlumánya ifu. Nawun ání Yesu
Nasaretyin amuu beda manta oyikpalihesu amu mlidedunka. Bulu
lakusua mu, ɔma nfi. Mlɛki ɔtine amuu bopula mu amu. 7 Mliyebla
mu akasɛpɛ amu pú Petro mlɛaa, alagya mli nkpa ɔyo Galilea ɔmato.
lɛnu mlówun mu fe alɛ amuu ɔlebla mli amu ni. > >
8 lɛnu besɛɛ dalɛ ɔbo amuto, tsufe opuni letsɛ amú, ɔno e lobwie amú.
Mú su breá bɔyo a, bumɛbla ɔhaa, tsufe ifu de amú, budekpunkɛ
kpakpakpakpa.

Yesu lɛlɔwanle Suna Magdalayintse Maria

(Mateo 28:9-10; Yohane 20:11-18)

9 [Kwasieda bake, breá Yesu lókusú tsu afulitò a, olegyankpa lè ɪwɪ ɔwan suna Magdalayintse Maria amú olegya ɔŋe lalahè asienò lè mutò amú. 10 Mú è ɔleyebla Yesu abuoɔ amú bude mú su, bude awirehò gyi amú. 11 Tame breá ɔlebla amú ɔbèè, Yesu lakusu, mawun mú a, bumohogyi.

Yesu ɪwɪɔwanlè Suna Mú Abuopu Abanyò

(Luka 24:13-35)

12 ɪnɪ ɔma a, Yesu lèlè ɪwɪ ɔwan ɔkpa bambasú suna mú abuopu abanyò breá buna ɔyò akuda, tame bumòkòsɪ bí mú. 13 Amú è beyinki yebla atrahe amú, tame amú è bumohogyi.

Yesu ɪwɪɔwanlè Suna Mú Akasipu

(Mateo 28:16-20; Luka 24:36-49; Yohane 20:19-23; Gyumagyihe 1:6-8)

14 ɪnɪ féé ɔma a, Yesu lèlè ɪwɪ ɔwan suna mú akasipu duòkun amú breá bude atò gyi. Amú kluntò-odwin pú amú máhogyi sú ɔlòwa ɪyɪn wa amú. Tsufe bumòhò aha amú bowun mú mú kusu tsu afulitò ɔma amú gyi. 15 Mú ɔlebla amú ɔbèè, < < Mɪyò ɔyitò féé, amɪyeda Bulu asun wanklaan amú ɔkan ha aha féé. 16 ɔha ání olohogyi, ɔòò mú asu a, Bulu ɔbòhò mú nkpa, tame ɔha ání omohogyi obégyi pòn. 17 Osuna anfi obóbuo aha ání bohogyi nɪ. Bégya ɔŋe lalahè mɪ idatò, bébli ɔbli bamba, 18 békita awò ɪbitò, bónun afa ání ɪtò mò kugyiku, tame ɪmóɔbwe amú tòtò. Bópu ɪbí dínka alòpusu, ɪwɪ bówa amú ɔnlɪn. > >

Yesu ɔsusu Yò

(Luka 24:50-53; Gyumagyihe 1:9-11)

19 Breá anɪ Wie Yesu lèbla amú asun ta a, Bulu lotsu mú ya ɔsusu, oleyetsia mú gyòpusu. 20 Mú akasipu amú befi asɪ bude asun amú

ɔkan da ɔtɪnɛgyiɔtɪnɛ. Anɪ Wie Yesu lɛlu amó ɔma bɔyɔ agyuma.
ɔlɔtsun osuna ání bɔbwesɔ, wa asun amɔ ɔwunlɪn.]^u

^u**16:9-20** Móto ye 9-20 ɪma nwulɔ dada amɔ akɔto.

LUK - - NKO Book of Luka in the Nkonya Language of Ghana

Luka

Asvn Wanklaan Ání Luka Lɔwanlɪn

Luka

Luk.

Asvn Wanklaan Ání

Luka

Lɔwanlɪn

1

Proofread 02-07-09

1 Onumnyampu Tiofilo:

Aha tsɔtsɔɔtsɔ babɔ mbɔɔɔ wanlɪn tɔ́á ɔ́ɛba anɪtɔ tswɪ. **2** Bɔwanlɪn tɔ́á aha amɔv bubu unv tsu mú nfiasɪ, bugyi mú asumpu amv bowun da mú ɔ́kan amv bebla anɪ pepeɛpe. **3** Onumnyampu Tiofilo, mɪ ɛ nabɔ mbɔɔɔ kwi mútɔ wanklaan tsu mú nfiasɪ. Mú sv ndekleá nɔ́wanlɪn mú pepeɛpe ha fu, **4** menɪ fébɪá atɔ amɔv basuna fu amv igyi ɔ́nɔkwali.

Asu ɔ́bɔpu Yohane Kwu Asvn

5 Breá Herode de iwie gyi Yudea ɔ́mátɔ a, Bulu igyi ɔ́hapu ɔ́ku letsia, butetɪ mu Sakaria. Otsu Bulu igyi ahapu ɔ́pasua kvá butetɪ mú Abiatɔ. Mu ka gyi Elisabet, otsu Bulu igyi ɔ́hapu Aaron abi-anátɔ. **6** Mva mu ka asvn da ɔ́kpa Bulu ansɪtɔ. Butegyɪ anɪ Wie Bulu mbla pú mu nhɪhɛ féésu pepeɛpe. **7** Buma obi, tsufɛ Elisabet megyi ɔ́tsɪ kwɪpu. Mva mu klu féé ɛ bahɛ dan.

8 Eke oku uto Sakaria ana pasua ani amu obéha Bulu igyi. Sakaria loyo obu Bulu ansito ode mu agyuma yo. 9 Abi butotswi pule zha ani obébitiwie Dwankikpa unu yowa zhién ogya, igyi ahapu amu amandie zno. Botswi a, ileyi Sakariasu. 10 Breá ode zhién amu ogya wa a, odom ani boyo otswékpa unu féé bulu kpankpa bude mpai bo.

11 Bulu-obopu oku lebelu afodie-otswi amu gyopisu, le iwi zwan suna Sakaria. 12 Breá olowun Bulu-obopu amu a, zlowan, ifu lowie mu ayeto. 13 Inu Bulu-obopu amu lebla mu zbee, < < Sakaria, manya ifu! Bulu lanu fu isu. Fu ka obénýa zmé kwu obi yinhe ha fu. Dinka mu ida <Yohane.> 14 Obi anfi kwu bówa mli odwe, wa mli ansigyi. Ibówa aha tsotsotso e ansigyi. 15 Tsufe kebi amu obóbwe zha kponkponti Bulu ansito. Nta buhe kuku máda mu zno ekekeke. Zhe Wankihe obóbula mutó tsu breá obu mu yin iwito. 16 Obéha Israelfo tsotsotso bédamli klunto ba amú Wie Bulu wa. 17 Bulu zozu otupu Elia tumi pú mu zhe bétisia mutó. Obégýa anu Wie nkpa ba. Obéha abi-así bódwe amú abi. Obédamli aha ani butokusu lu Bulusu agywun, bwe fe yile abwepu kle, menú obéla aha yai wanklaan ha anu Wie. > >

18 Sakaria lefite Bulu-obopu amu zbee, < < Nto nópubiá asun anfi ibéba múto? Tsufe mia mi ka anlapon. > >

19 Inu Bulu-obopu amu lebla mu zbee, < < Mi ida gyi Gabriel. Bulu ansito olupu ngyi. Mulawa mi zbee, mbebla fu asun wanklaan anfi.

20 Tsu nde puya ekeá asun anfi ibéba múto a, fíto omumu, tsufe fumozo mi asun blihe anfi ibéba mú breto anfisú gyi. > >

21 Ulobwe ali a, umowanki aha amu bulu bugyo Sakaria amu toá suá alawa opa otswékpa obutoto unu ali. 22 Breá zledali ba a, alato omumu. Mú su bowun ani alawun toku obutoto unu. Inia zmetali toi su a, olupu mu ibi múa mu nwun bla amú asun.

23 Sakaria letsia ɔtswekpa unu yɔfun ekeá ɔleha Bulu igyi ta, oleyinki yɔ woyi. **24** Nke amu ɔma a, Elisabet lenya ɔmé, tsia ɱain ɪwɪ alu tsra anu keke. **25** Elisabet lebli ɔbeɛ, < < lɪnɪ mɪ Wie Bulu labwe ha mɪ nɪ. Alawun mɪ nwe, dɪnkɪ nsupa le mɪsʊ ahato. > >

Yesu Kwu lwi Asun

26 Breá Elisabet ɔme lɔhɔ tsra asie a, Bulu lɔwa mu ɔbɔpu Gabriel wulu kuá ɪbu Galilea ɔmátɔ, butetɪ mú Nasaret. **27** ɔlɔwa mu obitebi ɔkuá ɔmɔkudɪ oyin wa kɪ, butetɪ mu Maria wa. Alɪ bre amutɔ a, buɔepu obitebi amu ha oyin ɔkuá butetɪ mu Yosef, ogyi owie Dawid mu na beɛ otsia. **28** Bulu-ɔbɔpu amu leba Maria woyitɔ beha mu itsia, bla mu ɔbeɛ, < < Bulu lagyi fu buale. Alahɛ yula fu! > >

29 Asun anfi leha Maria legyigya. ɔlefite mu ɪwɪ ɔbeɛ, < < Ngya nto itsia odu ɔha anfi laha mɪ alɪ? > > **30** Bulu-ɔbɔpu amu lebla mu ɔbeɛ, < < Maria, mánya ifu. Bulu lahɛ yula fu! **31** Kɪ, fénya ɔme kwu obi yinhe. Dɪnka mu ɪda < Yesu. > **32** ɔbɔbwe ɔha yile. Betɪ mu ɔsʊsʊsʊ Bulu mu Bi. Anɪ Wie Bulu ɔbéyɪ mu mu nain Owie Dawid obiasʊ.

33 Obégyi iwie Jakob^v woyisʊ bre féé. Mu iwiegyi mɔ́ɔmɔ ɔnɔ ekekekeke. > >

34 Maria lefite Bulu-ɔbɔpu amu ɔbeɛ, < < Nkalɪ ɪbɔbwe asa ɪnɪ ɪbéba mútɔ, tsufe mmeyin oyin. > >

35 Bulu-ɔbɔpu amu lele mú ɔnɔ ɔbeɛ, < < ɔɱe Wankɪhe ɔbéba fusʊ. ɔsʊsʊsʊ Bulu amu tumi bóɔbun fusʊ. lɪnɪ sʊ aha bétɪ Obi wankɪhe amʊsʊ fɔkwu amu beɛ, < Bulu mu Bi. > **36** Kɪ, fu obusuanyin Elisabet kuraa ɔba bɔkwu obi yinhe mu tsɪdehen anfitɔ. Aha beɛ, megyi ɔtsɪ kwɪpu ogyi, tame mu ɔmé lahɔ tsra asie dodo. **37** Tsufe tɔtɔ mɔɔun Bulu bwe! > >

^v**1:33** Israelfɔ gyi Jakob abi-aná.

38 Inu Maria lebla Bulu-ɔbɔpu amu ɔbɛɛ, < < Bulu osumbi ngyi.
lba mító ha mɪ fɛ alíá fablɪ. > > Inu a, Bulu-ɔbɔpu amu lenatɪ si mu.

Maria Elisabet Sɪna

39 Nke amutɔ a, Maria lɔkula atɔ, wa ɔsa yɔ Yudea abusu wulu
kusɔ. **40** Muɔ olowie Sakaria woyitɔ ha Elisabet itsia. **41** Elisabet
lenya nu itsia amu alɪ kebi amu lɛkan ɪwɪ mu ɪwɪtɔ, Ɔɲɛ Wankɪhɛ
lɔbula mutɔ. **42** Inu ɔlɔkplɪn blɪ ɔbɛɛ, < < Bulu layula fu atsi fɛ́é́tɔ.
Alayula fu ɪwɪtɔ obi amu ɛ. **43** Iye! Mɪ Wie mu yin onuto laba mɪ wa
a? Ntogyi sɔ Bulu lawa mɪ numnyam anfi odu? **44** Kɪ, nenyanu fu
itsia amu alɪ obi amu ɔbɔ mɪ ɪwɪtɔ amu lɛkan ɪwɪ ansigyisɔ. **45** Bulu
layula fu, tsufe fahogyiá tɔ́á alahɛ ha fu ɪbéba mító. > >

Maria Bulu Kanfu Ulu

46 Inu Maria lɔwa ulu ɔbɛɛ,
< < Mɪ ɔkla dɛ mɪ Wie Bulu kanfu.
47 Mɪ Nkpa Ɔhɔpu Bulu laha ansɪ dɛ mɪ gyi.
48 Tsufe alakain mɪ mu osumbi áńí ɔma tɔtɔ bwetɔsɔ, wun mɪ
nwe.
Tsu sei puya a, abi-aná fɛ́é́ bɛ́blɪ bɛɛ, Bulu layula mɪ.
49 Bulu Otumipu amu labwe atɔ kpɔ́nkpɔ́ntɪ ha mɪ.
Ɔlɔwankɪ.
50 Otowun ulɪn kugyikɔtɔ
aha áńí butenya mu ifu nwe.
51 Alapu mu tumi bwe atɔ akpɔ́nkpɔ́ntɪ,
puda ɪwɪ atsupu nwuntɔ asun sain.
52 Alakplɪ awie mbiasɔ,
tsu aha áńí buma tɔtɔ bwetɔ fua.
53 Alaha ahianfɔ bamli ɪwɪ anyapu,

iwɪ anyapɔ banatɪ ɪbɪkpan.

54-55 Alakpa mu asumpɔ Israelfɔ.

Ɖmetan ání ɔleblɪ ɔbeɛ, mówun anɪ anain Abraham
mua mu abi-aná nwe bre féé,
fe alɪá ɔlebla amó. > >

Alɪ Maria lɔmɔ mu ɪlɔ amɔ ɔnɔ nɪ. **56** Oletsia Elisabet wa fe tsra asa
asa oleyinkɪ yɔ woyi.

Asu Ɖbɔpɔ Yohane Kwu

57 Breá Elisabet lɔbɔkwu a, ɔlɔkwu obi yinhe. **58** Mu abusuanfɔ pú
mu aba bonuá anɪ Wie Bulu lahiɛ wun mu nwe. Mú sɔ ansɪ legyi amó
féé.

59 Obi amɔ lenya ndawɔtswɪ a, mu ɪwɪsɔ aha beba mu obuto
ɔlekpa, abutɪn mu kete, dɪnka mu ɪda. Tekɪ beɛ abɔpɔ mu sɪ ɪda
Sakaria dɪnka mu, **60** tame mu yin lebla amó ɔbeɛ, < < O-o! Mɪdɪnka
mu Yohane. > >

61 Aha amɔ bebla mu beɛ, < < Anɪmɔkɔnu abutɪ fɔ obusuanyin
ɔkɔkɔ alɪ kɪ. > > **62** ɪnɔ bɔbwe mu sɪ ɪbɪ, fite mu alɪá butɪ kebi amɔ.

63 Sakaria lɔbwe ɪbɪ ɔbeɛ butsu tɔkɔ ha mu amɔwanɪn mú dɪnka
músu, ɔlɔwanɪn ɔbeɛ, < < Mu ɪda gyi < Yohane. > > > Ilofwie amó
féétɔ. **64** ɪnɔnɔ mu ɔdandɔ lesankɪ, ɔlɔtɔ kanfɔ Bulu. **65** Ifu lekɪta
apio aba amɔ féé. Alɪ asɔn anɪ lekɪtɪ wa Yudea abusɔ awulu amɔ
féétɔ. **66** Ɖhagyɔha ání olonu asɔn anɪ lefite mu ɪwɪ ɔbeɛ, < < Ntɔ
obi kebi anɪ ɔbɔbwe ekɛkɔ? > > Tsufe ɪlɔwankɪ amó ání Bulu ɪbɪ dɪn
musɔ.

Sakaria Bulu Kanfɔ ɪlɔ

67 ɪnɔ a, Ɖɔɔ Wankɪhe lɔbulɔ Sakariatɔ, ɔlɔwa asɔn ání Bulu lapuha
mu blɪ blɪ.

68 Ọbẹẹ,

< < Mlha akanfu anı Wie Israel Bulu.

Tsufe alabele mu aha, ha anılagyi iwi.

69 Alale Ọhọpu Ọwunlınpu ọku

tsu mu osumpu Owie Dawid abusuanto ha anı.

70 (Fe alıá ọlebli tsun mu ọnosu atọpu wankihe amusu tswi
dodoodo.)

71 Ọbẹẹ, méle anı tsu anı alupu

pú aha áńı butamafia anı ibito.

72-73 Ọbẹẹ, mówun anı anain nwe.

Ọméetan mu nıam wankihe amusu ọleka ha anı nain Abraham
amusu.

74 Ọbẹẹ, méle anı tsu anı alupu ibito,

menı abétalı sum mu, anıméenya adun ifu.

75 Ọbéha abóbwe mu aha,

bwe yile mu ansısu anı nkpatọ féé.

76 Mı bi, fu mó a, aha bétı fu bẹẹ, < Ọsusıusu Bulu ọnosu
atọpu. >

Tsufe fégya anı Wie nkpa,

la ọkpa ha mu.

77 Fébla mu aha fẹẹ, Bulu ọbétalı hı amú nkpa

tsun lakpansikiesu.

78 Anı Wie Bulu nwewun su

Kristo amu ọbédalı fe owi tsu ọsusı ba anı wa.

79 Ọbówankı wulı aha amusu butsie okluntọ pú lowu ọkpasu amu
fééısu.

Ọbékpa anı tsun iwılwıı ọkpasu. > >

lni Sakaria lɔpɔmɔ mu asun ɔnɔ nɪ. **80** Kebi amu ledan, nya Dɔgetɔ ɔwɔnln. Oletsia dimbisu alu yɔfun ɛkɛá ɔlele ɪwɪ ɔwan suna Israelfɔ.

2

Proofread 02-07-09

Yesu Kristo Kwu

(Mateo 1:18-25)

1 Alɪ bre amutɔ a, Roma owie dɛhen Augusto lɔwa mbla ɔbɛɛ, bukla aha ání bubu Romaɔ asɪ fɛ́ɛ, abɔwanln amú ada. **2** Múgyi ahakla gyankpapu nɪ. Alɪ bre amutɔ a, oyin ɔkuá butɛtɪ mu Kirenio dɛ Siria ɔmásv gyi. **3** lni su ɔhagyɔɔha lɔyɔ ɪda ɔwanlnkpa mu onuto wulutɔ. **4** Yosef ɛ lɔkɔsv tsu Nasaret wuluá ɪbu Galilea ɔmátɔ du yɔ Yudea ɔmátɔ, Owie Dawid wulutɔ Betlehem. Tsufɛ Owie Dawid mu na ogyi. **5** Mva Maria amuv bapuha mu bɛɛ otsia, ɔna odwinsu amu nyo lɔyɔ ɪda amu ɔwanlnkpa. **6** Breá bubu Betlehem unv a, ɪkwu lɛkan Maria, **7** ɔlɔkwu mu bitɪ, ogyi oyin. ɔlɛkɪklɪ mu wa tatidatɔ, pu mu tswɪ mbwɪ atogyihɛ dakatɔ, tsufɛ bumenya otsiakpa afɔɔ ɔswukpa. Joseph and Mary; Jesus in manger|CN01617b.tif|span|LUK2:1-7|David C. Cook Foundation|Maria lɛkɪklɪ Yesu wa tatidatɔ, pu mu tswɪ mbwɪ atogyihɛ dakatɔ.|Luka 2:7

Akufa Akpapu Pú Bulu-abɔpu

8 Alɪ bre amutɔ a, akufa akpapu aku bubu unv fun dimbitɔ, buɔɛ amú akufa ɪwɪ gyo onye. **9** Bulu-ɔbɔpu lɛle ɪwɪ ɔwan suna amú, Bulu numnyam lɔwankɪ wulɪ amúsv. Mú sv ifu lɛhɪɛ kɪta amú. **10** lnu a, Bulu-ɔbɔpu amu lɛbla amú ɔbɛɛ, < < Mlɪmánya ifu! Mlɪkɪ, napu asun wanklaan ání ɪbɔwa mlɪa ɔyɪtɔ aha fɛ́ɛ ansigyɪ ba mlɪ. **11** Nɔɛ bakwu nkpa ɔhɔpu, anɪ Wie Kristo, (ɔha amuv Bulu lada mu ofuli amu) ha

mlí Owie Dawid wuluto! **12** Tɔ́á mlópubí mu gyi, mlówun kebi bɔ́bwe ɔ́kuá bapu tatida kíkí mu íwí, ɔ́da mbwí atogyihe dakatɔ. > >

13 Ɔtsawule pe a, Bulu-abɔpu tsɔtsɔɔtsɔ beba betsia Bulu-ɔ́bɔpu amuto, bude Bulu kanfu bee,

14 < < Mliha apu numnyam ha Buluá ɔ́bu ɔ́sɔsɔsɔsɔ!

lwi ilwii aha ání Bulu ansí tegyi amú íwí ɔ́sɔsɔsɔ. > >

15 Breá Bulu-abɔpu amu beyinki yɔ́ ɔ́sɔsɔ a, akufa akpapu anfi bebla aba bee, < < Mliha ayɔ́ Betlehem. Ayekí uto anfi ulaba, Bulu lalɛ suna aní anfi. > >

16 Iní sɔ́ bɔ́wa ɔ́sa yɔ́. Lɛɛ a, bowun Maria mua Yosef pú kebi bɔ́bwe amu, ɔ́da mbwí atogyihe dakatɔ. **17** Breá bowun kebi amu a, beɛ mu íwí asun amuu bonu amu bli. **18** Akufa akpapu asun anfi lɔ́wa aha ání bonu mú fée wanwan. **19** Tame Maria mú lekita asun amu fée wa nwunto, tsia gywun mú íwí. **20** Breá akufa akpapu amu beyinki bɔ́yɔ́ a, buna bude Bulu adabi da, kanfu mu, asun amuu bonu pú uto amuu bayowun fe alí amuu Bulu-ɔ́bɔpu amu lebla amú amu sɔ́.

Yesu lɔ́da Dínka

21 Kebi amu obuto ɔ́leke a, betin mu kete, dínka mu ɔ́da Yesu. lɔ́da anfi Bulu-ɔ́bɔpu amu leha mu asa mu yin lenya mu ɔ́me ní.

Yesu Puya Bulu Ɔtswekpa

22 Breá mu akwupu bógyura íwí Mose Mbla ɔ́no lɔ́fun a, bɔ́pu mu du yɔ́ Yerusalem, pu mu yɔ́wa Bulu íbitɔ. **23** (Tsufe bɔ́wanlín wa Mose Mbla amuto bee, < < Ilehian ání Israelfɔ́ bɔ́pu amú bití okugyiɔ́ku ha Bulu. > >) **24** Mú sɔ́ bɔ́yɔ́bɔ́ afɔ́die amu Mbla amu ɔ́no. Abrɔ́duma anyɔ́ nte aklobi anyɔ́ bɔ́pɔ́bɔ́ alí afɔ́die anfi ha Bulu.

25 Alí bre amuto a, oyin dehen ɔ́ku bu Yerusalem, butetí mu Simeon. Yile ɔ́bwɛpu ogyi, otenya Bulu ifu. Ɔ́ɛ Wankihe bu musu,

otsie ogyo breá Bulu ɔ́bɔ́pɔ ɔ́lɛpɔ ba mu aha Israelfɔ. **26** Ɖɛ Wankɩhe amu lele suna mu ání omóowu, yɔ́fun breá alawun Kristo, (ɔ́ha amuv Bulu lada mu ofuli amu) asa. **27** Ɖɛ Wankɩhe amu leha Simeon loyɔ Bulu ɔ́tswekpa wunsɩnesu. Alɩ bre amuto a, Yesu akwupu baba mu amandɩe anfi ɔ́bwekpa fe alɩ́ Mose Mbla amu lebli. **28** Inu Simeon loho kebi bobwe amu, ɔ́lekanfu Bulu ɔ́beɛ,

29 < < Mɩ Wie! Asun amuv febli tswɩ amu ɩlaba móto.

Sei mó a, mɩ fu osumbi anfi nétaɩ wu iwilwiito nya.

30 Tsufe mɩ onuto napu mɩ ansibi wun ɔ́lɛpɔ amu.

31 Fu onuto fala mu bwe aha féé ansito.

32 Wankɩ ogyi, ɔ́béle fu suna aha ání bumegyɩ Israelfɔ, pu numnyam ba fu aha Israelfɔ. > >

33 Asun anfi Simeon lebli tsu kebi bobwe anfi ɩwɩ leha ɔ́no lobwie mu akwupu. **34** Simeon loyula amó, ɔ́lebla obi mu yin Maria ɔ́beɛ, < < Ina kebi anfi su Israelfɔ ɔ́fan bédɩda, ɔ́fan e bélu. Osuna ogyi tsu Bulusu, aha bókusɩ lu musu. **35** Inɩ su Bulu ɔ́béha aha tsɔ́tsɔ́tsɔ klunsu asun bélɩn ɔ́wan. Fu e a, awireho béhɩe kɩta fu klun. Ibóho fu ɔ́sɩn fe ɔ́dayi ɩya anyɔ bakpie yi fu. > >

36 Ɖtsɩ dehen ɔ́kuá ogyi Bulu ɔ́noɩ ɔ́toɩpu e bu ɩnu. Mu ɩda gyi Hana. Mu si gyi Fanuel, otsu Asa abusuantɔ. Ɖtsɩ dehen anfi muva mu klu betsia aba nfinsienɔ, mu klu lowu. **37** Olosu ɩsura alɩ bɔ́fun breá ɔ́loho nfi adukwe-na (84). Ɖɔ́pɔ Bulu ɔ́tswekpa wunsɩnesu ɩnu mli mu ɔ́dikpa, ɔ́de Bulu sum, kɩ ɔ́no, bɔ́ mpaɩ ɔ́pa móa onye. **38** Mu e ɔ́ledaɩ ba bekanfu Bulu, blɩ kebi bobwe amu ɩwɩ asun suna aha amuv buɔe Yerusalemfo ɩwɩgyi ɔ́kpa kɩ amu.

Yesu Yinkia Ya Nasaret Wuluto

39 Breá Yesu akwupu bobwe amandɩe amu ta Bulu mbla amu ɔ́no a,

beyinki kpli yɔ amú wuluto Nasaret, Galilea ɔsulusu. 40 Kebi amu ledan, nya ɔwunlun, nya nyansa, Bulu ε loyula mu.

Yesu Bulu ɔtswekpa Sin

41 Yesu akwupu butetsia yɔ Yerusalem yegyɩ Israelfɔsu Katsun Nke ofifigyiofi. 42 Breá Yesu lɔho nfi duanyɔ a, mua amúnyɔ boɔyɔ nke amu ogyikpa fe alíá butɔyɔ yaɩ. 43 Breá begyi nke amu ta beyinki a, Yesu akwupu bumebiá alasin unu. 44 Buki bee mua mu abanyɔ na. Mú su benati ekewule owito asa boɔwa mu dunka apio abato bi.

45 Breá bodunka mu kasian a, beyinki yɔ Yerusalem, yodunka mu.

46 Eke sasi a, boyowotii musu Bulu ɔtswekpa wunsinesu unu. Otsie Mose mbla asunapu wa, ɔde asu ya amú asunto, ɔde amú asun fite.

47 Ono lobwie aha ání bubu unu féé, tsu alíá ɔde asun amu asi nu pɔ alíá ɔde mú ono le. 48 Ono lobwie mu akwupu breá bowun mu. Mu yin lefite mu ɔbee, < <Mi bi, ntogyi su fabwe anɩ alɩ? Mɩa fu sinyɔ anɩ lape anɩde fu dunka. > >

49 Inu Yesu lefite amú ɔbee, < <Ntogyi su mlɩde mɩ dunka? Ilehian ání mlébiá mɩ Sɩ woyito nétsia. > > 50 Tame mu akwupu bumonu asun ání ɔde amú bla asi.

51 Mua amúnyɔ beyinki yɔ Nasaret, ɔleba iwiasɩ ha amú. Maria lekita asun amu féé wa kpawunuto, tsia gywun mú iwi. 52 Yesu ledan, wa ɔwunlun, nya nyansa, Bulu mua anyankpɔsa féé anɩ legyi mu iwi.

3

[Proofread 02-07-09](#)

Asu ɔboɔpu Yohane Bulu Asun ɔkanda

(Mateo 3:1-12; Marko 1:1-8; Yohane 1:19-28)

1-2 Roma owie dēhen Tiberio iwiegyi ofi duanusitɔ a, Bulu lebla mu igyi ɔhapu Sakaria mu bi Yohane dimbisu ɔbɛɛ, ɔda mu asun ɔkan. (Alɪ bre amutɔ a, Pontio Pilato de Yudea ɔmásv gyi. Herode de Galilea ɔmásv gyi. Herode mu dēhen Filipino ε de Iturea pú Trakoniti ɔmásv gyi. Lisania ε de Abilene ɔmásv gyi. Bulu igyi ahapu dēhen ání bubu unv alɪ bre amutɔ ε gyi Hana muv Kaiafa.) **3** Mú sv Yohane leki Yordan bunkpa ɔnɔ, ɔde ɔkan da blɪ ɔbɛɛ, < < Mlɪdamli kluntɔ, amlɪsi lakpan bwe. Bulu osikie mli, ambɔ mli asu. > >

4 Bulu ɔnɔsv ɔtɔɪpu Yesaia lɔwanlɪn Yohane twɪ asun wa mu ɔwulutɔ ɔbɛɛ,

< < ɔkv deklɪn dimbisu ɔbɛɛ,

< Mlɪla anɪ Wie ɔkpa.

Mlɪtswii ɪkpa ha mu!

5 Mlɪtin bunkpa kugyiku,
amlɪbwiebwie abu múa nkuku féé.

Mlɪtswii ɪkpa,
amlɪla músv wanklaan.

6 Aha féé bówun Bulu nkpahɔ. > > >

7 ɔdɔm beba Yohane wa bɛɛ, ɔbɔ amú asu. ɔlefite amv ɔbɛɛ,
< < Abe abi-aná, ntɔ gya mli, mɪsɪ Bulu ɪsubitɪ amsv ɪba amv?

8 Mumv mɪswie abi oduá ibósuna ání lele mlɪladamli kluntɔ. Mlɪmákɪ mlɪaa, mli nain gyi Abraham. Nde mli bla mbɛɛ, Bulu ɔbétalɪ ha abwi anfi ɪbédamli Abraham abi-aná. **9** Sei a, Bulu lapu efe yi nyi-atsitsitɔ. Oyigyioyiá imoswie abi wanklaan a, bókun mú da, wa mú féé ogya. > >

10 ɔdɔm amv befite Yohane bɛɛ, < < Ntɔ mɛɛ abwɛ? > >

11 Yohane lebla amú ɔbɛɛ, < < Fva fubu atadie anyɔ a, pu ɪkulɛ ha ɔha ání ɔma kukv. Fva fubu atogyihe ε bwe mú alɪ. > >

12 Lampoo ahɔpu aku ε beba asu ɔɔkpa. Befite Yohane bee,
< < Osunapu, nto ilehian ání abóbwe? > >

13 Yohane lebla amú ɔbee, < < Mlímátswi dinka aha. Mlíhɔ tɔ́á bee
mlíhɔ. > >

14 Ilsa akɔpu aku ε befite Yohane bee, < < Aní ε me, nto abwe? > >
Yohane lebla amú ɔbee, < < Mlímápu ɔwɔnlɔn swu ɔhaa kɔba, nte
wa afunu dinka ɔhaasu. Mlí ɔkɔka igyi mli ansi. > >

15 Iníá amú ansi dín Kristo amusu, bude mu ɔkpa kí su a, umɔwankí
amú ní Yohane gyi Kristo amu. **16** Mú su Yohane lebla amú ɔbee,
< < Ɔkɔ́á ɔɔun mí bu ɔma ɔba. Mmɔfun ání nésankí mu ntókuta ɔfe
kuraa. Mí mú a, ntsu ndepuɔ́ mli asu. Mu ɔbɔpu Ɔɔe Wankíhe pɔ́
ogya bɔ mli asu ní. **17** Ɔde mu ɔlɔn, ɔbɔpufuni ntete le ayo amuto.
Ɔbékpa ayo amu wa mu oduduto. Tame ɔbéfei ofunikpa unu
wanklaan, kpa ntete amu wa ogya ání itamadunto. > > **18** Yohane
leda asun wanklaan amu ɔkan, bla aha amu asun tsɔtsɔɔtsɔ ɔbee,
budamli klunto.

19 Alí bre amuto a, isu ogyipu Herode laswu mu dehen Filipino mu ka
Herodia tsia, tra bwe lalahe tsɔtsɔɔtsɔ tsia múto. Mú su Yohane lekina
ha mu. **20** Múá ɔɔun kuraa gyi, Herode leha bekíta Yohane wa obu.

Yesu Asubɔ

(Mateo 3:13-17; Marko 1:9-11)

21 Breá Yohane de aha amu asu bɔ a, Yesu ε leba, Yohane lɔbɔ mu
asu. Breá Yesu de mpaɔ bɔ a, nwuluta lefinki, **22** Ɔɔe Wankíhe
ledamli fe abɔɔɔma, kplí bogyonka musu. Ɔme ku lotsu ɔsusu ɔbee,
< < Fugyi mí biá ntɔdwe, mí ansi tɛhie gyi fu ɔwɔ ní. > >

Yesu Anain Ulntɔ

(Mateo 1:1-17)

23 Bréá Yesu lǎhǎ fɛ nfi advasa a, olefi Bulu asun ɔkanda asɩ. Aha mú buyin ání Yosef mu bi nɩ. Yosef mu sɩ gyi Eli. **24** Eli mu sɩ gyi Martat. Martat mu sɩ gyi Lewi. Lewi mu sɩ gyi Melki. Melki mu sɩ gyi Yanai. Yanai mu sɩ gyi Yosef. **25** Yosef mu sɩ gyi Martatia. Martatia mu sɩ gyi Amos. Amos mu sɩ gyi Nahum. Nahum mu sɩ gyi Hesli. Hesli mu sɩ gyi Nagai. **26** Nagai mu sɩ gyi Mahat. Mahat mu sɩ gyi Martatia. Martatia mu sɩ gyi Semein. Semein mu sɩ gyi Yosek. Yosek mu sɩ gyi Yoda. **27** Yoda mu sɩ gyi Yohanan. Yohanan mu sɩ gyi Resa. Resa mu sɩ gyi Serubabel. Serubabel mu sɩ gyi Sealtiel. Sealtiel mu sɩ gyi Neri. **28** Neri mu sɩ gyi Melki. Melki mu sɩ gyi Adi. Adi mu sɩ gyi Kosam. Kosam mu sɩ gyi Elmadam. Elmadam mu sɩ gyi Er. **29** Er mu sɩ gyi Yosua. Yosua mu sɩ gyi Elieser. Elieser mu sɩ gyi Yorim. Yorim mu sɩ gyi Martat. Martat mu sɩ gyi Lewi. **30** Lewi mu sɩ gyi Simeon. Simeon mu sɩ gyi Yuda. Yuda mu sɩ gyi Yosef. Yosef mu sɩ gyi Yonam. Yonam mu sɩ gyi Eliakim. **31** Eliakim mu sɩ gyi Melea. Melea mu sɩ gyi Mena. Mena mu sɩ gyi Matata. Matata mu sɩ gyi Natan. Natan mu sɩ gyi Owie Dawid. **32** Owie Dawid mu sɩ gyi Yisai. Yisai mu sɩ gyi Obed. Obed mu sɩ gyi Boas. Boas mu sɩ gyi Salmon. Salmon mu sɩ gyi Nahson. **33** Nahson mu sɩ gyi Aminadab. Aminadab mu sɩ gyi Admin. Admin mu sɩ gyi Arni. Arni mu sɩ gyi Hesron. Hesron mu sɩ gyi Peres. Peres mu sɩ gyi Yuda. **34** Yuda mu sɩ gyi Yakob. Yakob mu sɩ gyi Isak. Isak mu sɩ gyi Abraham. Abraham mu sɩ gyi Tera. Tera mu sɩ gyi Nahor. **35** Nahor mu sɩ gyi Serug. Serug mu sɩ gyi Reu. Reu mu sɩ gyi Peleg. Peleg mu sɩ gyi Eber. Eber mu sɩ gyi Sela. **36** Sela mu sɩ gyi Kainan. Kainan mu sɩ gyi Arfaksad. Arfaksad mu sɩ gyi Sem. Sem mu sɩ gyi Noa, Noa ɛ mu sɩ gyi Lamek. **37** Lamek mu sɩ gyi Metusala. Metusala mu sɩ gyi Enok. Enok mu sɩ gyi Yared. Yared mu sɩ gyi Mehalaleel. Mehalaleel mu sɩ gyi Kenan. **38** Kenan mu sɩ

gyi Enos. Enos mu si gyi Set. Set mu si gyi Adam. Adam e mu si gyi Bulu.

4

Proofread 02-07-09

Yesu Isɔki

(Mateo 4:1-11; Marko 1:12-13)

1 Breá Yesu leyinki tsu Yordan ntsu ɔno a, Dɔge Wankihe lɔbula mutɔ, ɔlekpa mu ya dimbisu. **2** Breá ɔbu unu a, ɔbunsam letsia bɔso mu ki nke advana keke. Yesu megyi tɔto nke amuto féé. Mú su breá nke amu ɔlɔmɔ ɔno a, akun hie de mu.

3 Inu ɔbunsam lebla mu ɔbeé, < < Nɛ Bulu mu Bi fɔgyi a, mumu ha ibwi anfi ɔdamli bodobodo. > >

4 Yesu lele mú ɔno ɔbeé, < < Bɔwanlɛn wa Bulu asun amuto beé, < Megyi atogyihe wule nyankpɔsa ogyi tsia nkpa. > > >

5 ɔbunsam lɔpu mu ya ɔbu fuahe kusɔ. Olosuna mu ɔyito iwie ogyikpa féé ɔtsawule pɛ. **6** Muv ɔlebla mu ɔbeé, < < Nɔpu ɔmá anfi féé tumi pú amú numnyam ha fu, tsufe mɛ ɔbitɔ bapɔwa. ɔha ání ndekle a, mu nɔpuha. **7** Mú su nɛ fɔsum mɛ a, nɔpu mú féé ha fu. > >

8 Yesu lebla mu ɔbeé, < < Bɔwanlɛn wa Bulu asun amuto beé, < Da akpawunu ha fu Wie Bulu. Mu nkule fu sum. > > >

9 ɔbunsam lekpa mu ya Yerusalem, ɔlɔpu mu yelu Bulu ɔtswekpa obu amu ɔtantra. Inu ɔlebla Yesu ɔbeé, < < Nɛ Bulu mu Bi fɔgyi lele a, tu kpayi. **10** Tsufe bɔwanlɛn wa Bulu asun amuto beé, < Bulu ɔbéha mu abɔpu béki fusu. **11** Békpata fu ɔbitɔ, menɛ fu yabi méeda ibwi kukusu. > > >

12 Yesu lele mú ɔno ɔbeé, < < Beta wanlɛn beé, < Mákapu fu Wie

Bulu kí. > > >

13 Bréá Ɖbunsam lómó usókí anfi féeé ɔnɔ a, ɔlókú natí sí mu asa.

Yesu Gyumagyihe Asitsua Galilea Ɖmátɔ

(Mateo 4:12-17; Marko 1:14-15)

14 Ɖnɛ Wankíhe tumi lɛkpa Yesu, oleyinkí yɔ Galilea ɔmátɔ. Mu ɪwɪ asun lɛklɛɪ wa ɔmá amu féeéɔ. **15** Oletsia suna atɔ Yudafo ofiakpa, aha amu féeé bekanfu mu.

Bumɔhɔ Yesu Mu Wuluto

(Mateo 13:53-58; Marko 6:1-6)

16 ɪnu Yesu leyinkí ba Nasaret, ɔtineá oletsia dan. Fɛ alíá otetsia bwe a, ɔlɔyɔ Yudafo ofiakpa ɔkpunu ɔdake. Bréá ɔlókusu yelɪ amú ansitɔ ɔbékla Bulu asun a, **17** botsu Bulu ɔnɔsu ɔtɔɪpu Yesaia ɔwulu ha mu. Ɖlesankí mú a, olowun ɔtinekuá bɔwanɪn wa bɛɛ,

18 < < Aní Wie Bulu lada mí ofulí.

ɪnɪ su mu Ɖnɛ bu mɪsu.

Alalɛ mí ɔbɛɛ, nda asun wanklaan amu ɔkan suna aha ání buma tɔtɔ.

Ɖbɛɛ, mbɛbla nkɔpábi mbɛɛ, masi amú ɪwɪ ha amú.

Mí ambla ansibi abwiepu mbɛɛ, mabwii amú ansibi.

Ɖbɛɛ, mbɛbla aha ání buɔɔ amú ipiantɔ wa ɛ mbɛɛ, malɛ amú ipiantɔ.

19 Fówun mí ambli mbɛɛ,

aní Wie aha nwewunbɪ lafun. > >

20 ɪnu olokunta ɔwulu amu, yinkia ha músu ɔkɪpu, ɔlɔwɔɪ tia asɪ. Aha amuu bubu ofiakpa ɪnu amu féeé besi buɔɔ mu kí diin. **21** ɪnu Yesu lebla amú ɔbɛɛ, < < Nɔɔ, Bulu asun wanɪnhe anfi laba mútɔ.

Mú mlálanu a. > >

22 Aha amu fée bonu asun wanklaan amu uledali mu ɔno amu. Ɔno lobwie amú, befite bee, < < Megyi Yosef mu bi amu ni? > >

23 Yesu lebla amú ɔbee, < < Nyin ání mléha mi yebi anfi mlíaa, < llo ɔtsapu, tsa fu ɪwí! > Mlélabla mi mlíaa, < Bwe ato amu anulanuá fudebwe Kapernaum amu fu wuluto nfi ε. > > > **24** Inu oleyinki bla amú ɔbee, < < Ɔnɔkwali nde mli bla. Butamahɔ Bulu ɔnɔsu ɔtɔpu ɔkuku asun mu wuluto.

25 < < Mlinu, Bulu ɔnɔsu ɔtɔpu Elia busu a, nyankpu motswie nfinsa múa ifun keke. Akun lehie ba Israel ɔmáto fée. Ibo mútɔá asurapu tsɔtsɔtsɔ betsia Israel ɔmáto alí bre amuto, **26** tame Bulu meha Elia ɔyo amúto ɔkuku wa. Ɔsurapu ɔkúá ɔbu Sarefat wuluto, Sidon ɔmáto nkule wa ɔleha mu ɔlɔyo. **27** llo pepe alɔpu tsɔtsɔtsɔ ε betsia Israel ɔmáto Bulu ɔnɔsu ɔtɔpu Elisa busu. Tame ɔmeha ɔkuku ɪwí mepli, dɔn Naaman ání otsu Siria nkule. > >

28 Ɔblo lehie kita aha amu bubu ofiakpa unu amu, breá bonu Yesu asun blihe anfi. **29** Bɔkusu gya mu dali amú wuluto. Wulu amu idin busu. Begya mu alu yowie wulu amu ɔno, bee abuwuta mu wa tsonkolito. **30** Yesu lenati tsun amúto yo ɔtineá ɔyo.

Yesu Ɔɲe Lalahe Gya

(Marko 1:21-28)

31 Inu Yesu lekpli yo Kapernaum, Galilea wulu kuto. Olosuna amú ato amú ofiakpa ɔkpunu ɔdake. **32** Mu atosunahe lobwie amú ɔno, tsufe olosuna amú ato tumisu. **33** Oyin ɔku bu ofiakpa unu, ɔɲe lalahe bu musu. Ɔlɔkplɔn bli ɔbee, **34** < < Kí mí! Yesu Nasaretyin, amansu bu ania funyo nsine? Nte aní ɔhukpa feba loo? Nyin ɔha oduá fugyi. Fugyi Bulu Ɔha Wankihe amu ni! > >

35 Yesu lɔkplɔn wa ɔɲe amɔ ɔbɛɛ, < < Kpa ɔnɔ bun, afudali mɔtɔ. > > Inu ɔɲe lalahe amɔ lɛfɛn oyin amɔ da aha amɔtɔ unu, dali mɔtɔ; tɔtɔ mɔbwe mu.

36 Ɔnɔ lobwie amú fée, befite aba bɛɛ, < < Amansu nɛ? Oyin anfi bu tumi, ɔdekplɔn wa ɔɲe lalahe, ide mu bu, dali ahato? > > **37** Mu iwi asun leklei wa ɔmá amɔ féeɔ.

Alɔpu Tsɔtsɔtsɔ Tsa

(Mateo 8:14-17; Marko 1:29-34)

38 Yesu lɛdali Yudafo ofiakpa unu yɔ Simon woyitɔ. Ɖlɔyɔ a, owisu lakita Simon mu sia tsihe, ɔda kinkiinkin. Bɛbla Yesu bɛɛ, ogyi mu buale. **39** Yesu lɔkpukpe tu ɔtsi amɔ, ɔlɔkplɔn wa owisu amɔ ɔbɛɛ, ɔkusu musu. Inunu ɔlɔkusu musu, ɔtsi amɔ lɔkusu bwe amú afɔɔtɔ.

40 Bréá owi deta a, aha bɔsura amú aha ání bɔde ɔlɔ ɔtsan-ɔtsan lɔ ba, Yesu lɔpu ibi dɔnka amúsu tsa amúɔ okugyiɔku ɔlɔ. **41** Ɖɲe lalahe bu amú akɔtɔ. Yesu lɔkplɔn wa ɔɲe lalahe amɔ. Bɛdali, bɔde okitikiti bɛɛ, < < Fɔgyi Bulu mu Bi amɔ nɛ. > >

Tame Yesu lɔwa mbla wa ɔɲe lalahe amɔ ání bɔmátɔ, tsufe buyin ání mugyi Kristo, (ɔha amɔsu Bulu lada mu ofuli amɔ) nɛ.

Bulu Asun Ɔkanda Yudafo Ofiakpa

(Marko 1:35-39)

42 Mú ɔyikehe bake a, Yesu lɛdali wulu amɔtɔ yɔ utsetɔ ɔtɛnɛku. Aha bodunka mu alu yɔtu mu, bokokoli mu bɛɛ ɔmánatɛ si amú. **43** Tame ɔlebla amú ɔbɛɛ, < < Ilehian ání néda Bulu iwiegyi iwi asun wanklaan amɔ ɔkan awulu atrahe amɔ esu. Tsufe mú ɔbwekpa Bulu lɔwa mɛ nɛ. > >

44 Inɛ su oleki Yudea ɔmátɔ fée, da Bulu asun wanklaan amɔ ɔkan

amú ofiakpa.

5

Proofread 02-07-09

Yesu Akasipɔ Gyankpapu Tɪ

(Mateo 4:18-22; Marko 1:16-20)

1 Ekɛ ɔku Yesu lu Genesaret ɔpu^w ɔno, aha tsɔtsɔtsɔ beba boputa mu ání bónu Bulu asun. **2** Olowun nklun anyɔ ɔpu amu ɔno. Aye alɛpu amu bakpli yɔ bɔdɛ amú asawuto da. Fishermen washing nets|lb00211b.tif|span|LUK5:1-11|Louise Bass, The Bible Society, London|Aye alɛpu amu bɔdɛ amú asawuto da.|Luka 5:2 **3** Yesu lɔdu wie ukulɛá igyi Simon kletɔ. Muɔ ɔlebla Simon ɔbɛɛ, osun mú kpalobi dɔnka ntsusu. Inu oletsia mútɔ suna aha amu atɔ.

4 Brɛá ɔlɔtɔ ta a, ɔlebla Simon ɔbɛɛ, < < Mɪɪpla ɔklun amu ya okluklukpa, amlɪɔtswɪ asawu le aye. > >

5 Muɔ Simon lebla mu ɔbɛɛ, < < Owie, anɪɔbwe kasian igye onye féé, animenya tɔtɔ. Tame uníá fɛɛ ayo, su nɔyɔtswɪ asawu amu. > >

6 Brɛá bɔyɔtswɪ asawu amu a, beɛ aye tsɔtsɔtsɔ. Mú su asawu amu lɔwa titi bi. **7** Inu bɔbwe ibi ti amú agyuma ayɔba amuu bubu ɔklun nyɔsi amuto beɛ bubetsa amú. Beba betsa amú, beɛ aye amu bula nklun anyɔ amu dɛdɛdɛ, idekle umɛ. **8** Brɛá Simon Petro lowun mú alɪ a, ɔleda akpawunu Yesu ayabitɔ, bla mu ɔbɛɛ, < < Mɪ Wie, mákpukpe manta mɪ! Lakpan ɔbwɛpu ngyi. > >

9 Tsufɛ aye amuu bale amu lɔwa mua mu aba amu wanwan. **10** Alɪ kɛn ulɔwa Sebedeo abi Yakobo mua Yohane, bugyi Simon agyuma

^w5:1 Genesaret ɔpu: Mú kɛn gyi Galilea ɔpu nɪ.

ayɔba amɔ ɛ wanwan nɪ.

Muv Yesu lebla Simon ɔbɛɛ, < < Mánya ifu! Tsu ndɛ puya a, anyankpɔsa féle. > > **11** Simon mua mu aba amɔ benya pla nklɔn amɔ besi otsubunɔ alɪ, besi togyitɔ tswɪ, kpla buo Yesu.

Uɔ Pepɛ ɔɔpɔ ɔku Tsa

(Mateo 8:1-4; Marko 1:40-45)

12 Eke ɔku Yesu bu wulu kusɔ, uɔ pepɛ ɔɔpɔ ɔku lowun mu. Inu ɔlebedá akpawunu, pu ɔsukpi yi ɔsulɔtɔ, kokoli mu ɔbɛɛ, < < Owie, nɪ fótɔsula a, fétalɪ ha mɪ iwɪ ibéplɪ. > >

13 Yesu letinkɪ ibɪ da mu, bla mu ɔbɛɛ, < < Natsula, fu iwɪ iplɪ. > > Inunɔ uɔ amɔ leɲa le mu iwɪ. **14** Inu Yesu leda mu ɔla ɔbɛɛ, < < Mábla ɔhaa. Natɪ laa afɔpu fu iwɪ yosuna Bulu igyi ɔhapu, afɔha mu iwɪgyurɔtɔ amuv Mose mbla losuna tsu uɔ pepɛtsa iwɪ amɔ. Igyi adansɛ suna aha ání fu iwɪ laplɪ. > >

15 Tamɛ Yesu iwɪ asun letra kleɪ yɔ ntɪnɛ dɪnka músɔ. ɔdɔm beba mu atosunahe onukpa, ɔtsa amútɔ alɔpu ɛ uɔ. **16** Tamɛ oletɔsia dalɪ amútɔ brɛ ku yɔ dimbisu ɔtɪnɛku mu nkule yɔbɔ mpai.

Tsukule Osinpu Tsa

(Mateo 9:1-8; Marko 2:1-12)

17 Eke ɔku Yesu de atɔ suna. Farisifɔ, Mose mbla asunapu akvá botsu Galilea pú Yudea ɔmátɔ pú Yerusalem beba betɔsia asɪ unɔ. Bulu tumi bu Yesutɔ ha ulɔtsa. **18** Inu a, ayin aku bɔsura tsukule osinpu akpasu ba. Bekleá bópɔ mu wie woyitɔ, pu mu tswɪ Yesu ansitɔ.

19 ɔdɔm amɔ su bumenya ɔkpa. Inɪ su bɔyɔdu obu amɔ awunsu, da mú ɔtɪnɛku tii, bekplɪa akpa amɔ tswɪ aha amutɔ Yesu ansitɔ unɔ.

20 Breá Yesu lowun ání bahɔ mu gyi a, ɔlebla tsukule osinpu amɔ

ɔbɛɛ, <<Opio, nasi fu lakpan kie fu.>>

21 Mose mbla asunapu pú Farisifo amu bebli wa nwunto beɛ,
<<Ma gyi oyin anfi ɔde abususu bli anfi? Ma ɔbétali si lakpan kie
aha dun Bulu nkule?>>

22 Yesu lebi amú agywun. Mú su ɔlefite amú ɔbɛɛ, <<Ntogyi su
mlide uní odu gywun? **23** Mɔmu lɔpɔn ha bli? <Nasi fu lakpan kie
fu.> loo, nte <Kusu tsu fu akpa afunati?> **24** Tame ndekleá mlibi
ání mí, Nyankpusa-Mu-Bi anfi mbu tumi ɔyi anfitɔ si aha lakpan kie
amú.>> Inu ɔlebla tsukule osinpu amu ɔbɛɛ, <<Nde fu bla mbeɛ,
kusu. Tsu fu akpa afunati yɔ woyi!>>

25 Inunusun tsukule osinpu amu lɔkusu lu amú féé ansito, tsu mu
akpa. ɔlɔpu ɔkpa ɔyɔ woyi ɔde Bulu kanfu. **26** ɔno lobwie aha amu
féé. Ifu lowie amú féétɔ, bekanfu Bulu beɛ, <<Nde anlawun
ofula!>>

Lewi Tɪ

(Mateo 9:9-13; Marko 2:13-17)

27 Mú ɔma breá Yesu ledali unu a, olowun lampoo ɔhɔpu ɔkuá
buteti mu Lewi, tsie mu lampoo ɔhɔkpa. Yesu lebla mu ɔbɛɛ,
<<Bobuo mí.>> **28** Inu Lewi lɔkusu, si mu togyito ɔmagya, yobuo
mu.

29 Mú ɔma a, Lewi lɔtswi ɔpunu mu woyito ha Yesu. Lampoo ahɔpu
tsɔtsɔtsɔ pú aha bamba ε beba ato amu ogyikpa. **30** Farisifo pú Mose
mbla asunapúa bubu Farisifo amuto befite Yesu akasipu amu beɛ,
<<Ntogyi su mlia lampoo ahɔpu pú lakpan abwɛpu mlide ibi wa
gyi ato, mlide nta nun?>>

31 Yesu lele mú ɔno ɔbɛɛ, <<Alɔpu lehian ɔlɔ ɔtsapu, megyi aha
ání iwí bu amú ɔnlun. **32** Mmɛba aha wanklaan ɔtikpa. Mboun

lakpan abwepu otikpa neba, mení bédamli kluntɔ. > >

Ɔnɔklɪ lwi Asɔn Futehe

(Mateo 9:14-17; Marko 2:18-22)

33 Aha aku bebla Yesu bee, < <Asu Ɔbɔpu Yohane akasipu butetsia klɪ ɔnɔ bɔ mpaɪ. Farisifo akasipu ε butɔbwe alɪ, tamε fu akasipu mú bodegyi, budenun. > >

34 Yesu lefite amú ɔbee, < <Ɔtsɪ ɔkpainpu anyawie béklɪ ɔnɔ breá ɔbu amú wa? Ekekeke! **35** Tamε eke ɔku ibéba ání békpa mu natɪ si amú. Alɪ nke amutɔ béklɪ ɔnɔ nɪ. > >

36 Inu ɔleha amú yebi ɔbee, < <Ɔhaa tamapu tati pɔpwe tan tati dada. Nɪ ɔbwe mú alɪ a, alayinta pɔpwe amu. Pɔpwe amu pú dada amu ansɪ ε uméekana aba. **37** Alɪ ken butamapu nta pɔpwe wa ɔwulu-kpakpa kente wuhetɔ nɪ. Nta pɔpwe amu ibófu fa kente amu tsitsa, yinta kente amu ε. **38** Inɪ su ɔwulu-kpakpa kente pɔpwetɔ butɔpu nta pɔpwe wa. **39** Ɔhaa tamafite nta pɔpwesɔ breá alanun danhe. Tsufe ɔtebli ɔbee, < ldanhe amu bu alε dɔn. > > >

6

[Proofread 02-06-09](#)

Ɔkpunu Ɔdake Mu Wie

(Mateo 12:1-8; Marko 2:23-28)

1 Yesu mua mu akasipu bɔtsun ayo ndɔ kutɔ ɔkpunu ɔdake. Akasipu amu bɔprun atɔ-abi amu ku, bɔpusa mú wɪ. **2** Farisifo amu aku befite amú bee, < <Ntogyi su mlide tɔá anɪ mbla meha ɔkpa ání bubwe ɔkpunu ɔdake bwe? > >

3 Yesu lefite amú ɔbee, < <Mlímɔkukla nu tɔá Owie Dawid lɔbwe

breá akun de mua mu abuopu kí? **4** Olebitiwie Bulu osumkpa yotsu bodobodoá bapuha Bulu igyi ba, mua mu abuopu amu begyi. Bulu igyi ahapu nkule bele okpa butegyi alí bodobodo amu. > >

5 Muv Yesu lomó mu asun onó obee, < < Mí, Nyankpusa-Mu-Bi anfi gyi okpunu odake mu wie. > >

Ulotsa Okpunu Odake

(Mateo 12:9-14; Marko 3:1-6)

6 Yesu loyo ató osunakpa Yudafo ofiakpa okpunu odake bamba. Oyin okuá mu gyopi ibi lawu bu unu. **7** Mose mbla asunapu pú Farisifo aku bete Yesu kí bee, obétsa ilo okpunu odake, mení benya mu ɔwí asun, puyenati musu suna ahande. **8** Yesu yin amú nwunto asun. Mú su olebla oyin amuv mu ibi kule lawu amu obee, < < Kusu belu amú ansito nfi. > > Inu oyin amu lokusu belu amú ansito. **9** Muv Yesu lebla amú obee, < < Nde mli fite, nto mbla amu leha okpa ání abwe okpunu odake? Yile loo, nte lalahé? Ahó zha nkpa loo, nte amó mu? > > **10** Inu oledamli kí amú féé fia. Muv olebla oyin amu obee, < < Tinki fu ibi amu. > > Olenya tinki ibi amu alí pɛ, zɛ lowie múto.

11 Oblo lekita amú, befite aba bee, < < Nto koun abéhié bwe Yesu anfi? > >

Akasipu Amu Ada

(Mateo 10:1-4; Marko 3:13-19)

12 Eke oku Yesu lodu yo ibusu yobo mpai ha Bulu tsu onye yeha oyikehe. **13** Mú oyikehe a, oleti mu akasipu, olele amúto duanyo, oleti amú mu sumbi ayopu. **14** Amúgyi; Simon ání oledinka mu Petro mua mu pio Andrea; Yakobo mua Yohane; Filipino, Bartolomeo, **15** Mateo,

Toma, Alfeo mu bi Yakobo, Simon ání ogyi iwíwítsia adunkapu
ɔpasuato ɔha, **16** Yakobo ɔku mu bi Yuda pú Yuda Iskariot ání ɔlebele
Yesu ha.

Yesu Atosuna Múa Ulotsa

(Mateo 4:23-25)

17 Yesu mua sumbi ayɔpu amu bekpli tsu ibu amusu ba ɔsulu
tantasu. Mu abuoɔpu tsɔtsɔɔtsɔ pú ɔɔm kpɔnkpɔnkpɔntiá botsu
Yudea ɔmáto, Yerusalem pú ɔpu ɔno awulu Tiro múa Sidonsu beba
unu. **18** Beba beɛ beba bonu mu asun blihe, ɔtsa amó ɔɔ. Aha ání ɔhe
lalahe de amó han e beba, olegya ɔhe lalahe le amóto. **19** Amó féé
bekleá bópu ibi da mu, tsufe ɔhe dedali mutɔ tsa amó féé ɔɔ.

Oyula Asun

(Mateo 5:1-12)

20 Yesu lotsu ansí kɪ mu akasipu, ɔlebla amó ɔbeɛ,

< < Bulu layula mliá mlimá tɔto,
tsufe mlibu mu iwiegyi amu nɪ.

21 Bulu layula mliá akun de mli sei,
tsufe mléba begyi mwɛ.

Bulu layula mliá mlidesu sei,
tsufe mléba bɔmɔsi.

22 < < Bulu layula mliá buɔe mli lu, buɔe mli gya le amóto, sia
mli, ti mli ida lalahe mɪ, Nyankpɔsa-Mu-Bi anfi su. **23** Ansí igyi mli
ɛke amu, amlɪfuli kpayi ansigyisu, tsufe mli ɪkɔka tɔɔ ɔsusu. Alɪ amó
anain bɔbwe Bulu ɔnɔsu atɔɔpu amu nɪ.

24 Tame mli ání mlɪlanya ɪwɪ sei, mlɪgyɔwɪ nɪ.
Tsufe mli ansigyí féé mlɪlanya a.

25 Mlíá mlílámwé sei, mlígyɔwí nɪ.

Tsufé akɔn béba bekíta mli.

Mlíá mlídémɔsɪ sei, mlígyɔwí nɪ.

Tsufé mléba begyi awírehɔ, su.

26 < < Mlíá aha fée búde mli kanfɔ, mlígyɔwí. Tsufé alɪ mli anain
bèkanfɔ Bulu ɔnɔsɔ atɔɪpɔ afunupɔ amɔ ε nɪ.

Alupɔdwé

(Mateo 5:38-48; 7:12a)

27 < < Tame nde mliá mlonu bla mbée, mlídwé mli alupɔ, amlíbwe
yile ha amó. 28 Mliyula aha ání butɔlwɪ mli, amlíbɔ mpai ha aha
ání butesia mli. 29 Nɪ ɔha ɔda fɔ usɔtɔ a, damli nyɔsɪ ε ha mu ɔda. Nɪ
ɔku ɔswɪ fɔ tati a, wɔɪ fɔ atadiε ε ha mu. 30 Nɪ ɔku ɔkulɪ fɔ atɔ a, ha
mu. Nɪ ɔku ε otsu fɔ atɔ a, máyɔhɔ mú. 31 Bwé ha aha aliá fudekle
fée bubwé ha fɔ.

32 < < Nɪ fɔ adwepɔ nkɔlɛ futɔdwé a, ɪpan mɔmɔ fénya? Lakpan
abwepɔ kɪraa butɔdwé amó adwepɔ. 33 Nɪ ɔha ání ɔtɔbwé yile ha fɔ
nkɔlɛ futɔbwé yile ha a, ntogyi sɔ Bulu ɔda fɔ ɪpan? Lakpan abwepɔ ε
butɔbwé alɪ. 34 Nɪ ɔha ání fuyin ání obénya ha fɔ nkɔlɛ futɛha ɪpan
a, ntogyi sɔ Bulu ɔda fɔ ɪpan? Lakpan abwepɔ oo butɔpɔ atɔ pan amó
aba, yinki hɔ mú alɪ. 35 Mú sɔ mlídwé mli alupɔ, mliwbé yile ha
amó, mliɪpan amó atɔ, mliɪmáti amó akɔ, menɪ Bulu ɔbéka mli ɪkɔ
tsɔtsɔɔtsɔ. Fówun mlílábwe ɔsɔsɔsɔsɔ mu Wie amɔ abi. Tsufé ɔbɔ
awítɔlɛ ha aha ání atɔ tamagyi amó ansɪ pú aha lalahé fée. 36 Mliwbé
nwé awunpɔ fé aliá mli Sɪ Bulu gyi nwé owunpɔ.

Ualɛ

(Mateo 7:1-5)

37 < < Mlumále aha ıla, menı Bulu méele mlı ıla. Mlumáha ɔhaa ıpɔn, menı Bulu ε ɔméeha mlı ıpɔn. Mlısi mlı aba ıla kie amú, Bulu osi mlı kle kie mlı. **38** Mlıha aha tɔá de amú hian, Bulu ɔbélaha mlı. ɔbópu atɔ susuhe wanklaan wa mú, wusu mú, sila mú, ıbóbula tsitsa ha mlı. Tsufe tɔá fɔpususu ha fu ba a, mú ken Bulu ɔbópususu ha fu nı. > >

39 Yesu letra ha amú yebi ɔbeε, < < Nsibi obwiepu ɔbétalı kpa nsibi obwiepu? Amú fée buméeekpa wie ɔbɔtɔ? **40** ɔkasıpu tamadun mu wie, tame ɔkasıpu ɔkası bı a, ɔtɔbwe fe mu wie.

41 < < Ntogyi su fude ipi tukuriibi wun fu ba nsibisu, tame fumede ogyakpatin ání ıdın fu klesu mú wun? **42** Nte ntogyi su fude fu ba bla fεε, < Mı pio, ha mı andınkı ipi fu nsibisu >, tame fumede ogyakpatin ání ıdın fu klesu mú wun? Apınabwebi ɔbwepu, gyankpa dınkı ogyakpatin amu fu nsibisu, menı fówun atɔ wanklaan, talı dınkı ipi amu fu ba klesu.

Oyi Pú Mú Abi Swiehe

(Mateo 7:6-20; 12:33-35)

43 < < Oyi wanklaan méetalı swie abi lalahe. Alı ken oyi lalahe ε méetalı swie abi wanklaan nı. **44** Tsufe oyi-ibi butɔpıbı mú. Butamakpɔtı kankaba okploto oyisu, butamakpɔtı tsɔkpun ε tunkpa ıflası. **45** ɔha wanklaan tele tsiatɔ wanklaan ɔwan tsu mu kluntɔ, ɔha lalahe ε tele tsiatɔ lalahe ɔwan tsu mu kluntɔ. Tsufe tɔá ıdın ɔha klun a, mútedalı tsu mu ɔnɔ.

Butasu Pú Osubluto Obuyi

(Mateo 7:24-27)

46 < < Ntogyi su mlıde mı tı mlıaa, < Mı Wie! Mı Wie! > tame

mlitamagyi mi asun blihesu? 47 Nósuna mli alíá zha ání zleba mi wa bonu mi asun, gyi dinka músu gyi. 48 Ogyi fe zha ání zba beyi obu, olegyankpa kwi mú ntswiasi zba yzvu buta, zlowa ntswiasi amu dinka músu. Breá ntsu lobula kíta mú a, imetali kpinki obu amu, tsufe oleyi mú wanklaan. 49 Tame zhagyizha ání olonu mi asun blihe, omegyi músu gyi fe zha ání oleyi mu obu zsulusu keke, zmwawa mú ntswiasi. Breá ntsu lobula wa mú a, ilobwie da gbloo unuvu, yinta féé! > >

7

Proofread 02-07-09

Romafó Isa Akopu Zhande Osumpu Zku Ulo Tsa

(Mateo 8:5-13; Yohane 4:43-54)

1 Breá Yesu lebla aha amu asun anfi féé ta a, zloyo Kapernaum wuluto. 2 Romafó isa akopu zhande zku bu uv. Zbu osumpu zkuá ztehie kle mu asun. Osumpu amu delo, odekle owu. 3 Breá isa akopu zhande amu lonu Yesu nka a, zlowa Yudafo ahande aku sisi Yesu zbee, buyokokoli mu zbétsa mu osumpu amu ulo ha mu. 4 Ahande amu behie kokoli Yesu bee, < < Abwii ipa, ni zku lehian fu mbua a, mumu oyin anfi ni! 5 Tsufe ztadwe aní pi. Muleyi aní ofiakpa kuraa ha aní ni. > >

6 Mú sv Yesu mua amúnyc bopu zka. Breá beta woyi amuto wie ta a, isa akopu zhande amu lowa mu anyawie zbee buyefia Yesu, abubla mu bee, mbee, < < Owie! Máhan fu iwi, tsufe mmofun ání féba mi woyito. 7 Nawun ání mi e mmofun ání néba fu wa. Fu mú bli asvanku, iwi bówa mi osumpu amu onlin. 8 Tsufe mi e mbu ahande aku asi. Isa akopu aku e bubu mi asi. Nele zno mbee amúto zku znatu a, ztenatu. Ni mbee zba e a, zteba. Togyitá nebla mi osumpu mbee

ɔbwɛ a, ɔtɔbwɛ. > >

9 Brɛ́á Yesu lonu asun anfi a, ɔno lobwie mu, ɔledamli bla ɔdom amuu bubuo mu amu ɔbɛɛ, < <Ɔnokwali asun ndɛ mli bla, mmɔkɔwun ɔha ání ɔbu hogyi kpɔnkpɔnti anfi odu Israelfɔtɔ kuraa kɪ! > >

10 Brɛ́á abɔpu amuu isa akɔpu ɔhandɛ amu lɔwa amu beyinki yo woyitɔ a, bowun ání osumpu amu iwi lawa mu ɔnlɪn.

Ɔsurapu Ɔku Mu Bi Tsinki

11 Imɔwa ɔpá kuku Yesu loyɔ Nain wulutɔ. Ɔdom bubuo mua mu akasipu. **12** Brɛ́á olowie wulu ɔno a, ɔlotu aku busun fuli akpasu beba. Obi yinhe ɔkule pɛ ogyi ha ɔsurapu ɔku. Ɔdom kpɔnkpɔnkpɔntiá botsu wulu amutɔ ɛ bubuo ɔtsi amu. **13** Brɛ́á anɪ Wie lowun ɔtsi amu a, mu asun lɔwa mu nwe, ɔlebla mu ɔbɛɛ, < <Másu! > > **14** Muu ɔloyɔpu ibi da akpa amu, asurapu amu besi lu. Inu ɔlebla fuli amu ɔbɛɛ, < <Ɔyasubi, ndɛ fu bla mbɛɛ, kusu! > > **15** Inu fuli amu lɔkusɔ tsia, wa tɔi bi. Yesu loyu mu wa mu yin ibitɔ. **16** Ifu lekita aha amu féé, bekanfu Bulu beɛ, < <Bulu labɔbua mu aha! Mu ɔnɔsu ɔtɔpu kpɔnkpɔnti ɔku lalin anitɔ! > > **17** Yesu iwi asun anfi leklei wa Yudea ɔmá pú awuluá ibu nsine unu féétɔ.

Yesu Mua Asu Ɔbɔpu Yohane

(Mateo 11:2-19)

18 Asu Ɔbɔpu Yohane akasipu beyɛbla mu asun anfi féé. Mú su ɔlɔwa amúɔ abanyɔ sisi Yesu ɔbɛɛ, **19** buyɛfite mu beɛ, < <Fugyi ɔha amuu ɔbéba amu nɪ, nte akɪ ɔha bamba ɔkpa? > > **20** Brɛ́á aha amu beba bowie Yesu wa a, bebla mu beɛ, < <Asu Ɔbɔpu Yohane ɔbɛɛ abéfitɛ fu aniaa, <Fugyi ɔha amuu ɔbéba amu nɪ,

nte akị ọha bamba ọkpa? > > >

21 Yesu letsa ọlọpọ pú aha áńí ịwí de amú ọsún tsotsọtsọ alí bré amụtọ. Olegya ọ́ghe lalahe le ahato, bwii ansibi abwiepọ tsotsọtsọ ẹ ansibi. **22** Ịnụ ọ́lẹlẹ Yohane akasipọ asun amu ọ́nọ ọ́bẹẹ, < < Mlịyinki yebila Yohane tọ́á mlilabowun pú mọ́á mlilabonu. Mlilabowun áńí ansibi abwiepọ bude atọ wun, abọ buna. Ịlọ pepẹ ọlọpọ ịwí deplí, ịsụ atinpọ bude asun nu. Afuli budetsinki, ahianfọ ẹ bude asun wanklaan amu nu. **23** Bulu obóyula ọha áńí mị bwehe mọkusu lu musu. > >

24 Bréá abi amuu Yohane lọwa sumbi amu beyinki ọ́yọ a, Yesu lọwa tọ́ tsu Yohane ịwí suna ọ́dọm amu b́. Ọ́bẹẹ, < < Bréá mliledalí yọ dimbisu unu a, ntọ ọ́kíkpa mlilọ́yọ? Fita áńí afu de mọ́ tsun loo? Ẹkekekẹ! **25** Ní megyi mọ́ a, ntọ koun ọ́kíkpa mlilọ́yọ? Ọha áńí ọ́dídí ntsrim. Ẹkekekẹ! Aha áńí butedída tati amu odu gyi ọ́dwe a, awie woyi butetsia. **26** Mlịbla mị! Bulu ọ́nọsụ ọ́tọpọ mliledalí yekí? Ee, Yohane ń. Ọ́dun Bulu ọ́nọsụ ọ́tọpọ. **27** Mụ ịwí asun Bulu lẹblí bọwanlun mọ́ tswí bẹẹ, < Kí, nde obi wa gya fu nkpa. Mụ ọ́bẹ́la ọ́kpa ha fu ń. > > > **28** Yesu lọ́yọ mụ asunsu ọ́bẹẹ, < < Nde mli bla mbẹẹ, ọ́hagyioha áńí ọ́ha tsihe laken kwu mọ́fun mụ, tame mụ ẹ ọ́mọ́fun Bulu iwiegyi amụtọ ọ́kusu kuraa. > >

29 Aha áńí bonu Yesu asun anfi pú lampoo ahọpọ kuraa bowun áńí Bulu asun da ọ́kpa. Botsula ha Asu Ọ́bọpọ Yohane lọ́bọ amú asu.

30 Tame Farisifọ pú Mose mbila asunapọ amu mọ́ bumeha Yohane ọ́bọ amú asu. Bekina tọ́á Bulu lẹhíhíe ha amú bwe.

31 Yesu lọ́yọ mụ asunsu ọ́bẹẹ, < < Sei anfi a, amendí nọ́pukapọ ndemba-abi anfi? Ntọ belian? **32** Buggy fe nyebiá butsie dunsu bude aba kpoli blí bẹẹ, < Anlapelei ansigyisụ, mlumetsa. Mọ́ sụ anlawa awirehọ ịlọ, tame mlumosu. > **33** Mlịgyi fe nyebi anfi, tsufe Yohane leba a, oletsia klí ọ́nọ, omonun nta, tame mliaa, < Ọ́ghe lalahe bu

mutɔ! > **34** Mɪ, Nyankpusa-Mv-Bi anfi mú naba nde atɔ gyi, nde nta nun. Mú ε mlɪaa, < Mlɪkɪ opotsuapu pú nta ɔbɔpu. Lakpan abwɛpu pú lampoo ahɔpu onyawie. > **35** Tame ɔha ání ɔbu Bulu nyansa a, mu tsiatɔ tele mú ɔwan. > >

Ɔtsɪ Lakpan Ɔbwɛpu Ɔku

36 Farisiyin ɔku letɪ Yesu atɔ ogyikpa mu woyitɔ. Bréá Yesu tsie ɔpunu amu asɪ a, **37** ɔtsɪ ɔkuá ɔbu wulu amutɔ, ogyi lakpan ɔbwɛpu lonu Yesu nka ání batswɪ ɔpunu ha mu Farisiyin amu woyitɔ. Inu olotsu mu ofobi fanfan ání ibu bia prentua wanklaan ɔɔ ba unu.

38 Ɔlebɛda akpawunu Yesu ayabiasɪ, ɔlekpa isu yi woo. Ɔɔpu mu ntsú fwɪ Yesu ayabiasɪ, pu mu nwunsu-imi tsitsi mú. Ɔɔkula Yesu ayabi puta, tsei ofobi fanfan amu wulɪ mu ayabisu. **39** Bréá Farisiyin amuu ɔletɪ Yesu amu lowun unɪ a, ɔleblɪ wa nwuntɔ ɔbɛɛ, < < Nɪ Bulu ɔnɔsu ɔtɔpu oyin anfi gyi lele a, teki alawun ɔha oduá ɔtsɪ anfi gyi asa ɔɔɛpu ibɪ da mu, tsufe lakpan ɔbwɛpu ogyi. > >

40 Yesu lebla oyin amu ɔbɛɛ, < < Simon, mbu asvanku bla fu. > > Simon lefite mu ɔbɛɛ, < < Osunapu, amansu igyi? Bla mɪ. > >

41 Yesu lebla mu ɔbɛɛ, < < Aha abanyɔ aku bepan sika oyin ɔku wa. Ɔkule lepan blɪba-anu (5,000,000), ɔkule ε lepan mpum lafanu (500,000)^x. **42** Bumenya kɔba amu ka. Mú su oyin amu lesikie amó abanyɔ féé. Bla mɪ, amúto ɔmɔmu ɔbódwe oyin amu dun? > >

43 Simon lebla mu ɔbɛɛ, < < Nahogyiá ɔmvamuu mu ikɔ tsɔ dun amu. > >

Yesu lebla mu ɔbɛɛ, < < Ɔnɔkwali igyi. > > **44** Inu Yesu leyinki kɪ ɔtsɪ amu, ɔlebla Simon ɔbɛɛ, < < Fawun ɔtsɪ anfi? Nɛba fu woyitɔ a,

^x**7:41** Sika anfi igyi sika fututu lafanu (500) móa aduenu (50), igyi ɔha nke lafanu (500) móa aduenu (50) ikɔka

fumeha mi ntsu anfwɪ ayabiasɪ. Tame ɔtsɪ anfi mú lapu mu ntsú fwɪ mi ayabiasɪ, pu mu nwunsu-imi tsitsi mú. 45 Fumelata mi puta, tame tsu breá neba nfi ɔpá a, ɔtsɪ anfi mɔkusi mi ayabi kula puta.

46 Fumetsei ofobi wuli mi nwuntɔ, tame mu mú alatsei ofobi fanfan wuli mi ayabisu. 47 Mú su nde fu bla mbɛɛ, ɔdwe tsɔtsɔɔtsɔ anfi alale suna mi anfi idesuna ání Bulu lasi mu lakpan tsɔtsɔɔtsɔ amu fɛ́ɛ kie mu. Tame ɔha ání Bulu osi lakpan kpalobi kie mu a, ɔdwe kpalobi ɔtele suna. > >

48 Inu Yesu lebla ɔtsɪ amu ɔbɛɛ, < <Nasi fu lakpan fɛ́ɛ kie fu.> >

49 Aha amuu amúa Yesu butsie ɔpunvasɪ amu bebli wa nwuntɔ bɛɛ, < <Ma gyi oyin anfi ɔbɛɛ, muna mude aha lakpan sikie amú.> >

50 Muu Yesu lebla ɔtsɪ amu ɔbɛɛ, < <Fu hogyi laho fu nkpa. Natɪ iwilwiitɔ.> >

8

Proofread 02-07-09

Atsiá Bobuo Yesu

1-2 Imɔwa ɔpá kuku, Yesu leki awulu múa nkuda asɪ, ɔde Bulu iwiegyi amu iwi asun wanklaan ɔkan da. Mu akasipu duanyɔ amu pú atsi akvá olegya ɔɲe lalahe le amútɔ, tsa amú ɪɔ bobuo mu. Atsi amu gyi, Magdalayintse Maria ání Yesu legya ɔɲe lalahe asienɔ le mutɔ.

3 Owie Herode woyisu ɔkɪpu Kusa mu ka Yohana. ɔtsɪ ɔkvá buteti mu Susana pú atsi tsɔtsɔɔtsɔ́á betsia pu amú atɔ kɪ Yesu mua mu akasipusu.

Atɔ-abi Owunyapu lwi Yebi

(Mateo 13:1-9; Marko 4:1-9)

4 Breá ɔɔɔm kpɔnkpɔɔnkpɔntɪ botsu awulu-awulusu ba befia Yesu

wa a, ọleha amú yebi ọbẹẹ,

5 < < Ọdọtọpọ ọkọ lọyọ atọ-abi owunyakpa. Breá ọde mú wunya a, ọkọ lọwọlọ ọkpato, aha betsatsa múso, mbubwi ẹ bọtswetswe mú fẹ́ẹ́.

6 Ọkọ lọwọlọ abutasu, ọtineá ọsị kpalobi dín. Ọlọwa ọsa kwe, tame breá owi lẹlín a, ọloto mú mọ, tsufe imenya ntsu. **7** Abi amu ku lọwọlọ awuto, awu amu lọbula kíta mú, imedan. **8** Abi amu ku lọwọlọ ọsọlọ wanklaansu, dan. Iloswie abi tsọtsọtsọ fe mú amuu olodu amu odu tse lafa. > >

Yesu lomo mu asun ọnọ ọbẹẹ, < < Ọha áńí ọbọ asu onu. > >

Tọ́á Sọ́á Yesu Lọ́tọ́ Ayebisọ

(Mateo 13:10-17; Marko 4:10-12)

9 Yesu akasipọ befite mu yebi anfi así. **10** Ọlebla amú ọbẹẹ, < < Bulu laha mli ọkpa ọbẹẹ, mlibi mu iwiegyi amu ọwí asun ẹ́ainhe. Tame nde aha bamba asun bla ayebisọ, mení bówun, tame buméebi. Bónu, tame bumóonu mú así.

Atọ-abi Owunyakpa Yebi Amu Así

(Mateo 13:18-23; Marko 4:13-20)

11 < < Yebi amu así ní. Atọ-abi amu gyi Bulu asun. **12** Abi amuu ọlọwọlọ ọkpato amu gyi aha áńí butonu asun amu, tame Ọbunsam teba bele mú le amú klunto, mení bumóhọ múso gyi, fówun bénya nkpa áńí itamata. **13** Abi amuu ọlọwọlọ abutasu amu gyi aha amuu bonu asun amu pe, bahọ mú ansigyisọ, tame buma nlin. Mú su butamahogyi wa ọpá. Ní ọsọkí ku inya tu amú pe badıda. **14** Abi amuu ọlọwọlọ awuto amu gyi aha áńí bonu asun amu a, bahọ mú, tame ọyí anfitọ atohianhe ọwí gywun, pú mútọ atonyahẹ ọwí ansigyí tegyi asun amuu. Lní su butamaswie abi dan. **15** Abi amuu ọlọwọlọ

ɔsulu wanklaansu amu gyi aha amuv bonu asun amu a, butɔho mu wa uklun wanklaan ání itonu asun, gyi músuto. Inu su butotomi swie abi tsotsɔtsɔ.

Ɔkandɛ lwi Yebi

(Marko 4:21-25)

16 < < Ɔhaa tamanywe ɔkandɛ pu ato bun músu, nte puwa mpa ayasi. Ɔfuakpa ɔtɔpubian, menɩ ɩbɔwankɩ ha aha ání bɛba woyi amuto.

17 < < Tsufe tɔto ma unvá ɩbɛɣain, uméɛɩun ɔwan. Asun ɣainhe kuku ɛ ma unvá buméɛbi mú.

18 < < Mɩkɩ wanklaan mɩ asun-nuto. Tsufe ɔha ání odekɛá obónu mɩ atosunahe amu asi a, Bulu ɔbɔpu ɩku tsia múto ha mu. Tame ɔha ání omedekɛá obónu mú asi a, Bulu ɔbɔswu mu kpalobi amuv olosusuá alabi amu kura. > >

Yesu Abusuanfɔ Onuto

(Mateo 12:46-50; Marko 3:31-35)

19 Yesu mu yin mua mu apio beba mu wa, tame ɔdɔm amu su bumetalɩ wie ba mu wa. **20** Aha amuto ɔku lebla Yesu ɔbɛɛ, < < Fu yin mua fu apio bulu kpankpa, budekɛá bówun fu. > >

21 Yesu lebla amú ɔbɛɛ, < < Mɩ yin mua mɩ apio gyi aha ání butonu Bulu asun amu, gyi músu. > >

Atsufu Asɩba

(Mateo 8:23-27; Marko 4:35-41)

22 Ɛke ɔku Yesu lebla mu akasɩpu ɔbɛɛ, < < Mɩha afa Galilea ɔpu yɔ ɔbun. > > Mú su bɔpu ɔkpa bɔyɔ. **23** Brɛá bɔyɔ a, Yesu ledidi. Inu afu kpɔnkpɔɔnkpɔntɩ ku lɔwa tsun bi. Ntsu amu ɩdɛda wie uklun

amuto, idekle une. Uto amú ansi pepe. **24** Mú su betsinki Yesu, bla mu bee, < <Ani Wie! Anide ntsu wie! > >

Yesu lokusu le onwa afu múa ntsu amu, unu féé loba. **25** Inu defite amú obee, < <Mli hogyi me? > >

Ifu lekita amú, onwa lobwie amú, befite aba bee, < <Nyankpusa omomu ni, alale onwa afu múa ntsu kuraa, banu mu ome ali? > >

Onye Lalahe Gya Le Ogbedepu

(Mateo 8:28-34; Marko 5:1-20)

26 Yesu mua mu akasipu befa opu tsu Galilea yowie Gerasen^y osulusu. **27** Breá Yesu dedali oklun amuto a, oyin okuá otsu wulu amuto, onye lalahe bu muto lebefia mu. Oyin anfi lekpa ato, tu dali woyito, ya otsie afuli opulakpa ilawa opa. **28** Breá olowun Yesu a, olosura okitikiti, da akpawunu mu ayabito, kplun bli obee, < <Osususu Bulu mu Bi Yesu, amansu igyi? Kokoli, mapiti mi ato. > > **29** Ali bre amuto a, Yesu lakplun wa onye lalahe amu obee, idali muto dodo. Mú su oyin amu lebli ali ni. Onye lalahe amu itowie muto bregyibre. Mú su butowa mu ibi pu mu ayabi ikan, gyo mu iwi. Mú oo a, otebia ikan amu, onye lalahe amu iteha mu otesri wie aputu.

30 Inu Yesu defite mu obee, < <Nkali buteti fu? > >

Oyin amu lele mú onwa obee, < <Mi da gyi <Odum. > > > Tsufe onye lalahe tsotsotsu bu muto. **31** Onye lalahe amu bokokoli Yesu bee, omagya amú yowa ilan klukluukluá uma okato.^z

32 Mprakuo tsotsotsu aku budegyn okuku kusu unu fun. Mú su onye lalahe amu bokokoli Yesu bee, cha abuyowie mprakuo amuto. Oleha

^y**8:26** *Gadara* bu nwulu dada amu akuto.

^z**8:31** Ilan klukluukluá uma oka gyi onye lalahe usu obitika.

amú ɔkpa ɔbɛɛ buyɔ. **33** Inunu bedali oyin amuto yowie mprakuo amuto, amú fée besri kpakpli okuku amu wie ɔputɔ, wuwu.

34 Bréá mprakuo akpapu amu bowun tɔ́á ilaba a, besri yebli asun anfi wuluto pú ɔmá amuto. **35** Inu aha beba bekɔ́ tɔ́á ilaba. Bowun ání oyin amuu tɛkɔ́ ɔ́ɛ lalahɛ bubu mutɔ́ amu ansitɔ́ ladɔ́, alawa atadiɛ otsie Yesu wa. Uɔ́wa amú ifu. **36** Aha amuu bowun itɔ́ amuu ulɛba amu bebla amú alíá oyin amuu ɔ́ɛ lalahɛ bubu mutɔ́ amu lenya mu ulɔ́tsa. **37** Ɔma amuto aha fée bokokoli Yesu bɛɛ, ɔdali amú ɔmáɔ́, tsufɛ ifu lehɛ kita amú. Mú su Yesu lowie ɔ́klun amuto ɔbɛɛ amunati.

38 Oyin amuu tɛkɔ́ ɔ́ɛ lalahɛ tsie mutɔ́ amu lokokoli mu ɔbɛɛ,
< < Ha mɔ́ ambuo fu yɔ. > > Tame Yesu mɛha mu ɔkpa.

39 Mboun ɔlebla mu ɔbɛɛ, < < Yinki yɔ woyi, afuyɛbla mli pɔ́ toyileá Bulu labwɛ ha fu. > >

Mú su oyin amu leki wulu amu fée fia, ɔdɛ itoyile amuu Yesu labwɛ ha mu amu bli wulu amuto fée.

Ɔhandɛ Ɔku Mu Bi Mɔ́a Ɔtsɔ́ Ɔku Uɔ́ Tsa

(Mateo 9:18-26; Marko 5:21-43)

40 Bréá Yesu leyinki yowie ɔpu amu ɔbɔ́n a, ɔdɔ́m bɔ́hɔ́ mu atuu, tsufɛ buɔɔ mu ɔkpa kɔ́. **41** Inu oyin ɔ́kuá butɛtɔ́ mu Yairo, ogyi Yudafo ofiakpa ɔ́handɛ lɛba beɔ́a akpawunu mu ayabitɔ́, kokoli mu ɔbɛɛ, ɔba abuyɔ́ mu woyitɔ́. **42** Mu bi tsihɛ ɔ́kule pɛá ɔbu, alahɔ́ nfi duanyɔ́ da odewu.

Bréá Yesu lɔpu ɔ́yɔ́ unu a, ɔdɔ́m amuu bubuo mu amu bekpa buo mu yɛɛ. **43** Ɔtsɔ́ ɔ́kuá obugya dɛ mu wulɔ́ nfi duanyɔ́ nɔ́, ɔ́haa mɔ́kutali tsa mu, alayinta mú iwɔ́su atɔ́ fée ulɔ́ atsapɔ́ ibitɔ́ bu aha amuto. **44** Ɔtsɔ́ anfi lɔ́tsun yɔ́ Yesu ɔ́ma, pu ibɔ́ da mu tati osiebi. Inunu obugya amu leka itin. **45** Muv Yesu lɛfite ɔbɛɛ < < Ma lapu ibɔ́ da mɔ́? > >

Bréá aha amu fée bée bumakupu ibi da mu a, Petro lefite Yesu ɔbée,
< < Mi Wie, ɔdom anfi bupu fu anfi a, mú fude asun anfi fite? > >

46 Tame Yesu lebli ɔbée, < < Ɔku lapu ibi da mi. Nawun ání ɔɛ ku
ladali mitɔ. > > 47 Bréá ɔtsi amu lowun ání itɔ amuv mabwe amu
lalin ɔwan a, ɔledali ba. Ɔdekpinkɔ kpakpakpakpa, ɔleyeda akpawunu
Yesu ayabitɔ, bla mu aha amu fée ansitɔ tɔá svá mɔpu ibi da mu, pu
alíá manya ɔlɔtsa. 48 Inu Yesu lebla mu ɔbée, < < Mi bi, fu hogyi
latsa fu ɔlɔ. Natɔ iwilwiitɔ. > >

49 Bréá Yesu bu mu tɔi anfisɔ a, ɔku lesri tsu Yairo woyitɔ ba bebla
mu ɔbée, < < Fu bi amu ɔdikpa mɔwa ale. Mátepi tra wa osunapu
tɔi. > >

50 Bréá Yesu lonu asun anfi a, ɔlebla Yairo ɔbée, < < Mányá ifu. Fu
mú hogyi wule, obénýa nkpa. > >

51 Bréá Yesu lowie woyitɔ unu a, ɔmeha ɔhaa obuo mu yɔ obuá kebi
amu da mútɔ, dun Petro, Yohane, Yakobo pú kebi amu akwupu.

52 Alɔ bre amutɔ a, aha amu fée budesu, bude okitikiti. Yesu lebla
amú ɔbée, < < Mlɔsi okitikiti sura. Ɔmakuwu, didi ɔde. > >

53 Aha amu fée buyin ání otsibi amu lawu. Mú sv bɔmɔsi Yesu.

54 Inu Yesu lekita otsibi amu ibi, kpoli mu ɔbée, < < Obi, kusv! > >

55 Ɔɛ lelawie mu, ɔlokusu lu ɔtsawule pe. Muv Yesu lebla amú ɔbée,
< < Mlɔdunka tɔku ha mu ogyi. > > 56 Ɔno lobwie otsibi amu
akwupu, tame Yesu leda amú ɔla ɔbée, < < Mlumábla ɔhaa asun
anfi. > >

9

Proofread 02-07-09

Akasɔpu Duanyɔ Amu Sumbiwa

(Mateo 10:5-15; Marko 6:7-13)

1 Yesu leti akasipu duanyo amu fia, ɔleha amú tumi, ha amú ɔkpa ɔbeɛ, bugya ɔɲe lalahe féé, abutsa ɔɔ. **2** Ɔɔɔwa amú ɔbeɛ, buyeda Bulu iwiegyi amu ɔkan, abutsa alɔpu. **3** Ɔlebla amú ɔbeɛ, < < Nɪ mlɔyo a, mɪmátsu tɔtɔ. Mɪmátsu oyi yiahe, akpankogyo, atogyihe, kɔba nte atadie nyɔsi. **4** Woyigyiwoyitɔ́á bóhɔ mɪ a, mɪtsia unu yɔfun ekeá mlédali wulu amuto. **5** Nɪ bumɔhɔ mɪ wulu kusu, mlidedali mlɔyo a, mlɪkpakpa mɪ ayabito-ɪsi wuli wulu amuto, isuna ání bumebi bwe. > >

6 Benati ki nsune unu awulu féésu, bude asun wanklaan amu ɔkan da, tsa ɔɔ.

Herode Legyigya

(Mateo 14:1-12; Marko 6:14-29)

7 Breá Galilea ɔmásv ogyipu Herode lonu tɔ́á ide músv yo a, olegyigya. Tsufe aku budebli beɛ, < < Asu Ɔɔɔpu Yohane lakusu tsu afulitɔ. > > **8** Aku ε beɛ, < < Bulu ɔnɔsv ɔtɔipu dada Elia lalɛ iwɪ ɔwan. > > Aku ε beɛ, < < Bulu ɔnɔsv atɔipu dada amuto ɔku lakusu tsu afulitɔ. > > **9** Herode lebli ɔbeɛ, < < Naha batɪn Yohane. Ngya oyin ɔmɔmu iwɪ asun ntra ndenu alɪ? > > Mú sv ɔɔɔɔ mbɔdiá mowun Yesu.

Aha Mpɪm-nu Atogyihe Ha

(Mateo 14:13-21; Marko 6:30-44; Yohane 6:1-14)

10 Yesu sumbi ayɔpu amu beyinki ba bebla mu tɔ́á bayɔbwe. Ɔlekpa amú buo iwɪ, amú nkule bɔyo Betsaida wuluto. **11** Breá ɔɔɔm amu bebiá ɔbu unu a, begya mu ɔkpa yo unu. Yesu lɔhɔ amú atuu, ɔlebla amú Bulu iwiegyi amu iwɪ asun, ɔletsa amúá budelo.

12 Breá owi depon a, sumbi ayopu duanyo amu beba bebla Yesu bee, < <Ha amú abunati, mení bétali yo awuluá ibu manta nfiyu yodunka atogyihe múbá odikpa, tsufe animéenya toto ha amú dimbi anfito. > >

13 Tame Yesu lele mú onó obee, < <Mlidunka ato ha amú abugyi. > >

Akasipu amu bebla mu bee, < <Toá anibu féé gyi bodobodo apin anu pú ntsutso iye bwahe anyo. Nketi anilayohó atogyihe ba aha anfi féé. > > **14** (Ayin ání bubu unu bóbwe fe mpum-nu (5,000).)

Yesu lebla akasipu amu obee, < <Mliha amú abutsia okuto. Iku kule ubwe fe aha aduenu (50). > >

15 Akasipu amu bóbwe duka músú, ohagyioha letsia asi. **16** Inu olotsu bodobodo anu pú ntsutso iye bwahe anyo amu. Inu olotsu ansi fua kí osusu, oleda Bulu ipan. Muu olebiabia muto puha akasipu amu obee, buye mú ha amú féé abugyi. **17** Amu féé begyi mwe sian. Breá akasipu amu botosi isianhe amu a, ulobula alakpa duanyo.

Oha Ání Yesu Gyi

(Mateo 16:13-19; Marko 8:27-29)

18 Eke oku Yesu nkule de mpatí bó, mu akasipu amu bubu unu. Muu olefite amú obee, < <Ma aha bee ngyi? > >

19 Bele mú onó bee, < <Aku bee, fugyi Asu Obopu Yohane. Aku bee, Bulu Onosu Otoupu Elia. Aku e bee, Bulu onosu otoupu dada oku lakusu tsu afulito. > >

20 Muu olefite amú obee, < <Mli e me? Mliaa, mgyi ma? > > Petro lele mú onó obee, < <Fugyi Kristo, (oha amuu Bulu lada mu ofuli amu) ni. > >

Yesu lwioyin Pú Mu Lowu lwi Asun Bli

(Mateo 16:20-28; Marko 8:30--9:1)

21 Inu Yesu lɛda amú ɔla kpakpaakpa ɔbɛɛ, bumábla ɔhaa mu iwɪ asun anfi. **22** Ɔlɛtra bla amú ɔbɛɛ, < < Ilehian ání mɪ, Nyankpusa-Mu-Bi anfi nɛ́hiɛ wun iwɪɔsin tsɔtsɔɔtsɔ Yudafo ahandɛ, Bulu igyi ahapu dɛhɛn pú Mose mbla asunapu ɪbɪɔ. Amú fɛ́ɛ békina mɪ, ha bómo mɪ, tamɛ Bulu ɔbélakusua mɪ tsu afulito eke sasi. > >

23 Inu ɔlɛbla aha amu ɔbɛɛ, < < Nɪ ɔku dekleá obóbuo mɪ a, osi tɔ́á otekle bwe, otsu mu oyikpalihe ekekegyiɛke bobuo mɪ. **24** Tsufɛ nɪ ɔku lɛpri mu nkpa a, ɔbóhɪlɪ mú. Nɪ ɔku ɛ lesi mu nkpa ha mɪ su ɛ a, Bulu ɔbóho mu nkpa. **25** Nɪ ɔku onya ɔyɪɔ atɔ fɛ́ɛ, tamɛ ɔhɪlɪ mu ɔkla a, labi mɔmu ɪɔwa ha mu? **26** Nɪ ɔku onya mia mɪ atosunahe pelɪ a, mɪ, Nyankpusa-Mu-Bi anfi ɛ nɛ́nya mu pelɪ brɛ́á nna mia mɪ Sɪ pú mu abɔpu wankɪhe numnyamtɔ nɛba. **27** Onɔkwali ndɛ mli bla. Aku bubu mliɔ nfi bumóowu asa bówun Bulu iwiegyi amu. > >

Yesu lwɪtɛ

(Mateo 17:1-8; Marko 9:2-8)

28 Yesu lɛbli asun anfi ndawɔtswi ɔma a, ɔlekpa Petro mua Yohane pú Yakobo buo iwɪ, bɔɔɔ yɔ mpai ɔbɔkpa ɪbu kusɔ. **29** Brɛ́á ɔdɛ mpai amu bɔ a, mu ansɪɔ lɛtɛ. Mu atadie lofuli hunanana, ɪdɛ ogya kpa. **30-31** Inu aha abanyɔ́á batsia kɪ, bugyi Mose mua Elia bɛlɛ iwɪ ɔwan ɔsusu numnyamtɔ. Amúa Yesu bɔɔɔ tsu mu lowuá Bulu lɛhiɛ tswɪ muá umóɔwa ɔpá obówu Yerusalem iwɪ. **32** Petro mua mu aba amu bɛɪɪɪ. Brɛ́á bɔwan tsinki a, bowun Yesu numnyam, aha abanyɔ amu ɛ bulu mu wa. **33** Brɛ́á aha abanyɔ amu buɛnati a, Petro lɛbla Yesu ɔbɛɛ, < < Mɪ Wie, ɪbu alɛ́á abétsia nfi. Ha ada abu asa. Fu kle kulɛ, Mose kle kulɛ, Elia ɛ kle kulɛ. > > (Ɔmɛbɪ tɔ́á ɔdɛbli).

34 Brɛ́á ɔdɛ asun anfi bli a, agyinde ku lobobun amú fɛ́ɛsu. Inu ifu lekɪta amú abasa amu. **35** Inu a, ɔmɛ ku lɛɔali tsu agyinde amɔɔ

ɔbɛɛ, < <Ɖnɪ gyi mɪ Biá nale nɪ. Mlɪyaa asu amlɪnu mu ɔmɛ. > >

36 Ɖmɛ amu lotsutsua ibɛka tin a, ɪlasi Yesu nkule ɪnu. Akasɪpu amu bɛkpa ɔno bun asun anɪsu nke amuto. Bumebla ɔhaa toá bayowun.

Uɔ Dɪdahe Ɖɔpu Tsa

(Mateo 17:14-18; Marko 9:14-27)

37 Mú ɔyikehe a, Yesu mua akasɪpu abasa amu bɛkplɪ tsu ɪbu amusu, ɔɔm amu beɪia mu. **38** ɪnu amuto ɔku lɔkplun ɔbɛɛ, < <Osunapu, kokoli, damli kɪ mɪ bi ha mɪ. Obi yinhe ɔkule pɛ ogyi mɪ. **39** Ɖɛ lalahe ku towie muto, ɔɔkplun. Ɖtedida gbla, ɔdeko tsikitsiki, mu ɔno toɔwe afu. Ipianto asa itesi mu. ɪɔ mu yinta. **40** Nobobwii ɪpa ha fu akasɪpu amu mbɛɛ bugya mú ɪɔ muto, tame bumetalɪ. > >

41 Yesu ɪɛɛ mú ɔno ɔbɛɛ, < <Ndɛmba-abiá mlɪmá hogyi, mlɪ tsiato ma aɛ. Alɪ nétsia mlɪ wa, nya klun ha mlɪ ekekegyiɛɛ nɪ? > >

ɪnu ɔɛbla oyin amu ɔbɛɛ, < <Kpa fu bi amu ba mɪ. > > **42** Brɛá ɔɛkpa kebi amu ɔba a, ɔɛ lalahe amu ɪɔɪn mu da, ɔdeko tsikitsiki. Tame Yesu lɔkplun wa ɔɛ lalahe amu, tsa kebi amu. ɪnu oleyinkia mu ha mu si. **43** Bulu tumi kpɔnkpɔntɪ amu ɪha ɔno lobwie aha amu fɛɛ.

Yesu Lowu ɪwɪ Asun Blɪ Tse Nyɔsɪ

(Mateo 17:22-23; Marko 9:30-32)

Brɛá mu bwehe ɪɔɛ ɔhagyioha wanwan wa a, Yesu ɛbla mu akasɪpu ɔbɛɛ, **44** < <Mlɪhɛ yaa asu amlɪnu. Bɛɛ mɪ, Nyankpusa-Mu-Bi anɪ ha adun bómo mɪ. > > **45** Tame akasɪpu amu bomonu mú asɪ. Bulu ɔpu mú asunu ɲain amú. Mú su ɪmɔwankɪ amú asun ání ɔɛblɪ. Ifu ɛ

de amú ání bífite mu.

Ma Ɔbóbwe Ɔhande?

(Mateo 18:1-5; Marko 9:33-37)

46 Nwen ku leba akasipu amu nsune, tsu amúto ɔha ání ɔbóbwe ɔhande iwi. **47** Yesu lebi amú agywun. Mú su ɔlekpa kebi ɔku belu mu iwi wa. **48** Muu ɔlebla amú ɔbee, < < Ɔhagyicha ání ɔlɔho kebi anfi mi idato laho mi. Ɔhagyicha ání ɔho mi e laho ɔha amuu ɔlɔwa mi amu. Tsufe ɔha ání ogyi ɔtrahe mlito fée gyi ɔdehen. > >

Ani Obuopu

(Marko 9:38-40)

49 Yohane lebla Yesu ɔbee, < < Mi Wie, anilowun oyin ɔku depu fu ida gya ɔɛ lalahɛ, anileka mu tin, tsufe ɔma anito. > >

50 Tame Yesu lebla amú ɔbee, < < Mlumáka mu tin! Tsufe ɔha ání ɔmɔkusu lu mlisu buo mli. > >

Samariafo Yesu Maho

51 Breá nkeá Bulu obótsu Yesu ya ɔsusu dekpukpe ba a, ɔlɔbwe agywun ání ɔbóyo Yerusalem kokooko. **52** Ɔlɔwa abi gyankpa yo Samaria wulu kusu ɔbee, buyela unu ya ha mu. **53** Tame bumɔho mu wulu amuto, tsufe Yerusalem ɔyo. **54** Breá mu akasipu Yakobo mua Yohane bowun alɔ a, bífite mu bee, < < Ani Wie, fudekle fee aha ogya itsu ɔsusu bɔho amú mɔ? > >

55 Tame Yesu ledamli, wa iyin wa amú.^a **56** Muu bɔpu ɔkpa yo

^a**9:55** Inɔ bu nwulu dada amu akuto: Ɔbee, < < *Mlimeyin ɔɛ oduá ide mli kpa. Tsufe Nyankpusa-Mu-Bi amu meba aha ɔmɔkpa, nkpa ɔhɔkpa ɔleba.* > >

wulu bambasu a.

Aha Ání Bɛ Bóbwe Yesu Abuopu

(Mateo 8:18-22)

57 Breá buna ɔkpatɔ bɔyɔ a, oyin ɔku lebla Yesu ɔbɛɛ, < <Nóbuo fu yɔ ɔtinegyiɔtineá fýɔ. > >

58 Yesu lebla oyin amu ɔbɛɛ, < <Awia bubu mbɔ, mbubwi ε bubu asia, tame mi, Nyankpusa-Mu-Bi anfi mú a, mma ɔtineá nópu mi nwun tswi. > >

59 Yesu lebla ɔha bamba ε ɔbɛɛ, < <Bobuo mi. > >
Tame oyin amu lebla mu ɔbɛɛ < <Owie, ha mi anyopula mi si asa ambobuo fu. > >

60 Muu Yesu lebla mu ɔbɛɛ, < <Si awupu^b abupula amú afuli. Tame fu mú yɔ afuyeda Bulu iwiegyi amu ɔkan. > >

61 ɔku ε lebla mu ɔbɛɛ, < <Mi Wie, nóbuo fu, tame ha mi anyinki yekla mi woyito aha asa. > >

62 Yesu lebla mu ɔbɛɛ, < <ɔha ání ɔtesɾi damli kɪ ɔma mɔfun ha Bulu iwiegyi amuto agyuma yɔ. > >

10

[Proofread 02-07-09](#)

Akasipu Aduesienɔ-nyɔ Sumbi Wa

(Mateo 10:7-16)

1 Inɪ ɔma a, Yesu lele mu akasipu aduesienɔ-nyɔ (72)^c aku ε, ɔɔwa amú abanyɔ-abanyɔ ɔbɛɛ bɔgyankpa yɔ wulugyiwuluá mu onuto

^b**9:60** Awupu gyi aha ání bawu ɔɲeto.

^c**10:1** Aduesienɔ-nyɔ (72): Aduesienɔ (70) bu nwulu amu akuto.

mɔyɔ mʊsu. **2** Ɔlebla amú ɔbɛɛ, < < Atɔ kpɔtihe amu itsɔ, tame mú akpɔtipu bumɔtsɔ. Mú su mlíkòkòlì ndɔ mu wie, ɔwa akpɔtipu tsɔtsɔ abuba bɔkpɔti mu atɔ amu. **3** Mlɛnati, mlibiá nde mli wa fe akufabi ɔyɔ adundutɔ. **4** Mlɛmátsu sika kente, akpankogyo nte ntukuta kita. Nɛ mlina ɔkpato a, mlɛmálu tuntun aha. **5** Nɛ mlowie woyigiyoyito a, mligyankpa bla amú mliaa, < Bulu ɔhaa mli iwilwii. > **6** Nɛ woyi mu wie amu tekle iwilwii a, mli iwilwii bésin woyi amusu. Tame nɛ ɔtamakle iwilwii a, ibésanki ba mli wa. **7** Mlɛtsia woyi amuu bɔhɔ mli mútɔ amutɔ. Mligyi atɔ, amlɛnun togyitɔá béha mli, tsufe agyuma ɔyɔpu buteka ikɔ. Mlɛmátu layetsia woyi bambatɔ. **8** Nɛ mlowie wulu kusɔ, bɔhɔ mli a, mligyi tɔá béha mli. **9** Mlɛtsa alɔpɔá bubu wulu amutɔ, amlɛbla wulu amutɔ aha mliaa, < Bulu iwiegyi lawie woyi ta. > **10** Tame nɛ mlowie wulu kusɔ, bumɔhɔ mli a, mlɛdalɛ yelɛ brɔnusu; amlɛbli mliaa, **11** < Anɛde mli wulutɔ otutu amuu ilawuli anɛ ayabiasɛ amu kuraa kpakpa wuli. Tame mlibiá Bulu iwiegyi amu lawie woyi ta. > **12** Nde mli bla mbɛɛ, Bulu ɔbébitɛ wulu amutɔ aha usɔ dun Sodomfɔ mu asun ogyike amu.

Aha Ání Bumedamli Kluntɔ Asungyi

(Mateo 11:20-24)

13 < < Korasinfɔ, mligyɔwɛ. Betsaidafɔ, mligyɔwɛ nɛ. Nɛ Tiro pú Sidon awulu lalahe amutɔ nɔbwe ofula akpɔnkpɔntɛ anfi nɔbwe mlɛtɔ anfi a, tekɛ buda akpekpetɔ, bakpa nsuo wa nwuntɔ pusuna ání badamli kluntɔ. **14** Tame mlibiá Bulu ɔbébitɛ mli usɔ mu asun ogyike dun Tiro mu Sidonfɔ. **15** Mli Kapernaumfɔ, mlɛdekle mliaa mlótsu ɛwɛ fua alɛ yɔwɔ ɔsusu? Ɛkɛkɛkɛ! Bulu ɔbéba mli asɛ yowie afulitɔ. > >

16 Yesu lebla mu akasɛpu amu ɔbɛɛ, < < Ɔha ání ɔhɔ mli asun laho

mí. Ǫha ání olekina mí asun hǫ lakina mí asun hǫ. Ǫha ání olekina mí asun hǫ ε lakina mí Sı amuv ǫlwa mí amu asun hǫ. > >

Akasıpu Aduesienǫ-nyǫ Amu Yinki Ba

17 Akasıpu aduesienǫ-nyǫ amu beyinki ba ansigyısu. Bebla Yesu bee, < < Anı Wie, nı akplun wa ǫge lalahe kuraa fu ıdato a, butobu anı. > >

18 Yesu lebla amú ǫbee, < < Nowun ání Satan lekpa tsu ǫsusu fe alıá nsaintǫ tǫfwı ıbı beda ǫsulvǫ pǫ. **19** Mlınu! Naha mí tumıá mlıtsatsa awǫ pú nyankpukpiesu tsun, amlıgyı Ǫbunsam tumı féésu. Tǫtǫtǫ mǫǫbwe mí. **20** Tame ansı magyi mí ání ǫge lalahe labu mí. Mboun ansı igyi mí ání Bulu lawanlın mí ada tswı ǫsusu. > >

Ansı Legyi Yesu

(Mateo 11:25-27; 13:16-17)

21 Alı bre amvǫ a, Ǫge Wankıhe leha ansı lehie gyı Yesu. Muv ǫleblı ǫbee, < < Mı Sı, ǫsu múa ası Owie! Neda fu ıpan ání fale tǫá ǫpııǫain anyansapu pú asun abıpu ǫwan suna aha ání bumeyin ǫlala, bugyi fe nyebi. Ee, mı Sı! Alı fudekle fee ıba múǫ nı. > >

22 Muv ǫlebla mu akasıpu amu ǫbee, < < Mı Sı lapu togyıǫ wa mı ıbıǫ. Ǫhaa meyin ǫha ání Obi amu gyı, nketı Ǫsı amu nkule. Ǫhaa meyin Ǫsı amu ε, nketı Obi amu, pú ǫha ání Obi amu latsula ání ǫbéle mu suna mu. > >

23 Breá ǫhaa má amú wa a, ǫledamli kı amú, bla amú ǫbee, < < Mlı mú a, Bulu layula mí, mlıde atǫ anfi wun. **24** Nde mí bla mbee, Bulu ǫnǫsu atǫıpu pú awie tsǫtsǫtsǫ bekleá bówun atǫ anfi, abunu asun anfi mlıdenı, tame bumenya mú alı. > >

Samariayin Awıǫlepı Ǫku

25 Mose mbla osunapu ɔku lɔkusu lu fite Yesu asun anfi pusu mu ki. ɔlefite mu ɔbee, < < Osunapu, nto mbwe asa anya nkpa ání utamata? > >

26 Yesu lebla mu ɔbee, < < Nkalí Mose Mbla leblí? Nkalí fonu mú así? > >

27 Oyin amu lebla mu ɔbee, < < Pu fu klun, fu ɔkla, fu ɔwunlun pú fu agywun fée dwe fu Wie Bulu, afudwe fu ba fe fu ɪwɪ. > >

28 Yesu lebla mu ɔbee, < < Mú fablí a. Bwe mú, fénya nkpa ání utamata. > >

29 Tame oyin amu lekleá obósuna ání mu asun da ɔkpa. Mú su ɔlefite Yesu ɔbee, < < Ma gyi mí ba? > >

30 Yesu lebla mu ɔbee, < < Bre kusu oyin ɔku lekplí tsu Yerusalem ɔyo Yeriko. Breá ɔna ɔkpatɔ a, oleyefia ogyo atswapu aku. Aha anfi bekpa mu tati, swu mu atɔ fée, da mu sian mu mɔ, natí sí mu tswɪ.

31 Bulu igyi ɔhapu ɔku na ɔkpa amu kensu. Breá olowun mu sisi a, ɔlebaɪ tsun ifuntɔ natí sí mu. **32** Alí ken Lewiyin ɔku ɛ lɔbɔtu mu, baɪ tsun ifuntɔ natí nɪ.

33 Tame Samariayin ɔkuá ɔna ɔkpa amusu mú leba bowotii musu. Breá olowun mu a, ɔlɔwa mu nwe. **34** ɔlenatí yɔtu mu, ɔletsei nta kpekple wulí mu nɔsu, yi ofobi wa mú, klí mú, tsu mu dɪnka mu afrimusu, pu mu ya afɔɔ ɔswukpa yekí musu. **35** Mú ɔyikehe a, Samariayin amu lele sika fututu anyo ha afɔɔ ɔswukpa unusu ɔkɪpu ɔbee, < Kí musu ha mí. Ní feyinta tɔku tsia a, neyinki néka fu. > > >

36 Yesu lɔmɔ mú ɔnɔ ɔbee, < < Fu atɔkɪhetɔ a, aha abasa anfitɔ ɔmɔmu gyi oyin amusu olefia ogyo atswapu amu mu ba? > >

37 Mose mbla osunapu amu lebla mu ɔbee, < < Oyin amusu olowun mu nwe amu. > > Yesu lebla mu ɔbee, < < Mumu yo afuyɔbwe mú odu. > >

Marta Mva Maria Wa Yɔ

38 Bréá Yesu mva mu akasipu buna ɔkpatɔ boɔɔ Yerusalem a, bowie wulu kusɔ. Ɔtsi ɔkúá buteti mu Marta lɔhɔ mu ɔfɔɔ, ɔlɛkpa mu ya mu woyito. **39** Mu pio tsihe gyi Maria. Maria anfi lebetesia Yesu ayabiasɔ, ɔde mu atosunahe nu. **40** Marta nkule dedamli tsun mútɔ, alíá íbɔ́bwe ɔbɔ́bwe amú afɔɔtɔ. Uɔdɔn mu. Muɔ ɔlenati yɔ Yesu wa, yefite mu ɔbee, < < Mɪ Wie, fawun ání mɪ pio lasi agyuma amu féé tswɪ mɪ nkulesɔ? Bla mu ɔbétsa mɪ. > >

41 Yesu lebla mu ɔbee, < < Oo Marta, Marta! Fude fu ɪwɪ han ntobi tsɔtsɔɔtsɔ ɪwɪ. **42** Toku kule pɛ dehian, Maria lalɛ múa ɪbɔ alɛ dɔn. Ɔhaa méétali swu mu. > >

11

Proofread 02-07-09

Mpaɪbɔ ɪwɪ Atosunahe

(Mateo 6:9-13; 7:7-11)

1 Ɛke ɔku Yesu bu ɔtineku ɔde mpaɪ bɔ. Bréá ɔlɔbɔ ta a, mu akasipu amutɔ ɔkule lebla mu ɔbee, < < Mɪ Wie, suna anɪ mpaɪ bɔ, fe alíá Asu Ɔbɔpu Yohane losuna mu akasipu. > >

2 Yesu lebla amú ɔbee, < < Nɪ mlɔ́bɔ mpaɪ a, mlɪbɔ mú alɪ.

< Anɪ Sɪ,

aha bubu fu ɪda.

Ba begyi iwie.

3 Ha anɪ atogyiheá ɪbɔ́fun anɪ ekekegyieke.

4 Si anɪ lakpan kie anɪ,

fe alíá antesikie aha ání butɔpu ɪla gyi anɪ.

Mákpa anɪ wa ɪɔkɪtɔ. > > >

5 Inu ɔlebla amú ɔbeɛ, < < Nɪ mlɪtɔ ɔku bu onyawie a, ɔbókusu yɔ mu wa ɔyɪnsɪnɛ yebla mu ɔbeɛ, < Mɪ nyawie, pan mɪ bodobodo apin asa. 6 Mɪ nyawie ɔku labɔswu mɪ seseesei. Mma tɔtɔ́á nɛ́ha mu obégyi. >

7 < < Mu nyawie amu ɔbébla mu sɪsɪ ɔbeɛ, < Máwa mɪ tɔɪ. Mɪa mɪ abi anɪladɪ. Nafin obu, mméɛtalɪ kusu beha fu tɔtɔ. > 8 Nde mɪ bla mbɛɛ, fialɪ onyawie ɔkpasu a, ɔmókusu ha mu. Tame alɪá ɔde mu kokoli kotoo su a, ɔbókusu ha mu alɪá odekle.

9 < < Mú su nde mɪ bla mbɛɛ, mlíkuli Bulu, ɔbéha mɪ. Mlɪdunka, mlówun. Mlɪda mu klɪnsu, obéfinki mú ha mɪ. 10 Tsufe ɔha ání ɔtɔkuli atɔ tenya. ɔha ání otodunka atɔ towun. ɔha ání ɔteda klɪnsu butefinki ha. 11 ɔsɪ ɔmɔmu bu unu, mu bi ɔkuli mu iye a, ɔbékɪta iwɔ wa mu ɪbɪtɔ? 12 Nte nɪ ɔkuli mu bɔnɔ a, ɔbékɪta nyankpukpie wa mu ɪbɪtɔ? 13 Mɪ lakpan abwɛpu kura a mɪyɪn alɪá butɔpu atɔ wanklaan ha mɪ abi. Ntogyi su mɪ Sɪ amuu ɔbu ɔsusu amu mú mókpu ɔɲɛ Wankɪhe ha aha ání bude mu kuli? > >

Yesu Mva Beelsebul

(Mateo 12:22-30; Marko 3:20-27)

14 Yesu legya ɔɲɛ lalahɛ lɛ oyin ɔkúá alɔtɔ omumutɔ. Breá ɔɲɛ lalahɛ amu ledalɪ a, oyin amu lɔwa tɔɪ bɪ. Mú su ɔnɔ lobwie ɔdɔm amu. 15 Tame amótɔ aku beblɪ beɛ, < < ɔɲɛ lalahɛ owie Beelsebul tumɪ ɔdepugya ɔɲɛ lalahɛ lɛ ahatɔ. > >

16 Amótɔ aku ɛ bekleá bókɔ Yesu kɪ. Mú su bebla mu beɛ, ɔbwe osuna pusuna ání lɛlɛ otsu Bulu wa. 17 Tame Yesu lɛbɪ amú agywun. Mú su ɔlebla amú ɔbeɛ, < < Iwie ogyikpa ání ɪlaye anyɔ, bude aba kɔ tedɪda. Woyi oduá mótɔ atsiapu bude aba kɔ ɛ tobwie. 18 Nɪ Satan iwie ogyikpa labɔ anyɔ, bude aba kɔ a, mu iwiegyi bédɪda. Tame

mlidebli mliaa, Beelsebul idato nde ɔɛ lalaɛ gya le ahato. **19** Nɪ Beelsebul tumi ndepugya ɔɛ lalaɛ le ahato a, mumu ma tumi mli abi ε budepugya ɔɛ lalaɛ le ahato? Mli abi amu onuto obɛgyi mli asun. **20** Tame unia Bulu tumi ndepugya ɔɛ lalaɛ su a, mlibia Bulu iwiegyi amu laba mli wa dodo.

21 < < Tsufe ni ɔwɔnlɔpu bu akoto, ɔde mu woyi gyo a, mu toto tamafwi. **22** Tame ni ɔha anɪ ɔbu ɔwɔnlɔn dun mu ɔba begyi musu a, ɔtoɔwu mu mu akoto amuu mu ansi dun musu amu, ye mu atɔa olenya eto.

23 < < ɔha anɪ omobuo mi de mi lu. ɔha anɪ ɔmede mi tsa akpa aha ba Bulu ε de amɔ gya teia mi.

ɔɛ lalaɛ Yinki Ba ɔhato

(Mateo 12:43-45)

24 < < Nɪ ɔɛ lalaɛ idali ɔhato a, iteyeki dimbisu dunka otsiakpa, tame utamanya. Inu itebli anɪ ibeyinki yo mu woyi dadato. **25** Nɪ isanki yo a, itowun anɪ bafei mutɔ, la mutɔ wanklaan. **26** Iteyinki yekpa mu aba asienɔa butɔbwe lalaɛ dun mu, butɛba betsia unu. Inu ɔha amu tsiato teyinta dun alia igyi ya. > >

Oyula Onuto

27 Breá Yesu de asun anfi bli a, ɔtsi ɔku bu ɔdom amuto. ɔtsi amu lotsu ɔme fua bli ɔbeɛ, < < Bulu layula opuni amuu fedɪ mutɔ pɔ nyɔpu amuu fɔnyɔpu amu. > >

28 Tame Yesu lebla mu ɔbeɛ, < < Aha anɪ butonu Bulu asun, gyi musu mboun Bulu layula! > >

Bodunka Ofula

(Mateo 12:38-42)

29 Breá ɔdɔm amu budemoni tsia a, Yesu lebli ɔbeɛ, < < Ndɛmba-abi lalahe, mlɛde osuna dunka amlɔwun, tame mlumóowun kukubuku don Bulu ɔnɔsu ɔtɔpu Yona osuna amu. **30** Tsufe alɔ amuu Yona lɔbwe osuna ha Niniwefɔ amu a, alɔ mɔ, Nyankpusa-Mu-Bi anfi ɛ nɔbwe osuna ha ndɛmba-abi nɔ. **31** Seba owie tsihe ɔbókusu lu Bulu asun ogyike, ha mɔ ndɛmba-abi anfi upɔn. Tsufe olotsu ɔsasi ɔma kutɔ kein gya ɔkpa ba, bonu Salomo nyansa atosunahe. Mlɔkɔ, ɔha ání ɔdon Salomo lu nfi a. **32** Niniwefɔ ɛ bókusu lu Bulu asun ogyike amu, ha mɔ ndɛmba-abi anfi upɔn. Tsufe breá Yona leda Bulu asun ɔkan suna amú a, bedamli kluntɔ ba Bulu wa. Mlɔkɔ, ɔha ání ɔdon Yona onuto lu nfi a.

Nyankpusa-oyi ɔkandɛ

(Mateo 5:15; 6:22-23)

33 < < ɔhaa tamanywe ɔkandɛ puɔain, nte pu ɔlɔ bun músu. ɔfuakpa ɔtɔpubian, menɔ ɔbɔwankɔ ha aha ání béba woyi amutɔ. **34** Fu ansibi igyi ɔkandɛ ha fu nyankpusa-oyi. Nɔ fu ansibi bu ale a, fu nyankpusa-oyi amu féé bɔwankɔ. Tame nɔ fu ansibi uma ale a, fu nyankpusa-oyi amu féé bókɔlun. **35** Mú su mlɔkɔ ání wankɔ onuto bu mlɔtɔ, megyi okɔlun. **36** Nɔ fu nyankpusa-oyi amu lɔwankɔ, okɔlun uma ɔtɔnetɛ a, fu ɔwɔ féé bɔwankɔ fe alɔá ɔkandɛ tɔwankɔ wulɔ fusu. > >

Mose Mbla Asunapu Pú Farisifo Tsiato

(Mateo 23:1-36; Marko 12:38-40)

37 Breá Yesu lɔtɔɔ ta a, Farisiyin ɔku letɔ mu atɔ ogyikpa mu woyitɔ. Mú su Yesu lɔyɔ yetsia ɔponu amu asɔ. **38** ɔlɔwa Farisiyin amu wanwan ání Yesu mɔfwɔ ɔbɔ puɔyɔra ɔwɔ asa ɔde atɔ amu gyi. **39** ɔnɔ su Yesu lebla mu ɔbeɛ, < < Mɔ Farisifo mlɔtɔfwɔ mɔ nwe pú mɔ

ablanwe wanklaan, tame ɔnsipe múa owuntɔlin sɔɔn labula mli.

40 Mli aha mimlahe, megyi mútɔ múa mú ɔma féé Bulu lɔbwe?

41 Mlɔpu mli atonyahe amv ha ahianfɔ, togyito ɪwɪ bétɪn ha mli.

42 < < Farisifɔ, mligyɔwɪ nɪ! Mliteye mli ɔtsutsu pú kpantankplama aná féétɔ idu, pv idusɪ amv ha Bulu. Tame mliméde Bulu mbala amvu ɪhie dehian, igyi asungyi ɔnɔkwalisu pú Bulu-dwe amvus gyi.

Múdehian nɪ, tame mlimákina iyeto dusɪ amv ε ha.

43 < < Farisifɔ, mligyɔwɪ nɪ! Mlitekle otsiakpa yile tsia Yudafo ofiakpa. Mlitekle mliaa, aha bubun ha mli itsia dɪnsu. 44 Mligyɔwɪ nɪ! Mlɪlabwe fe ntsan ání bumehie mú nsu^d, aha butɔtsun músu, bumeyin ání ntsan igyi. > >

45 Mose mbala asunapu amutɔ ɔkulɛ lebla Yesu ɔbɛɛ, < < Osunapu, nɪ febli alɪ a, fasia anɪ ε o. > >

46 Yesu lebli ɔbɛɛ, < < Mose mbala asunapu, mli ε mligyɔwɪ nɪ! Tsufe mlɪtɔpu atɔ dwindwin sɪra aha, tame mlɪtamapu osrebi ɔkulɛ kuraa tsa amú sɪra. 47 Mligyɔwɪ nɪ! Tsufe mlɪtɔpwe Bulu ɔnɔsu atɔpu amvu mli anain bɔmɔ amv ntsan wanklaan. 48 ɪnɪ desuna ání mlɪlatsula dɪnka mli anain bwehe amvus nɪ. Tsufe mli anain bɔmɔ amú, mli ε mlɪlapwe amú ntsan. 49 Mú su Bulu lɔpu mv nyansa bli ɔbɛɛ, < Nówa mɪ ɔnɔsu atɔpu pú mɪ sumbi ayɔpu amútɔ. Bómɔ aku, dɪnka aku esu. > 50 Bulu ɔbéfite mli ndemba-abi anfi mv ɔnɔsu atɔpu amv obugya amvu ɪlɔwulɪ asɪ tsu brɛá ɔyi ɪɛlɪn ɔpá amv. 51 ɔbéfite tsu Habel obugyasu alɪ bɔfɔn Sakaria klesu. Mv bɔmɔ afɔdɪɛ-ɔswɪ múa Bulu ɔtswekpa amv nsɪnɛ nɪ. Ee! Nde mli bla mbɛɛ, Bulu ɔbéfite mú tsu mli ndemba-abi anfi wa.

^d11:44 Yudafo amandɛ ɔnɔ a, nɪ fetsa ntsansu a, ifin lada fv. Mú su butɛkpa mú afa fututu, puhie mú nsu.

52 < < Mose mbla asunapu, mligyɔwɪ nt! Tsufe mlɪde asunbi saafi amv. Mlumefinki wie, mluɛha aha ɔkpa ε abuwie. > >

53 Brɛá Yesu lenati unv ɔyɔ a, Mose mbla asunapu pú Farisifo amv bɔpu mu ɪwɪ ɔblo, yɔ buɛ mu asun tsɔtsɔɔtsɔ fite pufini mu yibi, 54 kɪ bɛɛ bɛnya mu ɔnɔɔ asvankv pukita mu.

12

Proofread 02-07-09

Apinabwɛbibwɛ ɪwɪ ɔlada

(Mateo 10:26-27)

1 Igyi alɪ, brɛá aha mpum-mpum bɛba befia unv, buɛ aba ayabiasi tsatsa a, Yesu legyankpa da mu akasɪpu amv ɔla ɔbɛɛ, < < Mlɪkɪ wanklaan Farisifo bodobodotu-afasu,^e tsufe apinabwɛbi abwɛpu bugyi. 2 Tɔɔ ma unvá babun atɔ músuvá bumóobwii músu. Togyito ε ma unvá ileɣain ání uméelun ɔwan. 3 Bɛda asun ání mlɪleɓlɪ nklobito ɔkan. Kugyikuvá igyi, ɪplɔ ibóbon.

ɔha Ání Abénaya Ifu

(Mateo 10:28-31)

4 < < Apio aba, ndɛ mlɪ bla mbɛɛ, mluɛmánya nyankpusa ifu. ɔbétalɪ mɔ mlɪ ɔyulv, tamɛ ɔmɛétalɪ bwe mlɪ tɔɔ mύ ɔma. 5 Nósuna mlɪ ɔha ání mlɪnya ifu. Mvgyi Bulu. Mu ɔmɔ mlɪ ɔma a, ɔbu tumi tswɪ mlɪ ɔkla ε wa ɪsubitɪ ogya ání itamaduntɔ. Ee! Mu mlɪnya ifu nt!

6 < < Afini butɔkuku fɛ akensire anu kɛkɛ? Megyi kɔba ana? Amú kuraa a, Bulu tamatan ɔkukusu, 7 mɛnɪ bɛɛ mlɪá Bulu yin mlɪ

^e12:1 Farisifo Bodobodotu-afa gyi amú afunu atosunahe. Kɪ Mateo 16:12.

nwunsu-imi kuraa klatɔ. Mú sɔ mlumánya ifu. Mlɔbu bia dɔn akensire tsɔtsɔtsɔ!

Adansiegyi Pú Asunkina

(Mateo 10:32-33; 12:32; 10:19-20)

8 < <Nde mli bla mbee, ni ɔku letali gyi mi iwi adansie ahato a, mi, Nyankpusa-Mu-Bi anfi e négyi mu iwi adansie Bulu-abɔpu ansito.

9 Tame ni ɔku lekina mi ahato a, mi e nékina mu Bulu-abɔpu ansito.

10 < <ɔhagyicha ání ɔlebli mi, Nyankpusa-Mu-Bi anfi iwi asun lalahe a, Bulu ɔbétaɔi sikie mu. Tame ni ɔku lebli ɔɔhe Wankihe amu iwi abususu a, Bulu méesikie nde, oméesikie mu ɔke.

11 < <Ni bekpa mli ya Yudafo ofiakpa, nte ɔmasu agyipu pú awie ansito a, mlumágywun asun ání mlébli puka iwi le nte alia mléle mú ɔno. **12** Tsufe ɔɔhe Wankihe amu obósuna mli alia mlebli ali bre amuto. > >

Osikani Mimlahe ɔku Iwi Yebi

13 ɔdom amuto ɔha ɔku lebla Yesu ɔbee, < <Osunapu, bla mi dehen, ɔha mia munyo aye atɔá ani si lesi yaɔ anito. > >

14 Tame Yesu lefite mu ɔbee, < <Agya, ma leyaɔ mi asun ogyipu nte atɔto oyepu ha mli? > > **15** Muu ɔlebla aha amu féé ɔbee,

< <Mluki wanklaan ɔnsipewasu. Tsufe nyankpusa nkpa uma atonyahe tsɔtsɔtsɔto. > >

16 Inu ɔleha amú yebi ɔbee, < <Osikani ɔku ndɔto ato lehie wa ale ofi ɔku. **17** Muu ɔlefite mu iwi ɔbee, <Nkali nóbwe mi ato-abi anfi?

Mma ɔtineá nópyaɔ. > **18** Inu ɔlebli ɔbee, <Nyin tɔá nóbwe. Nóbwie mi idan, lawa akponkponti. Múto nópu mi atiko pú mi ntobi amu wa ni.

19 Fówun nabla mi ɔkla mbee, < <Mi ɔkla, uklun idi fu asi. Ki, fubu ato tsɔtsɔtsɔá ida ha fu nfi-nfi. Gyi, afunun, ansi igyi fu. > > >

20 Inu Bulu lebla mu ɔbɛɛ, < ɔha mimlahɛ! Onyenɛ ndɛ fu ɔkla hɔ le fu ibitɔ. Ma obɛgyi atɔ anfi fakle yai anfi fɛɛ? > > >

21 Yesu lomɔ mɔ ɔnɔ ɔbɛɛ, < < Alɛ bɔbwe ɔha ání olekle atɔ yai ha mu iwɛ ɔsulɔ anfisɔ, tamɛ ɔma tɔtɔ Bulu wa nɛ. > >

Ansi Pɔdɪnka Bulusu

(Mateo 6:25-34)

22 Inu Yesu lebla mu akasɩpu ɔbɛɛ, < < Mɔ su ndɛ mlɛ bla mbɛɛ, mɛmáhan iwɛ tɔá mlɛgyi, tɔá mlónu pú tɔá mlédɪda su.

23 Nyankpɔsa nkpa dehian dun atogyihɛ. Mu ɔyɔlɔ ɛ idun atɔ dɪdaɛ. **24** Mlɛkɛ aklankpa. Butamadu, butamasɛtɛ wa idantɔ. Buma idan nte ifa, tamɛ Bulu teha amɔ atogyihɛ. Mɛmá labi dun mbubwi?

25 Mlɛtɔ ma ɔbétalɛ han iwɛ pu bre kpalobi tsia mu nketo? **26** Nɛ mɛméetalɛ bwe itɔ tukuriibi anfi kuraa a, ntogyi su mlɛde iwɛ han trahe amusu? **27** Mlɛkɛ alɛá pututɔ-oyi ntswɩtswɩ tedan. Itamayo agyuma nte lu atati. Tamɛ ndɛ mlɛ bla mbɛɛ, Owie Salomo, mu inya fɛétɔ a, ɔmetalɛ hɩhɩɛ iwɛ wa akɩle fɛ oyi ntswɩtswɩ anfitɔ kukɩ. **28** Nɛ Bulu de ifa ání ndɛ ɪlɩ, ɔke ɪlawu, bawa mɔ ogya tati dɪda a, ɔméetalɛ dɪda mlɛ atati dun mɔ? Ntogyi su mlɛ hogyi mɔtsɔ alɛ?

29 < < Mɔ su mɛmágywun tɔá mlɛgyi nte tɔá mlónun iwɛ, ɪha mlɛ ansi ɪpɛ. **30** Tsufɛ ɪnɛ aná ɔmá-ɔmá butɛsrɩ gya nɛ. Mlɛ Sɩ amɩ yin ání ɪde mlɛ hian. **31** Itɔá mlɛgyankpa dunka gyi Bulu iwiegyi, Bulu ɔbɔpu ɪnɛ tsia mɔtɔ ha mlɛ.

Atonyahe Pɔyai ɔsusu

(Mateo 6:19-21)

32 < < ɔpasua tukuriibi, mɛmánya ifu. Tsufɛ ɪbu mlɛ Sɩ amɩ ɔdweá ɔbɔpu iwie ogyikpa amɩ ha mlɛ. **33** Mlɛfɛ mlɛ ɪwɩsu atɔ, amɩpu kɔba

amu kie aha ání buma tɔtɔ. Mlibun akentéá iméeyinta ha mli ɪwɪ. Múgyi, mliyat mli siadié ɔsusu. Inu mú a, kuku méedali mútɔ, tsufe awikplu buma inu, atepɛ é butamawɪ atɔ inu. 34 Tsufe ɔtineá fu siadié bu a, inu fu agywun tetsia.

Asumpuá Butogyo

35 < < Mliwa atadié, amlinywe mli nkandíe. 36 Mlibwe ɪwɪ fé asumpuá bude amú wie ɔkpa kɪ, obótsu ɔka otsiakpa ba. Fekɪ nɪ ɔba bɛda klunsu a, béfinki ha mu. 37 Ansi bégýi asumpu oduá amú wie ɔbéba bɔtu amú butsie bugyo mu. ɔnɔkwali nde mli bla. Amú wie amu ɔbésaba tati, ha amú bésia ɔpunvasɪ. Mu onuto ɔbókɔnkɪ atogyihe amu ha amú. 38 Ansi bégýi amú, nɪ ɔba bɔtu amú butsie bugyo mu, ɔyinsine nte bake. 39 Tame mlinu asun anfi. Nɪ woyi mu wie yin breá owikplu ɔbéba mu woyitɔ a, tekɪ omesi woyi amu tswɪ, owikplu mobwie wie wi mu atɔ. 40 Mli é mligyo, tsufe mɪ, Nyankpusa-Mu-Bi anfi néba breá mli ansi mɛdin mɪsu. > >

Osumpu Wanklaan Pú ɔlalahe

(Mateo 24:45-51)

41 Petro lefitɛ mu ɔbɛɛ, < < Anɪ nkule fude yebi anfi ha loo, nte ania aha anfi féé? > >

42 Yesu lebli ɔbɛɛ, < < Ma mɛɛ gyi osumpuá ɔletɪn ansi, ɔbu ɔnɔkwali? Mu ibitɔ mu wie tɔpu mu aba atrahe wa ɔbɛɛ, ɔha amú atogyihe dɪnka bresu. 43 Ansi bégýi osumpu amu, nɪ mu wie amu ɔba bowun ání lele ɔde mú bwe. 44 ɔnɔkwali nde mli bla. Mu wie amu ɔbɔpu mu atɔ féé wa mu ibitɔ. 45 Tame nɪ osumpu amu lebli wa nwunto ɔbɛɛ, < Mɪ wie ɪbabɪ mɔkufun, ɔbɔwa ɔpá. > Inɪ su olefi asɪ ɔde mu aba asumpu atsi múa ayin da, ɔde atɔ gyi si amú, ɔde nta nun bu a, 46 mu wie amu ɔbéba bofwie mutɔ ekeá ɔmɛdin ansi. Mu wie

amu ɔbéhie titi mutɔ, tra buti mua aha ání bɔmɔhɔ mu gyi usu kɛkɛ.

47 < < Osumpu oduá oyin tɔ́a igyi mu wie aɛ, tamɛ ɔmɛla ɪwɪ bwe yaɪ a, mu wie ɔbéhie piti mu atɔ wanklaan. **48** Tamɛ osumpuá omeyin mu wie aɛ, ɔɔbwe tɔ́a ilehian ha atɔ piti a, mu wie ɔbépiti mu kpalobi. Bulu tɛfite tsɔtsɔ tsu ɔha ání ɔleha mu tsɔtsɔ wa, ɔtɛfite tsɔtsɔtsɔ ɛ tsu ɔha ání ɔleha tsɔtsɔtsɔ wa.

Ipian Yesu Lɔpuɔa, Megyi Iwilwii

(Mateo 10:34-36)

49 < < Ogya ɔɔɔɔɔɔɔɔ nɛba ɔsulɔ anfisɔ. Nɪ mɪ nkulɛ su mú a, tɛkɪ idetsii dodoodo. **50** Asubɔ ku ɪda mɪsɔ́a bɔ́bɔ mɪ. Mɪ klɔn méedɪ mɪ asɪ yɔfun brɛ́a ɪlamɔ ɔnɔ. **51** ɪmábwe mɪ fɛ iwilwii nɔpuɔa ɔsulɔ anfisɔ. Megyi iwilwii, aha nsɪnɛ yinta nɔpuɔa. **52** Tsufɛ tsu sei puya a, woyiá aha abanu bubu mútɔ a, abasa bɔ́kusɔ lu abanyɔsɔ. Abanyɔ ɛ bɔ́kusɔ lu abasasɔ. **53** Abi yinhɛ múa amú asɪ nsɪnɛ ibéyinta. Abi tsihɛ múa amú ayin ɛ nsɪnɛ ibéyinta. Osia tsihɛ mua mu sia tsihɛ nsɪnɛ ɛ ibéyinta. > >

Bretɔ Asun Asɪnu

(Mateo 16:2-3)

54 Yesu letra bla aha amu ɔbɛɛ, < < Nɪ nyankpu obila busɔ a, mlɛtblɪ mlɪaa, ndɛ nyankpu obótswie; lɛlɛ ototswie. **55** Nɪ nsaintɔ itsu fua a, mlɛtblɪ mlɪaa, ndɛ owi ɔbéɪn; lɛlɛ ɪtɛɪn. **56** Apinabwebi abwɛpu! Mɪyin alíá butɛlɛ ɔsulɔsɔ pú nwulɔtasɔ atɔ asɪ. Ntogyi su mlɪmetalɪ nu ɪtɔ anfi ɪdɛba sei anfi mú asɪ?

Anyaba Nsɪnela

(Mateo 5:25-26)

57 < < Ntogyi su mlɪtamatalɪ gyi asun wanklaan ha mɪ ɪwɪ? **58** Nɪ

ɔku ɔsama fu a, wa ɔsa ha amlɔbli mú woyitɔ, menɪ fu onyaba mɔɔpu fu yaa asun ogyikpa. Fówun asun ogyipu méegyɪ fu asun, pu fu wa prosiyin ibitɔ, ɔwa fu obu. **59** Nɪ megyi alɪ a, mméemle fu, nketɪ faka togyitɔ ta asa fédalɪ unu. > >

13

Proofread 02-07-09

Mlɪdamli kluntɔ, Menɪ Mlɪmóowu

1 Aha amuu bubu unu alɪ brɛ amutɔ aku bebla Yesu bæ, Pilato lamɔ Galileafo aku brɛá buɔɔ afɔɔɔɔ bɔ ha Bulu, Yerusalem Bulu ɔtswekpa unu, ha obugya lada afɔɔɔɔ amu. **2** Yesu lefitɛ amú ɔbæ, < < Mlɪklɪ mlɪaa, Galileafo anfi bugyi lakpan abwɛpu dun Galileafo atrahe, su bowun iwɔɔsin anfi odu? **3** Nɔɔ mlɪ bla mbæ, megyi alɪ igyi! Nɪ mlɪ ɛ mlɪmedamli kluntɔ a, mlɪ féé mlówu fé amú. **4** Nte aha dukwe amuu abansru lobwie da mɔ Siloam ɔmantiá ibu Yerusalemtɔ amu mɛ, mlɪklɪ mlɪaa, lakpan abwɛpu bugyi dun aha atraheá betsia Yerusalem alɪ brɛ amutɔ féé? **5** Nɔɔ mlɪ bla mbæ, megyi alɪ igyi. Nɪ mlɪmedamli kluntɔ a, mlɪ ɛ mlówu fé amú. > >

Pɔntɔ Máswiehe

6 Muu ɔleha amú yebi ɔbæ, < < Oyin ɔku lotswie pɔntɔ mu ndɔɔ. Eke ɔku ɔɔɔɔ yekɪ bæ, abi ku idɪn mútɔ. ɔɔɔɔ a, kuku medɪn mútɔ. **7** Inɪ su ɔlebla mu ɔpayin ɔbæ, < Nfinsa nɪ, nna oyi anfi asɪ. Mmɔkɔwun kukubuku mútɔ. Ntogyi su ibétrɔ lu yinta ɔsulɔ? Kun mú da! > **8** Tame ɔpayin amu lebla mu ɔbæ, < Mɪ wie, fu mú si mú ɪtra lu ofi ɔkule, ampulipuli mú asɪ, kpa wuna wa mú asɪ. **9** Nɪ ofieba iloswie a, ibu alɛ, tame nɪ imoswie a, nakun mú da. > > >

Otsi Oku Ilo Tsa Okpunu Odake

10 Yesu loyo ode ato suna Yudafo ofiakpa okpunu odake iku. **11** Otsi okuá oje lalahe lwa mu ilo nfi dukwe ni, ilaha mu alaklo, ometali bwii nati bu unu. Crippled woman|WA03870b.tif|col|LUK13:10-17|Graham Wade, United Bible Societies, Nairobi|Otsiá alaklo, ometali bwii nati.|Luka 13:11 **12** Breá Yesu lowun mu a, oleti mu bla mu obee, < <Ani yin, iwi iwa fu onlin! > > **13** Inu olapu ibi da otsi amu. Inunu olotswii lu kanfu Bulu.

14 Ofiakpa ohande amu lenya oblo ání Yesu latsa oha okpunu odake. Mú su olebla aha amu obee, < <Nkensie bu unu ha agyuma ya. Mliba nke amuto, abutsa mli ilo. Megyi okpunu odake! > >

15 Ani Wie Yesu lele mo onu obee, < <Apinabwabi abwepu! Mlito okugyioku towo mu nnantswie nte afrimu le ibanto, pu amú ya ntsu onunkpa okpunu odake. **16** Mú uma aleá mi mú nésanki Abraham mu na anfi Obunsam lakikli mu nfi dukwe keke anfi okpunu odake? > >

17 Mu asun blihe anfi leha peli lekita mu alupu amu. Ansi legyi atrahe amu féé, ofula kpónkponti amu odebwe amu su.

Takyi-akpin Ibi Yebi

(Mateo 13:31-32; Marko 4:30-32)

18 Inu Yesu lefite obee, < <Nto Bulu iwiegyi amu lelían? Nte nto nópukapu mú? **19** Igyi fe takyi-akpin ibi, oyin oku lodu wa mu ndoto. Uledan mli oyi yile, mbubwi butogyonka mú abambito.> >

Bodobodotu-afa Yebi

(Mateo 13:33)

20 Yesu letra bli obee, < <Nto mpukapu Bulu iwiegyi amu? **21** Igyi fe Bodobodotu-afa ání otsi oku loputsia bodobodo nfuo kente kule,

ulɛha mú ilotu. > >

Obu-ɔno Kplanhe

(Mateo 7:13-14, 21-23)

22 Bréá Yesu ɔyo Yerusalem a, ɔlotsun nkudasí pú awulusu. Ɔna ɔde amú atɔ suna. **23** Ɔha ɔku lefite mu ɔbeɛ, < <Owie, aha kpalobi ku obénya nkpa? > >

Yesu lebla aha amu ɔbeɛ, **24** < <Mlibɔ mbɔdi amlitsun obu-ɔno kplanhe amuto. Tsufe aha tsɔtsɔtsɔ bɔbɔ mbɔdiá bótsun wie unu, tame buméetali. **25** Tame ní woyi mu wie ɔkusɔ fin obu amu, mleba belu klun ɔma, da klun amusu mliaa, <Owie, finki ha aní! > a, ɔbébla mli ɔbeɛ, <Mmeyin mli. Mmeyin ɔtineá mlotsu. > **26** Inu mlébli mliaa, <Ania funyo letsia gyi atɔ, nun nta. Fetsia suna atɔ aní dɔnsu! > **27** Tame ɔbéle mú ɔno ɔbeɛ, <Mmeyin mli. Mmeyin ɔtineá mlotsu. Mlinati tɛi misu, mli lalahe abwepu fée! > **28** Ní mlowun Abraham, Isak, Yakob pú Bulu ɔnosu atɔpu amu fée bubu Bulu iwie ogyikpa, tame bumeha mli mú ɔkpa amlɔwie unu a, unu mlósu kpisi ní. **29** Aha bótsu owi ɔdalɔkpa pú owi ɔkplɔwiekpa, binasu múa gyɔpɔsu ba betsia atɔ ogyikpa Bulu iwiegyi amuto. **30** Ɔnɔkwali, amapu aku bémli agyankpapu; agyankpapu aku ɛ bémli amapu. > >

Yesu Losu Ha Yerusalem

(Mateo 23:37-39)

31 Inu Farisifo aku beba Yesu wa bebla mu beɛ, < <Dalɔ Galilea ɔmáto nfi, tsufe ɔmásu ogyipu Herode dekleá ɔbómo fu. > >

32 Yesu lebla amú ɔbeɛ, < <Mliyebla ɔkpataku amu mliaa, <Négya ɔɛ lalahe le ahato, tsa aha ulɔ nde, gya le ɔke, mo mú ɔno klai. > **33** Tame ilehian ání nóyo mí ɔnati amusu nde, ɔke múa klai.

Tsufe ɔkpa ma unvá bómɔ Bulu ɔnɔsu ɔtɔɔpu ɔkuku ɔtɔnɛtɔnɛ, dun Yerusalem!

34 < < Oo Yerusalemfɔ, Yerusalemfɔ! Mlɛtɔmɔ Bulu ɔnɔsu atɔɔpu, da abíá Bulu lawa sɪsɪ mlɪ abwi mɔ nɪ. Ntekleá nóbun mlɪ abisu bregyibre, fɛ alíá batɛ tobun mu abisu; tamɛ mlɪtamaha mɪ ɔkpa.

35 Mlɪkɪ, Bulu obési mlɪ ɔtswekpa tswɪ mlɪ. Nde mlɪ bla mbee, mluméetra wun mɪ ekekeɛke, yɔfun ekeá mléblɪ mlɪaa, < Bulu oyula ɔha amuv ɔba mu ɪdato > amv. > >

14

Proofread 02-07-09

Ɔlɔpu Ɔku Tsa

1 Farisifo ɔhandɛ ɔku letɪ Yesu atɔ ogyikpa mu woyitɔ ɔkpunv ɔdake. Aha bɔpu ansɪ yi Yesusu, buɔɔ mu tɛ. **2** Inu oyin ɔkuá alapunya lɛba Yesu wa. **3** Yesu lɛfite Mose mbla asunapu pú Farisifo amv ɔbee, < < Anɪ mbla lɛha ɔkpa ánɪ butsa ɪlɔ ɔkpunv ɔdake loo, nte umɛha ɔkpa? > >

4 Amúɔ ɔkuku mobwii ɔnɔ. Muv Yesu lɛkɪta oyin amv, tsa mu ɪlɔ; olesi mu ɔlenatɪ. **5** Inu ɔlɛfite aha amv ɔbee, < < Mlɔtɔ ma mu bi nte mu ɔnantswie ɔbékpada wie ibuntɔ ɔkpunv ɔdake, ɔmɔɔkɔsɪ lɛ mu? > >

6 Bɔmetalɪ lɛ mú ɔnɔ.

lwɪasɪba

7 Inu Yesu lowun ánɪ aha amuv betɪ atɔ ogyikpa unv amutɔ aku buɔɔ otsiakpa yile dunka bétsia. Muv ɔlɛha amú yebi ɔbee, **8** < < Nɪ ɔku ɔtɪ fu ɔka otsiakpa a, mayetsia ɔfuakpa. Fialɪ ɔletɪ ɔhandɛ ɔkuá ɔdun fu. **9** Inu ɔha amuv ɔletɪ mlɪ amv ɔbébla fu ɔbee, < Mɪ wie, kusu

pu obia ha ɔha anfi. > Inu peli békita fu, fépeti yodunka ɔtunekv tsia.

10 Mú su ni ɔha ɔti fu atɔ ogyikpa a, yetsia obia kusubisu mboun, ɔha amv ɔbebla fu ɔbeɛ, < Mi wie, betsia ɔfuakpa nfi. > Iní obótsu fu ansitɔ fva aha amv féé ansitɔ ni. **11** Tsufe ɔhagyioha ání ototsu iwí a, Bulu teba mu asi. ɔhagyioha ání ɔteba iwiasí ɛ a, Bulu totsú mu fva. > >

12 Yesu lebla ɔha amvu ɔletí mu atɔ ogyikpa amv ɛ ɔbeɛ, < < Ní ɔtswí ɔpunu ɔpa onye a, máti fu anyawie, fu apio, fu abusuanfɔ nte iwí anyapuá butsie manta fu. Ní ɔɔbwe mú alí a, amú ɛ bélatí fu amú kle así ka ɔkɔ. **13** Mboun tí ahianfɔ, tsukule asinpu, abubupu pú ansibi abwiepu. **14** Bulu obóyula fu, tsufe buma tɔtɔá bópuka fu ɔkɔ. Bulu ɔbéka fu ɔkɔ ekeá ɔbókusva aha yile tsu afulitɔ. > >

Nke Kpɔnkpɔntí Kv Yebi

(Mateo 22:1-10)

15 Aha amvu amúa Yesu butsie ɔpunvasí amutɔ ɔkule lonu mu asun blihe anfi, ɔlebli ɔbeɛ, < < Ansi bégyi aha ání bégyi atɔ Bulu ɔpunu ɔtswike mu iwiegyi amutɔ! > >

16 Tame Yesu lebla mu ɔbeɛ, < < Oyin ɔku ɔtswí ɔpunu kpɔnkpɔnkpɔntí kv, ɔletí aha tsɔtsɔɔtsɔ. **17** Breá benuna atogyihe amv ta a, ɔɔwa mu asumpu ɔbeɛ buyebla aha amvu ɔletí amv beɛ, < Babwe ta! > **18** Tame amú féé bebli beɛ amú ibí de. Ogyankpapu ɔbeɛ, < Nahɔ ɔsulv kv. Ilehian ání néyekí mú. Mú su mlíkita mútɔ ha mí. > **19** Onyɔsí ɛ ɔbeɛ, < Nahɔ nnantswie yinhe idu, bópulipuli mí ndɔtɔ ha mí. Néyekapu amú kí. Mú su mlíkita mútɔ ha mí. >

20 ɔbamba ɛ ɔbeɛ, < Nwen kotoo netsia ɔka. Mú su mméetali ba. >

21 < < Inu osumpu amv leyinki bebla mu wie. ɔblo lekita mu wie amv, ɔlebla mu ɔbeɛ, < Wa ɔsa sri yeki dɔnsu pú brɔnusu, afukpa

ahianfɔ, tsukule asinpu, ansibi abwiepu pú abubupu ba. > 22 Imɔwa
ɔpá osumpu amu leba bebla mu ɔbeɛ, < Mɪ wie, nayo sumbi amu,
tame otsiakpa utra da. > 23 Mu wie amu leba mu ɔbeɛ, < Tsun
mmuatse mɔ́a nkpakwi féé. Tɪ ɔhagyioha ání fowun féɛ ɔba, menɪ aha
bóbula mɪ woyito. 24 Nekase, aha amuv nehie ti amuto ɔkuku méɛda
mɪ ato anfi ɔno! > > >

Yesu Buoto Ipian

(Mateo 10:37-38)

25 Yesu mua ɔdom kpɔnkpɔnkpɔntɪ amu buna boyo. Muv ɔledamli
bla amú ɔbeɛ, 26 < < ɔhagyioha ání ɔleba mɪ wa, tame ɔde mu si, mu
yin, mu otsiaba, mu abi, mu apio, mu onuto kuraa iwɪ dwe dɔn mɪ a,
ɔméɛtalɪ bwe mɪ ɔkasɪpu. 27 ɔha ání omotsu mu oyikpalihe bobuo
mɪ mɔfun ání ɔbóbwe mɪ ɔkasɪpu.

28 < < Mlito ɔmɔmu bu unv, nɪ obéyi obu kpɔnkpɔntɪ a, oméetsia
asɪ kɪ tɔ́a obéyinta, wun ání mu kɔba bɔfun? 29 Nɪ ɔmekɪ mú alɪ, asa
ɔlokusu wa obu amu ntswiasɪ, pwe mú fun ɔkpatɔ; ɔmetali mɔ mú ɔno
a, obu amu awunpu féé bómɔsɪ mu. 30 Bébli beɛ, < Oyin anfi lokusu
ɔde obu yi, ɔmetali mɔ mú ɔno. >

31 < < Nte owie ɔmɔmu bu unvá nɪ owie ɔku de akɔpu mpɪm-
advanyɔ (20,000) ɔba bɔko mu a, oméetsia asɪ kɪ alɪá ɔbóbwe ɔbópu
mu isa akɔpu mpɪm-du (10,000) yefia amú? 32 Nɪ owun ání ɔméɛtalɪ
a, ɔbówa abi ɔsasɪ bóyokokoli mu ha ukulebwe, breá bumɔkunya
kpukpe ba. 33 Inɪ su mlito ɔha ání omesi mu togyito ɔmagya ɔméɛtalɪ
bwe mɪ ɔkasɪpu.

Nfoliá lma Labi

(Mateo 5:13; Marko 9:50)

34 < < Nfɔli bu ale, tame ni ita ɔdwe a, nto bélapuwa mú ɔdwe?
35 Itra ma ale ha tɔtɔtɔ bwe. Tsei butetsei mú tsitsa wunasu. Ɔha ání
ɔbu asu onu asun anfi. > >

15

Proofread 02-07-09

Kufa Fwɛhe

(Mateo 18:12-14)

1 Eke ɔku lampoo ahɔpu pú lakpan abwepu beba Yesu asun blihe
onukpa. 2 Farisifo pú Mose mbla asunapu amu bowunti mu bee,
< < Oyin anfi mua lakpan abwepu tenati, butɔwa ibi gyi ato
kuraa. > > 3 Mú su Yesu leha yebi pusuna amú ato ɔbee,
4 < < Mlito ma bu akufa lafakule (100), ɔkule ɔfwɛ a, omesi
adukweba-kweba (99) trahe wa dimbitɔ unu, yodunka mu alu kpefun
breá obówun mu? 5 Nahogyi mbee, ni owun mu a, ansi bégyi mu,
obótsu mu wa nkɔnkɔ, 6 pu mu ya woyito. Ɔbétɛ mu anyawie pú mu
aba, bla amú ɔbee, < Mliha anya ansigyɛ. Nawun mɛ kufa amuu
ɔɔfwɛ amu! > 7 Alɛ ken nde mli bla mbee, ni lakpan ɔbwepu ɔkule pe
ɔdamli klɔntɔ a, ansi béhie gyi aha ɔsusu unu dun alía ibégyi amú aha
wanklaan adukweba-kweba (99) ání bumetra hian klɔntɔdamli iwɛ.

Kɔba Fwɛhe

8 < < Nte ni ɔtsɛ ɔku bu sika fututu idu, mútɔ kule lafwɛ a,
omóonywe ɔkandɛ kiki mu woyito wanklaan, kpakpa ntobitɔ kɛ, fɛɛ
woyi amutɔ wanklaan yɔfun breá alawun mú? 9 Ni owun mú a, ɔbétɛ
mu apio aba, bla amú ɔbee, < Mliha anya ansigyɛ. Nawun mɛ sika
fututu amuu ulɔfwɛ amu. > 10 Nde mli bla mbee, alɛ ansi béhie gyi
Bulu-abɔpu ni lakpan ɔbwepu ɔkule ɔdamli klɔntɔ ni. > >

Obi Fwihé Ọkú

11 Yesu letira ha amú yebi ọbẹ, < < Oyin ọkú letsia, ọbú abi yinhẹ anyọ. **12** Ọkúsu amú lebla mu sí ọbẹ, < Mí sí, ye fú atọtọ, afupú mí kẹ ha mí. > Inu mu sí lekita mu atọtọ ye ha amú. **13** Imegyi nke kuku ọkúsu amú lókula mu atọ fée, olotu ọkpa yọ tsutsuutsu ọmá kútọ. Inu oleyetsia nkpa lalahe, yinta mu atọ amú fée. **14** Breá oleyinta atọ amú ta a, akun kpónkpón tí kú leba ọmá amútọ, ọlọwa akun dí bí. **15** Mú sù ọlọpú iwí yemanta inu yin ọkúsu, oyin amú lekpa mu ya mu ibuasí ọbẹ, ọyẹkí mu mprakuosu ha mu. **16** Tẹkí olekleá obétsia gyi mprakuo atogyihe amú kú, tamẹ ọhaa meha mu mú iwí ọkpa. **17** Breá mu ansí leyinkí ba mu iwísu a, ọlefite mu iwí ọbẹ, < Apafọ amọmu kuraa ma mí sí woyitọ, bumede atọ gyi sian ekekegyieke? Mú ntsie nfi, akun de mí mọ? **18** Nókúsu yinkí yọ mí sí wa, yebila mu mbẹ, mí sí, napu ọlẹ gyi Bulu, pugyi fú ẹ. **19** Mmekana áńí fẹtra tí mí fú bí. Pú mí bwe fú apafọ amútọ ọkúle. > **20** Mú sù ọlọkúsu pú ọkpa ọba mu sí wa.

< < Breá olowotii, mu sí lowun mu sísí a, ọlọwa mu nwe, ọlesri yefia mu, lata mu puta. **21** Inu mu bí amú lebla mu ọbẹ, < Mí sí, napu ọlẹ gyi Bulu, pugyi fú ẹ. Mmekana áńí fẹtra tí mí fú bí. > **22** Tamẹ mu sí letí mu asumpu, bla amú ọbẹ, < Mlịwa ọsa yotsu atadiẹ wanklaan amú bọwa mu. Mlịwa mu opetia, amlịwa mu ntukuta. **23** Mlịyele ọnantswie yinhẹ kanahe amú alawa nfi amú ba, amlibọmọ mu, apugyi nke ha mu. **24** Tsufe mí bí anfi lawu tsinki. Ọlọfwi, anilawun mu. > Inu bọwa nke gyi bí.

25 < < Alí bre amútọ a, obi dehen amú bú ndọtọ. Breá olotsu ndọ amútọ ọba, alata woyi wie ta a, olonúá plei de woyitọ inu. **26** Mú sù ọletí mu sí asumpu amútọ ọkúle, fite ọbẹ, < Amansu laba? >

27 Osumpu amú lele mú ọnọ ọbẹ, < Fú pio laba. Mú sù fú sí laha

bamɔ ɔnantswie kanahe amu, tsufe alayinki botu mu, ɔbu nkpa, ɔbu ɔnlɪn. >

28 < < ɔblo lekuta ɔdehen amu. Mú su olesin mmua. Mu si ledali ba bokokoli mu ɔbee, ɔba woyito. **29** Tame ɔlele mú ɔno ɔbee, < Mɪ si, kɪ nfi duduvduá naputsia fu wa sum fu. Mmɔkubwe mábula kuku kɪ. Tame fumɔkɔha mɪ ɔkpalabi fee mia mɪ aba apɔwa ɪwɪ ansigyi kɪ. **30** Tame fu bi anfi alayinta fu togyito, mua akipu bayegyi nkpa anfi mú laba a, famɔ ɔnantswie yinhe kanahe amuv alawa nfo amu ha mu! > **31** ɪnu mu si lebla mu ɔbee, < Mɪ bi, ye fu mú fubu mɪ wa bregyibre. Fubu mɪ ato féé. **32** Fu pio anfi lawu tsinki. ɔlofwɪ, anlawun mu. Mú su ilehian ání abégyi mú nke, nya ansigyi. > > >

16

Proofread 02-07-09

Agyumasu ɔkɪpu Ansitɪnpu ɔku

1 Yesu lebla mu akasipu ɔbee, < < ɪwɪ onyapu ɔku letsia, ɔbu agyumasu ɔkɪpu. Aha bowi tsa mu wie amusu bee, ɔde mu gyi. **2** ɪnɪ su ɔletɪ oyin amu, fite mu ɔbee, < Nto asun ndenu tsu fu ɪwɪ alɪ? Bobu akunta ha mɪ, tsufe fuméetra kɪ mɪ agyumasu. > **3** Agyumasu ɔkɪpu amu lefite mu ɪwɪ ɔbee, < Nkalɪ nóbwe? Mɪ wie ɔba begya mɪ. Mma ɔwunlɪn ání nénatɪ dɔ ha aha. ɪbu mɪ peliá nénatɪ kulɪ ato ε. **4** ɪbu ale! Nyin tɔá nóbwe, menɪ nɪ osi mɪ a, nénya aha ání bóho mɪ wa amú woyito. >

5 < < Mú su ɔletɪ aha ání bude mu wie ɪko kule-kule. ɔlefite ogyankpapu ɔbee, < ɪko afɪnɪ fude mɪ wie? > **6** ɪko ɔkitapu amu lele mú ɔno ɔbee, < Nfo agbongbo lafanyɔ (200). > Agyumasu ɔkɪpu amu lebla mu ɔbee, < Tsan fu adansie ɔwulu amuto, afɔwanlɪn lafakule

(100). > 7 Olefite oku e obee, < lko afini fude? > lko okitapu amu lebla mu obee, < Bodobodo nfuo akente opum-okule (1,000). > Agyumasu okupu amu lebla mu obee, < Tsan fu adansie owulu amuto, afuwanlin lafakwe (800). >

8 < < Osikani amu lekanfu agyumasu okupu anfi oma onokwali anfi aní alatali tun ansi ali. > > Yesu lomɔ mú onɔ obee, < < Ndemba-abia bubuo oyito ato ansitin aní bɔpu butsie amú abato idun amúá buyin Bulu kle.

9 < < Nde mli bla mbee, mli pu oyito ato bwe apio, menɔ nɔ ita a, Bulu obóhɔ mli wa mu woyia ibu unu bre féétɔ. 10 Oha aní oletalɔ kita ato tukuriibi, olegyi onokwali músu a, mu ken obégyi onokwali ato kponkpontɔ esu nɔ. Tame oha aní omɔwa onokwali ato tukuriibisu omɔwa onokwali ato kponkpontisu. 11 Mú su nɔ mli má onokwali oyito atosɔ a, ma mee obóhɔ mli gyi, pu osusu ato onuto wa mli ibuto?

12 Nte nɔ fuma onokwali oku klesu a, ma mee obópu fu kle ha fu?

13 < < Osumpu okuku méetalɔ sum awie anyɔ. Obódwe okule, lu okule. Nte obóbu okule, omóobu okule. Fuméetalɔ sum Bulu, sum Kɔba. > >

Yesu Asun Blɛhe Ku

(Mateo 11:12-13; 5:31-32; Marko 10:11-12)

14 Farisifo butódwe kɔba. Mú su breá bonu Yesu asun blɛhe anfi a, bɔbwe mu ahinla. 15 Inu Yesu lebla amú obee, < < Mli teɛ iwi suna aní aha yile mli gyi aha ansito, tame Bulu mú yin mli kluntɔ. Tsufe tɔá nyankpusa tekiá ibu labi igyi Bulu akisito.

16 < < Mose Mbla amu pú Bulu onɔsu atɔpu amu asun wanlinhe loyɔ agyuma alu bɔfun Asu Obɔpu Yohane bresu. Tsu musu bude Bulu iwiegyi amu iwi asun wanklaan okan da, aha e budepri wie mútɔ.

17 Oso m'á aṣí b'etali mo ɔno, tamɛ itoduahe nte asunbi kule kuraa m'owu Mose Mbla amuto.

18 < < Oyin okina mu ka layetsia ɔtsi bamba a, alato mbua. Oyingyioyin ání otsia ɔtsi anfi mu klu lakina mu ɛ lato mbua. > >

Iwɛ Onyapu Ɔku Mwa Lasaro

19 Yesu lebla amú ɔbɛɛ, < < Iwɛ onyapu ɔku letsia. Atati wolthe ɔtedida, otegyi nkpa wanklaan ekekegyieke. 20 Ato ɔkulipu ɔkuá mu Iwɛ letsitsi nlo ɛ letsia, buteti mu Lasaro. Betsia pu ohiani anfi yeyai Iwɛ onyapu amu ɔkpa ɔno. 21 Ɔkiá obénya atogyihe mpupubiá ibékpakpa bun oyin amu ɔpunvasi gyi. Akiaɪ letsia beyinta mu nlo amu kuraato.

22 < < Breá ohiani anfi lowu a, Bulu-abɔpu botsu mu ya, oleyetsia anɪ nain Abraham wa ɔsusu. Iwɛ onyapu anfi ɛ lobowu, bopula mu.

23 Ɔlɔyɔ ɔbu isubiti ogya ání itamadunto, ɔde iwɛɔsin wun. Olotsu anɪ fua, olowun ání Lasaro tsie Abraham wa tsutsuutsu. 24 Inu ɔlokplun ɔbɛɛ, < Anɪ si Abraham ee! Wun mi nwe, afuha Lasaro ɔyɔpu mu osrebi da ntsutso pubeda mi ɔdandusu, ilwii kpalobi. Nde iwɛɔsin wun ogya anfito dubu! >

25 < < Tame Abraham lebla mu ɔbɛɛ, < Obi, kain. Fu nkpatsiato a, fegyɪ ɔdwe, Lasaro ɛ letsia ɔsinto. Sei a, ɔbu ɔdweto, fu ɛ fubu ɔsinto.

26 Oma a, ilan kpɔnkpɔnkpɔnti ku da ania funyo nsine. Mú su ɔhaa méetali fa tsu nfi ba fu wa unu, ɔhaa ɛ méetali fa tsu unu ba anɪ wa nfi. > 27 Oyin amu lebla Abraham ɔbɛɛ, < Mumu nobwii ipa, anɪ si Abraham, wa Lasaro sisi mi si woyito. 28 Mbu apio yinhe abanu aku unu. Dyeda amú ɔla, menɪ bowu a, buméeba bowun iwɛɔsin anfi odu. >

29 < < Abraham lele mú ɔno ɔbɛɛ, < Mose mwa Bulu ɔnoɔsu atɔɔpu

amu nwulu bu amú wa, ide amú ɔla da. Bunu mú, abugyi músu. >

30 Oyin amu lele mú ɔno ɔbeɛ, < Anɛ si Abraham, asun amu nu keke méɛha amú abudamli kluntɔ. Mboun nɛ ɔku ɔkusɔ tsu afulitɔ yɔ amú wa a, bédamli kluntɔ. > **31** Tame Abraham lebla mu ɔbeɛ, < Nɛ bumegyi Mose mua Bulu ɔnɔsu atɔɔpu amu nwulutɔ asun amusu a, ɔku ɔkusɔ tsu afulitɔ yɔ unu kuraa a, bumóonu ɔha amu asun. > > >

17

Proofread 02-07-09

Lakpanbwe

(Mateo 18:6-7, 21-22; Marko 9:42)

1 Yesu lebla mu akasipu ɔbeɛ, < < Bwebwebwe a, tɔku ibéha nyankpusa ɔbɔbwe lakpan, tame ɔha ání una musu mu ba lɔbwe lakpan ɔgyɔwɛ nɛ. **2** Nɛ ɔku leha aha anfi bumɔkudan músu hogyitɔ anfitɔ ɔku lɔbwe lakpan a, nɛ beda nfuokwebu sian mu ɔmetɔ, tswɛ mu wa ɔpu okluklukpa po a, ibu ale dɔn. Man working Olive Press|lb00130b.tif|col|LUK17:2|Louise Bass, The Bible Society, London|Nfuokwebu|Luka 17:2 **3** Mú su mlɛkɛ mlɛ iwɛ wanklaan.

< < Nɛ fu ba ɔpu ɔla gyi fu a, wa ɛyɛn wa mu. Nɛ ɔledamli kluntɔ a, sikie mu. **4** Nɛ ɔlɔpu ɔla gyi fu tse sien^f ekewule owitɔ, ɔlela bobwii ɛpa ha fu a, sikie mu. > >

Hogyi

5 Yesu sumbi ayɔpu amu bebla mu beɛ, < < Ha anɛ hogyi imoni tsia. > >

6 Yesu lele mú ɔno ɔbeɛ, < < Nɛ mlɛ hogyi lomoni fe takyi-akpin ibi

^f17:4 Idesuna ání tse dudvá ɔlɔpu ɔla gyi fu.

a, mlétali bla keli anfi mliaa, <Puli yeli ɔputɔ.> lbóbwe duka mósu.

Osumpu Gyumagyihe

7 < <Ni mlito ɔku bu osumpuá ɔtɔɔ agyuma mu ndɔtɔ nte ɔteki mu akufasu, otsu agyumatɔ ba a, bla mu wie tɛbla mu ɔbɛɛ, <Wa ɔsa bwe afuygi atɔ?> Ekekeke! **8** Bla ɔtɛbla mu ɔbɛɛ, <Tsu tati saba, afubɔtswi ɔpunu ha mɪ. Belu mɪ angyi atɔ ta, afuyegyi fu kle.> **9** Ɔtɛda osumpu amu ɪpan ɔbɛɛ, alabwe tɔ́ mɔwa mu bwe? Ekekeke! **10** Inu su nɪ mli ɛ mlɔbwe tɔ́ bɔwa mli bwe ta a, mlibli mliaa, <Asumpu keke anɪgyi. Tɔ́ igyi anɪ bwehe anɪlabwe a.> > >

Ulo Pepe Alɔpu Du Tsa

11 Yesu na Samaria pú Galileafɔ ɔkasu ɔyɔ Yerusalem. **12** Brɛ́á ɔleta wulu kusu wie ta a, ulɔ pepe alɔpu du aku buna beba befia mu, besi lu tsutsu. **13** Inu bɔkplun bli bɛɛ, < <Yesu! Owie! Wun anɪ nwe.> >

14 Yesu lotsu anɪ kɪ amú, ɔlɛbla amú ɔbɛɛ, < <Mlɪpu mli ɪwɪ yosuna Bulu igyi ɔhapu.⁸> >

Brɛ́á bɔpu ɔkpa bɔyɔ a, amú ɪwɪ lepli. **15** Ɔkule mú lowun ání mu ɪwɪ lapli a, oleyinki ɔdekplun kanfu Bulu kuklɔkɔ. **16** Olebemli bun Yesu ayabitɔ, ɔde mu ɪpan da. Samariayin oyin anfi gyi. **17** Inu Yesu lɛfite ɔbɛɛ, < <Megyi aha idu natsa? Mú kweba atrahe me? **18** Mú su amúto ɔkuku meba bekanfu Bulu dun Samariayin ɔfɔ anfi nkule?> > **19** Inu ɔlɛbla oyin amu ɔbɛɛ, < <Kusu natɪ. Fu hogyi latsa fu ulɔ.> >

Bulu Iwiegyi Amu Uba

(Mateo 24:23-28, 37-41)

⁸**17:14** Abubíá mli ɪwɪ lapli Mose mbla ɔkpasu.

20 Farisifo aku befite Yesu bee, < <Ɔmenke Bulu iwiegyi amu ibéba? > > Yesu lebla amú ɔbee, < <Megyi tɔ́á ɔha ɔbɔ́pu ansibi wun Bulu iwiegyi amu igyi. **21** Ɔhaa méetalɔ́ blɔ́ ɔbee, <Kɔ́, múbu nfi.> Nte <Múbu nana a.> Tsufe mlɔ́ kluntɔ́ Bulu iwiegyi amu bu.> >

22 Inu Yesu lebla mu akasipu ɔbee, < <Eke ɔku iba, mlódunka ání mlówun mɔ́, Nyankpusa-Mu-Bi anfi ekewule pe, tame mlu móowun mɔ́.

23 Aha bébla mlɔ́ bee, <Ɔbu nfi.> nte <Ɔbu nana,> tame mlu másri buo amú yekɔ́. **24** Tsufe mɔ́, Nyankpusa-Mu-Bi anfi ɔbake bóbwe fe alɔ́ amuu nyankpu tɔ́fwɔ́ ibɔ́, butowun mú nsaintɔ́ féé amu. **25** Tame négyankpa wun iwɔ́sun tsɔ́tsɔ́tsɔ́, ndemba-abi anfi e békina mɔ́.

26 Alɔ́ amuu ilegýi Noa bresu amu a, alɔ́ ibégyi mɔ́, Nyankpusa-Mu-Bi anfi e ibabɔ́ nɔ́. **27** Aha betsia, buɔ́e atɔ́ gyi, buɔ́e nta nun; buɔ́e aka tsia, buɔ́e atsi kɔ́ta ha aklu alɔ́ yɔ́fun ekeá Noa lowie mu daka

kpɔ́nkpɔ́ntɔ́ amutɔ́, ntsu lɔ́bula bɔ́mɔ́ amú féé. **28** Alɔ́ ken ɔ́leba Lot e bresu nɔ́. Aha betsia, buɔ́e atɔ́ gyi, buɔ́e nta nun, buɔ́e atɔ́ hɔ́, buɔ́e atɔ́ fe; buɔ́e atɔ́ du, buɔ́e ibu yi, **29** yɔ́fun ekeá Lot ledalɔ́ Sodom wulutɔ́, ogya múa atonkodu lotswie tsu ɔ́susu behɔ́ amú féé. **30** Alɔ́ ken mɔ́, Nyankpusa-Mu-Bi anfi iwɔ́wanleke bófwie ahato nɔ́.

31 < <Eke amu a, ɔ́ha ání ɔ́dɔ́n obusu, mu atɔ́ ɔ́bu obuto ɔ́mákplɔ́ botsu tɔ́tɔ́. Alɔ́ ken ɔ́ha ání ɔ́bu ndɔ́tɔ́ e máyinki botsu tɔ́tɔ́ nɔ́.

32 Mlɔ́kain Lot mu ka asunsu!^h **33** Tsufe nɔ́ ɔ́ku lodunka ání ɔ́béprɔ́ mu nkpa a, ɔ́bóhulɔ́ mú. Tame nɔ́ ɔ́ku lɔ́hulɔ́ mu nkpa a, ɔ́bélanya mú.

34 Nɔ́e mlɔ́ bla mbée, alɔ́ eke amu onye a, nɔ́ aha abanyɔ́ buɔ́a ɔ́klan kulɔ́su a, Bulu obótsu ɔ́kule si ɔ́kule.

35-36 < <Nɔ́ atsi abanyɔ́ buɔ́e nfuo kwe a, Bulu obótsu ɔ́kule si

^h**17:32** Breá omobu Bulu, ɔ́ledamli kɔ́ ɔ́ma a, olemli nfɔ́lɔ́sin. Kɔ́ Gyenesis 19:26.

ɔkɔlɛ.ⁱ> > 37 Yesu akasipɔ amɔ befite mu beɛ, < <Ani Wie, nkunɔ
ibéba?> >

Yesu lebla amú ɔbeɛ, < <ɔtineá itowuhe da a, unɔ alasa butefia
nɔ.> >

18

Proofread 02-07-09

ɔsurapɔ Mɔa Asun Ogyipɔ ɔku

1 Inɔ Yesu leha yebi ku pusuna ání bubɔ mpai bregyibre, umákpɔn
amú. 2 ɔlebla amú ɔbeɛ, < <Asun ogyipɔ ɔku letsia wulu kusɔ.
ɔtamanya Bulu ifu, ɔtamanya ɔhaa ɛ peli. 3 ɔsurapɔ ɔku ɛ letsia wulu
amutɔ. Oletsia bokokoli mu ɔbeɛ, ogyi mu asun ɔɔkwaliɔ ha mu,
ɔle mu tsu mu olupɔ ibutɔ! 4 Teki olekle okina, tame ɔma-ɔma a,
ɔlebla mu iwɔ ɔbeɛ, < lɔ mu tɔtɔ́á ntamanya Bulu ifu, ntamanya ɔhaa ɛ
peli. 5 Tame alɔ anfi ɔsurapɔ anfi na ɔde mi han anfi sɔ a, négyi mu
asun ɔɔkwaliɔ. Nɔ megyi alɔ a, oméesi mi tɔ wa. ɔmécha mméenyɔ
ɔkpa bwe tɔtɔ.> > >

6 Yesu loyɔ mɔsɔ ɔbeɛ, < <Mlikɔ alɔ́ asun ogyipɔ anfi ɔtamagyɔ
asun ɔɔkwaliɔ anfi labli. 7 Mumɔ nkali Bulu mú méegyɔ mu aha
amɔ alale, budesu kpoli mu ɔpa-onye amɔ asun ɔɔkwaliɔ? Obési
amú asun wa obiɔtɔ? Ekekeke! 8 Nde mli bla mbeɛ, obégyɔ mú
ɔɔkwaliɔ ha amú ɔsasɔ. Tame ndefite mbeɛ, nɔ mi, Nyankpɔsa-Mu-
Bi anfi neyinki ba a, nówun ahogyipɔ aku ɔsulɔ anfisɔ?> >

Lampoo ɔhɔpɔ Mɔa Farisiyin

ⁱ17:36 Mú tɔ ye 36 bu nwulɔ dada amɔ akutɔ: Nɔ ayin abanyɔ buɔde
agyuma yɔ ndɔ kvletɔ a, Bulu obótsu ɔkɔlɛ si ɔkɔlɛ.

9 Yesu letra ha yebi ku pusuna amú atɔ tsu aha ání butekí amú ɪwɪ yile abwepu dun amú aba ɪwɪ. 10 Ɖleha yebi amu ɔbɛɛ, < < Ayin abanyɔ aku bɔɔv yɔ mpai ɔɔkpa Bulu ɔtswekpa. Amúɔ ɔkule gyi Farisiyin, ɔkule ɛ gyi lampoo ɔhɔpu.

11 < < Farisiyin amu lɔkusɔ lu, bɔ mpai wa nwuntɔ ɔbɛɛ, < Bulu, nɛda fu ɪpan ání mmegyi fɛ aku. Mɪ mú mma ɔnsɪpɛ, ntamasisi ɔha, ntamato mbua, mmegyi fɛ lampoo ɔhɔpu anfi ɛ. 12 Nteklɪ ɔnɔ tse nyɔ ndawɔtswɪ ukuletɔ. Nteye mɪ atɔ fɛétɔ du, lɛ idusɪ ha fu. >

13 < < Tame lampoo ɔhɔpu amu mú leyɛlu tsutsu, oloko nwuntɔ wa. Omotsula tsu ansɪ kuraa fua kɪ ɔsusɔ. Ɖɔpu ɔbɪma da ɪbɪtɔ, kokoli Bulu ɔbɛɛ, < Oo Bulu, wun mɪ nwe; lakpan ɔbwepu ngyi. >

> > 14 Yesu lɔmɔ mú ɔnɔ ɔbɛɛ, < < Nɛ mɪ bla mbɛɛ, asa beyinki yɔ woyi a, Bulu ansɪ legyi lampoo ɔhɔpu amu ɪwɪ dun Farisiyin amu. Tsufe ɔha ání ototsu ɪwɪ a, Bulu ɔbéba mu asɪ. Ɖha ání ɔteba ɪwɪasɪ ɛ a, Bulu obótsu mu fua. > >

Nyebi Yula

(Mateo 19:13-15; Marko 10:13-16)

15 Aha aku bɔpu amú abi ba Yesu bɛɛ, ɔpu ɪbɪ dɪnka amúsu, oyula amú. Mu akasɪpu bowun amú. Mú su bɔwa ɪyɪn wa amú. 16 Tame Yesu letɪ nyebi amu ba mu ɪwɪ wa, ɔlebla akasɪpu amu ɔbɛɛ, < < Mɪha nyebi amu abɔba mɪ wa. Mɪmáɪin amú ɔkpa, tsufe aha anfi odu bu Bulu iwiegyi amu nɪ. 17 Ɖnɔkwali nɛ mɪ bla. Ɖha ání ɔmɔhɔ Bulu iwiegyi amu fɛ kebi a, omóowie mútɔ. > >

Atonyahe ɪwɪ Atosunahe

(Mateo 19:16-30; Marko 10:17-31)

18 Ɛke ɔku Yudafo ɔhandɛ ɔku lebefite Yesu ɔbɛɛ, < < Osunapu yile,

nto nóbwe asa nénya nkpa ání itamata? > >

19 Yesu lefite mu óbée, < < Ntogyi su fude mi ti óha yile? Óhaa megyi óha yile, nketi Bulu nkule. **20** Ye fuyin Bulu mbla amu o. Múgyi, mátó mbua, mámó óha, máwi ató, máka asun dinka fu basu, bu fu si mua fu yin. > >

21 Óhande amu lebla mu óbée, < < Tsu mi nyebito ópá nde mú féesu gyi. > >

22 Yesu lonu mu asun blihe anfi a, ólebla mu óbée, < < Toku kule ulasi ání fóbwe. Yefe fu iwisu ató fée, afuye koba amu ha ahianfo, mení fénya siadié osusu. Fóbwe mú ta a, ba afubobuo mi. > > **23** Breá oyin amu lonu asun anfi a, uloto mu klun, tsufe óhie óbu ató.

24 Yesu lowun ání ilahan mu. Mú su ólebli óbée, < < Ibu onlin asa iwi onyapu obówie Bulu iwiegyi amuto. **25** Lelé mú a, ulopon ha kpaso ání óbótsun óbin-ató óboto, dun ání iwi onyapu obówie Bulu iwiegyi amuto. > >

26 Aha ání bonu asun anfi befite bée, < < Mumu ma mee Bulu óbóho nkpa? > >

27 Tame Yesu lebla amú óbée, < < Tóá nyankpusa méetalí bwe modun Bulu bwe. > >

28 Ibu Petro lebla Yesu óbée, < < Mi Wie, kí, anulasi aní woyi tswi bobuo fu. > >

29 Yesu lebla amú óbée, < < Onokwali nde mli bla. Óhaa má unvá obési mu woyi, mu ka, mu apio, mu akwupu nte mu abi tswi Bulu iwiegyi amu su, **30** Bulu méelawa mú otsiakpa ha mu tse du tse lafa sei, laha mu nkpa ání itamata bre amuvu iba amuto. > >

Yesu Lowu Iwi Asun Bli Otse Sasi

(Mateo 20:17-19; Marko 10:32-34)

31 Yesu leti akasipụ duanyo amụ ya utseto, ọlebla amú ọbẹe,
< < Ayo Yerusalem. Inu asun amụ Bulu ọnwụ atọpụ amụ ọwanlun
tsu mị, Nyankpusa-Mu-Bi anfi ịwị amụ fée béba muto nị. **32** Béle mị
ha aha ání bumegyi Yudafo. Bóbwe mị ahinla, sia mị, tu atunọ wuli
mị. **33** Bépiti mị atọ, mọ mị. Mú eke sasi a, nókusu tsu afulito. > >
34 Akasipụ amụ bụmonu ịnị asi, tsufe Bulu ịpụngain amú. Bumebi
tọá ọdebi ε.

Ansibi Obwiepụ Ọkụ Ụlọ Tsa

(Mateo 20:29-34; Marko 10:46-52)

35 Yesu leta Yeriko wuluto wie ta a, ansibi obwiepụ ọkụ tsie ọkpa
ọno, ọde atọ kuli. **36** Ansibi obwiepụ amụ lonuá ọdọm budetsun. Mụ
ọlefite ọbẹe, < < Amansu igyi? > >
37 Aha bebla mụ bẹe, < < Yesu Nasaretyin amụ detsun. > >
38 Inu ansibi obwiepụ amụ ọkplun bi ọbẹe, < < Anị wie Dawid mụ
na Yesu, wun mị nwe! > >
39 Aha amụ bụgya Yesu nkpa amụ ọkplun wa ansibi obwiepụ
amụ bẹe, ọwa ọsa kpa ọno bun. Ọlelakplun dụn alị ọbẹe, < < Anị wie
Dawid mụ na, wun mị nwe! > >
40 Yesu lesi ịl, ọleha ọbẹe bukpa mụ ba mụ. Breá bekpa mụ ba a,
Yesu lefite mụ ọbẹe, **41** < < Nto fudekle fẹe mbwe ha fu? > >
Ọlele mú ọno ọbẹe, < < Owie, ha mị anwun atọ! > >
42 Yesu lebla mụ ọbẹe, < < Fu hogyi latsa fu ịl. Wun atọ. > >
43 Inunu mụ ansibi lobwii, ọlekpla buo Yesu, ọde Bulu kanfu. Ọdọm
amụ fée bowun ịnị, amú ε bekanfu Bulu.

Yesu Mba Sakeo

1 Yesu deka tsun Yeriko wuluto. **2** Lampoo ahopu chande okwa obu koba bu wulu amuto, buteti mu Sakeo. **3** Oyin anfi deklea obopu ansibi wun Yesu, tame oma iswi, aha e bodubi. **4** Mu su olesri yodu panto-oyi kwa Yesu obotsun mu asi, meni obowun mu. **5** Breá Yesu lowie oyi amu asi a, olotsu anfi fua, wun Sakeo, olebla mu obee, < < Sakeo, wa osa kpli ba. Nde, fu woyi nswu ni. > >

6 Sakeo lwa osa kpli, pu ansigy kpa mu ya woyito. **7** Aha ani bowun mu fee bowunti bee, < < Oyin anfi layoswu lakpan obwepu woyito. > >

8 Sakeo lokusu lu woyito unu, bla aní Wie Yesu obee, < < Mi Wie, ki, neye mi atoto anyo, pu ifun kie ahianfo. Ni nasisi oku e a, nelaha mu mu aku ana. > >

9 Yesu lebla mu obee, < < Nde Bulu laho woyi anfi nkpa, tsufe Abraham mu na oni anfi e gyi. **10** Aha ani bafwi odunkakpa mi, Nyankpusa-Mu-Bi anfi neba, anho amú nkpa. > >

Asumpu Koba Ha

(Mateo 25:14-30)

11 Aha amu bude asun amvu Yesu debli amu nu. Ali bre amuto a, Yesu lata Yerusalem wie ta. Mu su oleha amú yebi putswii amú, tsufe budesusuá Bulu iwiegyi befi asi ununu. **12** Oleha yebi amu obee, < < lwi onyapu oku lobwe agywun obee, motu okpa yo amú owie dehen wa, oyi mu owie, oyinki begyi iwie mu omato. **13** Asa oboyo a, oleti mu asumpu idu, oleye pohnu kulekule ha amú fee. Olebla amú obee bupuyo agyuma yofun ekea meba. **14** Tame mu wuluto aha bolu mu, wa abi buo mu bee, bumedeklea obwe amú owie.

15 < < Tame mu o a, owie dehen amu leyi mu iwie amu, olesanki

ba woyi. Olenya wie pɛ ɔleha beti mu asumpu amu, ɔki tɔ́a banya dinka kɔba amusu. **16** Ogyankpapu leba bebla mu ɔbeɛ, <Mi wie, nanya pɔɔnu du tsia fu kle amuto. > **17** Muɔ ɔlebla osumpu amu ɔbeɛ, <Fabwe ato. Osumpu wanklaan fugyi. Iníá fawa ɔnɔkwali ito tukuriibi anfi iwi su a, nɔpu awulu idu wa fu ibito, féki músu. >

18 Onyɔsi leba bebla mu ɔbeɛ, <Mi wie, nanya pɔɔnu anu tsia fu kle amuto. > **19** Owie amu lebla mu ɔbeɛ, <Fu ɛ féki awulu anusu. >

20 < <ɔbamba ɛ leba bebla mu ɔbeɛ, <Mi wie, fu sika amu ni. Neda mú wa dukubi ɔno yai. **21** Nyin fu. Nde fu ifu nya, tsufe fu asun bu ɔnlɔn. Futotsu ato ɔtineá fumɔpu tɔto yai, futɔkpɔti ato ɛ ɔtineá fumodu tɔto. > **22** Mu wie amu lebla mu ɔbeɛ, <Osumpu lalahe. Fu ɔnɔto asun nɔpugyi fu asun. Ye fuyin ání mi asun ihie bu ɔnlɔn, ntotsu ato ɔtineá mmɔpu tɔto tswi, kpɔti ato ɔtineá mmodu tɔto a? **23** Mú ntogyi su fumɔpu mi kɔba amu yɔtswi sika ɔyaikpa. Féki ni neyinki ba a, nɔyɔho múa músu abi? >

24 < <lnu owie amu lebla aha ání bubu unu ɔbeɛ, <Mlɔswu osumpu anfi kɔba amu ha ɔmuamuu olenya idu amu. > **25** Tame aha amu bebla mu beɛ, <Nanain, ɔbu pɔɔnu du dodo o! > **26** Owie amu lebla amú ɔbeɛ, <Nde mli bla mbɛɛ, ɔha ání odekleá obónu mi atosunahe amu asi a, Bulu ɔbɔpu iku tsia múto ha mu. Tame ɔha ání omedekleá obónu mú asi a, Bulu ɔbɔswu mu kpalobi amuu alabi amu kuraa. **27** Sei a, mlɔkpa aha amuu bɔkusɔ lu mɔsu beɛ mmágyi iwie amu ba, amlɔbɔmɔmɔ amú mi ansito nfi! > > >

Bɔho Yesu Fe Owie Yerusalem

(Mateo 21:1-11; Marko 11:1-11; Yohane 12:12-19)

28 Yesu leha amú yebi anfi ta a, ɔlɔtsun gyankpa pu ɔyo Yerusalem.

29 Oleta Betfage móa Betania awuluá idin Nfɔ-nyibu^j amusu wie ta a, ɔlowa mu akasipu abanyɔ gyankpa, **30** bla amú ɔbɛɛ, < < Mliɔ wulu anfi ida mli ansitɔ anfisɔ. Nɪ mlowie wulu ɔnɔ a, mlówun afrimu kanahe ɔku da ɔfɛtɔ, ɔhaa mɔkutsia musu kɪ. Mlisankɪ mu ba mɪ.

31 Nɪ ɔku ɔfite mli ɔbɛɛ, < Ntogyi su mlɪde mu sankɪ? > a, mlibla mu mliaa, < Anɪ Wie de mu hian. > > >

32 Akasipu abanyɔ amu bɔyowun afrimu kanahe amu, fɛ aliá Yesu lebla amú. **33** Bréá bude mu sankɪ a, mu awie bɛfite amú bɛɛ, < < Ntogyi su mlɪde mu sankɪ? > >

34 Bele mú ɔnɔ bɛɛ, < < Anɪ Wie de mu hian. > > **35** Besi, bekpa afrimu kanahe amu ba Yesu. Beyai amú atati dɪnka musu, tsu Yesu bian musu. **36** Bréá Yesu tsie musu ɔyɔ a, aha amu bekpa amú atati yai tswɪ ɔkpatɔ, ɔlenatɪ músu tsun.

37 Bréá Yesu lowa Nfɔ-nyibu amu kplɪ ɔyɔ Yerusalem wuluto bi a, mu abuopu amu féé bɔtswi ope kanfu Bulu kuklukuv, ofula amuv ɔlobwe, bowun amu féé su. **38** Bɛɛ, < < Bulu oyula owie anfi ɔba mu ɪdatɔ anfi! Iwilwii bu ɔsɔsɔ. Numnyam ɪbwe Bulu kle ɔsɔsɔsɔsɔ unu. > >

39 Farisifo aku bubu ɔdom amuto. Inu bebla Yesu bɛɛ, < < Osunapu, ka fu abuopu anfi itin! > >

40 Yesu lebla amú ɔbɛɛ, < < Nde mli bla mbɛɛ, nɪ aha anfi bɛhiɛ kpa ɔnɔ bun kuraa a, abwi anfi bókplun kanfu Bulu. > >

Yesu Isu Yerusalem Su

41 Bréá Yesu leta Yerusalem wie ta, olowun wulu amu sisi a, olosu ha mú. **42** ɔbɛɛ, < < Yerusalemfɔ, teki ilehian ání mlébi tɔá ɪtɔpu

^j**19:29** Nfɔ-nyibu igyi obubwi kuá ɪbu manta Yerusalem, butetɪ mú Olifbu.

iwilwii ba nde, tame mluetalu bi mu. 43 Bre ku iba, mli alupu
bekafia mli abunti, pwe okpo wa mli, sa mli tin okpagyiokpasu.
44 Behi wulu anfi pu motu atsiapu. Bumeesi ibwi kule duka mu
basu, tsufe mluembi breu Bulu leba mli nkpa okkpa! > >

Ibia Agypu Gya Le Bulu Otswekpa Wunsinesu

(Mateo 21:12-17; Marko 11:15-19; Yohane 2:13-22)

45 Breu Yesu lowie Yerusalem a, oky Bulu otswekpa wunsinesu.
Olenya wie unu alu, okwa ibia agypu gya bi. 46 Okleba amu obe,
< < Bawanlu wa Bulu asun amutu be, < Beti mi otswekpa be, mpa
okkpa. > Tame mluapu unu mli awikplu onainkpa. > >

47 Oletsia suna atu Bulu otswekpa unu ekekegyie. Bulu igyi ahapu
dehen, Mose mbla asunapu pu Yudafo ahande amu bodunka okpa ani
botun musu mu mu. 48 Tame bumenya, tsufe aha amu fee bubuo mu
asun blhe.

20

[Proofread 02-07-09](#)

Yesu Tumi lwi Asun Fitehe

(Mateo 21:23-27; Marko 11:27-33)

1 Eke oku Yesu bu Bulu otswekpa wunsinesu unu ode Bulu asun
wanklaan amu okan da, ode atu suna. Unu Bulu igyi ahapu dehen,
Mose mbla asunapu pu Yudafo ahande beba botu mu. 2 Befite mu be,
< < Ma leha fu okpa fude ntobi anfi bwe? Ma leha fu tumi? > >

3 Yesu lele mu onu obe, < < Mi e nfite mli asun kuakule. 4 Bulu wa
Asu Okapu Yohane lenya tumi pubu aha asu loo, nte nyankpusa?
Mlibla mi. > >

5 Amú wulewule boyo asun anfi to bee, < < Ni abli aniaa itsu Bulu wa a, obéfite aní obee, mú ntogyi su anumohó mu gyi? 6 Ni abli aniaa, nyankpusa wa e a, odóm anfi bédá aní abwi mó, tsufe bohogyi ání Bulu onosu otapu Yohane gyi. > > 7 Mú su bele mú onó bee, < < Ohwee! Anumeyin otinéá olenya mu tumi tsu. > >

8 Yesu lebla amú obee, < < Mumu mi e mméebila mli tumi oduá ndepubwe ntobi anfi. > >

Apafó Lalahe Aku

(Mateo 21:33-46; Marko 12:1-12)

9 Inu Yesu letra ha amú yebe obee, < < Odotapu oku lodo wain ndo, olapu ndo amu wa apafó ibito, tu okpa yo omá kuto yetsia unu nfi-nfi.

10 Breá wain-abi amu kpótibi lofun a, olowa mu osumpu apafó amu wa obee, oyoho mu ogyikpa ba mu. Tame apafó amu beda obi amu, gya mu sisi ibikpan. 11 Odotapu amu lelawa mu osumpu nyosi amú wa. Apafó amu beda mu, supa mu, gya mu e sisi ibikpan. 12 Oleta lawa oja sasi. Apafó amu bepilan mu, gya mu e le ndo amuto. 13 Muu ndo mu wie amu lebli obee, < Nkali kuraa nóbwe? Nówa mi onuto mi bi odwepu amú wa. Fiali bóbu mu mú. > 14 Tame breá apafó amu bowun mu bi amu sisi a, bebla aba bee, < Oni obégyi mu si ato ni. Mliha amo mu, meni ndo amu ibémli aní kle. > 15 Inu bekita mu, bitia mu dali ndo amuto yomo mu.

< < Nto mlilahogyi mlíaa, ndo mu wie amu obóbwe apafó anfi?

16 Obéba bomó amú, pu ndo amu wa apafó bamba ibito. > >

Breá aha amu bonu asun anfi a, bebli bee, < < Iní mú itsun anisu! > >

17 Yesu lekí amú ansito diin, olefite amú obee, < < Bulu asun anfi asi me?

< Ibwi amuvu obu ayipu bekina amu

lebemli okonkisubwi ni. >

18 Ohagyiha ání ɔledida ibwi amuvu obébiabia blublublublu. Ní
ibwi amu isunki da ɔkusv ε a, ɔbókwe mu fikɔfikɔfikɔ fε nfuo. > >

Lampooka

(Mateo 22:15-22; Marko 12:13-17)

19 ɔlɔwanki Mose mbla asunapu pú Bulu igyi ahapu amu ání amú
ɔwɔ yebi alaha. Inu bekleá békita mu, tamε benya aha amu ifu.

20 Mú sv bodunka ɔkpa ání bótsun músu kita mu. Inu beɛ aha beɛ,
bupina bwe ɔwɔ fε aha wanklaan; abute mu ki beɛ bónu asvanku tsu
mu ɔno, menɔ béli músu kita mu ya ɔmásu ogyipu. Mubv tumi gyi
mu asun. **21** Yesu atepu amu befite mu beɛ, < < Osunapu, aniyin ání
ɔnoɔkwali pu fugyi, futosuna mú ε. Futamaki ɔhaa ansito. Mboun
futosuna Bulu ɔkpa amu ɔnoɔkwali sv. **22** Afite fu! Anɔ mbla leha ɔkpa
ání aka lampoo ha Roma owie dehen Kaesare, nte anumáka? > >

23 Tamε Yesu lowun amú agywun. Mú sv ɔlebla amú ɔbeɛ,
24 < < Mlɔpu kɔba amu ɔku ba mi anki. > > Bɔpu ba mu. Muv ɔlefite
amú ɔbeɛ, < < Ma nwun pú mu ida dɔn músu? > >

Beɛ mú ɔno beɛ, < < Kaesare. > >

25 Muv ɔlebla amú ɔbeɛ, < < Mumv mlɔpu tɔá igyi Kaesare kle ha
Kaesare, amlɔpu múá igyi Bulu kle ε ha Bulu. > >

26 Mú sv bumetalɔ lu Yesu asun blihe anfisv kita mu aha amu
ansito. ɔno ε lobwie amú, bumetalɔ tra bwii ɔno.

Kusu Tsu Afulito lwi Asun Fitehe

(Mateo 22:23-33; Marko 12:18-27)

27 Sadukifo ɔpasua butebli beɛ, kusu tsu afulito ma unv. Amúto aku

bɛba Yesu wa, **28** bɛfite mu bɛɛ, < < Osunapu, Mose lɔwanlɔn tswi anɔ ɔbɛɛ, < Nɔ ɔku mu a mu ka bumɔkwu asa olowu si mu ka amu a, mu pio otsu mu ka amu tsia, fɛki ɔkwu ha owupu amu. > **29** Oyin ɔkulɛ abi abasiɛnɔ aku betsia. Amúto ogyankpapo letsia ɔka, tamɛ ɔmɔkwu asa olowu. **30** Mu gyama lotsu ɔsurapuka amu tsia, tamɛ mu ɛ ɔmɔkwu. **31** Ɔsasi ɛ lotsu ɔtsi amu tsia. Mu ɛ ɔmɔkwu. Alu yɔtu osienɔsi amu. Amúto ɔkuku mɔkwu asa olowu. **32** Ɔma-ɔma a, ɔsurapu amu ɛ lobowu. **33** Afuli ɔkusuke a, amúto ɔmɔmu ɔbɔbwe mu klu? Tsufɛ amú abasiɛnɔ amu fɛɛ betsia mu. > >

34 Mu Yesu lɛlɛ mú ɔnɔ ɔbɛɛ, < < Ɔyi anfito aha tetsia aka múa aklu. **35** Tamɛ umɛɛba alɔ brɛ amuu ɔba amuto. Aha amuu bɔfun ání bɔkusɔ tsu afulito, tsia nkpa ɔyi amuu ɔbɛba amuto amu mú bumɛetsia aklu, bumɛetsia aka. **36** Bumɛetra wu, tsufɛ bɔbwe fɛ Bulu-abɔpu. Bulu aha bugyi, tsufɛ bakusɔ tsu afulito. **37** Anɔ nain Mose kuraa lɔwanlɔn atɔ tsu afulikusɔ iwu. Tsufɛ ɔlɔwanlɔn ɔbɛɛ, ɛkɛ amuu olowun oyibi ku dɛ ogya tsii, tamɛ umɛdɛhɔ amu a, ɔlɛti Bulu ɔbɛɛ, < Abraham mu Isak pú Yakob Bulu. > **38** Megyi awupu Bulu ogyi, akɔankpapo Bulu ogyi. Tsufɛ mu ansito mú a, amú fɛɛ bubu nkpa. > > **39** Inu Mose mbla asunapu amu aku bɛbli bɛɛ, < < Osunapu, fabi lɛ mú ɔnɔ! > > **40** Mú sɔ amúto ɔkukusuku mɛtra wa klɔn fite mu asuansu.

Ma Gyi Kristo Amu?

(Mateo 22:41-46; Marko 12:35-37)

41 Inu Yesu lɛfite mbla asunapu amu ɔbɛɛ, < < Nkalɔ ɔlobwe asa aha bɛɛ, Owie Dawid mu na gyi Kristo amu? **42** Tsufɛ owie Dawid onuto lɛbli Israelfɔ ulu amuto ɔbɛɛ,
< Anɔ Wie Bulu lɛbla mɔ Wie ɔbɛɛ,

Tsia mɪ gyɔpɪsɪ,
43 yɔfun brɛ́á nɔ́pɪ fɪ alupɪ bwe fɪ ayabi oyikpa. >
44 Owie Dawid letɪ Kristo amɪ ɔbɛɛ, mɪ wie. Mú nkali sɪ ɔtra ogyi
mɪ na? > >

Mose Mbla Asunapu Tsiato

(Mateo 23:1-36; Marko 12:38-40)

45 Inu ɔlɛbla mɪ akasɪpɪ aha amɪ ansɪto ɔbɛɛ, 46 < < Mlɪkɪ Mose
mbla asunapu anfi wanklaan. Butekle liga wa natɪ ki. Butekle bɛɛ,
aha bubun ha amú itsia dɪnsɪ. Otsiakpa yile butekle tsia Yudafo
ofiakpa pú nke ogyikpa. 47 Butɔswu asurapɪ amú woyi, butepina bɔ
mpai tuntuntɪ ahato pɔbun amú lalahɛsɪ. Bulu ɔbébutɪ amú ɪsɪ
kinkiinkin! > >

21

[Proofread 02-07-09](#)

Ɔsurapu Ɔku Tswitswi

(Marko 12:41-44)

1 Brɛ́á Yesu tsie manta tswitswi daka amɪ Bulu ɔtswekpa unu a,
olowun alɪ́á aha ání amú ɪbutɔ bu odwin bɔdɛpɪ kɔba akpɔnkpɔntɪ
bɔwa daka amɪto. 2 Inu ɔsurapu ohiani ɔku ɛ lɔpɪ mɪ kɔba ana bɔwa
múto. 3 Mɪsɪ Yesu lɛbli ɔbɛɛ, < < Ɔnɔkwali ndɛ mɪ bla, tswitswiá
ɔsurapu anfi ɔma toto anfi lawa a, ɪdɪn ɔhagyɔha kle. 4 Tsufe atrahe
amɪ féé a, amú kɔba tsɔtsɔtsɔtsɔ bale kpalobi tsu bɔwa. Tame ɔsurapu
anfi mú, unɪ́á ɔma toto sɪ toá ɔbu féé alapɪ bɔwa a. > >

Bulu Ɔtswekpa Amɪ Bwie

(Mateo 24:1-2; Marko 13:1-2)

5 Yesu akasipụ aku budetị tsu alíá bọpụ abwíá ịbụ bia yi Bulu
otswekpa amụ, pụ atokíhe wanklaan la mụtọ. Tame Yesu lebla amú
ọbẹ, **6** < < Bre ku ịba, bóbwie mú fée bun. Ibwi kule kuraa méesian
dinka mú basu. > >

Iwịọsin Múa Ịkplan

(Mateo 24:3-14; Marko 13:3-13)

7 Mụv mụ akasipụ amụ befitẹ mụ bẹ, < < Osunapụ, bre mọmụtọ
uní fée ịbẹba? Osuna mọmụ abópụbía bre amụ ịlafun? > >

8 Ịnụ Yesu lebla amú ọbẹ, < < Mlịkí wanklaan, mení ọhaa méemle
mlí. Tsufe aha tsọtsoọtso bọpụ mị ịda ba bẹ, amúgyi Kristo amụ nị.
Mú bre lafun ta, tame młumábuo amú. **9** Nị mlonuá ịsa múa kpokiti
lada a, opuni mátsii mlí. Tsufe ilehian ání uní aná bégýankpa ba,
tame ọyi ọnọmọke iméeba ununv. > >

10 Ịnụ ọlebla amú ọbẹ, < < Ọmá bókọ aba. Awie bókusu lu abasu.

11 Ọsulu békpunkí ntune-ntune. Akun múa ịlọ tsankíhe ẹ bẹba ntune-
ntune. Ntobiá ihie bu ifu pú osuna akpọnkpọntí bẹba tsu ọsusu.

12 Tame asa mú fée bẹba a, békita mlí. Béhie dinka młisu, pụ mlí ya
Yudafọ ofiakpa yegyi mlí asun, wa mlí obu. Mị su békpa mlí ya awie
pú ọmásv agyipụ ansitọ. **13** Ịnị ọbẹha mlí ọkpa mlétalı gyi mị ịwí
adansie suna amú nị. **14** Tame młumáhan mlí ịwí susu alíá mléle ịwí
ọnọ. **15** Tsufe néha mlí nyansa múa ọnọwankí. Mlí anyaba amutọ
ọkuku méetalí gyi mlí nwen. **16** Mlí akwupụ, mlí apio, mlí woyitọ
aha pú mlí anyawie kuraa béle mlí ha, bómọ młitọ aku. **17** Mị su aha
fée bólu mlí. **18** Tame mlí nwunsu-imi kule kuraa mófwi. **19** Nị
mlétalı lu kinkin a, młénýa nkpa ání ịtamata.

Yerusalem Bwie Ịwí Asun Blí

(Mateo 24:15-21; Marko 13:14-19)

20 < < Ní mlowun ání ísà akòpù bakafia Yerusalem wulu a, mlibiá wulu amu íba obwiekpa. **21** Múmù aha ání búbù Yudea òmáto búsrí yò abúsù. Aha ání búbù Yerusalem wuluto búdalí. Amúá buma wulu amuto é bumáyinkí bá. **22** Tsufé alí nke amu íbóbwe Israelfò ísubití nke, fé alíá Bulu ònòsù atòpù amu bòwanlín tswí. **23** Amenyapù pú abi-ayin ání búpia abi bóbwe alí bré amuto, búgyòwí nì. Tsufé asun wunhé amu ònò bówa ònlín. Ìkplan kpònkpòntí bēba òsòlúsù. Ísubití kpònkpòntí é íbēba músu atsiapúsù. **24** Amúto akú bésin òdayí ònò. Békíta amú akú é ndoun yà òmá-òmáto. Yerusalem wulu íbētsia òmá bambasufò así, alí yòfun bréá amú òmá amu asitsiabí lamò ònò.

Nyankpusa-Mu-Bi Amu Ibabi

(Mateo 24:29-31; Marko 13:24-27)

25 < < Bówun osuna owi, òtsrà pú ntsrakpabisù. Òpù bēda ifusù. Òsòlúsù atsiapù bénya ifu, buméébi tòá búbwe. **26** Nwuluta múa múto atò fēé bēkpínkí. Mú sù aha bénya ifu, tún ùgè tòá ídēba sù. **27** Alí bré amuto a, òhagyíòhà obówun ání mí, Nyankpusa-Mu-Bi anfi napù tumí múa numnyam kpònkpòntí mbù nwulútato tsu òsòsù néba. **28** Ní ntobi anfi ídē músu yò a, mlikúsù lù, amlítsu ansí fùá kí; tsufé mli nkpahòbí lafun. > >

Òyí Ònòmo lwi Osuna

(Mateo 24:32-35; Marko 13:28-31)

29 Yesu lèhà amú yebí òbēé, < < Mlípukí pòntò múa nyí atrahé. **30** Ní ídē atè pòpwe lè a, mltowun mú, bíá awíkpan bré lafun tà. **31** Alí ken, nì mlowun ání ntobi anfi fēé ídē múto bá a, mlibiá Bulu íwiegyí amu ìlawíe woyí tà. **32** < < Ònòkwálí ndé mli bla. Ndembà-abi anfi fēé bumóowu tà, asa

ini fée béba mótɔ. **33** Osu móa asi fée bótɔn, tame mi asun blihe mótɔn ekekeke.

lwɪsɔda

34 < < Mlɪkɪ wanklaan, menɪ opotsuawa, ntabu pú ɔyɪtɔ atɔ ɔmagya méegyɪ mlɪ agywɪnsu. Menɪ mi, Nyankpɔsa-Mv-Bi anfi ɔbake amv méebekɪta mlɪ fe yibi. **35** Tsufe ɪbéba ɔyɪtɔ aha féesu. **36** lɪnɪ su mlɪgyo, amlɪbɔ mpai, menɪ mlénɪya ɔwɪnlɪn talɪ tsɔn ofula amv féeɪtɔ belu mi, Nyankpɔsa-Mv-Bi anfi ansɪtɔ. > >
37 Nke amutɔ a, Yesu letsia yosuna atɔ Bulu ɔtswekpa unv ɔpa. Onye a, alanatɪ yɔ Nfɔ-nyibu amvus. **38** Aha tsɔtsɔtsɔ butɔkusu ba ɔtswekpa unv bake, bonu mv asun blihe.

22

Proofread 02-07-09

Yesu Nwunsu Kɪklɪ

(Mateo 26:1-5; Marko 14:1-2; Yohane 11:45-53)

1 Israelfɔ Bodobodo Mátuhe Nke, igyi amúsɔ Katsɔn Nke amv gyi ɪba bɔfun. **2** Bulu igyi ahapu dehen pú Mose mbla asunapu amv bodunka ɔkpa ání bótɔn músɔ kɪta Yesu ɲaintɔ, mɔ mv, tsufe bude aha amv ifu nya.

Yuda Iskariot Lotsula Ání ɔbéle Yesu Ha

(Mateo 26:14-16; Marko 14:10-11)

3 lɪnv ɔbunsam lowie Yuda Iskariot, ogyi Yesu akasɪpu duanyɔ amutɔ ɔkuletɔ. **4** Mú su ɔlɔyɔ Bulu igyi ahapu dehen pú Bulu ɔtswekpa agyopu dehen wa, bekɪta agywɪn alɪá ɔbéle Yesu ha amú. **5** Ansɪ legyi amú. Mú su botsula ání béka mv ɪkɔ. **6** Yuda lotsula. Mú

su olodunka ɔkpa ání ɔbɔ́tsun mǔsu híe le Yesu ha amú, bréá aha tsɔtsɔ́tsɔ amu buma unu.

Katsun Atogyihe Gyi

(Mateo 26:17-19; Marko 14:12-21; Yohane 13:21-30)

7 Bodobodo Mátuhe Nke amuto ekeá butomɔ Israelfɔsu Katsun Nke akufa lɔfun. **8** Yesu lɔwa Petro mua Yohane ɔbɛɛ, buyɔbwe Israelfɔsu Katsun atogyihe amu yai ha amú.

9 Petro mua Yohane befite mu bɛɛ, < <Ani Wie, nkunu ayɔbwe mú yai? > >

10 Mvu ɔlebla amú ɔbɛɛ, < <Ni mlowie wulu ɔno a, mléfia oyin ɔkuá ɔsu ntsu-ɔɔ. Mlɔbuo mu yɔ woyito. **11** Mlowie a, mlɔfite woyi mu wie amu mlɔaa, <Osunapu ɔbɛɛ, afite fu. Nkunu afɔɔ ɔswukpa bu, ání mia mi akasipu abéba begyi Katsun atogyihe amu? >

12 Obósuna mli abansru yile kuá bala múto yai. Mlɔbwe ato amu yai unu. > >

13 Petro mua Yohane bɔpu ɔkpa. Boyowun togyito alɔ amvu Yesu lebla amú amu pɛpɛpɛ, bɔbwe Katsun atogyihe amu yai unu.

Yesu Ntupwe Atogyihe Trahe

(Mateo 26:26-30; Marko 14:22-26; 1 Korintofo 11:23-25)

14 Ato amu gyibi lɔfun, Yesu mua mu sumbi ayɔpu bɛba betsia ɔpunu amu asi. **15** Yesu lebla amú ɔbɛɛ, < <Nhie ndekle mbɛɛ, mia mlɔnyɔ abégyi Katsun Nketɔ atogyihe anfi asa mi anwun iwɔɔsin.

16 Tsufe nde mli bla mbɛɛ, mméetra gyi mú ekekeke yɔfun ekeá uto amvu atogyihe anfi ulu ha amu laba múto Bulu iwiegyi amuto. > >

17 Inu olotsu nta-ewe, da Bulu ipan, ɔlebla amú ɔbɛɛ, < <Mlɔho amlinun ha aba. **18** Tsufe nde mli bla mbɛɛ, mméetra nun wain-abi

nta anfi ekekekeke yɔfun breá Bulu iwiegyi amu ibéba. > >

19 Inu ɔlele bodobodo ipin, ɔleɗa Bulu ipan, biabia múto puha amú, bli ɔbee, < < Ml ɔyulvá mli su nasi ha ni. Mlitsia bwe iní pukain misu. > > **20** Alí ken, breá begyi atɔ amu ta a, olotsu nta-ewe amu ha amú, bli ɔbee, < < Nta-ewe anfi gyi Bulu ntam ɔɔpweá nétsei mli obugya wuli pusi músu ha mli ni.

21 < < Iníá ndeblí a, mia ɔha amuu ɔbéle mli ha amu ibi da ɔlepe ɔkuletɔ. **22** Ml, Nyankpusa-Mu-Bi anfi nówu fe alíá Bulu lehie yai, tame ɔha amuu ɔbéle mli ha amu ɔgyɔwi ni. > >

23 Inu befi así buɗe aba fite bee, < < Ngya anito ma ɔbóbwe iní? > >

Ma ɔbóbwe ɔhande?

24 Nwengyi leba sumbi ayɔpu amuto, amúto ɔmúá ɔbóbwe ɔhande su. **25** Yesu lebla amú ɔbee, < < ɔmátɔfɔ awie bubu tumi amú ahasu. Aha amu buteti amú ahande bee, < Buale agyipu. > **26** Tame mlito mú a, umába alí. ɔha ání odekleá ɔbóbwe mlito ɔhande ɔbwe mu iwi ɔtrahɛ. ɔha ání odekle ɔbee, móbwe mli nkpa ogyapu e ɔbwe mu iwi fe osumpu. **27** Ma dun mu ba? ɔha ání otsie ɔpunvasi loo, nte ɔha ání odesum ɔpunu amu así? Megyi ɔha amuu otsie mú así amu dun? Tame mbu mlito fe osumpu.

28 < < Mlulɔwa klun buo mli mli isɔki féétɔ ni. **29** Alí amuu mli Sɪ layai mli owie amu a, alí mli e nde mli yai ni. **30** Meni mlétsia mli ɔpunvasi, gyi atɔ, nun nta mli iwie ogyikpa unu. Mlétsia awie mbiasu, gyi Israel abusuan duanyɔ amu asun. > >

Petro ɔbóswu ɔbee Mumeyin Yesu

(Mateo 26:31-35; Marko 14:27-31; Yohane 13:36-38)

31 Yesu lebla Simon Petro ɔbee, < < Simon, Simon! Kí, ɔbunsam de

ɔkpa kuli ɔbɛɛ, obófuni mɪ fɛ ayo. **32** Tame nakokoli Bulu ha fu mbɛɛ, fumádɪda hogyitɔ. Nɪ feyinki ba mɪ wa a, wa fu aba amu ɛ ɔwunlɪn. > >

33 Petro lebla mu ɔbɛɛ, < < Mɪ Wie natsula. Nɪ obu igyi kuraa mia funyɔ abédi. Nɪ lowu igyi ɛ a, mia funyɔ abówu. > >

34 Yesu lebla mu ɔbɛɛ, < < Petro, ndɛ fu bla mbɛɛ, ndɛ, asa bate ɔbéɛ ɔno a, fɔswu pu ibi wa ogya tse sa fɛɛ fumeyin mɪ. > >

lwɪklɪá lbéba Ekɛku

35 Inu Yesu lefite akasipu amu ɔbɛɛ, < < Breá nɔwa mɪ sumbi, mɪmede sika akente, mɪmede akpankogyo nte ntukuta nyɔsi a, tɔku lehian mɪ? > >

Bele mú ɔno bɛɛ, < < Ekɛkɛkɛ! Tɔtɔ mehian anɪ. > >

36 Muu ɔlebla amú ɔbɛɛ, < < Tame sei mú a, fuá fubu sika kente, nte akpankogyo a, tsu kita. Nɪ mlɪtɔ ɔku má ɔdayi ɪya anyɔ a, ɔfɛ mu tati puhɔ ku! **37** Tsufe ilehian ání mɪ iwɪ asun amuu ibu Bulu asun wanlɪnhɛtɔ amu ibéba mútɔ. Bɔwanlɪn bɛɛ, < Bekla mu wa lakpan abwɛputɔ. > Tsufe asun amuu bɔwanlɪn tsu mɪ iwɪ amu iba lafun ta. > >

38 Akasipu amu bebla mu bɛɛ, < < Anɪ Wie kɪ, ndayi anyɔ nɪ. > >

Muu Yesu lebla amú ɔbɛɛ, < < ltsɔ. > >

Mpaɪbɔ Nfɔ-nyibusu

(Mateo 26:36-46; Marko 14:32-42)

39 Yesu ledalɪ wulutɔ yɔ Nfɔ-nyibu amuu, fɛ alɪá otetsia yɔ unu yaɪ. Mu akasipu ɛ bobuo mu. **40** Breá bowie unu a, ɔlebla amú ɔbɛɛ, < < Mɪkokoli Bulu, menɪ mɪmóowie isɔkitɔ. > >

41 Muu ɔledalɪ amútɔ yɔ nkpa kpalobi fɛ nfi múa nfi, yɛda

akpawunu bɔ mpai ɔbɛɛ, **42** < < Mɪ Sɪ, nɪ fɔ́tsula a, ha nta-ɛwɛ anfi^k ɪtsun mɪsɪ. Tame megyi tɔ́á ndekle, múá fudekle ɪba mútɔ. > >

43 ɪnu Bulu-ɔbɔpɪ lotsu ɔsɪsɪ ba beɛ ɪwɪ ɔwan suna mu, wa mu ɔwɔnlɪn. **44** Asɪn ɪhiɛ dɛ mu han. Mú su ɔlɔbɔ mpai kinkiinkin. ɪleha mu apipi lemli fɛ obugya, ɪdɛtɪn da ɔsulɔtɔ ta-ta-ta.

45 Breá ɔlɔkɪsɪ tsu mpai amu ɔbɔkpa, yinki ba akasɪpu amu wa a, olowun ání bɔdɛdɪdɪ. Awɪrɛhɔ dɛ amú. Mú su ɪwɪ lawu amú. **46** Mɪsɪ ɔlɛfɪtɛ amú ɔbɛɛ, < < Ntogyi su mɪɪdɛdɪdɪ? Mɪkɪsɪ amlɪkokoli Bulu, mɛnɪ mɪmúowɛ ɪsɔkɪtɔ. > >

Yesu Kɪta

(Mateo 26:47-56; Marko 14:43-50; Yohane 18:1-11)

47 Yesu ɔnɔ mesi, ɔdɔm bowotii amúsu. Akasɪpu duanyɔ amɔtɔ ɔkulɛá bɔtɛtɪ mu Yuda gya amú nkpa. ɪnu ɔlɛnatɪ tu Yesu ɔbɛɛ, amɔlata mu puta, **48** tame Yesu lɛfɪtɛ mu ɔbɛɛ, < < Yuda, lata fɛ́lata mɪ, Nyankpɪsa-Mu-Bi anfi puta, pulɛ mɪ ha? > >

49 Akasɪpu amɪsɪ bubu Yesu wa amu bowun tɔ́á ɪba. Mú su beɪtɛ Yesu beɛ, < < Akɔ amú? Anɪbu ndayi. > > **50** ɪnu amúɔtɔ ɔkulɛ lotswɪ mu ɔdayi kpa Bulu igyi ɔhapu dehen osumpu ɔku gyɔpɪ-ɪsu lɛ.

51 Yesu lɛbla ɔkasɪpu amu ɔbɛɛ, < < Mábwe! Isi mɪ ɔka! > > ɪnu ɔlɔpɪ ɪbɪ da osumpu amu ɪsu amu, ɪleyinki tsa.

52 Mɪsɪ Yesu lɛfɪtɛ Bulu igyi ahapu dehen, Bulu ɔtswekpa agyopu ahande pú Yudafo ahande amɪsɪ beba mu ɔkɪtakpa amu ɔbɛɛ, < < Ogyo otswapu ngyi, su mɪlɪatsu nkpoti pú ndayi mleba mɪ ɔkɪtakpa? **53** Ntsie mɪ wa Bulu ɔtswekpa wunsɪnɛsu ekekegyieke, mɪmɔpɪ ɪbɪ da mɪ ekekekeke. Tame mɪ bre nɪ. Oklun tumi dɛ iwɛ

^k**22:42** Nta-ɛwɛ anfi igyi ɪwɪɔsɪn ání Yesu obówun.

gyi. > >

Petro Lɔswu ɔbɛ Mɔmeyin Yesu

(Mateo 26:57-58, 69-75; Marko 14:53-54, 66-72; Yohane 18:12-18, 25-27)

54 Inu aha amu bekita Yesu, kpa mu ya Bulu igyi ɔhapu dehen woyito. Petro lepeti obuo amú ɔma tsutsuutsu. **55** Tame breá bosun agyabi wunsinesu unu, butsie mú así a, Petro leyetsia amú wa.

56 Otsibi ɔkuá ogyi osumpu unu lowun ání Petro tsie ogya amu así, ɔlekɩ mu diin, blɩ ɔbɛɛ, < <Oyin anfi ε buo Yesu! > >

57 Tame Petro lɔpu ɔnɔli blɩ ɔbɛɛ, < <ɔtsɩ, mmeyin mu ɔtinɛtɩnɛ! > >

58 ɛlɔbwe kpalobi a, ɔha ɔku ε lowun Petro, ɔlebla mu ɔbɛɛ, < <Fu ε fubu amúto. > >

Tame Petro lebla mu ɔbɛɛ, < <Owie, megyi mɩ nɩ! > >

59 Fe dɔnhwɩɩ kule ɔma a, ɔha bamba ε leba botsula músu ɔbɛɛ, < <Lele, oyin anfi ε letsia mu wa, tsufe Galileayin ogyi. > >

60 Tame Petro lele mú ɔno ɔbɛɛ, < <Agya! Kɩ, mmeyin asun anfi ɩwɩ kuku. > >

Petro ɔno mesi, bate lɔbɔn. **61** Anɩ Wie Yesu ledamli kɩ Petro. Inu Petro lekaun asun amusu anɩ Wie lebla mu ɔbɛɛ, < <Fóswu tse sa fɛɛ, fɔmeyin mɩ asa bate ɔbéle ɔno onyenɩ. > > amusu. **62** Inu ɔledali yɔ kpankpa hɛ yosu.

Yesu Ahinla Bwe

(Mateo 26:67-68; Marko 14:65)

63 Yesusu akɩpu befi asɩ buɔɔ mu ahinla bwe, buɔɔ mu da. **64** Bɔpu atɔ klɩ mu ansibi, fite mu beɛ, < <Bulu ɔnoɔsu ɔtoɩpu, ma lada fu? Bla

anɩ. > > 65 Bɛkpa mu asiabi, bla mu nyanyala.

Yudafɔ Asun Agyipu Ansɩɔ Lu

(Mateo 26:59-66; Marko 14:55-64; Yohane 18:19-24)

66 Yudafɔ ahandɛ, Bulu igyi ahapu dɛhɛn pɔ Mose mbla asunapu amɩ befia ɔyɩkɛhɛ nyankɩ-nyankɩ, bɛbitɩa Yesu belu amɔ ansɩɔ.

67 Bɛbla Yesu bɛɛ, < <Nɩ fɔgyi Kristo, (ɔha amɩv Bulu lada mu ofuli amɩ) a, bla anɩ. > >

Yesu lɛbla amɔ ɔbɛɛ, < <Nɩ nɛbla mlɩ kuraa a, mɩmɔohogyi. 68 Nɩ nɛfɩtɛ mlɩ asɩvankɩ ɛ a, mɩmɛɛɛ mɔ ɔnɔ. 69 Tamɛ tsu sei pɩya a, mɩ, Nyankpɩsa-Mɩ-Bi anɩ nɛtsɩa Bulu Otumipu amɩ gyɔpɩsɩ. > >

70 Amɔ fɛɛ bɛfɩtɛ Yesu bɛɛ, < <Mɔ su fɔgyi Bulu mu Bi amɩ nɩ? > >

Yesu lɛbla amɔ ɔbɛɛ, < <Eɛ, ɔnɔkwali amɩ mlɩlablɩ a. > >

71 Inu bɛfɩtɛ aba bɛɛ, < <Ntogyi su abɛtra dunka adansɩɔ bamba? Mɔ anɩlanu tsu mu onuto ɔnɔ a. > >

23

Proofread 02-07-09

Yesu Kpa Ya Pilato

(Mateo 27:1-2, 11-14; Marko 15:1-5; Yohane 18:28-38)

1 Inu aha amɩv befia unu amɩ bɔkɩsɩ kpa Yesu ya ɔmásv ogyipu Pilato. 2 Bɛka asun dunka musɩ bɛɛ, < <Anɩlawun ání oyin anɩ dɛ ɔmá anɩtɔ aha yinta. Ɔdɛ amɔ bla ɔbɛɛ, bumátra ka lampoo ha Roma owie dɛhɛn. Ɔdɛblɩ ɛ ɔbɛɛ, mɩgyi Kristo (ɔha ání Bulu lada mu ofuli amɩ). Idɛsuna ání owie ogyi. > >

3 Pilato lɛfɩtɛ Yesu ɔbɛɛ, < <Fɔgyi Yudafɔ owie amɩ nɩ? > >

Yesu lele mú ɔ̀nɔ ɔ̀bɛɛ, < < Ee, mú fabli a. > >

4 Pilato lebla Bulu igyi ahapɔ dehen pú ɔ̀dɔm amɔ ɔ̀bɛɛ,
< < Mmɔkɔwun tsitsa kukvá oyin anfi labwɛ. > >

5 Tame amú mú bɔde mútɔ kotoo bɛɛ, < < Ɔdepu mu atosunahe ti
itre múa ɔ̀kɔ wa Yudea ɔ̀má anfitɔ. Olefi mú asɔ tsu Galilea, alapu
bowie nfi. > >

Yesu Herode Ansɔtɔ Lu

6 Bréá Pilato lonu asun anfi a, ɔ̀lefite ɔ̀bɛɛ, < < Galileayin oyin anfi
gyi? > > **7** Bréá ɔ̀lebiá Yesu otsu Galilea, ɔ̀tɔneá owie Herode de iwie
gyi a, ɔ̀leha bekpa mu ya Herode. Alɔ bre amutɔ a, Herode bu
Yerusalem wulutɔ unu. **8** Bréá owie Herode lowun Yesu a, ansi lehie
gyi mu. Tsufe olodunka ání obówun mu dodoodo, mu ɔ̀wɔ asun ání
alanu su. Odekleá Yesu ɔ̀bwe osuna ɔ̀kɔ suna mu. **9** Mú su ɔ̀lefite Yesu
asun tsɔtsɔɔtsɔ, tame Yesu mele kukɔ ɔ̀nɔ. **10** Bulu igyi ahapɔ dehen
amɔ pú Mose mbla asunapu amɔ bulu unu, bɔdekplun ka asun dɔnka
musu. **11** Owie Herode mua mu isa akɔpu amɔ ε bɔsupa mu, bwe mu
ahinla. Bɔpu sɔrɔkɔ liga ku wa mu, beyinkia mu ya Pilato. **12** Owie
Herode mua Pilato bemli anyawie tsu eke amɔ. Tekɔ amú nsine uma
ale yaɔ.

Yesu Lowu ɔ̀pɔn Ha

(Mateo 27:15-26; Marko 15:6-15; Yohane 18:39--19:16)

13 Pilato leti Bulu igyi ahapɔ dehen, Yudafo ahande pú ɔ̀má amɔ féé
befia. **14** Musu ɔ̀lebla amú ɔ̀bɛɛ, < < Mlilekpa oyin anfi ba mi mlíaa,
ɔ̀de ɔ̀má amɔ agywun yinta. Nafite mu ɔ̀nɔtɔ asun mli ansɔtɔ, nawun
ání asun amɔ mlileka dɔnka musu amɔ uma mútɔ. **15** Owie Herode ε
lawun mú alɔ. Mú su alayinkia mu sɔsɔ anɔ nɔ. Oyin anfi mɔkubwe
tɔtɔá bómo mu. **16** Inɔ su néha béputi mu atɔ, ansi mu ɔ̀natɔ. > >

17-18 Inu ɔdɔm amu fɛ́é bɔkplɔn blɪ bɛɛ, < < Le mu unu, afusi Baraba ha anɪ! > >¹ **19** (Baraba anɪ da obu, tsufe ɔɔkɔsu lu wulu amusu, ɔɔmɔ ɔha ɛ mútɔ.)

20 Pilato lekleá obési Yesu. Mú su ɔɔetra tɔi kpla ɔdɔm amu.

21 Tame bɔkplɔn kuklukuɔ bla mu bɛɛ, < < Da mu manta oyikpalihesu! Da mu manta oyikpalihesu! > >

22 Pilato lɛbla amú otse sasi ɔbɛɛ, < < Tsitsa mɔmu alabwɛ? Mmɔkɔwun tɔ́a alabwɛ, su néha bómɔ mu. Néha abupɪti mu atɔ, ɔnatɪ. > >

23 Tame bubu músu budekplɔn kuklukuɔ bɛɛ, ɔha abuda mu manta oyikpalihesu. Inu bɔdun mu ɔnatɪ. **24** Mú su Pilato lɔbwɛ dɪnka tɔ amusu budedɪnka amusu. **25** Olesi oyin amusu ɔɔkɔsu lu ɔmá amusu, mɔ ɔha mútɔ su ɔda obu amu, olesi Yesu ha mu isa akɔpu ɔbɛɛ, bubwɛ mu alíá aha amu budekle.

Yesu Da Manta Oyikpalihesu

(Mateo 27:32-44; Marko 15:21-32; Yohane 19:17-27)

26 Bréá bɛkpa Yesu bɔyɔ a, befia Kireneyin ɔkɔ́a butɛti mu Simon. Otsu abu asɪ. Isa akɔpu amu bɛka mu hɪɛ bɛɛ, ɔsura oyikpalihɛ amu buo Yesu.

27 ɔdɔm bobuo Yesu. Atsɪ́a bubu amú́tɔ bɔpu amú anyɔpu, buhɪɛ budesu ha Yesu. **28** Yesu lɛdamli, ɔlɛbla amú ɔbɛɛ, < < Yerusalemfɔ atsi, mlɪmásu mɪ. Mlɪsu mli ɪwɪ pú mli abi. **29** Tsufe nke ku ɪba, mléblɪ mliáa, < Bulu layula atsía bumɔkɔkwɪ kɪ, obi mɔkɔdɪ amú opunitɔ kɪ, obi mɔkɔnyɔpu amú ɛ kɪ. > **30** Alɪ brɛ amutɔ a, aha bɛ́bla

¹**23:17** Mú́tɔ ye 17 bu nwulɔ dada amu akutɔ: *Katsɔn Nke kugyikɔtɔ a, ilehian ání Pilato obési obu ɔdɪpu ɔkɔlɛ́a Yudaɔ amu budekle ha amú.*

abu bɛɛ, < Mlɪbwie bun anɪsʊ. Nkuku, mlɪpula anɪ. > **31** Tsufɛ nɪ
bude oyi bɔbwe ogya wa alɪ a, nkali bɔbwe oyi wɔlɪhɛ? > >^m

32 Iɪsa akɔpu amʊ bɛkpa lalahe abwɛpu abanyɔ ɛ manta Yesusu,
bɔyɔmɔ amʊ. **33** Brɛá bowie ɔtɪnɛkʊá butɛtɪ unʊ < < Nwun
Okokobi > > a, bɛda Yesu manta oyikpalihɛsʊ. Bɛda amʊ abanyɔ
amʊ ɛ manta nyikpalihɛsʊ. ɔkʊlɛ bu Yesu gyɔpɪsʊ, ɔkʊlɛ ɛ bu mʊ
bɪnasʊ. **34** Inʊ Yesu lɛblɪ ɔbɛɛ, < < Mɪ Sɪ, sikie amʊ, tsufɛ bumeyin
tɔá budebwe. > >ⁿ

Iɪsa akɔpu amʊ bɔtswɪ abi ye Yesu atadiɛtɔ. **35** Aha tsɔtsɔɔtsɔ amʊ
bobuo amʊ yɔ unʊ amʊ besi bulu unʊ bude mʊ kɪ. Yudafo ahandɛ amʊ
bɔbwe mʊ ahinla bɛɛ, < < ɔlɔhɔ aha nkpa. Nɪ lɛlɛ mʊgyi Kristo (ɔha
amʊ Bulu lada mʊ ofuli), mʊ Bulu lalɛ nɪ a, ɔhɔ mʊ ɪwɪ nkpa! > >

Jesus' Crucifixion|DN00493b.tif|span|LUK 23:32-49|Darwin

Dunham, United Bible Societies, Nairobi|Yesu Da Manta

Oyikpalihɛsʊ nɪ.|Luka 23:32

36-37 Iɪsa akɔpu amʊ ɛ bɔpu nta ɔdaɪ tin mʊ ɔnɔ, bwe mʊ ahinla
bɛɛ, < < Nɪ fʊgyi Yudafo owie amʊ nɪ a, lɛ fʊ ɪwɪ! > >

38 Bɔwanlɪn atɔ manta oyikpalihɛ amʊ awunsʊ bɛɛ, < < YUDAFɔ
OWIE AMʊ Nɪ. > >

39 Lalahe abwɛpu amʊ bɛda manta oyikpalihɛsʊ amʊtɔ ɔkʊlɛ lɛblɪ
Yesu ɪwɪ abusʊsʊ ɔbɛɛ, < < Megyi fʊgyi Kristo amʊ nɪ? Lɛ fʊ ɪwɪ,
afʊlɛ anɪ mɛɛ! > >

40 Tamɛ onyɔsɪ amʊ lɔwa ɪyɪn wa mʊ ɔbɛɛ, < < Fumɛdɛ Bulu ifu
nya? Fʊa munyɔ fɛ́ɛ dɛ ɪsubɪtɪ kʊlɛ hɔ. **41** Anɪ mʊ a, anɪ ɪsubɪtɪ ɪda

^m**23:31** Nɪ mɪ anfi mɪ asʊn da ɔkpa anfi kuraa budebwe alɪ a, nkali
bɔbwe aha ání bɛgyi pɔn mʊ ansɪtɔ?

ⁿ**23:34** Mʊtɔ ye 34 uma nwʊlʊ dada amʊ akʊtɔ.

ɔkpa, lakpan ání anɔ́bwe sv. Tame oyin anfi mú mɔ́kubwe lalahe kuku. > > **42** Muv ɔ́lebla Yesu ɔ́beɛ, < < Yesu, nɛ fɛba fu iwie ogyikpa a, kain musu! > >

43 Yesu lebla mu ɔ́beɛ, < < Ɔnɔ́kwali nde fu bla. Nde, mia funyo abétsia Paradiso. > >

Yesu Lowu

(Mateo 27:45-56; Marko 15:33-41; Yohane 19:28-30)

44-45 Alɛ bre anfi ɔ́bɔ́bwe fe ɔ́pa doduanyɔ́. Owi leta ɔ́sulɔ́ amusu féé alɛ yɔ́fun ntɔ́pwe ɔ́sato. Owi metra lɛn ɛ. lɛn a, tati amuv bɔ́puka Bulu Ɔtswekpa obu amuto amu ɔ́lebalɛ anyɔ́. **46** Yesu lɔ́kplɛn kɔ́klɔ́kɔ́sɔ́ blɛ ɔ́beɛ, < < Mɛ Sɛ, napu mɛ ɔ́ɛ wa fu ɔ́butɔ́. > > Olenya blɛ alɛ ta pɛ, ɔ́lele ɔ́ɛ.

47 Breá ɛsa akɔ́pu ɔ́hande amu lowun tɔ́á ɔ́laba a, ɔ́lekanfu Bulu ɔ́beɛ, < < Lele, ɔ́ha yile oyin anfi gyi. > >

48 Aha amuv bulu unu amu féé bowun tɔ́á ɔ́laba, bɔ́pu awɛɛhɔ́ nati bɔ́yɔ́ woyi. **49** Tame amúá buyin Yesu pú atsi amuv bobuo mu tsu Galilea ɔ́máto amu besi bulu tsutsuutsu, buɔ́de ɔ́tɔ́á ɔ́de músu yɔ́ kɛ.

Yesu Pula

(Mateo 27:57-61; Marko 15:42-47; Yohane 19:38-42)

50-51 Oyin ɔ́ku letsia, buteti mu Yosef. Otsu Yuda wulu kuá buteti mú Arimateato. Ɔha yile ogyi, obú ɛ bu musu. lɛn mútɔ́á ɔ́bu ɔ́má amuto asun agyiputo, tame omotsula dɛnka amú agywun pú amú bwehe anfisɔ́. Otsie ogyo Bulu iwiegyi amu. **52** Oyin anfi ɔ́yɔ́ Pilato wa, yɔ́kulɛ mu ɔ́kpa ɔ́beɛ, osi Yesu fuli amu ha mu. Pilato leha mu ɔ́kpa. **53** lɛn Yosef leyesɛɛi Yesu fuli, ɔ́lɔ́pu ɔ́hrada kɛkɛ mu ɔ́wɛ, pu mu yɔ́wa ɔ́bɔ́ kuá mu onuto ɔ́leha beda butato ha mu ɔ́wɛ,

bumakupula chaa mító ki. **54** Éke amu igyi Fieda. Éke amu igyi ogya
ɔɔɔɔɔɔɔɔ. Owi inya ta pɛ, ɔkpunu ɔɔɔɔɔ amu ulafi asɪ.

55 Atsi amuu bubuo mu tsu Galilea amu bobuo Yosef yeki Yesu
opulakpa pú alíá ɔɔɔɔɔ fuli amu tswi ɔɔ amuto. **56** Beyinki yɔ woyi
yɔkwe ohuam, chien pú ofobi fanfan ání bópu yekpa Yesu. Botsutsua
abubwe ta a, owi lata, beda ɔkpunu ɔkpunu ɔɔɔɔɔ amu fe alíá Mose
Mbla lebli.

24

Proofread 02-07-09

Yesu Kusu Tsu Afulito

(Mateo 28:1-10; Marko 16:1-8; Yohane 20:1-10)

1 Kwasieda, igyi ndawɔtswito éke gyankpapu bake a, atsi amu
bɔkusu tsu afa amuu bɔkwe yaɪ amu yɔ Yesu ntsan amu asɪ. **2** Bowun
ání bamina ibwi amuu bɔputin ɔɔ amu ɔɔ amu le unu. **3** Mú su
bebitiwie ɔɔ amuto, tame bumowun Yesu fuli amu. **4** Besi buli bude
nwunto bu. Beki a, ayin abanyɔ aku lu amú wa unu a. Amú atadie de
ogya kpa. **5** Ifu lekita atsi amu, beda akpawunu pu ansito bun
ɔsuluto. Tame ayin amu befite amú bee, < < Ntogyi su mlide
ɔkɪankpapu dunka afulito? **6** Oma nfi, alakusu! Mlikain asun amuu
ɔlebla mli breá mli munyɔ mlibu Galilea ɔmáto amusu. **7** Obee,
< Ilehian ání béle mɪ, Nyankpusa-Mu-Bi anfi ha lakpan abwepu. Béda
mɪ manta oyikpalihesu. Mú éke sasi a, nókusu tsu afulito. > > >
8 Inu atsi amu bekain Yesu asun anfisɪ. **9** Beyinki tsu ntsan amu asɪ
bebla sumbi ayɔpu duɔkun amu pú aha atrahe amuu bubu unu amu
féé tɔá bayowun.

10 Atsiá bɔyɔ ntsan amu asɪ gyi, Magdalayintse Maria, Yohana pú

Yakobo mu yin Maria. Amúá atsi akvá búbu amúto lekla asun anfi suna sumbi ayọpu amu. **11** Asun amu lóbwe sumbi ayọpu amu fe mimlala. Mú su bumọhọ músu gyi. **12** Tame Petro mú lókusu, tsii ọsri yọ ntsan amu asi. Olobun kpelekí ọbọ amuto. Tati amuu bọpupula Yesu nkule olowun ání ıda funto. Oleyinki yọ woyito, ọde nwunto bu tsu asun anfi ilaba anfi iwi.^o

Emaus Wuluto Yọ

(Marko 16:12-13)

13 Eke amu ken a, abuopu amuto abanyọ benatí bọyọ wulu kvá butetí mú Emausto. Tsu Yerusalem ya unu bóbwe fe maili asienọ. **14** Amú nkule buna bude nkombọ gyi tsu asun amuu ilaba amu iwi. **15** Breá bude múto yọ a, Yesu onuto ẹ lóboto amú, mua amúnýọ buna. **16** Bulu letin amú ansi. Mú su bumẹbí mu. **17** Yesu ẹfite amú ọbee, < <Amansu iwi nkombọ mlina mlidegyi alí? > > Besi lu tikpa, awurehọ lekita amú. **18** Amúto ọkuleá butetí mu Kleopa ẹfite ọbee, < <Fu nkule gyi ọfọ Yerusalem wuluto, funmeyin asun ání ilaba unu nke anfito? > > **19** Yesu ẹfite mu ọbee, < <Amansu igyi? > > Bebla mu bee, < <Yesu, Nasaretyin amu iwi asun igyi. Bulu ọnọsu ọtọpu ogyi. Ọlóbwe ofula akpọnkpọntí, bí Bulu asun tumisú, Bulu mua anyankpọsa fẹé ansito. **20** Aní Bulu igyi ahapu dehen pọ wulu ahande bapu mu ha aha, baha mu lowu ipon, da mu manta oyikpalihesu. **21** Teki mugyi ọha ání anilekí ọkpa aniaa, ọbẹka le aní Israelfọ ní. Nde eke sasi ọpá asun anfi leba. **22-23** Múa idun kuraa a, anto atsi aku bayọ mu ntsan amu asi bakiení, tame bumowun mu fuli

^o**24:12** Múto ye 12 uma nwulu dada amu akuto.

amu. Bɛɛ, bayowun Bulu-abɔpu aku babla amú bɛɛ, ɔbu nkpa. Tɔ́á beyinki bebla aní lawa aní wanwan. **24** Iní su anító aku ɛ basrí yɔ ntsan amu así, bayowun mú fɛ alíá atsí amu beba beblí. Amú ɛ bumowun fuli amu. > >

25 Yesu lebla amú ɔbɛɛ, < < Mlilemimla o! Mlí agywun tamayo agyuma ɔsasú. Nkalí igyi su mlímɔhɔ asun amuv Bulu ɔnɔsu atɔpu beblí tswí amu féeśu gyi? **26** Mlímeyin mlíaa, ilehian ání Kristo (ɔha ání Bulu lada mu ofuli amu) obówun iwɔsɔn, asa obénýa mu numnyam? > > **27** Inu Yesu lele mu iwí asun ání bɔwanlín wa Bulu asun wanlínhe amuto, tsu Mosesu bɔtu Bulu ɔnɔsu atɔpu amu féeśu así suna amú.

28 Bréá bowie wulu amuto bɔyo a, Yesu lɔbwe fɛ ɔdetsun ɔyo ɔtine bamba. **29** Tame abuopu amu bebla mu bɛɛ, < < Aní sí, owi lapɔn. Dú aní wa ndɛ. > > Mú su Yesu lebat yɔ amú wa. **30** Bréá buɔɛ atɔ gyi a, Yesu lele bodobodo ipin, da Bulu ípan. Muv olebiabia múto puha amú. **31** Inuvu amú ansísu letítí amú, bebí mu, tame ɔlɔfwí sí amú. **32** Inu befite aba bɛɛ, < < Ansí mehíe gyi aní bre amuv ania munyo anina, ɔɔɛ aní asun bla, ɔɔɛ Bulu asun wanlínhe amu así le suna aní amu? > >

33 Bɔkusú inuvu yinki ba Yerusalem. Beba a, sumbi ayɔpu duɔkun amu pú aha trahe bafia, **34** buɔɛblí bɛɛ, < < Lele, aní Wie lakusu. Alale iwí ɔwan suna Simon! > >

35 Mú su aha abanyɔ amu ɛ beblí tɔ́á bayowun ɔkpatɔ. Tɔ́á bɔpɔbí mu gyi bodobodo amuv oleye ha amú amu.

Yesu Iwɔwanle Suna Mu Akasípu

(Mateo 28:16-20; Marko 16:14-18; Yohane 20:19-23; Gyumagyihe 1:6-

36 Aha abanyo amu bubu m'usu budeto alu Yesu onuto leba belu amu nsune. Oleeblu obee, < < lwi ilwii mli. > >^p

37 Opuni letsii amu, bowan. Uobwe amu fe fuli budewun. **38** Inu Yesu lefite amu obee, < < Ntogyi su mli de ifu nya, mli de nwen gyi mli klunto alu? **39** Mliki mi ibi, amliki mi ayabiasi. Megyi mi onuto ni? Mlikita mi amliki. Fuli ma oyulu mu awu fe alia mbu. > >

40 Breá oleblu asun anfi ta a, olopu mu ibi pu mu ayabi suna amu. **41** Ansi lehie gyi amu, asun amu e lwa amu wanwan. Mu su bumohogyi ani lele mu ni. Inu oleeite amu obee, < < Mlibu atogyihe ku nfi? > > **42** Beha mu iye tche itin ku, **43** oloho mu, wi mu amu ansito unu.

44 Inu olebla amu obee, < < Inu gyi asun ani nebla mli breá mbu mli wa ni. Nebla mli mbee, ilehian ani mi lwi asun kugyikuá bowanlu wa Mose Mbla, Bulu onosu atapu nwulu pu Israelfo lu owuluto fee beba muta. > >

45 Inu olobwii amu agywun, meni bonu Bulu asun wanluhe amu asi. **46** Olebla amu obee, < < Bowanlu tswi bee, Kristo (cha amu Bulu lada mu ofuli amu) amu obowun iwusun, wu; Bulu obokusa mu mu eke sasi tsu afulito. **47** Mu oma a, aha beda Bulu asun wanklaan amu okan mi idato ha oma fee bee budamli klunto, feki Bulu obesi amu lakpan kie amu. Befi mu asi tsu Yerusalem. **48** Mligyi mi adansifo ha asun anfi ni. **49** Nopu Oge Wankihe amu mi Si lehie yai ha mli amu sisi mli. Mu su mlisia wulu anfito alu yofun ekea Oge Wankihe amu obotsu osusu ba beha mli tumi. > >

Yesu Osusu Yo

(Marko 16:19-20; Gyumagyihe 1:9-11)

^p**24:36** Oleeblu obee, < < lwi ilwii mli. > > uma nwulu dada amu akuto.

50 Bréá Yesu lèblí asún anfi ta a, òlekpa amó dali, bọyọ Betania wuluto. Inu olotsu ibi fua, yula amó. 51 Bréá ọde amó yula a, mua amónyọ nsine lówa ifọ wa bi, Bulu lotsu mu ya ọsusu. 52 Inu beda akpawunu sum mu, bọpu ansigyí kpónkpóntí yínki yetsia Yerusalem. 53 Betsia yọ Bulu ọtswekpa unu bregyibrẹ, yẹkanfọ Bulu.

JHN - - NKO Book of John in the Nkonya Language of Ghana

Yohane

Asun Wanklaan Ání Yohane Lɔwanlin

Yohane

Yoh.

Asun Wanklaan Ání

Yohane

Lɔwanlin

1

Proofread 03-07-09

1 Asa ɔyi lebelin a, Asun amɔ bu unu. Asun amɔ mua Bulu bu unu. Asun amɔ gyi Bulu.

Asun Ání lteha Nkpa

2 Asun amɔ mua Bulu bu unu asa ɔyi lebelin. **3** Mɔsu Bulu lɔtsun bwe togyito. Tɔtɔtɔ ma uná Bulu lɔbwe tsun mu ɔma. **4** Muto nkpa itsu. Nkpa amɔ tɔpu wanki ba aha féé ni. **5** Wanki anfi tɔwanki oklunto, tame oklun mɔkugyi mɔsu ki.

6 Bulu lɔwa oyin ɔkuá buteti mu Yohane^q sisi. **7** ɔleba bebla aha wanki amɔ iwi asun, meni aha féé bóho asun amɔsu gyi. **8** Megyi Yohane onuto gyi wanki amɔ. Mu mú wanki amɔ iwi asun ɔleba bebla aha. **9** Oha amɔsu ogyi wanki onuto, ɔtɔwanki ha ɔhagyioha amɔ ɔba ɔyito.

^q**1:6** Asu ɔbɔpu Yohane

10 Ɔbu ɔyi anfitɔ. Mɔsu Bulu lɔtsun bwe ɔyi, tame ɔyi anfitɔ atsiapu bumebi mu. **11** Ɔleba mu onuto ɔmáɔ, tame mu pi bumɔhɔ mu.

12 Tame ɔleha aha ání bɔhɔ mu, hɔ mu gyi féé ɔkpa ání bubwe Bulu abi. **13** Amó Bulu abi bwe motsu ulɔntɔ, nte nyankpɔsa aɸebwetɔ, nte oyin ɔwɔli ɔkpasu. Mboun Bulu onuto lɔbwe amó mu abi.

14 Asun amu lebemli nyankpɔsa, oletsia anɔtɔ. Awɔtɔle pú ɔnɔkwali sɔɔn letsia mutɔ. Anilowun mu numnyam. Mu Si lɔwa mu numnyam amu, tsufe Obi ɔkukunɔ ɔkule pɛ ogyi ha mu.

15 Yohane lele mu suna, tɔi tsu mu iwi ɔbɛɛ, < <Ɔni iwi asun nebli mbɛɛ, <Ɔha amuu obuo mi ɔba amu dun mi, tsufe ɔbu unu asa bɔkwu mi > > > ni.

16 Mu awɔtɔle itsɔ. Inɔ su ɔde awɔtɔle tsɔtsɔɔtsɔ anfi wa ha anɔ féé ni. **17** Mosesu Bulu mbla amu na ɔleba, tame ɔnɔkwali mɔ́a awɔtɔle mɔ́ una anɔ Wie Yesu Kristosu ɔleba. **18** Ɔhaa mɔkɔwun Bulu kɔ. Obi ɔkukunɔ ɔkule pɛ, mu onuto ogyi Bulu, otsie Ɔsi amu gyɔpisu; Ɔsi amu tɛhiɛ kle mu asun amu, nkule labla anɔ alɔ́a Bulu gyi.

Asu Ɔbɔpu Yohane Bulu Asun Ɔkanda

(Mateo 3:1-12; Marko 1:1-8; Luka 3:1-18)

19-20 Yudafɔ ahandɛ ání bubu Yerusalem bɔwa Bulu igyi ahapu pú Lewifɔ Yohane wa bɛɛ buyɛfite mu bɛɛ, ma ogyi? Yohane mesi asuansu ɣain amó. Ɔlele bla amó ɔbɛɛ, < <Megyi mɔgyi Kristo, (ɔha amuu Bulu lada mu ofuli amu).> > **21** Befite mu bɛɛ, < <Mu mu fɔgyi ma? Fɔgyi Elia?> >

Ɔlele mɔ́ ɔnɔ ɔbɛɛ, < <Megyi mɔgyi Elia.> >

Bɛtra fite mu bɛɛ, < <Fɔgyi Bulu ɔnɔsu ɔtɔɔpu amuu ɔbéba amu?> >

Ɔlele mɔ́ ɔnɔ ɔbɛɛ, < <O-o.> >

22 Mv̄v befite mv̄v b̄e, < <Ma fuh̄e fugyi? Bla an̄i, men̄i ab̄eȳebla aha amv̄v b̄owa an̄i amv̄. Nkal̄i fudebl̄i tsu f̄v onuto ɪw̄i? > >

23 Yohane l̄pv̄ asun̄ án̄i Bulu ɔn̄ɔsv̄ ɔt̄ɔpv̄ Yesaia l̄ebl̄i tsw̄i l̄e m̄ó ɔn̄ɔ ɔb̄e,

< <M̄igȳi ɔha amv̄v ɔdekpl̄vn̄ dimbis̄v̄ ɔb̄e,

<Ml̄tsw̄ii an̄i Wie ɪkpa amv̄ ha mv̄ > amv̄ n̄i. > >

24-25 In̄v̄ Farisif̄o akv̄á b̄owa Yohane wa ɛ befite mv̄v b̄e, < <N̄i meḡyi fuḡyi Kristo amv̄, meḡyi fuḡyi Elia n̄te Bulu ɔn̄ɔsv̄ ɔt̄ɔpv̄ amv̄v ɔb̄ēba amv̄ ɛ a, ntoḡyi sv̄ fude aha asu b̄o? > > **26** Yohane l̄ēl̄e m̄ó ɔn̄ɔ ɔb̄e, < <N̄tsu nd̄ep̄v̄b̄o aha asu, tam̄e ɔha ɔkv̄ bv̄ ml̄t̄ɔ n̄f̄i, ml̄m̄eȳin mv̄. **27** M̄vḡyi ɔha án̄i obūo m̄i ɔba n̄i. M̄m̄ɔfun̄ án̄i n̄ésank̄i mv̄ ntukv̄ta ɔf̄e kpan. > >

28 Asun̄ an̄f̄i f̄é̄ l̄eba Yordan n̄tsu ɔb̄vn̄ Betania wulut̄o. In̄v̄ Yohane letsia b̄o aha asu n̄i.

Bulu Okufabi

29 ɔȳt̄k̄eh̄e a, Yohane lowun̄ án̄i Yesu na ɔba mv̄ wa. Mv̄v ɔl̄ebla aha amv̄ ɔb̄e, < <Ml̄k̄i, Bulu Okufabi amv̄ ɔba a. Mv̄sv̄ Bulu t̄ɔtsun̄ si ɔȳt̄ɔ aha lakpan kie am̄ó n̄i! **30** Mv̄ ɪw̄i asun̄ n̄ebl̄i m̄b̄e, <ɔkv̄ būo m̄i ɔba. ɔd̄vn̄ m̄i, tsuf̄e ɔbv̄ in̄v̄ asa b̄ɔkw̄i m̄i > n̄i. **31** M̄i onuto mm̄eȳin mv̄, tam̄e n̄eba nd̄e aha asu b̄o, men̄i Israelf̄o b̄é̄b̄i ɔha án̄i oḡyi. > >

32 Yohane l̄ebl̄i ɔb̄e, < <Nowun̄ ɔ̄̄ge Wank̄ih̄e amv̄ l̄ekpl̄i tsu ɔsv̄sv̄ f̄e ab̄r̄ɔd̄v̄ma boḡyonka mv̄sv̄. **33** M̄i onuto mm̄eȳin mv̄, tam̄e Bulu l̄owa m̄i ɔb̄e m̄ba b̄ɔpv̄ n̄tsu b̄o aha asu. M̄ulebla m̄i ɔb̄e, <ɔha amv̄v f̄ówun̄ ɔ̄̄ge Wank̄ih̄e amv̄ ɔb̄ékpl̄i tsu ɔsv̄sv̄ boḡyonka mv̄sv̄ amv̄ ɔb̄ɔpv̄ ɔ̄̄ge Wank̄ih̄e amv̄ b̄o aha asu n̄i. > **34** Nawun̄ án̄i ɪl̄aba m̄út̄o. M̄ó sv̄ nd̄e mv̄ ɪw̄i adans̄īe gȳi m̄b̄e, m̄vḡyi Bulu mv̄ Bi amv̄

ni. > >

Yesu Akasipɔ Agyankpapɔ

35 Mú ɔyikehe a, Yohane mua mu akasipɔ abanyɔ besanki ba unu.

36 Breá Yohane lowun Yesu detsun a, ɔleblɔ ɔbeɛ, < < Mlɔkɔ, Bulu Okufabi amu na unu a. > >

37 Akasipɔ abanyɔ amu bonu asun anfi. Mú su bekpla buo Yesu.

38 Yesu ledamli kɔ wun ání bubuo mu. Muu ɔlefite amú ɔbeɛ, < < Nto mlidedunka? > >

Befite mu beɛ, < < Osunapɔ, nkunɔ futsie? > >

39 Yesu lele mú ɔno ɔbeɛ, < < Mlɔba bekɔ. > > Mú su ayin abanyɔ amu bobuo Yesu yekɔ mu otsiakpa. lbɔbwe fe ntupwe donatɔ, betsia mu wa ta owi.

40 Ayin amuu bonu asun ání Yohane leblɔ tsu Yesu iwɔ, bekpla buo Yesu amutɔ ɔkulɛ gyi Simon Petro mu pio Andrea. 41 Mú ɔma a, ito gyankpapuá Andrea lɔbwe gyi, oloyodunka mu pio Simon, bla mu ɔbeɛ, < < Anɔlawun Mesia. > > (Mú asɔ gyi, < < Kristo > >, ɔha amuu Bulu lada mu ofuli amu.)^r 42 Inu ɔlekpa Simon ba Yesu wa.

Yesu lekɔ mu diin, ɔleblɔ ɔbeɛ, < < Fɔgyi Yohane mu bi Simon ni. Tsu nde puya a, bétɔ fu Kefa. > > (Griki ɔblɔtɔ < < Petro. > > Mú asɔ gyi, < < Buta. > >)

Filipo Mɔa Nataniel Tɔ

43 Ɔyɔ kehe a, Yesu lɔbwe ɔbeɛ mɔyɔ Galilea ɔmátɔ, olowun Filipino.

Muu ɔlebla Filipino ɔbeɛ, < < Buo mɔ. > > 44 Filipino otsu Betsaida,

Andrea mua Petro wulutɔ. 45 Filipino lowun Nataniel, ɔlebla mu ɔbeɛ, < < Anɔlawun oyin amuu Mose lɔwanlɔn mu iwɔ asun wa Bulu mbla

^r1:41 *Kristo* igyi Griki ɔblɔ, *Mesia* ɛ igyi Hebri ɔblɔ.

amutɔ, Bulu ɔnɔsu atɔɔpu amu ε bɔwanlin mu iwi asun amu. Mu ida gyi Yesu. Mu si gyi Yosef, otsu Nasaret wuluto. > >

46 Nataniel lefitε mu ɔbεε, < <Itoyile ku bεtalɔ dalɔ tsu Nasaret wuluto? > >

Filipo lebla mu ɔbεε, < <Ba afubεkɔ. > >

47 Breá Yesu lowun Nataniel ɔba mu wa a, ɔleblɔ ɔbεε, < <Israelyin onutonuto nɔ. Afunu kuku ma mutɔ. > >

48 Nataniel lefitε Yesu ɔbεε, < <Nkalɔ lɔbwe febi mɔ? > >

Yesu lele mú ɔnɔ ɔbεε, < <Nowun fu breá fubu pɔntɔ-oyi amu asɔ unu, asa Filipino lebetɔ fu. > >

49 Nataniel lebla mu ɔbεε, < <Osunapu, fugyi Bulu mu Bi Israel Owie amu nɔ. > >

50 Yesu lebla mu ɔbεε, < <Alɔ amuu nabla fu mbεε, nowun fu pɔntɔ-oyi amu asɔ amu su fahogyi? Fówun ofula ání idun unu. > >

51 Yesu letra bla mu ɔbεε, < <Ɔnɔkwali ndε mɔ bla, mlówun ání ɔsusu lafinki, Bulu-abɔpu bude ɔsusu yɔ yinki ba Nyankpusa-Mu-Bi amusu. > >

2

Proofread 03-07-09

Ɔkatsia Kana Wuluto

1 Eke sasi a, betsia ɔka Kana wuluá ibu Galilea ɔmátɔ. Yesu mu yin bu unu. **2** Betɔ Yesu mua mu akasipu ε mú asɔ. **3** Breá amú nta leta a, Yesu mu yin lebla mu ɔbεε, < <Buɔtra buma nta. > >

4 Yesu lebla mu ɔbεε, < <Amú yin, ye megyi mɔ asun igyi o! Mɔ bre mɔkunya fun. > >

5 Mu yin lebla woyi amutɔ asumpu ɔbεε, < <Mlɔbwe dinka

asungyiasun ání ɔbébla mlisu. > >

6 Yudafɔ butɔfwɪ ɪwɪ amú amandɛ ɔkpasɪ. Mú su bɔpu awundɪ akpɔnkpɔɔnkpɔntɪ asie yai woyi amuto. **7** Yesu lebla unv asumpu amv ɔbɛɛ, < < Mlisa ntsu bula awundɪ amv féé. > > Lɛɛ besa. Man pouring into jars|lb00135b.tif|span|JHN2:1-11|Louise Bass, The Bible Society, London|Asumpu amv besa bula awundɪ amv féé.|Yohane 2:7 **8** Inu ɔlebla amú ɔbɛɛ, < < Mlisa ɪku ya nkɛsu ɔkɪpu amv. > > Besa ya mv. **9** Ɖleda mú ɔnɔ a, ɪladamli nta. Omeyin ɔtɪnɛá benya nta amv tsu. (Tame asumpu amv mú buyin.) Inu ɔletɪ ɔka otsiapu amv ya ɪtsetɔ, **10** yebɪa mv ɔbɛɛ, < < Nta wanklaan ɔhagyɔɔha tegyankpa yai. Nɪ bonun mú ta asa butɔpu múá ɪma alɛ ba. Tame fu mú fapu wanklaan amv yai bɔfun sei. > >

11 Inɪ gyi osuna gyankpapuá Yesu ɔɔbwe nɪ. Ɖɔɔbwe mú Kana ání ɪbu Galilea ɔmáto, pule mv numnyam ɔwan. ɪleha mv akasɪpu bɔho mv gyi.

12 Inɪ ɔma a, Yesu mva mv yin, mv apio pú mv akasɪpu bɔyo Kapernaum wuluto, yetsia unv nke kpalobi.

Yesu Bulu Ɖtswekpa Yɔ

(Mateo 21:12-13; Marko 11:15-17; Luka 19:45-46)

13 Bréá nkeá Yudafɔ bɔpuɔgyi Israelfɔsu Katsun Nke lowie woyi ta a, Yesu ɔɔɔv yɔ Yerusalem. **14** Ɖɔɔyɔ Bulu ɔtswekpa amv wunsɪnɛsu yowun ání aha buɔɛ nnantswie, akufa pú abrɔɔuma fé. Olowun aku ɛ butsie mpunvasɪ buɔɛ kɔba tsɛ. **15** Inu ɔɔɔbwe mplɪ, wie amúto, gya amúá mbwɪ amv féé dali. Olowuwuta kɔba atsepɪ amv mpunu da, da amú kɔba sain. **16** Mvɔ ɔlebla abrɔɔuma afɛpu amv ɔbɛɛ, < < Mlɪɛ amú nfi! Mlɪmápu mɪ Sɪ woyito bwe mɪ ɪbia ogyikpa. > > **17** Iná ɪleba alɪ su a, mv akasɪpu amv bekain Bulu asun wanɪnhe anfisɪ.

< <Fu osumkpa amu asun ihie igyi ni asunbogya.> >

18 Yudafo ahande amu beba Yesu wa befite mu bee, < <Osuna momu fobwe pusuna ani ani Bulu tumito fude ni bwe?> >

19 Yesu lebla amu obee, < <Mlwbie Bulu otswekpa anfi, nopy nkensa yi mu.> >

20 Yudafo ahande amu bebla mu bee, < <Nfi advana-sie (46) keke bopyi obu anfi. Mu fu mu fee, fopy nkensa yi mu?> >

21 Tame mu nyankpusa-oyi iwi asun odebli, megyi Bulu otswekpa amu. **22** Breá Bulu lokusa mu tsu afulito oma a, mu akasipvu amu bekani ani odebli asun anfi. Mu su boho Bulu asun pu Yesu asun blie amusu gyi.

Yesu Yin Nyankpusa Klunto

23 Yesu lobwe osuna tsotsotsotso Israelfosu Katsun Nke amuto breá obu Yerusalem, aha tsotsotsotso bowun. Mu su boho mu gyi. **24** Tame Yesu mopy ansi dinka amusu, tsufe oyin alia amu fee bgyi.

25 Mehian ani ohaa odebli mu oha iwi asun, tsufe mu onuto oyin asun ani ibu nyankpusa klunto.

3

[Proofread 03-07-09](#)

Yesu Mba Nikodemo

1 Yudafo ohande oku letsia, buteti mu Nikodemo. Farisiyin ogyi.

2 Oleba Yesu wa eke oku onye bebla mu obee, < <Osunapu, anyin ani Bulu lwa fu sisi fe ato osunapu. Tsufe ohaa meetali bwe osuna anfi fudebwe anfi, ni Bulu mobuo mu.> >

3 Yesu lele mu oho obee, < <Onokwali nde fu bla, ohaa meetali nya Bulu ogyi iwie musu, nketi balakwu mu.> >

4 Nikodemo lefite mu ɔbɛɛ, < < Nkalɩ bɛlakwu ɔha ́nɩ aladan? ɔbɛtalɩ sanki wie mu yin iputo, ɔbɛlakwu mu? > >

5 Yesu lele ḿ ɔno ɔbɛɛ, < < ɔnɔkwali nde fu bla. Nɩ bumelakwu ɔku tsun ntsu ḿa ɔɲe Wankɩhetɔ a, ɔmɛɛtalɩ wie Bulu iwiegyi amuto. **6** ɔyulu nkpa itsu nyankpusato, ɔɲeto kle e itsu Bulu ɔɲeto.

7 Ḿ su ḿaha ḿ uwa fu wanwan ́nɩ nabla fu mbɛɛ, ilehian ́nɩ bɛlakwu mli. **8** Afu tɔtsun yo ɔtɩnɛ́a idekle. Futonu ḿ nka, tame fumeyin ɔtɩnɛ́a itsu ṕ ɔtɩnɛ́a ɩyo. Alɩ ken igyi ha ɔhagyioha ́nɩ bakwu mu tsu ɔɲe amuto nɩ. > >^s

9 Nikodemo lefite mu ɔbɛɛ, < < Ngɩya nto asun nɩ? > >

10 Yesu lele ḿ ɔno ɔbɛɛ, < < Israelfɔ osunapu yile fugyi, ḿ fɛ́ɛ fumɔkɔnu asun anfi asi? **11** ɔnɔkwali nde fu bla. Tɔ́a anyin ɩwɩ anidetɔɩ tsu. Tɔ́a anɩlawun e ɩwɩ anɩde adansɩe gyi, tame mli tamaho anɩ asun amu. **12** Nɩ nebla mli tɔ́a ide ḿsu yo ɔyi anfitɔ, mli mohogyi a, nkalɩ ɩbɔ́bwe nebla mli tɔ́a ide ḿsu yo ɔsusu mboun mli ohogyi? **13** ɔhaa mɔkudu yo ɔsusu unu kɩ, nketɩ Nyankpusa-Mu-Bi amuu olotsu unu ba amu.

14 < < Alɩ amuu Mose lɔpu kɔbrɩ ɩwɔ sian oyisu, tsu ḿ lu dimbisu unu amu a, alɩ ken ilehian ́nɩ bɛ́da Nyankpusa-Mu-Bi amu manta oyisu, tsu ḿ lu,^t **15** menɩ ɔhagyioha ́nɩ ɔlɔho mu gyi obɛ́nya nkpa ́nɩ ɩtamata nɩ. **16** Tsufe dwe Bulu lehɩe dwe anyankpusa. Ḿ su ɔlɔpu mu Bi ɔkukunu ɔkule pe amu ha, menɩ ɔhagyioha ́nɩ ɔlɔho mu gyi omóowu, mboun obɛ́nya nkpa ́nɩ ɩtamata. **17** Bulu mɔpu mu Bi amu sɩsɩ ɔyi anfitɔ ɔbɛɛ, ɔba begyi aha asun, ɔha aha ɩpon. Mboun ɔbɛɛ, ɔba bɔho aha nkpa.

^s**3:8** ɔɲe ḿa *afu* lelian aba Griki ɔblɩto.

^t**3:14** Mu oyikpalihesu sian ɩwɩ asun ɔdebli.

18 < < Ọha áńí ọlọhọ mu Bi amu gyi lagyi asu. Ọha áńí ọmọhọ mu Bi amu gyi a, Bulu laha mu ipon dodo, tsufe ọmọhọ mu Bi ọkule pe amu gyi. **19** Alá ọbẹha ipon amu gyi, wanki amu laba ọyitọ, tame aha bọdwe oklun dọn wanki amu, tsufe lalahe abwepu bugyi. **20** Ọhagyiọha áńí ọtọbwe lalahe tolu wanki amu. Ọtamakpukpe manta mú, tsufe ọde ifu nya áńí mu bwehe bẹlun ọwan. **21** Tame ọha áńí ọtọbwe yile tẹha wanki amu tọwanki wuli musu, mení aha bówun áńí Bulu ape ọdebwe. > >

Yesu Mba Asu Ọbọpọ Yohane

22 Iní ọma a, Yesu mba mu akasipu bedali Yerusalem yọ Yudea ọmátọ. Betsia unu kpalobi, oletsia bọ aha asu. **23** Alí bre amutọ a, Yohane ẹ de aha asu bọ Aenon nsaintọ, manta Salim wulu. Tsufe ntsu ọdada nsine unu. Aha betsia yọ mu wa, oletsia bọ amú asu.

24 (Bumọkunya kíta Yohane tswi obu alí bre amutọ.)

25 Iwígyura iwí nwengyi kú lẹba Yohane akasipu pú Yudayin ọkú nsine. **26** Inu Yohane akasipu bọyọ mu wa yebla mu bee, < < Osunapu, yee fakaun oyin amuu fwa munyọ mliletsia Yordan bunkpa ọbun, fegyi mu iwí adansie wanklaan amusu? Ọde aha asu bọ, aha fẹé bude mu wa yọ. > >

27 Yohane lele mú ọnọ ọbee, < < Ọhaa méetalí bwe tọtọ, nketi Bulu laha mu ọkpa. **28** Mlí onuto mlétalí gyi mí adansie áńí nebla mlí mbее, < Megyi mígyi Kristo amu, tame Bulu lọwa mí gya mu nkpa. > > **29** Inu ọleha amú yebi ọbee, < < Ọka otsiapu bu mu ka. Ọka otsiapu amu mu nyawie ẹ tetsia ọka otsiakpa unu, mení ansi bẹgyi mu ní onu mu nyawie amu ọme. Alí ken ansi de mí gyi sei ní. **30** Mlí atumabi béta wie mu kletọ. > >

Ọha Áńí Olotsu Ọsusu Ba

31 Oha amuv otsu osusu amu dun ohagyiha. Oha aní otsu osulusu e gyi osulusu cha. Osulusu asun otebli, tame cha aní otsu osusu dun ohagyiha. 32 Otegyi toá alawun pó toá alanu iwi adansié, chaa tamaho mu asun blihe. 33 Tame ohagyiha aní olcho mu asun blihesu gyi de mósu si aní Bulu asun igyi onokwali. 34 Oha amuv Bulu lwa amu tele Bulu asun bli, tsufe Bulu tpu Oge amu bula mutó. 35 Osi amu todwe mu Bi amu, alapu tumi féé wa mu ibito. 36 Ohagyiha aní olcho mu Bi amu gyi bu nkpa aní itamata. Ohagyiha aní omcho mu gyi ma nkpa aní itamata. Bulu isubiti e idin musu.

4

Proofread 03-07-09

Yesu Mva Samariayintse Oku

1 Farisifo bonuá Yesu de abupv nya, bo amú asu dun Yohane.
2 (Tame megyi Yesu onuto de amú bo. Mu akasipu de amú bo.)
3 Breá Yesu lebiá Farisifo amu banu asun anfi a, olodalí Yudea omáto yinki yo Galilea omáto. 4 Tame ilehian aní obótsun Samariafo osulusu.
5 Yesu loyowie Sikar aní igyi Samaria wulu ukuto. Wulu anfi bu manta osulu kuá Yakob lpuha mu bi Yosef bumbi amu. 6 Inu Yakob ibun bu ni. Okpa amu bu ifo. Mú su Yesu lotsutsua obowie unv a, ulapian mu. Mú su oletsia ibun amu asi. Ali bre amuto a, ilabwe fe opawisu.
7 Inu a, Samariayintse oku leba ntsu osakpa. Yesu lokuli mu obee, < <Nobwii ipa, ha mi ntsu annun.> > 8 Ali bre amuto a, Yesu akasipu boyo wuluto ycho atogyihe.
9 Yudafó butamapu ibi da Samariafo nwe nun ntsu. Mú su otsi amu lefite Yesu obee, < <Yudayin fugyi, mi e Samariayintse ngyi. Nkali

igyi sv fude mi ntsu kuli? > >

10 Yesu lele mú ɔno ɔbeɛ, < <Ni fuyin Bulu atokiehe pú ɔha ání ɔde fu ntsu kuli a, teki fókuli mu, ɔbéha fu ntsuá iteha nkpa. > >

11 Ɔtsi amu lebla mu ɔbeɛ, < <Ani si, fumede ɔfe, ibun anfito e bu oklu. Nkuvu fénya ntsuá iteha nkpa? **12** Fudun ani nain Yakob ání olokwi ibun anfi ha ani, muva mu abi pú amú mbwi bonun ntsu múto? > >

13 Yesu lele mú ɔno ɔbeɛ, < <Ɔmewuli bélakita ɔhagyicha ání otonun ibun anfito ntsu. **14** Tame ɔhagyicha ání obónun ntsuá néha mu a, ɔmewuli méetra kita mu ekekeke. Ntsu amuvu néha mu amu ibédamli ntsu ɔwika mutɔ́a ibélin ha nkpa ání utamata. > >

15 Ɔtsi amu lebla mu ɔbeɛ, < <Ani si, ha mi ntsu anfi ku, menú ɔmewuli méetra kita mi, mméetra ba nfi e besa ntsu. > >

16 Yesu lebla mu ɔbeɛ, < <Yeti fu klu amliba. > >

17 Ɔtsi amu lele mú ɔno ɔbeɛ, < <Mma oklu. > >

Yesu lebla mu ɔbeɛ, < <Ɔnɔkwali igyi fabli ání fuma oklu. **18** Tsufe fatsia aklu tse nu ki. Megyi fu klu gyi oyin amuvu fwa munyo mlina sei amu e. Fawa ɔnɔkwali. > >

19 Muvu ɔtsi amu lebla mu ɔbeɛ, < <Ani si, nawun ání Bulu ɔnɔsu ɔtoɔpu fugyi. **20** Ani anain Samariafo bosum Bulu ibu anfisv, tame mli Yudafo mú mlaa, Yerusalem koun lehian ání ɔhagyicha obósum Bulu. > >

21 Yesu lebla mu ɔbeɛ, < <Ɔtsi, ho mi asun anfisv gyi. Bre ku ibéba ání aha buméetra sum Ɔsi amu ibu anfisv nte Yerusalem. **22** Mli Samariafo mlumeyin ɔha ání mlidesum. Ani Yudafo mú anyin ɔha ání anidesum, tsufe Yudafovu una nkpafo leba ɔyito. **23** Bre iba, ulafun ta ání Bulu asumpu anɔkwaliɔ bósum Ɔsi amu ɔgeto pú ɔnɔkwaliɔ. Tsufe aha anfi odu Ɔsi amu dedunka ɔbeɛ, busum mu ni.

24 Oṣe Bulu gyi. Mú sù ilehian ání aha ání butosum mu bósum mu ɔṣeto pú ɔnɔkwali. > >

25 Ɖtsi amu lebla mu ɔbe, < <Nyin ání Mesia^u, (ɔha amu Bulu lada mu ofuli amu) ɔbéba. Ní ɔba a, ɔbéle asungyiasun así suna aní. > >

26 Muu Yesu lebla mu ɔbe, < <Mi anfi nde fu asun bla anfi gyi Kristo amu ní. > >

27 Inu akasipu amu besanki tsu wuluto ba ɔtu amú. Uɔwa amú wanwan ání bawun Yesu mu ɔtsi bulu budeto. Tame amúto ɔkuku metali fite ɔbe, < <Nto fudedunka tsu mu wa, nte ntogyi sù fua ɔtsi amu mlideto? > >

28 Ɖtsi amu lesi mu ɔlo yai nu, yinki yɔ wuluto yebla aha ɔbe,

29 < <Mlɔba amlɔbeki oyin ɔkúá alabla mi tɔ́ nabwe kí féé.

Mlɔlahogyi mlɔaa, megyi Kristo amu ní? > > 30 Mú sù aha bedali tsu wulu amuto beki Yesu.

31 Alí bre amuto a, mu akasipu amu bude mu kokoli be, ogyi ato.

32 Tame ɔlebla amú ɔbe, < <Mbu tɔ́ négyi, mlɔmeyin mú iwí kukukú. > >

33 Mú sù akasipu amu befite aba be, < <Nte ɔku labɔha mu tɔku alagyi? > >

34 Yesu lebla amú ɔbe, < <Mi atogyihe gyi ání nɔ́bwe tɔ́ ɔha amu ɔɔwa mi sisi amu ɔbe mbwe, ammu mú ɔnɔ. 35 Ye mlɔleblí mlɔaa, <Tsra ana pe ulasi ayo tinbí bófun? > Tame nde mlí bla mbé, mlitsu ansi kí adɔbu amuto, ayo amu ilabli fun tin. 36 Bude mu atinpu ako ka dodo. Bude mú tin yai ha nkpa ání itamata. Mú sù ansi bégyi adupu múa atinpu amu féé ekewule. 37 Mú sù ɔnɔkwali igyi

^u4:25 Grikifo teti *Mesia* be Kristo.

butebli bée, < Ɔku todụ, ɔku ɛ tɛtɪn. > 38 Nɔwa mli mbée, mliyetin ayoá mliwɔyɔ mú odukpa. Aha bamba lɔyɔ mú ɪwɪ agyuma, ɪlawa labi ha mli. > >

39 Samariafá bubu wulu amuto tsɔtsɔɔtsɔ bɔhɔ Yesu gyi, adansiɛ amuv ɔtsi amv legyi suna amú ɔbée, < < Alabla mɪ togyitɔá nabwe mɪ nkpatɔ fée > > amv sv. 40 ɪnɪ sv bréá bɛba Yesu wa a, bokokoli mv bée, otsia amú wa. Yesu letsia unv nkenyɔ.

41 Yesu asun blihe sv Samariafɔ amv tsɔtsɔɔtsɔ ɛ belahɔ mv gyi. 42 Bɛbla ɔtsi amv bée, < < Megyi fɔ asun amv sv anɪetra hɔ mv gyi ngya o. Anɪ onuto anɪlanu, anɪlawun ánɪ lɛlɛ oyin anɪ gyi ɔyɪtɔ Nkpa Ɔhɔpv amv nɪ. > >

Ɔhandɛ Ɔku Mv Bi ɪlɔ Tsa

43 Nkenyɔ amv ɔma a, Yesu ɪenatɪ yɔ Galilea ɔmáɔ. 44 (Tsufɛ mv onuto olowun bli ɔbée, < < Butamabu Bulu ɔnɔsv ɔtɔɪpv mv onuto ɔmáɔ. > >) 45 Bréá olowie Galilea a, unvɔ bɔhɔ mv atuu, tsufɛ amú onuto bɔyɔ Yerusalem Yudaɔsv Katsun Nkɛ amv ogyikpa. Mú sv bowun tɔá ɔlɔbwe unv fée.

46 Yesu ɪɛtra yinki yɔ Galilea ɔmáɔ, Kana wuluto. Ɔtɪnɛ amuv ɔlɛdamli ntsu bwe nta amv. Ɔmá ɔhandɛ ɔku tsie Kapernaum wuluto. Ɔbv obi yinhɛ ɔkúá ɔda ɔdɛlɔ. 47 Bréá ɔhandɛ amv ɪonuá Yesu latsɔ Yudea ba Galilea a, olegya mv ɔkpa yokokoli mv ɔbée, mv bi yinhɛ lawu ta, ɔkplɪ ba Kapernaum, ɔbétsa mv ɪlɔ ha mv. 48 Yesu ɪɛbla mv ɔbée, < < Mú sv nɪ mliwɔkwun osuna a, mliwɔhɔ mɪ gyi ɛkɛkɛkɛ? > >

49 Ɔmá ɔhandɛ amv ɪɛbla mv ɔbée, < < Owie! Nɪ anɪ ayabi mɔwa ɔsa a, kebi amv obówu. > >

50 Yesu ɪɛbla mv ɔbée, < < Yɔ! Fɔ bi amv obénɪya nkpa! > >

Oyin amu lɔhɔ asun amu Yesu lebla mu amusu gyi, oleyinki ɔyɔ woyi. **51** Breá ɔyɔ a, mu asumpu beba befia mu, bla mu beɛ, < <Fu bi amu lany nkpa. > >

52 lnu ɔlefite amú breá ɪwɪ lɔwa mu ɔnlɪn. Bebla mu beɛ, < <Owisu amu lesi mu igye ɔpa ɔɔɔ-kuletɔ. > > **53** lnu a, ɔlekain ání alɪ bre amutɔ kɛn Yesu lebla mu ɔbeɛ, mu bi amu obénya nkpa nɪ. lni su mua mu woyitɔfɔ fɛ́é bɔhɔ Yesu gyi.

54 lni gyi osuna nyɔsiá Yesu lɔbwe breá olotsu Yudea ba Galilea nɪ.

5

Proofread 03-07-09

Tsukule Osinpu Ɔku Uɔ Tsa

1 Asun anfi ɔma a, Yesu lɔɔv yɔ Yudaɔ Bulusum nke ku ogyikpa Yerusalem. **2** Bɔpwe bunti wa wulu amu. Bokwi ibun ku manta bunti amu ɔkpa ɔnɔ kuá butetɪ mú Akufa Ɔtsunkpa. Butetɪ ibun amu Betesda Hebri ɔblɪtɔ. Beyi mbu anu bomli mú. **3-4** Alɔpu tsɔtsɔtsɔ bubun ibun amu asɪ mbu anfitɔ. Amútɔ aku bugyi ansibi abwiepu, abɔ pú tsukule asinpu.^v **5** Oyin ɔkuá alasin tsukule nfi advasa-kwe (38) keke da unu. **6** Breá Yesu lowun mu a, olowun ání alalɔ, dɪ unu wa ɔpá. Mú su ɔlefite mu ɔbeɛ, < <Fudekle fɛɛ, ɪwɪ ɪwa fu ɔnlɪn? > > Jesus and Man at the Pool of Bethesda|WA03828b.tif|span|JHN5:1-11|Graham Wade, United Bible Societies, Nairobi|Yesu mua tsukule osinpu amu nɪ.|Yohane 5:6

7 Tsukule osinpu amu lele mú ɔnɔ ɔbeɛ, < <Owie, nɪ bowuli ntsu

^v**5:4** Mútɔ ye 4 bu nwulɔ dada amu akutɔ: *lbv nv bv unv a, Bulu-ɔbɔpu tobowuli ntsu amutɔ. lni su butsie unv bugyo mu. Tsufe nɪ ɔba bowuli mú a, fvá fegyankpa wie mútɔ a, futenya ɪlɔtsa.*

amúto a, mma zha ání obótsu mí wa múto. Nótsutsua ambóbwe a, zku lagyankpa wie múto dodo. > >

8 Yesu lebla mu zbee, < <Kusu! Tsu fu zklan, afunati! > >

9 Inunuvunu oyin amu ɪwɪ lɔwa mu znlɪn, zɔkusu tsu mu zklan, wa nati bi.

Alɪ eke amu igyi Yudafo Zkpunu Dake. 10 Mú su Yudafo ahande beka oyin amuv Yesu latsa mu ɪlɔ amu ansɪto, blɪ bee, < <Nde igyi Zkpunu Dake. Anɪ mbla meha zkpá ání fósura fu zklan. > >

11 Zlebla amú zbee, < <Zha amuv zletsá mí ɪlɔ amu lebla mí zbee, < Tsu fu zklan, afunati. > > >

12 Mú su befitɛ mu bee, < <Ma lebla fu zbee, futsu fu zklan afunati? > >

13 Oyin amu mebi zha ání zletsá mu ɪlɔ, tsufe aha buhie butso unu, Yesu lɔfwɪ wa amúto.

14 Zma a, Yesu loyowun mu Bulu ztswekpa unu. Muv zlebla mu zbee, < <Yee fawun ání ɪwɪ lawa fu znlɪn. Mátra bwe lakpan, menɪ múá ɪdun ɪnɪ méeba fusu. > >

15 Oyin amu leyebila Yudafo ahande amu zbee, Yesu letsá mu ɪlɔ.

16 Iníá Yesu de ntobi anfi odu bwe zkpunu dake su a, Yudafo ahande amu bowa mu kpekpe bi. 17 Tame Yesu lebla amú zbee,

< <Mɪ Sɪ mɔkusi agyuma yɔ. Mú su mí e mmɔkusi. > >

18 Mu asun blihe anfi su a, Yudafo ahande amu bekleá bómo mu zkpagyizkpasu. Tsufe megyi zkpunu dake mbla amu nkule tun su. Mboun zlebli zbee, mu si gyi Bulu, ɪlosuna ání muv Bulunyo bugyi keke.

Bulu Teha Mu Bi Amu Tumi

19 Yesu lele mú zno zbee, < <Znɔkwali nde mlɪ bla. Mɪ Bulu mu Bi

anfi onuto mméetali bwe tɔtɔ mi iwɪsɪ. Tɔ́á nowun ání mi Sɪ debwe a, mú ntɔ́bwe. **20** Tsufe mi Sɪ tɔ́dwe mi, otosuna mi tɔ́á mu onuto ɔ́debwe féé. Iin! Ibówa mli wanwan ání obósuna mi múá idun alɪ.

21 Alɪ amuv mi Sɪ tɔ́kusua aha tsu afulitɔ́, ha amú nkpa amv a, alɪ mi ε nteha aha ání ndekle nkpa nɪ. **22** Mɪ Sɪ tamagyi asun ha ipɔ́n, tame alapv asungyi féé wa mi ibitɔ́, **23** menɪ ɔ́hagyɔ́ha obóbu mi fe alɪá otobu mi Sɪ amv. ɔ́ha ání ɔ́tamabu mi tamabu mi Sɪ amuv ɔ́lɔ́pɪ mi sisi amv ε.

24 < < ɔ́nɔ́kwali nde mli bla mbée, ɔ́hagyɔ́ha ání otonu mi asun, ɔ́tɔ́hɔ́ ɔ́ha amuv ɔ́lɔ́wa mi sisi amv gyi, bu nkpa ání itamata. Bulu méegyɪ mu asun, ha mu ipɔ́n, tsufe aladalɪ lowutɔ́ ba nkpatɔ́ dodo.

25 ɔ́nɔ́kwali nde mli bla. Bre kv ɪba. Bre amv ilawuna fun ání aha ání bugyi fe aha wu^w bónu Bulu mu Bi amv ɔ́me. Amúá bonu mú bénya nkpa. **26** Tsufe mi Sɪ bu tumi, ɔ́teha nkpa. Alɪ ken alaha mi anfi ngyi mu Bi anfi tumi, ɔ́bée nha aha nkpa nɪ. **27** Alaha mi tumi ɔ́bée, ngyi aha asun, tsufe mɪgyi Nyankpɔ́sa-Mv-Bi amv nɪ. **28** Asun anfi máwa mli wanwan. Bre kv ɪba, afuli féé bónu mi ɔ́me, **29** kusv. Amúá ɔ́ɔ́bwe yile bélakusv, nya nkpa ání itamata. Amúá ɔ́ɔ́bwe lalahe a, négyi amú asun, ha amú ipɔ́n. > >

30 < < Mméetali bwe tɔ́tɔ́tɔ́ mi iwɪsɪ. Asun ání nonu tsu mi Sɪ wa ntɔ́pɔ́gyi asun. Mú sv ntegyi asun ɔ́nɔ́kwali sv nɪ. Tsufe ntamabwe tɔ́á mi onuto ndekle, mboun tɔ́á ɔ́ha amuv ɔ́lɔ́wa mi sisi amv tekle. > >

Yesu lwi Adansɛ Wanklaan Agyipv

31 Yesu loyɔ́ músu bli ɔ́bée, < < Nɪ mi onuto negyi mi lwi adansɛ a, mlimóhɔ́ mú ání ɔ́nɔ́kwali igyi.^x **32** Bulu ε tegyi mi lwi adansɛ.

^w**5:25** Aha ání bawu ɔ́ɔ́etɔ́.

^x**5:31** Mose mbla losuna ání aha abanyɔ́ ogyi adansɛ.

Nyin ání mī ɪwɪ adansɛ amʊv odegyi amʊ igyi ɔɔkwali. 33 Mlɪlawā
abi sɪsɪ Yohane. Alabla mlɪ ɔɔkwali amʊ. 34 Mɪ mʊ a, mmehian
anyankpʊsa adansɛ. Mboun nde mlɪ asun anfi bla, menɪ Bulu ɔbɔhɔ
mlɪ nkpa. 35 Yohane asun blɪhe lɔbwe fe ɔkandɛá idewankɪ. Mʊ su
mlɪlotsula gyi mʊ ɔdwe kpalobi. 36 Mbu tɔá itegyɪ mɪ ɪwɪ adansɛ,
ɪdun Yohane kle amʊ. Agyuma amʊv mɪ Sɪ lawa ɔbɛɛ, mbwe mɔ mʊ
ɔɔ, nde mʊ bwe amʊ de adansɛ gyi ání mʊlɔwa mɪ sɪsɪ. 37 Mɪ Sɪ
amʊv ɔlɔwa mɪ amʊ onuto lagyi mɪ ɪwɪ adansɛ. Mlɪmɔkʊnu mu ɔme,
mlɪmɔkʊwun mu ɛ kɪ. 38 Mlɪmɔhɔ mu asun wa mlɪ klɔntɔ, tsufe
mlɪmɔhɔ mɪ amʊv ɔlɔwa sɪsɪ amʊ gyi. 39 Mlɪkɪá mlénɪya nkpa ání
ɪtamata tsu Bulu asun wanlɪnhe amʊtɔ. Mʊ su mlɪ ansɪ lapɛ, mlɪde
mʊ kasɪ nɪ. Mɪ ɪwɪ adansɛ Bulu asun wanlɪnhe amʊ idegyi. 40 Tame
mlɪlakina mɪ wa ba, menɪ mlénɪya nkpa amʊ.

41 < < Mmededunka mbɛɛ, aha bukanfʊ mɪ, 42 tsufe nyin mlɪ
dodo. Nyin ání mlɪtamadwe Bulu tsu mlɪ klɔntɔ. 43 Naba mɪ Sɪ ɪdatɔ,
mlɪmɔhɔ mɪ. Tame nɪ ɔha bamba ɔba mu onuto ɪwɪsʊ a, mlɔhɔ mu.
44 Mlɪtekleá mlékanfʊ aba, tame mlɪtamabɔ mbɔdɪá Bulu ɔkʊle pɛ
amʊ ɔkanfʊ mlɪ. Nkalɪ ɪbɔbwe mlɔhɔ mɪ gyi? 45 Mlɪmákɪ mlɪaa, néle
mlɪ ɪla mɪ Sɪ ansɪtɔ. Mose amʊv mlɪ ansɪ ɪdun mʊsʊ mlɪaa, ɔbɔhɔ mlɪ
nkpa amʊ mboun ɔbéle mlɪ ɪla Bulu ansɪtɔ nɪ. 46 Nɪ lele mlɪlɔhɔ Mose
asunsʊ gyi a, tekɪ mlɔhɔ mɪ asunsʊ gyi, tsufe mɪ ɪwɪ asun ɔlɔwanlɪn
tswɪ. 47 Tame ɪnɪá mlɪmɔhɔ tɔá ɔlɔwanlɪn tswɪsʊ gyi a, nkalɪ ɪbɔbwe
mlɔhɔ mɪ asun blɪhesʊ gyi? > >

6

Proofread 03-07-09

Aha Mpɪm-nu Atogyihe Ha

(Mateo 14:13-21; Marko 6:30-44; Luka 9:10-17)

1 Iní ɔma a, Yesu mua mu akasipu befa Galilea ɔpuá buteti mú Tiberia amu yo mú ɔbun. **2** Ɔdɔm betsia buo mu, tsufe ɔde alɔpu tsa wanwansu. **3** Mua akasipu bɔɔɔ yo okuku kusu, yetsia asi unu. **4** (Alɔ bre amuto a, Yudafo nkeá bɔpuɔgi Israelfɔsu Katsun Nke amu ɔlafun ta.) **5** Inu Yesu lotsu ansi fua wun ání ɔdɔm kpɔnkɔɔnkɔnti beba mu wa. Muu ɔlefite Filipino ɔbeɛ, < < Nkunu abénya atogyihe ho ha aha anfi bégyi? > > **6** (Yesu lebli asun anfi pusu Filipino ki, tsufe oyin tɔá ɔbɔbwe dodo.)

7 Filipino lele mú ɔno ɔbeɛ, < < Ni apu tsra kwe ikɔka ho atogyihe kuraa a, umɔɔfun ání okugyiɔku obénya kpalobi gyi! > >

8 Simon Petro mu pio Andrea, ogyi akasipu amuto ɔkule lebla Yesu ɔbeɛ, **9** < < Oyimbi ɔku de bodobodo apin putuputu anu pú ntsutso iye bwahe anyɔ. Tame nto uní bɔbwe aha tsɔtsɔtsɔ anfi? > >

10 Yesu lebla mu akasipu amu ɔbeɛ, < < Mliha amú abutsiatsia asi. > > Aha amu féé betsia ifasu. Ayin ání bubu amúto bɔbwe fe mpum-nu (5,000). **11** Muu Yesu lɔho bodobodo amu, da Bulu ipan, ɔleha beye mú ha aha amuu butsie unu amu. Alɔ ken ɔlobwe ntsabi bwahe amu e ni. Amúto okugyiɔku lenya alíá odekle. **12** Begyi mwe sian. Yesu lebla akasipu amu ɔbeɛ, < < Mlikula sianhe amu, mení umɔɔbwe ato yintahɛ. > > **13** Lele, bɔtɔsɔ sianhe amuu benya tsu bodobodo anu amuto amu. Ulobula alakpa duanyɔ keke.

14 Aha amu bowun osuna anfi Yesu labwe anfi. Mú su bebli beɛ, < < Lele, oyin anfi gyi Bulu ɔnɔsu ɔtɔpu amuu bɔwanlun mu iwɔ asun wa Bulu asunto beɛ, ɔbéba ɔyito amu ni. > > **15** Yesu lowun ání aha amu babwe agywun beɛ, béba bekita mu ɔwunlinto yai mu iwie. Mú su mu nkule ɔleladu yo nkpa si amú.

Opusu Nati

(Mateo 14:22-33; Marko 6:45-52)

16 Breá owi lɔpɔn a, Yesu akasipu bekpli ba Galilea ɔpu ɔnɔ.
17 Owi lata, tamɛ Yesu mɔkuyinki bɔtu amú. Mú su bɔdu wie
ɔkluntɔ, budefa bɔyɔ Kapernaum. 18 Afu kpɔnkpɔnti ku leba idetsun,
ɔpu amu lɔwa dabi. 19 Alɔ bre amuto a, akasipu amu bapla ɔklun
amu yɔ fɛ maili asa nte ana. Inu bowun ání Yesu na ɔpu amusu ɔba
amú wa. Mú su ifu lekita amú. 20 Tamɛ Yesu lebla amú ɔbɛɛ, < < Mɔ
nɔ, mɔmánya ifu! > > 21 Inu botsu mu wa ɔklun amuto ansigyisu.
Ilotsutsua iwanki amú a, ɔklun amu ilawie osubunɔ, ɔtine amuu
bɔyɔ amu.

Yesu Dunka

22 Oyikehe a, ɔdɔm amuu besi bubu ɔpu amu ɔbun unu amu bowun
ání ɔklun kuku itra melu unu. Múa tekɔ ilu unuto akasipu amu bowie
nati nɔ. Bowun ání Yesu mowie múto asa benati. 23 Mú ɔma a, nklun
aku lotsu Tiberia wuluto belu manta ɔtine amuu begyi bodobodo
amuu Yesu leda Bulu ipan puha amú amu. 24 ɔdɔm amu bowun ání
Yesu lanati unu, mu akasipu amu ɛ buma unu. Mú su bɔdu wie nklun
amuto yɔ Kapernaum, buɔɛ Yesu duka.

Bodobodoá Itɛha Nkpa

25 Breá ɔdɔm amu boyowun Yesu ntsu ɔbun unu a, befite mu bɛɛ,
< < Osunapu, bre mɔmu fobowie nfi? > >
26 Yesu lebla amú ɔbɛɛ, < < ɔnɔkwali ndɛ mli bla. Megyi osuna
amuu ndɛbwe mlidewun amu su mligya mɔ ɔkpa. Mboun bodobodo
amuu neha mli, mɔlegyi mwe amu su. 27 Mɔmáwun ipian atogyiheá
iteyinta su. Mboun mliwun ipian múá ibétsia yɔ, ibéha nkpa ání

utamata, ání mɪ, Nyankpusa-Mu-Bi anfi néha mɪ sv. Tsufe mɪ, mɪ Sɪ Bulu lahiε nsu ání mbu ɔkpa ha mú. > >

28 Bɛfite Yesu bɛɛ, < < Gyuma mɔmu abwε isuna ání anidε tɔá Bulu tekle bwε? > >

29 Yesu lɛlɛ mú ɔno ɔbɛɛ, < < Tɔá Bulu dekle ɔbɛɛ mlɪbwε gyi, mlɪhɔ mɪ anfi ɔlɔwa sɪsɪ anfi gyi. > >

30 Inu bɛfite Yesu bɛɛ, < < Osuna mɔmu fɔbwε abówun, menɪ abóhɔ fu gyi? Ntɔ fɔbwε? **31** Anɪ anain begyi mana dimbi amusu. Bɔwanlɪn mú wa Bulu asun amuto bɛɛ, < Mose lɛha amú atɔá ilotsu ɔsusu ba begyi. > > >

32 Muu Yesu lɛbla amú ɔbɛɛ, < < ɔnɔkwali ndε mɪ bla. Megyi Mose lɛha mɪ atogyihε amu tsu ɔsusu. Mɪ Sɪ lɛha mɪ bodobodo onutonuto amu tsu ɔsusu. **33** Tsufe bodobodoá Bulu tɛha gyi mɪ anfi natsu ɔsusu ba, neba bɛha ɔyɪtɔ aha nkpa anfi. > >

34 Aha amu bɛbla mu bɛɛ, < < Owie, tsia ha anɪ bodobodo anfi bregyibrε, tsu sei puya. > >

35 Yesu lɛbla amú ɔbɛɛ, < < Mɪgyi bodobodo amuu itɛha nkpa amu nɪ. Akun méékita ɔha ání ɔlɛba mɪ wa ekekeεke. ɔmɛwulɪ méékita ɔha ání ɔlɔhɔ mɪ gyi ε ekekeεke. **36** Fɛ alɪá nɛbla mɪ a, mlɪlawun mɪ, tamε mlɪmɔkuhɔ mɪ gyi bɔfun sei. **37** ɔhagyɪɔha ání ɔsɪ amu lɛha mɪ ɔbɛba mɪ wa. Mméeegya ɔhagyɪɔha ání ɔlɛba mɪ wa. **38** Tsufe mmotsu ɔsusu ba mbɛɛ, neba bɔbwε tɔá ndekle. Mboun tɔá ɔha amuu ɔlɔwa mɪ sɪsɪ amu dekle ɔbwεkpa nɛba. **39** Tɔá ɔha amuu ɔlɔwa mɪ sɪsɪ amu dekle gyi, aha amuu ɔlɔpuha mɪ amuto ɔkuku madali mɪ ibɪ. Mboun nkusua amú fée tsu afulito eke trahe amu. **40** Tɔá mɪ Sɪ amu tekle gyi, ɔhagyɪɔha ání olowun mɪ, mu Bi anfi, hɔ mɪ gyi obénya nkpa ání utamata. Nókusua mu tsu afulito eke trahe amu. > >

41-42 Inɪá Yesu lɛblɪ ɔbɛɛ, < < Mɪgyi bodobodo amuu notsu ɔsusu

ba amu ni > > su a, Yudafo amu bowa mu wunti bi. Bee, < < Megyi Yosef mu bi Yesu amu ni? Anumeyin mu si mua mu yin? Okpa momu su dedebi obe, < Osusu notsu neba? > > >

43 Yesu lebla amú obe, < < Mlisi wunti mli wulewule. **44** Ohaa meetalu ba mi wa, nketi mi Si amuv olwa mi sisi amu lakpa mu ba mi. Mi e nokusua mu tsu afulito eke trahe amu. **45** Bulu onosu atapu amuto oku lwanlin tswi obe, < Bulu obosuna aha fee at. >

Ohagyiha ani alanu mi Si asun, kasi mu tsu mu wa teba mi wa.

46 Ohaa mokuwun Osu amu ki. Mi anfi notsu mu wa ba anfi nkule lawun mu ki. **47** Onokwali nde mli bla. Ohagyiha ani olho mi gyi bu nkpa ani itamata. **48** Migi bodobodoa iteha nkpa ni. **49** Inia mli anain begyi mana dimbisu o a, amú fee bowu. **50** Tame bodobodo anfi gyi muá latsu osusu ba, menú ohagyiha ani obgyi mu móowu ni. **51** Migi bodobodo amuv nteha nkpa, natsu osusu ba amu ni. Ohagyiha ani ogyi bodobodo anfi obetsia nkpa, omóowu ekekeke. Mi oyulu gyi bodobodo amu. Mu nesi ha, menú oyitfo benya nkpa ni. > >

52 Inu Yudafo amu benya asun anfi Yesu labli anfi iwi oblo. Amú wulewule begyi aba nwen bee, < < Nkali oyin anfi obetalu pu mu oyulu ha aní obe, agyi? > >

53 Yesu lebla amú obe, < < Onokwali nde mli bla. Ni mlumegyí mi, Nyankpasa-Mu-Bi anfi oyulu, nun mi obugya a, mlumá nkpa ani itamata kukuku mlito. **54** Oha ani olegyi mi oyulu, nun mi obugya bu nkpa ani itamata. Nokusua mu tsu afulito eke trahe amu. **55** Tsufe mi oyulu igyi atogyihe onuto, mi obugya e igyi atonunhe onuto.

56 Oha ani ogyi mi oyulu, nun mi obugya tsie mita, mi e ntsie mita.

57 Mi Si Okiankpapu amu lwa mi sisi. Mu su mbu nkpa. Mu su fuá fegyí mi a, mi su fu e fubu nkpa. **58** Migi bodobodo onutoa notsu

asusu ba ni. Mli anain begyi mana, tame bowu. Oha ání ogyi bodobodo anfi mú obétsia nkpa ání utamata. > >

59 Yesu lebli asun anfi breá ode ato suna Kapernaum, Yudafo ofiakpa.

Nkpa Ání Utamata Asun

60 Yesu abuoƿu tsotsotsɔ amuto aku bonu asun anfi a, bebli bee, < < Atosunahe anfi mú bu onlin o! Ma obétali ho mú? > >

61 Yesu lowun ání mu abuoƿu amuto aku budewunti ání alabli alí su a, ɔlefite amú ɔbee, < < Asun anfi lahan mli? **62** Mumu ni mlowun Nyankpusa-Mu-Bi amu ɔyo ɔtineá olotsu ba me, nkali mlóbwé?

63 Bulu Oge amu teha nkpa. Nyankpusa ɔwunlin mú a, kpaali igyi. Asun anfi nde mli bla anfi itsu Oge amuu ɔteha nkpa amu wa,

64 tame mlito aku bumcho mu gyi. > > Yesu lowun amúá bumcho mu gyi pú oha ání obéle mu ha yaí dodoodo. **65** Oleta bla amú ɔbee, < < lni su nebla mli mbee, ohaa méetali ba mi wa, nketi mi Si lakpa mu ba mi > > ni.

66 Tsu eke amu a, Yesu abuoƿu amu tsotsotsɔ beyinki mu oma, bumetra buo mu. **67** Mú su Yesu lefite mu akasipu duanyo amu ɔbee, < < Mli e mlidekleá mléyinki mi oma loo? > >

68 Simon Petro lebla mu ɔbee, < < Owie, ma wa abóyo? Fu wa asun ání uteha nkpa ání utamata bu. **69** Anilahogyi, anilabi ání fgyi Oha Wankihe amuu fotsu Bulu wa amu ni. > >

70 lnu Yesu lebla amú ɔbee, < < Mli aha duanyo nele, tame mlito ɔku gyi ɔbunsam! > > **71** (Simon Iskariot mu bi Yuda ode a. Tsufe ogyi akasipu duanyo amuto ɔkule. Mu obéle mu ha ni.)

Yesu Mua Mu Apio Yinhe

1 Mú ɔma a, Yesu letsia ki Galilea ɔmáto. Omekleá ɔbóyo Yudea ɔmáto, tsufe Yudafo ahande amu bude mu te abumɔ mu. **2** Tame Yudafo Kantankpatotsia Nkegyi lafun. **3** Mú su mu apio yinhe bebla mu bee, < <Nati yo Yudea nke amu ogyikpa, meni fu abuopu amuv bubu unu amu e bówun ofula ání fudebwe. **4** Oha ání odekleá aha bubu mu gyumagyihe tamanain iwi. Iníá fude ntobiá igyi alí bwe a, wuna le mú suna, ɔyi féé abuwun. > > **5** (Mu apio amu kuraa bumɔho mu gyi. Mú su bebla mu alí n.)

6 Iní su Yesu lebla amú ɔbee, < <Breá nóyo unu mɔkunya fun. Mli mú mlétali yo unu bregyibre. **7** Oyiɔfo buméetali lu mli, tame mi mú bude mi lu, tsufe nde amú ɔla le. **8** Mliyo nke amuto. Mi mú mmɔkunya yo, tsufe mi bre mɔkufun. > > **9** Yesu lebli asun anfi ta a, olesi tsia Galilea ɔmáto.

Yesu Kantankpatotsia Nke Amu Ogyikpa Yo

10 Tame breá Yesu apio amu benati yo nke amu ogyikpa a, mu e oleɔain iwi yo unu. **11** Yudafo ahande amu bodunka mu nke amu ogyikpa, bude aha fite bee, < <Oyin amu me? > >

12 Odom amu bebli asun tsɔtsɔtsɔ nklobito tsu Yesu iwi. Aku bee, < <Oha wanklaan ogyi. > > Aku e bee, < <Ekekekeke, ɔde aha mle. > > **13** Tame amúto ohaa metali bli mu iwi asun kuklu aha abunu, tsufe bude Yudafo ahande amu ifu nya.

14 Breá bowie nke amu nsune a, Yesu lɔdu wie Bulu ɔtswekpa wunsinesu unu yefi ato suna asi. **15** Mu atosunahe lobwie Yudafo ahande amu ɔno. Mú su befite aba bee, < <Oyin anfi mɔkukasí ɔwulu yo nkpa. Nkali ɔlobwe asa ɔlebi ɔwulu alí? > >

16 Yesu lele mú ònò òbée, < < Megyi mí wa atosunahe anfi itsu. Itsu Bulu wa. Múlòwa mí sísí. **17** Ní òkú dekleá òbóbwe Bulu aye a, obówun ní atosunahe anfi itsu mí wa nte Bulu wa. **18** Óha ání òde mu onuto asun bí de mu numnyam dunka. Tame ní òkú todunka numnyam ha óha ání òlòwa mu sísí a, ònòkwálípú óha amú gyí. Ótamawa afunu. **19** Ye Mose lópú mbla amú ba mí a? Tame mlító òkúku mède músú gyí. Ntogyi sú mlídekleá mlómò mí? > >

20 Inu òdóm amú bebla mu bée, < < Óye lalahé bú fútó! Ma dekleá òbómò fú? > >

21 Yesu lebla amú òbée, < < Ofula kulé pe nóbwe òkpúnú òdake, mí fée ònò lobwie mí. **22** Mose lówa mbla ha mí òbée, mlítín kete. (lbu mútòá megyi Mose lótsò kete tín, mí anain lefi mú así.) Ye mú sú mlítétín aha kete òkpúnú òdake ní a? **23** Ní mlíde kete tín òkpúnú òdake, mení mlímóókúsu lú Mose mbla amúsu a, ntogyi sú mlílanya òblò músú mlíaa, natsa nyankpúsa kéín òkpúnú òdake? **24** Mlíyò asuntò wanklaan, asa amlíha ipón. Mlípú ònòkwálí gyí asun. > >

Yesu lwi Nwengyi

25 Yerusalemfò akú befíte amú íwí bée, < < Megyi oyin anfi Yudafo ahande budedunka abómò ní? **26** Megyi mu lú ahatò òdetò, amútò òkúku mekplá mu a? Nte ulawankí amú ání múgyi Kristo, (óha amú Bulu lada mu ofulí amú) ní? **27** Oyin anfi mú a, aní fée anyín òtíneá otsu, tame ní Kristo amú óba a, óhaa méébí òtíneá otsu. > >

28 Bréá Yesu bú músú òde atò amú suna Bulu òtswekpa wunsínésu unu a, olotsu ònò fúba bí òbée, < < Mlíyin mí, mlíyin òtíneá notsu, tame megyi mí onuto tumísu néba. Ònòkwálípú óha amú òlòwa mí sísí amú gyí. Mlímeyín mu. **29** Tame mí mú nyín mu, tsufe múlòwa mí sísí. Mu wa notsu ba. > >

30 Inu bekle abukita mu, tame bumapu ibi da mu, tsufe mu bre makufo. **31** Tame amuto aha tsotsotsots boko mu gyi. Mu su befi be < < Ni Kristo amu oja a, obetali bwe osuna dun mu anfi oyin anfi debwe? > >

Bowa Bee Bukita Yesu

32 Breá Farisifo amu bonua odom amu bude Yesu iwi asun bli nklobito a, amua Bulu igyi ahapu dehen amu bowa Bulu otswekpa agyopu be bukita Yesu. **33** Inu su Yesu lebla amu obee, < < Uasi nke kpalobi pe netsia mi wa. Mu oja a, nyinki yo oha amu olowa mi sisi amu wa. **34** Mlodunka mi, tame mlimowun mi. Mlimetali ba otineá mbu e ekekeke. > >

35 Yudafo ahande amu befi be aba be, < < Nkunu oyin anfi obotu okpa yo, su abodunka mu animowun mu? Nte odekleá oboyo Grikifo awulu amu an pi badasain yo musu amusu, nte oboyosuna Grikifo amu ato? **36** Asun anfi odebli e asi me? Obee, < Mlodunka mi, tame mlimowun mi. Mlimetali ba otineá mbu e. > > >

Nkpa Ntsu

37 Nke amu eke traheá igyi eke titriu a, Yesu lokusu lu kplon bli obee, < < Ni omewuli de oku a, oja mi wa obonun ntsu.

38 Ohagyioha ani oloko mi gyi a, < Nkpa ntsu bowi dali mut. > Ali bowanlin wa Bulu asun amuto ni. > > **39** (Oje Wankihe amu Bulu obéha aha ani boko mu gyi amu iwi asun odebli. Ali bre amuto a, Oje Wankihe amu makunya ba, tsufe Bulu makunya wa Yesu numnyam.)

Aha Amuto Leye

40 Breá odom amu bonu Yesu asun blihe anfi a, amuto aku bebli be, < < Lele, Bulu otosu otapu amu anide mu okpa ki amu ni. > >

41 Aku e bɛɛ, < < Kristo amu nɪ! > > Tame amúto aku e bɛbli bɛɛ,
< < Yɛ megyi Galilea ɔmáto Kristo amu obótsu o. 42 Bɔwanlɪn wa
Bulu asun amuto bɛɛ, Owie Dawid abusuantɔ Kristo amu ɔbédalɪ tsu.
Bókwu mu Betlehem, Dawid wuluto. > > 43 Ina Yesu ɪwɪ asun anfi
su ɪkulebwe metsia amúto. 44 Amúto aku bekle abukɪta Yesu, tame
ɔhaa mɔpu ɪbɪ da mu.

Yesu Máhogyi

45 ɔma-ɔma a, Bulu ɔtswekpa agyopu amuv bɔwa sumbi amu
besanki ba Bulu igyi ahapu dehen pú Farisifo amu wa. Befite agyopu
amu bɛɛ, < < Ntogyi su mlumekɪta mu ba? > >

46 Bele mú ɔno bɛɛ, < < ɔhaa mɔkutɔ fe oyin anfi kɪ! > >

47 Farisifo amu befite amú bɛɛ, < < Mú su oyin amu lamle mɪ ɛ.

48 Mɪlɪlawun ɔhandɛ nte Farisiyin ɔku laho mu gyi kɪ? 49 Ekɛkɛkɛ!
ɔdom anfi bumeyin Mose mbla amu ɪwɪ tɔto. Mú su Bulu ɔlwu
amú. > >

50 Inu Farisifo amuto ɔkule, ogyi Nikodemo amuv ɔlɔyo Yesu wa
onye amu lɛfite amú ɔbɛɛ, 51 < < Anɪ mbla lɛha ɔkpa ánɪ abéha ɔku
ɪpɔn asa abéfite mu ɔnoɔ asun nu? > >

52 Befite mu bɛɛ, < < Galileayin fu ɛ fugyi? Kɪ Bulu asun amuto
wanklaan. Fówun ánɪ Bulu ɔnoɔ ɔtoɪpu ɔkukuvu móotsu Galilea
ɔmáto. > > 53 [Inu amú féé benatɪ yo woyito.

8

Proofread 03-07-09

ɔtsɪ ɔku Mbvatɔ Pú Mu Kɪta

1 Bréá aha amu bedasain a, Yesu lódu yó Nfó-nyibu amusu^y. **2** Mú
 ọyíkẹhẹ bakhẹ a, ọleyinkí bá Bulu ọtswekpa wunsinesu inu. Aha amu
 fée bẹba mu wa. Mú su oletsia asi, olefi asi ọde amú atọ suna. **3** Bréá
 ọdetọ a, Farisifo pú Mose mbla asunapu amu bekpa ọtsi ọkúá bakita
 mu, ọde mbua tọ ba belu amú ansitọ. **4** Muv bẹbla Yesu bẹẹ,
 < < Osunapu, bakita ọtsi anfi mbua ọtọkpa. **5** Mose Mbla amu lẹbli
 ọbẹẹ, ada atsi anfi odu abwi mọ. Nkalí fudebli tsu asun anfi iwí? > >
6 Asunkle su bẹfite mu asun anfi, abuyọtọ mu ha ahandẹ. Inu Yesu
 lobun, pu osrebi ọde atọ wanlín ọsulutọ.
7 Bréá butra bude asun amu fite pla a, olobwii tsia, bla amú ọbẹẹ,
 < < Mlító ọha ání ọmọkubwe lakpan kí ogyankpa da ọtsi anfi
 ibwí. > > **8** Ọlebli mú alí a, ọleyinkí bun ọde mu atọ wanlín ọsulutọ.
9 Bréá aha amu bonu mu asun anfi a, bowa natí ikule-kule bí, tsu
 ahandesu bọtu nyebisu. Ilebesi Yesu mva ọtsi amu nkule ọbun nsine
 inu. **10** Yesu lobwii tsia, ọlefite ọtsi amu ọbẹẹ, < < Ọtsi, nkí aha amu
 mẹ? Ọkuku mesian ání ọbéha fu ọpọn? > >
11 Ọtsi amu lẹlẹ mú ọnọ ọbẹẹ, < < Owie! Ọkuku mẹha mí ọpọn
 o! > > Muv Yesu lẹbla mu ọbẹẹ, < < Ibo alẹ! Mí ẹ mméha fu ọpọn!
 Natí, mátra bwe lakpan. > >]^z

Ọyító Wankí

12 Inu ọma a, Yesu leyinkí bla Farisifo amu ọbẹẹ, < < Mígyi ọyító
 wankí nı. Ọhagyioha ání obuo mí obénya wankiá ibéha mu nkpa,
 oméesin okluntọ ekekẹkẹ. > >
13 Inu a, Farisifo amu bẹbla mu bẹẹ, < < Nfọlí tamakanfu mu iwí.

^y**8:1** *Nfó-nyibu* igyi obubwi kuá ibu manta Yerusalem, buteti mú
 Olifbu.

^z**7:53--8:11** lma Grikifo nwulu dada amu akutọ.

Fumakubli tɔtɔ. > >

14 Yesu lebla amú ɔbɛɛ, < < Nɪ mɪ onuto ndɛ mɪ ɪwɪ adansɛ gyi o a, ɔɔkwali igyi. Tsufe mɪ mú nyin ɔtɪnɛá notsu pú ɔtɪnɛá nɔyɔ. Tame mlumeyin ɔtɪnɛá notsu pú ɔtɪnɛá nɔyɔ. **15** Anyankpusa asungyi ɔkpasu mlitegyi asun tsun, tame mɪ mú ntamagyi ɔhaa asun. **16** Nɪ negyi asun o a, ɔɔkwali ɔkpasu negyi mú tsun. Tsufe megyi mɪ nkule tegyi mú. Mɪa mɪ Sɪ amuv ɔlɔwa mɪ sɪsɪ amu nɔy tegyi mú.

17 Bɔwanlɪn wa mɪ onuto Mbla amutɔ bɛɛ, < Nɪ adansɪfɔ abanyɔ bebɪ asun kuakule a, amú asun ɪbu mútɔ. > **18** Mɪ onuto ntegyi mɪ ɪwɪ adansɛ. Mɪ Sɪ lɔwa mɪ sɪsɪ. Mu ɛ otegyi mɪ ɪwɪ adansɛ. > >

19 Befite mu bɛɛ, < < Nkuvu fu sɪ bu? > >

Yesu lele mú ɔɔ ɔbɛɛ, < < Mlumeyin mɪ wanklaan, mlumeyin mɪ Sɪ amu ɛ. Nɪ mɪyɪn mɪ wanklaan a, tɛkɪ mlɛbɪ mɪ Sɪ amu ɛ. > >

20 Yesu leblɪ asun anfi breá ɔde atɔ suna Bulu ɔtswekpa tswitswi-adaka otsiakpa. Tame ɔhaa mekita mu, tsufe mu bre makunya fun.

Yesu ɔsusɔyɔ

21 Yesu letra bla amú ɔbɛɛ, < < Mɪ mú nɔyɔ. Mlódunka mɪ. Mlówu wa mɪ lakpantɔ. Mlumɛɛtalɪ ba ɔtɪnɛá nɔyɔ. > >

22 Yudaɔ ahandɛ amu befite bɛɛ, < < Mɔ ɔbómɔ mu ɪwɪ, su ɔdebɪ ɔbɛɛ, mlumɛɛtalɪ ba ɔtɪnɛá nɔyɔ? > >

23 Yesu lele mú ɔɔ ɔbɛɛ, < < Mɪ mú mlotsu ɔyi anfitɔ, tame mɪ mú notsu ɔsusɔ. ɔyi anfitɔfɔ mɪgyi. Mmegyi ɔyi anfitɔyin mɪ mú ngyi. **24** Mú su ndɛ mɪ bla mbɛɛ, mlówu wa mɪ lakpantɔ nɪ. Mlówu wa mɪ lakpantɔ, nɪ mlumohogyi ání < Mɪgyi ɔha amuv mbɛɛ ngyi amu. > > >

25 Befite mu bɛɛ, < < Fugyi ma? > >

Yesu lebla amú ɔbɛɛ, < < ɔha amuv ntɛbla mɪ yaɪ mbɛɛ, ngyi amu

ken ntra nde mli bla a. 26 Mbu asun tsotsɔɔtsɔá nebli tsu mli iwi puha mli pɔn. Tame ɔnɔkwali pu ɔha amuu ɔlɔwa mi sisi amu gyi. Asun ání nonu tsu mu wa nde mli ɔyitɔfɔ bla. > >

27 Imɔwanki amúá mu Si amuu ɔbu ɔsusu amu iwi asun ɔde amú bla. 28 Mú su Yesu lebla amú ɔbɛɛ, < <Ni mleda Nyankpusa-Mu-Bi amu manta oyikpalihesu, tsu mu lu a, mlówun ání <Mɔgyi ɔha amuu mbɛɛ ngyi > amu. Mlébiá ntamabwe tɔtɔtɔ mi onuto tumitɔ. Múá mi Si lɔpuwa mi ɔnɔ ntebli. 29 ɔha amuu ɔlɔwa mi sisi amu buo mi. ɔmɔkuyinki mi ɔma, tsufe tɔá itegyi mu ansi ntɔbwe bregyibre. > > 30 Inu aha amuu bonu mu asun anfitɔ tsotsɔɔtsɔ bɔhɔ mu gyi.

Abraham Abi-aná

31 Yesu lebla Yudafo amuu bɔhɔ mu gyi amu ɔbɛɛ, < <Ni mlobuo mi atosunahe a, mɔgyi mi akasipu lele. 32 Mlébi ɔnɔkwali amu. ɔnɔkwali amu ibéha mlégyi iwi. > >

33 Bebli bɛɛ, < <Abraham abi-aná anɔgyi. Anumɔkubwe ɔhaa nkpábi ki. Mú ntogyi su fude anɔ bla fɛɛ, <Mlégyi iwi? > > >

34 Yesu lele mú ɔnɔ ɔbɛɛ, < <ɔnɔkwali nde mli bla. ɔhagyiaha ání ɔtɔbwe lakpan a, ogyi lakpan ɔkpábi. 35 ɔkpábi tamatsia mu wie woyitɔ yɔ, obi tetsia mu si woyitɔ yɔ. 36 Mú su ni Bulu mu Bi amu ɔha mlegyi iwi a, mumu mlɔlagyi iwi fée. 37 Nyin ání Abraham abi-aná mɔgyi, tame mɔdekleá mlómɔ mi, tsufe mɔmɔhɔ mi atosunahe. 38 Tɔá nowun tsu mi Si wa ndebli. Mli ε asun ání mɔlonu tsu mli si wasu mɔdegyi. > >

39 Bebla mu bɛɛ, < <Anɔ si gyi Abraham. > >

Yesu lebla amú ɔbɛɛ, < <Ni Abraham abi mɔgyi a, tɛki mli bwehe leli an Abraham. 40 Mɔdekleá mlómɔ mi, tsufe nde mli ɔnɔkwaliá nonu tsu Bulu wa bla. Abraham mɔbwe alɔ! 41 Mli si bwehe

mlidebwe. > >

Bebila Yesu bee, < < Megyi mbua bɔtɔ kwu anɪ. Bulu onuto gyi anɪ
Sɪ. Animá ɔsi ɔkuku tsia mutɔ. > >

42 Yesu lebila amú ɔbee, < < Nɪ mli Sɪ gyi Bulu a, tɛkɪ mlitɔdwe mɪ,
tsufe mu wa notsu ba. Mulɔwa mɪ sɪsɪ. Megyi mɪ onuto tumitɔ neba.

43 Ntogyi su mlimede mɪ asun blihe asɪ nu? Mlimede mú asɪ nu, tsufe
mɪ asun de mli asutɔ wɔ. 44 ɔbunsam gyi mli sɪ. Mú su mliteklea

mlɔbwe tɔá mli sɪ tekle. Aha ɔmɔpu ogyi tsu nfiasɪ. ɔtamabuo
ɔnɔkwali. Mú su ɔnɔkwali kuku uma mutɔ. Nɪ ɔwa afunu a, mu tsiatɔ

ɔwan ɔdele, tsufe ofunupu ogyi. Mugyi afunupu féé ɔsi nɪ. 45 Tame

ntebli ɔnɔkwali. Mú su mlitamaho mɪ asunsu gyi nɪ. 46 Mlitɔ ma

ɔbétaɪ suna ání lakpan ɔbwepu ngyi? Nɪ nde ɔnɔkwali bli a, mú

ntogyi mlimɔɔho mɪ gyi? 47 ɔha ání otsu Bulu wa tɛyaa asu nu mu

asun. Mli mú mlimotsu mu wa. Mú su mlitamayaa asu nu mu asun

nɪ. > >

Yesu Mva Nanain Abraham

48 Yudafo amv bebila mu bee, < < Nɪ abli anɪaa, Samariayin fugyi,
ɔɲe lalahe bu futɔ a, anɪlawafunu? > >

49 Yesu lebila amú ɔbee, < < ɔɲe lalahe ma mitɔ. Ntobu mɪ Sɪ, tame
mli mú mlitamabu mɪ. 50 Mmede mɪ twɪ numnyam wa. ɔha ɔku bu

unvá ɔde mú dunka ha mɪ. Mugyi asun ogyipu wanklaan amv nɪ.

51 ɔnɔkwali nde mli bla. ɔhagyioha ání otegyi mɪ atosunahesu
omóowu ekekeke. > >

52 Inu Yudafo amv bebila mu bee, < < Sei anfi mú a, anɪlawun ání
lele ɔɲe lalahe bu futɔ! Abraham mva Bulu ɔnɔsu atɔipu amv bawu.

Tame fu mú fudebli fee, ɔhagyioha ání otegyi fu atosunahesu omóowu

ekekeke. 53 Anɪ nain Abraham lowu. Fuki fee fudun mu? Bulu ɔnɔsu

atɔɪpɔ amɔ ɛ bowu. Nkalɪ fudɛ fu ɪwɪ kɪ? > >

54 Yesu lele mɔ ɔnɔ ɔbɛɛ, < < Nɪ nɔwa mɪ ɪwɪ numnyam a, kpaalɪ igyi. Mɪ Sɪ gyi ɔha ɔnɪ ɔtɔwa mɪ numnyam. Mɔ mlɪdeblɪ mlɪaa, ogyi mlɪ Bulu nɪ. **55** ɪbɔ mɔtɔɔ mlɪmeyin mɔ, tamɛ mɪ mɔ nyin mɔ. Nɪ neblɪ mbɛɛ mmeyin mɔ a, nabwɛ ofunupɔ fɛ mlɪ. Mɪ mɔ nyin mɔ, ntegyi mɔ asunsɔ. **56** Mlɪ nain Abraham lenya ansigyɪ ɔnɪ mɔwun mɪ babɪ. Olowun mɔ ɛ, ansɪ legyi mɔ. > >

57 Yudaɔ amɔ bebla mɔ bɛɛ, < < Fɔmɔkuhɔ nfi aduenɪ (50) kɔraa, mɔ fɛɛ fɔtɔ Abraham? > >

58 Yesu lebla amɔ ɔbɛɛ, < < ɔnɔkwalɪ ndɛ mlɪ bla. Mbɔ ɪnɔ asa bɔkwɪ Abraham. > >

59 Yesu lenya blɪ alɪ pɛ, aha amɔ bɔkɔla abwi bɛɛ abutswɪ da mɔ mɔ. Tamɛ Yesu ɔbwe hɪɛɛ, dalɪ Bulu ɔtswekpa wunsɪnesɔ ɪnɔ.

9

Proofread 03-07-09

Ansibi Obwiepɔ ɔkɔ Tsa

1 ɛkɛ ɔkɔ Yesu mɔa mɔ akasɪpɔ bunɔ ɔkpatɔ, bowun oyin ɔkɔɔ bɔkwɪ mɔ ansibi obwiepɔ. **2** Yesu akasɪpɔ amɔ beɔfɪtɛ mɔ bɛɛ, < < Osunapɔ, ma lakpan sɔ bɔkwɪ oyin anɔ ansibi obwiepɔ? Mɔ onuto lakpan sɔ loo, nte mɔ akwupɔ? > >

3 Yesu lele mɔ ɔnɔ ɔbɛɛ, < < Megyi mɔ nte mɔ akwupɔ lakpan sɔ bɔkwɪ mɔ ansibi obwiepɔ. Mboun alɪɔ Bulu ɔbɛle mɔ tumɪ suna tsun mɔ ɪɔ amɔtɔ sɔ. **4** ɪlasi kpalobi owi ɔbɛta. ɔhaa mɛɛtalɪ tra yɔ agyɔma. Mɔ sɔ ilehian ɔnɪ abɔyɔ agyɔma amɔ ɔha amɔ ɔlɔwa mɪ sɪsɪ amɔ lɔwa mɔ ɔbɛɛ nyɔ amɔ. **5** ɪnɪɔ nɛnya mbɔ ɔyɪ anɔfɪtɔ a, mɪgyɪ ɔyɪ anɔfɪtɔ wankɪ. > >

6 Breá Yesu lebla amú asun anfi ta a, olotu atsuno tswi asuluto, olupu osrebi tsia isi, titi mú tan ansibi obwiepu amu ansibisu. 7 Muv ollebla ansibi obwiepu amu abee, < < Natí yofwi ansito Siloam Patito. > > (Siloam asi gyi, < < Bowa mu sisi. > >) Oyin amu loyofwi ansito yinki aba woyi a, ode ato wun.

8 Mu aba pú aha ání butowun mu ode ato kuli befite bee, < < Megyi oyin anfi tetsia kuli ato bre amu ni? > >

9 Amúto aku bee, < < Mu ni! > > Aku e bee, < < O-o, lian olélian mu. > >

lnu oyin amu onuto lebli abee, < < Mi ni. > >

10 Befite mu bee, < < Nkali ulobwe asa fude ato wun ngya? > >

11 Oléle mú on abee, < < Oyin amuv buteti mu Yesu amu lobwe odiba tan mi ansibisu. Muv ollebla mi abee, nnati yofwi ansito Siloam Patito. Noyofwi, muv nde ato wun a. > >

12 Befite mu bee, < < Nkunu obu? > > Muv oléle mú on abee, < < Ohwee. > >

Farisifo Ansibi Obwiepu Amu Asun Fite

13 lnu bekpa oyin amuv tekti ogyi ansibi obwiepu amu ya Farisifo wa. 14 Eke amuv Yesu lobwe odiba pubwii mu ansibi amu igyi okpunu odake. 15 Mú su Farisifo amu belafite oyin amu alia ulobwe asa ode ato wun. Ollebla amú abee, < < Odiba olputan mi ansibisu, noyofwi ansito. Muv nde ato wun ngya a. > >

16 Farisifo amu aku bebli bee, < < Megyi Bulu cha oyin amuv olobwii mu ansibi amu gyi, tsufe otamagyi okpunu odake mbla amuv. > >

Tame aku e befite bee, < < Nkali lakpan obwepu obétali bwe osuna anfi odu? Asun anfi su bumetra bwe kule. > >

17 Mú su belafite oyin amu bɛɛ, < < Fɛɛ, mulobwii fu ansibi.
Amansu fubu bli tsu mu ɪwɪ? > >

Oyin amu lele mú ɔno ɔbɛɛ, < < Bulu ɔnoɔsu ɔtoɪpu ogyi. > >

18 Yudafɔ ahandɛ amu bumohogyi ání lele, bɔkwu mu ansibi
obwiepu asa sei ɔde atɔ wun, kpɛfun brɛá betɪ mu akwupu ba.

19 Befite amú bɛɛ, < < Mli bi amuu mliaa, mu ansibi lobwie asa
mliɔkwu mu amu nɪ? Nkalɪ ɪɔbwe asa ɔde atɔ wun nya? > >

20 Mu akwupu amu beɛ mú ɔno bɛɛ, < < Anyin ání anɪ bi nɪ.
Anyin ání anɪɔkwu mu ansibi obwiepu. **21** Tame alíá ɪɔbwe asa ɔde
atɔ wun pú ɔha ání olobwii mu ansibi mú a, anumeyin. Kokoli, mliɪfite
mu onuto. Megyi kebi ogyi, aladan. ɔbétaɪ le mú ɔno. > > **22** Mu
akwupu amu buɛ Yudafɔ ahandɛ amu ifu nya. Mú su bebli alɪ nɪ.
Tsufe ahandɛ amu babli tswɪ bɛɛ, ɔhagyɪɔha ání ɔbébli ɔbɛɛ, Yesu gyi
Kristo, (ɔha amuu Bulu lada mu ofuli amu) a, bégɪa mu le Yudafɔ
ofiakpa uu. **23** Mú su mu akwupu amu bɛɛ, < < Megyi kebi ogyi,
aladan, mliɪfite mu onuto! > > nɪ.

24 Belatɪ oyin amuu bɔkwu mu ansibi obwiepu amu otse nyɔsɪ, bla
mu bɛɛ, < < Ka ntam Bulu ansɪɔ ání fébli ɔnoɔkwatɪ. Anyin ání
lakpan ɔbwɛpu oyin amuu olobwii fu ansibi amu gyi. > >

25 Muu oyin amu lele mú ɔno ɔbɛɛ, < < Nɪ lakpan ɔbwɛpu ogyi o,
yile ɔbwɛpu ogyi o, mɪ mú mmeyin. Toku kule pɛ nyin. Múgyi, tɛkɪ
brɛ amu ntamawun atɔ, tame sei mú ndewun. > >

26 Muu befite mu bɛɛ, < < Nkalɪ ɪɔbwe fu? Nkalɪ olobwii fu ansibi
amu? > >

27 Muu ɔlele mú ɔno ɔbɛɛ, < < Nabla mli dodoodo, tame mliɪmonu.
Ntogyi su ntra bla mli? Mli ɛ mliɪdekleá mliɔbwe mu akasɪpu loo? > >

28 Besia mu, bla mu bɛɛ, < < Fugyi mu ɔkasɪpu. Anɪ nain Mose
akasɪpu anɪ mú anɪgyi. **29** Anyin ání Bulu ɪɔtɔɪ bla Mose asun, tame

anumeyin ɔtɛnɛ́á oyin anfi mú otsu. > >

30 Oyin amɔ lɛbla amú ɔbɛɛ, < < Ngya ntɔ asun nɪ? Mlɛmeyin ɔtɛnɛ́á otsu, tamɛ mɔlabwii mɪ ansibi nɪ o. **31** Anɪ fɛ́ɛ anɪyin ání Bulu tamanu lakpan abwɛpu isu. ɔha ání otobu mú, otegyi mɔ mblasu isu otonu. **32** Tsu brɛ́á Bulu lɔbwɛ ɔyi ɔpá a, ɔhaa mɔkɔnuá ɔku labwii ɔha ání bɔkwu mɔ ansibi obwiepu ansibi kɪ. **33** Nɪ megyi Bulu ɔha oyin anfi gyi a, tɛkɪ ɔméɛtalɪ bwe tɔtɔɔtɔ. > >

34 Ahandɛ amɔ belɛ mú ɔnɔ bɛɛ, < < Fɔ anfi fɔgyi lakpan ɔbwɛpu tsu brɛ́á bɔkwu fɔ anfi dekleá fósuna anɪ asun? > > Inunɔ begya mɔ lɛ ofiakpa unɔ.

ɔɣɛtɔ Ansibi Bwie

35 Yesu lonuá bagya oyin amɔ lɛ ofiakpa unɔ. Mú su brɛ́á olowun mɔ a, ɔlɛfite mɔ ɔbɛɛ, < < Fɔhɔ Nyankpɔsa-Mɔ-Bi amɔ gyi? > >

36 Oyin amɔ lɛbla mɔ ɔbɛɛ, < < Owie, suna mɪ ɔha ání ogyi, mɪ anhɔ mɔ gyi! > >

37 Yesu lɛbla mɔ ɔbɛɛ, < < Fawun mɔ dodo. Mɔgyi ɔha anfi ɔdɛ fɔ asun bla sei anfi a. > >

38 Mɔɔ oyin amɔ lɛbla mɔ ɔbɛɛ, < < Mɪ Wie, nahɔ fɔ gyi. > > Inu olosum Yesu.

39 Yesu lɛblɪ ɔbɛɛ, < < Asun ogyikpa nɛba ɔyi anfitɔ, mɛnɪ aha ání bɔmɛdɛ atɔ wun bówun atɔ. Aha ání budewun ɛ ansibi ibwie. > >

40 Farisifɔ akvá bubu Yesu wa unɔ bonu asun anfi. Mɔɔ bɛfite mɔ bɛɛ, < < Mú su fɔdɛblɪ fɛɛ, anɪ ɛ anɪgyi ansibi abwiepu? > >

41 Yesu lɛlɛ mú ɔnɔ ɔbɛɛ, < < Nɪ ansibi abwiepu mlɪgyi a, tɛkɪ Bulu méɛha mlɪ ipɔn. Tamɛ uná mlɪaa mlɪdɛ atɔ wun su a, mlɪ lakpan lasin mlɪsu. > >

Akufa Ɔkpapu Mba Mu Akufa

1 Yesu lebli ɔbɛɛ, < < Ɖnɔkwali nde mli bla. Ɖha ání ɔdu tsun akufa ibansu wie mútɔ, ɔmɔtsun ɔkpa ɔnɔ a, owikplu pú ogyo otswapu ogyi. 2 Tsufe iban ɔnɔ akufa ɔkpapu tɔtsun wie mútɔ. 3 Iban amusu ɔkipu tefinki mú ha akufa ɔkpapu amu tebitiwie. Ɖtɔpu akufa amu ada ti amú, butonu mu ɔme, ɔtekpa amú dali. Shepherd and sheep|bk00007b.tif|span|JHN10:1-16|Horace Knowles, The Bible Society, London|Akufa ɔkpapu wanklaan tɔpu akufa amu ada ti amú, butonu mu ɔme, ɔtekpa amú dali.|Yohane 10:3 4 Nɛ ɔkpa akufa amu féé dali a, otegya amú nkpa, butobuo mu, tsufe buyin mu ɔme. 5 Butamabuo ɔfɔɔ. Sɛ butesɛ si mu, tsufe bumeyin mu ɔme. > > 6 Yesu leha amú yebi anfi, tame bumonu mú asɛ.

Akufa Ɔkpapu Wanklaan Amu

7 Yesu letra bla amú ɔbɛɛ, < < Ɖnɔkwali nde mli bla. Mɛgyi akufa iban amu ɔnɔ nɛ. 8 Awikplu pú ogyo atswapu aha ání begyankpa ba féé bugyi. Akufa amu bumebi amú ɔme. 9 Mɛgyi akufa iban amu ɔnɔ nɛ. Nɛ ɔku ɔtsun mitɔ wie dali a, tɔtɔ mɔɔbwe mú. Obéyanya atɔ gyi mwe. 10 Owikplu agywun gyi, ɔba bowi, ɔmɔ, oyinta atɔ. Mɛ mú neba, menɛ aha bénya nkpa ání ɛɔfun. 11 < < Mɛgyi akufa ɔkpapu wanklaan amu nɛ. Akufa ɔkpapu wanklaan tɔtsula huli mu nkpa ha mu akufa. 12 Tame akufa ɔkpapuá ɔde ipa gyi, megyi mu onuto bu akufa amu tesɛ nɛ owun ɔkpataku ɔba bekita amú. Ɖkpataku amu tekita akufa amutɔ ɔku, atrahe butɛdasain. 13 Oyin amu tesɛ, tsufe ipa kéké odegyi. Akufa amu

nkpa tamahian mu. **14** Mígyi akufa ɔkpapu wanklaan amu ni. Nyin mi akufa, mi akufa e buyin mi. **15** Fe alía mi Si amu yin mi a, alí mi e nyin mu ni. Ntɔhulí mi nkpa ha mi akufa. **16** Mbu akufa bamba aku e. Buma akufa iban anfitɔ. Ilehian ání nékpa amú e ba. Amú e bónu mi ɔme, amú féé bóbwe akufa iku kule pú ɔkpapu ɔkule.

17 < < lni su mi Si tekle mi asun ni. Tsufe natsula ání nɔhulí mi nkpa ha aha, mení nélanya mú. **18** Ɔhaa méetalí swu mi. Mí onuto latsula ání nɔhulí mú. Mbu ɔkpa hulí mi nkpa, mbu ɔkpa lanyá mú e. lni mi Si lebla mi ɔbee, mbwe ni. > >

19 Mu asun blihe anfi su Yudafo ahande amu bumetra bwe kule. **20** Amúto aku bebli bee, < < Ɔɔge lalahe bu mutɔ. Mu nwun deyinta. Ɔhaa mátra nu mu asun blihe. > >

21 Aku e bee, < < Ɔha ání ɔge lalahe bu mutɔ méetalí blí asun anfi odu. Ɔge lalahe ɔbétalí bwii ansibi obwiepu ansibi? > >

Yesu Kina

22 Ekeá butɔpukain Bulu ɔtswekpa gyurasu Yerusalem lofun. Alí bre amu igyi lilitɔ. **23** Yesu loyo odeki Bulu ɔtswekpatɔ ɔtinekuvá buteti unu < < Salomo Abrandasu. > > **24** Yudafo ahande amu aku befia bomli mu. Befite mu bee, < < Ɔmenke kein asa fébla aní ɔnɔkwali amu? Ní fugyi Kristo, (ɔha amuu Bulu lada mu ofuli amu) a, wuna le mú tii aní. > >

25 Yesu lebla amú ɔbee, < < Nabla mli bɔtsun, tame mlumedehogyi. Ofula amuu ndebwe mi Si ɔdatɔ amu de mi ɔwɔ adansie gyi. **26** Tame mlumedehogyi, tsufe mlumá mi akufatɔ. **27** Mí akufa butonu mi ɔme. Nyin amú, butobuo mi. **28** Nteha amú nkpa ání itamata. Bumóowu ekekeeeke, ɔhaa méetalí swu mi amú. **29** Mí Si amuu ɔlopu amú ha mi amu dun togyitɔ. Ɔhaa méetalí swu amú le mi Si ɔbitɔ. **30** Mía mi Si

anɔgyi kule. > >

31 Inu a, Yudafo ahande amu betra kula abwi bee, abutswi da Yesu mo. **32** Tame Yesu lefite amú ɔbee, < < Nabwe ofula tsotsɔtsɔá itsu mi Si wa suna mli. Múto momu su mlidekleá mléda mi abwi? > >

33 Bebla mu bee, < < Megyi ofula ání fabwe kukvuku su aniaa abéda fu abwi. Ali amvu fabli abususu pukusu lu Bulusu amu su. Nyankpusa fugyi, tame fee Bulu fugyi. > >

34 Yesu lefite amú ɔbee, < < Bumɔwanlin wa mli Mbla ɔwulu amuto bee, Bulu ɔbee, < Mligyi fe Bulu? > **35** Aniyin ání ɔnɔkwali Bulu asun igyi. Mú su ni Bulu leti aha amvu ɔlopu mu asun ha amu ɔbee, bugyi fe mu a, ntogyi su mlide ɔblo nya? **36** Mi mú a, mi Si lele mi yai. Ngyi mu kle, ɔlwa mi sisi ɔyi anfito. Ntogyi su mlidebli mliaa nablí mbee, < Bulu mu Bi ngyi > su nablí abususu pukusu lu musu? **37** Ni megyi mi Si agyuma ndebwe mú a, mlimáho mi gyi. **38** Tame ni mi Si agyuma ndebwe, asa mlimáho mi gyi kura a, mumu mliho ofula amvu ndebwe amu mú gyi, amlibiá Mi Si amu bu mito, mi e mbu muto. > >

39 Betra bwe ání békita mu, tame ɔledali amú ibi, natí si amú.

40 Yesu leyinki fa Yordan ɔbun ba ɔtine amvu Yohane letsia bo aha asu amu, olesi tsia unu. **41** Aha tsotsɔtsɔ beba mu wa, buɔe aba bla bee, < < Yohane mɔbwe osuna kukvuku, tame asun ání Yohane lebli tsu oyin anfi iwí fée laba múto pepepe. > > **42** Aha tsotsɔtsɔ boho mu gyi unu.

11

Proofread 03-07-09

Lasaro Lowu

1 Oyin ɔkúá bútetí m̀v Lasaro m̀va m̀v apio tsíhe Maria p̀v Marta betsia Betania wuluto. Oyin am̀v l̀l̀l̀. **2** Maria anfi letsei m̀v ofobi fanfaanfan wulí aní Wie Yesu ayabisu, p̀v m̀v imi tsitsi m̀v ní. M̀v pio yinhe gyi Lasaro anfi ɔda ɔdelo a.^a **3** M̀v su m̀v apio tsíhe anfi b̀wa abi sisi Yesu bee, < <Owie, fu ɔdwepu delo.> >

4 Yesu lonu asun am̀v a, ɔleblí ɔbee, < <Megyi ulo anfi ɔb́m̀ m̀v, mboun íbéle Bulu numnyam ɔwan. Ib́wa m̀v Bulu m̀v Bi anfi e numnyam.> >

5 Yesu tekle Marta m̀va Maria p̀v Lasaro féé asun. **6** Tame breá olonuá Lasaro delo a, ɔletra si tsia ɔtineá ɔbu nkenyo keke. **7** M̀v ɔma a, ɔlebla m̀v akasipu ɔbee, < <Mlíha ayinki yo Yudea.> >

8 M̀v akasipu am̀v befite m̀v bee, < <Osunapu, nwen nfi Yudafo ahande bakle abuda fu abwi m̀v. M̀v fee, fétra yinki yo unu?> >

9 Yesu lopu yebi le m̀v ɔno ɔbee, < <Megyi dɔnhwiri duanyo bu ekewuletɔ? Ní ɔha na ɔyikehetɔ a, ɔtamasutin, tsufe nsainto lowanki su odewun. **10** Tame ní ɔku na oklunto a, otosuti, tsufe ɔmede atɔ wun.> > **11** Asun anfi ɔma a, ɔletra blí ɔbee, < <Aní nyawie Lasaro ladidi, tame nóyo anyetsinki m̀v.> >

12 Akasipu am̀v bebla m̀v bee, < <Aní Wie, ní ɔdedidi m̀v a, íwí b́wa m̀v ɔnlín!> >

13 Lasaro lowu íwí asun Yesu deblí, tame akasipu am̀v m̀v bukí bee m̀v didi keke íwí asun ɔdeblí. **14** Inu Yesu lowuna kpa m̀v opulu ɔbee, < <Lasaro lawu. **15** Mlí su ilawa m̀v ansigyiá mma unu asa olowu, mení mlóho m̀v gyi. Mlíba ayekí m̀v.> >

16 Inu Toma ání ogyi Tabi^b lebla m̀v aba am̀v ɔbee, < <Mlíha ania

^a**11:2** Iní ken bu 12:1-8to.

^b**11:16** *Didimus* m̀va Toma así gyi Tabi Griki m̀va Hebri ɔblito.

munyɔ fée ayɔ, menɪ nɪ lowu igyi kuraa a, ania munyɔ awu! > >

Ɔha Ání Ɔtɔkusua Aha Tsu Afulitɔ, Ha Amú Nkpa

17 Yesu lowie Betania wulutɔ a, bebla mu beɛ bopula Lasaro ilagyi nkena. **18** Tsu Betania ya Yerusalem mɔfun maɪɪ anyɔ. **19** Mú su Yudafo tsɔtsɔɔtsɔ beba Maria mua Marta gyɔwi ɔhakpa, amú pio lowu su.

20 Benya bla Marta ání Yesu ɔba alɪ, ɔɔkusɔ yefia mu ɔkpa. Maria mú lesin woyitɔ. **21** Muu Marta lebla Yesu ɔbeɛ, < < Mɪ Wie, tɛkɪ nɪ fubu nfi a, tɛkɪ mɪ pio mowu si mɪ. **22** Tame sei kuraa nyin ání togyitɔ́á fókulɪ Bulu a, ɔbéha fu. > >

23 Yesu lebla mu ɔbeɛ, < < Fu pio ɔbélakusɔ. > >

24 Marta lebla mu ɔbeɛ, < < Nyin ání ɔbókusɔ eke trahe amuu afuli bókusɔ amu. > >

25 Yesu lebla mu ɔbeɛ, < < Mɪgyi ɔha ání ntɔkusua aha tsu afulitɔ, ha amú nkpa. Ɔha ání ɔɔhɔ mɪ gyi owu kuraa a, ɔbétra tsia nkpa.

26 Ɔha ání otsie nkpa, ɔɔhɔ mɪ gyi ε móowu ekekekeke. Fahɔ músu gyi? > >

27 Marta lotsula músu ɔbeɛ, < < Ee! Mɪ Wie, nahogyiá fɔgyi Kristo (ɔha amuu Bulu lada mu ofuli). Bulu mu Bi amuu beɛ, ɔbéba ɔyitɔ amu nɪ. > >

Yesu Isu

28 Breá Marta leblɪ alɪ ta a, oleyinki ba woyitɔ betɪ Maria ya utsetɔ, bla mu ɔbeɛ, < < Osunapu laba, ɔde fu tɪ. > > **29** Maria lenya nu mú alɪ, ɔɔkusɔ yɔ Yesu wa. **30** (Alɪ bre amutɔ a, Yesu mɔkunya wie wulutɔ. Ɔlu ɔtine amuu Marta lɔyɔtu mu amu.) **31** Breá aha amuu butsie Maria wa woyitɔ, buɔe mu klun yia amu bowun ání alakusɔ ɔtsawule pe ɔyɔ a, bókusɔ buo mu. Bukɪ beɛ ɔyɔ opulakpa unu yosu.

32 Bréá Maria lowie Yesu wa a, ɔleda akpawunu, bla Yesu ɔbɛɛ,
< < Mɪ Wie, nɪ fubv nfi a, tɛkɪ mɪ pio mowu si mɪ! > >

33 Bréá Yesu lowun ání Maria mua aha amuv bubuo mu amv fée
budesu a, ɪlehɪe han mu. Mú sv mu ansi lɛpɛ. **34** Ɔlefite amú ɔbɛɛ,
< < Nkuvu mlɔlopula mu. > >

ɪnv bebla mu bɛɛ, < < Anɪ Wie, beki. > >

35 ɪnv Yesu losu. **36** Mú sv Yudafo amv bebli bɛɛ, < < Kɪ alɪá ɔtehɪe
dwe Lasaro! > >

37 Tame amúto aku bebli bɛɛ, < < Megyi oyin anfi lobwii ansibi
obwiepu amv ansibi nɪ. Ntogyi sv ɔmetalɪ kɪta Lasaro yai,
alawu? > >

Lasaro Kusua

38 Yesu ansi letra pɛ, ɔlenatɪ yɔ opulakpa uv. Ibwi-alato ɔbotɔ
bopula mu, bemina ibwi tin mú ɔnɔ. **39** ɪnv ɔlebla amú ɔbɛɛ,
< < Mlumina ibwi amv lɛ ɔbo amv ɔnɔ. > >

Tame owupu amv mu pio tsihe Marta lebla mu ɔbɛɛ, < < Mɪ Wie,
nde aná mú a, alayinta. Nde eke nasɪ ɔpá bopula mu. > >

40 Yesu lebla mu ɔbɛɛ, < < Mmɛbla fu mbɛɛ nɪ fohogyi a, fówun
alɪá Bulu ɪwɪ bu ifu? > > **41** ɪnv bemina ibwi amv lɛ ɔbo amv ɔnɔ.

Yesu lotsu ansi fua kɪ ɔsusu, bli ɔbɛɛ, < < Mɪ Sɪ, nɛda fu ɪpan ání
fanu mɪ ɔmɛ. **42** Nyin ání futonu mɪ mpai ekekegyiekɛ. Tame aha
anfi bulu nfi anfi sv nablɪ alɪ, menɪ bóhogyiá fulɔwa mɪ. > > **43** Bréá
ɔlɔbo mpai anfi ta a, ɔlɔkplɪn bli ɔbɛɛ, < < Lasaro, dalɪ ba! > >

Rolling stone from Lasarus' grave|CN01768B.TIF|span|JHN11:35-
44|David C. Cook Foundation|Yesu lɔkplɪn bli ɔbɛɛ, < < Lasaro, dalɪ
ba! > > |Yohane 11:43 **44** Lasaro ledalɪ a, tati klɪ mu ɪbɪ pú mu ayabi.
Duku ɛ klɪ mu ansitɔ. Yesu lebla amú ɔbɛɛ, < < Mɪsankɪ mu

$\omega_{\text{natl.}} > >$

Yesu Nwunsu Kiklɔ

45 Yudafo amu bobuo Maria ba nu amu bowun toá Yesu labwe. Mú su amú tsotsotsotso boho mu gyi. 46 Tame amúto aku boyo yebila Farisifo amu toá Yesu labwe. 47 Inunu Bulu igyi ahapu dehen pú Farisifo amu beti aba asun agyipu fia. Muu befite aba bee, < < Nkali abóbwe? Lele mú a, oyin anfi de osuna tsotsotsotso bwe. 48 Ni anumeka mu itin a, chagyicha obóho mu gyi. Ibéha Romafo béba bobwie aní Bulu otswekpa amu, yinta aní omá! > >

49 Tame amúto okuleá buteti mu Kaiafa, ogyi Bulu igyi chapu dehen
ofi amuto lebla amú obee, < < Mli mú mlumeyin olala!

50 Mlumakubiá ibv aláá obakule obówu aha fée nwunsu, dun ání omá
amuto aha fée béhi? > > 51 Megyi Kaiafa onuto agywun olapubli

asun anfi. Tame uná ofi amuto mugyi Bulu igyi chapu dehen su a,
igyi asun ání ɔleblɛ tswɪ ání ilehian ání Yesu obówu ha Yudafo ɔmá.

52 Megyi bæ ɔmá amv nkule pɛ sv obówu. Mboun alá ɔbékpa Bulu aha ání badasaun féé bowa abato, bóbwe ukule sv.

53 Tsu eke amu bɔwa agywun bwe ání bómo Yesu bi. **54** Inu su Yesu metra tsia le iwu ɔwan Yudafɔɔ. Mboun ɔlenati yɔ wulu kuá buteti mú Efraim, ání ibu dimbisu; mua mu akasipu amu betsia unu.

55 Bre amuto a, Yudafo nkeá bópugyi Israelfosu Katsun Nke amu lawie woyi ta. Aha tsotsotsotso botsu awulusu du ya Yerusalem aní boyogyura iwi asa nke amu ifun. **56** Breá boyo Bulu otswekpa wunsinesu unu a, bodunka aní bówun Yesu. Mú su befite aba bee, < <Nkali mlideki? Mlilahogyi mluaa, obéba nke anfito loo? > >

57 Tame bre amuto a, Bulu igyi ahapu dehen pu Farisifo amu babla
aha bee, ni oku owun otinea Yesu bu a, zha amu ibi, meni beyekuta

mu.

12

Proofread 03-07-09

Ofobi Fanfaanfan Pwulu Yesu

(Mateo 26:6-13; Marko 14:3-9)

1 Ilesí nkenzie abugyi Israelfosu Katsun Nke a, Yesu loyo Lasaro amuu ɔ́kɔsua tsu afulito amu wuluto Betania. **2** Mú ntupwesu bɔtswi ɔ́punu ha mu. Marta leye atogyihe ɔ́punu amu así. Lasaro mu aha amuu beti amu bɔwa ibi gyi ato Yesu wa. **3** Inu Maria loyu ofobi fanfaanfan ání ibi ibia prentua yile ɔ́bɔ betsei wuli Yesu ayabisu, ɔ́lopu mu nwunsu-imi tsitsi mú. Ofobi amu ɔ́fan loho woyi amuto féé.^c **4** Tame Yuda Iskariot, ogyi Yesu akasipu amuto ɔ́kule, ɔ́béle Yesu ha amu mú lebli ɔ́bée, **5** < < Ofobi anfi bu bia. Ntogyi su bumefe mú, pu kɔba amu ha ahianfo? Mú bia bóbwé ɔ́bakule ofi ɔ́kule ikaka. > > **6** Megyi ahianfo nwewun su Yuda de asun anfi bli. Owikplu ogyi su. Mu wa sika okentebi bu, otetsia wi iku le múto. **7** Yesu lebli ɔ́bée, < < Mlisi mu ɔ́pu ofobi anfi wuli mi ha mi opulake. **8** Ahianfo mú bétsia mli wa ekekegyieke, tame mi mú mméetsia mli wa yo. > >

Lasaro Nwunsu Kikli

9 Yudafɔ́ tsɔtsɔtsɔ bonuá Yesu laba Betania. Mú su begya ɔ́kpa yo mu ɔ́kikpa. Megyi mu nkule su boyo inu. Beyeki Lasaro amuu Yesu lokusua tsu afulito amu e. **10** Mú su Bulu igyi ahapu dehen amu bóbwé agywun bee, bómo Lasaro e. **11** Tsufe mu kusua tsu afulito su

^c12:3 Oyi kuá buteti *Naadi* nlin butɔ́pubwé ofobi amu.

Yudafɔ tsɔtsɔwtsɔ bɔdɛ ɔma yinki bɔhɔ Yesu gyi.

Bɔhɔ Yesu Fe Owie Yerusalem

(Mateo 21:1-11; Marko 11:1-11; Luka 19:28-40)

12 Oyikehe a, ɔdɔm amɔv baba nke ogyikpa amɔ bonuá Yesu ɔba Yerusalem. **13** Mú su beka mbla, bɔpu ɔkpa beyefia mu. Bɔdɛ okitikiti bɛɛ, < < Hosiana! Bulu oyula ɔha anfi ɔna anɔ Wie Bulu ɔdato ɔba anfi! Bulu oyula Israel Owie amɔ! > > Jesus rides into Jerusalem|CN01784B.TIF|span|JHN12:12-19|David C. Cook Foundation|Mú su beka mbla, bɔpu ɔkpa beyefia mu. // Bɔdɛ okitikiti bɛɛ, < < Hosiana > > |Yohane 12:13

14 Yesu lenya afrimu ɔkv, ɔlɔdu bian mɔsv, fe alíá bɔwanlɔn wa Bulu asuntɔ bɛɛ,

15 < < Sionfɔ, mɔmánya ifu!

Mɔ Wie dɔn afrimu ibisɔ ɔba a! > >

16 Yesu akasɔpu amɔ bumɔkɔsɔ nu asɔn anfi asɔ. Tame breá Bulu lɔkusua Yesu tsu afulitɔ, wa mu numnyam ɔma a, bekain ání bɔwanlɔn asɔn anfi tsu mu ɔwɔ. Mú bɔbwɛ ha mu a.

17 Aha ání bobuo Yesu breá ɔletɔ Lasaro fuli-ɔbɔtɔ, kusua mu tsu afulitɔ bɔyɔ mɔsv da asɔn anfi ɔkan. **18** ɔnɔ su ɔdɔm amɔ beyefia mu nɔ. Bonuá alabwɛ osuna anfi. **19** Farisifɔ amɔ bebla aba bɛɛ, < < Mɔlɔlawun ání anɔlabwɛ kasan. Mɔlɔkɔ, aha féé bayɔ bubuo mu o! > >

Grikifɔ Aku Bodunka Yesu

20 Grikifɔ aku bubu aha amɔv beba Bulu osumkpa Yerusalem Israelfɔsv Katsɔn Nke amɔtɔ. **21** Bɔyɔ Filipoá otsu Betsaida ání ɔbu Galilea ɔmátɔ wa yebla mu bɛɛ, < < Owie, anɔdekleá abɔwun Yesu. > >

22 Filipo lebla Andrea, mua munyo beyebla Yesu. **23** Yesu lebla amú ɔbee, < < Bre lafun ání bówá Nyankpusa-Mu-Bi amu numnyam. **24** Onɔkwali nde mli bla. Ní kpolibi mɔkuwie ɔbɔɔ, ikwe, plɔ a, kpoli ibi kule amu ken igyi. Tame ní ikwe, plɔ a, itɔbwe abi tsɔtsɔɔtsɔ. **25** Ní ɔku tɔdwe mu nkpa ɔyi anfitɔ a, ɔbóhuli mú. Ní ɔku ɛ tamadwe mu nkpa a, obénya nkpa ání itamata. **26** Ní mliɔ ɔku ɔbee mósum mí a, ilehian ání obóbuo mí, mení obétsia ɔtɔnéá mbu. Ní ɔku de mí sum a, mí Sɪ ɔbówá mu numnyam. > >

Yesu Lowu Iwɪ Asun Blɪ

27 Yesu loyɔ músu ɔbee, < < Sei a, asun de mí klɔn han! Amansu nébli? Blɪ ntɛbli mbɛɛ, Mí Sɪ, le mí tsu asun wunhe anfitɔ loo? O-o, mú su neba ní. **28** Mí Sɪ, wa fu iwɪ numnyam! > >

lnu a, ɔme ɔku lotsu ɔsusu ba ɔbee, < < Nawa mí iwɪ numnyam dodo. Nétra wa mú. > >

29 Breá ɔdɔm amuvu bulu lnu amu bonu ɔme amu a, bebli bee < < Ɔprada laputi. > > Aku ɛ bee, < < Bulu-ɔbɔpu labla mu asun! > >

30 lnu Yesu lebla amú ɔbee, < < Mli su ɔme anfi lalin, megyi mí. **31** Breá Bulu obégyi ɔyitɔfɔ asun ní. Breá Bulu ɔbékpli Ɔbunsam, ɔyisu ogyipu amu obiasu ní. **32** Tame mí mú a, ní beda mí manta oyikpalihesu, tsu mú lu a, nékpa aha féé ba mí iwɪ wa. > > **33** (Yesu lebli asun anfi pusuna lowu oduá mówu.)

34 lnu ɔdɔm amu befite mu bee, < < Aní mú anilonu tsu aní Mbla ɔwulu amutɔá Kristo, (ɔha amuvu Bulu lada mu ofuli amu) obétsia bre féé. Mú ntogyi su fudebli fee, ilehian ání béda Nyankpusa-Mu-Bi amu manta oyisu, tsu mú lu? Ma gyi Nyankpusa-Mu-Bi amu? > >

35 Yesu lebla amú ɔbee, < < Bre kpalobi ku pe ilasiá Wanki amu

ɔbétra tsia mli wa. Iníá Wanki amu tra ɔbu mli wa a, mlinati wanki amuto, mení owi méeta wa mli. Tsufe ɔha ání ɔna oklunto tamabi ɔtineá ɔyo. **36** Bre anfi wanki^d amu tra ɔbu mli wa a, mliho mu gyi, mení mlóbwé wanki amu abi. > >

Yudafɔ Yesu Máhogyi

Breá Yesu lebla amú asun anfi ta a, ɔlenati yeɣain. **37** Iníá ɔlɔbwé osuna tsɔtsɔɔtsɔ amú ansito o a, bumɔho mu gyi. **38** Iní leha Bulu ɔnɔsu ɔɔɔpu Yesaia asun amuu ɔlebli tswi dodo amu leba múto. Ɔbée, < < Aní Wie, ma laho asun amuu anilebli amusu gyi?

Ma aní Wie lale mu tumi suna? > >

39 Mú su bumetalí ho Yesu gyi, tsufe Yesaia letra bli ɔbée,

40 < < Aní Wie Bulu laha bumedewun,

bumede asun nu,

Mú su bumóowun ato,

bumóonu asun, mení bédamli ba mɪ wa,

nétsa amú ilo. > >

41 Yesaia lowun Yesu numnyam. Mú su ɔlebli asun anfi tsu mu iwi ni.

42 Mú o a, Yudafɔ ahande amu tsɔtsɔɔtsɔ boho mu gyi, tame bumele amú hogyi ɔwan. Tsufe benya ifuá Farisifo amu bébi amú, gya amú le amú ofiakpa. **43** Tsufe butekle bée, aha bukanfu amú dun ání Bulu ɔbékanfu amú.

Yesu Asun Bulu Ɔbópugyi Aha Asun

44 Yesu lokplun bli ɔbée, < < Megyi mɪ nkule ɔhagyicha ání ɔlɔho mɪ gyi dehogyi. Ɔha amuu ɔlɔwa mɪ sisi amu ε. **45** Ɔhagyicha ání ɔde

^d12:36 Yesu gyi Wanki amu.

mí wun de ðha amuv ðlwa mí sísí amv ε wun. 46 Naba ðyi anfito fe wankí. Fékí ðsulv anfisv iwankí, mení ðhagyíðha ání ðlðhó mí gyi méésin okluntó. 47 Ní ðkú onu mí asun, tame omegyí músú a, megyí mí ðbéha mv ipón. Tsufe mmeba asun ogyikpa. Aha nkpa ðhókpa neba. 48 ðha ání okina mí, ðmðhó mí asun ε bu asun ání bópuha mv ipón. Mí asun blihe amv íbéha mv ipón eke trahe amv. 49 Tsufe megyí mí onuto tumi nòputó. Mí Sí lwa mí sísí. Muleha mí asun ání mbli, pú alíá mbli mú. 50 Nyin ání mv asun amv íteha nkpa ání ítamata. Mú sv asun ání ðtowa mí bli koun ntebli. > >

13

Proofread 03-07-09

Akasípu Amv Ayabiasí Fwí

- 1 Asa béfi Israelfósv Katsun Nke amv gyi así a, Yesu lebiá mv bre lafun ání médalí ðyi anfito yó mv Sí wa. ðlðdwe aha amuv bugyi mv kle ðsulvsv nfi amv alí yófun mv owuke.
- 2 Mva mv akasípu amv befia ntupwe ató ogyikpa. Alí bre amutó a, ðbunsam lawuna wie Simon Iskariot mv bi Yuda kluntóá ðyele Yesu ha. 3 Yesu yin ání mv Sí lópu togyitó wa mv íbító. Oyin ání Bulu wa motsu ba, mv wa meyinki yó ní. 4 Mú sv ðelele íbí ðlepe amutó, ðlókúsv wóí mv atadíe tswí, tsu ðsan saba. 5 ðletsei ntsu wa onunwetó, olefi así ðde mv akasípu amv ayabiasí fwí. ðfwí ðmayin a, alapv mv osietó ðsan amv tsitsi mv ayabiasí. 6 Breá ílótú Simon Petro a, ðlefite Yesu ðbee, < <Mí Wie, fú ðbófwi mí ayabiasí? > >
- 7 Yesu lele mú ðnó ðbee, < <Fumóonu tó anfi ndébwé anfi así sei. ðma asa fóbonu mú así. > >
- 8 Muv Petro lebla mv ðbee, < <O-o! Mméesi afúfwí mí ayabiasí

εκεκεεκε. > >

Yesu lebla mu ɔbeε, < <Ni mmɔfwɪ fu ayabiasɪ a, fuméenya ogyikpa mɪ wa. > >

9 Simon Petro lebla mu ɔbeε, < <Mɪ Wie, megyi mɪ ayabi nkule. Wuna fwɪ mɪ ɪbɪ pú mɪ nwuntɔ ε. > >

10 Yesu lebla mu ɔbeε, < <ɔha ání alabie ntsu metra hian ntsubie. Mboun mu ayabiasɪ fwɪ pε, tsufe alalɪn dodo. Mɪ ɪwɪ lalɪn, tamε megyi mɪ fée. > > **11** (Yesu lebla mu alɪ, tsufe oyin ɔha ání ɔbéε mu ha. Mú sɔ ɔleblɪ ɔbeε, < <Megyi mɪ fée lalɪn > > nɪ.)

12 Bréá ɔɔfwɪ amú ayabiasɪ ta a, ɔlelatsu mu atadiε wa, yinki yetsia ɔpuɪv amu asɪ. Muɔ ɔlefite amú ɔbeε, < <Mɪlanu ɪtɔ anfi nabwε ha mɪ anfi asɪ? **13** Mɪtetɪ mɪ <Osunapu,> mɪtetɪ mɪ <Owie.> Mú ɔkpa nɪ, tsufe mú ngyi nɪ. **14** Nɪ miá ngyi mɪ osunapu pú mɪ Wie, nafwɪ mɪ ayabiasɪ a, muɪv ilehian ání mɪ ε mlófwɪ mɪ aba ayabiasɪ. **15** Nabwε suna mɪ, menɪ mlóbwε mú alɪ amuɔ nabwε mú ha mɪ amu. **16** ɔnɔkwali ndε mɪ bla. Osumpu ɔkuku mɔɔun mu wie. Alɪ ken sumbi ɔyɔpu mɔɔun ɔha ání ɔɔwa mu nɪ. **17** ɪniá mlɪlabɪ ɔnɔkwali anfi a, Bulu obóyula mɪ nɪ mlegyi músu.

18 < <Megyi mɪ fée ɪwɪ asun ndεblɪ. Tsufe nyin aha ání nale. Tamε lehian ání Bulu asun anfi ɪbéba mútɔ. Asun amu ɔbeε, <ɔha amuɔ miá muɪyɔ anide ɪbɪ wa ɔlepɛtɔ amu lakusu lu mɪsu. > **19** Nde mɪ bla sei asa ɪba, menɪ nɪ ɪba a, mlóhɔ mɪ gyi ání mɪgyi ɔha amuɔ mbεε ngyi amu nɪ. **20** ɔnɔkwali ndε mɪ bla. ɔhagyioha ání ɔɔhɔ ɔha ání nɔwa sumbi lahɔ mɪ. Alɪ ken ɔhagyioha ání ɔɔhɔ mɪ lahɔ mɪ Sɪ amu ɔɔwa mɪ sisi amu ε nɪ. > >

Yesu Le Ha

(Mateo 26:20-25; Marko 14:17-21; Luka 22:21-23)

21 Breá Yesu leblí asun anfi ta a, asun ihie de mu han mu klunto. Mú su olowuna kpa mú tati ɔbee, < <Onɔkwali nde mli bla, mli to ɔkule ɔbéle mi ha. > >

22 Akasipu amu bekpele ki aba ansito, tsufe bumeyin amúto ɔmuá ɔde. **23** Akasipu amuto ɔkuleá otsie manta Yesu, gyi ɔmuá Yesu tɛhie dwe ni. **24** Mú su Simon Petro lobun mu ansibi ɔbee, ɔfite mu ɔha ání ɔbéle mu ha.

25 Muu ɔkasipu amu leyinki kpisa Yesusu, fite mu ɔbee, < <Mi Wie, ma ɔbéle fu ha? > >

26 Yesu lebla mu ɔbee, < <ɔha amuu nébia bodobodo, puda oputsuto ha amu gyi mu ni. > > lnu olebia bodobodo puda oputsuto ha Yuda, ogyi Simon Iskariot mu bi. **27** Olenya ho mú alí, ɔbunsam lowie muto. Mú su Yesu lebla mu ɔbee, < <Bwe toá fudekleá fóbwe sasa! > > **28** Aha amuu butsie ɔpunu amu asi amuto ɔkuku mebi toá suá Yesu lebla mu asun anfi. **29** Amúto aku buki bee, Yuda gyi amú sikasu ɔkupu. Fiali Yesu de mu bla ɔbee, ɔyɔho atɔá bópu gyi nke amu, nte ɔpu toku ya ahianfo.

30 Yuda lenya ho bodobodo amu alí, ɔledali. Owi lata alí bre amu.

Mbla Pɔpwe

31 Yuda lenya dali obuto unu alí Yesu leblí ɔbee, < <Breá Mi, Nyankpusa-Mu-Bi anfi numnyam íbélun ɔwan ni. Bulu ɔbótsun misu le mu numnyam ɔwan. **32** Ni ɔtsun misu le mu numnyam ɔwan a, alí ken ɔbótsun mu iwisu le mi numnyam ɔwan ni. ɔbówa mi numnyam ununu. **33** Mi abi, mméetra tsia mli wa wa ɔpá. Mlódunka mi. Alí amuu nebla Yudafo ahande amu mbee, < Mluméetali ba ɔtineá nɔyo amu > a, alí ken nde mli bla mli e ni. **34** Mbla pɔpwe ndewa ha mli mbee, mlidwe aba. Alí amuu nɔdwe mli amu a, alí ken mli pu ɔdwe

amu dwe mli aba ni. **35** Ni mlide aba dwe a, ibósuna aha féeá mĩ akasipu mligyi. > >

Petro Ɔbóswu Ɔbee, Momeyin Yesu

(Mateo 26:31-35; Marko 14:27-31; Luka 22:31-34)

36 Simon Petro lefite Yesu Ɔbee, < < Mĩ Wie, nkunu foyɔ? > >
Yesu lele mú ɔno Ɔbee, < < Ɔtine amuu nɔyɔ amu a, fuméetali buo mĩ yɔ unu sei. Tame ɔma a, fóbobuo mĩ. > >

37 Petro lefite mu Ɔbee, < < Mĩ Wie, ntogyi su mméetali buo fu sei. Nówu fu su! > >

38 Yesu lefite mu Ɔbee, < < Fówu mĩ su? Ɔnɔkwali nde fu bla. Fóswu pu ibi wa ogya tse sa fee, fumeyin mĩ asa bate ɔbéle ɔno. > >

14

[Proofread 03-07-09](#)

Ɔsi Amu Wa Ɔkpa

1 Yesu lebla mu akasipu amu Ɔbee, < < Opuni mátsii mli. Mliho Bulu gyi, amlího mĩ gyi. **2** Otsiakpa tsɔtsɔtsɔ bu mĩ Sɪ woyito. Ni otsiakpa ma unu a, teki mmébla mli mbée neyela unu yai mli. **3** Ni nɔyɔ yela otsiakpa amu yai mli ta a, néyinki ba bekpa mli ya mĩ iwi wa, mení mlétsia ɔtineá mbu. **4** Mliyin ɔkpa ání ida yɔ ɔtine amuu nɔyɔ amu. > >

5 Inu Toma lefite mu Ɔbee, < < Mĩ Wie, animeyin ɔtineá foyɔ, nkali abóbwe abébi ɔkpa amu? > >

6 Yesu lele mú ɔno Ɔbee, < < Mligyi ɔkpa amu, ɔnɔkwali amu pú nkpa amu. Ɔhaa méetali yɔ mĩ Sɪ amu wa, nketi alatsun misu. **7** Ni mliyin mĩ lele a, teki mlilabi mĩ Sɪ amu ε. Tame sei mú mlilawun mu, mlilabi mu ε. > >

8 Filipino lebla mu ɔbɛɛ, < < Anɪ Wie, suna anɪ fu Si amv. Mú kpan tsɔ anɪ. > >

9 Yesu lefite mu ɔbɛɛ, < < Filipino! Mbu mli wa dodoodo. Mú su fɔmɔkubɪ mɪ? Ɔhagyɪcha ání alawun mɪ kɪ lawun mɪ Si amv. Ntogyi su fɔdɛblɪ fɛɛ, nsuna mli Ɔsi amv? **10** Fɔmohogyiá mbu mɪ Si amvɔ, mu ɛ ɔbu mɪɔ? Asun anfi nde mli bla anfi motsu mɪ onuto wa. Mboun mɪ Si amvɔ ɔbu mɪɔ amv de mu agyuma yɔ. **11** Nɪ nde mli bla mbɛɛ, mbu mɪ Si amvɔ, mu ɛ ɔbu mɪɔ a, mliɬɔ mɪ gyi. Nɪ mliɬɔɬɔ asun amvɔ gyi o a, ofula amvɔ ndɛbwe amv su mliɬɔ mɪ gyi. **12** Ɔnɔkwali nde mli bla. Ɔhagyɪcha ání ɔlɔɬɔ mɪ gyi a, ɔbɔbwe tɔá ndɛbwe. Ɔbɔbwe mú dɔn mɪ klɛ, tsufe mɪ mú nɔyɔ mɪ Si amv wa. **13** Nɔbwe togyitɔá mliɬɔkuli mɪ ɪdatɔ ha mli, menɪ nɔwa mɪ Si amv numnyam. **14** Nɪ mliɬɔkuli togyitɔ mɪ ɪdatɔ a, nɔbwe mú.

Ɔɛe Wankiɛ Amv lba

15 < < Nɪ mliɔɔdwe mɪ a, mliɛgyi mɪ mblasv. **16** Nɔkuli mɪ Si, ɔbɔpɔ Ɔma Ɔlupɔ bamba sisi mli. Ɔbéba betsia mli wa brɛ féé. **17** Mvgyi Ɔɛe Wankiɛ. Mutosuna ɔnɔkwaliá ɪbu Bulutɔ. Ɔyɪtɔ aha buméetali ɬɔ mu, tsufe bumede mu dunka. Buméebi mu ɛ, tame mli mú mliyin mu. Tsufe ɔbu mli wa, obétsia mliɔ. **18** < < Mméesi mli tswɪ fɛ awumbi. Néyinki ba mli wa. **19** ɬasi kpalobi ɔyɪtɔ aha buméetra wun mɪ, tame mli mú mliwun mɪ. ɬniá mbu nkpa su a, mli ɛ mliétsia nkpa. **20** Nɪ eke amv ɪfɔn a, mliébiá mbu mɪ Si amvɔ. Mli ɛ mliɔ mɪɔ, fɛ alɪ amvɔ mɪ ɛ mbu mliɔ amv. **21** < < Aha ání bɔde mɪ mblasv gyi a, amúgyi mɪ adwepu nɪ. Ɔhagyɪcha ání ɔɔɔdwe mɪ a, mɪ Si ɔbɔdwe mu. Mɪ ɛ nɔdwe mu, le mɪ ɪwɪ ɔwan suna mu. > >

22 Mvɔ Yuda (megyi Yuda Iskariot) lefite mu ɔbɛɛ, < < Mɪ Wie,

ntogyi su anɪ nkule pe féle iwɪ ɔwan suna, megyi ɔyɪtɔ aha féé? > >

23 Yesu lele mú ɔnɔ ɔbée, < <Nɪ ɔkɪ de mɪ dwe a, ɔbɔ́bwe dɪnka mɪ atosunahesu. Mɪ Sɪ ɔbɔ́dwe mu. Mɪa mɪ Sɪ amu nyɔ abéba betsia mu wa. **24** ɔha ání ɔtamadwe mɪ ɔmɔ́ɔbwe dɪnka mɪ atosunahesu. Asun anfi ndeblɪ mlɪdenu anfi motsu mɪ onuto wa. Mɪ Sɪ lɔwa mɪ, mu wa itsu.

25 < <Nde mlɪ asun anfi bla, sei anfi mbu mlɪ wa. **26** Tame ɔma ɔlupu, ogyi ɔɲe Wankɪhe amuu mɪ Sɪ ɔbɔ́pusɪ mɪ ɪdatɔ amu obósuna mlɪ togɪtɔ. ɔbékain mlɪ asungyiasun ání nebla mlɪ.

27 < <Iwilwii nde mlɪ ha! Napu mɪ iwilwii ha mlɪ. Megyi mú amuu ɔyɪtɔ́ɔ buteha amu odu. Mlɪmáha opuni itsii mlɪ. Ifu ε mákɪta mlɪ.

28 Nabla mlɪ bɔtsun mbée, ndenatɪ, tame néyinki ba mlɪ wa. Nɪ mlɪtɔ́dwe mɪ a, tekɪ mlénɪya ansigɪyá nɔyɔ mɪ Sɪ wa, tsufe ɔdun mɪ.

29 Nde mlɪ ɪnɪ féé bla yaɪ, menɪ nɪ ɪba mútɔ a, mlóhogyi. **30** Mméetra tɔɪ yɔ nkpa, tsufe ɔyɪsu ogyipu amu ɔba. ɔma tumi misu. **31** Ntonu mɪ Sɪ ɔme, menɪ ɔyɪtɔ́ɔ bébíá ntɔ́dwe mu.

< <Mlɪkusu anatɪ. > >

15

Proofread 03-07-09

Wain Oyi Onuto

1 Yesu leblɪ ɔbée, < <Mɪgyi wain ɪfla onuto. Mɪ Sɪ gyi mú ɔɔɔpu.

2 Bambigyibambiá ɪbu mɪ iwɪ, ɪtamaswie a, ɔtekpali mú tsitsa. Tame kugyikvá itoswie a, ɔtela mú wanklaan, menɪ ɪbóswie tsɔtsɔ́tsɔ́ dun.

3 Mɪ atosunahe anfi mlɪlanu anfi su mlɪ iwɪ latɪn dodo. **4** Mlɪtsia mɪtɔ, mɪ ε antsia mlɪtɔ. Bambi kukuvuku méetalɪ swie abi, nkɛtɪ ɪtsa mú oyɪsu bregyibre. Alɪ ken mlɪ ε mlɪméetalɪ swie abi, nkɛtɪ mlɪbu

mito ni.

5 < < Mligyi wain ifla amu. Mligyi mú abambi. Oha ání obu mito, mi é mbu mito obóswie abi tsotsotsotso, tsufe mliméetalí bwe tótótó tsun mi oma. Grape trellis|hk00112b.tif|span|JHN15:1-17|Horace Knowles, The Bible Society, London|Wain ifla mua mú abi ni.|Yohane 15:5 **6** Ohagyioha ání ometsie mito gyi fe bambiá bakpalí mú bun. Ibówulí, békpa mú wa ogya. **7** Ní mlitsie mito, mi asun é ibu mlito a, mléfite mi Si togyitá mlídekke, obéha mlí. **8** Ní mloswie abi tsotsotsotso a, ibówa mi Si numnyam. Mú obósuna ání mi akasipu mligyi ni. **9** Alí amuv mi Si tódwe mi amu a, alí ken mi é ntódwe mlí ni. Mlitsia mito, mení nódwe mlí yó. **10** Ní mlegyi mi mblasu a, nódwe mlí yó, fe alí amuv mi é ntegyi mi Si mblasu, otódwe mi yó amu.

11 < < Nabla mlí asun anfi féé, mení ansigyi amuv ibu mito amu bétsia mlito. Fówun ansi bégyi mlí wanklaan. **12** Mbla ání ndepuha mlí gyi; mlídwé aba fe alíá ntódwe mlí. **13** Odwe kuku mádun ání oku obówu mu nyawie nwunsu. **14** Ní mlegyi mi mblasu a, mi anyawie mligyi. **15** Mmétrá tí mlí mi asumpu. Tsufe osumpu meyin tóá mu wie debwe. Nde mliti mi anyawie, tsufe nabla mlí togyitá nonu tsu mi Si wa. **16** Megyi mlí lele mi. Mílele mlí yai mbée, mliyo amliyoswie abiá ibétsia bré féé, mení mi Si obéha mlí togyitá mlókulí mu mi idato. **17** Mbla ání ndewa ha mlí gyi, < Mlídwé aba. >

Aha Bólu Mlí

18 < < Ní oyitá aha búde mlí lu a, mlíkain ání mi begyankpa lu. **19** Ní oyitá aha mligyi a, tekí oyitá aha bódwe mlí fe amú abi. Tame nále mlí tsu oyitáfó, su mlimá amúto. Iní su oyitáfó butolu mlí ni. **20** Mlíkain asun amuv nebla mlí mbée, < Osumpu okuku mádun mu

wie > amusu. Nɪ aha budɪn mɪsʊ a, mɪ ɛ bédunka mɪsʊ. Nɪ begyi mɪ asunsʊ a, mɪ ɛ bégyi mɪ asunsʊ. **21** Tame mɪbʊ mɪ, sʊ bópu ɪnɪ fée gyi mɪ, tsufe bumeyin ɔha amusu ɔlɔwa mɪ amʊ. **22** Nɪ mməkubla amú asvansʊ a, tɛkɪ buma ɪpɔn kuku gyi. Tame sei anfi mú buma ɔnɔ le. **23** Ohagyɔha ání otolu mɪ tolu mɪ Sɪ ɛ. **24** Nabɔbwe agyuma ání ɔhaa məkubwe mú odu kɪ amúɔ. Nɪ bumɔpu amú ansibi wun mú a, tɛkɪ Bulu méɛha amú ɪpɔn. Bowun tɔá nɔbwe asa bude mia mɪ Sɪ lu. **25** Ilehian ání ibéba alɪ, menɪ asun amusu bɔwanlɪn wa amú Mblato bɛɛ, <Bolu mɪ kpaalɪ> amʊ ibéba múɔ.

26 <<Nówa ɔma ɔlupu obótsu mɪ Sɪ wa ba. Mɔgyi ɔɲɛ Wankɪhe amʊ. Mutosuna ɔnɔkwaliá ɪbʊ Bulutɔ. Obégyi mɪ ɪwɪ adansɛ. **27** Mɪ ɛ mlégyi mɪ ɪwɪ adansɛ, tsufe mlɪlatsia mɪ wa tsu bréá nefi atɔ suna asɪ.

16

Proofread 03-07-09

1 <<Nabla mɪ asun anfi fée, menɪ mluméedɪda hogyitɔ. **2** Yudafo ahandɛ bégya mɪ le amú ofiakpa. Brɛ kʊ kuraa ibéba ání aha bómo mɪ, susu bɛɛ Bulu agyuma budeɔ. **3** Bópu ɪnɪ gyi mɪ, tsufe buməkubɪ mɪ nte mɪ Sɪ amʊ. **4** Tame nabla mɪ asun anfi, menɪ nɪ ɪba a, mlékain ání nebla mɪ yaɪ.

ɔɲɛ Wankɪhe Gyumagyihe

<<Mməkɔsɪ bla mɪ asun anfi, tsufe mbʊ mɪ wa. **5** Tame sei ndɛ mɪ bla, tsufe nɔɔ ɔha amusu ɔlɔwa mɪ sɪsɪ amʊ wa. Tame mlɪtɔ ɔkuku mɛfite mɪ ɔbɛɛ, <Nkʊnʊ fɔɔɔ.> **6** ɪnɪá nabla mɪ asun anfi sʊ a, awɪrɛhɔ lahiɛ kɪta mɪ. **7** Tame ndɛ mɪ ɔnɔkwali bla. ɔkla lawa mɪ ogya ání nɔɔ. Tsufe nɪ mmɔɔ a, ɔma ɔlupu amʊ ɔméeba mɪ wa.

Tame ni nɔyɔ a, nɔpu mu sisi mli. **8** Ni ɔba a, ɔbɛle suna ɔyito aha anɔ lakpanbwe su bafwi. ɔbɛle toa igyi Bulu yilebwe pu mu asungyi e suna amɔ. **9** Bɛbia musu mahogyi igyi lakpan. **10** Bɛbi toa igyi Bulu yilebwe, tsufe nɔyɔ mi Si wa, mlimɛetra wun mi ekekeke. **11** Bɛbi toa igyi Bulu asungyi, tsufe Bulu laha ɔbunsam, ogyi ɔyisu ogyipu amu ipɔn dodo.

12 < < Mbu asun tsɔtsɔtsɔa nɛbla mli, tame mlimɛetali nu mu fee asi sei. **13** ɔge Wankihe amu tosuna ɔɔkwalia ibu Buluto. Ni ɔba a, ɔbɛle asun anɔ igyi ɔɔkwali fee suna mli. Tsufe megyi mu onuto tumito ɔbotɔ, mboun ɔɛbli asun kugyikuva olonu. ɔɛbla mli mua ibeba e. **14** ɔge amu ɔɔwa mi numnyam, tsufe ɔɛbla mli asun anɔ ntebli. **15** Togyitɔa mi Si bu a, mi bu. Mu su nabra mli mbee, ɔge amu ɔɛbla mli asun anɔ ntebli ni.

Akasipu Amu Awireho Pu Ansigyɔ

16 < < lasi kpalobi mlimɛetra wun mi, tame umowa ɔpa kuku mlɛlawun mi. > >

17 Akasipu amuto aku befite aba bee, < < Ngya nto asun ni? ɔbee, lasi kpalobi, anumɛetra wun mu, tame umowa ɔpa kuku, abɛlawun mu. ɔɛbli e ɔbee, < Nɔyɔ mi Si wa. > **18** < lasi kpalobi > anfi asi me? Animede asun anfi ɔɛbli anfi asi nu. > >

19 Yesu lebia akasipu amu budekle abufite mu asun amuto. Mu su ɔlebla amɔ ɔbee, < < Bli ndɛbli mbee, lasi kpalobi mlimɛetra wun mi. Tame umowa ɔpa kuku mlɛlawun mi. Inɔ mlɛde aba fite ni?

20 ɔɔkwali nde mli bla. Mlosu kpisi, tame ɔyito aha mu benya ansigyɔ. Mlegyi awireho, tame mli awirehogyi amu ibeba bemli ansigyɔ. **21** Ni ikwu de ɔtsi dwiin a, ahumiti tekita mu, tsufe mu iwɔsun wunbi lafun. Tame onya kwu ta pe ɔtetan mu iwɔsun amusu,

tsufe anɔ de mu gyi ání makwu obi wa ɔyɛtɔ. **22** Alɛ ken igyi ha mli nɛ. Ahumɛtɛ de mli sei, tame nɛlawun mli. Mú su mléhiɛ nya ansigyiá ɔhaa méɛtalɛ ka mli itin.

23 < < Alɛ ɛke amu a, mli méɛtra kuli mi tɔtɔtɔ. Ɔnɔkwali nde mli bla. Togyitɔ́á mlókuli mi Si mi ɛdatɔ a, ɔbéha mli. **24** Bɔtu nde mli mɔkufite tɔtɔtɔ mi ɛdatɔ. Mlifite, ɔbéha mli, menɛ ibéhiɛ wa mli ansigyi.

Yesu Ɔyɛsu Gyi

25 < < Nde mli asun anfi bla ayebisu, tame bre ku béba, mméetra tɔ ayebisu. Nówuna kpa mi Si asun tati suna mli. **26** Tsu bre amusu puya a, mlókuli mi Si amu atɔ mi ɛdatɔ. Mmedeblɛ mbeɛ, mi ɔbókuli mu atɔ ha mli. **27** Tsufe mi Si amu onuto tɔdwe mli. Ɔtɔdwe mli, tsufe mli tɔdwe mi, mlilahogyi ání notsu mu wa. **28** Mi Si wa notsu ba ɔyɛtɔ. Sei a, ndeyinki tsu ɔyɛtɔ nɔyɔ mi Si amu wa. > >

29 Inu akasipu amu bebla mu beɛ, < < Ehen! Sei mú a, futra fumedetɔ ayebisu. **30** Sei mú anɛlabiá fuyin togyitɔ. Mú su mehian ání ɔhaa ɔbétra fite fu asvansu. Inɛ laha anɛlahogyi ání lele fotsu Bulu wa. > >

31 Yesu lefite amú ɔbeɛ, < < Sei mú mlilahogyi? **32** Bre ku iba. Ulafun ta, mlédasun. Mli tɔ okugyiɔku ɔbóyɔ mu otsukpa si mi. Tame iméesi mi nkule, tsufe mi Si amu bu mi wa. **33** Nabla mli asun anfi féé, menɛ mlótsun misu nya iwilwii. Mlówun iwɛɛsun ɔyi anfitɔ, tame mliwa klun, tsufe nagyi ɔyɛsu dodo! > >

17

Proofread 03-07-09

Yesu Mpaɛ Bɔ Mu Akasipu Nwunsu

1 Yesu lebli asun anfi ta, olotsu ansí fua kí osusu bɔ mpai ɔbɛɛ,
< < Oo mɪ Sɪ, brɛ lafun. Wa mɪ numnyam, menɪ mɪ ɛ nɔ́wa fu
numnyam. **2** Tsufe feha mɪ tumi aha féésu, ání nha aha ání feha mɪ
féé nkpa ání itamata. **3** Nkpa ání itamata amu gyi, bubɪ fu Bulu
ɔ́nɔkwaliɖu ɔ́kukunu ɔ́kule pɛ anfi, abubɪ mɪ Yesu Kristo anfi fɔ́pusisi
ɔ́yito anfi. **4** Nawa fu numnyam ɔ́sulu anfisɔ, tsufe namɔ agyuma
amuu fɔ́puha mɪ amu féé ɔ́nɔ. **5** Mɪ Sɪ! Wa mɪ numnyam fu ansito
ngya, fe alɪ amuu mbu mú fu wa yai asa fɔ́bwe ɔ́yi amu.

6 < < Nale fu suna aha amuu féle ɔ́yito ha mɪ amu. Fubu amú, fɔ́pu
amú ha mɪ, bagyi fu asunsu. **7** Sei babíá togyitoá mbu itsu fu wa.
8 Tsufe nabla amú asun ání fɔ́puha mɪ féé, banu. Babíá lele fu wa
notsu, bahogyi ání fulɔ́wa mɪ.

9 < < Nde fu kokoli ha amú. Megyi ɔ́yito aha féé nde mpai bɔ ha.
Mboun aha amuu fɔ́puha mɪ amu, tsufe fubu amú. **10** Mɪ kle igyi fu
kle, fu kle ɛ igyi mɪ kle. Fatsun amúsu le mɪ numnyam ɔ́wan. **11** Neba
fu wa sei. Mméetra tsia ɔ́yito, tame amú mú bubu ɔ́yito. Mɪ Sɪ
Wankɪhe, pu fu ida amuu fɔ́puha mɪ amu tumi kí amúsu, menɪ bóɔ́bwe
kule fe alɪ amuu mia funyo angyi kule amu. **12** Breá mbu amú wa a,
nekita amú wanklaan, ida amuu fɔ́puha mɪ amu tumito. Nele ansi kíta
amú wanklaan. Mmeha amúto ɔ́kuku mɔ́fwɪ, dun ɔ́muamuu ida yai
ání ɔ́béhi amu. Fekɪ Bulu asun wanlinhe amu ibéba múto. **13** Neba fu
wa sei. Tame brɛ anfi ntra mbu ɔ́yito nfi nde asun anfi bli, menɪ
bénya ansigyí fe alɪ amuu mɪ ɛ mbu ansigyito amu. **14** Nabla amú
asun amuu febla mɪ amu. Mú su ɔ́yito aha bude amú lu, tsufe butra
bumegyí ɔ́yitofo, fe alɪ amuu mɪ ɛ mmegyí ɔ́yitoyin amu.

15 Mmedebli mbɛɛ, fule amú le ɔ́yito. Mboun mbɛɛ fukɪ amúsu

wanklaan, mení bumóowie lalahe ɔbwepu^e amu ibito. **16** Alí amuu mmegyi ɔyitoyin ngyi amu a, alí amú ε bumegyi ɔyitofo ní. **17** Fu asun amu gyi ɔnɔkwali. Tsun mūsu afupu amú bwe fu kle. **18** Alí amuu fowa mí sisi ɔyito amu a, alí mí ε nawa amú sisi ní. **19** Amú su nɔpu ɪwɪ ha fu, mení amú ε bótsun ɔnɔkwali amusu mli fu kle.

20 < < Megyi mí akasipu amu nkule nde mpai bó ha. Mboun aha ání bótsun amú atosunahesu hó mí gyi féé ε ndebó ha. **21** Nde mpai bó mbée, amú féé bubwe kule. Mí Sɪ, alí amuu fubu mító, mí ε mbu futó amu a, ha amú ε abutsia anito alí ken, fówun ɔyito aha bóhogyi ání fulowa mí sisi ɔyito. **22** Nawa aha anfi numnyam amuu fowa mí amu, mení bóbwé kule fé aliá ntsu tamatsun mia funyɔ nsine. **23** Mbu amúto fé aliá fubu mító, mení bóbwé kule, ntsu móɔtsun amú nsine. Ní iba alí a, ɔyito aha bébiá fulowa mí, futódwe amú fé alí amuu futódwe mí amu.

24 < < Mí Sɪ! Ndekle mbée, aha amuu fɔpuha mí amu bétsia mí wa ɔtine amuu mbu amu. Fówun bówun numnyam amuu fowa mí amu, tsufe futódwe mí asa fóbwe ɔyi. **25** Mí Sɪ Yile ɔbwepu! ɔyitofo bumebi fu, tame mí mu nyin fu. Aha anfi ε buyin ání fulowa mí sisi ɔyito. **26** Nele fu suna amú. Nétra le fu suna amú. Fówun ɔdwe amuu futódwe mí amu itsia amúto, mení mí ε nétsia amúto. > >

18

Proofread 03-07-09

Yesu Kita

(Mateo 26:47-56; Marko 14:43-50; Luka 22:47-53)

^e17:15 ɔbunsam gyi lalahe ɔbwepu.

1 Yesu lɔbɔ mpai anfi ta a, mua mu akasipu amu benati yɔtsun Kidron tsonkolito wie ndobi kuto. **2** Yuda amuu ɔlele Yesu ha amu e yin ndobi amuto, tsufe Yesu mua mu akasipu butetsia yefia unu. **3** Mú su Yuda lekpa Romafo isa akɔpu pú Bulu ɔtswekpa agyopu akuá Bulu igyi ahapu dehen pú Farisifo bɔwa, bɔyɔ unu. Bude mbia, nkandie pú akoto. **4** Iníá Yesu yin tɔá iba musu su a, ɔledali fia amú, fite amú ɔbee, < <Ma mlidedunka? > >

5 Bele mú ɔno bee, < <Yesu Nasaretyin amu. > >

Yesu lebla amú ɔbee, < <Mi ni. > >

(Yuda amuu ɔde mu le ha amu e lu amú wa unu.) **6** Breá Yesu lebla amú ɔbee, < <Mi ni! > > a, besanki yedida lala kpla. **7** Yesu lelafite amú ɔbee, < <Mbee, ma mlidedunka? > >

Bebla mu bee, < <Yesu Nasaretyin amu. > >

8 Yesu lebla amú ɔbee, < <Naku bla mli mbee, mi ni. Mú su ni mi mlidedunka mú a, mliha aha anfi abunati. > > **9** (ɔlebla amú alí, mení asun amuu ɔlebli amu ibéba múto. ɔbee, < <Aha amuu fɔpuha mi amuto ɔkuku mɔfwí. > >)

10 Inu a, Simon Petro de ɔdayi ɔya anyɔ. ɔlebuti mú le, kpa Bulu igyi ɔhapu dehen osumpu gyɔpi isu. Osumpu amu ida gyi Malkus.

11 Yesu lebla Petro ɔbee, < <Sankia fu ɔdayi wa mú ɔfletɔ! Imehian ání nówun iwɔsun ání mi Sɪ laha mi ɔbee nwun loo? > >

Yesu Kpa Ya Hana

(Mateo 26:57-58; Marko 14:53-54; Luka 22:54)

12 Inu isa akɔpu amu, amú ɔhande pú Bulu ɔtswekpa agyopu amu bekita Yesu, kɪ mu ibi. **13** Begyankpa kpa mu ya Kaiafa mu sia Hana. Kaiafa gyi Bulu igyi ɔhapu dehen ofi amuto ni. **14** Mulebla Yudafo ahande amu ɔbee, ibu aleá ɔbakule obówu aha féé nwunsu ni.

Petro Lekina Yesu

(Mateo 26:69-70; Marko 14:66-68; Luka 22:55-57)

15 Simon Petro mua ɔkasɩv bamba bobuo Yesu. Bulu igyi ɔhapv dehen amv yin ɔkasɩv bamba anfi wanklaan. Mú sv olobuo Yesu bitiwie Bulu igyi ɔhapv dehen amv woyitɔ. **16** Tame Petro mú lesi ɔlu woyi amv ɔnɔ. ɔkasɩv bamba anfi oyin Bulu igyi ɔhapv dehen anfi ledalɩ yɛbla otsibi ɔkuá ɔde woyi amv ɔnɔ gyo, ɔlekpa Petro ba woyi amutɔ. **17** Otsibi amv lefite Petro ɔbɛɛ, < <Megyi oyin amv akasɩv amutɔ ɔku fugyi? > >

Petro lele mú ɔnɔ ɔbɛɛ, < <Ekɛkɛkɛ. Mma amutɔ. > >

18 Atsalɩ bu unv. Mú sv asumpv pú agyopv amv bɔduda ogya, bulu mú asɩ. Petro ɛ leyɛlu amú wa, ɔde ogya amv nun.

Bulu Igyi ɔhapv Dehen Lefite Yesu Asun

(Mateo 26:59-66; Marko 14:55-64; Luka 22:66-71)

19 Bulu igyi ɔhapv dehen amv lefite Yesu asun, tsu mv akasɩv pú mú atosunahe iwɩ. **20** Yesu lele mú ɔnɔ ɔbɛɛ, < <Aha ansitɔ nelu blɩ mɩ asun féé. Netsia suna atɔ Yudafo ofiakpa pú Bulu ɔtswekpa, ɔtineá aha féé butefia. Mmɛblɩ asvansv ɣaintɔ. **21** Ntogyi sv fude mɩ asun anfi fite. Fite aha ání bonu asun ání neblɩ. Amúyin asun ání neblɩ. > >

22 Breá Yesu leblɩ asun anfi a, unv agyopv amutɔ ɔkuleá ɔlu manta mv leda mv isutɔ, fite mv ɔbɛɛ, < <Alɩ féle Bulu igyi ɔhapv dehen asun ɔnɔ nɩ? > >

23 Yesu lebla mv ɔbɛɛ, < <Nɩ nablɩ asukpan a, le mú blɩ ɔhagyɔcha onu. Tame nɩ ɔnɔkwali nablɩ a, ntogyi sv fude mɩ da? > >

24 Yesu tra ɔda ɔfetɔ, ɔhande Hana lɔpv mv sisi Bulu igyi ɔhapv dehen Kaiafa.

Petro Letra Kina Yesu

(Mateo 26:71-75; Marko 14:69-72; Luka 22:58-62)

25 Simon Petro tra ɔlu ogya amu asi, ɔku lefite mu ɔbɛɛ, < < Megyi oyin anfi akasipu amuto ɔkule fɔgyi? > >

Petro lɔswu ɔbɛɛ, < < Ekekekeke. Mma amuto! > >

26 Bulu igyi ɔhapu dehen amu osumpu ɔku, ogyi ɔha amuu Petro lekpa mu isu kule amu mu pio lefite Petro ɔbɛɛ, < < Megyi fua munyo nowun ndobi amuto ni? > >

27 Petro letra swu pu ibi wa ogya. Inunu bate lɔbɔn.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

28 Oyikehe bake-bake a, bekpa Yesu tsu Kaiafa woyito ya Roma ɔhandeá ɔde Yudea ɔmasu gyi woyito. Yudafɔ ahande amu bumedekleá bɔpu ifin da iwi. Mú su bumebitiwie woyito unu. Tsufe budekleá béki ání amú iwi letin, mení bétali gyi Israelfɔsu Katsun Nke amu.^f Jesus Before Pilate|DN00490b.tif|span|JHN 18:28-40|Darwin Dunham, United Bible Societies, Nairobi|Yesu kpa ya Pilato ni.|Yohane 18:28 **29** Mú alí su Pilato ledali ba kpankpa befite amú ɔbɛɛ, < < Amansu mlibu bli tsu oyin anfi iwi? > >

30 Bebla mu bɛɛ, < < Ni ɔha anfi mɔkubwe lakpan a, tekí animekpa mu ba fu. > >

31 Pilato lebla amú ɔbɛɛ, < < Mumu mlíkpa mu ya, amlíyegyí mu asun mli mbla ɔno. > >

Yudafɔ ahande amu bele mú ɔno bɛɛ, < < Animá ɔkpa mɔ ɔha. > >

32 (Asun anfi leba muto, mení asun amuu Yesu lebli tsu mu lowuá

^f**18:28** Ni fowie ɔha ání omegyí Yudayin woyito a, ifin lada fu.

obówu ɪwɪ amu ɪbéba mútɔ.)

33 Inu Pilato leyinki wie woyitɔ. Muv ɔletɪ Yesu, fite mu ɔbɛɛ,
< < Fugyi Yudafo owie amu ni? > >

34 Yesu lele mú ɔno ɔbɛɛ, < < Fu onuto asun fitehe igyi, nte aku
labla fu mɪ ɪwɪ asun? > >

35 Pilato lele mú ɔno ɔbɛɛ, < < Yudayin ngyi? Fu onuto aha pú Bulu
igyi ahapu dehen lekpa fu ba mɪ. Ntɔ fabwe? > >

36 Yesu lebla mu ɔbɛɛ, < < Megyi ɔyi anfitɔ ndɛ iwie gyi. Nɪ ɔyi
anfitɔ a, tekɪ mɪ abuopu bóko ho mɪ, bumécha bumóɔpu mɪ wa
Yudafo ahandɛ ɪbitɔ. Tame megyi ɔyi anfitɔ ndɛ iwie gyi! > >

37 Pilato lefite mu ɔbɛɛ, < < Mumu yɛɛ owie fugyi a? > >

Yesu lele mú ɔno ɔbɛɛ, < < Ɔnoƙwalɪ fablɪ fɛɛ, Owie ngyi. Mɪ a,
bɔkwu mɪ neba ɔyi anfitɔ́a mba ambegyi ɔnoƙwalɪ amu ɪwɪ adansɛ.
Ɔhagyiɔha ání ogyi Ɔnoƙwalɪ amu kle tɛyaa asu nu mɪ ɔmɛ. > >

38 Pilato lefite mu ɔbɛɛ, < < Ntɔ gyi ɔnoƙwalɪ amu? > >

Pilato Ɔkpaha Ání Bumo Yesu

(Mateo 27:15-31; Marko 15:6-20; Luka 23:13-25)

Pilato leblɪ asun anfi ta a, ɔletra dalɪ yɔ Yudafo amu wa woyi-ɔno
inu. Ɔlebla amú ɔbɛɛ, < < Mmɔkwun lalaha kukubuvá nópuha oyin
anfi upon. **39** Tame mɪ amandɛ ɔno a, ntesi obu ɔɔɪpu ɔkule ha mɪ
Katsun Nke kugyikutɔ. Mɪdekle mɪtaa, nsi Yudafo Owie anfi ha
mɪ? > >

40 Bɔkplun le mú ɔno bɛɛ, < < Ekekeke! Megyi mu. Si Baraba ha
anu. > > (Ogyo otswapu Baraba ɛ gyi).

1 Inu Pilato leha bekpa Yesu ya, yepiti mu ato wanklaan. **2** Isa akopu amu bolu obungyo-awu, bwe mu owiepa bun mu nwun, bowa mu liga pepe ku. **3** Inu benati bwe mu ahinla bee, < <Yudafɔ Owie, fu nkpasu onlinsu!> > Fɔwun bada mu usuto kpa.

4 Pilato letra dali yo woyi-onɔ inu yebila amɔ bee, < <Nakpa mu neba mli, amliwun ani mmakuwun lalahe kuku mu iwi.> > **5** Breá Yesu ledali ba a, obungyo-awu ipa amu bun mu nwun, olowa liga pepe amu. Pilato lebila amɔ bee, < <Mu ni!> >

6 Bulu igyi ahapu dehen pu Bulu otswekpa agyopu amu benya wun mu pe, bosura okitikiti bli bee, < <Da mu manta oyikpalihesu! Da mu manta oyikpalihesu!> >

Pilato lebila amɔ bee, < <Mli onuto mlíkpa mu ya, amliyeda mu manta oyikpalihesu. Mi mu mmakuwun lalahe kuku mu iwiá nɔpuha mu ipɔn.> >

7 Yudafɔ amu bebla mu bee, < <Ani mbla onɔ a, ilehian ani obɔwu. Tsufe olebli bee, Bulu mu Bi mugyi.> >

8 Breá Pilato lonu asun anfi a, ifu letra kuta mu tsia muto.

9 Oleyinki yo mu woyito yefite Yesu bee, < <Nkunu fotsu?> >

Tame Yesu mekpla mu. **10** Mu su Pilato lefite mu bee, < <Fumeeekpla mi? Fumeyin ani mbu tumia netali si fu nte netali ha beda fu manta oyikpalihesu mo fu?> >

11 Yesu lele mu onɔ bee, < <Ni megyi Bulu leha fu okpa a, teki fuma tumi kuku misu. Inu su cha amu olɔpu mi wa fu ibito amu lakpan dun fu kle.> >

12 Pilato lonu asun anfi a, olekle osi Yesu. Tame Yudafɔ amu bosura okitikiti kuklukuu bli bee, < <Ni fesi cha anfi a, mumu megyi Roma

owie dehen⁸ mu nyawie fugyi. Tsufe dhagyioha ání òblí òbée owie mugyi lakusu lu Roma owie dehensu! > >

13 Breá Pilato lonu asun anfi a, òlekpa Yesu dali ba kpankpa, tsia mu asungyi obia ání itsie òtunekvá bopu abwi bwe unu, buteti unu < <Abwito> > su. (Buteti unu < <Gabata> > Hebri òblito.) **14** Eke amu igyi ogya odudake ha Israelfosu Katsun Nke. Ibóbwe fe opa doduanyoto a, Pilato lebla Yudafo amu obée, < <Mli Owie amu nu!> >

15 Bosura okitikiti bée, < <Kpa mu ya, kpa mu ya, afuyeda mu manta oyikpalihesu.> >

Pilato lefite amú obée, < <Nda mli owie manta oyikpalihesu?> >
Bulu igyi ahapu dehen amu bebla mu bée, < <Animá owie okuku dun Roma owie dehen!> >

16 Inu Pilato lesi Yesu ha amú obée, buyeda mu manta oyikpalihesu.

Yesu Da Manta Oyikpalihesu

(Mateo 27:32-44; Marko 15:21-32; Luka 23:26-43)

Isa akopu amu bekpa Yesu nati. **17** Mu onuto olotsu mu oyikpalihé dinka mu nkanta alu yowie òtunekvá buteti unu < <Nwun Okokobi Otsiakpa.> > (Buteti unu < <Golgota> > Hebri òblito.) **18** Beda Yesu manta oyikpalihesu unu, beda ayin abanyo aku e manta nyikpalihesu mu wa unu. Okule bu Yesu binasu, okule e bu mu gyopisu, Yesu bu amú nsune. **19** Pilato lwanlun asun manta oyikpalihé amu awunsu. Asun amu gyi, < <YESU NASARETYIN, YUDAFÓ OWIE.> > **20** Yudafo tsotsóotsó bekla asun wanlinhe anfi. Tsufe otine

⁸**19:12** Roma Owie dehen gyi Kaesare.

amuv beda Yesu manta oyikpalihesu amu ibu manta Yerusalem.

Ɔleha bɔwanlɔn asun amu Hebri ɔbli, Roma ɔbli pɔ Griki ɔblito.

21 Bulu igyi ahapu dehen amu bebla Pilato bee, < < Mɔ́wanlɔn fee,
< Yudafo Owie. > Mboun wanlɔn fee, < Oyin anfi ɔbee, mɔgyi Yudafo
Owie. > > >

22 Pilato lebla amú ɔbee, < < Múá nawanlɔn a, nawanlɔn mú
dodo. > >

23 Ilsa akɔpu amu beda Yesu manta oyikpalihɛ amusu ta a, botsu
mu atadie, beye múto aku ana. Okugyioku kle kule. Botsu mu atadie
tɔntɔn ání bɔlu mú tsu ɔsusu beyi asi ɛ. **24** Inu bebla aba bee,
< < Mlumáha abali atadie anfi múto. Mliha atswi abi ki bee, ma
obénya mú. > > Asun anfi leba, menɔ Bulu asun amuv bɔwanlɔn tswi
bee,

< < Beye mi atadieto,

bɔtswi abi mi tintinsu > > amu ibéba múto.

Ilsa akɔpu amu bɔbwe dɔnka músu.

25 Yesu mu yin, mu yin mu pio tsihe Maria, ogyi Klopa mu ka pɔ
Magdalayintse Maria bulu oyikpalihɛ amu asi. **26** Breá Yesu lowun
mu yin pɔ mu ɔkasɔpu amuv ɔtehiɛ dwe amu, bulu manta inu a,
ɔlebla mu yin ɔbee, < < Amú yin, fu bi ni. > >

27 Muv ɔlebla ɔkasɔpu amu ɛ ɔbee, < < Fu yin ni. > > Tsu eke amu
a, ɔkasɔpu amu lekpa mu ya mu woyito.

Yesu Lowu

(Mateo 27:45-56; Marko 15:33-41; Luka 23:44-49)

28 Inɔ ɔma a, Yesu lowun ání mu agyuma lamɔ ɔno. Muv ɔlebli
ɔbee, < < Ɔmewuli de mi. > > Inɔ leha Bulu asun amuv bɔwanlɔn
tswi amu ileba múto.

29 Onunwe ku tsie unu, nta ɔdai ɔbo mú. Isa akɔpu amu boɔpu ɔsapa da nta amuto pusian ayɔi oyisu, tsu mú fua yetin mu ɔno. **30** Yesu lekɔkɔpɔ mú me. Inu ɔleɔli ɔbeɛ, < < ɔlata! > > Muu oloko nwunto wa, ɔleɛ ɔɔɛ a.

Yesu Abinto Ato Wo

31 Eke amu igyi Fieda. Mú ɔyikehe igyi ɔkpunu ɔdake kpɔnkɔntɔ ha Yudafo. Mú su bumekleá aha amu busian nyikpalihe amusu yɔfun owi tahe.^h Mú su bɔkɔli Pilato ɔkpa beɛ, ɔha mu isa akɔpu abuyebiabia amú ayabi, menɔ bɔkɔsi wu, fówun béle amú tsu nyikpalihe amusu asa owi ɔta. **32** Mú su bɔyɔ yebiabia ayin abanyɔ amu ayabi. **33** Tame breá bowie Yesu wa a, bowun ání alawu dodo. Mú su bumebia mu ayabi. **34** Tame isa akɔpu amuto ɔkɔle lɔpu mu pia wo Yesu abinto, ntsu mu obugya lefen dali. **35** (ɔha amuu olowun mú amu legyi mú ɔwi adansiɛ, fówun mli ɛ mlóhogyi. Megyi afunu igyi. Oyin ání ɔnɔkwali asun mudɛbli.) **36** Inɔ fée leba múto, menɔ Bulu asun amuu bɔwanlin tswi beɛ, < < Buméebia mu iwu kukɔkɔ > > amu ɔbéba múto. **37** Bulu asun wanlinhe amu ken leɔli ɔbeɛ, < < Béki ɔha amuu bɔwo mu abinto pia amu. > >

Yesu Pula

(Mateo 27:57-61; Marko 15:42-47; Luka 23:50-56)

38 Inɔ fée ɔma a, Arimateayin Yosef leba bokokoli Pilato ɔbeɛ, ɔpu Yesu fuli amu ha mu. (Yosef anfi buo Yesu ɔaintɔ, tsufe ɔde Yudafo ahande amu ifu nya.) Pilato leha mu ɔkpa. Mú su Yosef leyeye Yesu fuli amu oyopula. **39** Nikodemo amuu ɔleba Yesu wa eke ɔku onye

^h**19:31** Yudafo ɔkpunu ɔdake tefi asɔ tsu owi tahe.

amu ε leba. Olɔpu afa fanfaanfan aku anyɔⁱ ání bɔkwe mú wa abato tsɔtsɔtsɔ ba. Mú odwin bɔ́bwe kilo advasa (30). 40 Ayin anfi bɔpu ɔhrada kíkí afa amu manta fuli amu ɪwɪ fɛ alíá Yudafo butɔbwe amú afuli asa butopula amú. 41 Ndobí kú ɪbú manta ɔtɪne amuvu bɛda Yesu manta oyikpalihesu amu. Boloti butato bwe mú fuli-ɔbɔ unu. Bumɔkɔpula ɔhaa mútɔ kɪ. 42 ɪníá eke amu igyi ogya ɔdudake, fuli ɔbɔ amu ε ɪbú manta unu sɔ a, bopula Yesu mútɔ.

20

Proofread 03-07-09

Yesu Kusu Tsu Afulito

(Mateo 28:1-8; Marko 16:1-8; Luka 24:1-12)

1 Ndawɔtswɪtɔ eke gyankpapu, igyi Kwasieda bake-bake, brɛá nsantɔ mɔkɔtɪtɪ a, Magdalayintse Maria ɪyɔ Yesu opulakpa unu. Olenya wie unu alɪ olowun ání bamina ɪbwi amu ɪɛ ɔbɔ amu ɔnɔ. 2 Mú sɔ oleyinki sɪ ba ɔkasɪpu amuvu Yesu tɛhɪɛ dwe mu amu mua Simon Petro wa, bɛbla amú ɔbɛɛ, < < Bale Yesu ɔbɔ amutɔ. Animeyin ɔtɪnɛá bapu mu yɔwa! > > 3 Muvu Petro mua munyɔ bɔpu ɔkpa bɔyɔ opulakpa unu. 4 Amú abanyɔ amu fɛ́ɛ betsii ɔsɪ, tamɛ ɔlɛsɪ si Petro gyankpa yowie opulakpa unu. 5 Brɛá olobun kɪ ntsan amutɔ a, olowun ání ɔhrada amu kpan ɪda, tamɛ omebitiwie mútɔ. 6 Simon Petro ɪbɔtɔ mu, ɔlɔtsun bitiwie ntsan amutɔ, olowun ɔhrada amu da. 7 Olowun ɔhrada amuvu bɔputɔ mu nwun amu ε, ilokunta ɪda ɪfuntɔ. 8 ɔkasɪpu amuvu olegyankpa wie unu amu ε lebitiwie mútɔ, wun ɔhrada amu pɔ

ⁱ19:39 Afa aku anyɔ amu ada gyi *mire* múa *aloe*.

mú amuv bɔputɔ mu nwun amu alɔ olohogyi. **9** Bre amutɔ a, Bulu asun wanlinhe amuv ɔleblɔ ɔbeɛ, ilehian ání Yesu ɔbɔkusu tsu afulitɔ amu mmɔkunya wankɔ amú. **10** Beyinki yɔ woyi.

Yesu lwiɔwanle Suna Magdalayintse Maria

(Mateo 28:9-10; Marko 16:9-11)

11 Tame Maria lesi ɔlu opulakpa unu odesu. Breá odesu a, olobun kɔ ɔbo amutɔ. **12** Inu olowun Bulu-abɔpu abanyɔá bɔwa atadie fututuutu, butsie ɔtine amuv bɔpu Yesu fuli tswɔ amu. Ɔkule tsie mu adianwun, ɔkule tsie mu ayabiasi. **13** Befite mu beɛ, < < Amú yin, nkali igyi su fudesu? > >

Ɔlele mú ɔno ɔbeɛ, < < Bale mɔ Wie natɔ. Mmeyin ɔtineá bapu mu yɔtswɔ! > >

14 Ɔleblɔ ta a, ɔledamli kɔ ɔma. Ɔkɔ a, Yesu lu mu ɔma, tame ɔmebiá Yesu nɔ. **15** Yesu lefite mu ɔbeɛ, < < Amú yin, nkali igyi su fudesu? Ma fudedunka? > >

Mu mú ɔkiá ndobi amutɔ agyuma ɔyɔpu nɔ. Mú su ɔlebla Yesu ɔbeɛ, < < Anɔ sɔ, nɔ fulatsu mu yɔtswɔ ɔtineku a, suna mɔ, anyetsu mu natɔ. > >

16 Yesu lokpoli mu ɔbeɛ, < < Maria. > >

Ɔledamli kɔ, kpoli Yesu Hebri ɔblitɔ ɔbeɛ, < < Rabuni! > > (Mú asɔ gyi, < < Osunapu. > >)

17 Yesu lebla mu ɔbeɛ, < < Mápu ibɔ da mɔ, tsufe mmɔkunya yɔ ɔsusu mɔ Sɔ wa. Mboun natɔ yebla mɔ apio amu fee, nɔyɔ mɔ Sɔá ogyi mɔ Sɔ wa. Nɔyɔ mɔ Buluá ogyi mɔ Bulu wa. > >

18 Magdalayintse Maria leyebɔ akasipu amu ɔbeɛ, < < Nawun anɔ Wie! > > Ɔlebla amú asun ání Yesu lebla mu.

Yesu lwiɔwanle Suna Mu Akasipu

(Mateo 28:16-20; Marko 16:14-18; Luka 24:36-49)

19 Kwasiada amu ntupwesu a, akasipu amu befia. Befin obu wa ɪwɪ, tsufe buɔe Yudafo ahande amu ifu nya. Inu Yesu lebelu amú nsine, ɔlebla amú ɔbeɛ, < < ɪwɪ ilwii mɪ. > > **20** ɔlebla amú alɪ ta a, ɔɔpu mu ibito pú mu abinto suna amú. Ansi legyi amú, tsufe bawun amú Wie. **21** Yesu letra bla amú ɔbeɛ, < < ɪwɪ ilwii mɪ. Alɪ amuu mɪ Sɪ lawa mɪ amu a, alɪ nde mɪ wa nɪ. > > **22** Inu ɔɔɔɔn ɔɔe fu wuli amúsu, bla amú ɔbeɛ, < < Mɪho ɔɔe Wankihe amu. **23** Nɪ mlesi aha lakpan kie amú a, Bulu lasikie amú. Tame nɪ mlumesikie amú a, Bulu méesikie amú. > >

Yesu ɪwɔwanɪe Suna Toma

24 Breá Yesu leba a, amúto ɔkuleá buteti mu Toma, butelati mu Tabi má unv. **25** Mú su akasipu atrahe amu bebla mu beɛ, < < Anɪlawun anɪ Wie! > >

Tame Toma lebla amú ɔbeɛ, < < Nɪ mmɔkɔwun mu ibito ndatobi nɔ amu, kpɪe osrebi wa múto, kpɪe ɪbɪ wa mu abinto ɔɔ amuto a, mmóohogyi ekekeke. > >

26 Nkekwe ɔma a, akasipu amu beta fia obu amuto. Alɪ eke amu mú a, Toma bu amúto. Befin obu amu, tame Yesu lebelu amú nsine, bla amú ɔbeɛ, < < ɪwɪ ilwii mɪ. > > **27** Muv ɔlebla Toma ɔbeɛ, < < Kɪ mɪ ibito, kpɪe osrebi wa nfi. Kpɪe fu ɪbɪ wa mɪ abinto. Si nwen gyi, afuhogyi! > >

28 Toma lele mú ɔno ɔbeɛ, < < Mɪ Wie pú mɪ Bulu! > >

29 Yesu lebla mu ɔbeɛ, < < Alɪ amuu fawun mɪ amu su fahogyi loo? Ansi bégyi aha amuu bumɔpu amú ansibi wun, asa bohogyi amu! > >

Tɔá Suá Bɔwanɪn ɔwulu Anfi

30 Yesu letra bwe osuna tsotsɔtsɔ mu akasipu amu ansitɔá

bumɔwanlɪn wa ɔwulɪ anfitɔ. **31** Tame bawanlɪn ɪnɪ, menɪ mlóhogyiá Yesu gyi Bulu mu Bi Kristo amu. Asun anfisɪ hogyi ɔbéha mlénya nkpa ání itamata mu ɪdato nɪ.

21

Proofread 03-07-09

Yesu lwiɔwanle Suna Akasɪpu Abasienu

1 ɪnɪ ɔma a, Yesu letra le ɪwɪ ɔwan suna mu akasɪpu Tiberia ɔpu^j ɔnɔ tsun ɔkpa anfisɪ. **2** Simon Petro mua Toma ání butelatɪ mu Tabi, Nataniel, otsu Kana wuluá ɪbu Galilea ɔmátɔ, Sebedeo abi amu pú akasɪpu abanyɔ ε befia. **3** Simon Petro lekla amú ɔbéε, < <Nɔyɔ ɔpusɪ yele aye.> >

Bεbla mu bεε, < <Anɪ ε abóbɪuo fu yɔ.> > ɪnɪ su boyowie ɔkluntɔ natɪ. Tame betsia ntsusɪ onye amu féé, bumenya tɔtɔ. **4** Bréá ɔyɪ ɪba beke a, bowun ɔku ɪu ɔpu amu ɔnɔ. Bumεbiá Yesu nɪ. **5** Muɪ Yesu lefite amú ɔbéε, < <Mɪ anyawie, mlumenya tɔtɔ?> >

Bele mú ɔnɔ bεε, < <Ee!> >

6 Yesu lebla amú ɔbéε, < <Mlitswɪ asawu amu wa gyɔpusɪ fun, mléle aye.> > Mú su bɔtswɪ wa ɪnu. Aye lɔbula asawu amu, bumetalɪ bitɪ mú le.

7 Muɪ ɔkasɪpu amuɪ Yesu tɛhɪε dwe amu lebla Petro ɔbéε, < <Anɪ Wie Yesu nɪ!> > Bréá Petro lonuá anɪ Wie Yesu nɪ a, olotsu mu atadiε mla ɪwɪ. (Tsufε ɔlɔwɔɪ mu atadiε tswɪ), olotu wie ntsu amutɔ gyuaa, ɔdepitɪ ɔyɔ Yesu wa. **8** Tame akasɪpu atrahe amuɪ bubu ɔkluntɔ amu bebitia asawu amuɪ aklemetɪ bubu mú amu ba otsubunɔ, tsufε buma ɪfɔ ɔpu ɔnɔ ɪnu. Mú ɪfɔtɔ bóbwe fe ayabi lafasa (300).

^j**21:1** Butetra tɪ mú Galilea ɔpu.

Disciples pulling net to shore|CN01877B.TIF|span|JHN21:1-13|David C. Cook Foundation|Bebitia asawu amuv aklemeti bubo mú amu // ba otsubuno.|Yohane 21:8 9 Breá bowie opu ono a, bowun ání baw agyawunu ogya, bude iye to músu, bodobodo e da mú asi. 10 Muv Yesu lebla amú obee, < < Mlile aklemeti amuv mlilale amu ku ba. > >

11 Mú su Simon Petro leyinki du wie oklun amuto, oleyebitia asawu amuv aklemeti akponkponti bubo mú amu botswi opu ono. Aklemeti amu bugyi lafakule aduenu-sa (153). Inia butso o a, asawu amu umetiti. 12 Yesu leti amú obee, < < Mlibegyi ato. > > Amuto okuku metali wa klun fite mu obee, < < Ma fugyi? > > Tsufe bebia amú Wie ni. 13 Yesu lotsu bodobodo amu ha amú, olotsu aye amu e ha amú. 14 Bulu lokusva Yesu tsu afulito oma a, uni gyi otse sasia olele iwi owan suna mu akasipu amu ni.

Yesu Mva Petro

15 Breá begyi nyanki atogyihe amu ta a, Yesu lefite Simon Petro obee, < < Yohane mu bi Simon, futodwe mi dun fu aba anfi loo? > > Petro lele mú ono obee, < < Ee, mi Wie, fuyin ání ntodwe fu. > > Yesu lebla mu obee, < < Ki mi akufabi amusu. > > 16 Oleta fite Petro otse nyosi obee, < < Yohane mu bi Simon, futodwe mi? > > Petro lele mú ono obee, < < Ee, mi Wie, fuyin ání ntodwe fu. > > Yesu lebla mu obee, < < Kpa mi akufa amu. > > 17 Yesu lefite mu otse sasi obee, < < Yohane mu bi Simon, futodwe mi lele? > > Ulehan Petro, tsufe otse sasi Yesu lafite mu obee, < < Futodwe mi? > > a. Mú su olele mú ono obee, < < Mi Wie, fu onuto fuyin togyito. Ye fuyin ání ntehie dwe fu o! > > Yesu lebla mu obee, < < Ki mi akufa amusu. 18 Onokwali nde mli

bla. Breá fúgyi ɔyasubi a, fú onuto fútetali tsu fú atadie hihie ɪwɪ, kusu ɔɔ tɪnɛgyɪɔtɪnɛá fudekle. Tame nɪ fɔbwɛ oyin dehen a, fétɪnkɪ ɪbɪ, ha ɔku ɔbéɔɔda fú atɔ, kpa fú ya ɔtɪnɛá fumedekle. > > 19 (Yesu lebli asun anfi, pusuna ɔkpa ání Petro ɔbótsun músú wu puwa Bulu numnyam.) lɪv ɔlebla Petro ɔbɛɛ, < < Buo mɪ! > >

Yesu Mva ɔkasɪpúá ɔtehiɛ Dwe

20 Petro ledamli kɪ a, Yesu ɔkasɪpú amuv ɔtehiɛ dwe amv buo amú. (Mugyi ɔha amuv oleyinkɪ kpɪsa músú ntupwɛ atɔ ogyikpa, fite mv ɔbɛɛ, < < Owie, ma ɔbéɛ fú ha? > > amv nɪ.) 21 Breá Petro lowun mv a, ɔlefite Yesu ɔbɛɛ, < < Mɪ Wie, ntɔ ɔbéba oyin anfi esu? > >

22 Yesu lele mú ɔnɔ ɔbɛɛ, < < Nɪ ndekle mbɛɛ otsia nkpa ɔfun breá néyinkɪ ba a, fú asun igyi? Fú mú buo mɪ wɔle! > >

23 Asun anfi lekɪɪ wa Yesu abuopv amutɔá alɪ ɔkasɪpú amv mú móowu. Tame Yesu mebli ɔbɛɛ, omóowu. Blɪ ɔlebli ɔbɛɛ, < < Nɪ ndekle mbɛɛ, otsia nkpa ɔfun breá néyinkɪ ba a, fú asun igyi? > >

24 Mugyi ɔkasɪpúá olowun ɪnɪ féé, ɔlowanlɪn mú tswɪ nɪ. Anyin ání mv asun blihe anfi igyi ɔnɔkwali.

ɔnɔmɔ

25 Atɔ tsɔtsɔtsɔ itra bu ɪnvá Yesu lobwɛ tsia ɪntɔ. Nɪ bɔwanlɪn mú féé wa nwɔlɔtɔ ɪkulɛ-kulɛ a, tɛkɪ buméenya nwɔlɔ amv ɔyakpa ɔsulɔ anfisv. Natɔ ta.

ACT - - NKO Book of Acts in the Nkonya Language of Ghana

Gyumagyihe

Sumbi Ayɔpu Amv Gyumagyihe

Gyumagyihe

Gyu.

Sumbi Ayɔpu Amv

Gyumagyihe

1

Proofread 09/06/03

1 Mɪ wie Tiofilo,

Mɪ Luka de ɔwɔlɔ anfi wanlɔn sɪsɪ fɔ. Mɪ ɔwɔlɔ gyankpapɔ amɔtɔ a, nɔwanlɔn Yesu atɔ bwehe pɔ mɔ atosunahe fɛɛ. Tsu breá olefi mɔ agyuma asɪ, 2 bɔfun ekeá Bulu lotsu mɔ ya ɔsɔsɔ. Asa Bulu lotsu mɔ natɪ a, ɔlɔtsun ɔɲe Wankɪhe tumitɔ bla aha amɔɔ ɔlele ɔbeɛ, bubwe mɔ sumbi ayɔpu amv tɔá bubwe. 3 Mɔ iwɔɔsɪn-wun pɔ mɔ lowu ɔma a, oletsia le iwɪ ɔwan ɔkpa ɔtsan-ɔtsansɔ suna amú, pɔsuna ání lele otsie nkpa nke advana ání ɔlelatsia ɔsɔlɔsɔ fɛɛ; ɔde Bulu iwiegyi iwɪ asun bli. 4 Bre kuá mua amúnɔɔ befia a, ɔleda amú ɔla ɔbeɛ, < < Mlɔmánatɪ Yerusalem. Mlɪtsia unv gyo mɪ Sɪ atokiehe amɔɔ ɔlehiɛ yaɪ ɔbeɛ, méha mli, nebla mli mó iwɪ asun amv. 5 Asu ɔbɔpu Yohane lɔpu ntsu bɔ aha asu, tame nke kutuklu ku ɔma a, Bulu ɔbɔpu ɔɲe Wankɪhe amv bɔ mli asu. > >

Yesu ɔsɔsɔ Yɔ

6 Mó sɔ breá mua amúnɔɔ belafia a, befiɛ mɔ beɛ, < < Anɪ Wie, bre

anfito féyinkia iwiegyi amu ha Israelfo ni? > >

7 Yesu lebla amú ɔbɛɛ, < < Imehian ání mlébi nke nte breá mɪ Sɪ nkule lahiɛ mu onuto tumitɔ. **8** Mboun ni Ɖɛ Wankihe amu owie mlitɔ a, mlénɔya tumi tali gyi mɪ iwi adansie tsu Yerusalem wulutɔ, Yudea pú Samaria ɔmátɔ féé yɔfun ɔyi ɔka. > > **9** Breá ɔlebli asun anfi ta a, amú ansitɔ unu Bulu lotsu mu ya ɔsusu, ɔlofwɪ wie nwulutatɔ.

10 Besi buɔɔ nwulutasu ki alu. Belaki a, ayin abanyɔ akwá bɔwa atadiɛ fututu lu amú wa a. **11** Ayin amu befite amú bɛɛ, < < Oo Galileafɔ ayin, ntɔ mlidɛki nwulutasu alɪ? Alɪ anfi mlɪlawun Bulu latsu Yesu ɔya ɔsusu anfi a, alɪ kɛn obéyinkia mu ba ni. > >

Matias Yuda Otsiakpa Tsia

(Mateo 27:3-10)

12 Inu beyinkia kpɪ tsu Nfɔ-nyibu amusu^k ba Yerusalem. Ɖkpa amu ɪbɔbwe maili fun. **13** Bowie wulutɔ a, bɔɔ yɔ abansrutɔ, ɔtine amuu butsie yaɪ amu. Sumbi ayɔpɔwá bɔyɔ unu gyi: Petro, Yohane, Yakobo mua Andrea, Filipino mua Toma, Bartolomeo mua Mateo, Alfeo mu bi Yakobo, Simon ání ogyi iwɪsutsia adunkapu ɔpasuatɔ ɔha pú oyin ɔkwá butɛti mu Yakobo mu bi Yuda. **14** Aha ání bɛtra du yɔ unu gyi, atsi aku, Yesu mu yin Maria pú Yesu apio. Aha anfi letsia bwe ikule bɔ mpai ni.

15 Nke amutɔ a, ahogyipu bɔbwe fɛ lafakule adwanyɔ (120) befia. Inu Petro lɔkusɔ lu amú nsine bla amú ɔbɛɛ, **16** < < Mɪ apio ahogyipu, Ɖɛ Wankihe asun amuu ɔlebli tsun Owie Dawidsu, ɪbu

^k**1:12** Nfɔ-nyibu igyi obubwi kwá ɪbu manta Yerusalem, butɛti mú Olifbu.

Bulu asun wanlinhe amuto, tsu Yuda Iskariot amuu olekpa aha beyekita Yesu iwi amu ulaba muto. 17 Yuda Iskariot anfi letsia anito. Ania munyo loyo osum agyuma anfi. > >

18 Yuda lopy mu lalahea olobwe ikoa beka mu yoho osulu ku. Olekpa tsu osusu beda osulu amusu po, mu ipu lefa po, mu mpuni e lefen dali wurado. 19 Ohagyicha ani obu Yerusalem lonu asun anfi. Bedinka osulu amu ida amu oloito bee, < < Hakeldama. > > Mu asi gyi, < < Osulua obugya lawuli musu. > >

20 Petro loyo mu asunsu obee, < < Tsufe bowanlin wa Israelfo ulu osulu amuto bee,

< Mu woyi idi kpan.

Ohaa matsia muto. >

Betra wanlin tswi bee,

< Oha bamba otsia mu otsiakpa. >

21-22 < < Mu su ilehian ani oku obetsa ani Yesu kusu tsu afulito anfi iwi adansie gyi. Ilehian ani oha amu obotsu ayin amuu betsia anito bre amuu anlobuo ani Wie Yesu, nati ki ntune-ntune amuto. Oha ani olobuo ani tsu brea Asu Obopo Yohane lebli asubo asun alu bofun eke amuu Bulu lotsu Yesu ya osusu si ani amu. > >

23 Inu su bele aha abanyo, bugyi Yosef ani buteti mu Barsaba, butetra ti mu Yustus mua Matias. 24 Muu bobo mpai bee, < < Ani Wie, fuyin ohagyicha klunto asun. Suna ani aha anfito omua fale, 25 otsia Yuda amuu alakina agyuma anfi, nya mu isubiti amu otsiakpa, oyo fu osum agyuma amu. > > 26 Muu bekapu ato amu abanyo nwunsu. Ileyi Matiasu. Mu su bopo mu wa sumbi ayopo duokun amuto, belabwe duanyo.

Ɔɔɛ Wankɔɛ ɩbatɔ

1 Pentekoste Ɛke, igyi Israelfɔ atɔ pɔpwe ɔɔɔ ɔɔake amu ɩɔɔn a, ahogyipu amu fɛɛ beba befia amú ofiakpa. **2** Ɔtsawule pe a, olu kuá igyi fe afu kpɔɔkpɔntɩ lotsu ɔsusu bɔɔbula woyi amuv bubu mútɔ amu. **3** ɩnu bowun tɔkuá igyi fe ogya plenplen, ɩɩɩɩɩ ɔɔandv. ɩɩɩɩɩ dɩnka amúɔ okugyiɔkusv. **4** Ɔɔɛ Wankɔɛ ɩɔbula okugyiɔkutɔ, ɩɩha okugyiɔku lefi asɩ ɔɔɔ ɔɔɩɩ bamba blɩ. **5** Bre amutɔ a, Yudaɔá butenya Bulu ifu, bubu nditɔ fɛɛ baba butsie Yerusalem. **6** Breá ɔɔɔm anfi bonu okitikiti amu a, besɩ befia uv. Amúɔ okugyiɔku lonu mu wulutɔ ɔɔɩ. Mú sv ɔɔɔ ɩɔɔwie amú. **7** ɩɩwa amú ifu, wa amú wanwan. Mú sv befite beɛ, < < Aha anfi budetɩ a, megyi Galileafɔ sɔɔn bugyi? **8** Mú nkali ɩɔɔbwe asa anidenuá buɔɔ anitɔ okugyiɔku wulutɔ ɔɔɩ blɩ? **9** Anitɔ aku atsu Partia, Media, Elam, Mesopotamia, Yudea, Kapadokia, Ponto, Asia, **10** Frigia, Pamfilia, Egyipte ɔmátɔ pú Libia awulu ání ɩbu manta Kirene wulutɔ. Aku ɛ botsu Roma wulutɔ, **11** bugyi Yudaɔ pú amúá bumegyi Yudaɔ bawie Yudaɔ Bulusumtɔ aná fɛɛ bubu anitɔ. Kretaɔ pú Arabiaɔ ɛ bubu anitɔ. Tame anidenuá buɔɔ Bulu atɔ kpɔɔkpɔntɩá alabwe blɩ anitɔ okugyiɔku ɔɔɩtɔ. > > **12** Alɩ amuv asun amu ɩɩɔɔwie amú ɔɔɔ amu sv bɔɔbwe yɔɔ, si buɔɔ amú aba fite beɛ, < < Ngya amansv ɛ nɩ? > > **13** Tame amúɔ aku bɔɔbwe ahogyipu amu ahinla beɛ, < < Nta banun bu. > >

Petro Asuntɔɛ Suna Aha Amu

14 ɩnu Petro mua mu aba duɔkun amu bɔkusv ɩu. Muv Petro lotsu ɔme fua bla ɔɔɔm amu ɔbeɛ, < < Apio aba Yudaɔ pú mɩ fɛɛá mɩbu

Yerusalem, mlihe yaa asu, anle asuntɔ suna mli. **15** Mlimáki mliaa aha anfi babu, tsufe ɔyi mɔkuke. Breá dokweba lada ni. **16** Mboun asun anfi ilaba nde anfi Bulu ɔnɔsu ɔtɔɔpu Yoel lebli yai ni. ɔbeɛ,

17 < Bulu ɔbeɛ, < < Nke trahe amuto a,
nɔpu mi ɔɛe wa anyankpusa féétɔ.

Mli abi yinhe pú mli abi tsihe bébli asun ání nɔpuwa amú ɔnɔ.

Mli nyasubi bówun atɔ.

Mli ayin dehen bókun nkude.

18 Nke amuto a, nɔpu mi ɔɛe wa mi asumpu
atsi múa ayin féétɔ.

Mú su bebli asun ání nɔpuwa amú ɔnɔ.

19 Nóbwe ofula nwulutasu,
bwe osuna ɔsulusu.

Ogya, obugya pú ogyasi tuun béba ɔyitɔ.

20 Owi ɔbéta ɔpa.

ɔtsra e ɔbépe kɔɔ fe obugya,

asa aní Wie numnyam eke kpɔnkpɔnti amu ibɔfun.

21 Ibéba ání ɔhagyicha ání okpoli aní Wie a, ɔbéha mu obénya
nkpa. > > > > >

22 Petro loyɔ músu ɔbeɛ, < < Mli apio Israelfɔ, mliyaa asu amlinu asun anfi. Bulu lɔbwe ofula múa atɔ kpɔnkpɔnti pú osuna tsɔtsɔtsɔ tsun Yesu Nasaretyin amusu, pusuna ání mulɔwa mu. Mli féé mliɔlowun mú, tsufe mli ansitɔ uní féé leba. **23** Igyi tɔá Bulu yin yai dodo, igyi mu apeá béle Yesu ha mli. Mli leha aha ání butamagyi mblasu beda mu manta oyikpalihesu, mɔ mu. **24** Tame Bulu lele mu lowu sinsunsintɔ, kusua mu tsu afulitɔ. Tsufe lowu méetalí gyi musu, osin afulitɔ. **25** Iní su Owie Dawid lebli mu iwí asun ɔbeɛ,

< Bregyibre a, ntowun aní Wie mi ansisu.

Tsufe ɔlu mi gyɔpɔsɔ, sɔ tɔtɔ mɔɔwa mi ifu.

26 Mú sɔ anɔ tegyi mi,
ntɔtɔ anɔgyisɔ.

Nyankpɔsa ngyi. Lowu da gyo mi,
tamɛ ndɛ Bulu ɔkpa kɪ.

27 Tsufe fuméesi mi ɔkla wa afulitɔ.

Fuméeɛha mi fu osumpɔ wankɪɛ mmɔɔpɔ.

28 Fɔlosuna mi ɔkpa ání ntsɔn mɔsɔ, mi anya nkpa ání itamata.

Nɪ fɔbɔ mi wa a, anɔ bégyi mi ekekegyiɛɛ. > > >

29 Petro letra bla amú ɔbɛɛ, < < Mi apio Israelfɔ, mbua hɛ bla mli amlɪnu. Anɔ nain Owie Dawid lowu, bɔpula mu. Bɔtɔ ndɛ mu ntsan da anɔ wa nfi. **30** Bulu ɔnɔsɔ ɔtɔpɔ ogyi, oyin ání ntam ání Bulu lɛka ha mu ibéba mútɔ. Bulu lɛka ntam ha mu ɔbɛɛ, méha mu natina ɔku obétsia mu obiasɔ eke ku. **31** Iníá anɔ nain Owie Dawid lowun mú yai sɔ a, ɔlɔtɔ tsu Kristo, (ɔha amɔv Bulu lada mu ofuli amɔ) kusɔ tsu afulitɔ ɪwɪ ɔbɛɛ,

< Bulu méesi mu wa afulitɔ.

Mú sɔ mu ɔyɔlɔ mɔɔpɔ. > > >

32 Petro lɔyɔ mɔsɔ ɔbɛɛ, < < Yesu gyi ɔha ání Bulu lɔkusua tsu afulitɔ, anɔ féé anɔgyi mú adansɪfɔ. **33** Bulu lotsu Yesu ya ɔsɔsɔ, ha mu otsiakpa yile mu gyɔpɔsɔ. Anɔ Sɪ Bulu lɔpɔ Ɔɛ Wankɪɛá ɔlɛɪ yai ɔbɛɛ, mɔpɔha mu ahogyipɔ ha mu. Ɔɛ amɔ Yesu lapɔha anɔ a. Mú gymagyiɛ mliɔdewun, mliɔdenɔ a. **34** Megyi Owie Dawid Bulu lotsu ya ɔsɔsɔ, tamɛ mɔlɛblɪ yai ɔbɛɛ,

< Anɔ Wie Bulu lɛbla mi Wie ɔbɛɛ,

Tsia mi gyɔpɔsɔ,

35 yɔfɔn bréá nɔpɔ fu alupɔ bwe fu ayabi oyikpa. > > >

36 < < Mú sɔ mli Israelfɔ féé mliɔnu. lɔv mútɔá mliɔɛda Yesu manta

oyikpalihesu. Tame mlihie biá Bulu lada mu ofuli, bwe mu Kristo pú aní Wie. > >

37 Breá Israelfo amu bonu asun anfi a, ilehie han amú. Mú su befite Petro mua mu aba sumbi ayɔpu atrahe amu bee, < < Apio, nto abwe? > >

38 Mvu Petro lele mú ɔno ɔbee, < < Mlito okugyiɔku ɔdamli klntɔ, abɔ mli asu Yesu Kristo idato, menɩ Bulu obési mli lakpan kie mli, ha mli ɔɣe Wankihe amu. **39** Tsufe mlia mli abi-aná pú aha ání bubu tsutsuutsuá Bulu ɔbétɩ fée ɔlehie ɔɣe Wankihe anfi ha. > >

40 Petro lebli asun tsɔtsɔtsɔ, putɔ kpla amú ɔbee, < < Mlile mli twɩ tsu ndemba-abi lalahe anfitɔ. > > **41** Amúto aha tsɔtsɔtsɔ bɔho Petro asun amu. Mú su bɔbo amú asu. Eke amu a, aha bɔbwe fe mpum-sa (3,000) betsia ahogyipu amuto. **42** Ahogyipu amu bele ansɩ kɩta sumbi ayɔpu amu atosunahe, amú ikulebwe togyitɔto, ɔpasua amuto atogyiheto-ye pú mpaibɔto.

Ahogyipu Amu Tsiato

43 Sumbi ayɔpu amu bɔbwe ofula pú osuna tsɔtsɔtsɔ, ɔno lobwie ɔhagyioha. **44** Ahogyipu amu fée bɔbwe togyito kule. Betsia ye amú ato ha aba. **45** Betsia fe amú ato, ye kɔba ání benyato ha amúto okugyiɔkuá ɔma. **46** Amú fée betsia fia Bulu ɔtswekpa wunsinesu ekekegyieke. Bɔpu amú klntɔ-ɔdwe tsia gyi ato ɔpasuato amú aba woyito. **47** Betsia kanfu Bulu, aha fée bekle amú asun, aní Wie Bulu letsia pu aha ání ɔdele betsia amúto ekekegyieke.

3

Proofread 09/06/03

Petro Mua Yohane Ibo ɔku Tsa

1 Eke oku ntupwe dosato mpaibɔ bre a, Petro mua Yohane bɔyɔ Bulu ɔtswekpa amu wunsinesu. **2** Oyin okuá bɔkwu mu ibɔ tetsia Bulu ɔtswekpa amu okpa onɔ kuá buteti mú < <Okpa onɔ Wanklaan.> > Aha butotsu mu ba beyai unu ekekegyieke, ɔtɔkuli aha ání bówie ɔtswekpa unu kɔba. **3** Breá ibɔ amu lowun ání Petro mua Yohane budebitiwie ɔtswekpa unu a, ɔlɔkuli amú kɔba. **4** Petro mua Yohane besi lu bude mu kɔ diin. Muu Petro lebla mu ɔbeɛ, < <Fu mú kɔ anɔ wule.> > **5** Ibɔ amu kɔ ɔbeɛ, béha mu tɔku. Mú su olotsu anɔ fua ɔde amú kɔ. **6** Tame Petro lebla mu ɔbeɛ, < <Mma sika fututu nte pepe, tame néha fu tɔá mbu. Kusu lu, afunati Yesu Kristo Nasaretyin amu ɔdatɔ!> > **7** Inu Petro lekita mu gyɔpi bi, tsu mu lu. Inunu ɔwɔnlɔn lowie mu ayabi pu mu ntsakpatɔ. **8** Olofuli kpayi ɔsawule pe, wa nati bi. Mú su ɔlekpla buo Petro aná wie Bulu ɔtswekpa wunsinesu unu; ɔna odefuli kpayi; ɔde Bulu kanfu. **9** Aha ání bubu unu féé bowun muá ɔna ɔde Bulu kanfu. **10** Mú su breá ɔlowankɔ amú ání ibɔ amuu otetsia Okpa Onɔ Wanklaan unu kuli atɔ amu nɔ a, ɔlowa amú wanwan, bwie amú onɔ.

Petro Tɔi Bulu ɔtswekpa Wunsinesu

11 Oyin amu pu Petro mua Yohane kinkiinkin Bulu ɔtswekpa wunsinesu, ɔtinekuá buteti unu Salomo Abrandasu. Mu ɔlotsa lowa amú wanwan. Mú su besɔ ba amú wa unu. **12** Breá Petro lowun amú a, ɔlefite amú ɔbeɛ, < <Mi apio Israelfɔ, ntogyi su asun anfi lawa mli wanwan alɔ? Ntogyi su mlɔlaba mlɔde anɔ kɔ alɔ? Mlikɔ mliaa, anɔ onuto tumi nte anɔ Bulusum wanklaan laha su oyin anfi lakusu ɔna?> > **13** Anɔ anain Abraham, Isak pú Yakob bosum Bulu. Muɔlowa mu osumpu Yesu numnyam. Tame mlɔlɔpu mu ha mliaa, bumɔ mu. Mlilekina ɔha anfi teki Pilato lobwe agywun ání mési mu ɔnati anfi.

14 Mlilekina Dha Wankihe pú Yile Dbwepu anfiá bōwanlun mu iwí asun wa Bulu asun ɔwuluto anfi, bla Pilato mlíaa, osi aha ɔmɔpu amu mboun ha mli. **15** Mlileha bōmɔ nkpa ɔhapu anfi, tame Bulu lɔkusua mu tsu afulito. Anigyi mú iwí adansífo ní. **16** Yesu tumi laha ibɔ anfi mliyin yai, mlideki anfi iwí lawa mu ɔnlun. Aní Yesu hogyi latsa mu, mli fée mlidewun a.

17 < < lni su mli apio, nyin ání mábí leha mlíaa mli ahande mlɔɔpu uní fée gyi Yesu. **18** Tame Bulu lebli tsun mu ɔnɔsu atɔɔpu amu fée su yai ɔbee, < Kristo, (ɔha amuu neda mu ofuli amu) obówun iwíɔsun. > Mú su ɔleha ɔleba alí ní. **19** Mú su mlidamli klunto, amliyinki ba Bulu wa, mení obési mli lakpan fée kie mli, wa mli ɔwunlun pɔpwe, **20** lapu Yesu sisi mli. Mu Bulu leda ofuli yai ha mli ní. **21** Ilehian ání Yesu obétsia ɔsusu unu yɔfun breá Bulu ɔbéla togyito bwe, fe alíaa ɔleha mu ɔnɔsu atɔɔpu wankihe amu bebli tswi. **22** Aní nain Mose lebli ɔbee, < Mli Wie Bulu ɔbéha mu ɔnɔsu atɔɔpu ɔkúá ogyi fe mli ɔbédalí tsu mlito ha mli. Mligyi mu asun blihe fée su. **23** Dhagyicha ání omobu ɔnɔsu atɔɔpu anfi a, Bulu ɔbéle mu le mu ahato, mɔ mu. > **24** < < Tsu Samuelsu a, Bulu ɔnɔsu atɔɔpuá beba fée bɔtɔi tsu asun anfi ideba nke anfito iwí. **25** Mligyi Bulu ɔnɔsu atɔɔpu amu abi-aná. Mlibu ito amuu Bulu lehie yai ha aní anain amu. Tsufe Bulu lebla Abraham ɔbee, < Nótun fu abi-anásu yula ɔyito aha fée. > **26** lni su breá Bulu lele mu osumpu Yesu a, olegyankpa pu mu sisi mli Israelfo. ɔbee obóyula mli, amlisi lakpan bwe ní. > >

4

Proofread 09/06/03

Petro Mva Yohane Ɔnɔle Yudafo Asun Ogyikpa

1 Breá Petro mua Yohane bubu músu budetɔi kpla aha amu a, Bulu igyi ahapu mɔ́a Bulu ɔtswekpa agyopu ɔhande pɔ́ Sadukifo aku beba bɔtu amó. **2** Ɔblo lekita ahande anfi. Tsufe sumbi ayɔpu amu bode aha amu atɔ suna bee, Yesu lawu kusu tsu afulito. Mú su wukusu bu unu ha ɔhagyicha. **3** Ahande amu bekita Petro mua Yohane. Owi deta, su bɔpu amó yɔwa obu yɛha ɔyikehe. **4** Tame aha amuu bonu amó atosunahe amuto aha tsɔtsɔtsɔ bohogyi, betsia ahogyipu amuto. Mú su ahogyipu amuto ayin bɔbwe fe mpum-nu (5,000).

5 Ɔyikehe nyanki a, Yudafo awie, amó ahande pɔ́ Mose mbla asunapu beba befia Yerusalem. **6** Aha anfi pɔ́ ahandeá befia asun amu asɔ gyi; Bulu igyi ɔhapu dehen Hana, mu woyito ahande Kaiafa, Yohane, Aleksandro pɔ́ woyi amuto aha féé. **7** Beha bɔpu Petro mua Yohane belu amó ansito, befite amó bee, < <Ma tumito nte ma ɔdato mliletsa oyin anfi? > >

8 Inu a, Ɔɛe Wankihe lobula Petroto. Mú su ɔleha mu tumi, ɔlebla Yudafo awie pɔ́ amó ahande amu ɔbee, **9** < <Nde mú mlide anɔ fite toá svá anɔlawawawitole ha ɔbo anfi, tsa mu ɔbo? **10** Mumu tsu nde mlia Israelfo féé mlibiá Yesu Kristo, Nasaretyin amu tumi pɔ́ mu ɔdato oyin anfi ɔlu mli ansito anfi lanyawawito. Mugyi ɔha amuu mlileda manta oyikpalihesu mo mu asa Bulu lokuswa mu tsu afulito amu ni. **11** Yesu anfi ɔwi asun bɔwanlin wa Bulu asun amuto bee, < Ibwi amuu mli obu ayipu mlilekina amu

labɔbwe okonkisubwi ni. >

12 Yesu anfi nkule pe gyi ɔha ání Bulu ɔpɔha anɔ ɔyi anfito ɔbee, atsun musu nya nkpa. Ɔhaa tra ɔma unvá ɔdun mu. > >

13 Iníá Yudafo ahande amu buyin ání Petro mua Yohane bumɔkukasti ɔwulu ki, tame ifu mede amó su a, ɔno lobwie amó. ɔlowanki amó ání babuo Yesu ki. **14** Ahande amu bumanya asvansu

bli. Tsufe bowun ání ịbọ amụ alanya ịlọta amụ lu Petro mua Yohane wa. **15** Mú su bebla Petro aná bẹ, budali asun ogyikpa unu kpalobi, abukita agywun. Mụ ahande amụ befite aba bẹ,
16 < < Nkali abóbwe aha anfi? Ọhagyiọha labi Yerusalem wulotá amú labwe osuna kpónkponti anfi. Animéetalí gyi mú nwen. **17** Tame alíá ịbóbwe asun anfi méetra klei a, mliha ada amú ọla kinkiinkin aniaa, bumátra bla ọhaa asvansu Yesu ịdato ε. > >
18 Inu belati Petro mua Yohane ba obuto unu, beda amú ọla bẹ, bumátra bla ọhaa asungyiasun nte suna ato Yesu ịdato ekekekeke.
19 Mụ Petro mua Yohane bebla amú bẹ, < < Mli onuto mliki. Mọmụ bu ale Bulu ansitọ, ání abónu mli asun loo, nte Bulu kle?
20 Tsufe aní mú animéetalí si tọ́ anilawun pú asun ání anılanu bli. > > **21** Bụmetali biti amú ịsu, tsufe aha amụ fée bude Bulu kanfu ofula kpónkponti amụ alabwe amụ su. Mú su ahande amụ betra da amú ọla kinkiinkin, besi amú benati. **22** Oyin amụ ịlọta lwa ifu, tsufe alahọ dun nfi aduana (40) alí bre amuto.

Ahogyipu Amu Ato Kulike

23 Yudafo ahande amụ benya si amú alí, Petro mua Yohane beyinki ba amú aba ahogyipu amụ wa. Bebla amú asun ání Bulu igyi ahapu dehen pú Yudafo ahande amụ bebli fée. **24** Breá ahogyipu amụ bonu asun amụ a, amú fée bọpu ọme kule kuli Bulu bẹ, < < Aní Wie Bulu Otumipu, fulóbwe ọsu fóbwe así, ọpu múa ntsu pú muto ato fée.
25 Fọtun Ọje Wankihesu ha aní nain Dawid, ogyi fu osumpu lebli ọbẹ,

< Ntogyi su ọmá-ọmá banya ọblo?

Ntogyi su aha fée babwe agywun kuku kpaali?

26 Ọsulusu awie badida ato.

Wulu ahande batı aba fia,

kıta agywun lalahe anı Wie Bulu mua Kristo, (cha amuv ɔleda mu ofuli) amuvu. > > >

27 Petro loyɔ mu asunsu ɔbeɛ, < < Lɛɛ a, asun anfi laba muto. Owie Herode mua Pontio Pilatoa bumegyɛ Yudafo pu Israelfo babwe kule wulu anfito, kusɔ lu Yesusu. Mugi fu osumpu wankihefa feda mu ofuli ni. **28** Tame bumeɓi anı tɔa fehıhe yaı fee ibeba muto fu ape pu fu tumito dodo babwe a. **29** Anı Wie Bulu, kı alıa baka anısu, afukpa fu asumpu, menı abetalı blı fu asun amu, anımeenya ifu. **30** Tsa aha ıɔ fu tumito, afuha abwe ofula pu osuna fu osumpu wankihe Yesu ıdatɔ. > >

31 Brefa bɔbɔ mpai anfi ta a, amı ofiakpa unu fee ilekpıki. Ŋhe Wankihe lɔbula amuto. Mu su bɔwa klun da Bulu asun amu ɔkan.

Ahogyipu Amu Atoto Ye

32 Ahogyipu amu fee bɔpu ıklun kule mua agywun kule tsia. Ōkuku meɓli ɔbeɛ, tɔa mubu igyi mu nkule kle. Mboun okugyiɔku ato lɔbwe amı fee kle. **33** Sumbi ayɔpu amu bɔpu tumi kpɔnkpɔnkpɔntı gyi anı Wie Yesu ıwı adansıe beɛ, Bulu lakusua mu tsu afulito. Bulu lehıe wa awıtɔle ha ahogyipu amu fee. **34** Amuto ɔkuku megyi ohian, tsufe amıa bubu ɔsulı pu woyi betsia fe mu, pu mu ɔnɔ kɔba ba **35** sumbi ayɔpu amu, betsia ye mu ha ɔhagyıɔha alıa ilehian mu.

36-37 Mu su alı ken Lewiyin ɔkua buteti mu Yosef lefe ɔsulı, ɔɔpu kɔba amu ba sumbi ayɔpu amu ni. Yosef anfi otsu Kipro ɔmato, sumbi ayɔpu beha mu ıda Barnaba, (mu ası gyi, < < Aha ateto-ɔnlın ɔwapu. > >)

Anania Mva Safira

1 Inu oyin ɔkɔ́á buteti mu Anania mua mu ka Safira ε befe amó siadiε ku. 2 Tame Anania lele kɔ́ba amu ɔku ɲain, mu ka ε yin mú ɪwɪ. Ɔlɔpu kɔ́ba amu trahe ba sumbi ayɔpu amu. 3 Mvu Petro lefite mu ɔbeε, < <Anania, ntogyi su faha Ɔbunsam lagyi fusu, fapu kɔ́ba amvu fenyaa amu ku ɲain, bɔ́wa afunu suna Ɔɲε Wankɪhe? 4 Fubu fu ɔsulɔ asa fεfe mú. Iníá fεfe mú ε a, fubu fu kɔ́ba. Nto lahan fu su fabwe itɔ́á igyi alí? Bulu fawa afunu suna o, megyi anyankpusa. > > 5 Anania lenya nu asun anfi alí ɔletɪn da wu. Mú su ifu lehie kita aha ání bonu asun anfi féé. 6 Inu nyasubi aku bɔ́kusɔ tsu tati kɪklɪ mu, tsu mu yopula.

7 Ilegyi fe dɔ́nhwɪɪ asa ɔma asa mu ka Safira ε lobowie unu. Alí bre amuto a, omeyin tɔ́á ɪlaba mu klusu. 8 Petro lefite mu ɔbeε, < <Safira, bla mɪ. Kɔ́ba anfi gyi tɔ́á fua fu klu mlɪlenya breá mlɪlefe ɔsulɔ amu nɪ? > >

Safira lele mú ɔno ɔbeε, < <Ee, alí anɪlenya nɪ. > >

9 Mú su Petro lefite mu ɔbeε, < <Ntogyi su fua fu klu mlɪlabwe ɔno-ɔkule mlíaa, mlɔ́sɔ anɪ Wie Ɔɲε kɪ? Kɪ, nyasubiá bayopula fu klu yinki lawie obu-ɔno unu a. Bɔ́sura fu ε ya. > > 10 Inunu ɔtsɪ amu ε letɪn da Petro ayabito unu wu. Breá nyasubi amu bobowie unu a, bowun ání Safira ε lawu, su botsu mu yopula mu manta mu klu. 11 Ifu lehie wie ɔpasua amu pú aha ání bonu asun anfi fééto.

Sumbi Ayɔpu Amu Ofula Pú Osuna Bwe

12 Bulu lotsun sumbi ayɔpu amusu bwe ofula pú osuna tsɔtsɔtsɔ wulu amuto. Ahogyipu amu féé bɔ́bwe kule tsia fia ɔtɪnekɔ́á buteti unu Salomo Abrandasu. 13 Aha ání bumegyí ahogyipu kuraa beti

ahogyipu amu ɔdayile. Tame ɔkuku mɔbwe agywun ɔbɛɛ, mɛbetsia ahogyipu amuto. **14** Igyi alɔ o a, atsi mɔa ayin tsɔtsɔtsɔ bɔhɔ anɔ Wie Yesu gyi. Bulu letsia pu amɔ tsia ahogyipu amuto. **15** Sumbi ayɔpu amu ofulabwe su wulu amuto aha betsia tsu amɔ alɔpu ba brɔnusu, beyai nkɔan tswi pu amɔ tswi mɔsu. Fɔwun nɔ Petro ɔba bɔtsun unu a, mu yiɔi bɔwɔli amɔsu. **16** Ɔɔm anɔ bɔtsu awuluá ɔbu bomli Yerusalemtɔ ɛ bɔpu amɔ alɔpu pɔ aha anɔ ɔɔɛ lalaɛ de amɔ han ba, sumbi ayɔpu amu betsa amɔ ɔɔ.

Sumbi Ayɔpu Amu Lu

17 Sumbi ayɔpu amu ɔwi lɔwa Bulu igyi ɔhapu dehen amu mua mu aba anɔ bubu Saduki ɔpasuato ɔlu. **18** Inɔ su bekɔta sumbi ayɔpu amu wa obu. **19** Tame onye, Bulu-ɔbɔpu ɔku leba befinki obu amu, kpa sumbi ayɔpu amu dalɔ. **20** Bulu-ɔbɔpu amu lebla amɔ ɔbɛɛ, < < Mliɔɔ amlɔyɛlu Bulu ɔtswekpa wunsɔnesu unu, amlɔbla aha nkpa pɔpwe amu ɔwi asun fɛɛ. > > **21** Sumbi ayɔpu amu begyi Bulu-ɔbɔpu amu asunsu. Mɔ su benati ɔɔ wunsɔnesu unu baɛ, buɔe aha ato suna.

Ɔma-ɔma a, Bulu igyi ɔhapu dehen amu letɔ Yudaɔ asun agyipu amu fɛɛ fia. Muɔ bɔwa abi bɛɛ, buɔɛɛ sumbi ayɔpu amu ba. **22** Tame bɔɔɔ a, sumbi ayɔpu amu buma unu. Inɔ su beyinki bebla ahandɛ amu bɛɛ, **23** < < Anɔɔɔ unu a, anɔlowun anɔ aklun amu fin wanklaan. Obu aɔpɔsu akɔpu amu bulu buɔe aklun amu ɔnɔ gyo. Tame breá anɔlefinki aklun amu a, anɔmowun ɔhaa obu amuto. > > **24** Bulu ɔtswekpa agyɔpu ɔhandɛ mua Bulu igyi ahapu dehen amu bonu asun anɔ a, bɔbwe ɔɔɔ, si buɔe asun anɔ ɔbɛba mɔ ɔma gywun. **25** Inu ɔha ɔku lebebla amɔ ɔbɛɛ, < < Mliki, aha amuɔ mliɔɔwa obu amu bulu Bulu ɔtswekpa wunsɔnesu unu, buɔe aha ato suna. > > **26** Mɔ su Bulu ɔtswekpa agyɔpu ɔhandɛ amu mua mu aba bɔɔɔ yekpa sumbi ayɔpu

amu ba. Bekpa amú diin pu amú ba, tsufe benya ifuá nɪ bɔpu ɪbɪ da amú a, aha bédá amú abwi.

27 Bɔpu amú ba belu Yudafo asun agyipu amu ansito. Muu Bulu igyi ɔhapu dehen amu lefite amú ɔbɛɛ, **28** < < Animɛda mli ɔla aniaa, mliumátra ti oyin anfi ɪda suna ato? Tame mliki tɔ́á mliɪlabwɛ. Mliɪlaha mli atosunahe labula Yerusalem wuluto féé. Mliɪdekleá mliópu mu lowu sɪra anɪ. > >

29 Petro mua sumbi ayɔpu atrahe amu beɛ mú ɔno bɛɛ, < < Bulu asunsu lehian ání abégýi, megyi anyankpɔsa. **30** Mliɪɛda Yesu manta oyikpalihesu mɔ mu. Tame anɪ anain Bulu lokɔsua mu tsu afulito.

31 Olotsu mu ya ɔsɔsɔ, pu mu yeyai mu gyɔpɪsɔ, bwe mu aha ɔkpapu pú Nkpa ɔhɔpu. Fówun ɔkpa ɪɪ ha Israelfo abɔdamli klɔntɔ, Bulu osi amú lakpan kie amú. **32** Anigyi alɪ asun anfi ɪwɪ adansifo nɪ. ɔɲɛ Wankihe amuu Bulu lɔpukie aha ání butegyi mu asunsu amu ɛ de mú ɪwɪ adansie gyi. > >

33 Bréá Yudafo ahandɛ amu bonu asun anfi a, ɪɔwa amú ɔblɔ. Mú su bɔbwe agywun bɛɛ, bómɔ sumbi ayɔpu amu. **34** Tame Yudafo ahandɛ amuto ɔkɔ́á ogyi Farisiyin, mu ɪda gyi Gamaliel, ogyi Mose mbla osunapɔ́á aha féé butobu mu lokɔsu ɪɪ, blɪ ɔbɛɛ bukpa sumbi ayɔpu amu dalɪ kpalobi. **35** ɪnu ɔɛbla Yudafo ahandɛ amu ɔbɛɛ,

< < Israelfo ayin, mliki wanklaan ɪto anfi mliɪaa mliópu gyi aha anfi ɪwɪ. **36** Mlikaɪn ání brɛ kuto a, oyin ɔkɔ́á butetɪ mu Teuda letsia. ɔɔbwe mu ɪwɪ fɛ ɔha kpɔnkpɔntɪ ɔku. Mú su aha bɔbwe fɛ lafana (400) sɔɔn bobuo mu. Tame bómɔ mu, mu abuopu féé bedasain, mu bwehe ɛ féé lowie ntsu. **37** Mu ɔma a, Yuda ání ogyi Galileayin ɛ ɛba ahaklabɪ. Mu ɛ ɔɛkpa ɔdɔm buo ɪwɪ. Tame bómɔ mu, mu abuopu amu féé bedasain. **38** Mú su ndɛ mli bla mbɛɛ, mliɪsi aha anfi.

Mliumápu ɪbɪ da amú. Tsufe nɪ itsu anyankpɔsa wa a, mú féé ɪbéba

bɔtsun. 39 Tame ni itsu Bulu wa a, mɛ́mɛ́tali ka amú itin. Mú su mɛ́mábwe amú tɔ́tɔ́, menɪ umɔ́ɔ́bwe fɛ mɪa Bulunya mɪdɛ́kɔ. > >

Yudafo ahande amu botsula dɪnka Gamaliel asun anfisv. 40 Inu beha beti sumbi ayɔpu amu ba obuto unv. Beha bonwen amú atɔ́, beda amú ɔ́la beɛ, bumátra ti Yesu ida suna atɔ́ ekekekeke, besi amú benati.

41 Breá sumbi ayɔpu amu bedali Yudafo asun ogyikpa unv boyɔ a, ansi de amú gyi. Tsufe Bulu laha amú ε bawun iwɔ́sɪn Yesu su.

42 Sumbi ayɔpu amu betsia suna atɔ́ ekekegyieke, da Bulu asun wanklaan amu ɔ́kan Bulu ɔ́tswekpa unv pú woyigyiwoyito beɛ, Yesu gyi Kristo, (ɔ́ha amuv Bulu lada mu ofuli amv).

6

Proofread 09/06/03

ɔ́nɔ Alɪpu Abasiɛnɔ Le

1 Breá akasipu amu beba budekɛi a, utre leda Yudafo Griki abɪpu amuv butɛbli Hebri ɔ́bli amu nsine. Griki abɪpu amu beɛ, ekekegyieke, ni buɛ atɔ́ ye a, butamaha Grikifo asurapu. 2 Mú su sumbi ayɔpu duanyɔ amu beti ahogyipu amu féé fia, bla amú beɛ, < < lma alɛá abési Bulu asun ɔ́kanda betsia ye atɔ́tɔ́. 3 Inu su apio, mɪkɪ mɪtɔ́ amlɪle aha abasiɛnɔ́ obú bu amúsv, ɔ́ɛ Wankɪhe múa nyansa itsɔ́ amú́tɔ́. Fówun apu amú lu atɔ́tɔ́ye ɔ́nɔ, 4 menɪ anɪ ε abéle ansi kɪ mpaɪbɔ́ pú Bulu asun amu ɔ́kanda. > >

5 Ansi legyi ahogyipu amu féé asun anfi iwɪ. Mú su beɛ oyin ɔ́kuá mu hogyi ɔ́nɔ ibv ɔ́nlɪn, ɔ́ɛ Wankɪhe ε itsɔ́ mutɔ́, butɛti mu Stefano mua Filipo, Prokoro, Nikanor, Timon, Parmena pú Nikolao, ogyi Grikiyin ɔ́kuá otsu Antiokia asa alawie Yudafo osumtɔ́. 6 Bɔpu aha anfi bosuna sumbi ayɔpu amv, sumbi ayɔpu amv ε bɔpu ibɪ dɪnka

amúsu, bɔ mpaɪ ha amú.

7 Iní sɔ Bulu asun amɔ lekɛɪ, akasɪpɔ amɔ bomoni Yerusalem. Bulu igyi ahapɔ amɔ o tsɔtsɔtsɔ bɔhɔ Yesu asun amɔ.

Stefano Kɪta

8 Bulu lɔwa awɪtɔɛ ha Stefano tumi kpɔnkpɔnkpɔntɪ. Mú sɔ ɔɔɔbwe ofula pú osuna akpɔnkpɔntɪ ɔmá amɔtɔ. **9** Tame aku bɔkɔsɔ lu musɔ. Aha anfi botsu ofiakpa kuá bɔtɛtɪ mú < < Nkpábiá Bahɔ lwɪsɪtsia. > > Amú aku bɔgyi Yudaɔá botsu Kirene pú Aleksandria awulusɔ. Aku ɛ botsu Kilikia pú Asia ɔmátɔ. **10** Tame Dɔŋe Wankɪhe leha Stefano nyansa ɔɔɔputɔ. Mú sɔ bumetalɪ gyi mu nwen. **11** Iní sɔ beha aku ɔnɔ beɛ bubli beɛ, bonuá Stefano dɛtɔ wɔ Mose muɔ Bulu. **12** Iní leha aha ání bubu inɔ, Yudaɔ ahandɛ pú Mose mbla asunapɔ amɔ benya ɔɔɔ Stefano sɔ. Inɔ benatɪ yɔtɔ mu, kɪta mu, kpa mu ya Yudaɔ Asun Agyipɔ amɔ ansɪtɔ. **13** Belaha aku ɛ bɔwa afunu dɪnka musɔ beɛ, < < Oyin anfi tɔtɔ wɔ Bulu ɔtswekpa wankɪhe pú Mose mbla amɔ ekekegyieke. **14** Anlonuá ɔdebli ɔbeɛ, < Yesu Nasaretyin amɔ obóbwie Bulu ɔtswekpa amɔ, tse amandɛá Mose losuna anɪ féé. > > > **15** Yudaɔ Asun Agyipɔ amɔ féé besi bɔdɛ Stefano kɪ diin. Inɔ beki a, mu ansɪtɔ dɛ ogya kpa fé Bulu-ɔɔɔpɔ ansɪtɔ.

7

Proofread 09/06/05

Stefano Dɔnɔɛ

1 Bulu igyi ɔhapɔ dehen amɔ lefitɛ Stefano ɔbeɛ, < < Asun anfi babli tsu fu iwɪ anfi féé ibɔ mútɔ? > >

2 Stefano lele mú ɔnɔ ɔbeɛ, < < Mɪ apio pú mɪ asɪ, mɪlyaa asu amlinu! Bulu Onumnyampɔ amɔ lele iwɪ ɔwan suna anɪ nain

Abraham breá otsie Mesopotamia ómáto, Kaldeafoto asa olotu yetsia Haran wuluto. **3-4** Inu Bulu lebla mu óbée, <Tu dalu fu ómáto si fu abusuan, afuyo ósulu kuá nósuna fusu.> Mú su Abraham lotu tsu Kaldeafoto ósulusu yetsia Haran wuluto. Mu si lowu óma a, Bulu leha mu olotu ba ótine anfi mlitsie nde anfi. **5** Bre amuto a, Bulu mókunya ha Abraham ósulu anfi yabi oyikpa ikule kuraa. Tame Bulu lehie mu asu yai óbée, mua mu abi-aná obégyi ósulu anfi ekeku. Alí bre amuto a, Abraham mókukwu obi. **6** Asun ání Bulu lebla mu gyi, <Fu abi-aná bóbwe afoto ósulu kusu. Bópu amú bwe nkpábi, wa amú amumuyo nfi lafana (400). **7** Tame négyi ómá amuu fu abi-aná béyetsia amú asu amu asun, buti amú usu. Mú óma a, néle amú le amú ibito, fówun béba bosum mi nfi.> **8** Bulu leka ntam ha Abraham. Ntam amu onó a, Abraham óbétin mu abi-aná kete. Mú su mu bi Isak lóho nkekwe Abraham letin mu kete. Isak e letin mu bi Yakob kete. Yakob e letin mu abi, bugyi aní anain duanyo amu kete amú nyebito.

9 <<Aní anain anfi befe amú gyama Yosef, mu iwí olu su. Mú su ólonyóbwe ókpábi Egyipte ómáto. Tame Bulu lelu mu óma, **10** le mu le mu asun wunhe féeto. Bulu leha mu nyansa, ha Egyipte owie lenya mu iwí ansigyí. Mú su ólonyóbwe Yosef mu ómá pú mu woyi féesu ókípu. **11** Akun ku leba Egyipte pú Kanaan ósulusu féé. Ulopu ikplan ba ómá amuto. Aní anain amu bumenya ato gyi. **12** Mú su breá Yakob lonuá atogyihe bu Egyipte a, ólwa aní anain anfi sisi. Boyo unu eke gyankpapo yenya atogyihe ba. **13** Beyinki yo otse nyosi a, Yosef lele iwí ówan suna amú óbée, mugyi amú gyama Yosef ni. Iní su Egyipte owie e lebi Yosef abusuan. **14** Mú óma a, Yosef lówa mu apio sisi óbée, buyekpa mu si Yakob pú mu abusuanfo, bóbwe fe aha aduesienonnu (75) ba, abubetsia Egyipte ómáto. **15** Inu Yakob loyo Egyipte. Inu mua aní anain amu bowu ni. **16** Nfi tsotsóotsó óma a,

bɔpu amúto aku afuli ya Sekem. Wulu anfito Abraham legyankpa tsia nɪ. Bopula amú ilan kuto, Abraham ɔpu kɔba ho mú tsu oyin ɔkuá buteti mu Hamor abi wa.

17 < < Nke amuv Bulu lehie Abraham amv lotsutsua ibófun a, anɪ anain amv baklei wa Egypte ɔmáto. **18** Oma a, Egypte owie ɔkuá ɔmebi Yosef lebetsia obia amuvu. **19** Owie anfi lɔwa owuntɔlɪn anɪ anain amuvu. Oɔka amú hie ɔbeɛ, butswɪ amú abi bɔbwe tsalɪfwɪ abuwu. **20** Alɪ bre amuto bɔkwu Mose nɪ. Oɔbwe obiá ɔhie ɔbu akile, Bulu anɪ legyi mu iwɪ. Mu yin leyai mu tsra asa mu sɪ woyito.

21 Breá bele mu mu woyito a, Farao mu bi tsihe lotsu mu, pubwe mu bi alu ɔledan. **22** Egyptefo bosuna Mose amú amandɛ kugyiku. Oɔbwe ɔha kpɔnkɔntɪ mu itɔi pú mu bweheto.

23 < < Breá Mose lɔho nfi advana (40) a, ɔbwe agywun ɔbeɛ, móyo yeki alɪá Egyptefo bɔpu bude mu apio Israelfo kpa. **24** Inu a, olowun ání Egypteyin de mu apio Israelfo amuto ɔku da. Mú su ɔɔyɔho mu pio amuv ide mu dun amv. Ilemli muv Egypteyin amv nyɔ. Inu ɔleda Egypteyin amv mɔ. **25** Mose mú kɪ ɔbeɛ, ibówankɪ mu apio Israelfo ání Bulu depu mu ho amú nkpa, tame umɔwankɪ amú.

26 Mú ɔyikehe a, olowun Israelfo abanyɔ budeko. Oɔyo ɔyekpata amú, ɔlebla amú ɔbeɛ, < Mlɪkɪ, apio mlɪgyi. Ntogyi su mlɪ wulewule mlɪde aba amumuyɔ wa? > **27** Tame ɔmuvamuv ɔde mu ba da amv lowuta Mose sɪsɪ, fite mu ɔbeɛ, < Ma leyai fu owie pú anɪ asun ogyipu? **28** Fudekleá fómɔ mɪ, fe alɪ amuv igye fómɔ Egypteyin amv loo? > **29** Mose lenya nu asun anfi alɪ, ɔlesɪ dalɪ Egypte ɔmáto yo Midianfo ɔsuluvu. Oletsia unv kwu abi anyɔ.

30 < < Nfi advana (40) ɔma a, Bulu-ɔbɔpu lele iwɪ ɔwan suna Mose dimbisu ogya ání idetsii oyibi kuá ibv awuto, manta Sinaibv.

31 Mose lowun mú a, ulɔwa mu ifu. Breá ɔɔkpukpe ɔyo yeki mú

wanklaan a, Bulu lebla mu ɔbɛɛ, **32** < Mɔgyi fu anain Abraham mua Isak pú Yakob Bulu. > Mose lenya ifu, ɔɔɛkpɔnkɔ kpakpakpakpa. Mú su ɔmetali kɔ mú. **33** Anɔ Wie Bulu lebla mu ɔbɛɛ, < Wɔɔ fu ntukuta tswɔ, tsufe ɔwankɔkpa fulu. **34** Nawun ání mɔ aha buɔe iwɔɔsin wun Egypte ɔsulɔsu. Nanu amó isu. Mú su nakplɔ nɛba bɔhɔ amó. Ba, anwa fu Egypte. >

35 < < Mose anɔ Israelfɔ bekina Egypte ɔmátɔ, fitɛ mu bɛɛ, < Ma leyai fu owie pú asun ogyipɔ? > nɔ. Mose anɔ kɛn Bulu leha ɔbɛɛ, ɔbwe anɔ anain amɔsu ogyipɔ pú amó ɔlepɔ nɔ. Bulu lɔwa mu sumbi anɔ tsun Bulu-ɔbɔpɔ amɔsu ɔlele iwɔ suna mu ogya plenplentɔ amɔsu. **36** Mu kɛn gyi ɔha ání ɔlekpa amó dalɔ Egypte, bwe ofula pú osuna tsɔtsɔɔtsɔ Egypte ɔsulɔsu, ɔpɔ Pepe amɔ ɔnɔ pú dimbi amɔsu nfi advana (40) kɛkɛ nɔ. **37** Mu kɛn lebla Israelfɔ amɔ ɔbɛɛ, < Bulu ɔbéle mu ɔnɔsu ɔtɔipɔ ɔkúá ogyi fɛ mɔ tsu mlɔtɔ ha mɔ > nɔ. **38** Breá mua Israelfɔ amɔ befia dimbi amɔsu a, Mose anɔsu Bulu-ɔbɔpɔ amɔ lɔtɔɔ tsun Sinaibu amɔsu ha anɔ anain amɔ nɔ. Mu kɛnsu Bulu lɔpɔ mu nkpa asun amɔ tsun, ɔɔɛ anɔ ɛ tu nɔ.

39 < < Tame anɔ anain bumobu mu. Bekina mu asun nu. Amó nkule su mú a, tɛkɔ butra bubu Egypte ɔmátɔ. **40** Inɔ su bebla Aaron bɛɛ, ɔyai ɔkpɔá békpa amó ha amó. Tsufe bumeyin tɔá ɔlabwe Mose amɔsu ɔlekpa amó tsu Egypte amɔ. **41** Alɔ bre amɔtɔ a, beblɔ sika pepe ɔnantswiebi pubwe ɔkpɔ, tsia ha mú igyi. Amó anɔ legyi amó ɔbɔ ɔnɔ ɔtɔ bwehe anɔ iwɔ. **42** Bulu lesi amó asun, bɔyɔ buɔe owi múa ɔtsra pú ntsrakpabi tswɛ. Fɛ alɔ bɔwanlɔn wa Bulu ɔnɔsu atɔipɔ amɔ ɔwulɔtɔ bɛɛ,

< Israelfɔ! Megyi mɔ mlɔlɔmɔ mbwɔ bɔ afɔɔɔɔ ha nfi advana (40) amɔsu mlɔletsia dimbi amɔsu.

43 Mboun ɔkpɔ Molok tati-obu

pú Refan ntsrakpabi ɔkpɪ
mlɪɔbwɛ sura, natɪ tswɛ.

lnɪ su négya mlɪ yɔwa Babilonfɔ ɔsulɔ ɔma ɔtɪnɛku. >

44 < < Tati-obu amuv itosuna amúá Bulu bu amú wa amv ε letsia
anɪ anain amv wa dimbi amuv. Mose ɔbwɛ mú alíá Bulu losuna mv
ɔbɛɛ, ɔbwɛ mú pɛpɛɛpɛ. **45** Anɪ anain amv bowu si Bulu tati-obu amv
ha anɪ asɪ, Yosua legya amú nkpa bɔpɔba ɔsulɔ anfisv. Amú onuto
ansɪɔ Bulu legya ɔmá-ɔmá lɛ ɔsulɔ anfisv pɔha amú. Bulu tati-obu
amv letsia amú wa alɪ bɔtv Owie Dawid brɛsv. **46** Bulu ansɪ legyi
Owie Dawid ɪwɪ. Mú su Dawid ɔkɔlɪ mv ɔbɛɛ, mɔyi obu ha mv, mɛnɪ
anɪ Yakob abi-aná fɛé abósum mv ɪnv. **47** Tame Owie Salomo mboun
lebeyɪ obu amv.

48 < < Tame ɔsusɔsv Bulu tamatsia nyankpɔsa obu yihɛɔ. Fɛ alíá
Bulu ɔnɔsv ɔtɔɪv ɔkv lɛblɪ ɔbɛɛ,

49 < Anɪ Wie Bulu ɔbɛɛ, < < ɔsusv igyi mɪ owie obia,
ɔsulɔ ε igyi mɪ ayabi oyikpa.

Ntɔ obu mlɪaa, mléyi ha mɪ?

Nkɔnv gyi mɪ ɔkpɔnv ɔdakpa?

50 Megyi mlɔbwɛ ntobi anɪ fɛé? > > > > >

51 Stefano ɔmɔ mv asv ɔnɔ ɔbɛɛ, < < Asvɔ-ɔnlɪn awie, klvntɔ bu
mlɪ odwin. Mlɪlakina Bulu asv amv nu. Mlɪ ε mlɪɔkɔsv lɪ ɔɲɛ
Wankɪɛ amv asvsv bregyibrɛ, fɛ alíá mlɪ anain amv betsia bwɛ.

52 Bulu ɔnɔsv ɔtɔɪv ɔmɔmɔsv mlɪ anain bɔmɛdɪnka? Bɔmɔ Bulu
ɔnɔsv ɔtɔɪv amv bɛblɪ yaɪ bɛɛ, Yile ɔbwɛv amv ɔbéba amv ε.
Mlɪlɛlɛ Yile ɔbwɛv amv ε ha, bɔmɔ mv. **53** Mlɪɔhɔ Mose mbla amv
tsu Bulu-abɔpɔ amv wa nɪ, tame mlɪmegyi músv. > >

Stefano Abwi Da Mɔ

54 Breá Yudafɔ ahandɛ amɔ bonu Stefano asun blɛhɛ anfi a, ɔblo lehiɛ kita amó, beda ansito kpun. 55 Tame ɔɲɛ Wankɛhɛ lobula Stefanoto, olotsu ansɪ fua, ɔde ɔsusu ki. Olowun Bulu numnyam, Yesu lu Bulu gyɔpɪsu. 56 Muu ɔlebla amó ɔbɛɛ, < < Mɪki, nawun ání ɔsusu lafinki, Nyankpɔsa-Mu-Bi amɔ lu Bulu gyɔpɪsu. > > 57 Breá bonu ɪnɪ a, bɔpu ɪbi tin asu. ɪnu amó féé bɔsɔra okitikiti tu bun musu. 58 Bɛbitɪa mu dalɪ wulu amoto yɛda mu abwi mɔ. Adansɪfɔ amɔ bɔwɔɪ amó awunsu atadiɛ tswɪ ɔyasubi ɔkuá butɛti mu Saulo wa. 59 Beda mu abwi alɪ, olokpɔli anɪ Wie ɔbɛɛ, < < Mɪ Wie Yesu, hɔ mɪ ɔɲɛ. > > 60 ɪnu a, ɔleda akpawunu, kplɔn kuklɔkɔv ɔbɛɛ, < < Mɪ Wie, si lakpan anfi kie amó. > > Olenya blɪ alɪ pɛ, olomu ɔnɔ.

8

Proofread 09/06/05

1 Saulo ɛ lotsula dɪnka Stefano mɔsu.

Saulo ɔpasua Amusu Dɪnka

Tsu ɛkɛ amusu a, bɛdɪnka ɔpasua amusu ɪbu Yerusalem amusu, wa amó mɔ bi. Mú su ɔpasua amɔ féé bɛdasain wa Yudea pú Samaria ɔmáto, si sumbi ayɔpu amɔ nkulɛ pɛ wa ɪnu. 2 Tame Bulu asumpu aku bosu Stefano, bin mu.

3 Saulo mó lefi ɔpasua amɔ bwie asɪ. Oletsia ki aha woyito, bitɪa ahogyipu atsi muva ayin féé yɔwa obu.

Filipo Bulu Asun ɔkanda Samaria Wuluto

4 Ahogyipu amɔ beda Bulu asun wanklaan amɔ ɔkan ɔtɪnɛgyiɔtɪnɛá bɛdasain yɔ. 5 Mú su Filipino ɪyɔ Samaria wulu yile kuto yɛbla amó Kristo, (ɔha amusu Bulu lada mu ofuli amɔ) ɪwɪ asun wanklaan amɔ.

6 Afiapu amu fée bonu mu asun blihe, bowun osuna ání òlòbwe é. Mú su bòhò mu asun amu. **7** Òṅe lalahe lósura okitikiti dalí aha tsòtsòtsò. Aha ání amó ifun lawu pú tsukule asinpu tsòtsòtsò é benya ulòtsa. **8** Mú su ansí lèhíe gyi Samariafò amu.

9 Alí bré amutò a, òfapu kpònkpòntí òkúá butetí mu Simon bu wulu amutò. Bréá Filipo mókuba unu a, òtòbwe tumila suna mu pí amu, itòwa amó ifu. Òtòpu ibí si kantò blí òbèè, otumipu kpònkpòntí mugyi. **10** Nyebi ahande fée butobu mu, blí bèè, < < Oyin anfi de Bulu tumi kpònkpòntí amu. > > **11** Iníá òdèpu mu asuma bwe ofula suna amó, ulawa òpá su a, amó fée bòhò mu gyi. **12** Tame bréá Filipo lèba bèda Bulu iwiegyi pú Yesu Kristo iwí asun wanklaan amu òkan a, atsi mva ayin bòhò mu asun amusu gyi, òlòbò amó asu. **13** Simon onuto é lohogyi, òlèha Filipo lòbò mu asu. Mu asubò òma a, òlòpu iwí manta Filipo. Bréá olowun alíá Filipo de ofula múa osuna bwe a, ònò lobwie mu.

14 Sumbi ayòpu amusu bubu Yerusalem amu bonuá Samariafò baho Bulu asun amu. Mú su bòwa Petro mva Yohane amó wa. **15** Bréá boyowie unu a, bòbò mpai ha Samariafò ahogyipu amu bèè, bunya Òṅe Wankíhe. **16** Tsufe asu keke babò amó aní Wie Yesu idatò, tame amútò òkuku mókunya Òṅe Wankíhe amu. **17** Inu Petro mva Yohane bòpu ibí dinka amó nwunsu, Bulu lèha amó Òṅe Wankíhe amu.

18 Simon lowun ání ibí keke sumbi ayòpu amu bapu dinka ahogyipu amu nwunsu, Bulu laha amó Òṅe Wankíhe. Mú su òlèlè kòba ha Petro mva Yohane, **19** òlèbla amó òbèè, < < Mlíha mí tumi anfi kú, mení ní mí é nòpu ibí dinka òkú nwunsu a, Bulu òbèha mu Òṅe Wankíhe. > >

20 Tame Petro lèbla mu òbèè, < < Fua fú kòba amu nyo fée mlíhi. Tsufe fúkí fèè, fétalí pú kòba hò Bulu itokiehe anfi. **21** Fuma ogyikpa

nte ɔlukpa anɪ gyumagyihe anfitɔ, tsufe fu kluntɔ metɪn Bulu ansitɔ.

22 Damli kluntɔ tsu fu lakpan anfitɔ, afukulɪ anɪ Wie Bulu. Fialɪ obési agywun lalahe anfi fabwe anfi kie fu. **23** Tsufe nawun ání fuhie fubu ɔnsipe, lakpan lagyi fusu. > >

24 Simon lebla Petro mua Yohane ɔbee, < < Nobwii ɪpa, mlɪkokoli mlɪ Wie Bulu ha mɪ, menɪ ɔmécha asun anfi fablɪ anfitɔ kukɪ méeba mɪsu. > >

25 Breá Petro mua Yohane begyi adansiɛ, da Yesu ɪwɪ asun amu ɔkan ta a, beyinki yɔ Yerusalem. Breá buna bɔyɔ a, beda asun wanklaan amu ɔkan Samaria nkuda tsɔtsɔtsɔ asɪ.

Etiopia Owie Sikasu ɔkɪpu Kluntɔdamli

26 Alɪ bre amutɔ a, Bulu-ɔbɔpu lebla Filipino ɔbee, < < Kusɪ pu ɔsasi dimbisɪ ɔkpa amuv ɪda tsu Yerusalem ɪyɔ Gasa amu. > > **27** Muv Filipino lɔkusɪ pu ɔkpa. Breá ɔyɔ a, ɔlɔtu Etiopia ɔmá ɔhande ɔkuá baflo mu. ɔhande amu gyi Etiopia owie tsɪhe Kandake sikasu ɔkɪpu. Oyin anfi layɔ Yerusalem yosum Bulu, **28** yinki ɔyɔ woyi, otsie mu keketɔ, mpɔnkɔ bude mu bitɪ. ɔde Bulu ɔnɔsu ɔtɔpu Yesaia ɔwulɪ amu kla. **29** Muv ɔɲe Wankɪhe lebla Filipino ɔbee, < < Kpukpe manta keke anfi. > > **30** Filipino lesɪ tu keke amu wun ání Bulu ɔnɔsu ɔtɔpu Yesaia ɔwulɪ amu oyin amu de kla. Mú su ɔlefite mu ɔbee, < < ɔhande, fude asun amuv fudekla amu asɪ nu? > >

31 ɔhande amu lele mú ɔnɔ ɔbee, < < Nkalɪ ɪbɔbwe nónu mú asɪ nɪ ɔku mele mú asɪ suna mɪ? > > Mú su ɔlebla Filipino ɔbee, < < Du tsia mɪ wa ayɔ. > > **32** Bulu asun ání ɔdekla ɔwulɪ amutɔ gyi:

< < ɔlɔbwe diin fe kufa ání bapu beya ɔmɔkpa. ɔmobwii mu nnonyo.

ɔlɔbwe diin fe alɪá kufa tɔbwe,

nɪ bʊdɛ mʊ ɪwɪ ɪmɪ dɪnkɪ.

33 Bɔkpɔɪ mʊ, bʊmegyi mʊ asʊn ɔnɔkwalɪsʊ.

ɔhaa mɛɛtalɪ suna mʊ abi-aná,

tsufɛ bɛka mʊ nkpa itɪn ɔsʊlʊ anɪsʊ. > >

34 Mʊs ɔmá ɔhandɛ amʊ lɛfɪtɛ Filipino ɔbɛɛ, < < Ma ɪwɪ asʊn Bulu
ɔnɔsʊ ɔtɔɪpʊ anɪ dɛblɪ, mʊ onuto nɛ ɔha bamba? > > **35** ɪnʊ Filipino
lɛlʊ Yesaia asʊn wanɪnɪhɛ anɪsʊ bla mʊ Yesu ɪwɪ asʊn wanklaan
amʊ. Philip explaining Scripture to official in

chariot|CN01932B.TIF|span|ACT8:26-40|David C. Cook

Foundation|Filipo lɛlʊ Yesaia asʊn wanɪnɪhɛ anɪsʊ bla mʊ // Yesu
ɪwɪ asʊn wanklaan amʊ.|Gyumagyiɛ 8:35 **36-37** Bɔpʊ bɔyɔ a, bɔtʊ
ntsu kʊ. Mʊs ɔmá ɔhandɛ amʊ lɛfɪtɛ Filipino ɔbɛɛ, < < Ntsu da a, ntɔ
letɪn mɪ asubɔ ɔkpa? > >¹

38 Mú sʊ ɔmá ɔhandɛ amʊ lɛha mʊ keke amʊ ɔbʊtɪpʊ lɛlʊ. Mʊa
Filipo bɛkplɪ wɛɛ ntsu amʊtɔ, Filipino lɔbɔ mʊ asʊ. **39** Brɛá bɛdalɪ ntsu
amʊtɔ a, anɪ Wɛɛ ɔɲɛ lotsu Filipino natɪ. ɔmá ɔhandɛ amʊ mɛtra wʊn
mʊ, tamɛ ɔlɔpʊ anɪgyɪ natɪ ɔyɔ woyɪ. **40** Filipino ɛ lɛyɛdalɪ Asoto
wʊlutɔ. ɔlɛnatɪ kɪ ɪnʊ awʊlusʊ da asʊn wanklaan amʊ ɔkan alɪ,
oloyowɛ Kaesarea wʊlutɔ.

9

Proofread 09/06/05

Saulo Kluntɔdamli

(Gyumagyiɛ 22:6-16; 26:12-18)

¹**8:37** Múɔ ye 37 bʊ nʊwʊlʊ dada amʊ akʊtɔ: *Filipo lɛbla mʊ ɔbɛɛ*
< < Nɪ fahɔ Kristo gyɪ tsu fʊ ɪklʊn fɛ́ɛ́tɔ a, nɛ́talɪ bɔ fʊ asʊ. > > ɔlɛbla
Filipo ɔbɛɛ, < < Eɛ, nahogyɪ mbɛɛ Yesu Kristo gyɪ Bulu mʊ Bɪ. > >

1-2 Alí bré anfito féeé a, Saulo məkusi Yesu akasipu amu bla ɔbɛɛ, mómɔ amú. Mú su ɔɔyɔ Bulu igyi ɔhapu dehen wa yɔkuli mu ɔbɛɛ, ɔwanlin ɔwulu pule mu suna Damasko Yudafɔ ofiakpa ahandɛ, mení nɪ mu ibi da oyin nte ɔtsi ɔku, ɔna anɪ Wie ɔkpa amusu a, mékita mu, kpa mu ba Yerusalem.

3 Saulo lɔpu ɔkpa ɔyɔ Damasko. ɔlɛta wie ta a, nsaintɔ lɛkpa ogya wa mu. **4** ɔlɛdɪda ɔsulɔtɔ kpla. Inu olonu ɔmɛ ku. ɔmɛ amu lɛfite mu ɔbɛɛ, < <Saulo, Saulo, ntogyi su fudɪn misu alí? > >

5 Saulo lɛfite ɔbɛɛ, < <Fu ma nɪ, mɪ Wie? > > Mvu ɔmɛ amu lɛbla mu ɔbɛɛ, < <Mɪ Yesu nɪ. Mɪsu fudɪn nɪ. **6** Kusɔ, afuyɔ wulutɔ unu. ɔku obósuna fu tɔá lehian ání fóbwe. > >

7 Saulo aba ání mva amónyɔ buna besi lu diin. Bonu ɔmɛ amu, tamɛ bumowun ɔhaa. **8** Saulo lɔkusɔ lu. Olobwii ansibi, tamɛ ɔmedɛ atɔ wun. Mú su bekita mu ibi, kpa mu ya Damasko wulutɔ. **9** Oletsia nkensa owitɔ omowun atɔ. Omegyí atɔ, omonun tɔtɔ ɛ alí bré amutɔ.

10 Alí bré amutɔ a, Yesu ɔkasipu ɔku bu Damasko unu, butɛtɪ mu Anania. Olowun atɔ. Mútɔ a, anɪ Wie Yesu lokpoli mu ɔbɛɛ, < <Anania! > >

Olotsula ɔbɛɛ, < <Mɪ Wie, mɪ nɪ. > >

11 Mvu anɪ Wie lɛbla mu ɔbɛɛ, < <Kusɔ yɔ brɔnu amuvu butɛtɪ mú <ɔkpa Tswiihe> amusu. Wie Yuda woyitɔ, afufite oyin amuvu otsu Tarso, butɛtɪ mu Saulo amusu. Alaba, ɔbu unu ɔdɛ mpai bɔ.

12 Alawun ání oyin ɔkuá butɛtɪ mu Anania laba bɔpu ibi dɪnka musu, mu ansibi labwii. > >

13 Mvu Anania lɛbla anɪ Wie ɔbɛɛ, < <Mɪ Wie, nanu oyin anfi iwi asun. Alíá ɔdɛpu lalahe gyi fu aha ání bubu Yerusalem. **14** Igyi ahapu dehen amu ɛ baha mu tumi bɛɛ, ɔba Damasko bekita aha ání butɔbɔ mpai fu idatɔ féeé. > >

15 Aní Wie lebla mu ɔbɛɛ, < < Yɔ, mɪlale mu mbɛɛ, ɔbwe mɪ osumpu. Ɔha ɔmá bambatɔɔ, amú awie pú Israelfɔ fée abubi mɪ.

16 Mɪ onuto nósuna mu alíá ɔbókuku wun ipian mɪ su. > >

17 Mú su Anania lɔyɔ Yuda woyitɔ, yɔpu ibi dinka Saulosu, bla mu ɔbɛɛ < < Opio Saulo, aní Wie Yesu amuv ɔlele iwɪ ɔwan suna fu bre amuv feba nfi amu lawa mɪ fu wa. Ɔbɛɛ, mbeha fu afɔlawun atɔ, Ɔɣe Wankihe ɔbula futɔ. > > **18** Tɔkúá igyi fe klemeti-afwɪ lemain le mu ansibisu kpada ununu. Mú su ɔlela ɔde atɔ wun. Inu ɔɔkusu, bɔbɔ mu asu. **19** Beha mu atɔ olegyi, ɔwunlin lelawie mu.

Saulo Bulu Asun Ɔkanda Damasko

Saulo letsia akasipu amu wa nke kpalobi. **20** Inunu ɔlenatɪ yɔ amú ofiakpa, yefi Yesu iwɪ asun ɔkan da asɪ ɔbɛɛ, < < Yesu gyi Bulu mu bi amu nɪ. > >

21 Aha ání bonu mu asun blihe anfi fée ɔno lobwie amú. Mú su befiɛ bɛɛ, < < Megyi mudɛ Yesu asumpu mɔ Yerusalem nɪ? Megyi amú ɔkitakpa ɔleba nfi, ɔkpa amú ya igyi ahapu dehen amu? > >

22 Tame Saulo lelanya tumi bli asun amu ɔwunlinsu ɔbɛɛ, lele Yesu gyi Kristo, (ɔha amuv Bulu lada mu ofuli amu). Alíá ɔlehiɛ le asun amutɔ leha Yudaɔá bubu Damasko unu bɔbwe basaa. Bumowun múá bótsu.

23 Nke tsɔtsɔtsɔ ɔma a, Yudaɔ amu befia kɪta agywun bɛɛ bómo Saulo. **24** Mú su betsia gyo wulu amu ɔno ɔpa onye, menɪ bénýa mu mɔ mu. Tame aku bowi tsa Saulosu bɛɛ, alɪ Yudaɔ amu babwe agywun nɪ. **25** Mú su eke ɔku onye a, Saulo abuopu amutɔ aku botsu mu wa lakpatɔ, pu mu tsun ikwitɔ kpli mu yi iban ɔma, ɔlesɪ natɪ.

Saulo Yerusalem Yɔ

26 Breá Saulo lowie Yerusalem a, ɔɔtsun ɔkpa kugyikusu ání

obówie Yesu akasipu amuto. Tame bumohogyiá alabwe okasipu. Mú su benya mu ifu. **27** Inu Barnaba lekpa mu ya, yeke mu suna sumbi ayapu amu. Olebla amú alí aní Wie lele iwi owan suna Saulo Damasko okpató, mua Yesunyo botó; pú alí Saulo lówa klón da Bulu asun amu okan owunlinsu Yesu idató Damasko wuluto. **28** Mú su Saulo lowie amúto, beki Yerusalem wuluto. Olówa klón blí Bulu asun amu Yesu idató. **29** Múa Yudafo amuv buteblí Griki obli amu betsia to, gyi aba nwen. Tame alí bre amuto féé a, bude agywun bweá bómo mu. **30** Breá mú afu lowuli ahogyipu amu a, bekpa mu ya Kaesarea, ha mu olenati yo Tarso.

31 Mú su iwi lolwii opasua aní ibu Yudea, Galilea pú Samaria omátó. Oye Wankihe lekpa amú beklei, dan hogyito, betsia tsiatá ilegyi aní Wie Yesu ansí.

Aha Aku Uo Tsa

32 Petro lenati ki Samaria nkudasí. Eke oku oleyeki Bulu aha aní bubu Lida wuluto. **33** Inu a, oleyefia oyin okvá buteti mu Enea, olesin tsukule nfikwe ní. **34** Petro lebla mu obee, < <Enea, Yesu Kristo latsa fu ilo. Kusu kunta fu oklan. > > Inu Enea lokusu. **35** Aha aní butsie Lida wuluto pú Saron nsaintó féé bowun oyin amu. Mú su bohogyi, bobuo aní Wie.

36 Otsi oku bu Yopa wuluto, ogyi okasipu. Buteti mu Tabita. Mu ida amu así Griki oblito gyi, < <Dorka. > > Mú así gyi, < <Abre. > > Yile obwepu ogyi. Obu awitole ha ahianfo. **37** Breá Petro bu Lida a, ilo leda Tabitasu. Olowu, bebie mu ntsu, si mu tswi abansru kuto.

38 Yopa mua Lida awulu uma ifo aba wa. Mú su breá akasipu amuv bubu Yopa amu bonu lowu anfi a, bowa abi anyo sisi Petro bee, bobwii ipa ha mu, owa osa tu amú. **39** Inu Petro lówa osa bwe, mua

amúnyɔ benatɪ. Bréá olobowie unv a, bekpa mu ya abansru amuto. Wulu amuto asurapu féé bubu fuli amv asi. Bekpa puta Petro buquesu, buqe atadiéá Dorka lobwe bréá otsie nkpa pusuna mu. 40 Petro legyaa asurapu amv féé le obu amuto. Muv ɔleɗa akpawunu bɔ mpai, asa ɔleɗamlɪ kɪ fuli amv blɪ ɔbeɛ, < < Tabita, kusv. > > Inu Tabita lobwii ansibi. Bréá olowun Petro a, ɔlokusu tsia. 41 Inu Petro lekita mu bɪ, ɔlokusu lu. Petro leti asurapu amv pú ahogyipu atrahe amv. Muv ɔɔpu Tabita suna amú ání alatsinki. 42 Asun anfi leklei wa Yopa wuluto. Mú sv aha tsɔtsɔtsɔ bohɔ anɪ Wie gyi. 43 Petro letsia Simon ání ɔɔyɔ ɔwulv-kpakpa ɪwɪ agyuma wa Yopa unv wa ɔpá.

10

Proofread 09/06/05

Konelio Abi Wa Petro Wa

1 Oyin ɔkv letsia Kaesarea unv, butetɪ mu Konelio. Ogyi Romafo isa akɔpu ɔpasua kvá butetɪ mú Italia ɔhande. 2 ɔbu nsi Bulusum ɪwɪ. Mva mu woyitɔfo féé butosum Bulu. Konelio tekie Yudafɔ ahianfo atɔ. ɔɔbɔ mpai ha Bulu bregyibre. 3 Eke ɔkv Konelio lowun atɔ ntupwe ɔɔsatɔ. Mu atowunhe amuto a, olowun Bulu-ɔɔpu ansi kain. Bulu-ɔɔpu amv lokpoli mu ɔbeɛ, < < Konelio! > >

4 Ifu lekita mu. Mú sv olesi ɔde Bulu-ɔɔpu amv kɪ. Muv ɔlefite Bulu-ɔɔpu amv ɔbeɛ, < < Mɪ Wie, nkali igyi? > >

Bulu-ɔɔpu amv lebla mu ɔbeɛ, < < Bulu laho fu mpai. Fu aha atɔ kie ε lagyi mu ansi. 5 Wa abi abuyɔ Yopa yetɪ Simon Petro ba.

6 ɔɔyɔswu ɔwulv-kpakpa ɪwɪ agyuma ɔyɔpu Simon woyitɔ, manta ɔpu ɔnɔ. > > 7 Bréá Bulu-ɔɔpu amv lenatɪ a, Konelio letɪ mu asumpu abanyɔá bubu mu woyitɔ pú mu ɔbɪsuféá ogyi isa ɔkɔpu, otenya Bulu

ifu. **8** Ọlebla amú asun ání ọlaba fée, ọlwa amú sísí Yopa.

9 Mú ọyíkẹhẹ bókusu bọyọ Yopa. Beta unu wie ta, ọbóbwe fẹ ọpa doduanyọtọ. Petro ẹ dedu ọyọ obu awunsu mpai ọbọkpa. **10** Akun ihie de mu. Mú su olekleá obénýa tọku wa ọnọ. Bréá bude atọ amu nuna ha mu a, Petro lowun atọ. **11** Atowunhe amutọ a, olowun ání ọsusu lafinkí, tókúá igyí fẹ ọhrada tẹihẹ, bude mu nsiebi ana, idekplí ọba ọsulusu. **12** Ọyító mbwí ọtsan-ọtsan, mbwíá bubu ayin, tame buteka abọnọ pú ọyító mbubwí fée bubu ọhrada amutọ. **13** Muv olonu ọme ku ledalí ọbẹ, < <Petro, kusu mọ mbwí anfi afuwí. > >

14 Tame Petro lele mú ọnọ ọbẹ, < <O-o! Mí Wie, bọkwu mí ọpá a, mmọkugyí tọá Yudafo amandie lekisi nte mú ọwí metin kí. > >

15 Ọme amu lela bla mu ọbẹ, < <Mátí tọá Bulu latin mú ọwí atokisihe. > > **16** Atowunhe amu pú ọme amu leba tse sa. Mu ansító unu botsu ọhrada amu ya ọsusu ọtsawule pẹ.

17 Bréá Petro de nwuntọ bu tsu atowunhe anfi ọwí a, Konelio abi amu ẹ bafite wun Simon woyító, ba bulu ọkpa ọnọ. **18** Konelio abi amu bokpoli fite bẹ, < <Ọfọ ọku tsie nfi, butetí mu Simon Petro? > >

19 Petro tra ọde nwuntọ bu tsu atowunhe amu ọwí, Ọje Wankihe lebla mu ọbẹ, < <Simon, aha abasa aku baba bude fu dunka.

20 Kusu bwe, afukplí yefia amú amlínatí. Mágýí nwen, tsufe mlawa amú fu wa. > > **21** Inu Petro lekplí yọtu amú, bla amú ọbẹ, < <Mígyí ọha amuv mlidedunka amu ní. Ntogyí su mlína? > >

22 Aha amu bele mú ọnọ bẹ, < <Animede tsitsa. Iṣa akọpu ọhande Konelioá otenya Bulu ifu, Yudafo fée butetí mu ọdayile lwa aní fu wa. Bulu-ọbọpu ọku labẹbla mu ọbẹ, ọba betí fu afuba mu woyító, mení obónu asun ání fubu blí. > > **23** Muv Petro lekpa amú wa woyító, ọleha amú ọdikpa.

Ɔyi kehe a, Petro mua amúnyɔ bɔkusɔ pu ɔkpa bɔyɔ Kaesarea. Breá bɔyɔ a, ahogyipu akvá bubu Yopa unu e bobuo amú yɔ. **24** Mú ɔyikehe a, boyowie Kaesarea wuluto. Botsutsua abuwie unu a, Konelio lati mu woyito aha pú mu anyawie klakla befia, ɔde amú ɔkpa kɪ.

25 Breá Petro lowie woyi amu ɔno a, Konelio lokusu yefia mu, da akpawunu mu ayabito sum mu. **26** Tame Petro leha mu ɔlokusu. Ɔlebla mu ɔbeɛ, < <Kusu, máda akpawunu ha mɪ. Nyankpɔsa mɪ e ngyi. > > **27** Petro mua munyɔ buna budetɔ alu olowie woyito. Inu olowun ání aha tsɔtsɔɔtsɔ bafia. **28** Mvu ɔlebla amú ɔbeɛ, < <Mli onuto mliyin ání Yudafo mbala meha ɔkpa ání Yudayin mua ɔmá bambatɔyin bubwe anyawie nte ɔbɔyɔ mu wa kpan. Tame Bulu laha mɪ nabi ání mmákɪ mbɛɛ, ɔku iwi metɪn nte ɔmɔfun amandɛ ɔkpasu.

29 Mú su breá fɔwa abi fɛɛ bubetɪ mɪ a, mmɔkpukpu nwunto nɪ. Amansu igyi? Bla mɪ. > >

30 Mvu Konelio lebla mu ɔbeɛ, < <Nde eke nasi, ntupwe ɔsato mbu woyito nde mpai bɔ. Ɔsawule pe a, nowun oyin ɔku lu mɪ ansito. Oyin amu lowa atadie fututu. **31** Oyin amu lebla mɪ ɔbeɛ, < Konelio, Bulu lanu fu mpai. Fu aha atokie e lagyi mu ansi. **32** Mú su wa abi abuyɔ Yopa wuluto yetɪ Simon Petro ba. Ɔwulu-kpakpa iwi agyuma ɔyɔpu Simon woyi ɔlɔswu. Otsie manta ɔpu ɔno. > **33** Mú su ununu nɔwa abi sisi fu. Ibu aleá faba. Sei a, anɪ fée anɔlafia Bulu ɪdato. Anɔgyo anɪ Wie asun ání alapuha fu ɔbeɛ, fubla anɪ. > >

Petro Asun Blɛɛ

34 Mvu Petro lotsu ɔno bli ɔbeɛ, < <Nawun ání lele Bulu tamakɪ ɔhaa ansito. **35** Mboun ɔha ání otenya mu ifu, ɔtɔbwe yile asun otekle ɔmágyiɔmáto. **36** Mliyin asun wanklaan ání Bulu lopuha Israelfɔ. Asun amu gyi, Bulu lapu iwilwii ba tsun Yesu Kristo, aha fée

Owie amusu. **37** Mliyin asun kpɔnkpɔntiá ɔlɛba Yudea ɔmáto fée. Ilotsu asɩ tsu Galilea ɔmáto, bréá Asu Ɖɔɔpu Yohane lɛda asubɔ ɔkan ɔma. **38** Mliyin anɩ Wie Yesu Nasaretyin amu. Mliyin ání Bulu lɔpu mu Ɖɔɔ Wankihe pú tumi wa mutɔ, oleki ɔtɩnɛgyiɔtɩnɛ bwe yile, tsa aha ání bubu ɔbɔnsam tumi asɩ ɔlɔ, tsufe Bulu buo mu. **39** Anɩgyi aha ání anɩlowun mu bweheá ɔlobwe Yudea pú Yerusalem ɔmáto fée nɩ. Beda mu manta oyikpalihesu mɔ mu. **40** Tame mú eke sasi a, Bulu lɔkusua mu, le mu ɔwan, aha bowun mu. **41** Megyi ɔyɩto aha fée lowun mu, tame anɩ aha amusu Bulu lɛlɛ yaɩ ɔbɛɛ, abwe mu adansɩfo amu mú anɩlowun mu. Mu kusɩ tsu afulito ɔma a, anɩa munyo legyi, anɩlowɩ nɩ. **42** Ɖlɛhiɛ anɩ ɔbɛɛ, ada mu asun wanklaan amu ɔkan suna aha, agyi mu ɩwɩ adansɩɛ ání mugyi ɔha ání Bulu lalɛá obégyi akɩankpapu pú awupu fée asun nɩ. **43** Bulu ɔnɔsu atɔɩpu amu fée beblɩ bɛɛ lɛlɛ, ɔhagyɩɔha ání ɔlɔhɔ Kristo gyi a, Bulu obési mu lakpan fée kie mu Kristo ɩdato. > >

Ɖmá Bambasɔfo Ɖɔɔ Wankihe Nya

44 Bréá Petro de asun anɩ blɩ a, Ɖɔɔ Wankihe lɛba aha amusu bude mu asun amu nu amu féeɩsu. **45** Ɖnɔ lobwie Yudafo ahogyipu amusu bobuo Petro ba ɩnu amu ání Bulu lapu mu Ɖɔɔ Wankihe amu kie aha ání bumegyɩ Yudafo. **46** Tsufe bowun ání aha amu bude ɔblɩ bamba blɩ, buhiɛ bude Bulu kanfu. Mú su Petro lɛbla amú ɔbɛɛ, **47** < < Bulu laha aha anɩ ɛ Ɖɔɔ Wankihe fe anɩ. Ɖku ɔbétalɩ tin amú ɔkpa ɔbɛɛ, bumábo amú asu? > > **48** Mú su ɔlɛblɩ ɔbɛɛ, bubu amú asu Yesu Kristo ɩdato. Mú ɔma a, bokokoli Petro bɛɛ, otsia amú wa kpalobi.

Petro Asun Onole Yerusalem

1 Yesu sumbi ayɔpu amu pú ahogyipu amuv bubu Yudea ɔmáto amu bonuá ɔmá bambatɔfo ɛ baho Bulu asun amu. **2** Mú su breá Petro lɔyo Yerusalem wuluto a, mua ahogyipu akvá butekleá aha butin kete asa abuwie ɔpasua amuto bebiti asun. Befite mu bee, **3** < <Ntogyi su fayɔ aha ání bumetin kete woyi, fua amúnyɔ mlɔlawa ibi gyi ato? > >

4 Mú su Petro lele asun ání ulɛbato suna amú ikule-kule ɔbee,

5 < <Mbu Yopa wuluto nde mpai bo nowun ato. Múto a, nowun ání tɔkuá igyi fe ɔhrada teihe, bude mú nsiebi ana lekpli tsu ɔsusu ba mi wa. **6** Nowun pututo-mbwi pú wuluto mbwi, mbwiá bubu ayin, tame buteka abɔno pú ɔyito mbubwi féé ɔhrada amuto. **7** Inu nonu ɔme ku ledali bla mi ɔbee, <Petro, kusu mo mbwi anfi afowi. >

8 < <Muv nebli mbée, <Mi Wie, ekekekeke. Bɔkwu mi ɔpá a, mmɔkugyi tɔá Yudafo amandie lekisi nte mú iwɔ metin ki. >

9 < <Muv ɔme amu lotsu ɔsusu labla mi ɔbee, <Máti tɔá Bulu latin mú iwɔ atokisihe. > **10** Tse sa sɔɔn nowun atowunhe anfi. Mú ɔma a, ulɛlayinki yo ɔsusu.

11 < <Alɔ bre amuto ken a, ayin abasa akvá bɔwa mi wa tsu Kaesarea baba bulu woyi amuv ntsie múto amu ɔno. **12** Ɔnye Wankihe lebla mi ɔbee, mbuo amú yo, mmágyi nwen. Apio abasie anfi botsu Yopa anfi ɛ bobuo mi yo Kaesarea. Anɔ féé anɔlɔyo Konelio woyito.

13 Konelio lebla anɔ ɔbee, mowun Bulu-ɔbɔpu ɔku mu woyito, ɔlebla mu ɔbee, <Wa abi abuyo Yopa yeti oyin ɔkuá buteti mu Simon Petro ba. **14** Ɔbebla fu asun ání fua fu woyito aha féé mlɔtsun músu nya nkpa. >

15 < <Nenya tsu ɔno ndetɔ alɔ, Ɔnye Wankihe leba amúsu fe alɔá ulɛba anɔsu eke gyankpapo amu. **16** Inu nekaun anɔ Wie asun blɔhesu. Ɔbee, <Yohane lɔpu ntsu bo aha asu. Tame mli mú a, Bulu ɔbɔpu

Ɔɔɛ Wankɩhe bɔ mɩ asu. > **17** Mú sɩ nɩ Bulu lapu mu atokiehe amu kie amú, fe alíá ɔɔɔɔɔɔ anɩ aha amuv anɩɔɔ anɩ Wie Yesu Kristo gyi amu a, mɩgyi ma ání nétin Bulu ɔkpa? > >

18 Breá sumbi ayɔpu amu bonu asun anfi a, besi Petro tɔɩ wa, bekanfu Bulu bee, < < Muv Bulu laha aha ání bumegyi Yudafo ɔkpa ɔbee, amú e budamli kluntu, abunya nkpa. > >

Kristo Ɔpasua Ání Ibo Antiokia

19 Stefano lowu ɔma a, beɔnka ahogyipu amuvu. Mú sɩ bedasain yɔ Foinike múa Kipro ɔsuluvu pú Antiokia wuluto. Yudafo nkule bebla Bulu asun wanklaan amu. **20** Tame amúto aku mú botsu Kipro pú Kirene ɔmáto ba Antiokia bebla Grikiɔ amu anɩ Wie ɩwɩ asun wanklaan amu. **21** Anɩ Wie Bulu lelu amú ɔma. Mú sɩ amúto aha tsɔtsɔtsɔ bohogyi, damli kluntu ba anɩ Wie Yesu wa.

22 Yerusalem ɔpasua amu bonu asun anfi. Mú sɩ bɔwa Barnaba sɩsɩ Antiokia. **23-24** Barnaba gyi ɔha wanklaan, Ɔɔɛ Wankɩhe pú hogyi e ɩtsɔ mutɔ. Breá olowie Antiokia, olowun alíá Bulu lagyi amú buale a, ansɩ legyi mu. Muv ɔɔtɔɩ kpla amú ɔbee, bupu amú klun féé dɩnka anɩ Wie Yesuvu, abugyi mu mblasu. Inɩ sɩ aha tsɔtsɔtsɔ botsun mu asun amuvu hɔ anɩ Wie gyi. **25** Mú ɔma a, Barnaba loyɔ Tarso wuluto yodunka Saulo. **26** Breá olowun mu a, ɔlekpa mu ba Antiokia. Betsia unv ofi ɔkule, tsia fia ɔpasua amu, suna amú atɔ. Antiokia begyankpa ti akasipu amu bee < < Akristofɔ > > nɩ.

27 Bulu ɔnɔsu atɔpu aku botsu Yerusalem ba Antiokia alɩ bre amuto ken. **28** Amúto ɔkule ida gyi Agabo. Ɔɔkusu lu, blɩ Ɔɔɛ Wankɩhe tumito tswɩ ɔbee, < < Akun kpɔnkpɔntɩ ku béba Roma ɔmáto féé. > > Uleba múto breá Roma Owie Klaudio tsie obiasu.

29 Akasipu amu bobwe agywun bee, amúto okugyiaku obódunka tɔá

obénya, abupuyekie apio ahogyipvá bubu Yudea ɔmátɔ. **30** Begyi dínka músɔ, bɔpuha Barnaba mua Saulo bɔpuya ɔpasua amɔ ahandɛ.

12

Proofread 09/06/05

Petro Obudɪ

1 Alɪ brɛ amutɔ a, Owie Herode ledínka ɔpasua amutɔ akusɔ, wa amú amumuyɔ. **2** Oleha betɪn Yohane mu pio Yakobo ɔdayitɔ. **3** Herode lowun ání ibɔ Yudafɔ amɔ ɔdwɛ. Mú sɔ omesi, ɔleyɛkɪta Petro ɛ. Alɪ brɛ amutɔ bɔdɛ Israelfɔ Bodobodo Mátuhe Nke gyi. **4** Mú sɔ brɛá ɔlekɪta Petro a, ɔlɔpu mu tswɪ obu, ɔlɛlɛ isa akɔpu duasie ɔbɛɛ, butsia gyo mu ɪwɪ abana-abana. ɔlɔbwe agywɪun ɔbɛɛ, begyi Nke amɔ ta a, megyi Petro asun dɪnsɔ. **5** Bɔwa Petro obu, tamɛ ɔpasua amɔ bɔbɔ mpaɪ kinkiinkin ha mu.

Petro Obule

6 Onye asa ɔyi ɔbékɛ Owie Herode ɔbélɛ Petro ba dɪnsɔ begyi mu asun a, bɔwa Petro ɪkan anyɔ kekɛ, ɔda ɔdɛdɪdɪ isa akɔpu abanyɔ nsunɛ. Isa akɔpu aku ɛ bulɪ bɔdɛ obu amɔ ɔnɔ gyo. **7** ɔtsawulɛ pɛ a, Bulu-ɔbɔpu ɔku lebelɪ amú wa obuto ɪnɔ, ɪnɔ féé lɔwankɪ. Bulu-ɔbɔpu amɔ lɔpu ɪbɪ da Petro abɪntɔ, oletsinki. ɔlɛbla Petro ɔbɛɛ, < <Wa ɔsa kusɔ. > > ɪnɔ ɪkan amɔ lɔwɔɪ lɛ mu ɪbɪ. **8** Mɔs Bulu-ɔbɔpu amɔ lebla mu ɔbɛɛ, < <Kusɔ pu ɔfɛ klɪ osietɔ, afutsu fu ntukɪta wa. > > Petro lɔbwe. Mɔs ɔlɛtra bla Petro ɔbɛɛ, < <Tsu fu liga wa, afuba ayɔ. > > **9** Petro lobuo Bulu-ɔbɔpu amɔ dalɪ obu amutɔ. ɪmɔwankɪ Petro nɪ akɪankpatɔ nte atowunhetɔ Bulu-ɔbɔpu amɔ dɛ mu asun bla. **10** Mɔa Bulu-ɔbɔpu amɔ bɔtsun obu-ɔnɔ gyankpapu pú nyɔsɪ agyopɔsɔ. Bɛba bɔtu ɪdatɔ ɪklɔn ání fɔpɔdalɪ wie

wuluto. Iklun amu onuto lefinki ha amú bɔtsun. Bɔputsun brɔnu kusu bɔyɔ a, Bulu-ɔbɔpu amu lofwɪ si Petro.

11 Brɛ́á Petro ansito letiti mu a, ɔleɓli ɔbɛɛ, < < Sei mú nawun ání lele Bulu lawa mu ɔbɔpu labelɛ mɪ Owie Herode ɪbi pú tɔ́á Yudafo bude ɔkpa kɪtɔ. > >

12 Iníá Petro lowun mú alɪ su a, ɔlenatɪ yɔ Yohaneá butetra tɪ mu Marko mu yin Maria woyi. Alɪ brɛ amuto a, aha tsɔtsɔtsɔ bafia unu bude mpai bɔ. **13** Petro leɗa amú iklunsu, osumbi tsihe ɔkɔ́á butetɪ mu Rode leɓekɪ ɔha ání ogyi. **14** Brɛ́á ɔleɓiá Petro ɔmɛ nɪ a, ansi lehiɛ gyi mu. Mú su ɔletan obu amu finki. Mboun oleyinki sɪ yɛbla amú ɔbɛɛ, < < Petro laba ɔlu obu-ɔnɔ. > > **15** Aha amu beɓla mu bɛɛ, < < Fu nwun layinta. > > Tame ɔɔyɔ ḿsu, ɔdeɓli ɔbɛɛ, < < Lele a. > > Mú su beɓla mu bɛɛ, < < Mumu fialɪ Bulu-ɔbɔpuá ɔtekɪ Petrosu nɪ. > >

16 Alɪ brɛ amuto féé a, Petro tra ɔde iklun amusu da. Brɛ́á bɔyɔ yefinki mú, bowun Petro a, ɔnɔ lobwie amú. **17** Petro loɓwe ɪbi suna amú ɔbɛɛ bukasu. ɔleɓla amú alíá anɪ Wie lale mu obu. ɔleɓla amú ɔbɛɛ, < < Mlɪɓla Yakobo mua apio ahogyipu atrahe amu asun anfi. > > Musu ɔlenatɪ amú wa yɔ ɔtine bamba a.

18 Brɛ́á ɔyi leke a, isa akɔpu amu féé begyigya, fite aba bɛɛ, < < Nkɪ Petro mɛ? > > **19** Owie Herode leha bodunka Petro ɔtinegyiɔtine, tame bumowun mu. Mú su ɔletɪ obu adɪpusu akɪpu amu, fite amú asun, ɔleha bɔmɔ amú.

Mú ɔma a, ɔlenatɪ Yudea ɔmáto yetsia Kaesarea wuluto nkensa ku.

Owie Herode Lowu

20 Brɛ kuto a, ɔɓlɔ lehiɛ kɪta Owie Herode Tiro mua Sidonfo su. Mú su awulu anyɔ anfi beɛ abi bɛɛ buyokokoli mu, iwilwii itsia amú

nsine. Tsufe Owie Herode ɔmáto butenya atogyihe tsu. Aha amu begyankpa yelee asunto suna Owie Herode woyisu ɔkɪpu ɔkuá buteti mu Blasto, olotsula gya amú nkpa bɔyɔ Owie Herode wa yokokoli mu.

21 Owie Herode lehie amú eke. Eke amu lofun a, ɔlehihie ɪwɪ dali betsia mu obiasu, bla amú asun. **22** Aha amu bɔkplɔn bli bee, < < Megyi nyankpɔsa detɔ, mboun ɔkpɪ detɔ o! > > **23** Inonu Bulu-ɔbɔpu leda Herode, anyambi bɔwɪ mu, olowu. Tsufe ɔmɔpu numnyam ha Bulu.

24 Bulu asun loyɔ músu, kleɪ yɔ tsutsuutsu.

25 Barnaba mua Saulo bɔyɔ amú agyuma ta Yerusalem, bekpa Yohaneá butetra tɪ mu Marko buo ɪwɪ yinki yɔ Antiokia.

13

Proofread 09/06/05

Barnaba Mua Saulo Sumbi Wa

1 Bulu ɔnɔsu atɔɪpu pú atɔ asunapu aku betsia Antiokia ɔpasua amuto. Amúgyi: Barnaba, Simeon ání buteti mu Obibi, Lukioá otsu Kirene ɔmáto, Manaen ání beyai mua Galilea ɔmásu ogyipu Herodenyo tsukule pú Saulo. **2** Breá beklɪ ɔno, bude anɪ Wie sum a, ɔŋe Wankihe lebla amú ɔbee, < < Mlile Barnaba mua Saulo ha mɪ, abuyɔ agyuma amusu netɪ amú mbee bubɔyɔ amu. > >

3 Mó su breá beklɪ ɔno amu bɔ mpai ta a, bɔpu ɪbɪ dɪnka amú nwunsu, si amú ɔkpa.

Barnaba Mua Saulo Kipro ɔsulɔsu Yɔ

4 ɔŋe Wankihe lɔwa Barnaba mua Saulo sumbi. Bɔyɔ Seleukia wuluto yotsu ntsusu-yibi fa yɔ ɔsulɔ kuá ɪbu ntsu nsine, buteti mú

Kiproso. **5** Breá bowie wulu kuá ibu unu, buteti mú Salamis a, boyo Yudafo ofiakpa yeda Bulu asun amu okan. Yohane amuu butetra ti mu Marko amu e lobuo amú yetsa amú agyuma ya.

6 Bedali Salami wuluto, benati alu bowie osulu kuá buteti mú Pafosu. Inu befia ofapu kpokponti okuá buteti mu Bar-Yesu. Ogyi Yudayin, otowa afunu obee Bulu onosu otupu mugyi. **7** Mu nyawie gyi unu omasu ogyipu Sergio Paulo. Omasu ogyipu anfi letin ansi. Olowa beyeti Barnaba mua Saulo ba mu woyito. Tsufe odekleá monu Bulu asun. **8** Tame ofapu Bar-Yesu anfi mu ida asi gyi, Elima Griki oblito anfi meha amú okpa abubla omasu ogyipu amu Bulu asun amu. Olowo mbodiá omasu ogyipu amu manu Yesu iwi asun amu, fowun omochu musu gyi. **9** Inu Oye Wankihe lobula Saulo amuu bude mu ti Paulo amuto, olesi olu ode ofapu amu ansito ki. **10** Muu olebla ofapu amu obee, < <Obunsam mu bi, futekisi ito wanklaan kugyiku. Fapu ahamle pu lalahgyi bwe fu agyuma. Mu su fumeesi Bulu onokwali amu afunuto wa? **11** Ki, Bulu obebiti fu isu. Fu ansibi bobwie. Fumetra wun oyikeheto owi alu yofun bre ku. > >

Inunu Elima ansito loklun mu. Mu su olowa tatapu bi, ode oku duka okita mu oyito. **12** Breá omasu ogyipu amu lowun toa ilaba a, olcho anu Wie gyi. Anu Wie iwi asun amuu bude mu suna amu leha onu lobwie mu.

Barnaba Mua Paulo Antiokia Aní Ibu Pisidia Omató Yo

13 Paulo mua mu aba amu botsu ntsusu-yibi tsu Pafu wuluto ya Perge, ibu Pamfilia osulusu. Tame Yohane Marko mú leyinki amú oma tsu unu ya Yerusalem. **14** Bokusu tsu Perge ya Antiokia aní ibu Pisidia osulusu. Okponu odake a, boyo unu Yudafo ofiakpa yetsia asi. **15** Bekla ato tsu Mose Mbla pu Bulu onosu atupu nwuluto ta a,

ofiakpa amu ahande bowa abi beyebila Paulo aná bee, < < Apio, ni mlide asvankvá mlebli puwa aha anfi owunlun a, okpa da. > >

16 Mu Paulo lokusu lu, olowe amú ibi obe bukaso. Mu olebla amú obe,

< < Apio Israelfo pú oma bambasofá mlitenya Bulu ifu, mlyaa asu amlinu. **17** Israel Bulu lele aní anain bwe mu aha. Olega belei breá bugyi afó Egypte osulusu. Olpu mu tumi kpónkpónkpón kpa amú dalí oma amuto. **18** Olenya klun kpa amú nfi aduana (40) keke dimbi amusu. **19** Oleyinta oma asieno keke Kanaan osulusu, oleye amú osulo amu pubwe siadie ha aní anain. **20** Nfi lafana aduenu (450), olowpubwe uní féé ha amú.

< < Mú oma a, olega asun agyipu bekpa amú alu botu Bulu onosu otupu Samuel. **21** Breá bebla Bulu bee, yayi awie ha amú a, oleyi Kis mu bi Saulo owie ha amú. Saulo otsu Benjamin abusuantó. Olegyi iwie nfi aduana (40). **22** Breá Bulu lekpli mu a, olega beyi Dawid obiasu ha amú. Asun anfi Bulu lebli tsu mu iwí ni. Obee, < Yisai mu bi Dawid gyi cha aní m klun din musu, tsufe obóowe togyitá nébla mu mbee obwe. >

23 < < Dawid anfi abi-anátó Bulu labelé Yesu tsu ha Israelfo obe, obwe amú Olpu fe alíá olegie yayi. **24** Asa Yesu leba a, Asu Obupu Yohane legyankpa da okan suna Israelfo féé obe, budamli kluntó, abuha mu obó amú asu. **25** Breá Yohane oba bomo mu agyuma onó a, olegite aha amu obe, < Ma mlidesusu mlyaa ngyi? Megyi mgyi cha amu mlide okpa kí amu. Mu mú obéba mú oma. Mmofun aní nówó mu ntukuta. >

26 < < Mí apio, Abraham abi-aná pú oma bambasofá mlitenya Bulu ifu, mlyaa asu amlinu. Anigyí aha aní Bulu lpu nkpafo asun amu sisi. **27** Yerusalem atsiapu pú amú ahande bomebiá Yesu gyi

Ɔlepu. Bɔmonu Bulu ɔnɔsu atɔpu amu asun ání bɔwanlɔn tswi asi.
Butekla mú ɔkpɔnu ɔɔake kugyiku. Tame begyi Yesu asun, ha mu
ɔpɔn, mɔ mu; ɔleha Bulu ɔnɔsu atɔpu amu asun anfi leba mútɔ.

28 Bumenya Yesu ɔwi asun kukvá bélu músu mɔ mu, tame bebla
Pilato bee, ɔha abumɔ mu. **29** Mú su breá bɔbwe tɔá bɔwanlɔn tsu mu
ɔwi féé ta a, bele mu tsu oyikpalihe amusu yopula mu. **30** Tame Bulu
lokusua Yesu tsu afulitɔ. **31** Mú ɔma a, oletsia le ɔwi suna aha amusu
mua amónyo benati tsu Galilea yo Yerusalem amu bre tsɔtsɔtsɔtɔ.
Aha anfi gyi aha ání bude mu ɔwi adansié gyi suna Israelfɔ ní.

32-33 < Aní mú anide mli asun wanklaan amu bla. Múgyi, Bulu
labwe tɔ amusu ɔlehié aní anain amu ha amú abi-aná. Amúgyi aní a.
Tsufe alakusua Yesu tsu afulitɔ ha aní, fe alíá bɔwanlɔn wa Israelfɔ ɔlɔ
nyɔsɔtɔ bee,

< Mí Bi gyi fu.

Nde nabwe fu Si. >

34 Bulu letra tɔi tsu Yesu kusu tsu afulitɔ pú mu ɔyɔlɔ amusu umɔɔplo
wa ɔɔɔtɔ ekekeéke amu ɔwi ɔbee,

< Nɔpu mí oyula wankihe amusu nehié mbee, ɔbwe alíágyialíá
nɔpuha Dawid amu ha mli. >

35 Owie Dawid é letra lawanlɔn wa Israelfɔ ɔlɔ bambatɔ ɔbee,

< Fumééha fu osumpu wankihe mɔɔplo wa fuli ɔɔɔtɔ. >

36 Owie Dawid losum Bulu mu nkpatɔ, bwe Bulu ape ta a, olowu,
bopula mu mu anaintɔ, ɔɔplo. **37** Tame Yesu anfi Bulu lokusua tsu
afulitɔ anfi mú mɔplo. **38-39** Mú su apio, mlinu asun anfi anide mli
bla anfi asi. Yesu anfi nkulesu mlótsun nya lakpansikie. Mose mbla
méetalí ha amlígyi asu Bulu ansitɔ. Tame ɔhagyíɔha ání alahɔ Yesu
anfi gyi obégyi asu Bulu ansitɔ. **40** Mú su mlikí wanklaan, mení asun
amusu Bulu ɔnɔsu atɔpu bebli tswi amu uméeba mlisu. **41** Asun amu

gyi,

< Asun amu iwa mli

aha ání mliṭowa Bulu asun nyanya ifu, amlíwu.

Tsufe ni nde ɔku ɔbli gyuma ání ndegyí mliṭo kura a,
mlimóohogyi. > > >

42 Breá Paulo mua Barnaba budedalí Yudafo ofiakpa unu a, aha amu bɔkuli amú bɛɛ, buba ɔkpunu ɔdake amuu iba amu, abutra bɔtɔi tsu asun amu iwi suna amú. **43** Breá aha amu bedalí Yudafo ofiakpa unu a, Yudafo tsɔtsɔɔtsɔ pú ɔmá bambato abia bawie Yudafo osumto bekpla buo Paulo mua Barnaba. Mú su sumbi ayɔpu anfi bɔtɔi kpla amú bɛɛ, bupu ansi dinka Bulu awitɔlesu.

44 ɔkpunu ɔdake amuu bebla amú bɛɛ buba amu lɔfun a, ilesi kpalobi tekí aha beta wulu amuto. Amú féé beba Bulu asun onukpa Yudafo ofiakpa unu. **45** Breá Yudafo bowun ɔdom amu a, Paulo aná iwi lɔwa amú olu. Inu su begyi Paulo asun blihe amu nwen, sia mu.

46 Tame Paulo mua Barnaba bɔwa klun bla aha amu bɛɛ, < < Tekí mli lehian ání abégyankpa bla Bulu asun anfi. Tame uná mlilekina mú nu, mlide mli iwi kí mliaa, mlimehian nkpa ání itamata amu su a, anlayinki ayɔ ɔmá bambasufɔ wa. **47** Tsufe alí Bulu lɔwa aní ni. ɔbɛɛ,

< Napu fu bwe ɔkandíe ha ɔmá bambasufɔ.

ɔyito aha féé bótsun fusu nya nkpa ání itamata. > > >

48 Breá ɔmá bambasufɔ amu bonu asun anfi a, ansi legyi amú, bekanfu aní Wie asun amu. Inu aha ání Bulu lale ɔbɛɛ, bunya nkpa ání itamata bɔho asun amusu gyi.

49 Aní Wie asun amu ileklei wie ɔmá amuto ɔtinegyiɔtine. **50** Tame Yudafo amu pú atsiá bubu Yudafo osumto, obú bu amúsu pú wulu ahande bɔkusɔ lu Paulo mua Barnabasɔ, gya amú le ɔmá amuto.

51 Sumbi ayɔpu amɔ bekpakpa amú ayabito-isi wuli amú nwunsu, benati yɔ Ikonion wuluto. **52** Tame Ɖɛ Wankihe pú ansigyɛ lɔbula Antiokia akasipu amuto.

14

Proofread 09/06/05

Paulo Mɔa Barnaba Bulu Asun Bli Ikonion Wuluto

1 Ikonion wuluto ɛ a, alɛ ken Paulo mɔa Barnaba bɔyɔ Yudafo ofiakpa ni. Bebli Bulu asun unu wanklaan. Mú su Yudafo pú Grikifo tsɔtsɔwɔtsɔ bɔho Yesu gyi. **2** Tame Yudafo amɔ bɔmohogyi amɔ bɔtɔi wa ɔmátɔfo amɔ asuto, ha amú bɔkusɔ lu ahogyipu amɔsu. **3** Ifu mekita Paulo mɔa Barnaba. Betsia unu wa ɔpá, bli anɛ Wie Yesu asun amɔ wanklaan. Yesu ɛ lɛlu amú ɔma, su bɔbwe ofula pú osuna pɔsuna ání mu awitɔle asun amɔ bɔdebli amɔ igyi ɔnɔkwali. **4** Mú su wulu amuto ilɔbɔi anyɔ. Aku bobuo Yudafo amɔ, aku ɛ bobuo sumbi ayɔpu amɔ.

5 Mú ɔma a, Yudafo, ɔmátɔfo pú amú ahande bɔbwe agywun beɛ, bówa sumbi ayɔpu amɔ iwɔsinto, da amú abwi mɔ. **6** Sumbi ayɔpu amɔ bonu asun anɛ. Mú su besɛi yɔ Likaonia awulu yile Listra múa Derbe pú awuluá ibɔ manta unu. **7** Beda asun wanklaan amɔ ɔkan unu ɛ.

Paulo Mɔa Barnaba Gyumagyihe Listra Múa Derbe

8 Oyɛn ɔku letsia Listra wuluto, bɔkwu mu ibɔ. Ɖmɔkukusu lu mu ayabisu ki. **9** Ibɔ anɛ tsie ɔde Paulo asun blihe nu. Paulo lesi lu ki mu alɛ, olowun ání alahogyiá Bulu ɔbétaɛ tsa mu. **10** Mú su ɔlɔkplun kuklukusɔ bli ɔbeɛ, < <Kusu lu fu ayabi anyɔsu.> > lnu oyɛn amɔ lɔkusɔ ɔsawule pɛ, wa natɛ bi. **11** Breá ɔdɔm amɔ bowun tɔá Paulo

labwɛ a, bɔkplɔn blɪ Likaonia ɔblɪtɔ bɛɛ, < < lkpɪ amɔ badamli anyankpɔsa kplɪ ba anɪ wa. > > **12** Mú su bɔpɔ amú ɔkpɪ kpɔnkpɔntɪ ɪda tɪ Barnaba bɛɛ, < < Seus. > > Bɔpɔ mu ɔtsɪamɪ ɪda tɪ Paulo bɛɛ, < < Hermes, > > tsufɛ Paulo lu amú ɔnɔ, ɔdɛtɔ nɪ. **13** Ɔkpɪ Seus ɔtswekpa bu wulu ɔnɔ. Seus igyi ɔhapɔ lɔyɔpɔ nnantswie pú oyi ntswɪtswɪ ba wulu ɔnɔ unv. Tsufɛ mua ɔdɔm amɔ budekleá bɔtswe sumbi ayɔpɔ amɔ.

14 Brɛá Barnaba mua Paulo bonu tɔá bɛba bɔbwe a, bɛkɪta amú atadiɛ balɪ. Ilosuna ání bumotsula dɪnka ɪtɔ amɔv bɛba bɔbwe amɔv. Besɪ wie ɔdɔm amɔtɔ blɪ bɛɛ, **15** < < Ntogyi mlɪdɛ unɪ bwɛ? Anɪ ɛ anyankpɔsa anɪgyi fɛ mlɪ. Bulu asun wanklaan aba bɛbla mlɪ, amlɪsi atɔkpan anɪ ɔmagya bobuo anɪ Wie Bulu Ɔkɪankpapɔ. Mulɔbwe ɔsu múa asɪ, ɔpɔ pú mútɔ atɔ fɛé. **16** Bumbɪ amɔ a, olesi ɔkpa ha ɔmágyɪɔmá ání bubwe tɔá budekle. **17** Tame mú o a, ɔmɔkusi atɔ wanklaan tsɔtsɔtsɔ bwe, pɔsuna ání mubv unv. Muteha nyankpɔ totswie, mlɪ ndɔtɔ atɔ tɔwa alɛ. Muteha mlɪ atogyihɛ, ɔteha ansɪ tegyi mlɪ. > > **18** Paulo aná asun blɪhɛ anɪ fɛé ɔma a, ɪlɔwa ɔnlɪn asa bɛtalɪ ka ɔdɔm amɔ ɪtin bɛɛ, bumátɪn mbwɪ wulɪ amú ayabiasɪ tswe amú.

19 Mú ɔma a, Yudafo aku botsu Antiokia ání ɪbu Pisidia ɔmátɔ pú Ikonion wulɔtɔ ba bɛblɪ asun putɛ ɔdɔm amɔ agywun, bɔkusv lu Paulosv. Bɛda Paulo abwi, bitia mu dalɪ wulu amɔtɔ. Bvɪkɪ bɛɛ alawu, sv besi mu tswɪ. **20** Tame brɛá akasɪpɔ amɔ bɛba bobomli mu a, ɔlɔkusv yinki yɔ wulu amɔtɔ. Mú ɔyɪkɛhɛ a, mua Barnaba benatɪ yɔ Derbe wulɔtɔ.

Antiokia Ání ɪbu Siria Ɔmátɔ Yinki Ba

21 Paulo mua Barnaba bɛda asun wanklaan amɔ ɔkan Derbe. Aha

tsotsɔɔtsɔ bedamli kluntɔ mli Yesu akasɩpu. Muu belayinki yɔ Listra, tsun yɔ Ikonion alu, beba bedalɩ Antiokia ání ɩbu Pisidia ɔmátɔ.

22 Inu Paulo mua Barnaba bɔwa akasɩpu amu atetɔ-ɔnlɩn bɛɛ, bukita hogyi amutɔ. Bebla amú bɛɛ, < < Ilehian ání abótsun ipian tsotsɔɔtsɔɔ asa abówie Bulu iwiegyi amutɔ. > > **23** Bɔtu ɔpasua kugyiku a, butekli ɔnɔ bɔ mpaɩ, yaɩ ahandɛ ha amú, pu amú wa anɩ Wie amuu amú anɩ dɩn muu amu ɩbutɔ.

24 Beki Pisidia ɔmátɔ ɔpasua amuu ta a, beba Pamfilia ɔmátɔ.

25 Bɛda Bulu asun wanklaan amu ɔkan Perge wulutɔ. Bɔkusɩ tsu unu yɔ Atalia wulutɔ. **26** Paulo mua Barnaba belatsia ntsusu-yibitɔ tsu unu bowie Antiokia. Inu gyi ɔtɩnɛá ahogyipu amu begyankpa kɩ ɔnɔ bɔ mpaɩ, ání Bulu ɔwa awitɔɛ ha amú, menɩ bóyɔ agyuma anfi bamɔ mú ɔnɔ anfi nɩ.

27 Brɛá bowie Antiokia a, betɩ ɔpasua amu féé fia. Bebla amú alíá Bulu lapu amú gyi gyuma, pú alíá Bulu laha aha ání bumegyi Yudaɔ ɛ baho mu gyi. **28** Betsia akasɩpu amu wa nke tsotsɔɔtsɔ.

15

Proofread 09/06/05

Sumbi Ayɔpu Pú ɔpasua Amu Ifia Yerusalem

1 Brɛá Paulo mua Barnaba bubu Antiokia a, ayin aku botsu Yudea ɔmátɔ ba unu. Bosuna ahogyipu amuu bumegyi Yudaɔ amu atɔ bɛɛ, nɩ bumɔkutɩn kete Mose mbla ɔnɔ a, Bulu móɔhɔ amú nkpa. **2** Paulo mua Barnaba bɔkusɩ lu asun anfisɩ. Mú su amúa atɔ asunapu amu begyi mú nwen kinkiinkin. Inu su beblɩ bɛɛ, bówa Paulo mua Barnaba pú Antiokia ahogyipu amu aku Yerusalem, abuyowun Yesu sumbi ayɔpu pú unu ɔpasua ahandɛ amu tsu asun anfi ɩwɩ.

3 Ɔpasua amu besi aha amu ɔkpa benati. Breá boyɔ a, buna Foenike pú Samaria ɔmáto. Bebla unufɔ amu bee, aha ání bumegyí Yudafo ɛ badamli klunto ba Bulu wa. Asun anfi lehiɛ wa ahogyipu amu féé ansigyí. **4** Breá bowie Yerusalem a, ɔpasua amu, amú ahande pú sumbi ayɔpu amu boho amú atuu. Paulo aná bebla amú toá Bulu labwe tsun amúsu féé. **5** Tame ahogyipu amu akvá botsu Farisifoto bokusu lu bli bee, < < Ilehian ání ɔmá bambasufɔ amu bétin kete, gyi Mose mbla esu. > >

6 Sumbi ayɔpu amu pú ɔpasua ahande amu befia yɔ asun anfito. **7** Bebiti asun anfi wa ɔpá. Mú ɔma a, Petro lokusu lu, bla amú ɔbee, < < Mi apio, mliyín ání tsu bre kuto a, Bulu lele mi tsu mlito ɔbee, mbla aha ání bumegyí Yudafo mu asun wanklaan amu, mení amú ɛ bónu, ho músu gyí. **8** Bulu yin nyankpusa klunto. Ɔlopu Ɔɣe Wankihe amu ha amú, fe alíá ɔlopuha aní pusuna ání alaho amú. **9** Olosuna ání bumegyí ɔtsan ha aní, tsufe ɔleha amú klunto letin breá amú ɛ bohogyí. **10** Ntogyí su mlíde Bulu so kí? Ntogyí su mlídepu Mose mbla anfi ania aní anain anumetalí gyi músu anfi han akasípu anfi? **11** Ekekeke! Anílahogyíá Bulu ɔbótsun aní Wie Yesu awítólesu ho aní nkpa fe amú. > >

12 Breá Petro lotɔi ta a, afiapu amu féé bobwe diin. Muu Paulo mua Barnaba bebla amú alíá Bulu lotsun amúsu bwe ofula pú osuna tsɔtsɔtsɔ aha amuu bumegyí Yudafo amuto. **13** Breá Paulo mua Barnaba botɔi ta a, Yakobo loyɔ músu ɔbee, < < Apio, mliyaa asu amlínu. **14** Simon Petro labla aní ɔbee, Bulu legyankpa le suna ání otekle aha amuu bumegyí Yudafo amu asun. Mú su ɔlele amúto aku bwe mu aha. **15** Asun anfi pú Bulu ɔnɔsu atɔipu amu asun blihe labwe kule. Tsufe bowanlín wa Bulu asun amuto bee,

16 < Bulu ɔbee. Iní ɔma a, nélatu Dawid iwiegyí

amuu iladida amu kusu.
Nélayi mú abunti féé,
ha mú belu wanklaan,
17 mení aha trahe amu pú amúá bumegyi Yudafo,
mí ida dín amúsu féé bódunka mǎa ngyi amú Wie, wun mí.
18 Alí mí, mlí Wie Buluá
nele uní suna tsu bumbi ndeblí ní. >

19 < < lni su tǎa mí Yakobo ndeblí gyi, mlímáha apu asvansu kíkli
aha anfi bumegyi Yudafo, badamli kluntǎ ba Bulu wa anfi. **20** Mboun
mlíha awanlín ɔwulu bla amú aníaa, bumágyi atogyiheá bapuha íkpí,
tsufe mú íwí metún. Bumáwa atsi mǎa ayin asun. Bumágyi ɔbwíá
bɔpusa mu mǎ pú obugya. **21** Tsufe bumbi ɔpá a, buteda Mose mbla
amu ɔkan wulugyiwuluto, butekla mú Yudafo ofiakpa kugyiku
ɔkpunu ɔdake é. > >

Ɔwulu Pɔsɔsɔ Ahogyipúá Bumegyi Yudafo

22 Mú su sumbi ayɔpu amu, ɔpasua ahande amu pú ɔpasua amu
bɔbwe agywun beé, bele ayin aku tsu amúto abubuo Paulo mua
Barnaba yɔ Antiokia. Bele Yuda ání buteti mu Barsaba mua Silas.
Amú féé bugyi akpapu ha ahogyipu amu. **23** Ɔwuluá bɔpuha amú
bɔpuyato asun gyi:

< < Ahogyipúá mlumegyi Yudafo, mlíbu Antiokia, Siria pú Kilikia
ɔmátǎ. Mlí apio sumbi ayɔpu pú ɔpasua ahande de ɔwulu anfi wanlín
sɔsɔ mlí.

< < Aníde mlí itsia ha.

24 < < Anilonuá aní apio aku botsu anito ba mlí wa unu, bɔpu
asvanku kíkli mlí, puyinta mlí agywun. Anumǎkuwa amú. **25** lni su
anlafia, tsula ání abéle aha aku abukpa aní apio adwepu Barnaba

mua Paulo ba mli wa. **26** Aha anfi lasi amú nkpa ha aní Wie Yesu Kristo agyuma amu su ní. **27** Mú su anide Yuda mua Silas wa aniaa, bupu ɔno bebla mli asun amuu anilawanlun wa ɔwulu amuto amu ken. **28** Oɔe Wankihe lale suna aní, aní e anilahɔ mú ání uma aleá abópu ato dwindwin kuku sura mli, don mbla anfi mú ɪwɪ dehian anfi. **29** Mbla amu gyi, < Mlímágyi atogyiheá bapuha ikpi. Mlímágyi ɔbwíá bɔpusa mu mɔ pú obugya. Mlímáwa atsi múa ayin asun. > < < Ní mlíde mbla anfisɔ gyi a, ɪbɔwa ale ha mli. Anilafun nfi. > > **30** Bɔwanlun ɔwulu anfi ha amú ta a, besi amúa sumbi ayɔpu amu ɔkpa bɔpuya Antiokia. Boyowie unu tɪ ahogyipu amu féé fia, pu ɔwulu amu wa amú ɪbɪtɔ. **31** Bekla ɔwulu amu a, ansɪ lehɛ gyi amú, tsufe mútɔ asun leha klun ledɪ amú asɪ. **32** Yuda mua Silas, bugyi Bulu ɔnɔsu atɔpu amu bɔtɔi kpla amú wanklaan puwa amú ɔwunlun, wa amú atetɔ-ɔnlun. **33-34** Betsia amú wa nke kpalobi, ɔpasua amu lesi amú ɔkpa iwilwiitɔ, beyinki yɔ aha amuu bɔwa amú sumbi amu wa.^m **35** Paulo mua Barnaba e betsia Antiokia unu yɔfun bre ku. Amúa unu ahogyipu amu aku betsia suna atɔ, tsia da aní Wie asun wanklaan amu ɔkan.

Paulo Mua Barnaba Abasumain

36 Bre ku ɔma a, Paulo lebla Barnaba ɔbeɛ, < < Ha ayinki yɔ awuluá anɪlada aní Wie asun wanklaan amu ɔkan féésɔ, ayekɪ alíá butsie. > > **37** Barnaba lekleá békpa Yohane ání butetɪ mu Marko buo ɪwɪ. **38** Tame Paulo lebli ɔbeɛ, uma aleá Marko obóbuo amú, tsufe ɔmetra buo amú abuyɔ Bulu agyuma amu. Oleyinki amú ɔma tsu Pamfilia wuluto ɔpá. **39** Paulo mua Barnaba bepri asun anfi

^m**15:34** Múto ye 34 bu nwulu dada amu akuto: *Tame Silas mú lɔbwe agywun ání obésin Antiokia unu.*

kinkiinkin, ɔlɛha bɛmain abasɔ. Barnaba lɛkpa Marko buo ɔwɛ, botsu ntsusu-yibi yɔ Kipro ɔmáto. **40** Paulo ɛ lɛkpa Silas buo ɔwɛ, Antiokia ahogyipu amu bɔpu amú wa Bulu ɔbɛto, bɔpu ɔkpa. **41** Paulo loyɔtsun Siria múa Kilikia ɔmáto; ɔlɔwa ɔpasua amuvu ɔbubu unu amu ɔwunlɛn.

16

Proofread 09/06/05

Timoteo Paulo Mva Silasto Tsia

1 Paulo mva Silas benati yɔ Derbe pú Litra. Ohogyipu ɔkuá butɛti mu Timoteo bu Litra wuluto unu. Mu yin gyi Yudayin ání ɔlɔho Yesu gyi, tamɛ mu sɪ gyi Grikiyin. **2** Apioá bubu Litra pú Ikonion beti Timoteo ɔdayile. **3** Paulo lɛkleá ɔbɛkpa Timoteo nati. Mú su ɔlɛha betɛn Timoteo kete, tsufe Yudafo amuvu bubu unu amu féé buyin ání Grikiyin Timoteo mu sɪ gyi. **4** Bréa bɔyɔ a, bowie wulugyi wulusu butosuna unu ahogyipu mbala oduá Yesu sumbi ayɔpu amu pú ɔpasua ahandɛ amuvu bubu Yerusalem amu bawa bɛɛ, bugyi músu. **5** Inɪ su ɔpasua amu benya ɔwunlɛn hogyi to, klɛi ekekegyiɛkɛ.

Paulo Makedonia ɔmáto Yɔ

6 Paulo mva mu aba amu bɔtsun Frigia pú Galatia ɔmásv. Tsufe Dɛgɛ Wankɪhɛ mɛha amú ɔkpa ɔbɛɛ, buda Bulu asun amu ɔkan Asia ɔmáto. **7** Bréa bowie Misia ɔsulɔ ɔka a, bɔbwe agywun bɛɛ bɛyinki tsun yɔ Bitinia ɔmáto, tamɛ Yesu Dɛgɛ mɛha amú ɔkpa. **8** Mú su bɔtsun Misia ɔsulɔsu kplɪ yɔ Troa wuluto. **9** Mú onye a, Paulo lowun ato. Olowun ání Makedoniayin ɔku lu mu ansito, ɔdɛ mu kokoli ɔbɛɛ, < < Fa ɔpu amu ba Makedonia, afubegyɪ anɪ bualɛ. > > **10** Paulo lenya wun ato amu alɪ, ɔlɔwankɪ mu ání Bulu dɛ anɪ wa ɔbɛɛ, ayɛda asun wanklaan amu ɔkan unu. Mú su anɔlɔpu ɔkpa yɔ Makedonia.

Lidia Klontodamli Filipi Wuluto

11 Anilowie ntsusu-yibito tsu Troa, fa opu yo Samotrake osulusu. Mú oyikehe a, anilelatsia yo Neapoli wuluto. **12** Anilopu ayabito tsu Neapoli yo Filipi wuluto. Filipi gyi Makedonia wulu yile ni. Romafo bu wulu anfito. Aniletsia unu nke kpalobi. **13** Okpunu odake a, aniledali wuluto yo opu ono otinekuá aniki aniaa, abówun otineá Yudafo butefia bo mpai. Aniletsia unu bla atsi akvá bebefia unu Bulu asun. **14** Atsiá bonu asun amuto okule gyi Lidia. Tiatirayin ogyi, otefe tatiá mú ntsu lepe, ibu bia. Bulu osumpu ogyi. Aní Wie leha mu olonu Paulo asun blihe amuto. **15** Mú su breá anilobo mua mu woyito aha asu a, olobwii ipa ha aní, bli obee, < < Ni mlilahogyiá naho Yesu gyi a, mlíbetsia mi woyito. > > Otsi anfi bu anisu alu anilobuo mu yo mu woyito.

Paulo Mua Silas Obudi Filipi

16 Eke oku ayo Yudafo mpai obokpa unu a, anilotu otsibi okvá ogyi okpábi unu. Atola oge bu musu. Otela ato, bli asun ání ibéba. Otobwe koba tsotsotsotso ha mu awie tsu muto. **17** Otsibi anfi lekpla buo ania Paulonyo. Ona odekplun bli obee, < < Aha anfi gyi Osusususu mu Wie amu asumpu ni. Amúde mli nkpaho okpa suna ni. > > **18** Olobwe mú nke tsotsotsotso. Iní lehan Paulo. Mú su oledamli bla otsibi amu obee, < < Atola-oge, nde mbla wa ha fu Yesu Kristo idato, dali muto! > > Inunu oge amu ledali muto.

19 Okpábi amu awie bowun ání amú koba okpa latin. Mú su bekita Paulo mua Silas, bitia amú ya wulu ahande ansito. **20** Bopu amú ya Romafo asun agyipu bee, < < Yudafo aha anfi bugyi, bude asun kle wa aní wulu anfito. **21** Bude amandie lalahéa aní mbla meha mú iwi okpa suna. Romafo aní mú angyi. Animéetalí ho amú amandie amu

gyi mósú. > > 22 Inu ɔdɔm amu botu bun Paulo mua Silasu.

Asun agyipu amu beha bɛɛ, buwɔi amú atadiɛ, abunwen amú mpli.
23 Bepiti Paulo mua Silas atɔ wanklaan ta a, beha bɔpu amú tswi obu. Bebla obu adipusu ɔkɪpu bɛɛ, ogyo amú wanklaan. 24 Asun amuu bebla obu adipusu ɔkɪpu amu su ɔlɔpu amú yɔtswi obutotɔ, wa amú ayabi kplakitsi. Paul and Silas in prison|lb00337b.tif|span|ACT16:22-36|Louise Bass, The Bible Society, London|Obu adipusu ɔkɪpu lɔpu Paulo mua Silas yɔtswi obutotɔ, wa amú ayabi kplakitsi.|Gyumagyihe 16:24

Obu Adipusu ɔkɪpu Yesu Hogyi

25 Mú ɔyi-nsine a, Paulo mua Silas bude mpai bɔ, bude ulu wa kanfu Bulu. Obu adipu atrahe amu ɛ buda budenu. 26 ɔtsawule pe a, ɔsulu lekpinki ɔwunlinsu, ilekpinki obu amu ntswiasɪ. Mú aklun fée lefinki. Obu adipu amu ikan pú amú kplakitsi amu fée lɔwɔi. 27 Obu adipusu ɔkɪpu amu letsinki, wun ání aklun amu fée lafinki. Inu ɔlele ɔdayi ɪya anyɔ ɔbɛɛ amuwɔ iwi, tsufe ɔkɪ ɔbɛɛ obu adipu amu fée badali sɪi.

28 Tame Paulo lɔkplun kuvlukuv bla mu ɔbɛɛ, < < Mábwe iwi totɔ. Anɪ fée anɪbu inu. > >

29 Obu adipusu ɔkɪpu amu leha botsu ɔkandɛ ba mu, ɔlɔwa ɔsa wie obu amutɔ. Ifu de mu, su ɔdekpinki kpakpakpakpa. ɔleyeda akpawunu Paulo mua Silas ayabitɔ. 30 Inu ɔlekpa amú dalɪ yɛfite amú ɔbɛɛ, < < Mi awie, ntɔ mbwe asa Bulu ɔhɔ mi nkpa? > >

31 Muv Paulo mua Silas bebla mu bɛɛ, < < Hɔ Yesu gyi, menɪ Bulu ɔbɔhɔ fua fu woyitɔ aha fée nkpa. > > 32 Muv bebla mua mu woyitɔ aha fée anɪ Wie Yesu asun wanklaan amu. 33 Onye-onye amu a, oyin amu leyia amú iwi nɔ amuu benya bre amuu bepiti amú atɔ amu. ɔleha amú bɔbɔ mua mu woyitɔ aha amu asu ununu. 34 Obu adipusu

ɔkɪpu anfi lɔpu amú ya mu woyitɔ, ɔleyɛha benuna atɔ ha amú begyi.
lniá mua mu woyitɔ aha féé baho Bulu gyi su a, ansi lehie gyi amú.

35 Mú ɔyikehe a, asun agyipu amu bɔwa aha akɪtapu aku bɛɛ
buyɛbla obu adɪpusu ɔkɪpu amu bɛɛ, osi aha amu abunati.

36 Mú su oyin amu lebla Paulo ɔbɛɛ, < < Asun agyipu amu bapu
ɔme sisi mi bɛɛ, nsi fua Silas amlinati. Mú su mlinati iwilwiitɔ. > >

37 Tame Paulo lebla aha akɪtapu amu aku ɔbɛɛ, < < Bɔmegyi anɪ
asun, tame banwen anɪ atɔ ɔbuntɔ. Romafo anɪgyi, tame bawa anɪ
obu. Ntogyi su budekleá bési anɪ ɲaintɔ? Ekɛkɛkɛ! Asun agyipu amu
onuto buba bele anɪ. > >

38 Aha akɪtapu amu beyinki yɔ yebla asun agyipu amu. Breá bonuá
Romafo Paulo mua Silas bɔgyi a, ifu lehie kita amú. **39** Mú su
boyobwii ɪpa ha Paulo aná, bekpa amú dalɪ yokokoli amú bɛɛ budalɪ
wulu amutɔ. **40** lnu Paulo mua Silas benati yɔ Lidia woyitɔ. Befia
apio ahogyipu amu unu, tɔɪ kpla amú, wa amú ɔwunlun asa benati.

17

Proofread 09/06/05

Paulo Tesalonika Yɔ

1 Breá Paulo mua Silas benati tsu unu bɔyɔ a, buna Amfipoli pú
Apolonia awulusu beba Tesalonika. Yudafo ofiakpa ku bu unu. **2** Fe
aliá Paulo tɔbwe bregyibre a, ɔlɔyɔ ofiakpa unu ɔkpɔnu ɔdake, mua
amúnyɔ bɔyɔ Bulu asun wanlinhe amutɔ. ɔlɔbwe mú alɪ tse sa sɔɔn.

3 ɔlele Bulu asun amutɔ suna amú, dɪnka ibwi músu ɔbɛɛ,
< < Ilehian ání Kristo, (ɔha amusu Bulu lada mu ofuli amu), obówun
ɪwɔsun wu, lakusu tsu afulitɔ. > > ɔlɔyɔ mu asun amusu ɔbɛɛ,
< < Yesu anfi nde mu ɪwɪ asun bli anfi gyi Kristo amu ni. > >

4 Paulo asun anfi lɔwankɪ Yudafo amuto aku. Mú su bobuo mua Silas. Alɪ ken Grikifo Bulu asumpu pú atsiá obú bu amúsu tsɔtsɔɔtsɔ ɛ bobuo amó nɪ.

5 Inɪ leha Paulo mua Silas ɪwɪ lɔwa Yudafo amu olu. Mú su bekpa aha lalahe aku buo ɪwɪ tsu brɔnusu, bɔpu aha tsɔtsɔɔtsɔ yehan agywun wulu amuto. Betsii yɔ oyin ɔkúá buteti mu Yason woyito, bude Paulo mua Silas dunka abubitia amó ba ɔdom amu ansito.

6 Tame bumowun amó. Mú su bebitia Yason mua ahogyipu amu aku ya wulu ahande ansito, bude okitikiti bee, < < Aha anfi na bude agywun han ɔyito féé nɪ. Bawie nfi, **7** Yason laho amó yai mu woyito. Amó féé budekusɪ lu Roma Owie Dehen mblasu. Tsufe bude aha bla bee, owie bamba ɔku bu unu, mu ida gyi Yesu. > > **8** Breá wulu ahande pú ɔdom amu bonu asun anfi a, ɪlehɛ han amó. **9** Tame bebiti Yason mua mu aba amu isu, beka ɪkɔ, ka ntam bee buméetra han agywun, besi amó benati.

Paulo Mua Silas Beroia Yɔ

10 Besi owi leta, ahogyipu amu beha Paulo mua Silas benati yɔ Beroia wuluto. Benya wie unu alɪ, bɔyɔ Yudafo ofiakpa. **11** Yudafoá bubu wulu anfitɔ botsula ho asun amu dun amóá bubu Tesalonika. Bɔpu ansigyi ho Bulu asun amu, tsia yɔ Bulu asun wanlinhe amuto ekekegyieke kɪ bee, ɔnɔkwali Paulo de amó bla. **12** Yudafo tsɔtsɔɔtsɔ pú Grikifo atsi múa ayin ání obú bu amúsu ɛ bohɔ asun amusu gyi. **13** Yudafo amusu bubu Tesalonika amu bonuá Paulo layɔ ɔde Bulu asun amu ɔkan da Beroia. Inɪ su begya ɔkpa yɔ unu bude unufɔ amu agywun yinta. **14** Osasu, ahogyipu amu bele Paulo le wulu amuto ya ɔpu ɔnɔ, tame Silas mua Timoteo mú besi bubu unu. **15** Aha amusu beyesi Paulo ɔkpa amu bekpa mu alu yowie Atene wuluto. Breá

budeyinki a, Paulo lɔpu ɔme sisi Silas mua Timoteo ɔbeɛ, buwa ɔsa bɔtu mu.

Paulo Atene Yɔ

16 Brɛá Paulo lesi otsie ogyo Silas mua Timoteo Atene wuluto a, unu tsia lehiɛ han mu. Tsufe olowun ání ikpi sɔɔn bu wulu amuto. **17** Mú su nɔ ɔyɔ Yudafo ofiakpa unu a, mua Yudafo pú Grikifo amuu bude Bulu sum amu butetsia le asunto ha aba. Alɔ ken mua dɔnsu atsiapu ɛ betsia tɔi tsu mú iwɔ nɔ. **18** Múa atiansipu akvá botsu Epikuro pú Stoak ɔpasuatoⁿ ba unu ɛ betsia butɔ asun anfi. Amúto aku befite beɛ, < <Nto ɔkan ɔnto ɔkapu anfi dɛda? > >

Aha aku bele mú ɔno beɛ, < <Idɛbwe fe ikpi aku iwɔ ɔdetɔi tsu. > > Tsufe Paulo de Yesu mua afulikusu iwɔ asun ɔkan da. **19** Muu bekita Paulo, kpa mu ya Areopago, igyi amú wulu ahandɛ ofiakpa. Ahandɛ amu bebla Paulo beɛ, < <Anidekle aniaa, futɔi tsu fu atosunahe ɔɔpwe amu iwɔ suna anɔ. **20** Animɔkunu asun anfi kɔ. Mú su anidekle aniaa, fule múto suna anɔ. > > **21** Tsufe Atenefo pu afɔɔá bubu unu féé butamabwe tɔto dun asun ání ilaba nu pu mú blɔ.

22 Unu Paulo lɔkusu lu afiapu amu ansito ɔbeɛ, < <Atenefo, nawun ání mlitehiɛ tswe ikpi. **23** Tsufe iníá ndeki wulu anfito féé a, nawun ntobi oduá mlitɔtswe. Nawun afɔɔɛ-ɔswɔ kuá bɔwanlɔn dɔnka músu beɛ, <BULUÁ ANIMEYIN MU. > Mú su Bulu amuu mlidesum, mlimeyin mu ida amu iwɔ ɔkan ndɛda suna mli a. **24** Bulu lɔbwe ɔyi pu múto ato féé. Mugyi ɔsu múa asɔ Owie. Otamatsia ɔtswekpa ání anyankpusa ɔbi leyi múto. **25** Otamadunka tɔto tsu ɔhaa wa, menɔ ɔbwe fe tɔku

ⁿ**17:18** *Epikuro* ɔpasuatofo bugyi aha akvá butɛbli beɛ, ilehian ání ansɔ bɛgyi anɔ. Fowu a, ɔlata. *Stoak* ɔpasuatofo ɛ beɛ, mehian ání ansɔ bɛgyi anɔ dubɔdubi, awɔrehɔ ɛ mákita anɔ dubɔ.

tehian mu. Tsufe mteha aha féé nkpa, ɔɲe pu togyitɔ́á itehian amó.

26 Muleha su aha féé belun tsu ɔbakule petɔ, ɔleha beklei wa ɔyitɔ féé. Muleha ɔmá kugyiku ɔtineá butsie pu breá bétsia yɔfun. **27** Ɖlobwe mú alí, mení nyankpusa obódunka mu wun mu. Tame teki ɔma ifɔ anitɔ ɔkuku wa. **28** Tsufe ɔku lebli ɔbee, < Bulu su anitsie nkpa. Mu su anitekan iwí, anígyi alíá anígyi. > Fe alíá mlí ulu awapu aku bebli bee, < Bulu aha aní ε anígyi. >

29 < < Iníá Bulu aha anígyi su a, anímákí aníaa, Bulu gyi fe tunkuá nyankpusa lapu sika pepe, sika fututu nte ibwi pwe mú alíá odekle. **30** Bumbi amu a, aha bumebi alíá Bulu gyi. Bulu lobun ansibi músu, tame sei mú a, alabla anyankpusa féé ɔbee, budamli kluntɔ. **31** Bulu lalɛ eke yaíá ɔbótson ɔha amusu alalɛ yaí amusu gyi ɔyitɔ ɔhagyicha asun ɔɔkwalisu. Odekle ɔbee, aha bubíá ɔɔkwali igyi. Mú su ɔlɔkusua ɔha amu tsu afulitɔ ní. > >

32 Iníá Paulo lotɔi tsu afulikusu iwí su a, aku bɔmɔsi mu. Tame amútɔ aku bebli bee, < < Anidekle aníaa, futra ba afubebla aní asun aní ku ε. > > **33** Inu Paulo lɔkusɔ dali ofiakpa unu. **34** Tame aha kpalobi ku bɔhɔ Paulo asun amusu gyi, bobuo mu. Amútɔ ɔkule ida gyi Dionisio. Oletsia wulu ahandɛ amutɔ. Mɔa ɔtsi ɔkuá buteti mu Damari pu aha aku ε.

18

Proofread 09/06/05

Paulo Korinto Yɔ

1 Iní ɔma a, Paulo lɔkusɔ tsu Atene yɔ Korinto wulutɔ. **2** Ɖlɔyɔtu Yudayin ɔkuá buteti mu Akwila, bɔkwu mu Italia ɔmanti kuá buteti mú Pontotɔ. Akwila mɔa mu ka Priskila beba Korinto unu mɔkuwa

ᵔpá. Tsufe alí bré amúᵔ a, Roma Owie Klaudio lagya Yudaᵔᵔ fée le Roma wulúᵔ. Paulo lᵔyᵔ amú wa. **3** Tati-obubi abwepu amú ε bugyi. Mú su Paulo letsia amú wa, mua munyᵔ betsia bwe tati-obubi amu fe. **4** Okpunu ᵔdake kugyiku a, Paulo tᵔyᵔ Yudaᵔᵔ ofiakpa yeᵔᵔ Bulu asun amúᵔ wanklaan suna Yudaᵔᵔ pu Grikifᵔ amu, mení bóhᵔ Yesu gyi.

5 Bréá Silas mua Timoteo botsu Makedonia bᵔᵔ Paulo a, olesi agyuma amu yᵔ, pu Bulu asun amu ᵔkanda koun bwe mu gyumagyihe. Oletsia gyi adansie suna Yudaᵔᵔ amu ᵔbeᵔ, Yesu gyi Kristo, (ᵔha amuu Bulu lada mu ofuli amu) ní. **6** Tame bumᵔhᵔ mu asun amu. Bᵔkusv lu musv, sia mu. Mú su Paulo lᵔfwí íbí le amú asuntᵔ, bla amú ᵔbeᵔ, < < Tsu ndᵔ puya a, nale íbí mlí asuntᵔ. Ní lowu mlídekke a, íba mlísv. Neyᵔbla aha ání bumegyi Yudaᵔᵔ mboun Bulu asun. > > **7** Íní su Paulo ledalí Yudaᵔᵔ ofiakpa unu yetsia oyin ᵔkvá butᵔᵔ mu Tito Yustus woyitᵔ. Megyi Yudayin oyin amu gyi, tame ogyi Bulu osumpu. Mu woyi bu manta Yudaᵔᵔ ofiakpa unu.

8 Tame Krispuá ogyi Yudaᵔᵔ ofiakpa unu ᵔhandᵔ mua mu woyitᵔᵔ fée mú bóhᵔ aní Wie Yesu gyi. Korintofᵔ amu tsᵔtsᵔᵔtsᵔ ε bohogyi, bóbo amú asu.

9 Eke ᵔkv onye a, Paulo lowun atᵔ. Múᵔ a, aní Wie lebla mu ᵔbeᵔ, < < Mánya ifu. Yᵔ músu afuda asun amu ᵔkan wule. Mákpá ᵔnᵔ bun.

10 Tsufe mua funyᵔ na. ᵔhaa méᵔᵔalí bwe fu tᵔᵔ. Mí aha butᵔᵔ wulu anᵔᵔ. > > **11** Mú su Paulo letsia Korinto unu suna aha amu Bulu asun ofi ᵔkule múa ífun.

12 Bréá Galio letsia Roma owie otsiakpa, ᵔᵔᵔ Grikifᵔ ᵔsasi ᵔmanti kvá butᵔᵔ mú Akaiasu kí a, Yudaᵔᵔ amu bóᵔᵔᵔ ᵔnᵔ-ᵔkule, kíᵔa Paulo, pu mu ya mu ansitᵔ. **13** Beᵔ, < < Oyin anᵔᵔ ᵔᵔ aha asukpan suna ᵔbeᵔ, busum Bulu tsun ᵔkpa ání ulᵔkusv lu aní mblasusv. > >

14 Paulo lenya bwii ᵔnᵔ ᵔbeᵔ amúᵔᵔ alí Galio lebla Yudaᵔᵔ amu

ᵔᵔᵔᵔ, < < Nɪ tsitsa nte lakpan kɪ oyin anfi labwe a, tɛkɪ ɪbu alɛ́á nɛyaa asu nu mli asun. 15 Tame ɪnɪ́á ada pú mli onuto mbla ɪwɪ asun ɪwɪ nwen mliɔdegyi su a, mliyɔ amliyeɓli mú. Mméegyɪ asun anfi odu. > > 16 Muu ɔleha begya amó le asun ogyikpa unu a. 17 Aha amu fée bowuna kita Sostene ání ogyi Yudafo ofiakpa unu ɔhandɛ, da mu unu. Tame Galio motsu kuku le móto.

Paulo Yinki Yɔ Antiokia

18 Paulo letsia ahogyipu amu wa Korinto yɔfun bre kɪ. Muu ɔlekla amó, mua Priskila pú Akwila benati yɔ Kenkrea wuluto. Paulo lekpa mu nwun Kenkrea unu, pusuna ání alamo ntam kuá ɔleka ɔno. Muu botsu ntsusu-yibi pubɔyɔ Siria ɔmáto a. 19 Breá bowie Efeso wuluto a, Paulo lenati si Priskila mua Akwila, yɔ Yudafo ofiakpa, mua Yudafo amu buɔe asunto le ha aba. 20 Bokokoli mu beɛ, ɔtra tsia amó wa kpalobi, omotsula. 21 Tame breá ɔɔɔɔɔɔlɔ ɔyɔ a, ɔleɓla amó ɔbeɛ, < < Nɪ Bulu lotsula a, néyinki ba mli wa. > > lnu olowie ntsusu-yibito tsu Efeso unu nati.

22 Breá ɔlekpli Kaesarea a, ɔlɔɔɔ yɔ Yerusalem yɛha ɔpasua amu tsia. Muu oleyinki kpli yɔ Antiokia a. 23 Oletsia Antiokia unu kpalobi. Mó ɔma a, ɔlenati unu beki Galatia pú Frigia ɔsulusu, ɔɔe akasipu amu Bulu asun bla, puwa amó ɔwunlin.

Apolo Bulu Asun ɔkanda Efeso Múa Korinto

24 Alɪ bre amuto a, Yudayin ɔkuá buteti mu Apolo laba ɔbu Efeso wuluto. Bɔkwu mu Aleksandria, wuluá ɪbu Egyipte ɔmáto. Oyin tɔɪ, oyin Bulu asun wanlinhe amu ɛ wanklaan. 25 Bosuna mu anɪ Wie ɔkpa amu. Mó su Yesu ɪwɪ ɔnɔkwali amu bli tɛhɛ wa mu ansigyi. Tame Asu ɔɔɔɔpu Yohane asubɔ amu pɛ oyin. 26 Apolo menya ifu. ɔlɔwa klun suna ato Yudafo ofiakpa unu wanklaan. Breá Priskila mua

Akwila bonu mu asun blihe a, bekpa mu ya woyito yosuna mu Bulu
ɔkpa amu wanklaan dun alia oyin ya. **27** Breá Apolo lɔbwe agywun
ɔbeɛ, ɔbɔyɔ Akaia ɔsulusu a, ahogyipu amu bɔwa mu ateto-ɔnlɔn.
Bɔwanlɔn ɔwulu sisi unu ahogyipu beɛ, buho mu wanklaan. Breá
oloyowie unu a, ɔlehie bua aha ání una Bulu awitɔlesu baho Yesu gyi.
28 Mwa Yudafo amu begyi Bulu asun wanlinhe amu iwi nwen, ɔlɔtɔ
le asuntɔ tumisu pugyi amúsu. Ɔlɔpu Bulu asun wanlinhe amu suna
amúá Yesu gyi Kristo, (ɔha amuu Bulu lada mu ofuli amu).

19

Proofread 09/06/05

Paulo Bulu Asun Ɔkanda Efeso

1 Breá Apolo bu Korinto a, Paulo lɔdu yɔtsun ɔsusu awulusu bedali
tii Efeso. Ɔlɔtu akasipu aku unu. **2** Mwu ɔlefite amú ɔbeɛ,
< < Mlɔlenya Ɖɛ Wankihe breá mlɔlohogyi? > >
Bele mú ɔno beɛ, < < Animɔkunu kiá Ɖɛ Wankihe ku bu unu. > >
3 Paulo letra fite amú ɔbeɛ, < < Asu mɔmu bɔbɔ mli? > >
Bele mú ɔno beɛ, < < Yohane asu amu bɔbɔ anɔ. > >
4 Paulo lebla amú ɔbeɛ, < < Yohane lɔbɔ aha ání badamli kluntɔ
asu. Ɖlebla amú ɔbeɛ, buho ɔha amuu obuo mu ɔba amusu gyi. Mugyi
Yesu. > >
5 Breá aha amu bonu asun anfi a, beha bɔbɔ amú asu anɔ Wie Yesu
ɔdatɔ. **6** Mú ɔma a, Paulo lɔpu ibi dinka amú nwunsu, Ɖɛ Wankihe
leba amúsu. Bebli ɔbli bamba, bli Bulu ɔno asun ɛ. **7** Amú féé bɔbwe
ayin duanyɔ.
8 Paulo lelatsia yɔ Yudafo ofiakpa unu. Ɖlɔwa klɔn tɔi le asuntɔ suna
amú tsra asa keke. Omenya ifu, menɔ bóho asun amuu ɔdebli tsu Bulu

iwiegyi iwi amusu gyi. **9** Tame amú aku bowa klunto odwin, bumcho mu asunsu gyi. Botu wo aní Wie Okpa amuu Paulo de amú suna amu ahato unu. Mú su Paulo lekpa akasipu amu nati, oletsia suna amú ato oyin okuá buteti mu Tirano ato okasikpa. **10** Paulo losuna amú ato nfinyo keke. Mú su Yudafo pú Grikifá bubu Asia omáto féé bonu aní Wie asun amu.

Skewa Abi Asun

11 Bulu lotsun Paulosu bwe ofula akponkponti ku. **12** Aha bokula mu adukubi pú mu iwisu ato yedinka alopusu, benya ulotsa, nye lalahe e ledali ahato. **13** Yudafo aku e bubu nsine unu buna budeki gya nye lalahe le ahato. Bowa klun bee, bopu aní Wie Yesu ida gya nye lalahe le ahato. Mú su bokplun wa nye lalahe bee, < < Dalí Yesu amuu Paulo de mu iwi asun okan da amu idato. > > **14** Igyi ahapu chande okuá buteti mu Skewa abi yinhe abasienco letsia bwe unu.

15 Eke oku nye lalahe lefite amú obee, < < Nyin Yesu, nabi Paulo, mli e me, amendi mligyi? > > **16** Oha amuu nye lalahe bu mutó amu lotu wie amúto, da amú, titi amú atadie féé. Inu amú féé bopu amú yaya pú amú iwi nlo sri dali woyi amuto. **17** Yudafo pú Grikifá bubu Efeso unu féé bonu asun anfi. Ifu lekita amú. Mú su bopu obú ha aní Wie Yesu. **18** Aha amuu bohogyi amuto tsotsotsó bele amú lakpan bli. **19** Amúto aku bugyi oko alepu. Botsu oko amu nwulu ba bowa mú féé ogya aha ansito unu. Bobu amú nwulu amu ibia a, ulobwe sika fututu mpim-aduenu (50,000)^o. **20** Ina aní Wie Yesu tumisu mu asun amu lenya okpa klei wanklaan.

^o**19:19** Sika fututu mpim-aduenu (50,000) bóbwe obakule nfi lafakule-advasa (130) ikoka.

Demetrio Mva Mu Aba Iko Le Wa Efeso

21 Asun anfi fée oma a, Bulu Dje amu leha Paulo lɔbwe agywun ání ɔbɔyɔ Makedonia pú Akaia ɔsulusu, fówun ɔyɔ Yerusalem. Mvu ɔlebli ɔbeɛ, < <Ni nowie unu a, ilehian ání néyeki Roma wuluto ɛ. > >

22 Mú su ɔlɔwa mu abuapu abanyɔ, bugyi Timoteo mua Erasto sisi Makedonia. Mu onuto olesi tsia Asia ɔmáto kpalobi.

23 Alɪ bre amuto a, anɪ Wie ɔkpa amvu buɔe aha suna amu su asun kpɔnkpɔntɪ ku leɔa Efeso unu. **24** Oyin ɔkɔá ɔtɔbwe sika fututu atɔ, butetɪ mu Demetrio bu unu. Oyin anfi tɔpu sika fututu bwe ɔkpɪ yile Artemi^p ɔtswekpa akusubiá ilehian mu ɔtswekpa yile amu fe. Mva mu aba agyuma anfi ayɔpu butenya kɔba tsɔtsɔtsɔ tsu múto. **25** ɔletɪ mu aba amu pú aha ání butɔbwe agyuma amu odu fia. Mvu ɔlebla amú ɔbeɛ, < <Mɪ apio, mɪyɪn ání agyuma anfi su anɪ fée anɪlawá ale nɪ.

26 Ye mlɪtsie mlɪɔenu, mlɪɔewun tɔá Paulo ɔɔbwe? Alata aha bla ta Efeso wuluto pú Asia ɔmáto fée fia ɔbeɛ, ɪkpɪá aha bapu ɪbɪ pwe bumegyi tɔto. Alata aha ɔno mɪe ta, buɔe mu asunsu hogyi. **27** Megyi anɪ agyuma wule ibéyinta. ɔhaa méetra bu ɔkpɪ tsɪhe Artemi ɔtswekpa yile amu. ɔkpɪ amu ɪɔa ɛ bófwɪ le ɔyɪto. Tame teki mugyi ɔkpɪá aha fée butɔtswe Asia ɔmáto pú ɔyɪto fée nɪ. > >

28 Breá ɔɔɔm amu bonu asun anfi a, benya ɔblo, sura okitikiti beɛ,

< <ɔkpɪ kpɔnkpɔntɪ anɪ Efesofo ɔkpɪ Artemi gyi! > > **29** Kpokiti

leɔa wulu amuto fée. Aha amu bekɪta Paulo abuopu Gaio mua Aristarkoá botsu Makedonia, sɪ pu amú ya wulu ofiakpa. **30** Paulo onuto lekleá ɔbɔyɔ ofiakpa unu, ɔyɔtɔɪ kpla ɔɔɔm amu, tame akasɪpu amu bumeha mu ɔkpa. **31** ɔmá amuto ahande akpɔnkpɔntɪ akɔá bugyi Paulo anyawie ɛ bówa obi loyobwii ɪpa ha mu beɛ, ɔmáyo

^p19:24 Artemi gyi ɔkpɪ kpɔnkpɔntɪ ɔku da.

ofiakpa unu. **32** Kpokiti lɛda ofiakpa unu. Anɪ bɛɛ alɪ, anɪ ɛ bɛɛ alɪ. Amúto aha tsɔtsɔɔtsɔ bumeɓɪ tɔ́á súá befia unu. **33** Yudafɔ amu aku ɔ́ɔɔ ofiakpa unu. Bowuta Aleksandro sisi ɔ́bunto, buɔɔ mu asun ání ɔ́yɛɓɪ bla. Inɪ su Aleksandro lotsu ɪɓɪ fua, ɔ́bɛɛ amule mú ɔ́ɔɔ.

34 Tame breá bowun ání Yudayin ogyi a, belasura okitikiti, ɓɪ asun kuakule dɔ́nhwɪrɪ anyɔ́ kɛkɛ bɛɛ < < ɔ́kpɪ kpɔ́nkpɔ́ntɪ anɪ Efesofɔ ɔ́kpɪ Artemi gyi! > >

35 Inɪ fɛ́ɛ ɔ́ma a, wulu atɔ ɔ́wanlɪnpɔ́ lɛha ɔ́ɔɔm amu bɛkpa ɔ́ɔɔ bun. Muɔ ɔ́lɛɓla amú ɔ́bɛɛ, < < Efesofɔ ayin, ma meyin ání Efeso nfi gyi anɪ ɔ́kpɪ kpɔ́nkpɔ́ntɪ Artemi pú mu ɪɓwi amuv ɪlɛkpa tsu ɔ́susu amu nwun? **36** ɔ́haa má unvá ɔ́bétaɪ gyi asun anfi ɪwɪ nwen? Mlɪnya klɔ́n, menɪ mlumóoko mli. **37** Aha anfi mlɪlakpa ba nfi anfitɔ ɔ́kuku mɔ́kowi tɔ́to tsu ɔ́tswekpa unu. Bumɔ́kubɪ asuansu kusɔ́ lu anɪ ɔ́kpɪ tsihe Artemisɔ́. **38** Tame nɪ Demetrio mua mu aba agyuma ayɔ́pɔ́ amu bɛɛ bubu ɔ́ku ɪwɪ asun a, asun agyipɔ́ bubu unu, asun ogyikpa ɛ bu unu. Bétaɪ pɔ́ asun amu ya unu kpɛɓɪ mú. **39** Nɪ mlɪbu asun bamba ku tsia unɪto mú a, bétaɪ yɛɓɪ mú ɔ́tɪnɛ amuv anɪ fɛ́ɛ anitefia gyi asun amu. **40** Tsufe nɪ anɪmekɪ wanklaan a, abénya asun ání anɪlahan wulu amu agywɪun ndɛ. Nɪ bɛfɪte anɪ ɛ a, anɪméenya asuansu pule mú ɔ́ɔɔ. > > **41** Olenya ɓɪ asun anfi ta alɪ, ɔ́lɛha amú fɛ́ɛ bɛɔasaun.

20

Proofread 09/06/05

Paulo Yinki Yɔ́ Makedonia Múa Grikifɔto

1 Kpokiti amu ɔ́ma a, Paulo lɛba bɛtɪ akasɪpɔ́ amu fɛ́ɛ fia, tɔ́ɪ kpɪa amú, wa amú atɛto-ɔ́nlɪn. ɔ́lɛkla amú asa ɔ́lɔ́pɔ́ ɔ́kpa ɔ́ɔɔ Makedonia

ɔsulɔsu. **2** Oleki nsune unu ɔpasua amusu tɔi kpla amú asa olobowie Grikifo ɔsulɔsu. **3** Oletsia unu tsra asa. Breá ɔlobwe agywun ɔbee, méfa ɔpu yɔ Siria ɔsulɔsu a, olowun ání Yudafɔ bɔde mu te abukita mu. Mú su ɔlobwe agywun ɔbee, mélayɔtsun Makedonia ɔsulɔsu. **4** Aha ání bekpa mu ya unu gyi Beroiayin Sopater, ogyi Piro mu bi; Tesalonikafɔ Aristarko mua Sekundo pú Derbeyin Gaio; amú Timoteo pú Asiafɔ Tihiko mua Trofimo. **5** Alɔ aha anfi begyankpa yogyo anɔ Troa wuluto. **6** Israelfɔ begyi amú Bodobodo Mátuhe Nke ɔma a, aniletsia ntsusu-yibito tsu Filipi wuluto. Anilenati nkenan owito. Eke nusi a, anilɔbɔtu nkpa agyapu amu Troa wuluto. Anɔ fée aniletsia unu nkensienɔ.

Eutiko Tsinki Tsu Lowuto

7 Kwasiada, igyi ndawɔtswi amuto eke gyankpapo ntupwesu a, anilefia abégyi atɔ abato fe alɔ́ anɔ Wie losuna anɔ. Inɔ́ Paulo dekleá ɔbénati ɔyikehe su a, ɔlɔtɔi kpla amú alɔ yeha ɔyinsune. **8** Nkandɛ tsɔtsɔtsɔ bu ɔsusu obu amuu anilefia múto amuto. **9** Oyimbi ɔkuá buteti mu Eutiko lɔdu bian nfansri ɔno, ɔde asun amu nu. Inɔ́ Paulo lɔtɔi wa ɔpá su a, didi lowie mu, furu mu. ɔlekpa tsu ɔsusu abansru sasi nfansritɔ unu beda ɔsuluto. Breá boyotsu mu a, alawu fée. **10** Muu Paulo lekpli yɔ unu, yemli bun musu, lata mu puta, bli ɔbee, < <Opuni mátsii mli, ɔhe bu mutɔ. > > **11** Paulo leyinki du yɔ ɔsusu unu, mua mu aba amu nyo bebiabia bodobodo gyi. ɔlɔyɔ mu tɔi amusu alɔ yɔfun ɔyikehe, ɔlenati. **12** Muu aha amu bekpa kebi amu ya woyi a. Anɔ lehiɛ gyi amú ání ɔbu nkpa.

Paulo Troa Tsu Yɔ Mileto Wuluto

13 Anilegyankpa yowie ntsusu-yibi amuto ayo Aso wuluto yotsu Paulo unu. Tsufe Paulo leha anɔ ibi ɔbee, ɔbɔtsun ayabito ɔkpa ka tii

inu. **14** Breá ania munyo anuleyefia aba Aso wuluto inu a, olowie ntsusu-yibi amuto, anilefa yo Mitilene wuluto. **15** Anilenati inu oyikehe, anlokusu inu yowie Kio. Eke nyosi a, anlokusu inu yowie Samo wuluto. Mú eke sasi e a, aniletra kusu inu yowie Mileto wuluto. **16** Paulo mekleá obéyinta bre Asia omáto. Mú su omekpli Efeso wuluto, tsufe odekosiá ni obétali a, obóyowie Yerusalem asa abugyi Pentekoste nke amu.

Paulo Efeso Opasua Ahande Kla

17 Breá anloyowie Mileto wuluto a, Paulo lwa abi sisi Efeso opasua ahande obee, buba botu mu. **18** Breá ahande amu bebefia mu a, oebila amú obee, < < Mliyin alía mia mlinyo anlokputsia tsu eke gyankpapuá neba Asia omáto. **19** Mliyin alía neba iwiasu yo agyuma ha mi Wie, pú alía Yudafo bokusu lu misu, nowun ipian, su kuraa. **20** Mliyin ání mmopu asun ání ibékpa mli gain mli breá neda Bulu asun amu okan dunsu pú mli woyito. **21** Alía notu kpla Yudafo pú Grikifo féé mbee, busi lakpan bwe abudamli ba Bulu wa, abuboho anu Wie Yesu gyi.

22 < < Sei anfi a, nayo Yerusalem, fe alía Oye Wankihe labla mi. Mmeyin toá ibéba misu inu. **23** Tame múá Oye Wankihe tebla mi wulugyiwulusu, nyin gyi, asun wunhe pú obudi da gyo mi. **24** Tame mmotsu mú asunbogya. Mboun alía nómo agyuma amuu anu Wie Yesu leha mi amu onu. Agyuma amu gyi, nébla aha Bulu awitole asun wanklaan amu.

25 < < Sei anfi a, nyin ání mli aha anfi nebeda Bulu iwiegyi iwi asun okan mlito anfito okuku méetra wun mi ekekeke. **26** Mú su nde mli bla mbee, ni mlito oku menya nkpa ání utamata a, megyi mi su omenya. **27** Tsufe nabla mli togyitoá Bulu dekle obee, mlibi.

28 < < Mú sv mlíkí mli ɪwɪ pú aha amuv ɔŋɛ Wankiɛ lɔpuwa mli ɪbitɔ amuvu wanklaan. Mlíkpa Bulu ɔpasua amuv ɔleyai tsun mu onuto mu bi lowusu amu wanklaan. **29** Nyin ání nenatɪ a, akvá bugyi fɛ nkpataku, bubu ɪyɪn béba bowie mlítɔ, da ɔpasua amu sain.

30 Mlítɔ aku o bókusv, damli ɔnɔkwali amu pubitia mlítɔ aku buo ɪwɪ. **31** Mú sv mlída ɪwɪsv. Mlíkaɪn ání netsia mli wa nfinsa sɔɔn, pu ansi-ntsú yɪɪ ɪwɪ suna mli atɔ ɔpa onye.

32 < < Mú sv sei a, ndɛpu mli wa Bulu mua mu awítɔlɛ asun amutɔ. Mu awítɔlɛ asun amu ɪwa mli ɔwunlɪn, ɪha amlɪdan, talɪ lu kinkin. Amlɪnya atɔ amuv ɔlehɛ yai ha mu aha amuv bamli mu klɛ amu.

33 Breá mbu mli wa a, mmɛpɛ ansi ɔhaa sika pepɛ, mu sika fututu ntɛ mu atɔsv. **34** Mli onuto mliyin ání mɪ ɪbɪ anfi nɔpuɔ agyuma nya tɔá ɪdɛ mia mɪ aba amu hian féé. **35** Natsun ɔkpagyiɔkpasu suna mli alíá mlópu ɪbɪ yɔ agyuma, pugyi aha ání ɪwɪ ma amú ɔnlɪn bualɛ. Mlíkaɪn anɪ Wie Yesu onuto asun blɪhesv. ɔbɛɛ, < Bulu toyula ɔha ání otekɪe atɔ dɪn ɔha ání butekɪe mu. > > >

36 Breá Paulo lɛbli asun anfi ta a, mua amúnɔ féé beda akpawunu bɔ mpaɪ. **37** Amú féé bosu breá belata aba puta, kla aba. **38** Tɔá ɪlɔwa amú ahumɪtɪ gyi mú amuv ɔlɛbli ɔbɛɛ, muméetra wun amú ɛkɛkɛkɛ amu. Besi mu ɔkpa yowie ɔpu ɔnɔ, olowie ntsusu-yibitɔ.

21

Proofread 09/06/05

Paulo Yerusalem Yɔ

1 Breá anilegyi nkla ta a, anɪlowie ntsusu-yibitɔ, natɪ laa yɔ Ko wulutɔ. ɛkɛ nyɔsɪ a, anɪlɔyɔ Rodo. Tsu ɪnv a, anɪlɛba Patara otsubunɔ. **2** Anɪlenya ntsusu-yibi kvá ɪyɔ Foinike otsubunɔ, anɪlowie

múto. **3** Breá ayo a, anilowun ɔsulu kvá buteti mú Kipro sisi. Anlesi
mú tswi binasu ifun, tsun yo Siria ɔmáto. Anleyekpli Tiro otsubuno,
tsufe unu béle ntsusu-yibi amuto ato ni. Harbor
scene|cn02006B.tif|span|ACT21:1-16|David C. Cook Foundation|Tiro
otsubuno ni.|Gyumagyihe 21:3 **4** Anlotu akasipu aku unu, anletsia
amú wa nkenisieno. Onge Wankihe lele suna amú ɔbee, Paulo máyo
Yerusalem wuluto. **5** Ani nke lofun, anlotua ani ɔkpasu. Breá
anidenati a, akasipu amu, amú aka pú amú abi féé beyesi ani ɔkpa
alu yowie ɔpu ɔno. Inu a, ani féé anleda akpawunu bo mpai.
6 Anlegyi nkla, anilowie ntsusu-yibi amuto pu ayo, amú ε beyinki yo
woyi.

7 Anledinka ɔpusu tsu Tiro alu bowie Ptolemai otsubuno. Breá
anilowie unu a, anleyeha ahogyipvá bubu unu itsia, anletsia amú wa
ekewule. **8** Oyi kehe a, anlokusu tsu unu ba Kaesarea otsubuno.
Anloyɔswu Bulu asun ɔkan ɔdapu Filipino woyi. Oyin anfi gyi aha
abasieno amuu bele Yerusalem bee, butsa ahande agyuma yo amuto
ɔkule. **9** Filipino bu abi tsihe abana, bumakuyo ayin wa ki. Bulu ɔno
atɔpu mu abi anfi bugyi. **10** Anlegyi nke kpalobi unu. Eke ɔku Bulu
ɔno ɔtɔpu Agabo lotsu Yudea ɔmáto ba unu. **11** Olenya bowie laa
ali olotsu Paulo osieto ɔfe kli mu onuto ibi pú mu ayabi. Muu ɔlebli
ɔbee, < < Onge Wankihe ɔbee, < Ali Yudafoá bubu Yerusalem békli
ɔha amuu ɔbu ɔfe anfi, pu mu wa aha ání bumegyi Yudafo ibito ni. >
> >

12 Breá anilonu asun anfi a, ania aha amuu bubu unu amu féé
anilokokoli Paulo aniaa, ɔmáyo Yerusalem. **13** Inu Paulo lefite ani
ɔbee, < < Ntogyi su mlidesu, mlilaha iwi lawu mi ali? Mi mú a,
megyi kli amuu békikli mi Yerusalem amu pe nala iwi yai ha. Mboun
nala iwi yai ání nówu ani Wie Yesu su ε. > >

14 Paulo ɔnɔ lɔɖɔn anɪ. Mú sɔ anilesi mu tɔɪ wa. Muɔ anilebli aniaa, < < lba mútɔ alɔ́a anɪ Wie dekle. > >

15 Inɪ ɔma a, anɪlɔkula anɪ atɔ du yɔ Yerusalem. **16** Ania Kaesareafo akasɪpu aku lɔyɔ unu. Bekpa anɪ ya oyin ɔkuá butetɪ mu Mnason woyitɔ bee, aswu mu wa. Akasɪpu agyankpapu amutɔ ɔkule ogyi, otsu Kipro ɔmátɔ.

Paulo Yerusalem Wie

17 Breá anɪlowie Yerusalem unu a, ahogyipu amu bɔhɔ anɪ atuu. **18** Oyikehe ania Paulonyɔ anɪleyeki Yakobo. ɔpasua ahande amu féé beba unu. **19** Paulo lɔwa amú ɔnɔ, ɔlebla amú togyitɔ́a Bulu latsun musu bwe aha ání bumegyɪ Yudafo. **20** Breá bonu Paulo asun anfi a, amú féé bekanfu Bulu. Muɔ bebla mu bee, < < Opio nu, Yudafo mpum-mpum ání badamli kluntɔ féé buɔe Mose mbla amutɔ kinkiinkin. **21** Tame aku babla amú bee, fasuna Yudafóa bubu ɔmá bambasu féé fee, bumágyi Mose mbla amusu. ɔma e a, fee bumátun amú abi kete, bumágyi anɪ amandɪe esu. **22** Ibwebwebwe a, aha bónuá faba nfi. Nkalɪ abɔ́bwe tsu mú iwɪ? **23** Abébla fu tɔ́a fubwe. Ayin abana akvá bubu anɪtɔ baka ntam ha Bulu. Ilehian ání bógyura iwɪ. **24** Kpa amú ya, amɪyɔgyura iwɪ. Ka amú atoyintahe féé ɪkɔ, menɪ békpa amú nwun. Inɪ ɔbéha aha féé bébiá futegyɪ Mose mbla amusu. Inɪ sɔ fu iwɪ asun amusu bonu amu uma mútɔ. **25** Anɪlawanlɪn ɔwulɔ sɪsɪ ahogyipuá bumegyɪ Yudafo dodo. Anɪlowanlɪn aniaa, anɪlablɪ ání bumágyi atogyiheá bapuha ɪkpɪ. Bumágyi obugya pú ɔbwɔ́a bapusa mɔ. Bumáwa atɪ múa ayin asun e. > >

26 Mú sɔ breá ɔyi leke a, Paulo lekpa ayin abana amu ya, mua amúnyɔ bɔyɔgyura iwɪ. ɔlɔyɔ Bulu ɔtswekpa unu yebli ekeá amú iwɪgyura amu ɪbɔ́mɔ ɔnɔ, ɔbéba bɔbɔ afɔɔɪe ha amútɔ okugyiɔku.

Paulo Kita Bulu Ɔtswekpa

27 Breá nkensienɔ amu ɪba bɔfun a, Yudafo akwá botsu Asia ɔmáto bowun Paulo Bulu ɔtswekpa unu. Ɔdɔm amuu bubu wunsinesu unu amu féé benya ɔblo Paulosu, bekita mu. **28** Bɔsura okitikiti bée, < < Israelfo ayin, mlɪdalɪ ba oo! Oyin amuu ɔna ɔde aha ato suna, yinta amú agywun amu nɪ. Mudekusɪ lu ɔmá anfi, Mose Mbla pú Bulu ɔtswekpa amusu nɪ. Alakpa Grikifo kuraa ba Bulu ɔtswekpa wunsinesu nfi. Mú su alapu ifin da ɔwankɪkpa amu. > > **29** Bɛbli mú alɪ, tsufe bowun Efesoyin ɔkwá butetɪ mu Trofimo mu Paulo wulu amuto dodo. Inɪ su buki bée, Paulo lɔpu oyin amu ya Bulu ɔtswekpa unu.

30 Wulu amuto féé lɛda kpokiti. Aha bɛdalɪ tsu amú woyito sɪ ba bekita Paulo. Bɛbitɪ mu dalɪ ɔtswekpa wunsinesu unu, fin ɪban amu.

31 Breá buɔe mu da, buɔekleá bómɔ mu a, ɔku lɛyɛbla Romafo ɪsa akɔpu ɔhandɛ ɔbée, < < Kpokiti lada Yerusalem wuluto. > >

32 Inunu ɔhandɛ amu lɛkpa ɪsa akɔpu amu aku pú amú ahandɛ aku bɛsɪ yɔ unu. Ɔdɔm amu benya wun amú alɪ besi Paulo da. **33** Ɔhandɛ amu lenatɪ yɔtu Paulo, ɔlɛha mu ɪsa akɔpu amu bekita mu, wa mu ɪkan anyɔ. Muu ɔlɛfite aha amu ɔbée, < < Ma gyi oyin anfi? Nto alabwɛ? > > **34** Ɔdɔm amu buɔe okitikiti, buɔetɔtɔɪ. Aku bée alɪ, aku ɛ bée alɪ. Okitikiti amu ɔno lɔwa ɔnlɪn. Mú su ɔhandɛ amu mɛbɪ ɔnokwaliá ɪbu asun amuto. Inɪ su ɔlɛha ɔbée, bukpa Paulo ya ɪsa akɔpu amu otsiakpa. **35** Breá bowie obu-ɔno ɔɔvɔkpa a, ɔdɔm amu buɔe ɪyin wa. Mú su ɪsa akɔpu amu botsu Paulo wa nkɔnkɔ. **36** Aha amu féé bubuo Paulo, buɔe okitikiti bée, < < Mlɪha awuna mɔ mu! Mlɪha awuna mɔ mu! > >

Paulo lwi Ɔnɔle

37 Breá bowie obu amu ɔno, bódu wie amú otsiakpa unu a, Paulo lebla ɔhande amu ɔbeɛ, < <Nobwii ɔpa, mbla fu asvanku. > >

ɔhande amu lefite mu ɔbeɛ, < <Futonu Griki ɔbli? **38** Mú su megyi fugyi Egyipteyin amuu ɔleha kpokiti leda bre kutɔ, ɔlekpa aha amɔpu mpum-na (4,000) buo ɪwɪ ya dimbisu amu nɪ? > >

39 Inu Paulo lele mú ɔno ɔbeɛ, < <Yudayin ngyi mɪ mú. Tarsoá ɪbu Kilikia ɔmáto bɔkwu mɪ. Megyi wulubito notsu. Nobwii ɔpa, ha mɪ ambla aha anfi asun. > >

40 Isa akɔpu ɔhande amu leha mu ɔkpa. Mú su Paulo leyelu obu-ɔno ɔɔukpa unu, bwe aha amu ɪbɪ bekasu. Inu lotɔ diin. Muu Paulo lebla amú asun Hebri ɔblito ɔbeɛ,

22

Proofread 09/06/05

1 < <Mɪ asɪ, apio aba, mɪyaa asu mɪ anle mɪ ɔno amlɪnu. > >

2 Breá bonuá Hebri ɔblito Paulo detɔ a, unu lotɔ diin. Muu Paulo loyo mu asunsu ɔbeɛ,

3 < <Yudayin ngyi. Tarso wuluto bɔkwu mɪ Kilikia ɔsulusu, tame Yerusalem nfi beyaɪ mɪ. Gamaliel losuna mɪ anɪ anain mbla amu wanklaan. Nɔwa nsi Bulusum ɪwɪ, fe alɪá mɪ ɛ mlɪde mu sum nde.

4 Nedinka aha ání buna anɪ Wie ɔkpa anfisɪ. Nɔmɔ aku kuraa. Nekita amúto atsi múa ayin aku, kɪklɪ amú yɔtwsɪ obu. **5** Bulu igyi ɔhapu dehen pú Yudafo asun agyipɪ amu féé bétalɪ gyi asun anfi ɪwɪ adansɛ. Amú wa nɔho ɔwulu tsu pu neya apioá bubu Damasko wuluto, mɪ anyekita alɪ aha amu wa amú ɪkan, pu amú ba Yerusalem, abubiti amú ɪsu.

Paulo Klontɔdamli ɪwɪ Asun Blɪ

(Gyumagyihe 9:1-19; 26:12-18)

6 < <Ekeá nɔpu ɔkpa nɔyɔ, neta Damasko wuluto wie ta, ibóbwe fe ɔpa doduanyɔtɔ a, ɔtsawule pe, wanki kuá mú ɔnɔ ihie bu ɔnlɔn, itsu ɔsusu lowanki wuli misu. **7** Múa nówun a, nda ɔsuluto. Inu nonu ɔme ku. ɔme amu lefite mi ɔbee, <Saulo, Saulo, ntogyi su fudin misu alɔ?> **8** Inu nefite mbee, <Fu ma ni, Owie?> Muu ɔme amu lebla mi ɔbee, <Mi Yesu, Nasaretyin amuu fudin misu amu ni.> **9** Mi aba amuu mia amúnɔyɔ anuna amu bowun wanki amu, tame bumonu asun ání ɔme amu de mi bla. **10** Nefite mbee, <Owie, ntɔ mbwe?> Anɔ Wie lebla mi ɔbee, <Kusu, afuyɔ Damasko wuluto. Bébla fu togyitɔá Bulu laha fu ɔbee fubwe.> **11** Wanki amu ɔnɔ bu ɔnlɔn. Mú su mmetra wun tɔtɔ. Inɔ su mi aba amu lekita mi ibi, kpa mi ya Damasko wuluto.

12 < <Oyin ɔkuá buteti mu Anania, otenya Bulu ifu bu wulu amuto. Otegyi Mose mbla amusu wanklaan. Mú su Yudafoá bubu wulu amuto féé buteti mu idayile. **13** Oyin anfi leba belu mi ansitɔ, bla mi ɔbee, <Opio Saulo, bwii ansibi afuki atɔ.> Inunu mi ansibi lobwii, nowun mu. **14** ɔlebla mi ɔbee, <Anɔ anain Bulu amu lele fu yai ɔbee, fubébi mu ape, afubi mu Bi Yile ɔbwepu amu, afonu mu ɔme. **15** Tsufe féba begyi mu iwɔ adansie, bla aha féé asun ání fonu pú múá fowun. **16** Ntɔ futra fugyo? Kusu kokoli anɔ Wie, afuha abubu fu asu, ɔfwɔ fu lakpan féé le.>

Paulo Bulu Asun ɔkanda ɔmátɔfɔtɔ

17 < <Breá neyinki yɔ Yerusalem wuluto nde mpai bɔ Bulu ɔtswekpa unu a, nowun atɔ. **18** Múto a, nowun anɔ Wie Yesu, ɔlebla mi ɔbee, <Wa ɔsa bwe, afudali Yerusalem nfi. Tsufe bumóɔho fu adansieá fégyi tsu mi iwɔ.> **19** Inu nebla mu mbee, <Mi Wie, amú

onuto buyin ání netsia yɔ Yudafo ofiakpa yekita aha ání bɔhɔ fu gyi,
da amú, wa amú obu. **20** Buyin ání breá bɔmɔ fu ɔdansiyin Stefano a,
mbu unu. Nelu amú ɔma mbɛɛ bɔmɔ mu, nɔhɔ amu atadie kuraa
kita. > **21** Tame anɩ Wie lebla mi ɔbɛɛ, < Natɩ, nɔwa fu fɔyɔ
tsutsuutsu, aha ání bɔmegyi Yudafo wa. > > >

22 Aha tsɔtsɔɔtsɔ amu beyaa asu nu Paulo asun blihe alu bɔtu breá
ɔlebli ɔbɛɛ, Bulu lɔwa mu aha ání bɔmegyi Yudafo wa. Inu bɔsura
okitikiti kuklɔkɔvɔ, bli bɛɛ, < < Mlɩle mu unu! Ima aleá obétsia ɔsulu
anfɩsu! > > **23** Inu bɔsura okitikiti, nya ɔblo, wɔɩ amú atadie tswɩ
tsalɩfwɩ, kpa ɩsɩ tswɩ wa afuto. **24** Mvu isa akɔpu ɔhandɛ amu lebla
mu aha ɔbɛɛ, < < Mlɩkpa Paulo, amlɩpu mu ya mli otsiakpa. Mlɩpɩti
mu atɔ ɔbli ɔnɔkwali, abɩ tɔá suá aha amu bude okitikiti sɩra mu
nwunsu alɩ. > > **25** Breá beklɩ Paulo ta, bɛɛ abuda mu a, ɔlefite isa
ɔkɔpu ɔhandɛ ɔkuá ɔlu mu wa ɔbɛɛ, < < Mbla leha ɔkpa ání mlɩpɩti
Romain oduá bɔmɔkɔgyi mu asun, ha mu ɩpɔn atɔ? > >

26 Breá isa akɔpu ɔhandɛ amu lonu asun anfi a, ɔleyebla mu ɔhandɛ
amu ɔbɛɛ, < < Fakle afɩse wulu manta ɩwɩ. Saa Romain oyin amu
gyi o! > >

27 Mvu ɔhandɛ amu leba Paulo wa, befitɛ mu ɔbɛɛ, < < Bla mi, lele
Romain fugyi? > >

Paulo lebla mu ɔbɛɛ, < < Romain ngyi. > >

28 Mvu ɔhandɛ amu lebla mu ɔbɛɛ, < < Mi mú a, ɩkɔ kpɔnkpɔntɩ
nɛka asa nemli Romain. > >

Tame Paulo lebla mu ɔbɛɛ, < < Mi mú a, Romain onutonuto
ngyi. > >

29 Inunu aha amvu bɛɛ, abufite Paulo asun amu féé bedasaɩn. Ifu
lekita ɔhandɛ amu onuto o, breá ɔlebiá Romain Paulo gyi asa alaha
bawa mu ɩkan.

Paulo Yudafɔ Asun Agyipu Ansitɔ Lu

30 Oyikehe a, ɔhande amu lekleá ɔbébi tɔá Paulo lɔbwɛ, su Yudafɔ bude asun kla dɪnka musu. Mú su ɔleha bɔwɔi mu le ɪkan amuto, ɔleha beti Bulu igyi ahapu dehen pú Yudafɔ asun agyipu amu befia. Musu ɔleha bekpa Paulo belu amú ansitɔ.

23

Proofread 09/06/05

1 Paulo lotsu ansi ki Yudafɔ asun agyipu amu diin. Musu ɔlebla amú ɔbɛɛ, < < Mɪ apio Israelfɔ, nyin mɪ klɔntɔ ání mmɔkutsia nkpa lalahe Bulu ansitɔ bɔtu ndɛ. > > **2** Musu igyi ɔhapu dehen Anania lebla aha amusu bulu manta mu amu ɔbɛɛ, buda mu ɔnɔsu. **3** Inu Paulo lebla mu ɔbɛɛ, < < Fu Bulu ɔbéda. Fabwe ɪwɪ fe buntiá bakpa mú afa fututu, fabetsia asɪ fɛɛ fɔpu Mose Mbla gyi mɪ asun. Fude aha bla fɛɛ, buda mɪ ansitɔ. Fu mú megyi mbla amu fatun a? > >

4 Aha akvá bulu manta Paulo befite mu beɛ, < < Bulu igyi ɔhapu dehen fudesia alɪ a? > >

5 Paulo lebla amú ɔbɛɛ, < < Mɪ apio, mmeyin mbɛɛ, mugyi Bulu igyi ɔhapu dehen. Tsufe bɔwanlɪn wa Bulu asun amuto beɛ, < Máblɪ ɔha ání ɔde fu ɔmásu gyi ɪwɪ asun lalahe. > > >

6 Breá Paulo lowun ání Yudafɔ asun agyipu amuto aku bugyi Sadukifɔ, aku ɛ bugyi Farisifɔ a, ɔɔsura okitikiti asun ogyikpa unu ɔbɛɛ, < < Mɪ apio, mɪ anfi nlu a, Farisiyin ngyi. Mɪ anain ɛ a, Farisifɔ bugyi. Mɪ ɛ nohogyiá awupu bɛlakusu. Mú ndɛblɪ su bakpa mɪ ba asun ogyikpa nfi nɪ. > >

7 Olenya blɪ alɪ pɛ, aha tsɔtsɔtsɔ amuto leye anyɔ. Farisifɔ amu pú Sadukifɔ amu bɔwa aba nwengyi blɪ. **8** Tsufe Sadukifɔ butɛblɪ beɛ, kusɔ tsu afulitɔ kuku ɪma unu. Bulu-abɔpu pú ɔɲɛ lalahe kuku ɛ ma

inu. Tame Farisifo mú bohogyiá uní féeé bu inu. **9** Iní leha nwen amu
ɔno lehié wa ɔnlun. Mbla asunapúa bugyi Farisifo bókusu lu bli bée,
< < Anumókúwun tsitsa kuku oyin anfi iwí. Fialí ɔɛ ku nte Bulu-
ɔbɔpu ɔku lebla mu. > >

10 Nwen amu ɔno lehié wa ɔnlun, idekle imli ikɔ. Inu isa akɔpu
ɔhande amu lenya ifuá bóbwe titi Paulo. Mú su ɔlebla isa akɔpu amu
ɔbée, < < Mlɔwa ɔsa kpa mu ya mli otsiakpa inu. > >

11 Mú onye a, aní Wie lebelu Paulo wa, bla mu ɔbée, < < Wa klun!
Alí anfi fagyi mí iwí adansié Yerusalem nfi a, alí kɛn fuyegyí mú
Roma wuluto é ní. > >

Paulo Mɔ Iwí Agywun Kíta

12 Mú ɔyikehé a, Yudafo amu aku befiá, kíta Paulo iwí agywun.
Beka ntam bée, ní bumókumɔ mu buméeegyí atɔ, bumóonun ntsu.

13 Aha amuv beka ntam amu budun advana (40). **14** Bɔyɔ Bulu igyi
ahapu dehen pú Yudafo ahande wa, yebla amú bée, < < Anilahié ka
ntam aníaa, ní anumókumɔ Paulo anuméeda tɔtɔ ɔno. **15** Mú su tɔá
anidekle aníaa, fua Yudafo asun agyipu amu mlɔbwe ha aní gyi, mlíkí
ansi wa abi sísí isa akɔpu ɔhande amu mliáa, ɔpu Paulo ba, amlɔlanu
mu asuntɔ. Anílada iwísu aníaa, obótsutsua obowie nfi anílamo
mu. > >

16 Paulo mu bitepu ɔku lonu asun anfi féeé. Mú su ɔlesrí yɔ isa akɔpu
otsiakpa unu yowí tsa Paulosu. **17** Inu Paulo letí isa akɔpu ɔhande
ɔku, bla mu ɔbée, < < Kpa ɔyasubi anfi ya mli ɔhande wa. Ɔde
asvanku, ɔbébla mu. > > **18** Isa akɔpu ɔhande amu lekpa ɔyasubi
amu ya amú ɔhande wa, yebla mu ɔbée, < < Obu ɔdɔpu Paulo ɔbée,
nkpa ɔyasubi anfi ba fu. Ɔde asvanku, ɔbébla fu. > >

19 Ɔhande amu lekíta ɔyasubi amu íbɔ, kpa mu ya itsetɔ yefite mu

ɔbɛɛ, < < Amansu fubvá fébla mí? > >

20 ɔyasubi amu lebla mu ɔbɛɛ, < < Yudafo ahandɛ babwɛ agywun bɛɛ, bɛpina wa abi fu wa bɛɛ, fukpa Paulo ba obówun amú ɔkɛ, abulanu mu asun amuto wanklaan. **21** Tame máho músu gyi, tsufe amú ayin ání budun advana (40) bɛɛ, bɛɣain ɔkpatɔ gyo Paulo, mo mu. Amú féé baka ntam bɛɛ, toto méɛda amú ɔno, kpɛfun bréá bamɔ mu. Fu nkule bugyo sei ání fótsula kpa mu ba. > >

22 Muɔ ɔhandɛ amu leda ɔyasubi amu ɔla ɔbɛɛ, < < Máyebla ɔhaa féɛ, fawi asun anfi tsa mísu. > > Olesi mu ɔkpa.

Paulo Le Ya Kaesarea

23 lnu ɔhandɛ amu leti isa akɔpu ahandɛ abanyɔ, ɔlebla amú ɔbɛɛ, < < Mlile isa akɔpu lafanyɔ (200), mpɔnkɔsu adunkapu aduesienɔ (70) pú pia atswipu lafanyɔ (200) abukusu onyenɔ dokwebatɔ yɔ Kaesarea. **24** Mliha Paulo mpɔnkɔ, odinka amúsu yɔ. Mlikpa mu, amliha mu oyowie ɔmásu ogyipu Felike wa pisii. > > **25** ɔhandɛ amu lɔwanlɔn ɔwulu manta músu ɔbɛɛ,

26 < < Mɔ Klaudio Lisia de ɔwulu anfi wanlɔn sisi fu, ɔmásu ogyipu onumnyampu Felike. Nde fu itsia ha. **27** Nde fu ibi ha ání Yudafo lekita oyin anfi, budekleá bómo mu, tame mia isa akɔpu tsɔtsɔtsɔ anɔɔyɔho mu le amú ibi. Tsufe nonuá Romain ogyi. **28** Ndekle mbɛɛ, nébi tɔá ɔlobwɛ. Mú su nɔpu mu ya amú Yudafo asun agyipu ansitɔ. **29** lnu nowun ání amú mbla iwɔ nwen budeg yi. Mú su ɔmɔkubwɛ lakpan kukvá bómo mu, nte bówa mu obu. **30** Tame ɔku laba bowi tsa mísu ɔbɛɛ, Yudafo amu aku babwɛ agywun bɛɛ, bómo mu. lnu nɔbwɛ agywun mbɛɛ, nɔpu mu sisi fu. Nabla mu anyaba amu ɛ mbɛɛ, bupu amú asun ba fu. Nafun nfi. Neha fu itsia gyagyagya. > >

31 Ilsa akọpọ amụ bọbwe dinka amú ọhande asun blịhesu. Onye-onye amụ bekpa Paulo kónkọnkón alu yowie Antipatri wuluto. **32** Bréá ọyị lẹkẹ a, beha mpónkọsụ adínkọpọ amụ bekpa mụ ya Kaesarea, ayabito anatipụ amụ beyinki yọ amú otsukpa. **33** Bréá mpónkọsụ adínkọpọ amụ boyowie unu a, bọpọ Paulo pú ọwulọ amụ wa ọmásv ogyipụ amụ ibito. **34** Ọmásv ogyipụ amụ lẹkla ọwulọ amụ, ọlẹfite Paulo ọbée, < <Nkunu yin fugyi? > > Bréá ọlẹbía Kilikia ọmáto Paulo otsu a, **35** ọlẹbla Paulo ọbée, < <Nị fu anyaba amụ beba a, nónu fu ọno asun. > > Inu ọlẹbla amú ọbée, bupọ Paulo yọwa Owie Herode woyito, abugyo mụ iwi.

24

Proofread 09/06/05

Paulo Ọnọtin

1 Nkenụ ọma a, igyi ọhapu dehen Anania mụa Yudafo ahande aku pú Mose mbala ọbupụ ọkụá buteti mụ Tertulo beba Kaesarea. Beba bekla asun ání bubu tsu Paulo iwi suna ọmásv ogyipụ Felike. **2** Beti Paulo belu. Mụv Tetulo lẹkla mụ asun ọbée,
< <Onumnyampu Felike, faha iwilwii laba ọmá anfito. Fu nyansa lala ato tsotsotsọ bwe anị ọmá anfito. **3** Fu bwehe legyi anị anị ọtinegyiọtine. Fude ato bwe. **4** Mmedekle mbée, néyinta fu bre tsotsọ. Mú sv nokokoli fu, nya klun ha anị, afonu anị asun tinbi anfi.
5 Anilawun ání ato oyintapu oyin anfi gyi. Ọteha kpokiti tẹda Yudafo ọyito ọtinegyiọtineá ọtọyọ. Ọtra ogyi Nasaret ọpasua amụ Bulu igyi ọhapu. **6-7** Alakle ọpọ ifin da Bulu ọtswekpa unu, asa ọkla ogya anilekita mụ.^q **8** Nị fu onuto fefite mụ a, fówun ání asun anfi

^q24:6b-8a Inu bu nwulọ dada amụ akuto: *Anulọbwe agywun ání abọpọ*

anidebli tsu mu iwi anfi féé bu móto nte uma móto. > > 9 Inu amu féé
botsula músu bee, asun amuu alabli amu bu móto.

Paulo Onole Felike Ansito

10 Omásv ogyipu Felike lóbwe Paulo ibi óbee, óle mú onó. Inu Paulo
lebli óbee,

< < Nyin ání fude asun gyi omá anfito ulawa ópá. Inu su ibu mi
ódweá néle mi onó fu ansito. 11 Nobwii ipa, fétalí fite nu ání ibu
mútóá ngyo Yerusalem yosum Bulu, umókudun nke duanyo. 12 Mi
anyaba anfi bumowun mia óhaa agyi nwen Bulu ótswekpa unu.
Bumowun mi anha kpokiti ida Yudafo ofiakpa kuku nte ótinetine
wulu amuto. 13 Buma asvansvá bópugyi adansie ání amó asun anfi
bu móto. 14 Tame natsula ání ntosum aní anain Bulu tsun aní Wie
Ókpa amuu bude mú ti ópasua lalahe amusu. Ncho Mose Mbla amu
pú móá Bulu onosu atóipu amu bowanlin tswi é féésu gyi. 15 Nde
ókpa kí fé alíá amó é bude ókpa kí ání Bulu óbókusua aha yile pú aha
lalahe féé tsu afulito eke ku. 16 Inu su ntóbo mbódiá mi klun méetsia
ha mi pón Bulu mua anyankpusa féé ansito bregyibre.

17 < < Iníá nedali Yerusalem ulawa ópá a, nayinki ba unu, napu
atokiehe neba mi aha abupuha ahianfo, mi anha Bulu igyi. 18 Mú
óbwekpa mbu Bulu ótswekpa unu. Breá ngyura iwi ta amandie amu
onó a, beba bótú mi unu. Megyi mia ódóm kuku loyo unu. Kpokiti kuku
é meda unu. 19 Yudafo aku botsu Asia omáto ba bubu unu. Ni nóbwe
ito lalahe ku a, tekí amó kuraa óbéba bebla fu, mia amónyo abébli
mú. 20 Ni íbówa ale kuraa a, ha aha anfi onuto abubli tsitsa oduá
Yudafo asun agyipu amu bowun mi iwi, breá bópu mi ya amó ansito.

*ani onuto mbla gyi mu asun. Tame isa akópu óhande Lisia lópu mu tumi
bcho mu le ani ibito. Mú oma a, ólebla ani óbee, apu mu asun ba fu.*

21 Asun kuakule peá nɔkplɔn blɪ brɛá nlu Yudafo asun agyipu amu ansito gyi, < Mlɛde mɪ asun gyi ndɛ, tsufe nohogyiá awupu belakusu tsu afulito. > > >

22 Iníá onumnyampu Felike yin anɪ Wie ɔkpa amu wanklaan su a, olotu asun amu hɛ. ɔleblɪ ɔbɛɛ, < < Nɪ isa akɔpu ɔhandɛ Lisia ɔba nfi a, nówun alíá nómo asun amu ɔno. > > **23** ɔlebla isa akɔpu ɔhandɛ amu ɔbɛɛ, ogyo Paulo ɪwɪ wanklaan, ɔha mu otsia iwilwiito. ɔha mu aba ɔkpa abuki musu.

Paulo Felike Mva Mu Ka Drusila Ansito Lu

24 Nke kpaloɓi ku ɔma a, Felike mva mu ka Drusila ání ogyi Yudayintse beba. Felike leha beyekpa Paulo ba, ɔlɔɔɔɔɔɔ tsu mu hogyiá ɔbu Kristo Yesuto ɪwɪ suna amó. **25** Tame brɛá ɔdetɔ tsu yilebwe, ɪwɪsɔgyi pú Bulu asun ogyike amuv ɪba amu ɪwɪ a, ifu lekita Felike. Mú su ɔlebla Paulo ɔbɛɛ, < < Ku yinki asa. Nɛnya brɛ wanklaan ku a, nélatɪ fu. > > **26** Brɛ amuto féé Felike lekɪ ɔkpa ání Paulo obódunka tɔku beha mu ɔno. Mú su ɪbu nu bu ɪnu a, alapina wa abi bayetɪ Paulo, mva munyo batɪ.

27 Nfɛnyo ɔma a, Felike lenatɪ. Porkio Festo lebetsia mu obiasu. Iníá Felike dekle ɔbɛɛ, mu asun ɪwa Yudafo amu ɔdwe su a, olesi Paulo wa obu natɪ.

25

[Proofread 09/06/05](#)

Paulo Roma Owie Wa Yo

1 Omásv ogyipu Porkio Festo lebetsia obiasu Kaesarea. Mú eke sasi a, ɔlɔɔɔɔɔɔ yo Yerusalem. **2** Inu Bulu igyi ahapu dehen pú Yudafo ahandɛ aku ɔɔpu Paulo ɪwɪ asun yɔtswɪ mu ansito. **3** Bɔɔbwe agywun

ání b́yɔwa obun ɔkpatɔ, mɔ Paulo. Ḿ su b́yɔkuli Festo b́e, ɔpu Paulo ba Yerusalem. **4** Tame Festo lɛbla aḿ ɔb́e, < < Paulo da obu Kaesarea wulutɔ dodo. Iḿɔwa ɔpá mɪ ε néyinki yɔ unv. **5** Mliha mli ahande amv aku abubuo mɪ yɔ unv, abuyebli tsitsa oduá alabwɛ. > >

6 Festo letra tsia Yerusalem nkekwe ntɛ nke du asa oleyinki yɔ Kaesarea. Olowie unv a, ɔlɔwa b́yɔpu Paulo ba, oletsia asun amusu ɔyikehe. **7** Paulo lenya wie unv alɪ, ahande amuv botsu Yerusalem ba amv bekafia mv, kla asun tsɔtsɔtsɔ dɪnka musu. Tame bumetalɪ nya tɔtɔ pusuna ání asun amv ibv ḿtɔ. **8** Muv Paulo lele ḿ ɔnɔ ɔb́e, < < Mmɔkutun Yudafo mbla kuku, ntɛ bwe tɔkv pu ifin da Bulu ɔtswekpa amv ntɛ pu lalahɛ kuku ε gyi Roma owie dehen. > >

9 Festo dekle ɔb́e, mv asun ɪwa Yudafo amv ɔdwɛ. Ḿ su ɔlefite Paulo ɔb́e, < < Fudekle fɛε f́yɔ Yerusalem, mɪ anyegyɪ fu asun unv? > >

10 Paulo lele ḿ ɔnɔ ɔb́e, < < Roma Owie Dehen asun ogyikpa nli. Nfi ilehian ání b́gyɪ mɪ asun. Fu onuto fuyin ání mmɔkubwe Yudafo tɔtɔ. **11** Nɪ natun mbla, ilehian lowu a, mmɔkutin ɔkpa mb́eε bumámɔ mɪ. Tame nɪ asun anfi Yudafo babli dɪnka mɪsu anfi uma ḿtɔ a, ɔhaa má ɔkpa ání ɔb́pu mɪ wa aḿ ibɪtɔ. Ḿ su ḿ bupu mɪ asun ya Roma Owie Dehen onuto ogyi ḿ. > >

12 Inu Festo mv mv ahande b́yɔ abɪwa wa. Muv ɔlebebla Paulo ɔb́e, < < Fu onuto fɛε, Roma Owie Dehen ogyi fu asun. Ḿ su ab́pu fu ya mv wa. > >

Festo Agripa Paulo ɪwɪ Asun Bla

13 Nke kv ɔma a, Owie Agripa mv Berenike beba Kaesarea. Beba beba Festo nwunkpa. **14** Betsia unv wa ɔpá. Ḿ su Festo lɛbla aḿ Paulo ɪwɪ asun. ɔb́e, < < Felike lɔwa oyin ɔkv obu nfi, olesi mv wa

nati. **15** Breá nɔyɔ Yerusalem a, Bulu igyi ahapu dehen pú Yudafo ahande beba bebli asun tsɔtsɔtsɔ dinka musu, bla mi bee nha mu ipɔn, abumɔ mu. **16** Tame nebla amú mbee, < lma anɪ Romafo amandiɛɔá béha ɔku ipɔn, nketi mua mu anyaba bafia gyi asun. >

17 Mú su ekeá mia Yudafo amu anilobowie Kaesarea nfi a, mmesi wa obiatɔ. Ɔyi kehe kotoo néha bɔyɔpu oyin amu ba, netsia asun amusu.

18 Nkɪ mbee, mu anyaba amu bénɔya tsitsa ku tsu mu iwɪ, tame bumenɔya. **19** Mboun amú Bulusum pú Yesu ɔkuá alawu tsun, tame Paulo ɔbee, ɔtra otsie nkpa iwɪ asun buɔɔbitɪ. **20** Mú su mmowun alíá nɔyɔ asun amutɔ. Nefite Paulo mbee, obótsula abuyɔ Yerusalem yegyi asun amu unv. **21** Tame ɔleblɪ ɔbee, mudekleá mu asun iyɔ Roma Owie Dehen ansitɔ. Mú su néha bówa mu obu yɔfun breá nɔpu mu sisi Roma Owie Dehen. > >

22 Musu Agripa lebla Festo ɔbee, < < Mi ε ndekle mbee, nónu asun anfi tsu mu onuto ɔntɔ. > > Festo lebla mu ɔbee, < < Ɔke néha bópu mu ba, ɔbéle asun amutɔ suna fu. > >

Paulo Agripa Ansitɔ Lu

23 Ɔyi kehe a, Agripa mua Berenike behihie iwɪ, isa akɔpu pú wulu ahande bobuo amú ba. Festo leha bekpa Paulo ba unv. **24** Musu ɔleblɪ ɔbee, < < Owie Agripa mua aha ání bafia nfi féé, mlɪlawun oyin anfi ɔlu? Yudafoá bubu nfi pú Yerusalem féé bɔpu mu asun ba mi. Bee, mehian ání ɔbétra tsia nkpa. **25** Breá nɔyɔ asun amutɔ a, mmowun ɔá alabwe su bómu mu. Tame mu onuto ɔbee, mpɔ mu asun ya Roma Owie Dehen. Mú su nabwe agywun mbee, néha bópu mu ya. **26** Tame mmowun tsitsa kuku mu iwíá nówanlɪn manta musu bópu mu ya. Mú su nakpa mu ba mlɪ ansitɔ nɪ, titriu fu Owie Agripa. Ndekla atete asun amutɔ, ɔtineá ileyeyi a, mi anya asvanku wanlɪn sisi mu.

27 Tsufe nawun ání uma alá b́pú obu ɔ́dípú sísí, bumɔ́wanlun tɔ́á alabwɛ manta musu. > >

26

Proofread 09/06/05

Paulo lwi ɔ́nɔ́lɛ Agripa Ansitɔ́

1 Musu Owie Agripa lɛbla Paulo ɔ́bɛɛ, < < Naha fu ɔ́kpa. Kusɔ́ lɛ fu ɔ́nɔ́. > > Paulo lotsu ibi fua, lɛ mú ɔ́nɔ́ ɔ́bɛɛ,

2 < < Owie Agripa, nawun ání ɔ́kla lawa mí ogya nlu fu ansitɔ́, ndɛ mí ɔ́nɔ́ lɛ tsu asun anfi Yudaɔ́ bakla d́nka musu anfi lwi. 3 Múá ibu ansigyi kuraa gyi, fuyin Yudaɔ́ amandɛ pú tɔ́á butegyi mú lwi nwen féé. lni su kokoli, nya klun afunu mí ɔ́nɔ́.

4 < < Yudaɔ́ féé buyin mí tsiatɔ́. Buyin alá nɔ́putsia mí ɔ́mátɔ́ tsu mí nyebitɔ́ pú alá nɔ́putsia Yerusalem wulutɔ́. 5 Amú féé buyin mí dodoodo. Ní budekle a, amú onuto bétalı bla fu ání Farisiyin ngyi wanklaan. Farisifo ɛ butegyi Yudaɔ́ Bulusum mbla amusu wanklaan dun ɔ́pasua kugyiku. 6 Tɔ́á suá ndɛ nlu nfi, fudɛ mí asun gyi gyi, ndɛ ɔ́kpa kíá Bulu ɔ́bɔ́bwɛ d́nka mu asun amusu ɔ́lɛka mú lwi ntam ha aní anain amusu. 7 Aní abusuan duanyɔ́ amu féé b́pú ansi d́nka ntam anfisúá íbɛ́ba mútɔ́ ha amú. Mú su bude Bulu sum ekekegyiɛke ní. Nanain, ntam anfi su Yudaɔ́ bude asun kla d́nka musu ní. 8 Ntogyi su mli Yudaɔ́ anfi mú mli metalı hogyiá Bulu ɔ́bétalı kusua aha tsu afulitɔ́?

9 < < Teki mí o nohogyiá nɔ́bwɛ togyitɔ́á nétalı putin Yesu Nasaretyin amu gymagyihe ɔ́kpa. 10 lni gyi tɔ́á nɔ́bwɛ Yerusalem ní. Bulu igyi ahapú dehen amu beha mí tumi bɛɛ, nkíta Bulu aha amu tswi obu. Ní bómɔ́ amú ɛ a, mí ɛ ntotsula mbɛɛ, bumɔ́ amú. 11 Netsia

yo Yudafo ofiakpa kugyikuto, nteha butekita amú, bití amú isv, hie amú butebli Yesu iwí abususu. Amú iwí oblo sv ntedinka amúsv yo omá bambasu yekita amú, bití amú isv.

Paulo Ikluntadamli Iwí Asun

(Gyumagyihe 9:1-19; 22:6-16)

12 < < Mú okpa eke oku Bulu igyi ahapu dehen amv beha m, nayo Damasko wuluto yobwe ni. **13** Breá nna okpató nayo a, Nanain, ibwe fe opa doduanyoto, wanki ku lowanki tsu osusu wuli misv. lowanki dun owi. lowanki wuli mia m abamv anina amvsv. **14** Inu aní fée aniledida. Nonu ome ku Hebri oblitó obee, < Saulo, Saulo, ntogyi sv fudin misv alí? Iwí tó fudewa. > **15** Mvsv nefite mbée, < Owie, fu ma ní? > Mvsv aní Wie lebla m obee, < Mí Yesu ni. Misv fudin ni. **16** Nabele iwí owan suna fu, mení fóbwe m osumpu. Kusv, afuyebila aha toá fawun tsu m iwí nde, pú múá néle suna fu. **17** Nókó hó fu tsu aha amvsv nde fu wa sisi, bogyi fu onuto aha Yudafo pú amúá bumegyí Yudafo ibito. **18** Fóbwií amú ansi, bédali tsu oklunto ba wankito. Fée amú tsu Satan tumi así ba Bulu wa, mení obési amú lakpan kie amú, fówun bénya otsiakpa aha amvsv Bulu latsun amú hogyisv bwe amú mv aha amvto. >

Paulo Gyumagyihe Iwí Asun

19 < < Nanain Agripa, uní sv nobwe dinka ato amvsv nowun, itsu osusu amvsv. **20** Gyankpavu a, nayo Damasko wuluto. Mú oma a, nayo Yerusalem pú Yudea omáto fée. Nayo aha amvsv bumegyí Yudafo amv e wa. Neyebila amú mbée, busi lakpan bwe, abudamli ba Bulu wa, abutsia tsiatoá ilosuna ání badamli klunto. **21** Iní sv Yudafo amv bekita m breá mbv Bulu otswekpa unv bee, bómo m ni. **22** Tame Bulu de m kpa alu bofun nde. Mú sv nlu nfi nde, nde mli nyebi-

ahande fée tɔ́á nawun bla nɪ. Asun ání Mose mua Bulu ɔ́nɔsu atɔ́pu amu bebli bee, ɪbéba mútɔ́ ken ndeblɪ. **23** Bee, <Ilehian ání Kristo, (ɔ́ha amusu Bulu lada mu ofuli amu) obówun ɪwɔ́sun wu, menɪ ɔ́bɔ́bwe ɔ́ha gyankpapuá ɔ́bɔ́kusɔ́ tsu afulitɔ́. ɔ́bɔ́pu wankɪ ba Yudafo pú aha ání bumegyɪ Yudafo ɛ. > > >

24 Breá Paulo leblɪ ɪnɪ a, ɔ́másv ogyipu Festo lɔ́kplɪn wa Paulo ɔ́bee, <<Paulo, fu nwun layinta! Fu ɔ́wɔ́lɔ́bɪ dɔ́bɪdɔ́bɪ amu laha fude gbede lɔ́. > >

25 Mus Paulo lebla mu ɔ́bee, <<Onumnyampu Festo, mmede gbede lɔ́. ɔ́nɔkwali onutonuto nde mɪ bla. **26** Nanain Agripa yin asun anfi fée ɪwɪ. Nétalɪ bla mu faan. Nahogyiá megyɪ asun ɣainhe igyi ha mu, tsufe bumɔ́bwe mú ɣain. **27** Nanain Agripa, fɔ́hɔ́ Bulu ɔ́nɔsu atɔ́pu asun wanlɪnhe amusu gyi? Nyin ání fɔ́hɔ́ músu gyi. > >

28 ɪnu Owie Agripa lebla Paulo ɔ́bee, <<Fahogyi fee, fétalɪ damli mɪ bwe Okristoyin bre tinbi anfitɔ́? > >

29 Paulo lebla mu ɔ́bee, <<Bre tinbi o, bre tsɔ́tsɔ́tsɔ́ o, mɪ mpai ání ndeɔ́ ha Bulu gyi, fɔ́a aha anfi mlɪde mɪ asun blɪhe nu nde anfi fée mléba bɔ́bwe fe mɪ. Tame bumáwa mɪ ɪkan anfi mú. > >

30 ɪnu a, Owie Agripa mua ɔ́másv ogyipu Festo pú Berenike mua aha amusu butsie ɪnu amu fée bɔ́kusɔ́ dalɪ. **31** Beyelu ɪtsetɔ́, amú wulewule budeblɪ bee, <<Oyin anfi mɔ́kubwe tɔ́tɔ́á ilehian ha mu lowu nte mu obuwa. > > **32** Mus Owie Agripa lebla Festo ɔ́bee, <<Tɛkɪ nɪ ɔ́meblɪ ɔ́bee, Roma owie dehen koun ogyi mu asun a, tɛkɪ fétalɪ si mu. > >

27

Paulo Puya Roma Wuluto

1 Breá beblí alí ta a, bekíta agywun bée, abótsun ɔpusu yɔ Italia ɔmáto. Bɔpu Paulo mva obu adípu aku é wa Romafo isa akɔpu ɔhande ɔkuá buteti mu Yulio íbuto. ɔhande anfi bu Roma Owie Dehen Augusto isa akɔpu ɔpasuato. **2** Anilowie ntsusu-yibi kuá itsu Adramitio fun, iyɔ ɔpu ɔno awuluá íbu Asia ɔmáto. Makedoniayin Aristarko, otsu Tesalonika amu é bu anito. **3** Oyikehe a, anilelu Sidon ɔpu ɔno. Isa akɔpu ɔhande Yulio lowun Paulo nwe, ɔleha mu ɔloyɔ mu aba wa, mení béha mu atɔá íbéhian mu. **4** Anilokusu tsu unu a, afu lefia aní ɔpu amusu. Muu aniloyɔtsun Kipro ɔsulu awunsu fun, tsufe afu amu medetsun unu mú. **5** Anilotsun ɔpusu yɔtsun Kilikia pú Pamfilia funsu yowie Likia ɔsulusu, Mira wuluto. **6** Isa akɔpu ɔhande amu lowun ntsusu-yibi kuá itsu Aleksandria wuluto iyɔ Italia ɔmáto, ɔlele aní wa múto.

7 Anidun ɔpu amusu putɔɔ. Mú su anilegyi nke tsɔtsɔtsɔ ɔkpatɔ. Ile pian aní asa anilowie Knido. Afu amu meha aní ɔkpa. Mú su anilɔpu yɔtsun manta Kreta ɔmá. Inu a, anilɔpukpli tsun Salmone wulu ɔsasi fun. Tsufe afu medetsun unu mú. **8** Iníá anilotsun ɔpu ɔno-ɔno kuraa o a, ile pian aní asa anilobowie ɔtinekuá buteti unu < < Osubuno Wanklaan, > > íbu manta Lasea wuluto.

9 Nke tsɔtsɔtsɔ lɔbɔtsun, nkeá butɔpukli ɔno kuli lakpansikie é ulɔtsun. Nke amuto é a, ɔpu amu ideda. Mú su músu tsun lɔwa ifu. Iní su Paulo lɔtɔi kpla amú ɔbée, **10** < < Mí awie, nawun ání ní animekí wanklaan aní ɔkpa anfi natito a, abóhuli atɔ tsɔtsɔtsɔ. Megyi atɔ pú ntsusu-yibi amu wule, aní onutonuto é abésin múto. > > **11** Tame isa akɔpu ɔhande amu lɔho ntsusu-yibi amuto ɔhande pú mu wie asun si Paulo. **12** Iníá osubuno unu uma aleá abésia unu nyankputswiebi su a, amúto aha tsɔtsɔtsɔ beblí bée, abénatí unu. Amú ansí dín ání

abóyowie Foinike, igyi Kreta otsubuno, ibu owi okpliwiekpa fun, tsia unu nyankputswiebi amu.

Atsufu Kponkponti Opusu Tsun

13 Inu afu kuá itsu gyopisu lowa tsun brevu bi. Inu su aha amuto aku bosusuá amú agywun amu ibékana. Mu su belatsu simpiá uteha ntsusu-yibi telu tsukule wa ntsusu-yibi amuto, boputsun Kreta opu onon-onon. **14** Tame umowa opa kuku afu kponkponti ku lokusu tsu Kreta ifunsu. Afu amu ida gyi < < Binasu-owi-odalikpa-afu. > > **15** Afu amu lebefia anu. Inia animetali sankia ntsusu-yibi amu su a, anlesi iwi ha afu amu, ulopu ntsusu-yibi amu nati. **16** Ulopu mu sri yotsun manta opu nsine osulu kuá buteti mu Kauda asi. Ulowa onlin asa betali tsu oklunbi amuu butopule aha áni bude ntsu wie, isian ntsusu-yibi amu oma amu wa yibi amuto. **17** Inu ntsusu-yibi amuto agyuma ayopu bebitia oklunbi amu wa ntsusu-yibi amuto. Bopu ofe klu ntsusu-yibi amu kinkiinkin, menu imeemaun. Benya ifu bee, afu amu ibotsuan ntsusu-yibi amu yowie Libia otsubuno osubluto. Mu su bele tatiá isian ntsusu-yibi amusu, menu ntsusu-yibi amu benati putu. Mu o a, afu amu lotsuan ntsusu-yibi amu nati owonlinsu. **18** Mu oyikehe a, afu amu onon lehie wa onlin. Mu su bowa amú ato surahe le wa oputo bi. **19** Eke sasi a, bele ntsusu-yibi amu iwi ntobi kugyikuá amú ibi leda wa opu amuto. **20** Anitra animede owi muá ntsrakpabi wun nke tsotsotsu, afu amu onon e itra bu onlin. Mu su anu ansi metra duka totosu dun lowu.

21 Nke tsotsotsu lotsun, aha amu butra bumede ato gyi. Inu Paulo lokusu lu amú féé ansito, bla amú obee, < < Mi awie, teki ni mlilonu mi ome, anumenati Kreta otsubuno a, teki animaku befia ipian, huli anu ato ali. **22** Tame sei a, mbla mli amlinu. Mliwa klun, tsufe anito

ɔkuku móowu, ntsusu-yibi anfi wule obéyinta. **23** Igye onye a, mi Buluá ntosum lɔwa mu ɔɔpu mi wa. **24** Ɔlebla mi ɔbɛɛ, < Paulo, mánya ifu. lbwebwebwe a, félu Roma Owie Dehen ansɔ. Bulu lawa awɔtɔle ha fu. Mú su alahɔ aha anfi fua amúnyɔ mlina anfi féé nkpa. > **25** Mú su mi awie, mlunya klun, tsufe mi ansi dɔn ání Bulu ɔbéha ibéba mútɔ fe alíá mu ɔɔpu labɛbla mi. **26** Tame lbwebwebwe a, afu amu ibéda aní ya ɔpu nsine ɔsulu kusu. > >

27 Eke duanasí onye a, afu amu bu músu ide anida ya nsine unu ɔpuá butetɔ mú Adriasu. Mú ɔyɔnsine a, ntsusu-yibi amutɔ agyuma ayɔpu bosusuá anɔlata ɔsulu tu ta. **28** Mú su ɔpu ɔfe kapu ɔpu amu oklu kɪ. Benya ayabi lafakule aduanɔ (120). Bre kpalobi ɔma a, betra kapu mó kɪ, benya ayabi adukweba (90). **29** Ifu lekita ntsusu-yibitɔ agyuma ayɔpu amu ání abódu abutasu. Mú su beda asimpiá butɔpukita ntsusu-yibi lu ana keke sian mú ɔma, si mú wa ɔpu amutɔ. Bokokoli Bulu bɛɛ, ɔyi ike amú. **30** Agyuma ayɔpu amu aku bekleá besɔ dalɔ ntsusu-yibi amutɔ. Mú su beki ansi le ɔklun kusubi amu dɔnka ɔpu amusu hɛɛ, fe simpɪ amu buɔɔpusian ɔklun amu ɔnɔsu. **31** Tame Paulo lebla isa akɔpu pú amú ɔhande ɔbɛɛ, < < Nɪ ntsusu-yibi amutɔ agyuma ayɔpu bumetsia mútɔ a, mliméenya nkpa. > > **32** Mú su isa akɔpu amu beka ɔklun kusubi amu ɔfe tɔn, ha afu lɔtsvan mú natɪ.

33 Ɔyi ɪba beke a, Paulo lobwii ɪpa ha amú féé ɔbɛɛ, bugyi atɔ. Ɔleblɪ ɔbɛɛ, < < Kwasieda anyɔ sɔɔn nɪ, atogyihe mɛdɔnka mli ɔwɔli. Mlimɔkugyi tɔtɔtɔ. **34** Nobwii ɪpa ha mli, mligyi atɔ ngya, menɪ mlimóowu. Mlitɔ ɔkuku nwunsu-imi kule kuraa umóɔfwɪ. > >

35 Paulo lɔtɔɪ ta a, ɔlele bodobodo ipin, da Bulu ɪpan amú féé ansɔ, ɔlemain ku wa gyi bl. **36** lnu anitɔ okugyiɔku lɔwa klun gyi atɔ. **37** Anɪ aha lafanyɔ aduesienɔ-sie (276) bu ntsusu-yibi amutɔ. **38** Breá

amú fée begyi atɔ alíá betalí a, beɛ ayo amuv íbu ntsusu-yibi amuto
fée wa ɔputɔ, ha ntsusu-yibi amu leta odwin.

Ntsusu-yibi Amu Bwiebwie

39 Breá ɔyi deke a, agyuma ayɔpu amu bowun ání ɔpu amu bambi
lowie ɔsulu kusu, tame bumebi osubuno oduá igyi. Inu bɔbwe
agywun beɛ, békan ntsusu-yibi amu ya unu. **40** Mú su bekaka simpí
amu tuntun wa ɔputɔ. Besankí ntsusu-yibi amu mpai ɛ. Muv botsu tati
yile amuv isian ntsusu-yibi amu ansitɔ amu fua, fia afu amu, bɔpu
bɔɔɔ ɔpu ɔno. **41** Tame ntsusu-yibi amu ílɔyɔdu ɲesusu, sin unu, ɔpu
amu leda wuli ɔklun amu ɔma main-main mú.

42 Ilsa akɔpu amu bɔbwe agywun beɛ, bómo obu adípu amu fée,
mení ɔkuku méepiti dalí sri. **43** Tame amú ɔhande lekleá ɔbóho Paulo
nkpa. Mú su ɔmeha amú ɔkpa abumo obu adípu amu. Tame ɔlebla
amú ɔbeɛ, ɔhagyioha ání ɔbétalí a, otu wie ɔpu amuto, ɔpiti dalí.
44 Oma a, ɔleha atrahe amu ɛ bɔdu dínka ntsusu-yibi amu afonsu
yowie ogbemgbesu. Amú fée begyi mbíla amuvu, bɔɔɔ ogbemgbesu
unu.

28

[Proofread 09/06/05](#)

Malta Wuluto Asun

1 Aní fée aníledínka ogbemgbe amuvu. Oma asa anílebiá ɔpu nsine
ɔsulu kuá buteti mú Malta ní. **2** Nyankpu detswie, su atsali bu unu.
Tame unu atsiapu begyi aní buale dúda ogya ɔpu ɔno unu ha aní, aní
fée aníletsia mú así. **3** Paulo lekpa ngayayibi ɔbeɛ, amupuwa ogya
amuto. Saa íbe bu múto. Ogya amu okunku su íbe amu íotswí yi Paulo
ɔbíwetɔ. **4** Breá unu atsiapu amu bowun ání íwo amu yi mu a, bebla

aba bɛɛ, < < Aha ɔmɔpu oyin anfi gyi. Ibo mótɔ́á aladali ɔpu amuto, tame aní ɔkpí amusu ɔtebiti usu amu medekleá otsia nkpa. > > **5** Inu Paulo lowuna ibi, iwo amu lekpa wie ogya, tame tɔ́tɔ mɔ́bwe mu.

6 Amó fée besi bulu budéki. Buki bɛɛ Paulo obópunya, nte ɔbétin wu. Tame breá belu wa ɔpá tɔ́tɔ meba a, beladamli amó agywuun bli bɛɛ, < < ɔkpí ɔku ɔha anfi gyi. > >

7 ɔhande ɔku bu ɔsulu ku ɔpu nsine unu. Mu ida gyi Publio. ɔlɔ́ho aní atuu, kpa aní ya mu woyito, aniletsia mu wa nkensa keke. **8** Alí bre amuto a, owisu lakita ɔhande amu mu si, mu iwito latu; ɔda.

Paulo leyeki mu, ɔlɔ́pu ibi dinka musu bɔ́ mpaí ha mu, iwi lowa mu ɔnlín. **9** Mú ɔma a, bɔ́pu alɔ́puá bubu ɔsulu amusu fée ba, Paulo letsa amó ilo.

10 Aniletsia unu tsra asa, unufɔ amu bɔ́wa aní numnyam, kie aní atɔ́ tsɔ́tsɔ́tsɔ́. Breá anidenati a, bɔ́pu atɔ́á ibéhian aní ɔkpatɔ́ fée si aní ɔkpa.

Roma Wuluto Yɔ

11 Anilɔ́yɔ ɔpu ɔno yotsu ntsusu-yibi kuá ulatsia unu nyankputswiebi amu fée. Itsu Aleksandria wuluto. Besre atabi akvá bugyi ikpí yi ntsusu-yibi amu ansito. **12** Anileyelu ɔpu nsine ɔsulu ku otsubuno.

Buteti mú Sirakus, aniletsia unu nkensa. **13** Tsu unu a, anilobomli tsun bowie wulu yile kuá buteti mú Regiosu. Mú ɔyikehe a, afu ku lowa tsun bi tsu ayasi fun. Nkenyɔ ɔma a, aniloyowie otsubuno kuá buteti mú Puteoli. **14** Anilefia ahogyipu aku unu. Bokokoli aní bɛɛ, atsia amó wa nkensienɔ́. Anilokusu tsu unu a, anilɔ́yɔ Roma wuluto.

15 Apioá bubu Roma wuluto bonuá aba. Mú su amúto aku beba ibia ogyikpa, buteti unu Apia. Aku ɛ beba ɔtinekuá buteti unu Afɔ́ɔ ɔswukpa Asa, ibu ɔkpatɔ́ befia aní. Breá Paulo lowun amó a, mu ansi legyi, ɔleda Bulu ɔpan.

Bulu Asun Ɔkanda Roma Wuluto

16 Breá anloyowie Roma wuluto a, Roma aban leha Paulo ɔkpa ání ɔbétali yetsia ɔtineá odekle, tame isa ɔkɔpu ɔku obógyo mu iwi bregyibre.

17 Eke sasi a, Paulo leti Yudafo ahandeá bubu unu fée fia. Muu ɔlebla amú ɔbee, < < Mi apio, ibu mútɔ́á mmɔpu lalahe kukuku gyi mi ɔmátɔ́fɔ́, mmeyinta aní anain amandie kuku e. Tame aní ahandeá bubu Yerusalem bekita mi ya Romafo. **18** Boyo mi asunto a, teki bekleá bési mi, tsufe bomowun tsitsa kuku mi iwi asa bee bumɔ mi.

19 Tame Yudafo amu bumotsula ání busi mi. Amú bwehe su nɔkuli ɔkpa mbee, Roma Owie Dehen onuto ogyi mi asun. Megyi bee mbu mi ɔmá iwi asvansu. **20** Mú su nati mli fia ni. Tsufe ɔha amuu Israelfo bude mu ɔkpa ki amu su nda ikan anfito. > >

21 Amú e bebla Paulo bee, < < Animɔkuvho ɔwulu kuku tsu Yudea ɔmátɔ́ tsu fu iwi. Aní apio Yudafo amuto ɔkuku e mɔkutsu unu bebla aní asun lalahe kuku tsu fu iwi. **22** Tame ha aní abí fu agywun. Tsufe anyin ání aha buteblí asun lalahe tsu Bulusum ɔpasua anfi fubu mútɔ́ anfi iwi ɔtinegyiotine. > >

23 Mú su mua Yudafo amu behie ekeá bífia. Eke amu lofun a, Yudafo tsɔtsɔwtsɔ beba befia Paulo woyi unu. Paulo lotɔ́ kpla amú. Ɔɔɔpu Mose Mbla pú Bulu ɔnɔsu atɔɔpu amu asun wanlinhe le Bulu iwiegyi amu asunto suna amú tsu nyanki pɔn owi. Ɔɔɔɔ mbɔɔɔɔ ɔbédamli amú abuhɔ Yesu Kristo iwi asun amusu gyi. **24** Amúto aku bohogyi, tame aku bumohogyi. **25** Amú wulewule amu ɔnɔ mɔbwe kule, bɔwa asun amu pri bi. Tame Paulo letra bla amú asun kuakule asa bedasain. Ɔlebla amú ɔbee, < < Ɔnye Wankihe lebla mli anain ɔnɔkwali amu tsun Bulu ɔnɔsu ɔtɔɔpu Yesaiasu. Ɔbee,

26 < Yo aha anfi wa afuyebila amú fée,

Bónu lanu, tamε bumóonu mύ ası.

Békı lakı, tamε buméebi mύ.

27 Tsufe kluntɔ bu amύ odwin.

Batila asu, bun ansibi ε.

Nı megyi alı a, tekı bówun atɔ

bónu asun,

amύ agywun bówwii.

Bédamli ba mı wa,

nétsa amύ ıɔ. > > >

28-29 Paulo ıɔmɔ mu asun ɔɔɔ ɔbeε, < < Mύ su ndekleá mlıbı áńı Bulu nkpaɔ asun amu lawie aha áńı bumegyi Yudaɔ ε wa dodo. Amύ mύ bóɔɔ asun amu. > >^r **30** Paulo letsia ınu nfinyɔ kekε. Oletsia mu onuto obu haihetɔ. Oletsia ɔɔ afɔɔá beba besına mu féé. **31** Olɔwa klun da Bulu iwiegyi amu ıwı asun ɔkan, olosuna anı Wie Yesu Kristo ıwı asun ε aha féé ansıtɔ. ɔhaa metin mu ɔkpa.

^r**28:29** Múɔ ye 29 bu nwulu dada amu akutɔ: *Bréá Paulo lebli asun anfi ta a, Yudaɔ amu bıkusu nati, amύ wulewule buna bude asun amu nwen gyi.*

ROM - - NKO Paul's Letter to the Romans in the Nkonya Language of
Ghana

Romafo

Dwulvá Paulo Lɔwanlɔn Sɪsɪ Romafo

Romafo

Rom.

Dwulvá Paulo Lɔwanlɔn Sɪsɪ

Romafo

1

Proofread 08-06-09

1 Mɪ Yesu Kristo osumbi Paulo dɛ ɔwulɔ anfi wanlɔn sɪsɪ mɪ
Romafo. Bulu lɛtɪ mɪ ɔbɛɛ, mbɔɔbwɛ mu sumbi ɔyɔɔɔ. ɔlɛlɛ mɪ yaɪ ání
néda mu asɔn wanklaan amɔ ɔkan.

2 Bulu lehɛ asɔn wanklaan anfi yaɪ tsun mu ɔnɔsɔ atɔɔɔɔ
dodoodo, bɔwanlɔn mú wa mu asɔn wanlɔnɛ amɔtɔ. **3** Asɔn
wanklaan amɔ ɔlɔtɔ tsu mu Bi, ogyi anɪ Wie Yesu Kristo ɪwɪ.
Anyankpɔsa ɔkpasɔ a, ɔlɛlɔn Owie Dawid abusuantɔ. **4** Bulu lɛlɛ suna
ání lɛlɛ mu Bi nɪ. ɔlɔtsun ɔŋɛ Wankɪɛ tumitɔ kɔsɔa mu tsu afulitɔ.
Mugyi anɪ Wie Yesu Kristo. **5** ɪna musɔ Bulu lawa awitɔlɛ lɛ mɪ mu
sumbi ɔyɔɔɔ, mɛnɪ nékpa ɔmá bambasɔfɔ bóhɔ mu gyi, nu mu ɔmɛ.

6 Mɪ Romafo anfi Bulu latɪ ɔbɛɛ, mɪmbɔɔbwɛ Yesu Kristo kle ɛ mɪbɔ
mútɔ.

7 ɪnɪ sɔ mɪ Paulo ndɛ ɔwulɔ anfi wanlɔn sɪsɪ mɪlɔ mɪbɔ Roma féé.
Bulu lahɛ dwe mɪ, tɪ mɪ pɔ mɪ bwe mu aha. Nde anɪ Sɪ Bulu mua

anị Wie Yesu Kristo kokoli mbẹe, bugyi mli buale, abuha mli iwilwii.

Paulo Bulu lpanda

8 Gyankpapu a, nna Yesu Kristosu nde mi Bulu ipan da mli to okugyioku nwunsu. Tsufe mli Kristo hogyi su mli ida de oyito fee. **9** Napu mi klun fee nde Bulu sum tsun mu Bi Yesu iwu asun wanklaan okan amuu ndeda amusu. Obegyi mi adansiéa ntekaun mli su bregyibreá nde mpai bo. **10** Ntetsia kokoli mu ekekegyieke mbẹe, otsula finki okpa ha mi, antali besuna mli nke anfito. **11** Tsufe idin mi owoliá mia mlinyo abéfia, mení nébeha mlénýa Dje Wankihe atokiehéá ibówa mli owunlun. **12** Múa ndeblí gyi, ní neba mli wa a, mi hogyi bówa mli owunlun, mli kle e ibówa mi owunlun. **13** Mi apio, ndekleá néha mli bi ání nabwebwesebwe agywun ání nébesuna mli, tame toku de mi okpa tin bofun nde. Ndekleá néba unu botu kpla aha, mení bóho Yesu gyi, fe alá naha aha baho mu gyi oma bambato. **14** Iní gyi toá ilehian ání nóbwe aha fee to ni. Ilehian ání nóbwe mú Grikifo pú obli bamba ablipu, atiansipu pú aha mimlahe fee to. **15** Iní su mi ansi lapeá nébla mli aha ání mli bu Roma wuluto e asun wanklaan amu.

Bulu Asun Wanklaan Amu Tumi

16 Bulu asun wanklaan amu uma mi peli. Tsufe múgyi Bulu tumiá odepvho ohagyioha ání olvho Kristo gyi nkpa ni. Yudafo gyankpa, asa aha ání bumegyi Yudafo bubuo. **17** Tsufe asun wanklaan amuto Bulu lele alá otobwe oha yile obwepu suna. Mú osv-así fee ulu hogyisu. Iní Bulu asun wanlinhe amu lebli ni. < < Oha ání mu hogyi su Bulu latsu muá mu asun da okpa obénýa nkpa. > >

Lakpan Obwepu Ohagyioha Gyi Bulu Ansito

18 Bulu lele mu oblo suna tsu osusu. Olenya oblo aha ání butamanya mu ifu, bude lalahe bwe, bapu amú owuntolun bude Bulu asun ání igyi onokwali okpa tin. **19** Bulu obébuti amú isu. Tsufe toá ilehian ání bébi tsu Bulu iwi ida amú ansito dodo. Bulu onuto lele mú owan suna amú. **20** Ibu mútoá ohaa tamawun Bulu tumiá itamata pú alíá ogyi. Tame tsu breá Bulu lobwe oyi opá a, mu tsiato meñain. Tsufe mu ato bwehe lele mú suna wanklaan ání aha bétali wun mú, publi mu. Iní su ohaa má onokuku le. **21** Buyin Bulu, tame bumowa mu numnyam ání iletsia mu, bumapu ipan kuku e ha mu. Mboun toá ima asi butogwun tsu Bulu iwi. Butamatra nu mu asun amu asi. Basin oklunto. **22** Buteki amú iwi bee betun ansi, tame bemimla. **23** Basi Bulu okiankpapu amu tswi, yo bude ikpiá buma nkpa sum. Bopwe amú, nte sre amú fe nyankpusa ání otowu, nte mbubwi, nte mbwi pú awo aku.

24 Iní su Bulu ladamli oma ha amú, basi bude ato lalaheá budekle tsu amú klunto bwe. Amúá amú aba bude iwi supa. **25** Butamatra ho Bulu onokwali amusu gyi. Asun ání ima múto mboun budehogyi. Iní su bayo bude Bulu ato bwehe mboun sum, si ato féé Obwepu amu onuto. Kanfu letsia mu bre féé! Amen.

26 Amú bwehe anfi su Bulu ledamli oma ha amú, buna bude hakpanla bwe. Amú atsi kuraa besi ayin wa di, fe alíá ida yai, amú wulewule buda aba wa. **27** Alí ken ayin e besi atsi wa di fe alíá butobwe mú yai, buda aba wa ni. Hakpanla anfi bwe su Bulu lebuti amú isvá ilekana ha amú, bude mú wun.

28 Iníá bakina Bulu bi su a, Bulu ladamli oma ha amú, bude asukpan susu, bude toá ima aleá oha obóbwe bwe. **29** Lalahe soon bu amúto. Iku gyi; lakpanbwe, opotsuawa, olu, onsipe, ahamo, mblikpe, ahamle, agywun lalahe bwe pú ahatsii. **30** Onotun, Bulu asunkina,

atómábu, iwitsu, iwi adabi da. Lakpan ɔkpaga, akwupusu kusu. **31** Butamagywun, butamagi amú asun bihesu. Butamadwe aha, butamawun aha nwe. **32** Iníá buyin ání Bulu mbla amu losuna ání ɔha ání otsia atsiabi anfi odu obówu o a, megi uní anfi nkule budebwe. Butra bude lalahe abwepu e ateto-onlun wa dinka músu.

2

Proofread 08-06-09

Bulu Tamaki ɔha Ansito

1 Iní su fuá futsie fude fu aba ɔla le, fuma ɔno kuku le Bulu ansito. Tsufe fude aku ɔla le, tame fude mú odu ken bwe. Mú su ní fude amú ɔla le a, iwi ɔpon fudeha. **2** Anyin ání Bulu ɔbéha aha ání bude uní odu bwe ɔpon. Anyin e ání mu asun da ɔkpa. **3** Mú su ní fude aha ɔla le lakpan ání fu onuto fudebwe su a, biá Bulu e ɔbéha fu ɔpon. Fumétali kɔli dali mu ibi. Nte fumeyin alí? **4** Bulu lala mu yile pú mu awitole ɔwan suna fu. Alanya klun ha fu; tame fumobu mu. Nte fumeyin ání alíá fédamli klunto yinki ba mu wa su alale mu awitole suna fu? **5** Tame klunto bu fu odwin, asuto bu fu onlun. Mú su isutobitiá ida gyo fu ekeá Bulu ɔnokwalipu obégyi asun itra demoni tsia. **6** Bulu ɔbéka ɔhagyioha ɔko mu bwehe ɔno. **7** Aku bapu ansi dinka ání bénya numnyam, idayile pú nkpa ání itamata. Mú su banya klun bude yile bwe ekekegyieke. Amú Bulu ɔbéha nkpa ání itamata ní. **8** Tame akvá bubu ɔnsipe, bakina ɔnokwali amu pú yilebwe, bubuo lalahe mú a, Bulu ɔbópu ɔblo gyi amú asun, bití amú isu wanklaan. **9** Asun wunhe múa iwiosun béba lalahe abwepu féésu. Ibégyankpa tu Yudafo, asa ibótu aha ání bumegyí Yudafo. **10** Tame Bulu ɔbówa yile abwepu numnyam, ha amú iwilwii, tra ha amú aye.

Obégyankpa ha Yudafo, asa ibótu aha ání bumegyí Yudafo. **11** Tsufe Bulu tegyi asun onokwaliso, otamaki ohaa ansito.

12 Aha amuv bumeyin Mose Mbla amv, bude lakpan bwe amv o bófwí. Tame Bulu móopu mbla amv gyi amú asun. Aha amuv buyin mbla amv asa bude lakpan bwe amv mú a, Bulu obélu mbla amuv ha amú ipon. **13** Tsufe megyi aha ání buyin Mose Mbla amv asun da okpa Bulu ansito. Mboun aha ání butegyí músu. **14** Ibo mútoá aha amuv bumegyí Yudafo bumeyin Mose Mbla amv. Tame ni amú onuto bude mbla amuv gyi a, budesuna ání buyin yile múa lalahe amú klunto. **15** Amú bwehe anfi desuna ání Bulu lwanlin mbla amv dinka amú klunsu. Amú klun de adansie gyiá lele buyin mú. Tsufe bre kuto a, amú agywun teha amú ipon, bre kuto e a, iteha amú asu. **16** Alí ken ibéba eke amuv Bulu obótsun Yesu Kristosu gyi toá aha babwe nainto iwí asun ni. Alí Kristo iwí asun wanklaan amuv nde mó okan da amv idesuna ni.

Yudafo Pó Mose Mbla

17 Fu fee Yudayin fugyi, fu ansi dun Mose Mbla amuv. Fudepu ibi si kanto fee, Bulu mu bi fugyi. **18** Fuyin Bulu ape, tsufe fakasi Mose Mbla amv. Mú su fuyin toá ibo ale. **19** Futeki fu iwí ansibi abwiepu okpapu, fugyi fe okandie ha aha ání bumeyin Bulu, basin oklunto. **20** Fu fee, fugyi aha mimlahe ansi otunpu. Fétaí suna aha ání bumeyin olala, toá ibo ale. Tsufe fatsula fee, Mose Mbla amv su fabi togyito. Fabi onokwali kugyiku e. **21** Tame uná fude aha yile suna a, ntogyi su fumóosuna fu iwí mú? Fude okan da bla aha fee, bumáwi ato, tame fu onuto fudewi? **22** Fee bumáto mbua, tame fude mbua to? Fee bumásum ikpi, tame futowi okpiasi ato. **23** Futotsu iwí Mose Mbla amv su, tame futepan músu. Ini su fude Bulu kpai. **24** Bulu asun

wanlɪnɛ amɔ lɛblɪ ɔbɛɛ, < < Mlɪ Yudaɔ bweɛ su aha ʔnɪ bɔmegyi Yudaɔ bɔde Bulu ɪwɪ asɔn lalaɛ blɪ. > >

25 Nɪ mlɪde Bulu mbla amɔsu gyi a, mlɪ ketetɪn bu labi. Tame nɪ mlɪtamagyi mɔsu a, mlɪgyi fɛ aha ʔnɪ bɔmetɪn kete. 26 Nɪ ɔku metɪn kete, ɔde Mose Mbla amɔsu gyi a, ogyi fɛ kete ɔtɪnpɔ Bulu ansɔ.

27 Mlɪ Yudaɔ mlɪyin mbla amɔ, tsufe bɔwanlɪn mɔ tswɪ mlɪ. Betɪn mlɪ kete ɛ, tame mlɪtepan Mose Mbla amɔsu. Mɔ su ɔha ʔnɪ ɔmetɪn kete kuraa, tame ɔde mbla amɔsu gyi ɔbɛle mlɪ ɪla. 28 Tsufe megyi kete ɔtɪnpɔ gyi Yudayin onuto. Ketetɪn onutonuto bu ɪnɔ. Megyi ɔyɔlɔsu ketetɪn keke. 29 Nɪ ɔku gyi Yudayin onutonuto a, mɔ klɔntɔ tosuna. Ketetɪn onuto itsu klɔntɔ. Bulu ɔɛ amɔ tɔbwe mɔ, megyi mbla amɔ bɔwanlɪn tswɪ amɔsu gyi. ɔha ʔnɪ Bulu ɔɛ amɔ ɪletɪn mɔ kete a, Bulu onuto tekanfɔ mɔ, megyi nyankpusa.

3

Proofread 08-06-09

1 Mɔmɔ labi mɔmɔ Yudaɔ bubu dɔn aha ʔnɪ bɔmegyi Yudaɔ? Nte labi mɔmɔ ketetɪn bu? 2 ɪbu mɔtɔʔ labi amɔ ɪɛ ɪtsɔ! Gyankpapɔ gyi, Bulu ɪpɔ mɔ uklɔnsɔ asɔn wa Yudaɔ ɪbitɔ. 3 ɪbu mɔtɔʔ amɔtɔ akɔ bɔmɔɔ Bulu asɔn amɔsu gyi. Tame amɔ tsiatɔ anfi odu ɪbɛtalɪ ha Bulu obɛsi tɔʔ ɔleɪɛʔ ɔbɔbwe loo? 4 ɛkekeke! Megyi alɪ igyi! Nɪ afunupɔ aha fɛɛ bugyi o a, Bulu mɔ a, ɔnɔkwalɔpɔ ogyi. Igyi fɛ alɪ ʔwie Dawid lɛbla Bulu ɔbɛɛ,

< < Nɪ fɔtɔ a, aha bublɪ bɛɛ, fɔ asɔn igyi ɔnɔkwalɪ.

Nɪ begyi fɔ asɔn ɛ a, bublɪ bɛɛ, fɔ asɔn da ɔkpa. > >

5 Nɪ anɪ tsiatɔ lalaɛ lalɛ Bulu tsiatɔ wanklaan suna a, mɔmɔ nɪ ɔde anɪ ɪsu bitɪ anɪ tsiatɔ lalaɛ su a, nkali abɛblɪ? Abɛblɪ anɪaa, Bulu mɔ ɔkpa bitɪ anɪ ɪsu? (Nyankpusa asɔn blɪɛ ndɛblɪ a.) 6 ɛkekeke! lma

múto alí. Ní Bulu asun meda okpa a, nkali obégyi oyi to aha féé asun?

7 Oku obéfite obee, ní mī onokwalimáwa lale suna ání Bulu bu onokwali, ilatsu mu ida fua a, mumu nto su Bulu obétra ha mī pon obee, lalahe obwepu ngyi? 8 Ní igyi alí a, mumu nto su anuméebli aniaa, < < Mliha abwe lakpan, fówun Bulu tsiato wanklaan ilin owan? > > Fe alí amuv aku bude mī onō tin bee, nna ndebli amu. Bulu obéha amú ipon alíá ilekana.

Ohaa Megyi Yile Obwepu

9 Nkali mee abébli pumō mū onō? Mū su aní Yudafo anidun aha amuv bumegyí Yudafo amu loo? Ekekeke! Anumodun amú okpagyiokpasu. Nablí bōtsun mbée, ikule Yudafo pú aha amuv bumegyí Yudafo amu féé bugyi. Tsufe lakpan lagyi amú féésu.

10 Bulu asun lebli obee,

< < Ohaa asun meda okpa Bulu ansito. Obakule kuraa medali múto.

11 Ohaa tamanu Bulu asun asi,
ohaa tamadunka Bulu okpa.

12 Amú féé badamli oma ha Bulu,
amú féé bafwi.

Yile obwepu okuku má unu.

Obakule kuraa medali múto. > >

13 Bulu asun amu letra bli obee,

< < Butekle asukpan bli.

Butopu amú onō mle aha.

Amú onoto asun blihe tomo fe iwo elin. > >

14 Bulu asun amu letra bli obee,

< < Ilwu pú asun-sinsin bli butegyí dí. > >

15 Oleta bli obee,

< < Ahamo ma amú opá.

16 Otinegyiotineá buna a, bude aha yinta, bude aha ipianto wa.

17 Bumeyin okpa ání utapu iwilwii ba. > >

18 Bulu asun amu ku e lebli obee,

< < Butamanya Bulu ifu. > >

19 Sei a, anyin ání asungyiasun ání Mose Mbla amu losuna a, ida ha Yudafo amuu bapu mbla amu ha amu. Mú su okuku méenya okpa le asvansu onobreá Bulu de aha féé asun gyi. 20 Tsufe Mose Mbla amusugyi méetalu ha oha ogyi asu Bulu ansito. Ha mbla amu uteha anitebiá lakpan abwepu anigyi.

Alia Oha Tegyi Asu Bulu Ansito

21 Sei a, Bulu lasuna okpa ání ototsun musu ha oha asu. Imena Mose Mbla amusugyisu. Tame Mose Mbla amu pu Bulu onosu atapu amu asun wanluhe lebli okpa amu iwu asun ya. 22 Okpa amu gyi okpa ání Bulu totsun ha oha asu mu ansito ni. Yesu Kristo hogyisu Bulu totsun ho ohagyioha. Ma fugyi o, ma fumegyio, nkunu fotsu o, nkunu fumotsu o, ohaa motsun otsan Bulu ansito. 23 Tsufe aha féé babwe lakpan. Mú su bahulu Bulu numnyam. 24 Awitole Bulu lawa ha ani. Mú su nyankpusa obegyio asu mu ansito ni. Awitole anfi ina Kristo Yesusu. Muleka nyankpusa nwunsu iko. 25-26 Anyankpusa bude lakpan bwe tsu bre opá, tame Bulu lenya klun ha amú, omebitu amú isu. Sei a, Bulu labapu Yesu bo afodie, pu mu obugya le ani iwu mbusuo, men abotsun mu hogyisu nya lakpansikie. Bulu lobwe mu ali pusuna ání mu asun da okpa, men ibosuna nke anfito ání yile obwepu ogyi. Ototsu aha ání boho Yesu gyi ání amú asun da okpa mu ansito.

27 Sei me, toku bu unvá abótsu ɪwɪ músu? Tɔtɔ má unv. Ntogyi su anuméetalɪ tsu ɪwɪ? Mose Mbla amv su loo? O-o! Anɪ hogyi su anuméetalɪ tsu ɪwɪ. **28** Megyi atɔ wanklaan amvu Mose Mbla losuna anɪ bwe amv su anitegyi asv Bulu ansɪtɔ. Ina Kristo hogyisu abégyi asv Bulu ansɪtɔ. **29** Yudafo nkule Bulu ogyi? Megyi aha ání bumegyi Yudafo mú Bulu ogyi? Ee! Amú ε amú Bulu nɪ. **30** Bulu ɔkule pe bu unv. Mú su una hogyisu olotsula ání Yudafo asun da ɔkpa. Ina hogyi kensu ɔlɔhɔ aha amvu bumegyi Yudafo amv ε ání amú asun da ɔkpa. **31** Mú su ilehian ání abóhɔ Yesu gyi, si Mose Mbla amusu hogyi loo? Ekekeke! Megyi alɪ igyi. Yesu hogyi teha antekita mbla amutɔ kinkiinkin.

4

Proofread 08-06-09

Abraham ɪwɪ Asun Lasuna Alɪá Hogyi Bu Labi

1 Sei a, amansu anɪ Yudafo abéblɪ tsu anɪ nain Abraham ɪwɪ? Nto olowun tsu Bulu ahahɔ asun anfi ɪwɪ? **2** Nɪ yilebwe su Abraham legyi asv Bulu ansɪtɔ a, mumv ɔbu tɔá ɔbɔputsu ɪwɪ, tame megyi Bulu ansɪtɔ. **3** Nkalɪ Bulu asun wanlɪnhe amv leblɪ? Uleblɪ ɔbee, < < Abraham lɔhɔ Bulu gyi. Mú su Bulu lotsu muá mu asun da ɔkpa. > > **4** Nɪ ɔku ɔyɔ agyuma a, buteka mu ɪkɔ. Megyi atokiehe ɪkɔka amv gyi. Igyi tɔá ilehian ání obénya tsu mu agyuma yɔtɔ. **5** Tame megyi aha bwehe sv, mboun amú hogyi su Bulu totsɔ amú ání amú asun da ɔkpa. Tsufe Bulu teha lakpan abwepvá bɔhɔ mu gyi butegyi asv mu ansɪtɔ. **6** Owie Dawid leblɪ oyula asun anfi ken dodo. ɔlɔtɔɪ tsu aha ání Bulu meki amú bwehe asa olotsu amú ání amú asun da ɔkpa ɪwɪ. ɔlɔwanlɪn mú wa Bulu asun amutɔ ɔbee,

7 < < Bulu layula aha ání alasi amú lakpan kie amú,
alagyvra amú!

8 Aha amuv Bulu lasi amú lakpan kie amú, ɔméetra kain mūsu
amu bégyi ɔdwe! > >

9 Kete atɔpu nkule bu ɔdwegyi anfi Owie Dawid de mú ɩwɩ asun bli
anfi? O-o! Aha amuv bumetɩn kete amu ε bubu mútɔ. Kain ání
anɩlakla asvanku Bulu asun wanɩnhε amutɔ. Anɩaa, < < Abraham
lɔhɔ Bulu gyi. Mú su Bulu lotsu muá mu asun da ɔkpa. > > 10 Bre
mɔmu Bulu lotsu muá mu asun da ɔkpa? ɔletɩn kete asa loo?
Ekekeεke! Bulu lotsu muá mu asun da ɔkpa dodoodo. 11 Oma-ɔma
asa ɔlebetɩn kete puhε mu nsu. Ilosuna ání mu hogyi su Bulu lotsu
mu ání mu asun da ɔkpa. Inɩ su ogyi fe aha amuv bumetɩn kete, tamε
bɔhɔ Bulu gyi, Bulu lotsu amú ání amú asun da ɔkpa amu. Mú su ogyi
amú féé ɔsi nɩ. 12 Ogyi kete atɔpu amu ε ɔsi. Tsufe megyi amú
ketetɩn su, mboun amú Bulu-hogyi su. Fe alɩ amuv Abraham lɔhɔ
Bulu gyi asa betɩn mu kete amu.

Tɔá Bulu Lεhε Yai Mu Ahogyipu

13 Bulu lεhε Abraham mua mu abi-aná ání ɔyɩtɔ féé ɩbɔbwe amú
kle. Megyi beε Abraham legyi Mose mblasu, su Bulu lebli asun anfi.
Tame ɩnɩá ɔlɔhɔ Bulu gyi, Bulu ε lotsu muá mu asun da ɔkpa mu
ansɩtɔ su. 14 Nɩ aha ání bude Mose Mbla amutɔ obégyi Bulu atɔ a,
mumu ɔha Bulu hogyi igyi kpaali. Bulu nhɩhε ha ɔha ε uma labi
kuku. 15 Tsufe Bulu ɔblo mbla amu tetɩ. Tame nɩ mbla má unu a,
mblatun ε uma unu.

16 Mú alɩ su ɩna hogyisu aha bétalɩ nya atɔá Bulu lεhε yai ha amú.
Atokiehε amuv ɔbɔpuha Abraham abi-aná amu ɩbéda amú ɩbɩ. Megyi
aha ání butegyi mblasu nkule bu, tamε aha ání bɔhɔ Bulu gyi fe

Abraham ε. Tsufe Abraham gyi aní fée ɔsi. **17** Fe alí amuv Bulu asun wanlinhe amu ilebli ɔbee, < < Napu fu bwe ɔmá tsɔtsɔtsɔ ɔsi amu. Abraham gyi aní fée ɔsi Bulu ansitɔ. > > Tsufe olohogyiá Bulu teha awupu nkpa, ɔteha tɔá uma unu yai iteba mútɔ fe tɔá ibu unu yai.

18 Breá tɔtɔ ma unvá Abraham ɔbópu mu ansi dinka músu a, ɔlɔhɔ Bulu gyi ání ɔbóbwe mu ɔmá tsɔtsɔtsɔ ɔsi alí amuv ɔlebli yai amu. Bulu lebla mu ɔbee, < < Fu abi-aná békleti fe ntsrakpabi. > > **19** Alí bre amutɔ a, Abraham lahɔ nfi lafakule (100). Mú su aladan tsun kwusu. Alí ken mu ka Sara ε ɔkwupuni lawu, ɔméetra kwu ni. Oyin uní fée, tame ɔmekpa mu hogyi ɔma. **20** Iní fée ɔma a, omegyí nwen ɔbee, itɔ amuv Bulu lehie mu amu uméeba mútɔ. Mboun ɔlekita mu hogyiɔ kinkiinkin, ɔlekanfu Bulu mú su. **21** Tsufe ɔhie oyin ání Bulu ɔbétalí bwe itɔ amuv alahie ha mu amu. **22** Mu hogyi anfi su Bulu lotsu muá mu asun da ɔkpa ni. **23** Megyi mu nkule su ɔwanlin wa Bulu asun amutɔ bee, < < Bulu lotsu muá mu asun da ɔkpa. > >

24 Aní ε aní su ɔwanlin mú. Ní anilɔhɔ Bulu gyi a, obótsu aní ání aní asun da ɔkpa. Mogyi ɔha ání ɔlɔkusva aní Wie Yesu tsu afulitɔ.

25 Aní lakpan su Bulu leha bele mu ha ɔmɔ mu. Bulu lɔkusva mu tsu afulitɔ, mení obótsu aní ε ání aní asun da ɔkpa.

5

Proofread 09-06-09

Isugyi Bulu Ansitɔ

1 Aní hogyi su Bulu latsu muá aní asun da ɔkpa. Mú su aní Wie Yesu Kristo lala ania Bulunyo nsune. **2** Hogyi su ɔkpa lafinki ha aní ngya. Iníá aní Wie Yesu su Bulu awitɔle anfi laba anisu, anlapu hogyi nya ɔlukpa ngya a, ihie bu aní ɔdwe. Tsufe anidin ansiá

abébenya mu numnyam amu kv. **3** Ansi utra de ani gyiá anide ipian wun. Tsufe ipian teha anitowa nsi. **4** Nsiwa teha antebi tsia alia ilegyi Bulu ansi. Ni abi tsia alia ilegyi mu ansi a, abédinka ansi musu. **5** Ansi podinka Bulusu imécha peli méekita ani. Tsufe Bulu lotsun Dje Wankihe amuv olowha ani amuvu pu mu odwe wa ani kluntó.

6 Breá anitra anigyí lakpan abwepu, animá owunlin a, Kristo lobowu ha ani lalahe abwepu breá Bulu onuto lehietó. **7** Ni oku asun da okpa kuraa a, ibówa onlin asa oku obótsula wu ha mu. Fiali cha yile mú a, oku obówa klun wu ha mu. **8** Tame toá ilosuna ání Bulu tehie dwe ani gyi, breá anigyí lakpan abwepu a, oleha Kristo lobowu ha ani. **9** Ina Yesu Kristo obugya amuv ulowuli asi amuvu Bulu lesi ani lakpan kie ani, tsu ani ání ani asun da okpa. Kristo su obéle ani kokooko. Oméebiti ani isu lakpan abwepu isu-obotike amu. **10** Teki Bulu alupu anigyí. Tame tsun mu Bi amu lowusu a, alabwe ani mu anyawie klakla. Inia anilabwe mu anyawie su a, obóho ani nkpa kokooko. Tsufe Kristo e bu nkpa. **11** Megyi mú wole. Múa utra dun kuraa gyi, anide odwe gyi. Tsufe ani Wie Yesu Kristo lala ania Bulunyo nsune. Mú su anilabwe Bulu anyawie.

Adam Mva Kristo

12 Adam nkule bwehe su lakpan leba oyito. Mu lakpan amu su lowu leba oyito. Inu su lowu lenya tumi ohagyichasu, tsufe aha féé babwe lakpan. **13** Lakpan bu oyito asa Bulu lopu mu mbla ba Mose. Tame breá Bulu makupu mbla amu ba mu a, olobun ansibi lakpansu. **14** Tsu Adam bresu botu Mose bresu a, lowu legyi iwie anyankpusa féésu. Ibu mótoá bumotun mbla kuku fe Adam, tame amú e bowu.

Aki alia Adam lekle olan omapu amu. **15** Adam na otsan ha Yesu

Kristo. Tsufe Bulu awitole amu megyi fe Adam lakpan amu. Adam nkule lakpan su aha feeé bowu. Tame Yesu Kristo nkule awitolewa su Bulu lalawa awitole, pu mu atokiehe ha aha tsotsotsotso. Mu atokiehe amu ibu bia dun lowu amu. **16** Tóá anyankpusa benya tsu Bulu atokiehe amuto una otsan ha tóá benya tsu Adam lakpan amuto. Mu lakpan kule pe amu leha ohagyioha legyi pon Bulu ansito. Mólópu lowu ba, tame lakpan tsotsotsotso oma a, Bulu atokiehe kule pe leha Bulu lotsu aha feeéá amú asun da okpa mu ansito. **17** Obakule lakpan su lowu legyi iwie ahasu. Tame alíá Bulu lahie wa awitole ha aha ibu wanwan. Alatsun Yesu Kristo nkulesu tsu aní aní aní asun da okpa, ania munyó abégyi iwie aní nkpató feeé.

18 Iní su alí amuv obakule lakpan su Bulu leha aha feeé ipon amu a, alí ken obakule yilebwe su Bulu laha aha feeé bagyi asu mu ansito, alaha amú nkpa aní itamata e ní. **19** Alí amuv una obakule asuto-onlín su aha feeé bemli lakpan abwepu amu a, alí ken una obakule obú su Bulu obótsu aha tsotsotsotso aní amú asun da okpa ní.

20 Bulu lópu mbla amu ba, mení aha bówun lakpan aní búdebwe wanklaan. Tame breá lakpan deklei a, Bulu awitole e ideklei tsia.

21 Lakpan legyi ahasu, ileha aha bowu. Alí ken Bulu lawa awitole tsu aha aní amú asun da okpa mu ansito ní. Iní laha aha batsun aní Wie Yesu Kristosu nya nkpa aní itamata.

6

Proofread 08-06-09

Kristo Su Aníbu Nkpa

1 Nkalí abéblí sei? Ilehian aní abóyo aní lakpanbwesu, mení Bulu awitole bómoni tsia? **2** Ekekeeke! Igyi fe anílawu. Mú su lakpan ma

tumi anisv. Ntogyi sv abétra tsia bwe lakpan? **3** Bre amuv bobo aní asu amv a, ania Kristo Yesunyɔ anilɔbwe kule. Mliyín mʉ alí? Alí bre amutɔ a, ania Kristonyɔ lowu, **4** bopula aní, tsufe ania munyɔ anilabwe kule. Mʉ sv alí amuv aní Sɪ Onumnyampu amv lɔkusva mu tsu afulitɔ amv a, alí ken aní ɛ abétsia itsia pɔpwetɔ ní.

5 Mʉ sv uníá ania munyɔ anilɔbwe kule mu lowutɔ a, alí ken ania munyɔ lɔbwe kule mu kusv tsu afulitɔ ɛ ní. **6** Mlibiá breá beda Yesu manta oyikpalihe amuv a, mva aní tsiatɔ dada amv lowu, mení anuméetra bwe lakpan nkpábi. **7** Tsufe ní ɔha owu a, ɔtamatra bwe lakpan. Lakpan má musv tumi. **8** Iníá ania munyɔ anilawu sv a, anibv hogyiá ania munyɔ abétsia nkpa. **9** Aniyín ání Bulu lɔkusva Kristo tsu afulitɔ. Oméetra wu ekekekeke. Lowu itra ma musv tumi.

10 Yesu lowuna wu ɔtsawule, mení ɔbéle lakpan unv. Tame uníá otsie nkpa a, otsie ha Bulu. **11** Mlí ɛ mlikti mli iwí ání mlilawu ha lakpan, amlile mli iwí le mʉ tumi así. Mlitsia nkpa ha Bulu, tsufe mlia Kristo Yesunyɔ mlilabwe kule.

12 Iní sv mlímáha lakpan igyi mli nyankpusa-oyi anfi ibówu anfisv, mení uméeha ɔwoli lalahɛ igyi mli sv, amlibwe tɔá idekle. **13** Mlimápu mli nyankpusa-oyi iwí atɔ ha lalahɛbwe. Mboun mli pu mli iwí féé ha Bulu, fe aha ání alakusva amʉ tsu afulitɔ ba nkpatɔ, ɔpu mli bwe tɔá ɪda ɔkpa. **14** Ima aleá lakpan ɔbétra gyi mli sv, tsufe sei mlitra mlímá Mose Mbla amv así. Bulu awitɔle así mboun mlibv.

Yilebwe Nkpábi Anigyí

15 Iní ɔma a, amansv abébli? Ibv aleá abétra bwe lakpan sei anfi anumá mbla amv así, anibv Bulu awitɔle mboun así anfi? Ekekekeke!

16 Mlimeyín ání ní mleba iwiasí ha tɔkv, mlide mʉ ape bwe, mlide mʉ sum fe mli wie a, mlilabwe mʉ nkpábi? Ní mleba iwiasí ha

lakpan a, mumu mlówu, tame ni mleba iwias ha Bulu a, mlégyi asu mu ansitɔ. **17** Mlulɔbwe nkpábi ha lakpan bre kutɔ. Sei a, mlilapu mli klun fée hɔ atosunahe amuu bapuha mli amu, mlide músu gyi. Mú su nde Bulu ɔpan da. **18** Bulu laha mlilagyi ɔwi le lakpan ibitɔ, mlilabwe nkpábi ha yilebwe. **19** Alá ibɔbwe mlónu asun anfi asɔ, su napu nkpábi tsiatɔ nde mli suna. Bre kutɔ a, mlulɔbwe mli ɔwi nkpábi ha hakpan múa lalahɛbwe. Alɔ ken ilehian ání mlɔbwe mli ɔwi nkpábi ha yilebwe, menɔ mlɔfun yi nɔ.

20 Bre amuu mligyi nkpábi ha lakpanbwe amu a, yilebwe ma tumi mliɔ. **21** Labi mɔmu mlilenya tsu lakpan amuu mlulɔbwe, nde ibu mli pelɔ amutɔ? Mú labi gyi lowu. **22** Tame sei mú a, Bulu laha mlilagyi ɔwi lakpanbwe tumi asɔ. Mlulamli mu nkpábi. Labiá mlénia tsu mútɔ gyi; mlétsia tsiatɔá ɔɔfun yi, nya nkpa ání itamata. **23** Tsufe lakpanbwe ikɔka gyi lowu, tame Bulu atokiehe gyi nkpa ání itamata. Mú ɔɔpugyi anɔ buale tsun ania anɔ Wie Kristo Yesu ikulebwesu nɔ.

7

Proofread 08-06-09

Mbla Amu Itra ma Tumi Akristofɔsu

1 Mɔ apio, mli fée mliyin Mose Mbla amu. Mliyin ání breá ɔha tsie nkpa a, ɔbu mbla asɔ. **2** Fe ni ɔtsɔ tsia oklu, mu klu amu mɔkuwu a, ɔbu mu klu amu asɔ. Tame ni mu klu amu owu a, alagyi ɔwi, oklu woyi mbla kuku itra mede mu. **3** Mú alɔ su ni mu klu amu mɔkunya wu, ɔdalɔ mu ɔma a, alatɔ mbua. Tame ni mu klu amu owú mú a, ɔtra ɔma oklu woyi mbla asɔ. Mú su ni ɔlayetsia oyin bamba a, ɔmɔkutɔ mbua. **4** Mɔ apio, alɔ ken igyi ha mli nɔ. Mli e breá mlilɔhɔ Kristo gyi a, mlia munyɔ mlilowu. Mú su mlitra mlimá Mose Mbla asɔ. Sei a,

mlilabwε ɔha amuv Bulu lɔkusva tsu afulitɔ amv kle, menɪ mlɔbwe yile ha Bulu. 5 Tsufe breá anɪbu anɪ tsiatɔ dada amutɔ a, mbla amv leha anɪ ɔwɔli lalahe legyi anɪsu. Mú sv anɪɔbwe tɔá itɔpu lowu ba. 6 Tame sei mú a, Bulu laha anɪlagyi iwɪ tsu mbla amuv tekɪ anɪbu mú asɪ amv ibitɔ. Anɪa Kristonyɔ lowu. Mú sv mbla amv itra ma tumi anɪsu. Anɪlagyi iwɪ, anɪde Bulu sum tsun ɔkpa pɔpweá ɔɲe Wankɪhe de anɪ sunasv. Megyi ɔkpa ání mbla wanɪnhe amv losuna anɪsu.

Mbla Amv Múa Lakpanbwe

7 Mú sv anɪdeblɪ anɪaa, itɔ lalahe Mose Mbla amv gyi? Ekεkekε! Mbla amv ibéha abébi tɔá lakpan gyi. Tekɪ nɪ mbla amv ɪmeblɪ ɔbeε, < < Mápe ansɪ fu ba atɔsv > > a, tekɪ mmebi tɔá gyi ɔnsɪpe. 8 Ina alɪ mbla anɪ sv lakpan lenya ɔkpa pu ɔnsɪpe kugyiku wa mitɔ. Tsufe nɪ mbla amv má unv a, tekɪ lakpan má tumi mɪsv. 9 Mɪ onuto netsia bre kutɔ, mmebi mbla amv. Tame breá nebebi mú a, nowun ání napan músv. Lakpan ɔbwεpu ngyi. Mú sv nówu. 10 Nowun ání mbla amuv nkɪ mbeε, ibéha mɪ nkpa amv lɔpu lowu ba mɪ. 11 Tsufe lakpan lenya ɔkpa tsun mbla amuvsv mle mɪ, mɔ mɪ.

12 Tsiatɔ mbla amv mú a, tsitsa kuku ma mú iwɪ. Mú nhɪhe kugyiku lowankɪ, ida ɔkpa, ibv ale ε. 13 Mú sv idesuna ání Bulu mbla anɪ ibv ale anɪ lɔpu lowu ba mɪ? Ekεkekε! Megyi alɪ igyi. Lakpan lotsun itɔ wanklaan amuvsv pu lowu ba mɪ. Ina mbla amuvsv lakpan lele iwɪ suna ání itepi ɪma ale.

Atɔá ldeko Nyankpusatɔ

14 Anɪyin ání ɔɲetɔ atɔ mbla amv gyi, tame mɪ mú a, nyankpusa ngyi. Nabwe lakpan ɔkpábi. 15 Mmetalɪ bɪ mɪ tsiatɔ, tsufe megyi tɔá ndekle ntɔbwe. Tɔá mmedekle mboun ntɔbwe. 16 Nɪ tɔá mmedekle ndebwe mú a, natsula ání Mose Mbla amv ibv ale. 17 Idesuna ání

megyi mi de ali ato anfi bwe. Mboun lakpan tumiá ibu misu teha ntóbwe mú. **18** Nyin ání bre anfi mbu mi tsiato dada anfito a, ito wanklaan kuku ma mito, tsufe nyankpusa ngyi. Ntekleá nóbwe yile, tame nakasian. **19** Mmede yileá ndekle bwe. Lalahe amuv mmedekleá nóbwe amu mboun ndebwe. **20** Ni nde lalahe amuv mmedekleá nóbwe amu bwe a, mumu idesuna ání megyi mi onuto de mú bwe. Mboun lakpan tumi amuv ibu mito amu de mú bwe.

21 Mú su nawun ání mbla anfi lagyi misu. Ni ndekleá nóbwe yile a, lalahe koun ntóbwe. **22** Tsufe nhie ndekleá négyi Bulu mbla amuvu tsu mi klunto. **23** Tame ntowun ání mbla ku ide mbla amuvu ibu mi klunto amu isa ko, gyi músu, bwe mi lakpan okpábi. Uaha lakpan amuvu ibu mito amu ide mi bwehe kugyikusu gyi. **24** Ki ipian kpɔnkpɔɔnkpɔntiá mbu muto! Ulapu mi iya lowuto. Ma obéle mi tsu muto? **25** Tame ani Wie Yesu Kristo su nde Bulu ipan da ání alale mi! Mi klunto mú a, teki ndekleá nóbwe Bulu mbla amu okpábi. Tame tsiato lalahe amuvu ibu mito amu laha nabwe lakpan okpábi mboun.

8

Proofread 08-06-09

Nkpatsia Dinka Bulu Ŋe Amu Asunsu

1 Inu su sei a, Bulu méetra ha aha ání amúa Kristo Yesunyɔ babwe kule ipɔn. **2** Tsufe Kristo Yesu su Ŋe Wankihe tumiá uteha nkpa laha anilagyi iwɔ tsu lakpanbwe múa lowu ibuto. **3** Mose Mbla amu umetalɔ le ani tsu ani lakpanto. Tsufe ani tsiato dada amuv uteha antóbwe lakpan amu umeha animegyi mbla amu atosunahesu. Tame Bulu lotsun okpa pɔpwesu ho ani. Olowa mu Bi onuto leba fe nyankpusa ání otóbwe lakpan, tame mu mú omóbwe lakpan. Bulu lotsun mu

lowusu mɔ anɪ tsiatɔ dada amuv lakpan legyi mʊsu amv. **4** Ɔlɔbwe mʊ alɪ, menɪ nɪ anɪbuo Ɖɛ Wankɪhe amv a, abɛtalɪ tsia tsiatɔ wanklaan amuv teki mbla amv losuna amv, anɪmɛetra tsia anɪ tsiatɔ dada amv. **5** Tsufe lalahe aha ʌnɪ tsiatɔ dada amuv ɪtɔbwe lakpan idɛ amʊsu gyi butɔgywun. Tame aha ʌnɪ bubuo Ɖɛ Wankɪhe amv a, tɔʌ Ɖɛ amv tekle butɔgywun. **6** Ɔha ʌnɪ lakpan lagyi mv tsiatɔsu tenya lowu tsu mʊtɔ. Tame ɔha ʌnɪ Ɖɛ Wankɪhe lagyi musu mʊ tenya nkpa mʊa iwilwii. **7** Tsufe ɔha ʌnɪ lakpan lagyi mv tsiatɔsu tolu Bulu. Ɖtamagyi Bulu mblasu, tsufe ɔmɛetalɪ gyi mʊsu ekekeke. **8** Aha ʌnɪ lakpan lagyi amʊ tsiatɔsu bumɛetalɪ gyi Bulu ansɪ.

9 Tame Bulu Ɖɛ bu mlɪtɔ lele. Mʊ su mɪmɛetra tsia mɪ tsiatɔ amuv lakpan legyi mʊsu amv. Mlɔbwe tɔʌ Ɖɛ Wankɪhe amv tekle. Nɪ ɔku mʌ Kristo Ɖɛ amv a, omegyi mv kle. **10** ɪbu mʊtɔʌ lakpan su mɪ nyankpusa-oyi anɪ obɔwu. Tame nɪ Kristo bu mlɪtɔ a, mɪ ɔkla bu nkpa. Tsufe Bulu latsu mɪʌ mɪ asun da ɔkpa mv ansɪtɔ. **11** Bulu lɔkusua Kristo tsu afulɪtɔ lele. Mʊ su nɪ mv Ɖɛ bu mlɪtɔ a, mʊmv ɔbɔtsun Ɖɛ amʊsu ha mɪ nyankpusa-oyi amuv ibɔwu amv nkpa pɔpwɛ.

12 ɪnɪ su mɪ apio, imehian ʌnɪ abɛtra tsia anɪ tsiatɔ dada amv, bwe tɔʌ anɪ ɔwɔlɪ lalahe tekle. Mboun lehian ʌnɪ abɔbwe tɔʌ Ɖɛ Wankɪhe tekle. **13** Tsufe nɪ mletsia mɪ tsiatɔ dada amvɔ a, mlɔwu tsitsa. Tame nɪ mlɔtsun Bulu Ɖɛ amʊsu kina mɪ nyankpusa-oyi amv ape bwe a, mlɛtsia nkpa ʌnɪ ɪtamata. **14** Tsufe aha ʌnɪ baha Bulu Ɖɛ de amʊ kpa gyi Bulu abi. **15** Megyi Ɖɛʌ ɪbɛha mlɔbwe nkpʌbi, tsia nya ifu Bulu lɔpuwa mlɪtɔ. Mboun Ɖɛ amv lɔbwe mɪ Bulu abi. Ɖɛ amv su anɪtetali su kpoli Bulu anɪaa, < <Abba, mɪ Sɪ!> > **16** Ɖɛ amv totsula ha anɪ ʌnɪ lele a, Bulu abi anɪgyi. **17** Nɪ Bulu abi anɪgyi a, mʊmv anɪgyi mv atɔ agyipv. Anɪa Kristonyɔ obɛgyi mv atɔ. Tsufe nɪ

awun Kristo ipian amu ku a, mumu abénya mu numnyam amu ε ku.

Numnyam Ání Abénya Èkèku

18 Ní nêkí numnyam ání ida gyo aní, Bulu òbéle suna aní a, ipian anfi anidewun bre anfitò mofun mú otinetine. **19** Bulu atò bwehe fée buhie bude okpa kí ha ekeá Bulu òbéle mu abi numnyam òwan.

20 Tsufe Bulu atò bwehe fée lasi ida keke. Megyi mú onuto ape igyi. Mboun mulóbwe mú alí, íha mu atò bwehe fée íkí okpa **21** ání èkèku a, òbéha amú fée bégýi íwí. Buméetra yinta èkèkèkè. Mu atò bwehe amu ibénya mu abi íwígyi pú amú numnyam amu ku. **22** Aníyin ání bótú nde a, Bulu atò bwehe fée ide íwíòsin wun. Idekúmi fe alíá íkwú todwiin otí. **23** Megyi Bulu atò bwehe amu nkule dekúmi. Aní amuv alapu mu Òje, igyi mu atokiehe gyankpapu wa anitò amu ε anidekúmi aní kluntò. Anihie anitsie anígyo ekeá Bulu òbéha aní nyankpusa-oyi anfi obégýi íwí, òbóbwe aní mu abi. **24** Tsufe okpakí anfi su òlòhò aní nkpa. Butamakí tóá fubu okpa. Tóá fuma okpa butèkí. **25** Ní anide tóá anumá okpa kí a, anitenya klun tsia gyo mú.

26 Òje Wankíhe amu tetsa aní aní pòntò. Tsufe anímeyin alíá abókulí Bulu atò, ibégýi mu ansi. Òje amu onuto téhie kúmi pukulí Bulu atò ha aní, dùn alíá aní onuto abétalí. **27** Bulu yin òhagyícha kluntò asun. Mú su oyin mu Òje amu agywun. Tsufe Òje amu tokokoli Bulu ha mu aha alíá Bulu onuto de mú kle.

28 Aníyin ání Bulu teha togyitò tówa ale ha mu adwepu. Amúgyi aha ání mu onuto òletí mu nhíhe ònò ní. **29** Tsufe aha amuv Bulu yin yai amu a, amú òlele. Aha amuv òlele amu òletí òbèe, bubélian mu Bi amu. Fówun mu Bi amu òbóbwe òdehen mu abi tsòtsòtsòtò. **30** Aha amuv Bulu yin yai dodo amu òletí. Aha amuv òletí amu olotsuá amú asun da okpa mu ansitò. Aha amuv olotsuá amú asun da okpa amu

olowa numnyam.

Yesu Bulu Odwe Dwanle

31 Amansu anitra anibu bli tsu inu iwu? Ni Bulu bu anu wa a, ma obetalu kusu lu anisu? Dhaa ma inu! **32** Bulu mekina mu onuto mu Bi amu si ha lowu anu fee nwunsu. Olesi mu ha faan. Nkaku su omoo pu ato trahe fee tsia mu Bi amuto ha anu? **33** Ma obetalu ka asun duka aha amuu Bulu lale amusu? Bulu loo? Ekekeke! Mugyi dha anu alatsu anu anu anu asun da okpa mu ansito. **34** Ma obetalu ha anu ipon? Dhaa ma inu! Tsufe Kristo Yesu gyi dha anu olobowu ha anu, Bulu lokusua mu tsu afulito. Alayo otsie Bulu gyopisu, ode mu kokoli anu nwunsu. **35** Ma nte nto obetalu titi ania Kristonyo nsine odwet? Asun wunhe loo, nte ikplan? Ni budin anisu loo, nte akun? Yaya nati loo, nte lowu? **36** Tsufe bowanlin wa Bulu asun wanlinhe amuto bee,
< < Fu su bude anu mo ekekegyieke.

Bude anu ki fe akufa anu bapu beya omokpa. > >

37 Tame inu fee to a, odwe amuu Kristo bu ha anu amu su anlagyi isu dafa. **38** Tsufe nhie nyin anu toto meetalu ka odwea Bulu bu ha anuto. Lowu o, nkpa o, Bulu-abopu o, tumi kugyikuwa itra de iwie gyi osusu o, atoa ibu nu sei pu muwaba o. **39** Togyitaa ibu osu muwaba asi nte osulu ayasi kukuvuku meetalu ka odwe amuu Bulu ladwe anu tsun anu Wie Kristo Yesusu amuto ekekekeke.

9

Proofread 08-06-09

Aha Anu Bulu Lale

1 Mia Kristonyo anilabwe kule. Mu su onokwali asun ndeblu sei. Dhe Wankihe de mi kpa. Mu su mi klun e de mi bla anu mmede afunu wa.

2 Mị pi Israelfo su asun ihie de mị han. Ahumitiá imeka itin de mị.

3 Nị ibówa alá nénýa ilwu, mịa Kristonyo nsine béyinta, mení bénya nkpa ání itamata kuraa a, tẹkí nópụ ịwị ha. 4 Mị pi Israelfo gyi aha

ání Bulu lele pubwe mu abi. Amú ọlele mu numnyam suna. Ọleka ntam ha amú, pu mu mbla wa amú ịbító. Olosuna amú ọkpa ání bópútswe mu. Ọlebla amú tọ́a alahieá ọ́bópúha amú fée. 5 Amúlelun tsu Israelfo anain akpónkpóni amuto. Múa ịdun kuraa a, amúto Kristo amu lebelun ọsulu anfasu. Ikanfu letsia Kristo, (ọha amuu Bulu lada mu ofuli amu), ogyi Bulu, ato féezu ogyipu amu bre féeto! Amen!

6 Ịnị mosuna ání Bulu asun amuu ọlebli tswi amu imeeba muto.

Tsufe megyi Israelfo amu fée gyi Israelfo onutonuto. 7 Megyi

Abraham abi fée gyi mu abi onuto. Tsufe Bulu lebla Abraham ọ́be,

< <Isakto fu abi-aná bédali tsu. > > 8 Ịnị losuna ání megyi aha ání

botsu Abraham abi fée to gyi Bulu aha. Abraham abi-aná amuu Bulu

lehie ha mu amu nkule gyi Bulu aha. 9 Tsufe tọ́a Bulu lehie Abraham

gyi, < <Néyinki ba ofieba sesebre. Néba a, fu ka Sara lakwu

obiyimbi. > >

10 Megyi ịnị wule. Rebeka lókwu atabi ha anị nain Isak. 11 Tame

breá ọ́mọkunya kwu amú, abudan bi yile nte lalahebwe a, Bulu lebla

Rebeka amú ịwị asun. Bulu ló́bwe mú alí, mení ibósuna aníá ọ́kpa

amuu ọ́tọ́tsun músu h́o aha amu imena aní bwehesu. Mboun una mu

nkule pe ape pú alíá ọ́tele mu ahasu. 12 Asa Rebeka ọ́bókíwu nyebi

amu a, Bulu lebla mu ọ́be, < <Ọ́dehen obósum ọ́kusú. > > 13 Fe alíá

b́owanlun wa Bulu asun wanlinhe amuto be, < <Ntódwe Yakob dun

Esau. > >

14 Sei a, nkali abébli? Abébli aníaa, Bulu asun meda ọ́kpa loo?

Èkekeke! 15 Tsufe Bulu lebla Mose ọ́be, < <Aha ání nówun amú

nwe a, amú nówun nwe. Amúá nahieá négyi buale a, amú négyi

bualɛ. > > **16** Mú su megyi ɔha apɛ ntɛ mu nsiwa Bulu tɛkɪ. Mboun mu onuto nwewun igyi. **17** Bɔwanlɪn wa Bulu asun wanlɪnhɛ amɔtɔ bɛɛ, Bulu lɛbla Egyipte owie Farao ɔbɛɛ, < < Atoku anyɔ anfi su nɛyai fu iwie, alɪá nɔtsun fusu lɛ mɪ tumi suna, pú alɪá ɔyɪtɔ aha fɛ́ɛ bónu mɪ ɪda, kanfu mɪ. > > **18** lɪn su nɪ Bulu ɔhiɛ́á obówun ɔku nwe a, otowun mu nwe. Nɪ ɔhiɛ́á ɔbéha ɔku ɔbówa kluntɔ odwin ɛ a, ɔteha mu ɔtɔwa kluntɔ odwin.

Bulu ɔblɔnya Pú Mu Aha Nwewun

19 Mlɪtɔ ɔku ɔbéfite ɔbɛɛ, < < Nɪ alɪ igyi nɪ mú a, ntogyi su Bulu dɛ nyankpɔsa ɪpɔn ha? Ma ɔbétalɪ tin Bulu ɔkpa? > > **20** Tame ndɛ mlɪ fite mbɛɛ, fɔgyi ma ání féle Bulu ɪla? ɔlɔ ɔbétalɪ fite mu ɔpwɛpu ɔbɛɛ, < < Ntogyi su fapwe mɪ alɪ? > > **21** Alɪágyialɪá igyi a, atɔ ɔpwɛpu tɔpu obon pwe tɔ́á odekle. ɔbétalɪ pu obon ipin kule pwe nlonyɔ. ɔbópu kule bwe ɔlɔ nun-ntsu, kpa nsuo wa ɪkuletɔ.

22 Alɪ kɛn igyi ha Bulu nɪ. ɔbu ɔkpa lɛ mu ɔblo suna, mɛnɪ aha bówun mu tumi. Tame ɔlehɛ nya klɪn ha aha amuu olenya ɔblo amúsu amu. Tɛkɪ ɪlɔfɔn ání ɔbéhɪ amú. **23** Bulu bu ɔkpa lɛ mu numnyam kpɔnkpɔntɪ amu ɔwan aha amuu ɔlele yai ání obówun amú nwe, ɔwa amú numnyam amusu. **24** Anɪgyi aha amuu ɔlele yai amu nɪ. Megyi Yudafo nkuletɔ ɔlele aha. ɔlele aha ání bumegyɪ Yudafo aku ɛ. **25** Bulu lɛblɪ mu ɔnɔsu ɔtɔpu Hosea ɔwulɔtɔ ɔbɛɛ,

< < Nétɪ aha amuu tɛkɪ bumegyɪ mɪ aha amu mɪ aha.

Aha amuu tɛkɪ ntamakle amú asun amu ɔbóbwe mɪ adwɛpu.

26 ɔtine amuu tɛkɪ nebla amú mbɛɛ, < Megyi mɪ aha mlɪgyi >

amu a,

ɪnɔfo nétɪ mbɛɛ, < Bulu ɔkɪankpapu abi > nɪ. > >

27 Bulu ɔnɔsu ɔtɔpu Yesaia lɔkplɪn bla Israelfɔ ɔbɛɛ, < < Nɪ Israelfɔ

beklei fe ɔpu ɔno isi kuraa a, amúto aha kpalobi pe nóho nkpa.

28 Tsufe ɔbisasu anɪ Wie obégyi ɔyito aha féé asun, bua mú wanklaan. > > **29** Tsufe Bulu ɔnoɔsu ɔtoɪpu Yesaia legyankpa wanlin wa Bulu asun wanlinhe amuto ɔbee, < < Nɪ mɪ Wie Bulu, tumi féé Owie mesi anɪ abi-aná aku yai a, teki anɪ féé abéhi fe Sodom múa Gomorafɔ. > >

Israelfɔ Bulu Máhogyi

30 Nkali anidebli ngya? Anidebli anɪaa, aha amuv bumegyɪ Yudafo amu bumɔbo mbodi kuku, asa Bulu leha amú asu! Hogyi su benya mú. **31** Tame Israelfɔ amuv amú ansi lepe, bude mbla amuv gyi, Bulu ɔha amú asu amu bumetali. **32** Ntogyi su? Tsufe bumepɛ ansi pu hogyi dunka mú. Uɔbwe amú fe mbla amuv gyisu Bulu ɔbótsun ha amú asu. Inɪ su bosutin < < Ibwi amuv itele aha da > > amuv dɪda kpla. **33** Ibwi anfi iwɪ asun bɔwanlin wa Bulu asun wanlinhe amuto bee,

< < Bulu ɔbee, < Mliki!

Ndepu Ibwi^s tswɪ Sion wuluto.

Aha bósutin ibwi amuv dɪda.

Peli méekita ɔhagyicha ání ɔlɔho mu gyi. > > >

10

Proofread 08-06-09

1 Mɪ apio, tɔá ntekle mɪ klunto, pú mpaɪá ndeɔ gyi, Bulu ɔbóho mɪ aha Israelfɔ. **2** Nétaɪ gyi amú iwɪ adansɛ mbee, amú ansi lahiɛ pe Bulusum iwɪ, tame bumeyin ɔkpa ání bótsun músu sum mu wanklaan. **3** Tsufe bumeyin ɔkpa ání Bulu totsun músu ha aha asu.

^s9:33 *Ibwi* amu gyi Kristo.

Mú su beyiri iwi bude amú ɔkpa dunka, mení bégyi asu Bulu ansító. Mú alí su bumeba iwiasí ha ɔkpa amú Bulu tɔtsun músu ha aha asu amú. **4** Onɔkwali amú gyi, Kristo lɔmɔ Mose Mbla amú fée ɔnɔ. Mú su ɔhagyioha ání ɔlɔhɔ mu gyi obégyi asu Bulu ansító.

Nkpahɔ Bu Inu Ha ɔhagyioha

5 Mose lɔwanlɔn tsu ɔhagyioha ání ɔtekí mbla amú ání músu Bulu ɔbótsun tsu muá mu asun da ɔkpa iwi ɔbée, < < ɔhagyioha ání otegyi mbla amú ɔbótsun músu nya nkpa. > > **6** Tame hogyisu butɔtsun gyi asu Bulu ansító. Bulu asun wanlinhe amú lebli ɔbée, < < Máfite iwi fée, < Ma ɔbódu yɔ ɔsusu? > > > (Fefite alí a, ilosuna ání fýɔɔpu Kristo tsua ɔsusu ba.) **7** Nte fite iwi fée, < < Ma ɔbékpli yɔ ɔsulu ayasí? > > (Fefite alí a, ilosuna ání fýɔɔpu Kristo tsua afulitɔ ba.) **8** Mboun asun ání Bulu asun wanlinhe amú lebli gyi, < < Bulu asun amú ima ifɔ fu wa. Ibu fu ɔnɔtɔ, ibu fu kluntɔ dodo. > > Asun amú gyi hogyi asun amú anidebli amú ní. **9** Ní fobwii ɔnɔ bli fée, < < Yesu gyi aní Wie, > > fɔpu fu klun fée hogyiá Bulu lɔkusua mu tsu afulitɔ a, Bulu ɔbóhɔ fu nkpa. **10** Tsufe uklun ɔha tɔpuhɔ Kristo gyi. Fówun Bulu obótsu mu ání mu asun da ɔkpa. ɔnɔ ɛ ɔha tɔpubli ɔbée, Yesu gyi mu wie, mení Bulu ɔbóhɔ mu nkpa. **11** Alí ken Bulu asun wanlinhe amú lebli ɔbée, < < Peli méékita ɔhagyioha ání ɔlɔhɔ mu gyi ekekeke > > ní. **12** Iní su imefahun ání Yudayin fúgyi, nte fume gyi Yudayin. Tsufe owie ɔkule pe así amú fée bubu. ɔbópu mu yilebwe gyi aha ání bosu kpoli mu fée buale. **13** Alí ken Bulu asun wanlinhe amú lebli ɔbée, < < ɔhagyioha ání otosu kpoli aní Wie obénya nkpa > > ní.

14 Tame nkali bétali su kpoli ɔha ání bumɔhɔ mu gyi? Nkali bétali hɔ ɔha ání bumɔkunu mu iwi asun gyi? Nkali bónu mu iwi asun ní

ɔhaa mɛda mú ɔkan suna amú? **15** Nkalɪ bétalɪ da mú ɔkan suna amú, nɪ bumɔkɔwa amú? Bulu asun wanlinhe amu lebli ɔbɛɛ,
< < lɪɛ bu akilɛá fówun ání ɔha ɔba beda Bulu asun wanklaan ɔkan! > > **16** Tame megyi Israelfɔ fée lɔhɔ Bulu asun wanklaan amu. Tsufe Bulu ɔnɔsu ɔtɔɪpɪ Yesaia lɔwanlin wa mu ɔwɔlɔtɔ ɔbɛɛ, < < Mɪ Wie, ɔhaa mɔhɔ anɪ asun blihe amusu gyi. > > **17** Tame asun wanklaan amu teha butohogyi. lna Kristo asun anfi bli su aha butonu mu asun. Mú nu su aha butɔhɔ mu gyi.

18 Mbɛɛ, bɛɛ nu bumonu asun amu? Bonu! Tsufe Bulu asun wanlinhe amu lebli ɔbɛɛ,

< < Amú ɔmɛ lawie ɔyɪtɔ fée,
amú asun ɛ lawie tsutsuutsu. > >

19 Ntra fite. Israelfɔ bumonu mu asun asɪ? Múá Mose lebla amú gyankpapɪ gyi,

< < Bulu ɔbɛɛ, < Nɔpɪ ɔmá ání bumegyi Israelfɔ wa mli ansɪpɛpɛ.
Nóyula ɔmá mimlahe puwa mli ɔblɔ. > > >

20 Bre bambatɔ a, Yesaia lɔwa klun bla amú ɔbɛɛ, < < Bulu ɔbɛɛ,
< Aha ání bumede mɪ dunka lementɪ mɪ.

Aha ání bumɛfite mɪsu nele ɪwɪ ɔwan suna. > > >

21 Tame Israelfɔ amu mú a, Bulu lebli amú ɪwɪ asun ɔbɛɛ, < < lɪá natɛɪ ɪbitɔ bre féeá nɔhɔ amú atuu o a, butra buɔɛ asutɔ-ɔnlɪn wa. Bumede mɪ bu. > >

11

Proofread 08-06-09

Bulu Israelfɔ Nwewun

1 Nɔɛ mli fite mbɛɛ, mú su Bulu lakina mu onuto aha lele? O-o! Mɪ

onuto anfi o Israelyin ngi. Abraham abi-anátɔ notsu. Benyamin abusuantɔ obi ngi. **2** Megyi bɛɛ, Bulu lakina mu onuto aha amuu ɔlele amú yai amu. Mlikain alí amuu Bulu asun wanlinhe amu lebli tswi ɔbɛɛ, Bulu ɔnɔsu ɔtɔpu Elia lekla Israelfɔ iwi asun suna Bulu amusu. **3** ɔbɛɛ, < < Mí Wie! Israelfɔ bamɔ fu ɔnɔsu atɔpu fée. Babwie fu afɔdiɛ-iswi ε fée. Uasi mí nkukunu nkule. Budekleá bómbó mí ε. > > **4** Bulu leha Elia mbuai ɔbɛɛ, < < O-o! Megyi fu nkule lasi. Tsufe nale aha mpum-sienɔ (7,000) ání bumɔkutswe ɔkpí Baal^t kí ha mí iwi. > > **5** Alí igyi nde nke anfitɔ ε ní. Bulu lawa awitɔle le Israelfɔ kpalobi aku yai. **6** Ní alawa awitɔle le aku a, mumu utra megyi ɔha bwehe su ɔbéle mu. Tsufe ní una aha bwehesu mú a, tekí mu awitɔle amu ilesian.

7 Mú nkali ilegyi? Israelfɔ ibi mɛda itɔ amuu bepe ansi budedunka amu. Amútɔ aha kpalobi akvá Bulu lele yai nkule ibi leda mú. ɔleha atrahe bɔwa asutɔ-ɔnlun breá ɔde aha tí. **8** Bulu asun wanlinhe amu lebli ɔbɛɛ, < < Bulu leha ilɛlin amú ɔwɔli. Mú su bɔtu nde bumetalí pu amú ansibi wun atɔ, pu amú asu ε nu asun. > > **9** Owie Dawid ε lebli ɔbɛɛ,

< < Amú ɔdwe ogyikpa ibwe mpusa, abuda mútɔ. Ibwe agbla, ɩkpa kíta amú.

Ibwe ima, abusrei dída mútɔ, ibwe isubiti ha amú.

10 Ansitɔ iklun amú, mení buméetra wun atɔ.

Ha abutsia ipiantɔ bre fée. > >

11 Mú su ntra ndefite mbɛɛ, Yudafo basrei dída, buméetalí tra kusu? Ekekeke! Amú lakpan su Bulu lɔhɔ aha ání bumegyí Yudafo nkpa.

^t11:4 *Baal* gyi ɔkpí ɔkvá aha amuu begyankpa tsia ɔsulɔ amusu asa Israelfɔ beba betsia unu amu bosum

Fówun ɩpe amú ansi. **12** Sei a, anɩyin ání Yudafo lakpan su ɔmá féé banya atɔ wanklaan. Amú dɩda lawa labi ha aha ání bumegyi Yudafo. Nɩ belanya nkpaɔ mú a, mumu labiá aha ání bumegyi Yudafo bénya ɩma blɩɔ.

Aha Ání Bumegyi Yudafo Nkpahɔ

13 Aha ání mlumegyi Yudafo, mli nde asun anfi bla ngya a. Kristo sumbi ɔyɔpu ngyi. ɔlowa mɩ sumbi mli wa. Mɩ gyumagyihe legyi mɩ ansi. **14** Fiali nétalɩ ha mɩ aha Yudafo ansi bépe, fówun Bulu obénya ɔkpa hɔ amúɔ aku nkpa. **15** Breá Bulu ledamli ɔma ha Yudafo a, ɩleha ɔmá atrahe féé bɔbwe Bulu anyawie. Nɩ igyi alɩ mú a, bregyibreá Bulu ɔbɔhɔ amú ε a, ɩbɔbwe fe afuli féé bakusu tsu afulɩɔ.

16 Nɩ bele tɔkɩɔ gyankpapu ha Bulu igyi a, mumu ɩɔ amu féé igyi mu kle. Nɩ Bulu bu oyi nlin a, idesuna ání oyi amu abambi ε igyi mu kle. **17** Bekpalɩ oyi bambi pu bamba tsa músu. Yudafo gyi oyi amu. Mli aha ání mlumegyi Yudafo gyi bambi bamba amuv baputsa músu amu, menɩ mlénýa oyi amúɔ ntsu wanklaan amu kv. **18** Mú alɩ su a, mli mákɩ mli aa, mli dɩn oyi amu onuto abambi amuv Bulu lekpalɩ le amu. Mli mátsu ɩwɩ amú ansɩɔ, tsufe oyi amu nlin tamanun ntsu le mliɔ. Mli mboun tonun ntsu le múɔ pudan.

19 Fiali mli aku mléblɩ mli aa, < < Bekpalɩ abambi amu, menɩ anɩ ε abénya oyikpa. > > **20** ɩbu múɔ alɩ. Itsu alí Israelfɔ bumohogyi su Bulu lekpalɩ amú tsitsa. Mli ε mli hogyi su Bulu lapu mli tsa músu. Mú su mli máha nwuntɔ ɩwa mli ɔdwe. Mli ha ifu ɩkɩta mli. **21** Tsufe Israelfɔ amuv bugyi oyi amu onuto abambi kuraa bɔbwe lakpan, Bulu lebitɩ amú ɩsu, mú mli? **22** Sei a, mli lawun ání Bulu bu awɩɔle, tame mu asun bu ɔnlɩn. ɔbu ɔnlɩn aha ání badɩda hogyiɩsu. Tame alawa awɩɔle ha mli. ɔbɔwa awɩɔle ha mli nɩ mli ansi dɩn musu. Nɩ megyi

alí a, ɔbébutí mlí ɛsu mlí ɛ. **23** Tame ní Yudafo amuvu besi mu hogyi amu beyinki bɔho mu gyi a, Bulu ɔbélapu amú tsa oyi amuvu. Tsufe ɔbu tumiá obéyinkia amú tsa. **24** Mlí aha amuvu mlimegyi Yudafo amu mú a, oyi lalahe bambi mlígyi, bɔpu mlí tsa oyi amuvu. Teki uma unu alí. Israelfo mú a, oyi wanklaan amu onuto abambi bugyi, bekpali amú tsitsa. Mú su amú yinkia yi mú yintisu móɔwa ɔnlín ha Bulu.

Bulu Towun Aha Féé Nwe

25 Mí apio, asun ɲainhe ku bu unvá ndekleá mlibi, mení mlíméeki mlí iwíá mliletín ansi dubi. Asun amu gyi, Yudafo amu aku bubu asuto-ɔnlín. Bówa asuto-ɔnlín alí bɔfun breá Bulu laha aha ání bumegyi Yudafo féé baba mu wa. **26** Mú ɔma a, Bulu ɔbóho amú féé nkpa. Bulu asun amu lebli ɔbee,

< < Sion wuluto Nkpa ɔhoɔpu amu ɔbélin tsu.

ɔbéba beha Yakob abi-aná féé bési lalahe bwe.

27 Iní gyi ntam ání néka ha amú

breá néle amú tsu amú lakpanto ní. > >

28 Iníá Yudafo amu bumɔho asun wanklaan amuvu gyi su a, bemli Bulu alupu, mení íbówa labi ha mlí amuvu mlimegyi Yudafo amu. Tame uníá bugyi aha ání Bulu lele su a, amú anain su otekle amú asun. **29** Ní Bulu ɔle ɔku nte ɔpu mu atokiehe ha ɔku a, ɔtamatra tse mu agywun. **30** Bre kuto a, mlí anfi mlimegyi Yudafo anfi mlímobu Bulu. Tame sei a, Yudafo bumede Bulu bu. Mú su Bulu lawun mlí nwe. **31** Alí ken Bulu ɔbéba bowun Yudafo amuvu bumede mu bu amu ɛ nwe, fe alíá alawun mlí nwe ní. **32** Tsufe Bulu lotsu múá aha féé bubu asuto-ɔnlín, alíá íbóbwe obówun amú féé nwe su.

Mlíha Akanfo Bulu

33 Oo, mlíkí Bulu awítóle wule! Mu nyansa pú mu asunbí ma ɔka!

Ma ɔ́bétalí bí mụ ɔ́kpá pú mụ asungyítɔ? **34** Bɔ́wanlín wá Bulu asun wanlínhe amutɔ́ bée,

< < Ma yin aní Wie nwuntɔ́?

Ma ɔ́bétalí suna mụ asun? Ọ́haa mǎ́ inu.

35 Ma lapu tǎku ha mụ, ɔ́de ɔ́kpá kíá ɔ́bélaka mụ ịkɔ́? > >

36 Bulu lɔ́bwe togýtɔ́. Mubụ togýtɔ́. Togýtɔ́ bú inu ha mụ. Kanfu ịbwe mụ klé bré féétɔ́. Amen!

12

Proofread 08-06-09

Tsiatɔ́á Butɔ́pusum Bulu

1 Ịníá Bulu híe ɔ́de aní nwe wun alí sù a, mị apio, nde mị kokoli mbée, mịpu mị ịwí féé ha Bulu mị nkpatɔ́. Ịbwe fe igyi ahatɔ́ wankíhe ha mụ. Ịnị gyi osum áńí itsu kluntɔ́, ilegí mụ aní nị.

2 Mlímáha ɔ́sulú anfísú atsiabi igyi mịsú. Mlịha Bulu ɔ́tse mị agywun, ịha mị tsiatɔ́ ịtse. Fówun mlétalí bíá Bulu apé bú alé, ịbú ɔ́dwe, ịlɔ́fun.

3 Bulu agyuma amụ alawa awítale puha mị amụ nde mịtɔ́ okugyíokú bla mbée, ọ́haa mǎkí mụ ịwí dafa alíá ogyi. Ọ́hagyíoha ɔ́ba aní así, ɔ́kíá ɔ́mɔ́dun hogyi amụ Bulu lapuha mụ amụ.

4 Nyankpusa-oyi ịwí atɔ́ aní féé anígyi. Ntobi amutɔ́ kugyíokú bú mú gyuma áńí itegyi nyankpusa-oyi amụsú. **5** Alí ken ịbú mútɔ́á anítɔ́, tame ania Kristonyɔ́ anilabwe ɔ́yulú ɔ́kulé nị. Mú sù anígyi ntobi ɔ́tsan-ɔ́tsan áńí anítsatsa abasú, anilɔ́bwe ɔ́yulú ɔ́kulé amụ. **6** Bulu atokíhe amụ ɔ́leha aní amụ ịna ɔ́tsan-ɔ́tsan. Ịlehian áńí aní féé abópu mụ atokíhe amụ yɔ́ agyuma atɔ́ amụ ɔ́leha aní amụ ɔ́nɔ́. Mú sù nị ɔ́kú atokíhe gyi Bulu ɔ́nɔ́ asunblí a, ọ́ha amụ ɔ́bwe mú alíá mụ

hogyi losuna mu. **7** Nɪ ɔku kle gyi mu aba ahogyipu bua a, ɔbua amó. Nɪ ɔku kle gyi atɔ suna a, osuna mó. **8** Nɪ ɔku kle gyi aha atɛtɔ-ɔnlɪn wa a, ɔwa aha atɛtɔ-ɔnlɪn. Nɪ ɔku ε kle gyi atɔ kie a, ɔle iwɪtɔ kie mó. Nɪ ɔku kle gyi aha ɔnɔ lu a, ɔwa nsi ɔbwe mó. Nɪ ɔku kle ε gyi aha nwe wun a, ɔbwe mó ɔdwetɔ.

9 Mlɪdwe aha tsu mlɪ kluntɔ. Mlɪkisi lalahe kugyiku. Mlɪkita yilebwetɔ kinkiinkin. **10** Mlɪha mlɪ ansɪ ɪpɛ mlɪ aba Akristofɔ dwesɜ, amlɪbu aba wanklaan. **11** Mlɪmáha mlɪ nsiwa bwe atɔ ɔnɔ ɪba asɪ. Mlɪha ɔŋɛ Wankɪhe amɜ ɔwa mlɪ ɔwɔnlɪn, amlɪsum anɪ Wie. **12** Mlɪ ɔkpakɪ amɜ sɜ mlɪnya ansigyɪ, amlɪlu kinkin mlɪ ipiantɔ. Mlɪbɔ mpai bre féétɔ. **13** Mlɪbua mlɪ aba Bulu aha ání bubu ɪkplantɔ. Mlɪyɪrɪ ɪwɪ hɔ afɔɔ.

14 Mlɪyula aha ání budɪn mlɪsɜ. Mlɪyula amó, mlɪmálwu amó. **15** Nɪ aku bɔde ansigyɪ nya a, mlɪa amónyɔ mlɪnya ansigyɪ. Nɪ aku bɔdesu ε a, mlɪa amónyɔ mlɪsu. **16** Mlɪ féé mlɪtsia wanklaan. Mlɪmátsu ɪwɪ. Mlɪpɜ ɪwɪ manta aha ání aha butamabu amó. Mlɪmákɪ mlɪ ɪwɪá mlɪdɔn aku.

17 Nɪ ɔku ɔpu lalahe gyi mlɪ a, mlɪmápu lalahe ka mu ɪkɔ. Mlɪbɔ mbɔdɪ amlɪbwe tɔá ɪbu alɛá aha féé bótsula dɪnka mósu.

18 Alɪágyialɪá igyi mlɪ mó a, ɪwilwii itsia mlɪa ɔhagyɪɔha nsɪnɛ.

19 Mɪ apio adwɛpu, mlɪmápu lalahe ka mlɪ aba ɪkɔ. Mlɪsi togyitɔ ha Bulu. Tsufɛ bɔwanlɪn wa Bulu asɜn amɜtɔ bɛɛ, < < Bulu ɔbɛɛ, < Mɪ, mlɪ Wie teka ɪkɔ. Mɪ ɔbéka aha akɔ amó lakpan sɜ. > > > **20** Bulu asɜn wanlɪnhe letra blɪ ɔbɛɛ, < < Nɪ akɜn de fɜ olupu a, ha mu atɔ ogyi. Nɪ ɔmɛwɜlɪ de mu a, ha mu ntsu onun. Nɪ fɔbwe mó alɪ a, ɪbéha pelɪ békita mu ɔbétse. > > ^u **21** Mlɪmáha lalahe igyi mlɪsɜ, mboun

^u**12:20** Igyi fé fakpa ogya wɜlɪ mu ɔtantra.

mlibwe yile pugyi lalahesu.

13

Proofread 08-06-09

Iwiasiba Ha Omá Akpapu

1 Ilehian ání ÷hagyioha ÷béba iwiasí ha omá akpapu. Tsufe Bulu teha omá akpapu tumi. Omá ÷kpapu ÷kuku má unvá megyi Bulu leyai mu. 2 Iní su ní ÷ku ÷kusú lu omá ÷kpapu ÷kusú a, alakusu lu Bulu tumisu. Mú su ÷ha amu de usubiti kle ha iwí. 3 Tsufe omá akpapu bumegya yile abwepu, lalahe abwepu bugya. Mú su ní fumedekleá funya omá akpapu ifu a, mumu bwe yile abukanfu fu. 4 Bulu osumbi ÷hagyioha ání bapu mu yai omá ÷no gyi. Mli yile su bude agyuma yó. Tame ní ÷ku de lalahe bwe a, mumu obénnya amú ifu, tsufe bubu ÷kpa bití aha usu. Bulu asumbi bugyi. ÷leha amú ÷kpa ání bubiti lalahe abwepu usu ha mu. 5 Iní su ÷hagyioha ÷ba iwiasí ha omá akpapu. Megyi bee, bude ifu nya ání bébiti amú usu nkule su. Mboun amú klun de amú bla ÷bee, ilehian ání bóbu amú.

6 Iní ken su ilehian ání mléka tswitswi é ní. Bulu asumbi omá akpapu bugyi. Bapu amú bre féé bude omásu kí. 7 Mlika íkó kugyikuá idin mlisu. Mlika tswitswi múa lampoo. Obú ÷kpasu a, mlibu amú féé. Ní igyi kanfu é a, mlikanfu amú féé.

Abadwe

8 Mlumákita ÷haa íkó dun mli abadwe. Ní ÷ku de mu aba dwe a, ÷de mbla amu féésu gyi. 9 Mose Mbla amu lebli ÷bee, < < Máto mbua. > > < < Mámó ÷ha. > > < < Máwi ató. > > < < Mápe ansi fu ba atósu. > > Iní pú mbla trahe amu féé nwun gyi mbla kule amuv ulebli ÷bee, < < Dwe fu ba fe fu iwí > > amu. 10 Ní ÷ku de mu ba

dwe a, ɔmɔɔpu lalahe gyi mu ekekekeke. Inu su cha aní ɔtɔdwe mu aba lagyi mbla amu féesu.

11 Mli onuto mliyin bre oduato anibu. Bre lafun aní mlétsinki, tsufe aní nkpaɔ lafun ta dun bre amuv anilegyankpa ha Kristo gyi amu.

12 Onye detson, ɔyi lake ta. Mú su mliha asi okluntɔ bwehe fée bwe, atsu aní ɔyikehetɔ akɔtɔ tsan. **13** Mliha aní tsiatɔ ibwe fe aha aní

butsie wankitɔ. Mlímáha ayinta aní bre yetsia ɔdwe ogyikpa, anide atɔ dede gyi, anide nta nun bu. Animáwa atsi móa ayin asun.

Animáwa ɔnsipe, animátre kɔ. **14** Mboun mliɔ aní Wie Yesu Kristo tin mli iwi. Mlímátra tsia tsiatɔ dada amuv mli ɔwɔli lalahe tekle amu.

14

Proofread 08-06-09

Akristofɔ Uale ɔkpa Lalahesu

1 Mliha mli aba Akristofɔá buma ɔwunlun hogyiɔ wa mliɔ. Ni bee, tɔku bu ale nte uma ale a, mlímágyi amú nwen. **2** ɔku lohogyiá ɔbu ɔkpa gyi togyiɔ, tame ɔku e hogyi ɔno uma ɔnlun. Mú su ɔtamagyi iye.

3 ɔkpa má unvá cha aní otegyi togyiɔ ɔbéle cha aní ɔtamagyi tɔku ula. Alí ken cha aní ɔtamagyi tɔku e ɔmále cha aní otegyi togyiɔ ula ni. Tsufe Bulu laha amú. **4** Fugyi ma aní féha ɔku osumbi pɔn? Mu wie nkule pe bu ɔkpa bli ɔbee, otsie wanklaan nte ometsie wanklaan. ɔbétaɔ tsia wanklaan, tsufe Bulu ɔbétaɔ ha mu obétsia wanklaan.

5 ɔku ɔbétaɔ bli ɔbee, eke ku dun mú aba, ɔku e ɔbébli ɔbee, nke amu fée igyi kule. ɔhagyicha ɔyo mu kluntɔ wanklaan, otsu móa ibu ale. **6** Ni ɔku ɔle eke ɔku ɔbee igyi eke yile a, ɔde músu gyi putsu Bulu fua. Ni ɔku e tegyi togyiɔ a, ɔde mú gyi putsu aní Wie fua. Ni ɔku e

tamagyi iye a, mu e ode mú kisi putsu aní Wie fua. Tsufe amú fée buteda Bulu ipan músu. **7** Anito zhaa metsie nkpa ha mu iwi, anito okuku e móowu ha mu iwi. **8** Ní anitsie nkpa a, anitsie ha aní Wie. Awu e a, anilawu ha mu. Mú su ní anilawu o, anitsie nkpa o, aní Wie bu aní. **9** Tsufe Kristo lowu, yinki kusu ba nkpató, mení obóbwe akiankpapu pú awupu fée Owie. **10** Iní su imehian ání féha fu ba ipon nte féki fu ba ansito kotikoti. Tsufe aní fée abéyelu Bulu ansito, obégyi anito okugyioku asun. **11** Bowanlun wa Bulu asun amuto bee, < < Aní Wie Bulu bee,
< Nanya mbu nkpa anfi a,
 zhagyi zha obéda akpawunu mí ansito;
 zhagyi zha obéle bí bee, Bulu ngyi. > > >
12 Mú su anito okugyioku obéle mu asun onó Bulu ansito.

Máha Fu Ba Odida Mu Hogyito

13 Mú su mliha asi aba ıla le. Mboun abwe agywun ání animóbwe tótá ibéha aní ba okuku méesrei nte dida. **14** Sei uná namli Okristoyin su nabíá atogyihe kuku má unvá mú iwi metin. Tame ní Kristoyin oku lohogyiá tóku iwi metin a, mumu mu wa mú iwi metin. **15** Ní futegyi tóku, ide fu ba han a, mumu fu bwehe mede odwe suna. Máha fu atogyihe zha fu ba ání Kristo lowu ha mu ofwi. **16** Mú su máha tóá fuyin ání ibu ale ibwe tsitsa aha ansito. **17** Tsufe Bulu iwiegyi amu imegyi atogyihe nte atonunhe asun, mboun yilebwe, iwilwii pú ansigyi ání itsu Onye Wankihe amuto asun igyi. **18** Zhagyi zha ání otosum Kristo okpa anfisu a, mu asun tegyi Bulu ansi. Aha e butobu mu. **19** Iní su mliha aní ansi ipe tóá ibópu iwilwii ba, ibówa apio aba owunlun hogyitosu bregyibre. **20** Máyinta Bulu gyumagyihe fu

atogyihe su. Ɔkpa bu unvá abétali gyi togyito, tame ni ɔku de tɔ́a
ibéha mu ba ɔbóbwe lakpan bwe mú a, uma ale. 21 Ni ɔku tamagyi
iye ku, nte nun nta nte bwe tɔ́a ibéha mu ba ɔbédida a, ibu ale. 22 Mú
su togyitɔ́a fohogyi tsu ntobi anfi iwɔ́ a, ha mú ibwe fua fu Bulunyo
nsune asun. Ni ɔku opuni mede mu tsii mu bwehesu a, mumu ɔkla
lawa mu ogya. 23 Tame ni mu klun medɔ́ mu asɔ́ mu atogyihe ku gyi
su, ogyi mú a, Bulu laha mu ipɔ́n dodoodo. Tsufe mu atɔ́ amu gyi
melu hogyisu. Togyitɔ́a ɔha mɔ́pu hogyi bwe igyi lakpan.

15

Proofread 08-06-09

Aha Ansɔ́su Atɔ́ Bwe

1 Ilehian ání anɔ́ aha ání anɔ́ hogyi ɔ́nɔ́ bu ɔ́nlɔ́n abénya klun ha aha
ání amú hogyi ɔ́nɔ́ uma ɔ́nlɔ́n. Megyi tɔ́a iletsia anɔ́ wule abóbwe.
2 Ilehian ání anɔ́tɔ́ okugyiɔ́ku ɔbóbwe tɔ́a ibu ale ha mu ba, menɔ́
ibéha mu ɔbédan hogyito. 3 Tsufe Kristo kuraa mɔ́bwe tɔ́a mu onuto
otekle. Mu iwɔ́ asun bɔ́wanlɔ́n wa Bulu asun amutɔ́ bɛɛ, < < Asiabi
amuvu besia fu amu féé ɔ́lɛbɛdɔ́nka mɔ́su. > > 4 Asun kugyikuá
bɔ́wanlɔ́n wa Bulu asun wanlɔ́nhe amutɔ́ tsu titutɔ́ a, bɔ́wanlɔ́n mú ání
ibósuna anɔ́ atɔ́, wa anɔ́ atɛtɔ́-ɔ́nlɔ́n, atomi lu kinkiinkin. Fówun
abénya klun kɔ́ ɔkpa ha atɔ́ amuvu anɔ́ ansɔ́ dɔ́n músu amu. 5 Bulu teha
aha butenya klun. Mutɔ́wa aha atɛtɔ́-ɔ́nlɔ́n. Nde mu kulɔ́ mɛɛ, ɔ́ha
amlɔ́bwe kule, fe alɔ́a Kristo Yesu losuna anɔ́. 6 Inɔ́ ɔbéha mli féé
mlópu ɔ́mɛ kule kanfu Bulu, ogyi anɔ́ Wie Yesu Kristo mu Sɔ́ amu ni.

Aha Ání Bomegyi Yudafɔ́ Asun Wanklaan Bla

7 Inɔ́ su mliɔ́ aba atuu, fe alɔ́a Kristo lɔ́hɔ́ mli, menɔ́ ɔ́bɔ́wa Bulu
numnyam. 8 Tsufe nde mli bla mɛɛ, Kristo labwe Yudafɔ́ osumpu,

mení ibósuna ání Bulu obégyi mu tó amúv òlèhíe amú anain amúv.

9 Kristo lèba, mení aha ání bumegyi Yudafo bétí Bulu ıdayile, nwe amúv olowun amú amú v. Fè alı́a Bulu asun wanlınhe amú ıleblı.

Asun amú gyi,

< < Anı Wie Bulu, ını v nńwa fu numnyam aha ání bumegyi
Yudafo ansıtó.

Nńwa ılv kanfu fu. > >

10 Bulu asun amú lètra blı òbèè,

< < Mlı aha ání mlımegyi Yudafo, mlıa Bulu aha mlınya
ansigyi! > >

11 Betra wanlın bèè,

< < Aha ání mlımegyi Yudafo fèé, mlıkanfu anı Wie Bulu.
Omá fèé abi, mlıkanfu mu. > >

12 Bulu ònòsv òtòıpv Yesaia é lèblı tswı òbèè,

< < Oha òkv òbélın tsu anı nain Yisai^v abi-anátó.

Mú obébegyi iwie aha ání bumegyi Yudafovú nı.

Músv bédınka ansı nı. > >

13 Buluá butekı òkpa ha ogyi. Nde mu kokoli mbèè, oha ıwı ilwii mlı, ansı igyi mlı amlıhó mu gyi. Mu Oņe Wankıhe oha mlı tumi, menı mu òkpakı mńòkpòn mlı.

Tńá Sua Paulo Lèlè ıwıtó Wanlın Ató Alı

14 Mı apio Akristofó, mı onuto nhıe nyin ání aha wanklaan mlıgyi.

Mlılabı asun tsòtsòtsò, młetalı tóı kpla aba. **15** Tame nawa klun nhıe nde mlı asun bla òwúlv anfitó pukain mlı. Tsufe Bulu lawa awıtóle pv agyuma anfi wa mı ıbıtó òbèè mbwe. **16** Múgyi, mba bóbwe Kristo Yesu osumbi aha ání bumegyi Yudafovó. Mú sv nde osum agyuma

^v**15:12** Yisai lókwu Owie Dawid ání ogyi Yesu Kristo mu nain.

anfi yɔ fɛ Bulu igyi ɔhapu. Nde aha amuu bumegyi Yudafo amu Bulu asun wanklaan amu bla, menɩ bɛmli igyi ahatɔ́a Ɔɣe Wankihe latin mú iwɩ, ilegɩ Bulu ansi. 17 Iníá mɩa Kristo Yesunyɔ anɩlabwe kule su a, mbu ɔkpa tsu iwɩ agyuma anfi ndeyɔ ha Bulu anfi su. 18 Tsufe mméetali blɩ asvansu tsia atɔ́a Kristo latsun mɩ asun blihe pú mɩ bwehesu bwe aha ání bumegyi Yudafoɔ, menɩ bóbu Bulu. 19 Ina ofula mɩ́a osuna amuu nɔ́bwe Bulu Ɔɣe amu tumito amusu netali da Kristo asun wanklaan amu féé ɔkan, tsu Yerusalem alu yedalɩ Iliriko ɔsulusu. 20 Tɔ́a idɩn mɩ klunsu bre féé, ndekleá nɔ́bwe gyi, nénatɩ da Bulu asun wanklaan amu ɔkan ntíneá bumɔkunya nu Kristo asun kɩ. Mmedekleá nótua ɔku gyumagyihesu. 21 Tsufe bɔwanlɩn wa Bulu asun amuto bee,

< < Aha ání bumɔkunu mu nka kɩ bówun mu.

Aha ání bumɔkunu mu asun kɩ ε bónu mú asi. > >

Paulo Roma Ɔpasua Yesina

22 Inɩ laha mmɔkunya ɔkpa ba mɩ wa botu nde nɩ. 23 Tame sei mú a, mɩ agyuma lamo ɔno nfi funsu. Nfi tsɔtsɔɔtsɔ nɩ ndekleá néba mɩ wa bekɩ mɩ. 24 Mú su nabwe agywun ání nɩ ndetsun nɔyɔ Spania a, nótson kɩ mɩ. Agyi ɔdwe kpalobi a, mlɩlasi mɩ ɔkpa nayɔ unu. 25 Sei a, nabwe agywun ání négyankpa yɔ Yerusalem, yɔbua Bulu aha ání bubu unu. 26 Tsufe Akristofɔ́a bubu Makedonia pú Akaia ɔsulusu bapu ɔdwe dunka atɔ budepusɩ Bulu aha ání bugyi ahianfo Yerusalem. 27 Ibu amú ɔdweá bó́bua ahianfo. Bawun ání ilehian ání bó́bua Yudafo ε ka ɩkɔ. Tsufe banya Ɔɣeto atɔ, nu nkpahɔ asun amu tsu amú wa. Mú su ilehian ání bó́dunka ɔyɩto atɔ ku ha amú ε. 28 Nɩ nɔpu kɔ́ba ání botswitswɩ ha mɩ féé wa amú ibito a, nóbotsun mɩ wa yɔ Spania. 29 Nyin ání nɩ neba a, nɔpu Kristo oyula kpɔ́nkpɔ́nkpɔ́ntɩ ba

mli.

30 Mí apio adwepu, ndepu aní Wie Yesu Kristo pú ɔdweá Bulu Ɔɣe laha mli, ha mli aba kokoli mli mbɛɛ, mlilu mí ɔma, amlibɔ mpai ha mí kinkiinkin. **31** Mlibɔ mpai mlíaa, Bulu ɔle mí tsu Yudafo amuv bumɔho mu gyi amv ibitɔ. Mlibɔ ha mí, mení Bulu aha ání bubu Yerusalem unv bóho atɔ amuv napu neya amó amv. **32** Fówun ní Bulu lotsula a, néba mli wa ansigyí kpɔnkpɔnkpɔntitɔ, bɛda ɔkpɔnv. **33** Buluá ɔteha iwilwii, otsia mli féé wa. Amen!

16

Proofread 08-06-09

Itsiaha

1 Nde opio tsihe Foibe le suna mli. Kenkrea wuluto ɔpasuato ahande ɔbuapu ogyi. **2** Mliho mu aní Wie Yesu idato alíá ɔlekana ání Bulu aha bóbwɛ, amlibua mu ɔkpagyíɔkpasu alíá odekle. Tsufe mu onuto alabua aha tsɔtsɔɔtsɔ, alabua mí ɛ.

3 Neha Priska mua mu klu Akwila féé tsia. Mía amúnɔyɔ letsia bwɛ aní Wie Kristo Yesu agyuma. **4** Bɔpu amó ɪwɪ ha ání bówu mí su kuraa. Nde amó ipan da wanklaan. Megyi mí nkule. Akristofá bumegyí Yudafo ɔpasua féé bude amó ipan da. **5** Neha ɔpasua amuv betsia fia amó woyitɔ amv ɛ féé tsia.

Neha mí ɔdwepu Epaineto tsia. Mulegyankpa ho Kristo Asia ɔmáto féé ní. **6** Neha Maria amuv olowun ipian mli su amv tsia. **7** Neha mí aba Yudafo Androniko mua Yunia tsia. Bawa mía amúnɔyɔ obu kí. Bugyi Kristo sumbi ayɔpuá obú bu amósu. Begyankpa ho Kristo asa nata bóho.

8 Neha mí pio ɔdwepu Kristotɔ Amplia tsia. **9** Neha aní Kristo

agyuma ɔyɔba Urbano mua mi nyawie klakla Staki tsia. **10** Neha Apele amuu alale suna wanklaan ání alapu mu iwɪ ha Kristo amu mua Aristobulo abusuanfo fée tsia. **11** Neha mi ba Yudayin Herodion tsia. Neha Narkiso abusuanfo ání bugyi Akristofɔ tsia.

12 Neha Trifaina mua Trifosa, bugyi atsi amuu bude Kristo agyumato kinkiinkin amu tsia. Neha mi ɔdwɛpu tsihe Persi, ɔde Kristo agyuma yɔ kinkiinkin amu ε tsia. **13** Neha Rufo mua mu yin amuu mi ε nteti mu mi yin amu tsia. Rufo gyi anɪ Wie agyuma ɔyɔpuá alaho ɪda agyuma amuto. **14** Neha Asinkrito, Flegon, Herme, Patroba, Herma pú apio Akristofɔ amuu bubu amú wa amu fée tsia. **15** Neha Filologo, Yulia pú Nereo mua mu pio tsihe pú Olimpa mua Bulu aha amuu bubu amú wa amu fée tsia.

16 Mɪlɪlata aba puta Bulu ɔdweto. Kristo ɔpasua amu fée bude mɪ tsia ha.

Tɔ́á Roma Ahogyipu Amu Bubwe

17 Apio, nokokoli mɪ, mɪkɪ wanklaan, menɪ mlétalɪ wun aha ání bubu mɪtɔ, bude mɪ dasaɪn. Alɪ aha amu buteha aha butedɪda hogyiɔ. Amú atosunahe tɛda mú amuu nosuna mɪ amu mɔ. Mɪkula iwɪ le amúsu. **18** Tsufe aha amu odu a, megyi anɪ Wie Yesu Kristo budesum. Amú ɔwɔlɪ lalahɛ budesum. Bapu amú ɔnɔwankɪ pú ahakanfo buna bude aha ání bumeyin ɔlala mɛ. **19** Tame mɪ mú a, ɔhagyiɔha lanu alɪá mɪlapu mɪ iwɪ ha Kristo. Mú su ɪbu mɪ ɔdwe, ansi de mɪ gyi wanklaan mɪ su. Tame ndekleá mɪtɪn ansi, amɪbɪ tɔ́á ɪbu ale. Mɪmáwa ɪbɪ lalaheto. **20** Bulu tɛha anɪ iwɪlwii. ɪmɔ́wa ɔpá a, ɔbétsa Satansu manta ɔsulu tantaantan, mɛ́lu musu.

Anɪ Wie Yesu Kristo ogyi mɪ buale, ɔlu mɪ ɔma.

21 Mɪ ba agyuma ɔyɔpu Timoteo de mɪ tsia ha. Alɪ mɪ aba Yudafo

Lukio mua Yason pú Sosipatro ε buɗe mli tsia ha nɪ.

22 Mɪ mli pio Okristoyin Tertioá nɔwanlɪn ɔwulu anfi ha Paulo, nde mli tsia ha.

23-24 Mɪ woyi mu wie Gaio amuv ɔpasua amuv butefia mu woyito amu de mli tsia ha. Erasto, ogyi wulu kɔbasu ɔkɪpu mua anɪ pio Kwarto ε beha mli tsia.^w

Paulo Bulu Kanfu

25 Mliha akanfu anɪ Bulu! Mu ɔbétali tsun Yesu Kristo asun amuv nablɪ amuvu ha mlélɪ kinkiinkin hogyiɔ. Olɔpu ɔnɔkwali anfi ɣain tsu ɔyi ɔpá. **26** Sei mú a, alatsun mu ɔnɔsu atɔɪpu amu atɔ wanlɪnhesu le mú ɔwan; fe alíá Buluá ɔbu ɪnu bre féé laha ɔmá-ɔmá babɪ mú, menɪ aha féé bóho mu gyi, bu mu.

27 Bulu nkule gyi Bulu. Mu nkule bu nyansa. Numnyam ání ɪlekana ɪtsun anɪ Wie Yesusu ɪtu mu bre féé. Amen!

^w**16:24** Múto ye 24 bu nwulu dada amu akuto: *Anɪ Wie Yesu Kristo ɔwa awitɔle ha mli féé. Amen!*

1CO - - NKO Paul's 1st Letter to the Corinthians in the Nkonya

Language of Ghana

1 Korintofɔ

Dwulɔ Gyankpapv́á Paulo Lɔwanlɔn Sɔsɔ Korintofɔ

1 Korintofɔ

1 Ko.

Dwulɔ Gyankpapv́á Paulo Lɔwanlɔn Sɔsɔ

Korintofɔ

1

Proofread 06-07-09

1 Mɔ Kristo Yesu sumbi ɔyɔpɔ Paulo ání Bulu letɔ mɔ apɛtɔ pú anɔ
pio Sostene de ɔwulɔ anfi wanlɔn.

2 Anɔde mú wanlɔn sɔsɔ Bulu ɔpasua ání ɔbu Korinto wulutɔ, Bulu
lale amú, bwe amú mɔ aha. Amúa Kristo Yesu babwe kule, fe anɔ Wie
Yesu Kristo asumpv́á bubu ɔyɔtɔ féé. Yesu Kristo gyi anɔ féé Owie.

3 Anɔ Sɔ Bulu mɔa anɔ Wie Yesu Kristo bugyi mɔ buale, abuha mɔ
iwilwii.

Anɔ Kristo ɔkulebwetɔ Oyula

4 Ntɛda Bulu ɔpan bregyibre, alɔ́a mɔa Kristo Yesu kulebwe su
alawa awtɔle ha mɔ. 5 Tsufe mú su mlɔlanya ɔwɔ togyitɔtɔ. Múa ɔdun
gyi mɔ tɔ pú mɔ asunbɔ féétɔ. 6 ɔlɔ lasuna ání asun amɔ anulebla
mɔ tsu Kristo ɔwɔ amɔ bu mútɔ. 7 ɔlɔ su ɔɛtɔ atokiehe kugyiku mede
mɔ hian, sei anfi mɔhɔe mɔde ekeá anɔ Wie Yesu Kristo obótsu ɔsusu
ba bele ɔwɔ ɔwan ɔkpa kɔ anfi. 8 Mɔ onuto ɔbówa mɔ ɔwunlɔn ɔɔfun

εκε amvu εβésanki ba begyi aní asun amv, mení asvansv méetsia mlí
íwí. **9** Onókwalıpv Bulu gyi. Muletí mlí εβεε, mlía mv Bı, ogyi aní
Wie Yesu Kristonyo mlíbεbwe kule.

Opasua Amvto Ukulemábwe

10 Apio, nɔpv aní Wie Yesu Kristo kokoli mlí ánı mlí fée mlíbwe
kule, mení mlíméedasaın. Mlíha mlí agywıun íbwe kule mlí asun blíhe
kugyıkutɔ. **11** Mı apio, tɔá svá nde asun anfi blí gyi, akvá botsu Kloe
abusuanto babla mı bée, asun bubv mlí nsıne. **12** Beblí bée, mlıtɔ aku
mlíaa, < <Paulo anıbuo.> > Abamba bée, < <Apolo anıbuo.> >
Aku ε bée, < <Petro, butetra tí mv Kefa anıbuo.> > Aku ε bée,
< <Kristo anıbuo.> > **13** Nfíte mlí, beye Kristotɔ? Paulo beda
manta oyikpalihe amısv ha mlí, nte mv ídatɔ bεbɔ mlí asu?

14 Neda Bulu ípan ánı Gaio mvıa Krispu ɔma a, mmetra bɔ mlıtɔ
ɔkukv asu. **15** Mú sv ɔhaa méetalı blí εβεε, mı ídatɔ nεbɔ mv asu.
16 Ke! Nakain, nεbɔ Stefana mvıa mv woyıtɔ aha ε asu. Amú ɔma a,
mméeekain ánı netra bɔ ɔhaa asu. **17** Kristo mɔwa mı aha asubɔ.
Mboun εβεε, mbeda asun wanklaan amv ɔkan. Megyi ɔnɔwankı pú
anyankpvsa agywıun nópıvblı mú, tsufe nı nɔpv mú blı mú a, tumı
kukıvıkv íméetra tsia Kristo oyikpalihe amvto.

Bulu Tumi Pú Mv Nyansa

18 Anı Wie Yesu oyikpalihesv lowu íwı asun amv igyi mimlala ha
aha ánı bıdehı. Tame igyi Bulu tumı ha anı aha ánı Bulu de nkpa ánı
ıtamata ha. **19** Tsufe bɔwanlıın wa Bulu asun amvto bée,
< <Néyinta anyansapı nyansa.

Mmóɔhɔ amú agywıun wanklaan kukv.> >

20 Nı igyi alı a, mumv ntɔ onyansapı gyi? Ntɔ Mose mbla osunapı
gyi? ɔyi anfıtɔ nwen agyipı me? ɔyıtɔ ansıtın me, imegyi mimlala

Bulu ansító?

21 Bulu lópu mu onuto nyansa bwe mú. Nyankpusa méetalí pu mu nyansa bí mu ekekeke. Mú su alapu aní mimla ọkan amuv anideda amu họ aha ání baho mu gyi nkpa. **22** Tsufe osuna ání itsu Bulu wa Yudafọ butekleá bọpubiá asun amu bu múto. Grikifo ẹ a, nyansa butekleá bọpubiá íbu múto. **23** Mú su ní ada ọkan aníaa, beda Kristo manta oyikpalihesu a, utokusú lu Yudafosu, igyi mimlala ọmá bambasufọ ẹ ansító. **24** Tame aha ání Bulu lalẹ, bugyi Yudafọ pọ Grikifo mú a, Kristo gyi Bulu tumi kpọnkpọnti pọ mu nyansa ha amú. **25** Tsufe Bulu mimlala igyi ansítinla dọn nyankpusa nyansa. Mu ipọn ẹ kuraa dọn nyankpusa ọwọnlun.

26 Apio, mlíkain alá mligyi breá Bulu leti mli. Aha butamabu mli ọduduo ání mlietun ansi. Mli ọduduo mliwegyi iwí anyapu, ọduduo ẹ bumotsu abusuan kpikplito. **27** Bulu lele aha ání buma nyansa ọyi anfito, mení ọbọpu amú supa atiansipu. Ọlele ọyi anfito apọnpu ẹ, mení ọbọpu amú wa awonlunpu pelito. **28** Ọlele aha ání obú ma amúsu pọ amúá buma labi kuku ọyi anfito, mení ọbọpu amú wa amúá obú bu amúsu pelito. **29** Ọlobwe mú fẹé alí, mení ọhaa móotsu iwí mu ansító. **30** Bulu su mlia Kristo Yesunyo mlilabwe kule, alapu Kristo bwe aní nyansa. Mlatsú aní ání aní asun da ọkpa mu ansító, alabwe aní mu aha. Alaho aní le lakpan nkpábito, ha anilagyi iwí. **31** Mú su fe alá Bulu asun amu lebli a, < < Ọhagyiọha ání ọbee, mótsu iwí a, ọpu tọá aní Wie labwe tsu iwí. > >

2

Proofread 06-07-09

Kristo Da Manta Oyikpalihesu

1 Mí apio, breá neba beda Bulu asun ñainhe amu òkan suna mli a, mmòpu òwanki nte nyansa kuku bebla mli Bulu asun amu. 2 Tsufe breá mbu mli wa a, nòbwe agywun ání nótò tsu Yesu Kristo pú mu oyikpalihesu lowu nkule iwi. 3 Breá neba a, mí awutò yoyòyò. Ifu de mí, ndekpunkí. 4 Megyi mí nyansa pú mí òwanki nòpuda asun amu òkan suna mli. Mboun Òñe Wankihe amu tumi leha asun amu òwanki mli. 5 Ìleba alí, mení mlénýa mli hogyi tsu Bulu tumitò, megyi nyankpusa nyansatò.

Bulu Nyansa

6 Tame ní nowie aha ání badan hogyi amutò wa a, ntòpu Bulu nyansa bla amú asun amu. Megyi nde òyikehetò nyansa, nte òyi anfitò isu agyipúá béba bòhulí amú tumi kle. 7 Nyansa anfi anide mú iwi asun blí anfi igyi nyansa ání Bulu lòpùñain asa òyi lebelun, ání òbòpúwa aní numnyam. 8 Òyi anfitò otumipu òkuku mèbí nyansa anfi. Ní bèbí mú a, tèkí bumèda aní Wie Onumnyampu amu manta oyikpalihesu. 9 Tame fè alíá bòwanlín wa Bulu asun amutò a,

< <Tóá ansibi mòkùwun kí, asu mòkùnu kí,
umòkuba nyankpusa agywuntò é kí a,
mú Bulu lala yai ha mu adwèpu ní. > >

10 Tame anilabí uní, tsufe alale mú suna aní tsun mu Òñe Wankihe amusu. Òñe amu tokwi togýtòtò kí, òtèlè Bulu asun ñainhéá íbu òtòtòtò kúraa suna aní. 11 Òhaa tamawun mu ba nwuntò, nketí mu onuto òñe. Alí kèn Bulu Òñe amu nkule towun Bulu nwuntò ní.

12 Aní mú a, Bulu lòpu mu Òñe wa anitò, megyi òyi anfitò òñe bu anitò. Mboun Òñeá itsu Bulu wa, mení abétalí nu itò amusu Bulu lapukie aní faan amu asi.

13 Mú su megyi aní onuto nyansa asun anide mli bla. Mboun asun

ání itsu Ɖɛ Wankɛ amu wa. Mú anɛpɛ Ɖɛto ɔnɔkwali asun asi ni. **14** Ɖha ání ɔma Ɖɛ Wankɛ méetali ho tɔ́a itsu Bulu Ɖɛ amu wa, tsufe igyi mimlala mu wa. Ɖha ání Ɖɛ Wankɛ bu mutɔ tonu asun ání Ɖɛ amu deblɛ asi. **15** Mutetali tete togyitɔto nu mú asi. Tame mu mú a, ɔhaa méetali tete mu asuntɔ, nu mu asi ekekeɛke. **16** Nkali ɪbɔ́bwe asa bétali nu mú asi? Igyi fe alíá Bulu asun wanlinhe amu lebli ɔbeɛ,

< < Ma ɔbétali bi anɪ Wie agywun?

Ma ɔbétali suna mu asun? > >

Tame Kristo agywun bu anitɔ. Mú su anɪ mú abétali bi mu agywun.

3

[Proofread 06-07-09](#)

Bulu Asumpu

1 Apio, breá neba mli wa a, mmetali tɔi mli ansitɔ fe aha ání Ɖɛ Wankɛ bu amúto. Nebɛla mli asun fe aha ání amú agywun idin ɔyi anfitɔ atɔsu, bumɔkudan Kristotɔ. **2** Nyɔpu-ntsu neha mli. Mmeha mli atogyihe onuto. Alɪ bre amutɔ a, mɪmɔkufun atogyihe onuto gyi. **3** Tsufe ɔyi anfitɔ tsiatɔ utra bu mlitɔ. Mɪɪde aba lu, mɪɪdetre. Nɪ mɪɪde unɪ bwe me, imosuna ání mli agywun tra dɪn ɔyi anfitɔ atɔsu, mɪgyi fe ɔmátɔfɔ? **4** Mlitɔ aku mɪɪaa, < < Paulo anɪbuo. > > Mlitɔ aku e mɪɪaa, < < Apolo anɪbuo. > > Mbɛɛ, unɪ medesuna ání mɪgyi fe ɔmátɔfɔ?

5 Mbɛɛ, ma gyi Apolo, nte ma gyi Paulo, su mɪɪdetre anɪ su? Bulu asumpu keke anɪgyi, mɪɪɪatsun anɪ ɪbitɔ mli mu ahogyipu. Anitɔ okugyiɔku legyi gyuma ání Bulu leha mu. **6** Mɪɪodu, Apolo lɔwuli mú ntsu, tame Bulu leha mú ɪɛdan. **7** Megyi odupu mɔ́a ntsu ɔwulipu

lobwe tɔtɔ. Bulu nkule tɔbwe, tsufe mutɛha mɔ utedan. **8** Odupu mɔa ntsu ɔwulipu fɛɛ bugyi keke Bulu ansitɔ. Ɔbɛka okugyiɔku ikɔ mu bwehe ɔnɔ. **9** Agyuma ayɔpu mia Apolo anigyɛ ha Bulu. Mligyi Bulu ndɔ, mligyi mu obu ɛ ni.

10 Bulu lɔwa awitɔle ha mi, bwe mi obu oyipu ɔtiansipu. Mɔ su nɔpu abwi wa obu amu ntswiasi, aha bamba betali budepwe dɔnka mɔsu ni. Tame ɔhagyioha ɔki wanklaan obu amu pwetɔ. **11** Tsufe ɔhaa mɛɛtali wa ntswiasi bamba dɔn mɔ amu ɔda yaɪ, igyi Yesu Kristo amu. **12** Ni ɔku ɔpu sika pepe o, sika fututu o, abwiá ɪbu bia o, nyi o, afita nte ipi yi dɔnka ntswiasi amusu a, **13** ɔbi ání kugyiku ɪbɛlin ɔwan eke amu Bulu obɛgyi ani asun amu. Ogya ɔbɔpusɔ mɔ ki bɛɛ, ɔlobwe mɔ wanklaan. **14** Ni ogya amu mɔhɔ obu amu yinta a, Bulu ɔbɛda mu ipan. **15** Tame ni obu amu ɪlɔhɔ a, ɔbɛhie huli atɔ. Bulu ɔbɔhɔ mu nkpa, tame obɔfuflu fe ɔha ání alasɪ dalɪ ogya plenplentɔ.

16 Mlumeyin ání Bulu ɔtswekpa mligyi, Bulu Ɔɛ amu tsie mlitɔ? **17** Ɔhagyioha ání oleyinta mu ɔtswekpa a, Bulu ɛ obɛyinta mu, tsufe Bulu ɔtswekpa lɔwankɪ. Mu ɔtswekpa amu gyi mli a.

18 Ɔhaa mámle mu ɪwɪ! Ni mlitɔ ɔku de mu ɪwɪ ti ɔtiansipu nde ɔyi anfitɔ a, ilehian ání ɔbɔbwe mu ɪwɪ ɔha mimlahe, menɪ ɔbɔbwe ɔtiansipu onuto. **19** Tsufe ɔyi anfitɔ ansitin igyi mimlala Bulu ansitɔ. Fe alɪá bɔwanlin wa Bulu asun wanlinhe amutɔ bɛɛ, < < Ɔtiansipu agywun lalahe Bulu tɔpukita mu. > > **20** Bulu asun wanlinhe amu letra bli ɔbɛɛ, < < Bulu yin ání ɔtiansipu agywun itepi ma labi. > > **21** ɪni su ɔhaa mápɔ ansi dɔnka ɔhaasu tsu ɪwɪ. Mlibu togyitɔ. **22** Paulo o, Apolo o, Petro o, ɔyi anfi o, nkpa nte lowu o, nde o, ɔke o, mlibu mɔ fɛɛ. **23** Kristo bu mli, Kristo ɛ gyi Bulu kle.

Kristo Sumbi Ayɔpu

1 Iní sɔ ɔhagyioha otsu múá Kristo asumbi kɛkɛ mia Apolo anɔgyi, Bulu lapu mu asun ɲainhe amu agyuma wa anɔ ibito. **2** Tɔ́á ihɛ dehian gyi, ɔha ání bapu agyuma wa mu ibito obégyi ɔnɔkwali. **3** Mí mú a, ní mlito aku nte aha bamba buɔɔ mí pɔn ha kuraa a, imegyi tɔ́tɔ mí ansito. Mí onuto o mmɔkuha iwi pɔn nte asu. **4** Nyin mí klunto, tame imosuna ání mí asun da ɔkpa. Anɔ Wie Yesu gyi mí asun ogyipu. **5** Iní sɔ mlimákɔsi le mí aba ɔ́la, kpɛfun anɔ Wie ɔ́bake amu. Mu ɔ́bɔ́wankɔ wulɔ oklunto atɔ́sɔ, le anɔ agywun ɔ́wan, asa Bulu ɔ́bɛ́kanfu ɔhagyioha alɔ́a ilehian ní.

6 Mí apio, mí sɔ ndɛpu mia Apolo tsiato suna mí atɔ́, menɔ mlónu mú amuu aha butɛbli bɛɛ, < <Mlimányankɔ tɔ́a bɔ́wanlun tswisɔ > > amu asɔ. Fówun mlimóowun ɔ́haa tsu iwi. **7** Ma lebla fu ɔ́bɛɛ, fudun ɔ́ku? Ntɔ́ fubúá imegyi Bulu leha fu? Ní Bulu leha fu togyito a, ntogyi sɔ́ fudɛ iwi tsu fɛ megyi ha beha fu?

8 Mlɔ́ɔ́kɔ́a mlɔ́lamwɛ! Mlɔ́lanya iwi! Mlɔ́lawuna mlɔ́ɔ́ɛ iwie gyi. Mí sɔ́ mú a, tɛkɔ́ mlɔ́ɔ́ɛ iwie amu gyi lele, menɔ anɔa mlɔ́nyɔ́ abégyi iwie amu. **9** Iɔ́ɔ́ɛ mí bwe fɛ Bulu laha anɔ sumbi ayɔpu anɔ anɔlabwe ɔ́ma agyapu fɛ ndoun bakpa bɔ́yɔ́mɔ́. Tsufɛ anɔlamli atɔ́ kɔ́hɛ ha ɔ́yito féé, Bulu-abɔ́pu múa anyankpɔ́sa féé. **10** Kristo sɔ́ anɔlabwe aha mimlahe, mí mú mlɔ́latɔ́n ansɔ́. Anɔgyi apɔ́npɔ́, mí mú mlɔ́bu ɔ́wunlɔ́n. Aha buɔɔ mí bu, anɔ́ mú ɔ́haa tamabu anɔ́. Megyi alɔ́ mlɔ́ɔ́ɛ anɔ́ kɔ́ ní? Nte megyi alɔ́? **11** Bɔ́fun sei a, akun múa ɔ́mɛwulɔ́ ɔ́ɛ anɔ́, atatidatɔ́ anɔ́da. Buɔɔ anɔ́ atswɛ fulɔ́, anɔ́má ɔ́ɔ́kpa. **12** Anɔ́tɛyɔ́rɔ́ iwi pu anɔ́ ibi yɔ́ agyuma punya anɔ́ atohianhe. Ní bɔ́lwu anɔ́ a, anɔ́toyula amú. Ní

budin anisu e a, anitotomi. **13** Nɪ beblɪ anɪ ɪwɪ asun lalahe a, anitɔpu
ɔdwe le mʊ ɔnɔ. Bɔfun sei a, anɪlabwe wuna, bude ipi putsitsa anisu
ɔyi anfitɔ.

14 Mmede ɪnɪ wanɪn pusupa mɪ, mboun ndeputɔi kpla mɪ fe mɪ
abi adwepu. **15** Tsufe nɪ aha mpɪm-du (10,000) losuna mɪ Kristo ɪwɪ
asun kuraa a, ɔbakule pe abi mɪgyi ɔɲetɔ. Nɔbwe mɪ sɪ Kristo Yesutɔ
breá neda asun wanklaan amu ɔkan suna mɪ. **16** Mʊ su nde mɪ
kokoli, mɪkasi mɪ tsiatɔ. **17** ɪnɪ su nde Timoteo wa sɪsɪ mɪ. Mɪ bi nɪ,
ntɔdwe mu. ɔbu ɔnɔkwali Kristotɔ. Mu ɔbéba bekain mɪ tsiatɔ oduá
nɔpu mbuo Kristo, ndepusuna ɔpasua kugyikuá ɪbu ɔtɪnɛgyiɔtɪne nɪ.

18 Mɪtɔ aku bude ɪwɪ tsu. Buki bee, fiali mméetra ba mɪ wa
ekekeke. **19** Tame nɪ anɪ Wie Yesu lotsula a, ɪmɔ́wa ɔpá kuku néba
mɪ wa beki bee, asun keke ɪwɪ atsupu anfi budebli loo, nte lele bubu
Bulu tumi. **20** Tsufe megyi asun blihe keke Bulu iwiegyi amu igyi,
mboun Bulu tumi. **21** Nɪ néba mɪ wa a, ntɔ mpuɔba? Mpu mɪli ba
loo, nte ɔdwe mʊa ɪklun lwiihe?

5

Proofread 06-07-09

Mbuatɔ ɪwɪ Asun

1 Bahɛ bebla mɪ bee, mɪtɔ aku bude atsi mʊa ayin asun wa.
ɔmátɔfɔ kuraa bumede mʊ odu bwe. Mɪtɔ ɔku mʊ kuraa laswu mu sɪ
mu ka, **2** ɪbu mɪ ansigyi! ɪma mɪ awɪrehɔ. Peli mede mɪ, menɪ
mlégya ɔha anfi odu le mɪ ɔpasuatɔ. **3** ɪniá mɪmede mɪ wun o a,
mbu mɪtɔ ɔɲetɔ. Naha ɔha anfi ɔbu tsiatɔ anfi odu ɪpɔn dodoodo, fe
mbu ɪnu. **4** Mɪtɔ ɔpasua amu fia anɪ Wie Yesu Kristo ɪdatɔ. Nétsia
mɪtɔ ɔɲetɔ, anɪ Wie Yesu Kristo tumi e ɪbétsia mɪtɔ. **5** ɪnu a, mɪpu

mu wa Obunsam ibito, oyinta mu oyulu, mení Bulu obóho mu okla nkpa aní Wie Yesu obake amu.

6 Kpaali mlide iwi tsu. Mlímeyin ání bodobodotu-afa kpalobi taha bodobodo amu féé itotu? **7** Iní su mlile lalahe obwepu anfi mlito, mení mli iwi bétin fe bodobodoá bumowa afa múto, tsufe alí mlihe mligyi ní. Megyi bodobodoá bumowa afa múto, imotu butopugyi Katsun Nke? Bamó aní Israelfosu Katsun Nketo Okufabi, ogyi Kristo amu, le aní nwunsu mbusuo ha aní dododo. **8** Mú su mliha apu bodobodoá imotu, igyi iwtin múa onkwaliwa gyi Katsun Nke amu. Mlímáha apu bodobodoá ulatu, igyi tsiato lalahe múa lakpan gyi mú.

9 Nowanlin wa owulu kwá nopusisi mlito mbee, mlímápu mbua atapu gyi mba. **10** Megyi oyito mbua atapu, onsipe awapu, awikplu nte ikpi atwepu iwi asun nebli. Mumu teki mlédali oyi anfito asa mlímówa amú mba ní. **11** Tóá nowanlin sisi mli gyi, mlímápu cha ání obee Okristoyin mugyi, tame ototo mbua nte obu onsipe, ototswe ikpi, otesia mu aba, otobu nta nte otowi ato gyi mba. Mlia cha amu nyo mlímáwa ibi gyi ato kuraa.

12 Nto su négyi aha ání buma opasua amuto asun? Megyi aha ání bubu múto, bude lakpan anfi odu bwe mboun asun lehian ání mlégyi? **13** Bulu obégyi aha amuu buma opasua amuto amu mú asun. Tame bowanlin wa Bulu asun wanlinhe amuto bee, < < Mli mú mligya lalahe obwepu le mlito. > >

6

Proofread 06-07-09

Bulu Aha Wulewule Nsine Asungyi

1 Ní mlito oku mua mu ba Okristoyin benya a, ntogyi su mlitowa

klun puya ɔmátɔfɔ asun ogyikpa, mlitamapu ya Bulu aha abubli mú?

2 Mlumeyin ání Bulu aha obégyi ɔyɛtɔ aha féé asun? Ní mli obégyi ɔyɛtɔ aha asun a, mú ntogyi su mliméetalí gyi mli wulewule nsine asun? **3** Nte mlumeyin ání aní obégyi Bulu-abɔpu ɛ asun? Ntogyi su anuméetalí gyi ekekegyieke asun mú? **4** Ní asun ɔda mli nsine a, ntogyi su mliɔpuya ɔmátɔfɔ asun agyipɔ amuv mli ɔpasuafo butamabu amu? **5** Nde asun anfi wanlín sísí pusupa mli. Mú su ɔtiansipɔ ɔkule kuraa má mli ɔpasuatɔá ɔbétalí gyi mu aba nsine asun? **6** Ntogyi su ohogyipɔ ɔbésama mu ba, múá ɔdun kuraa pu mu yelɔ ɔmátɔfɔ ansɛtɔ?

7 Alí amuv asun ɛbu mli Akristofɔ wulewule nsine amu kuraa ilosuna ání mliɔlagyi pɔn dodo. Ntogyi su mli ba ɔpu ɔla gyi mli, nte osisi mli mliméesikie? **8** Mli mboun latsun gyankpa mliɔde mli aba sisi, mliɔde lalahe pugyi mli aba? **9** Nte mlumeyin ání aha lalahe bumóowie Bulu iwiegyi amutɔ? Mlimámle mli ɛwɛ. Aha ání butɔwa atsi muv ayin asun, ɛkpi atswepɔ, mbua atɔpu, ayin ání butekle amú aba ayin, **10** awikplu, ɔnsɛpe awapu, nta abupɔ, aha asiapu pú aha asisipɔ buméenya ogyikpa Bulu iwiegyi amutɔ. **11** Teki bre amu a, alí mliɔ akv mliɔgyi ní. Tame Bulu labie mli ntsu, alabwe mli mu aha. Alatsun mu ɔɛ amu pú aní Wie Yesu Kristosv tsu mliá mli asun da ɔkpa mu ansɛtɔ.

Mli ɔyɛlɔ Pɔwa Bulu Numnyam

12 Mliɔ ɔkv ɔbétalí bli ɔbɛɛ, < < Mbu ɔkpa bwe totogyitɔ. > > Ee! Tame nde mli bla mbɛɛ, < < Megyi mú féé ɔbɔwa labi. > > ɔkv ɛ ɔbébli ɔbɛɛ, < < Mbu ɔkpa bwe totogyitɔ, tame mméeha tɔtɔ méegyí mɛsu. > > **13** ɛbu mútɔá ɔkv ɔbétalí bli ɔbɛɛ, < < Atogyihe bu unv ha ipu, ipu ɛ bu unv ha atogyihe. > > Ee! Tame mú féé ɛbéhí ɛkɛkv. Bulu

mɔ́bwe nyankpusa ha atsi mɔ́a ayin asun wa. Mboun aní Wie bu aní
ɔ́yulu, aní ɔ́yulu é bu aní Wie. 14 Bulu lɔ́kusua aní Wie Yesu tsu
afulitɔ́. Ɔ́bɔ́pu mu tumi amu kusua aní é.

15 Nte mlumeyin mlíaa, mli ɔ́yulu igyi Kristo nyankpusa-oyi amu
íwí atɔ́? Mú nkali su mpɔ́ Kristo ɔ́yulu yeda obu-ɔ́no otsiapu ɔ́yulu?
Itsun misu! 16 Nte mlumeyin mlíaa, ní ɔ́ku ɔ́pu íbí da obu-ɔ́no otsiapu
a, mua munyɔ́ ɔ́yulu labwe kule? Tsufe Bulu asun wanlínhe amu lɛbli
ɔ́bɛɛ, < <Oyin amu mua ɔ́tsí amu babwe ɔ́yulu kule.> > 17 Tame ní
ɔ́ku mua Kristo bɔ́bwe kule a, mua munyɔ́ babwe íkule ɔ́ɛtɔ́ é.

18 Mlímáplei atsi nte ayintɔ́. Lakpan kugyikuá ɔ́ha tɔ́bwe tamakusu
lu mu ɔ́yulusu. Tame ní ɔ́ku ɔ́wa atsi mɔ́a ayin asun mú a, alabwe
lakpan ání ilɔ́kusɔ́ lu mu onuto ɔ́yulusu. 19 Nte mlumeyin mlíaa, mli
ɔ́yulu gyi Ɔ́ɛ Wankíhe amu ɔ́tswekpa obu? Bulu lɔ́pu mu ha mli,
otsie mlítɔ́. Mú su megyi mlibu mli íwí. 20 Íbia kpekplekpe Bulu lɔ́ho
mli. Mú su mliɔ́pu mli ɔ́yulu wa mu numnyam.

7

Proofread 06-07-09

Aklu Mɔ́a Aka, Akpanku Pó Asurapu Atosunahe

1 Nayo asun fitehe amuu mlílwanlín sisi mí amutɔ́ kí a,
Ee! Ibu aláá oyin mɔ́ɔ́pu íbí da ɔ́tsí. 2 Tame mbuatɔ́ ladubi. Mú su
oyingyiinyin onya mu onuto ɔ́ka, ɔ́tsígyiɔ́tsí é onya mu onuto oklu.
3 Ílehian ání oklu obégyi ɔ́katsia mbla féésu ha mu ka, ɔ́ka é ɔ́bɔ́bwe
mú alí ha mu klu. 4 Megyi ɔ́tsí bu mu íwí, mu klu bu mu. Alí megyi
oyin é bu mu íwí, mu ka bu mu ní. 5 Mú su mlímákina aba ɔ́dikpa
ha, nketí mli abanyɔ́ amu mlílatsula ání mlétsia nke kpalobi, mení
mlétsia bɔ́ mpai, asa mlélayɔ́ aba wa. Mlílawun aba mú ɔ́ma, mení

Ɔbunsam méétali sɔ mli kɪ, nɪ mlimetalɪ kɪta ɪwɪ.

6 Ɔkpa ɪda ání mlóbwe mú alɪ, tamɛ megyi ɔhɛ igyi. **7** Mɪ nkule su mú a, tɛkɪ mlétsia kpankɪ fɛ mɪ, tamɛ ɔhagyioha bu múá Bulu lɔpukie mu. Ɔmɔbwe anɪ fée keke. Ɔhagyioha mua mu kle.

8 Sei ndɛ akpankɪ mua asurapɪ bla mbɛɛ, nɪ bótsula tsia mɪ atsiabi a, tɛkɪ ɪbu alɛ. **9** Tamɛ nɪ mliméetalɪ kɪta ɪwɪ nte gyi mli ɪwisu mú a, mlɪtsia aklu múa aka, dɔn ání mlénatɪ da tsun.

10 Tamɛ aklu múa aka awie mú a, mbla kɪ bu ɪnɔ́a megyi mɪ, mboun anɪ Wie Yesu lɔwa ha amó. Ɔbɛɛ, ɔka mákina mu klu.

11 Tamɛ nɪ ɔmain mu klusu a, ɔkɪta ɪwɪ nte oyinki yɔ mu klu wa. Oklu ɛ mákina mu ka.

12 Mli aha trahe mú a, mɪ onuto dɛ mli ɪnɪ bla. Megyi anɪ Wie Yesu dɛ mú bli. Nɪ ohogyipɪ yinhɛ tsia ɔtsiá omegyi ohogyipɪ, tamɛ ɔtsɪ amɪ latsula ání mua munyɔ bétsia a, ɔmákina mu. **13** Nɪ ohogyipɪ tsihɛ ɛ tsia oyin ání omegyi ohogyipɪ, tamɛ alatsula ání mua munyɔ bétsia a, mu ɛ ɔmákina mu. **14** Tsufe ohogyipɪ tsihɛ amɪ su Bulu ɔbóhɔ mu klu. Alɪ ken ohogyipɪ yinhɛ amɪ su Bulu ɔbóhɔ mu ka ɛ nɪ. Nɪ megyi alɪ a, Bulu móotsu amó abi ání amó asun da ɔkpa mu ansɪɔ. Tamɛ ɪnɪ su Bulu latsu amóá amó asun da ɔkpa mu ansɪɔ.

15 Tamɛ nɪ oklu nte ɔka ání omegyi ohogyipɪ dekleá obékina mu tsiaba ohogyipɪ a, ohogyipɪ amɪ osi mu ɔnatɪ. Mbla kuku meklɪ mu, tsufe Bulu letɪ anɪ ɔbɛɛ, abétsia iwilwiitɔ. **16** Ohogyipɪ tsihɛ, fuyin nɪ fu ɔbóhɔ fu klu nkpa? Nte ohogyipɪ yinhɛ, fuyin nɪ fu ɔbóhɔ fu ka nkpa?

Tsia Alɪá Fɔgyi

17 Mú su ɔhagyioha ɔpu tɔ́a anɪ Wie Yesu leha mu asa Bulu letɪ mu tsia. Múgyi tɔ́a ntebla ɔpasua kugyiku nɪ. **18** Nɪ ɔkɪ letɪn kete asa

Bulu leti mu a, omálayinki yɔbwe mú ɪwɪ tɔtɔtɔ. Nɪ ɔku ε metɪn kete
asa Bulu leti mu ε a, omáyɛtɪn. **19** Ketetɪn nte ketemátɪn megyi tɔtɔ.
Bulu mbla amusu gyi mboun gyi asun. **20** Ohagyiɔha otsia alíá ogyi
asa Bulu leti mu. **21** Okpábi fugyi asa Bulu leti fu? Imáhan fu. Tame
nɪ ɔkpa ɪba ání fégyi ɪwɪ a, kusu músu. **22** Tsufe nɪ ɔkpábi fugyi asa
anɪ Wie leti fu a, alaha fagyi ɪwɪ. Alɪ ken ɔha ání otsie mu ɪwɪsu asa
anɪ Wie leti mu ε gyi ɔkpábi sei ha Kristo nɪ. **23** Bulu lɔhɔ mli ibia
kpekplekpe. Inɪ su mɪumábwe mli ɪwɪ nkpábi ha anyankpusa. **24** Mɪ
apio, alíagyialíá ohagyiɔha gyi asa Bulu leti mu a, ɔpu mú alɪ tsia.

Mbitebi Múa Asurapu

25 Mli mbitebiá mɪuməkutsia aklu kɪ mú a, mma mbla kukvá itsu
anɪ Wie wa ha mli. Tame anɪ Wie mua mu nwewun, alaha mɪ nyansa
ání mlétalɪ hɔ mɪ gyi. **26** Asun ání nde ha mli gyi, ɔyɪtɔ lawa ɔnlun
sei. Mú su nahogyiá ɪbu aléá ohagyiɔha obétsia alíá otsie yaɪ. **27** Nɪ
fubu ɔka a, mákina mu. Nɪ kpanku fugyi ε a, mátepi tsia. **28** Tame nɪ
fetsia ɔka a, fuməkubwe lakpan. Nɪ obitebiá ɔməkutsia oklu kɪ ε otsia
a, ɔməkubwe lakpan. Asun wunheá ɪbéba tekɪ ndetsu kusu aklu múa
akasu. Mú su nde ɪnɪ bli.

29 Mɪ apio, múa ndeblɪ gyi, bre itinbi ɪlasi. Inɪ su tsu sei a, ɔha ání
ɔbu ɔka ɔbwe fe ɔha ání ɔma. **30** Osɪn igyi o, ɔdwe igyi o, ɪwɪnya igyi
o, ɔbwe ɪwɪ fe asuansu medɪn musu. **31** Aha ání bude ɔyi anfɪtɔ atɔ
pubwe tɔku bumápu amú ansɪ féé dɪnka músu. Tsufe ɔyi anfɪ pú mútɔ
atɔ féé béba bɔtsun.

32 Mmedekleá asun than mli. ɔha ání ɔma ɔka tɔpu mu ansɪ dɪnka
anɪ Wie agyumasu, menɪ obégyi mu ansɪ. **33** Tame ɔka mu wie mú
tɔpu ansɪ dɪnka ɔyɪtɔ atɔsu, menɪ obégyi mu ka ansɪ. **34** Mú su mu
agywun tɔbwe anyɔ. Alɪ ken ɔtsɪ kpanku ε tesi mu ɪwɪ ha anɪ Wie,

ɔyulu mɔ́a ɔɲeto fée, menɪ obégyi Bulu anɪ nɪ. Tame oklu mu wie mú
tɔpu mu anɪ dɪnka ɔyɪtɔ atɔsu, menɪ obégyi mu klu anɪ.

35 Mlɪ yile su nde asun anfi blɪ. Mmede mlɪ itin ka. Mboun ndekleá
mlɪbwe tɔ́a ɪda ɔkpa, amlɪsi mlɪ ɪwɪ fée ha anɪ Wie Yesu.

36 Nɪ oyin ɔfite ɔtsɪsu, owun ání ɔméetalɪ kɪta ɪwɪ, ɔtsɪ amv ε dekle
ɔdan tsun a, ɔyekpain mu. Megyi lakpan igyi. **37** Tame nɪ ɔlabwe
agywun ání oméetsia mu, ɔbétalɪ kɪta ɪwɪ tsia kpanku a, ɔbu ɔkpa
bwe tɔ́a odekle. Nɪ ɔbétalɪ kɪta ɪwɪ a, mumu ɔkɪta ɪwɪ. ɪbu ale dɪn.

38 ɪbu aleá obétsia ɔka. Tame nɪ ometepi tsia a, ɪbu ale dɪn.

39 Mbla lekɪ ɔtsɪ, ání oméekina mu klu yɔfun mu owuke. Tame nɪ
oyin amv owu a, ɔbu ɔkpa tsia oyin ání odekle. Tame ilehian ání ɔha
amv ɔbɔ́bwe Okristoyin. **40** Mɪ nkule su mú a, nɪ otsie kpanku a, anɪ
bégyi mu dɪn. Nyin ání Bulu ɔɲe amv ɪbu mɪtɔ amv su natalɪ nde
mlɪ asun anfi bla.

8

Proofread 06-07-09

ɔkputɔ Atogyihe

1 Mlɪha ablɪ ɔkputɔ-atɔ gyi ɪwɪ asun amv mlɪɔwanɪn sɪsɪ mɪ amv.
Mlɪdeblɪ mlɪaa, < <Anɪ fée anɪyin asun.> > ɪbu mútɔ, tame mlɪbíá
asunbɪ tɛha ɔha totsɪ ɪwɪ, ɔdwe ε ɪtɛha ɔha tɛdan. **2** Nɪ ɔku ɔbɛɛ,
muyin asun dubɪ a, ɔmɔkunya bɪ tɔ́a idehian. **3** ɔha ání ɔtɔdwe Bulu
a, Bulu ε yin mu.

4 Mú su nkali anɪdeblɪ tsu ɔkputɔ atɔ gyi ɪwɪ? Anɪ fée anɪyin ání
ɔkpi megyi tɔtɔtɔ. Anɪyin ání Bulu ɔkule pe ε bu ɪnv, ɔkuku tra ɔma
ɔtɪnetɪne. **5** ɪnɪá ɪkpi mɔ́a tumi tsɔtsɔtsɔ bubu ɔsu mɔ́a asɪ o a, **6** anɪ
mú anɪyin ání Bulu ɔkule pe bu ɪnv. Mgyi anɪ Sɪ, ɔsu mɔ́a asɪ

Ɔbwepu. Mu anitsie nkpa ha. Aní Wie ɔkule pe e bu unu. Mogyi Yesu Kristo. Musu Bulu lotsun bwe togyito. Mu ken su anitsie nkpa ni.

7 Tame megyi Akristofɔ fée yin alí asun anfi. lkpisum lamanta amó dodo. Iní su ní begyi ɔkpito-atɔ a, buɔe mú tsuá basum ɔkpí amu ní. Mú su ifin lada amó, tsufe bumɔkudan hogyiɔ. **8** Megyi tɔá anitegyi su ania Bulunyo nsune bówa ale. Nto anilegyi o, nto animegyi o, tɔto meyinta aní iwí.

9 Tame mlíkí wanklaan ání ɔkpa anfi mlíbu gyi ɔkpito-atɔ anfi iméeha ɔha ání ɔmɔkudan hogyiɔ ɔméedída. **10** Ní ɔha ání ɔmɔkudan hogyiɔ owun fu anfi fée fuyin asun, fude atɔ gyi ɔkpito a, íbu ale? Mumu ye fude mu ateto-onlun wa fée, ogyi ɔkpito atɔ anfi mu onuto oyin ání uma ale anfi ní o. **11** Mumu fapu fu asunbí mle fu pio wa. Faha fu pio anfi ɔmɔkudan hogyiɔ, Kristo lowu ha mu anfi lafwí. **12** Ní fɔpu íla gyi fu pio Okristoyin ání ɔmɔkudan hogyiɔ, fɛha mu ɔbwe tɔá oyin ání uma ale a, Kristo fapu íla gyi a. **13** Mú su ní tɔá négyi íbéha mí pio Okristoyin ɔbɔbwe lakpan a, mméetepi tra gyi iye ekekeke, mení iméeha mu ɔdída.

9

Proofread 06-07-09

Sumbi Ɔyɔpu Tumi Pú Mu Gyumagyihe

1 Mlíkí mlíaa, mmetsie mí iwísu? Nte megyi sumbi ɔyɔpu ngyi? Mmɔkɔwun aní Wie Yesu kí? Megyi mí gyumagyihe su mlílamlí aní Wie kle nde? **2** Ní mmegyi sumbi ɔyɔpu ha aku a, mlí mú mlíyin ání sumbi ɔyɔpu ngyi. Tsufe uníá mlígyi Akristofɔ a, ilegyi adansie ání aní Wie sumbi ɔyɔpu ngyi.

3 Iní gyi tɔá ntɔpule mí iwí ɔno suna aha ání butele mí íla ní. **4** Mía

Barnaba mú animágyi atɔ, nun ntsu? **5** Animá ɔkpa tsia ohogyipu, kpa mu buo iwi, fe sumbi ayɔpu atrahe amu pú anɪ Wie apio múa Petro aná? **6** Nte mia Barnabanyɔ mú ayɔ agyuma kɪ anɪ iwɪsu? **7** Ilsa ɔkɔpu onuto teka iwi ɪkɔ? Ekekeeeke! ɔɔɔɔpu ɔmɔmu tamagyi mu ndɔɔ-ato? Mbwi ɔyaipu ɔmɔmu tamagyi mu ɔbwi yahe?

8 Anyankpusa agywun ndɛpubli unɪ? Ye Mose Mbla o ɪlebli alɪ a? **9** Tsufe ɔɔwanlun wa Mose Mbla amuto beɛ, < < Butamawa ɔnantswieá ɔɔɛ ayo da ɔɔɔ ɪkan. > >^x Fahogyi feɛ, nnantswie iwi de Bulu hian su ɔlebli asun anfi? **10** Megyi anɪ su ɔɔɛ asun anfi bli? Anɪ su ɔɔɛ mú bli a. ɔɔwanlun wa Bulu asun amuto beɛ, < < lɪle ɔwɔpu mua atɔ ɔkpɔɔɔpu féé bugyo tɔá bénya tsu agyuma amuu bayɔ amuto. > > **11** Nɪ anɪlabla mɪ asun wanklaan amu, igyi ɔɔɛto abíá anɪladu wa mɪto a, anɪ mú animá ɔkpa nya anɪ ɔyɪto atohianhe tsu mɪ wa? **12** Nɪ aku bubu ɔkpa nya atɔ tsu mɪ wa a, animá ɔkpa dun amó?

Tame anumotsu kuku le unɪto. Anɪlapu klunɔ pisii hɔ togyito, menɪ anumɔɔpu tɔtɔɔto tin Kristo asun wanklaan amu ɔkpa. **13** Mɪmeyin mɪhaa, Bulu ɔtswekpa unu agyuma ayɔpu ε bubu ogyikpa unu? Nte mɪmeyin ání afɔɔɔɔɔ-ɪswɪ amu asɪ asumpu butegyi mú asɪ atɔ? **14** Alɪ ken anɪ Wie lehíéá mu asun wanklaan amu ɔkan adapu ε bugyi atɔ tsu aha ání buɔɔ labi nya tsu asun amuto wa nɪ.

15 Tame mɪ mú mmɔkupu alɪ ɔkpa anfi mbu anfi nya tɔtɔ tsu mɪ wa. Megyi beɛ, ndekleá néfi mú asɪ, su nde asun anfi wanlun sɪsɪ mɪ. lbu mɪ aleá nówu, dun ání nóhulɪ ɪto anfi nóputsu iwi anfi. **16** Tame nɪ nde asun wanklaan amu ɔkan da a, imegyi tɔá nóputsu iwi. Tsufe

^x**9:9** Deut. 25:4. Kɪ atɔ taanheá bu ifun XXX, (1 Ti. 5:18). Mú asɪ gyi, < < Butamale ɔkwen pu ɪbɪ tsitsi ɔsuluto. > >

ɔhie igyi ha mi. Bulu ɔbébiti mi isu ni mmeda mú ɔkan. **17** Ni mi onuto lebli mbee nóbwe mú a, teki Bulu ɔbéda mi ipan. Tame megyi mi onuto apeto nde mú bwe. ɔkpábi ngyi, Bulu lobu mi ɔɔkwali pu pú agyuma anfi wa mi ibito. **18** Ikaka momu nénya tsu múto ngya? Múgyi néda asun wanklaan amu ɔkan, buméeka mi toto. Teki mbu ɔkpa pukle toku ha mi iwi, tame mmóɔbwe mú alí.

19 Ntsie mi iwisu. Mma ɔhaa asi, tame nabwe iwi ɔkpábi ha ɔhagyiɔha, mení nékpa aha tsotsɔtsɔ ba Kristo. **20** Ntɔbwe iwi fe Yudayin ni mbu Yudafo to, mení nétali nya Yudafo amu. Mma Mose mbla asi, tame ntɔbwe iwi fe aha ání bubu mú asi, mení nétali nya amúto aku. **21** Alí ken ni mia ɔmátɔfoá buma Mose mbla asi anina a, ntɔbwe iwi fe amú, mení nétali kpa amú ba Kristo ni. Iní medesuna ání mma Bulu mbla amu asi, tsufe ntobu Kristo mbla amu.

22 Ntɔbwe iwi fe aha ání amú hogyi ɔno ma ɔnlun, mení nétali ha amú bédan Kristoto. Ntedamli iwi ɔkpa ɔtsan-ɔtsansu ha aha féé, mení nétali kpa amúto aku ba Kristo.

23 Asun wanklaan amu su ntɔbwe iní féé, mení mi é nénya ogyikpa múto. **24** Mlikain ání ni aha busri a, okugyioku teyiri iwi, tame ɔbakule tegyi isu, butekie mu ato? Mli é mliyi iwi sri, mení mlégyi isu békie mli ato. **25** ɔsri otsiipu okugyioku tekita iwi, mení ɔbésri puhɔ ida ání itamatsia yo. Tame aní mú anide iní bwe, mení abóho ida ání umóɔfwí ekekeke. **26** Iní su megyi kpaali nsri. Mí ansi dín tokusu. Ntamatswi atswé wa afuto. **27** Ntesen ansito, bwe mi iwi ɔkpábi, mení ni neda asun amu ɔkan suna aha ta a, Bulu méebila mi ɔbee, nabwe tsitsa.

Ikpiusum Iwi Olada

1 Mi apio, ndekleá mlibi tɔ́á Bulu lɔ́bwe ha aní anain amu féé bimbí amu. ɔ́leha agyinde lobun amú féésu, ɔ́leha ɔ́pu Pɛpɛ bunkpatɔ́ lɛsɛ, ɔ́lekpa amú féé tsun ɔ́pu amutɔ́. **2** Bulu lɔ́pu agyinde múa ɔ́pu amu bɔ́ amú féé asu, pɛsuna ání bugyi Mose abuopu. **3** Amú féé begyi ɔ́ɣetɔ́ atogyihe oloku ɔ́kule amu. **4** Bonun ɔ́ɣetɔ́ ntsu oloku ɔ́kule amu tsu buta amuv ɔ́lekpa amú amutɔ́. Kristo gyi buta amu ní. **5** Tame iní féé ɔ́ma a, Bulu ansí megyi amú ɔ́dɔ́dɔ́ ɔ́wi. ɔ́lehi amú dimbi amuvu inu.

6 Ntobi anfi ɔ́leba amúsu anfi féé igyi atosuanhe ha aní, mení amú lalahe amu odu bwe méédínka aní ɔ́wɔ́lí, **7** anímóosum ikpi é fe amú. Tsufe Bulu asun wanlínhe amu ɔ́leblí ɔ́bɛɛ, < < Aha amu betsia así gyi atɔ́, nun nta, kusɔ́ kɔ́m. > > **8** Mlímáwa atsi múa ayin asun fe alíá amúɔ́tɔ́ aku bɔ́bwe, ɔ́leha amúɔ́tɔ́ mpum advanyɔ́-sa (23,000) benya lowu ekewule. **9** Mlímáha asɔ́ Kristo kí fe alí amuv amúɔ́tɔ́ aku bɔ́bwe, awɔ́ bodundun amú mɔ́ amu. **10** Mlímále Bulu ɔ́la fe alíá amúɔ́tɔ́ aku bɔ́bwe, Bulu lɔ́pu ɔ́bɔ́pu sisi, ɔ́lɔ́bɔ́mɔ́ amú.

11 Ntobi anfi ɔ́leba amúsu féé igyi atosuanhe ha aní. Bɔ́wanlín mú tswí, puda aní aha anfi ɔ́yi ɔ́nɔ́mɔ́bí latu aní anfi ɔ́la.

12 Mú su ní fúkí fɛɛ, fulu kinkiinkin Kristo hogyitɔ́ a, kí wanklaan, mení fúméédída. **13** Búá fu ɔ́ɔ́kí amu mɔ́tsun ɔ́tsan ha aha trahe kle. ɔ́nɔ́kwálipu Bulu gyi. ɔ́méɛha ɔ́ɔ́kíá ɔ́dun fu ɔ́ba fusu. Tame ní fowie ɔ́ɔ́kítɔ́ a, Bulu obósuna fu ɔ́kpa ání fótson músu talí lu mú ɔ́nɔ́, mení fédalí múɔ́tɔ́.

14 Mú su apio adwɛpu, mlímáwa ɔ́wi ikpiusumtɔ́ ekekekɛɛ.

15 Atiansipu mligyi. Mú su mli onuto mliyo asun anfitɔ́ amlíkí. **16** Ní ada Bulu ipan, anun aní Wie Yesu ɔ́punvasí ewe amutɔ́ nta a, imosuna ání ania Kristo obugya labwe kule? Ní abia bodobodo amu é ye aba a, mú é imosuna ání ania mu ɔ́yulu labwe kule? **17** Iníá aní

tsɔ o a, bodobodo ipin kule anitegyi. Mú su aní fée anilabwe ɔyulu kule fe bodobodo ipin amu.

18 Mlɛpukɛ Israelfɔ, megyi aha amuu butegyí afɔɔɔ atɔ amu tɔbwe kule afɔɔɔ amu bɔtɔ? **19** Mú su nkali mí asun anfi desuna? Bli ndeblí mbée, ikpɛ nte atogyihɛ amuu bapuha amó igyi amu ibu labi?

20 Ekekeke! Tɔá ndeblí gyi, ní akpɛpu beha ikpɛ igyi a, ɔɛ lalahe bɔpuha, megyi Bulu. Mú su mmedekleá mlia ɔɛ lalahe mlɔ́bwe kule.

21 Mlíméetalí pu aní Wie ewe tin ɔɔ, layɔpu ɔɛ lalahe ewe e tin ɔɔ. Mlia Kristo mlíméetalí wa íbɛ gyi atɔ, mlia ɔɛ lalahe e amlíwa íbɛ gyi atɔ. **22** Ní abwe mú alí a, anumɔ́ɔwa Bulu ɔblɔ fe Israelfɔ? Nte anukíá aníbu ɔwɔnlɔn dɔn Bulu?

23 Aha buteblí bée, < < Aníbu ɔkpa bwe togyitɔ. > > Ibu mútɔ alí, tame megyi mú fée bu labi. Fudeblí fée, < < Aníbu ɔkpa bwe togyitɔ. > > Tame megyi mú fée tɔbua aní. **24** Mlímákɛ mlí nkule kle, mboun mlíkɛ mlí aba e kle.

25 Tɔá mlíbwe gyi, mlíwɛ íbiasu iye kugyiku. Mlímáfite mú íwɛ asvansu, mlí klɔn e umáha mlí pɔn. **26** Tsufe bɔwanlɔn wa Bulu asun amutɔ bée, < < Bulu bu ɔyɛ múa mútɔ atɔ fée. > >

27 Ní ɔmátɔyin ɔtɛ fɔ atɔ ogyikpa, iletsia fɔ a, fayɔ. Tame ní fɔyɔ a, máfite mú íwɛ asvansu, fɔ klɔn e umáha fɔ ípɔn. **28** Tame ní ɔku ɔbla fɔ ɔbée, < < ɔkpɛtɔ-atɔ igyi > > a, alíá uméehan ɔha amu su mágyi atɔ amu. **29** Megyi alíá íbéhan fɔ su, mboun ɔha amu su. Muu ntogyi su tɔá ɔku desusu íbétin mí íwɛgyi ɔkpa?

30 Ní ntɛda Bulu ípan atogyihɛsu asa ntegyi mú a, ntogyi su ɔku ɔbéle mí íla atɔ amu su?

31 Mú su ní fudegyi o, fudenun o, bwe mú fée puwa Bulu numnyam. **32** Mlímáha mlí tsiatɔ itin Yudaɔ pɔ Grikifɔ nte Bulu ɔpasua amu Kristo wa ba ɔkpa. **33** Ntamakle mí nkule yile. Togyitɔá

ntóbwe a, ntóbó mbòdiá néha aha ansi bégyi amú, mení Kristo óbóho amú nkpa.

11

Proofread 06-07-09

1 Mlíkasí mī tsiatò, fè alíá mī é nēkasí Kristo klè.

Alíá Atsí Bóputsia Ópasuato

2 Mī apio, ntekanfú mī, tsufè mī ansi dín mī. Mlídèbwe dínka Kristo atosunahe amúv nòpuha mī amú sv. 3 Tame ndekleá mīnu mú así ání oyingyioyin bú Kristo así, ótsígyiòtsí bú oyin así, fè alíá Kristo é bú Bulu así. 4 Iní sv oyingyioyin ání obun atò nwun asa óde mpai bó nte óde asun ání Bulu lapúwa mú óno blí mède Kristo bú. 5 Tame ótsígyiòtsiá ómeklì nwun asa óde mpai bó nte óde asun ání Bulu lapúwa mú óno blí é mède mú klu bú. Igyi fè alakpa nwun. 6 Ní ómóópú atò klí nwun a, múmú ókpa mú. Tame ní ótsí ókpa nwun, íbu mú pelí a, ópu atò klí músv. 7 Bulu lóbwe oyin fè mú íwí, púwa mú íwí numnyam. Mú sv mehian ání óbópú atò bun nwun asa obósum Bulu. Tame ótsí mú a, Bulu lóbwe mú púwa oyin numnyam. 8 Tsufè oyin medalí tsu ótsító, ótsí mboun ledalí tsu oyintò. 9 Megyi ótsí sv Bulu lópwe oyin, mboun oyin sv ólópwe ótsí. 10 Iní sv ilehian ání ótsí óbéklí nwun, pusuna ání óbu tumi así, tsufè Bulu-abópú búde mú kí. 11 Iníá anta Kristonyó anulabwe kulé sv a, ótsí lehian oyin, oyin é lehian ótsí. 12 Tsufè alí amúv ótsí gyankpapú ledalí tsu oyintò amú a, alí ken ótsí é lókwú oyin ní. Tame Bulu lóbwe togyitò.

13 Mlí onuto mliyo asun anfitò amlíkí. Íbu aléá ótsí mééklí nwun asa óbóbó mpai ha Bulu? 14 Fè alíá Bulu lèlè óyitò a, uma aléá oyin obési mú imi íbówa íswí fè ótsí klè. 15 Imi tuntún igyi numnyam ha

otsi, tsufe Bulu lɔpu mú ha mu fe nwun-abuntɔ. **16** Tame ni ɔku de mú iwi nwen gyi a, asun ání mbu bli gyi, mmotsula dínka kukusu don uni. Alí ken Bulu ɔpasua atrahe féé bumotsula dínka músu ni.

Ɔpunvasiɔ

(Mateo 26:26-29; Marko 14:22-25; Luka 22:14-20)

17 Mméekanfu mli asun anfi neba bebla mli anfi mútɔ. Tsufe yile kuku tamadalɔ tsu mli ifiatɔ. Lalahe koun iteti ha mli. **18** Gyankpapu a, babla mi beé mlitamabwe kule ni ɔpasua amu befia. Nahogyiá asun anfi ku bu mútɔ. **19** Lele mú a, ilehian ání nwengyi bétsia mlitɔ, mení mlówun ɔɔkwaliá ibu mútɔ. **20** Tame bebli beé, ni mlefia a, megyi ɔpunvasiɔ su mlitefia. **21** Tsufe mlitamagyo aba. Aku butegyi amú atɔ, butamaha aba. Mú su aku butonun bu, aku é butsie akun. **22** Mli onuto mlimá woyiá mlitegyi atɔ, nun nta mútɔ? Nte mlidekleá mlósupa Bulu ɔpasua amu, amlíwa ahianfɔ amu pelitɔ? Amansu mbli tsu uni iwi? Nkanfu mli? Initɔ mú a, ekekekeke, mméekanfu mli!

23 Tsufe tɔá nosuan tsu aní Wie wa ken nde mli bla a. Aní Wie Yesu lele bodobodo ipin onye amuv bele mu ha amu, **24** ɔleda Bulu ipan, biabia mútɔ, bli ɔbeé, < < Mi ɔyuluá ndepuha mli ni. Mlitsia bwe uni pukain misu. > > **25** Alí ken atogyihe amu ɔma a, olotsu nta-ewe amu bli ɔbeé, < < Nta-ewe anfi gyi mi obugya ání Bulu depusi ntam ɔɔpwe amuv ibu mlia munyɔ nsine amusu ni. Bregyibreá mlónun mú a, mlnun mú pukain misu. > >

26 Tsufe bregyibreá mlide bodobodo anfi gyi, nun nta tsu ewe anfitɔ a, mlide aní Wie lowu amu ɔkan da kpefun breá obéyinki ba. **27** Mú su ɔha ání obégyi alí bodobodo anfi, nun nta tsu aní Wie ewe anfitɔ mábu ɔkpasu a, alagyi aní Wie ɔyulu pú mu obugya amu iwi pɔn. **28** Iní su ilehian ání mlóyɔ mli nwuntɔ wanklaan, asa mlégyi

bodobodo anfi, nun nta ewe anfito. 29 Tsufe ni mlimobu ani Wie Kristo oyulu, mlilegyi bodobodo amu, nun nta amu e dinka ifinsu a, Bulu obéha mli ipon mó su. 30 Mó su mlito aha tsotsotsotso bapon, aku budelo, aku mó kuraa bawu ni. 31 Ni anitoyo ani nwunto wanklaan asa a, teki Bulu mééha ani pon. 32 Tame ni ani Wie ole ani ula, bitu ani isu a, omééha ania oyito aha féé ipon kule.

33 Inu su mi apio, ni mleyefia opunu amu asi a, mlitsia gyo aba. 34 Ni akun de oku a, ogyi ato tsu woyito asa obo, menu mli ifia amu imeeti isubiti ha mli. Mi onuto néba bebla mli toa mlibwe tsu asun trahe amu iwi.

12

Proofread 06-07-09

Onge Wankihe Atokiehe

1 Sei a, apio, ndekleá néle Onge Wankihe atokiehe asun amu asi wanklaan suna mli.

2 Mliyin áni breá mligyi omátoto a, bosuna mli asunakpan, uleha mlioyo mlide ikpia butamatot sum. 3 Mó su ndekleá mlibi móa itsu Bulu wa. Ohagyooha áni odepv Onge Wankihe toi méetalu lwiu ani Wie Yesu. Oha áni Onge Wankihe de mu kpa nkule obétali bli obee,

< < Yesu gyi mi Wie. > >

4 Bulu atokiehe otsan-otsan bu unv, tame Onge Wankihe amu ken teye mó féé. 5 Bulusum agyuma igyi otsan-otsan, tame ani Wie amu ken ani féé anidesum. 6 Okpa otsan-otsansu Bulu toyo agyuma tsun anisu, tame Bulu amu ken de mó féé bwe tsun ani féesu. 7 Bulu tele mu Onge amu owan tsun okpa okusu anito okugyiohoto, menu abópukpa aba.

8 Onge Wankihe teha oku topu nyansa toi kpla aha, oteha oku e tebi

asun. 9 Ɖteha ɔku tehiɛ ho Bulu gyi, ɔteha ɔku ɛ tetsa aha ilo. 10 Ɖɛ Wankihe amu ken teha ɔku tumi ɔtɔpɔbwe ofula, ɔteha ɔku ɛ tebli asun ání Bulu lɔpɔwa mu ɔno. Ɖteha ɔku tetali bi ɔɲeá itsu Bulu wa pú múá itsu ɔɲe lalahe wa. Ɖteha ɔku tebli ɔbli bamba, ɔku ɛ tonu mú asi. 11 Ɖɛ Wankihe amu nkule ɔɔbwe ɔni fée, oteye atokiehe anfi ha ɔhagyioha alíá odekle.

Ɖpasua Amu Igyi Nyankpɔsa-oyi Ɖkule

12 Nyankpɔsa-oyi ɔni atɔ itsɔ, tame mú fée ɔɔbwe nyankpɔsa amu. Ali ken igyi Kristo ɛ ni. Mu ɔpasua amu gyi mu nyankpɔsa-oyi amu ni. 13 Anito aku anigyí Yudafo, aku Grikifo, aku nkɔ́abi nte adihie, tame ɔɔpɔ Ɖɛ Wankihe amu ɔo aní fée asu wa Kristo ɔyulu kule amuto, Bulu lɔpɔ Ɖɛ amu ken nuna aní fée.

14 Tame megyi toku kule ɔɔbwe nyankpɔsa-oyi amu, mboun ɔni atɔ ɔtsan-ɔtsan. 15 Ni yabi ɔbli ɔɔɛɛ, < <Mma nyankpɔsa-oyi amu ɔni, tsufe megyi ɔbi ngi> > a, ilosuna ání megyi nyankpɔsa-oyi amu ɔni atɔ ogyi? 16 Ni ɔsu ɛ ɔbli ɔɔɛɛ, < <Mma nyankpɔsa-oyi amu ɔni, tsufe megyi nsibi ngi> > a, ilosuna ání megyi nyankpɔsa-oyi amu ɔni atɔ ogyi? 17 Ni nsibi nkule gyi nyankpɔsa-oyi amu fée a, nkali ɔɔɔbwe obónu asun? Nte ni ɔsu nkule gyi nyankpɔsa-oyi amu fée a, nkali ɔɔɔho atɔ afu? 18 Tame Bulu lɔpɔ ɔni atɔ tsɔtsɔtsɔ bwe nyankpɔsa-oyi amu, ɔɔpɔ kugyiku yi ɔtineá odekle. 19 Ni ɔni ntobi amu igyi toku kule a, nkali nyankpɔsa-oyi amu ɔɔɔbwe? 20 ɔni ntobi amu itsɔ mú, tame mú fée ɔɔbwe nyankpɔsa-oyi amu ni.

21 Mú su nsibi méetalí bla ɔbi ɔɔɛɛ, < <Fuma labi ha mí!> > ɛkekeke. Nwun ɛ méetalí bla yabi ɔɔɛɛ, < <Fuma labi ha mí!> >

22 Ni aki a, ɔni atɔ amu anideki aníaa ɔɔpɔn amu ɔni tehan ni.

23 Mú amu anidekiá obú uma músu amu anitobu don ni. Ɖtine

amuu anitamakleá aha buwun amu ε anitapu atɔ tin nɪ. **24** Tame anitamapu atɔ tin anɪ ɪwɪ ntobi amuu ɪbu akɪle amu. Bulu lɔbwe anɪ ɪwɪ atɔ amu alɪ, menɪ abóbu mú amuu uma numnyam amu, kɪ músu wanklaan. **25** Fówun ɪkulɛbwe bétsia amúɔ, menɪ gyɔpɪ okpita bɪna a, bɪna ε lakpita gyɔpɪ. **26** Nɪ nyankpusa-oyi amu ɪwɪ tɔku de ɔsɪn wun a, nyankpusa-oyi amu féé towun mú. Nɪ bekanfu múɔ ku ε a, ansɪ tegyi nyankpusa amu.

27 Yoo, ayo nkpa. Kristo ɔyulu kule amu mɪ féé mɪgyi. Mɪgyi mu ɔpasua amu nɪ. Mɪɔ okugyiɔku gyi mu nyankpusa-oyi amu ɪwɪ tɔku.

28 Bulu lehɪɪe ɪnɪ féé wa mu ɔpasua amutɔ. Gyankpapu, sumbi ayɔpu. Nyɔsɪ, Bulu ɔnɔsu atɔpu, sasi, atɔ asunapu. Mú ɔma a, ofula abwɛpu. Amúá bubu ɪɔtsa tumi, buale agyipɪ, ahandɛ pú ɔblɪ bamba ablɪpu. **29** Amú féé gyi sumbi ayɔpu? Ekekeke! Amú féé gyi Bulu ɔnɔsu atɔpu, nte atɔ asunapu, nte ofula abwɛpu? Iméeba múɔ alɪ!

30 Amú féé bu ɪɔtsa atokiehɛ? Amú féé tɛblɪ ɔblɪ bamba, nte amú féé tetali nu ɔblɪ bamba amu asi? **31** Mɪɔ mbɔdɪ amlɪdunka atokiehɛ amutɔ múá idehian dɪn.

Nelasuna mɪ ɔkpa ání ɪdɪn ɪnɪ tsɪa múɔ.

13

Proofread 06-07-09

ɔdwe

1 Nɪ ntetali blɪ anyankpusa pú Bulu-abɔpu ɔblɪ féé, tame ntamadwe mɪ aba a, ngyi fé ɔkan nte gbemgbɛɪn ání bude mú da, ɪdɛɪn kukluku. **2** Nɪ mbu Bulu ɔnɔ asunblɪ, Bulu asun ɲainhɛbɪ pú hogyi kpɔnkpɔntɪá ntetali pupuli abu, tame mma mɪ ba ɪwɪ ɔdwe a, mumu mma labi kuku. **3** Nɪ nɔpu mɪ atɔ féé kie ahianfɔ, nɔpu mɪ ɪwɪ ha

mbɛɛ buwa mɪ ogya, tamɛ mma mɪ ba ɪwɪ ɔdwe a, mma labi ha ɔhaa.

4 Aha ɔdwɛpɔ tenya ɪklɔn, ɔbu awɪtɔlɛ. ɔma olu, ɔtamaka ɔnɔtɔ, ɔtamatsu ɪwɪ. **5** Otobu atɔ, ɔma ɔnsɪpɛ. ɔtamakɔsɪ nya ɔblɔ, ɔtamaho asun wa ɪwɪtɔ. **6** ɔtamatsula asukpan, ɔnɔkwali otobuo. **7** Otenya klɔn ha togyitɔ, ɔtɔhɔ asunsu gyi. Mu ansi tɛdɪnka asunsu, ototomi ɛ.

8 ɔdwe mɔ itamata, tamɛ Bulu ɔnɔ asunbli bɔmɔ ɔnɔ. ɔbli bamba bli bɛka itin, asunbli ɛ ɪbɛba bɔtsun. **9** Tsufɛ anumɔkunya bi togyitɔ ta, anumɔkunya bli Bulu ɔnɔ asun ɛ yi. **10** Tame ɔɣɛtɔ atokiehɛ anfi fɛɛ ɪmɔfun. Nɪ mɔ́á ɪɔfun yi ɪba a, ɪnɪ fɛɛ bɔfwɪ.

11 Igyi fɛ ɪnɪ. Brɛá ngyi kebi a, nɔtɔɪ fɛ kebi. Mɪ atɔ bwehɛ pɔ mɪ asun susuhe fɛɛ lɔbwe fɛ kebi. Tame sei anfi nadan a, nasi nyebitɔ bwehɛ amɔ fɛɛ bwe. **12** Sei a, anɪdɛ atɔ kɪ fulaa fɛ ogyasitɔ anɪdɛ mɔ kɪ. Brɛ ɪku bɛba a, abɔ́wun mɔ wanklaan. Sei a, anɪ atɔbi mɔfun. ɔma a, abɛba bebi mɔ fɛ alá Bulu yin anɪ.

13 ɔnɔkwali a, atoku asa anfi obɛ́tsia nɪ. Hogyi, ɔkpakɪ pɔ ɔdwe, tamɛ ɔdwe dɔn mɔ fɛɛ.

14

Proofread 06-07-09

ɔɣɛ Wankɪhɛ Atokiehɛ Bamba

1 Mɪɪdunka ɔdwe ɔkpa, amlɪdunka ɔɣɛtɔ atokiehɛ ɛ. Mɔ́á ɪdɔn a, Bulu ɔnɔ asunbli. **2** Tsufɛ nɪ ɔku dɛ ɔbli bamba bli a, megyi anyankpɔsa ɔdɛbla, Bulu ɔdɛbla. ɔhaa tamanu mɔ asi, tsufɛ mu ɔɣɛ dɛ asun ɣainhɛ bli. **3** Tame ɔha ání ɔdɛ Bulu ɔnɔ asun bli mɔ a, aha ɔdɛbla, ɔdɛpɔbɔa amɔ abudan hogytɔ. ɔdɛpɔwa amɔ ɔwɔnɪn, ɔdɛpulwii amɔ ɪklɔn ɛ. **4** ɔha ání ɔdɛ ɔbli bamba bli nkulɛ tenya ɔwɔnɪn Bulusumtɔ. Tame ɔha ání ɔdɛ Bulu ɔnɔ asun bli mɔ tɔwa

ɔpasua amu ɔwunlin.

5 Teki ndekleá mli féé mlébli ɔbli bamba, tame ni mlide Bulu ɔno asun bli a, ibu mi ale dun. Tsufe Bulu ɔnoɔɔ ɔtɔɔɔ dun ɔbli bamba ɔblipɔ. Nketi ni ɔbli bamba ɔblipɔ amu tetali le mú asi, menɔ ɔpasua amu bénya tɔku tsu mútɔ. **6** Mi apio, ni naba mli wa sei bebli ɔbli bamba ku, mmele mú asi a, labi mɔmu ibówa ha mli? Tame ni nebli asun, néha mlebi asun, nte nebli asun lesunahe ku, nte nebli Bulu ɔno asun ku, nte suna mli atɔ a, ibówa labi ha mli dun.

7 Mlipuki itɔá feda mú itotsula, fe ikwe, ɔtente nte ɔkpe aná. Ni fumeda mú itsula wanklaan a, butamanu mú asi. **8** Ni klunsi ɔdapɔ mebi da mú a, ɔhaa tamanu mú asi, dida atɔ yɔ isa. **9** Alɔ ken ni mlide ɔbliá ɔhaa mede mútɔ nu bli a, mlidetɔ wa afutɔ ni. **10** ɔbli tsɔtsɔtsɔ bu ɔyitɔ. Kugyiku ulɔfun, ibu mú ablipɔ anule. **11** Tame ni ɔku de ɔbli ku bli, mi e mmede mútɔ nu a, ntamanu mu asi, mu e ɔtamanu mi asi. **12** Mú su uná mlihie mlide ɔɔe Wankihe atokiehe amu danka a, mlíkuli múá ibówa ɔpasua amu ɔwunlin.

13 Inɔ su ɔha ání ɔtebli ɔbli bamba ɔkuli Bulu mú asinu, menɔ ɔbétaɔ le mú asi suna mú anupɔ. **14** Tsufe ni ndepɔ ɔbli bamba bɔ mpai a, mi ɔɔe de mú bɔ, tame mmede asun ání ndebli asi nu. **15** Nkalɔ mee nóbwe? Nóbɔ mpai ɔɔetɔ bre kutɔ, pɔ mi agywun e bɔ mú bre bambatɔ. Alɔ ken nówa ɔb ɔɔetɔ, pɔ mi agywun wa mú bre kutɔ e ni. **16** Tsufe ni fude Bulu kanfɔ ɔɔetɔ pe a, nkalɔ ibóbwe ɔha ání ɔmede mú asi nu ɔbétsa fu? Nkalɔ bétsa fu Bulu ipan da ni bumede asun ání fudebli asi nu? **17** Fialɔ fude Bulu ipan da wanklaan, tame itamawa fu ba ɔwunlin.

18 Neda Bulu ipan ání ntebli ɔbli bamba dun mlitɔ okugyiaku. **19** Tame ni afia a, ntekleá nébli asun anu peá ɔhagyicha obónu mú asi, ibóbva amú e dun ání nébli asun mpum-du (10,000) ɔbli

bambatɔ́á ɔ́haa monu mú así.

20 Mí apio, mímábwe agywun fɛ nyebi. Mlɔ́bwe ɪwɪ fɛ kebi-bɔ́bwe lakpanbwetɔ́, tamɛ mlɪgywun fɛ ɔ́handɛ. **21** Bɔ́wanlɪn wa Bulu asun amutɔ́ bɛɛ,

< < Nótɔ́ɪ tsun afɔ́ɔ́sɪ, bɛ́bla mɪ aha ɔ́bli bamba.

Mú o a, mɪ aha bumóonu mɪ ɔ́mɛ. > > Anɪ Wie lɛbli.

22 ɪnɪ sɪ ɔ́bli bamba bli igyi osuna ha ɔ́mátɔ́fɔ́, megyi ahogyipɪ. Bulu ɔ́nɔ́ asun bli ɛ igyi osuna ha ahogyipɪ, megyi ɔ́mátɔ́fɔ́.

23 Nɪ ɔ́pasua amɪ ifia, ɔ́hagyɪɔ́ha dɛ ɔ́bli bamba bli, ɔ́ha bamba pú ɔ́mátɔ́yin beba mlɪtɔ́ a, buméɛbli bɛɛ, mɪ nwun layinta? **24** Tamɛ nɪ mɪ fɛ́ɛ mlɪdɛ Bulu ɔ́nɔ́ asun bli, ɔ́mátɔ́fɔ́ nte aha ání butamanu mútɔ́ beba mlɪtɔ́ a, amú onuto bóyɔ́ asun amutɔ́, nu ɪwɪasɪ́á babwe lakpan.

25 ɪbɛ́ha amú kluntɔ́ asun bɛ́lɪn ɔ́wan. Bɛ́da akpawunu, kanfɪ Bulu bɛɛ, < < Lele, Bulu bu mlɪtɔ́. > >

ɔ́pasua Amutɔ́ Nɪɪɪɛ

26 Mí apio, nɪ mlɛba befia Bulu osumkpa, mlɪtɔ́ ɔ́kɪ tɔ́wa ɪlɪ, ɔ́kɪ tosuna atɔ́, ɔ́kɪ towun atɔ́, ɔ́kɪ tɛbli ɔ́bli bamba, ɔ́kɪ ɛ tonu mú asɪ a, bubwe mú pɪwa ɔ́pasua amɪ ɔ́wunlɪn. **27** Nɪ akɪ bɛbli ɔ́bli bamba a,

bubwe aha abanyɔ́. Nɪ butɔ́ kuraa a, abasa. Bubli mú ɪkulɛ-kulɛ, menɪ ɔ́kɪ ɔ́béle mú asɪ. **28** Nɪ ɔ́haa má ofiakpa ɪnvá ɔ́béle mú asɪ mú

a, bukpa ɔ́nɔ́ bun, amúa amú Bulu abutɔ́ nklobitɔ́. **29** Bulu ɔ́nɔ́sɪ atɔ́ɪpɪ abanyɔ́ nte abasa butɔ́, atrahe abuyɔ́ amú asun bliɪɛ amutɔ́.

30 Tamɛ nɪ Bulu ɔ́lɛ atɔ́ suna ɔ́kɪ́á otsie ofiakpa ɪnv a, Bulu ɔ́nɔ́sɪ ɔ́tɔ́ɪpɪ amɪ osi tɔ́, ɔ́ha amɪ ɔ́bli tɔ́á alawun. **31** Mɪ fɛ́ɛ mlétalɪ bli

Bulu ɔ́nɔ́ asun amɪ ɪkulɛ-kulɛ, menɪ mɪ fɛ́ɛ mlósuan tɔ́kɪ tsu mútɔ́ pɪwa ɪwɪ ɔ́wunlɪn. **32** Bulu ɔ́nɔ́sɪ atɔ́ɪpɪ amɪ bunya tumi ɔ́ɲɛ amɪsɪ

ɪdɛ amú kpa amú́sɪ, menɪ bó́tɔ́ ha amú aba ɔ́kpa. **33** Tsufɛ Bulu asun

lolwii, omegyí basabasa.

34 Ní ɔpasua amú ifia a, atsi búbwɛ diin. Buma ɔkpa tɔi. Buba iwiasí fɛ alíá Mose Mbla lebli. **35** Ní búdekleá bónu asvankútɔ a, búfite amú aklu woyitɔ, tsufɛ íbú pɛlíá ɔtsí ɔbótɔi ofiakpa.

36 Mlilahogyi mliáa, mli wa Bulu asun amú ilotsua así? Ntɛ mli nkúle latsɔ mú nu? **37** Ní ɔkú dɛkíá Bulu ɔnɔsɔ ɔtɔɔpɔ mɔgyi, ntɛ ɔbú ɔɲɛtɔ atokiehɛ kú a, iwankí muá aní Wie onuto mbla igyi ndewanlin sísí mli. **38** Ní ɔmɔhɔ asun anfi a, mli ɛ mlimáho mu asun.

39 Mí apio, iní sɔ mlípriá mlébli Bulu ɔnɔ asun, tamɛ mlimábla ɔhaa mliáa, ɔmábli ɔbli bamba. **40** Mlúbwɛ togyitɔ dínka mú ɔkpasu wanklaan, ifun.

15

Proofread 06-07-09

Kristo Kɔsɔ tsu Afulitɔ

1 Mí apio, sei a, nkain mli asun wanklaan amú nɛda mú ɔkan suna mli, mlúhɔ mósɔ gyi, mli hogyi ílu mósɔ amú. **2** Asun anfi ɔbéha mli nkpa ání itamata, ní lɛlɛ mlúhɔ mósɔ gyi ní. Tamɛ ní mlekina mósɔ hogyi mú a, mli hogyi labwɛ kpaalí!

3 Tsufɛ asun ání ihɛ dehian bɔpɔha mí nɔpɔba mli igyi. Múgyi, Kristo lobowu aní lakpan sɔ, fɛ alíá Bulu asun wanlinhɛ amú lebli.

4 Bopula mu, Bulu lókɔsua mu tsu afulitɔ ɛkɛ sasí fɛ alíá Bulu asun wanlinhɛ amú ílebli. **5** ɔlɛlɛ íwí ɔwan suna Petro. Mú ɔma a, ɔlɛlɛ íwí ɔwan suna sumbi ayɔpɔ duanyɔ amú fɛé. **6** Iní ɔma a, ɔlɛlɛ íwí ɔwan suna mu abuoɔpɔ tsɔtsɔtsɔá búduɔn aha lafanu (500) ɔtsawulɛ. Amútɔ akú bawu, tamɛ ɔdúduɔ bútra butsie nkpa. **7** ɔlɛlɛ íwí ɔwan suna Yakobo ɛ. ɔma a, ɔlɛlɛ íwí ɔwan suna sumbi ayɔpɔ amú fɛé.

8 Itrahe-trahe a, ɔlele iwi ɔwan suna mi onuto anfi nesiɔn ɔma ba anfi. 9 Tsufe mi gyi sumbi ayɔpu amuto ɔkusu ni. Teki mmɔfun ání bėti mi sumbi ɔyɔpu kura, tsufe nedinka Bulu ɔpasua amusu. 10 Tame Bulu awitɔle su nde namli alɪ. Mu awitɔle amu imɔbwe kpaali. Tsufe nayo agyuma dun amuto okugyiaku. Tame megyi mi ɔwɔnlɔn nɔpyɔ mu. Mu awitɔle amu de mi kpa. 11 Iɔni su ni miletra da asun amu ɔkan o, amú o, móá idehian gyi mlɔɔho ani asun amusu gyi.

Ani Kusu Tsu Afulito

12 Ni aniteda Bulu asun amu ɔkan aniaa, Bulu lokusua Kristo tsu afulito a, ntogyi su mlito aku mu bee, awupu bumɔkusu tsu afulito? 13 Ni awupu bumɔkusu mu a, idesuna ání Bulu makusua Kristo e. 14 Ni Kristo makusu tsu afulito a, teki ani asun wanklaan amu ɔkanda igyi kpaali. Mli musu hogyi e igyi kpaali. 15 Ni Bulu tamakusua awupu mu a, mumu afunu anidewa tin Bulu ɔno, bli aniaa alakusua Kristo tsu afulito. Ni ɔtamakusua awupu a, mumu asun anfi uma moto. 16 Ni ɔmɔkusu amú mu a, mumu ɔmakusua Kristo e ni. 17 Ni ɔmakusua Kristo a, mumu kpaali mlɔlaho mu gyi. Idesuna ání mlɔlasin lakpanto. 18 Mumu utra desuna ání Kristo ahogyipua bawu e bafwi. 19 Ni ɔyi anfito nkpa nkulesu ani ansidin Kristosu mu a, mumu ani ɔla bu nwe dun ɔhagyioha. 20 Tame ɔnɔkwaliá ɔda gyi, Bulu lakusua Kristo tsu afulito. Kristo labwe aha ání Bulu ɔbɔkusvato ogyankpapu. 21 Alɪ amusu lowu leba tsun nyankpusasu amu a, alɪ ken kusu tsu afulito e ɔleba tsun nyankpusasu ni. 22 Tsufe alɪ amusu aha butowu amua Adam ikulebwe su amu a, alɪ ken amua Kristo ikulebwe su amú fee benya nkpa ni. 23 Tame anito okugyiaku bu mu bre. Kristo Bulu legyankpa kusua tsu

afulito. Ní Kristo oyinki ba a, mu e obókúsva mu aha féé. **24** Mú oma
 a, Kristo obégyi ɔɣeto tumi lalahe, iwiegyi pú tumiá ide ɔyisu gyi
 féésu asa ɔyi obómɔ ɔno. Mú oma a, obéyinkia iwiegyi amu wa aní Sɪ
 Bulu ibito. **25** Tsufe ilehian ání Kristo obégyi iwie kpefon breá alagyi
 mu alupu féésu, pu mu ayabi tsa amúsu. **26** Olupu traheá obéhi gyi
 lowu. **27** Tsufe Bulu asun wanlinhe amu ilebli ɔbeɛ, < < Bulu lɔpu
 togyito wa mu asi. > > Iní imosuna ání Bulu bu Kristo asi. **28** Ní
 Kristo ogyi togyitɔsu ta a, ɔbópu iwi wa Bulu asi. Muleha mu tumi
 dinka togyitɔsu, fówun Bulu e obégyi togyitoá ibu ɔtinegyiɔtinesu.
29 Ní Bulu mókúsva awupu a, ntogyi su aha bude asu bo ha aha
 ání bawu? Ntogyi su béha bóbɔ amú asu ha amú? **30** Nte ntogyi su
 aní mú abópu aní nkpa plei bregyibre? **31** Mɪ apio, nekase, ntefia
 alowusu ekekegyieke! Igyi toá ntɔputsu iwiá mliha aní Wie Kristo Yesu
 mlilabwe ikule. **32** Mú su kpaali nɔko Efesofáa bugyi fe mbwikita-
 ato? Ní Bulu mókúsva awupu mú a, < < Mumu mliha agyi, awi,
 anun, tsufe ɔke sesebre anilawu. > > Fe aliá bɔwanlin wa Bulu asun
 amuto.
33 Mlumáha aha ání butebli asun anfi odu abumle mli! Tsufe
 ahande beɛ, < < Mba lalahe gyi teyinta oha. > > **34** Mlilabwe
 agywun wanklaan, amlisi lakpan bwe. Tsufe mlito aku butepi
 bumeyin Bulu. Nde asun anfi wanlin sisi mli pusupa mli.

Ɔyuluá Abópukusu Tsu Afulito

35 Ɔku obéfite ɔbeɛ, < < Nkali Bulu obókúsva awupu? Ɔyulu mɔmu
 bópukusu? > > **36** Oha mimlahɛ! Biá ní fodu ato-abi a, itɔplo asa
 itɔkwe. **37** Megyi itobi amuu fɔpuwa ɔsuluto amu gyi ɔban amuu
 itedan amu. **38** Bulu teha mú ɔyulu pɔpweá mu onuto odekle. Ɔteha
 ato-abi kugyiku mú ɔyulu ɔtsan.

39 Alí amuvu atɔ-abi ɔtsan-ɔtsan bu unu amu a, alí togyito ɔyulu igyi ɔtsan nɪ. Anyankpusa, mbwi, mbubwi pú ntsutso aye féeɛto okugyiɔku ɔyulu ɔtsan.

40 Ɔsusu-atɔ bu unu, ɔsulusu-atɔ ε bu unu. Mú fée ɪbu ɔyulu ɔtsan-ɔtsan. Ɔsusu kle numnyam ɔtsan, ɔsulusu kle ε numnyam ɔtsan.

41 Owi numnyam igyi ɔtsan ha ɔtsra. Ɔtsra kle ε igyi ɔtsan ha ntsrakpabi. Ɔtsrakpabi kugyiku na ɔtsan, mú numnyam ε una ɔtsan ha mú ba.

42 Alí ɪbóbwe breá Bulu ɔbókusua awupu nɪ. Anɪ ɔsulusu-ɔyulu anfi itowu, plɔ anfi ɪbótsun ɔtsan ha múá Bulu ɔbókusua tsu afulito, tsufe mú mú imóowu ekekeεke. **43** Anɪ ɔyulu anfi tɔpɔn breá bopula mú, tame nɪ Bulu ɔkusua mú a, itenya ɔwunlɪn, wa numnyam. **44** Ɔsulusu-ɔyulu igyi sei, tame nɪ Bulu ɔkusua mú a, ɪbóbwe ɔɣeto ɔyulu. Tsufe alí amuvu ɔsulusu-ɔyulu bu unu amu a, alí ɔɣeto kle ε bu unu nɪ.

45 Bulu asun wanlɪnhe amu lebla anɪ ɔbεε, < < Adam gyankpavu amu lɔbwe ɔkɪankpavu. > > Tame Adam trahe, ogyi Kristo amu mú gyi Ɔɣeá ɔtɛha nkpa. **46** Ɔsulusu-ɔyulu anitegyankpa nya asa anitebenya ɔɣeto kle. **47** Ɔsuluto-ɪsɪ Bulu lɔpupwe nyankpusa gyankpavu, ogyi Adam amu. Kristo, amuvu obuɔ amu mú otsu ɔsusu.

48 Nyankpusa okugyiɔku bu ɔsulusu-ɔyulu fe Adam, tame anɪ ɔsusu-ɔyulu mú ɪbóbwe fe Kristo kle. **49** Alí amuvu anɪgyi fe ɔsulusu Adam amu a, alí ken abóbwe fe Kristo amuvu otsu ɔsusu amu ε ekeku nɪ.

50 Apio, tɔá ndɛblɪ gyi, anɪ ɔyulu anfi igyi ɔyulu múá obugya anfi iméenya ogyikpa Bulu iwiegyi amuto. Tɔá iteyinta uméetalɪ nya ogyikpa tɔá itamayintato.

51 Tame mliyaa asu amlɪnu asun ɣainhe kuá Bulu lalɛ suna mɪ. Ɔbεε, megyi anɪ fée obówu, tame anɪ fée ɔyulu ɪbétse. **52** Nɪ ɔkpe trahe ifulɪ pe a, anɪ fée abétse ɔtsawule pe. Bulu ɔbókusua awupu

amu. Amú òyulù uméetra yinta, òbétse aní nkpa atsiapu é fée. **53** Tsufe ilehian ání Bulu òbétse aní òyulù anfi itowu plò anfi, ha aní òyulúá itamawu, itamaplò. **54** Ní ịba mútọ́á Bulu latse tọ́á itowu, bwe mú tọ́á itamawu, tọ́á itọ́plò é labwe tọ́á itamaplò a, unu Bulu asun wanlinhe anfi ịbéba mútò nì. Ọ́bée, < < Batu lowu asì plìplìplìplì. Isugyi onuto laba. > >

55 Bulu asun wanlinhe kù é lèblì ọ́bée, < < Oo lowu, nkunu fù ọ́kpe bu?

Nkunu fù isugyi bu? > >

56 Lakpan igyi ọ́kpeá itómọ́, Mose mbla amu é ite ha lakpan tumi.

57 Nkalì kura abókukù da Bulu ịpan? Mula ha anulatsun aní Wie Yesu Kristosù gyi asù.

58 Mú sù apio adwepù, mliu kinkiinkin, mliumákpunkì. Mlìsi mli ịwì fée ha Bulu agyuma bregyibre, tsufe mliyin ání mli gymagyihe mọ́óbwe kpaalì.

16

Proofread 06-07-09

Itswitswi Ha Yerusalem Ahianfò

1 Itswitswi ha Bulu aha ání bubu Yerusalem asun amu é a, mliúbwe mú fè alì amuvù nẹ́bla ọ́pasua amuvù ịbubu Galatia ọ́mátò mbée, bubwe mú amu. **2** Ọ́hagyicha ọ́kì mu kọ́ba alíá otenya ọ́nọ́, ọ́lè kù yaì Kwasiedagyikwasieda. Mliumágyo mliaa, mba asa amlitswitswi mú.

3 Ní nẹ́ba a, nọ́wanlun nwulù ha aha ání mli onuto mliéle mliaa, bupu atọ́ amu ya Yerusalemfò, pulè amú suna amú. **4** Ní ịbu aléá nọ́yọ́ a, mumu bóbuo mli yọ́.

Paulo Ọ́kpatu Nhìhìe

5 Ní nókusu tsu Makedonia a, néba mli wa, tsufe ndekleá nótun unu asa neba. 6 Fialí nétsia mli wa kpalobi. Fialí kuraa nétsia unu nyankpu múa atsalí bré amu fée, fówun mlílasi mí òkpa nayo òtinegyiòtineá nòyo. 7 Sei mú a, mmedekleá néba beka tsun mli wa kèkè. Ní Bulu lotsula a, nétsia mli wa kpalobi.

8 Tame nétsia Efeso nfi kpefun Pentekoste eke amu. 9 Tsufe òkpa kpònkpònti lafinkí ha miá nòyo agyuma ání íbówa labi. Ibo mútòá mí alupu tsòtsòtsò bubu nfi mú.

10 Ní Timoteo owie mli wa a, mlímáha ifu ikita mu. Tsufe aní Wie agyuma amu kèn òdeyo fè mí. 11 Mlímáha òhaa òkí mu ansìò kotikoti. Mlìsi mu òkpa wanklaan oyinkí bòtu mí, tsufe ntsie ngyo mua aní apio atrahe amu.

12 Aní pio Apolo asun amu a, nalu musu mbée, obuo apio amu ba mli wa, tame omedekleá òbéba sei. Ní onya òkpa a, òbéba.

Asun Trahe

13 Mlída íwísu, amlílu kinkiinkin mli hogyiò. Mlíwa klun, amlíwa íwí òwunlun. 14 Mlípu òdwe bwe mli togyiò.

15 Mí apio, mlíyin ání Stefana mua mu woyiò aha gyi agyankpapuá bedamli kluntò Akaia nsaintò. Basi íwí ha, bùde Bulu aha amu sum. 16 Nokokoli mli, mlíba íwíasi ha amúa aha ání béba betsia amútò, bópu nsi yo agyuma amu.

17 Ansí lagyi mí ání Stefana mua Fortunato pú Akaiko baba mí wa. Tsufe bùde mli òbwekpa bwe. 18 Bawa mí atètò-ònlun wanklaan, fè alí amuu bòwa mli amu. Mlíbu aha anfi odu.

19 Òpasua amuu íbu Asia amu fée bùde mli tsia ha. Akwila mua Priska pú òpasua amuu íbu amú woyiò amu é beha mli tsia wanklaan aní Wie ídatò. 20 Apio aba amu fée beha mli itsia gyagyagya.

Mlulata aba puta Kristotɔ.

21 Mɪ Paulo onuto lapu mɪ ɪbɪ wanlɪn ɪnɪ, ndɛpuha mɪ tsia.

22 Nɪ ɔku tamadwe anɪ Wie Yesu a, ɪlwu dɪn musu!

Marana-ta! (Mú asɪ gyi, < <Anɪ Wie, ba! > >)

23 Anɪ Wie Yesu Kristo ogyi mɪ bualɛ.

24 Anɪa anɪ Wie Kristo Yesu ɪkɔlɛbwɛ su ntɛhɛ dwe mɪ féé. Amen!

2CO - - NKO Paul's 2nd Letter to the Corinthians in the Nkonya
Language of Ghana

2 Korintofɔ

Ɔwulu Nyɔsiá Paulo Lɔwanlɔn Sisi Korintofɔ

2 Korintofɔ

2 Ko.

Ɔwulu Nyɔsiá Paulo Lɔwanlɔn Sisi

Korintofɔ

1

Proofread 06-07-09

1 Mɛ Pauloá una Bulu apɛtɔ nabwɛ Kristo Yesu sumbi ɔyɔpɔ pɔ anɛ
pio Timoteo de ɔwulu anɛ wanlɔn.

Anɛde mú wanlɔn sisi Bulu ɔpasua ání ibu Korinto wuluto pɔ Bulu
aha ání bubu Akaia ɔsulɔsu féé.

2 Anɛ Sɛ Bulu mva anɛ Wie Yesu Kristo bugyi mɛ buale, abuha mɛ
iwilwii.

Paulo Bulu ɛpanda

3 Mɛha akanfu Bulu. Mugyi anɛ Wie Yesu Kristo mu Sɛ pɔ mu Bulu.
Mugyi anɛ Siá otowun anɛ nwe, pɔ anɛ Buluá otolwii anɛ klɔn
ɔkpagyiɔkpasu! **4** Otolwii anɛ klɔn anɛ asɔn wunhe kugyikɔtɔ, menɛ
anɛ ɛ abétalɛ pɔ klɔn lwiihe amɔv anɛlanya tsu mu wa amɔ lwii anɛ
aba klɔn amú asɔn wunhetɔ. **5** Alɛ amɔv Kristo lehɛ wun ipian
kpɔnkpɔnkpɔntɛ, anɛ ɛ anɛde mú ku wun amɔ a, alɛ ken Bulu na
Kristosu ɔhɛ ɔde anɛ klɔn lwii nɛ. **6** Mú su nɛ anɛde ipian wun a, mɛ

iwilwii pú mli nkpahɔ su anide mó wun. Tsufe Bulu de anɩ klɔn lwii, menɩ anɩ ɛ abólwii mli klɔn, fówun mlétalɩ nya klɔn, tomi wun anɩ ipian amu odu ken. 7 Ifu mede anɩ mli su, tsufe anyin ání ania mlɩnyɔ de ipian amu wun. Mó su Bulu obólwii mli klɔn fe anɩ.

8 Apio, ɩbu aleá mlébi ání ɩwɔsɩn amuu anɩlowun Asia ɔmátɔ amu ɔnɔ lehiɛ wa ɔnlɩn. Ilekɩ ɩɔun anɩ. Ifu lekɩta anɩ, anɩkɩá abówu kokooko. 9 Ɔnɔkwali asɩn, ɩɔɔbwe anɩ fe baha anɩ lowu ɩɔn. Tame aliá anɩmóɔpu anɩ dɩnka anɩ ɩwisu, mboun Buluá ɔtɔkusua awupusu su ɩleba alɩ. 10 Lele mó a, ɔlele anɩ tsu lowuto. Anɩlahogyiá obétsia le anɩ bregyibre. 11 Obéle anɩ, tsufe mlɩde mpai bɔ anɩ nwunsu. ɩnɩ su aha tsɔtsɔtsɔ béda Bulu ɩpan anɩ nwunsu. Tsufe alawa awɩtɔle ha anɩ, mpai amuu aha tsɔtsɔtsɔ buɔdeɔ ha anɩ amu su.

Paulo Nhɩhiɛ Tse

12 Abétalɩ pu ɩbi si kantɔ aniaa, anɩ klɔn mɔkuha anɩ pɔn anɩ nkpatɔ, titriu ania mlɩnyɔ natɩtɔ. Megyi anɩ ɔsulɔ anɩfɩsu nyansa anɩɔpu anide anɩ agyuma yɔ, mboun Bulu awɩtɔle su anɩlatalɩ le ɩwɩtɔ anide togyɩtɔ bwe ɔnɔkwaliɩsu. 13-14 Tsufe megyi asɩn ání mlɩméetalɩ kla, nu mó asɩ anɩtɔwanɩn sɩsɩ mli. ɩbu mótóá mlɩmede mó asɩ nu yi, tame nahogyiá mlóbonu mó asɩ wanklaan ekeku. Fówun mli ɛ mlétalɩ pu anɩ tsu ɩwi, fe aliá anɩ ɛ abópu mli tsu ɩwi anɩ Wie ɔbake amu.

15 Mɩ anɩ dɩn asɩn anɩfɩsu. Mó su nɔbwe agywun ání néba mli wa, menɩ mlénɩya oyula anyɔ. 16 Múgyi, nótsɩn mli wa yɔ Makedonia. Nɩ neyinki ɛ nélatɩsɩn mli wa; fówun mlétalɩ si mɩ ɔkpa, néyinki ba Yudea ɔmátɔ. 17 Mléfite mliaa, ntogyi su nalatse mɩ agywun. Nte nabwe fe ɔyɩtɔ aha amuu butebli bee, < <Ee> > latse amú ɔnɔ bee < <O-o> > amuto ɔku? 18 Alɩ amuu Bulu bu ɔnɔkwali, ɔtamawa

afunu amu a, alɪ mɪ < <Ee> > igyi mɪ < <Ee> > nɪ. **19** Tsufe Bulu mu Bi Yesu Kristo amu tamablɪ ɔbɛɛ < <Ee> > latɛ mʊ ɔbɛɛ < <O-o.> > Mu mʊ a, < <Ee> > koun ototsula. Mu ɪwɪ asun ɔkan mia Silas pʊ Timoteo anɔlɛda suna mɪ nɪ. **20** Tsufe mutotsula < <Ee> > ha Bulu nhɪhɛ kugyiku ɪtɛba mʊtɔ. Mʊ su akanfu Bulu ta a, anɪtɛblɪ anɪaa, < <Amen!> > nɪ. **21** Bulu tɛha anɪ mɪnyɔ anɪtɛtalɪ lu kinkiinkin anɪ Kristonyɔ ɪkʊlɛbwɛtɔ. Mʊgyi ɔha ání ɔlɛda anɪ ofuli. **22** Mu ken lɔpu ɔɲɛ Wankɪhɛ amu wa anɪ klɔntɔ, puhɛ anɪ nsu; isuna ání mubv anɪ. ɔbɔbwɛ tɔá ɔlɛhɛ ha anɪ. **23** Bulu ɔbitɪ mɪ ɪsu nɪ megyi ɔnɔkwali ndɛ mɪ bla. Alɪá mméɛba bowun tsitsa kukv blɪ tsu mɪ ɪwɪ su mmetra bɔtsun ɪw. **24** Anɪmedekleá ɪbɔbwɛ fɛ anɪdɛ mɪ hɛ alɪá mlɔpu mɪ hogyi yɔ agyuma. Mboun alɪá ansɪ bégyi mɪ su anɪ mɪnyɔ anɪdɛ agyuma yɔ. Anɪyin ání mɪ hogyi su mɪlu kinkiinkin dodo.

2

Proofread 06-07-09

1 Mʊ su nabwɛ agywun ání mméetra ba bɔwa mɪ awɪrɛhɔ. **2** Tsufe nɪ nɛba bɔwa mɪ awɪrɛhɔ a, ma ɔbéha ansɪ bégyi mɪ dun mɪ amuv nawa awɪrɛhɔ amv? **3** Mʊ su nɔwanɪn ɔwulv gyankpapv amv sɪsɪ mɪ nɪ. Fówun nɪ nɛba a, mɪ amuv mléha ansɪ bégyi mɪ amv mɪméɛla ha awɪrɛhɔ mboun ɪkɪta mɪ. Tsufe mɪ ansɪ dun mɪ féésu ání nɪ ansɪ dɛ mɪ gyi a, mɪ ɛ ansɪ bégyi mɪ. **4** Megyi ansigyɪ nɔpuwanɪn ɔwulv amv. Asun ɪhɛ dɛ mɪ han, ndesu asa nɔwanɪn mʊ! Tamɛ megyi alɪá néha mlégyi awɪrɛhɔ su nɔwanɪn mʊ. Mboun alɪá mlébiá ntɛhɛ dwe mɪ su.

Lakpansikie

5 Oha amuv ɔlɔpɔ asun ba ɔpasua amuto amu mɔkupɔ ɔlala gyi mɪ. Nɪ bɛɛ buki mʊ a, ɔpasua amu fɛɛ alapɔ asun gyi. (Mmedekleá nɔɔɔn mʊ bli.) **6** Isubiti amuv mli ɔɔɔɔɔ mliɛbiti mu amu itsɔ mu. **7** Ulafun ání mlésikie mu, yia mu klun ngya. Fowun asun mʊɔɔɔn mu, iwi móowu mu. **8** Mʊ su nokokoli mli, mliɛ suna mu ání mliɩtra mliɩɩ mu iwi ɔɔwɛ. **9** Ndekleá nébi nɪ mliɩtegyi mɪ asun amu fɛɛsu. Mʊ su nɔwanlɩn ɔwulɩ amu nɪ. **10** Nɪ mlesikie ɔku a, mɪ ɛ nasikie mu. Nɪ nesikie mu ɛ a, mli su nasikie mu Kristo ɪɔɔɔ, nɪ ilehian nɪ. **11** Meni ɔbunsam oméénnya anɪ iwi ɔkpa, tsufe anɪyin ɪkpa ání ɔɔɔsun mʊsu fɛɛ.

Paulo Klun Medɪ Mu Asɪ

12 Breá neba Kristo asun wanklaan amu ɔkan ɔɔakpa Troa wuluto a, nowun ání anɪ Wie lafinki ɔkpa ha mɪ. **13** Tame mɪ klun medɪ mɪ asɪ, tsufe mmɔɩ mɪ pio Tito unv. Mʊ su nekla amʊ ka tsun yɔ Makedonia nsantɔ.

Isugyi Kristo ɪɔɔɔ

14 Tame nde Bulu ɩpan da ání Kristo isugyi su alabwɛ anɪ ndoun, alakpa anɪ buo iwi, anɪɔɩ mu isugyi amu nke gyi. Nɪ ayo ɔɩnɛgyiɔɩnɛ a, ɔɔɔsun anɩsu bla aha amu Kristo asun wanklaan amu, fɛ alɩá ofobi fanfan tɔwa ɔfan yɔ tsutsuutsu. **15** Lɛɛ mʊ a, Kristo gyi atɔ tɔhɛ, anɩgyi mʊ ɔfan ání ɪɔkusu ha Bulu, ha aha ání bude nkpa nya pʊ amʊá buɔɔfwɪ fɛɛ. **16** Itobon aha ání buɔɔfwɪ, kpa amʊ ya lowuto, ɩtɔwa aha ání ɔɔɩ amʊ nkpa hɔ ɔfan, kpa amʊ ya nkpatɔ. Ma mɛɛ ɩɔfun ha gyuma anɩ ɔɩ yɔ? Ohaa má unv. **17** Anɪ mʊ anɩmɛgyi fɛ aha ɔɔɔɔɔá bude Bulu asun amu fɛ pukle kɔba. ɩnɩá Bulu ɩɔwa anɪ su a, anɩɔɩ mʊ ɔnɔkwaliɩsu, fɛ Kristo asumbiá bulu Bulu anɩtɔ.

Bulu Ntam Pɔpwe Asumpu

1 Asun anfi anidebli anfi itra desuna ání anide ɪwɪ kanfɔ suna mli loo? Nte ilehian ání abɔpu anɪ adansɛ nwulɔ ba mli, nte abɔhɔ mú tsu mli wa fe alɪá aku butɔbwe? **2** Ekɛkɛkɛ! Mli onuto tsiatɔ gyi adansɛ nwulɔ́ bawanlɪn dɪnka anɪ klɔnsɔ, ɔhagyɪɔha de mú wun kla, pubɪ ání anide agyuma wanklaan yɔ. **3** Mligyi ɔwulɔ́ Kristo lɔwanlɪn, ɪlɔtsɔn anɪsɔ ba. Tame megyi oyipe ɔlɔpuwanlɪn mú, Bulu ɔkɪankpapu amɔ ɔɲe ɔlɔpuwanlɪn mú. Megyi abwi petɛple anyɔsɔ^y ɛ ɔlɔwanlɪn mú dɪnka, mboun anyankpɔsa klɔnsɔ.

4 Anɪbɔ ɔkpa bli alɪ, tsufe Kristo sɔ anɪ ansɪ dɪn Bulusɔ. **5** Anɪyin ání anumɔfun ání abétalɪ bwe tɔtɔ anɪ onuto ɪwɪsɔ. Bulu sɔ anlɔfun ha togyitɔ bwe. **6** Mɔlaha anulabwe mɔ ntam pɔpwe amɔ asumpu. Megyi ɪbɪ Bulu lɔpuwanlɪn mú mú, mboun ɔɲe Wankɪhe amɔ. Tsufe mbla wanlɪnhe amɔ ɪtɔpu lowu ba, tame ɔɲe Wankɪhe kle amɔ mú ɪtɔpu nkpa ba.

7 Mbla dada amɔv Bulu lɔwanlɪn dɪnka abwi anyɔsɔ amɔ ɪlɔpu lowu ba. Tame mú numnyam leha Mose ansɪtɔ lehiɛ wankɪ asa ɔlɔpɔba Israelfɔ. Brɛá numnyam amɔ ɔnɔ ɪde asɪba o a, bɔmetalɪ kɪ mɔ ansɪtɔ. **8** ɪnɪá mbla wanlɪnhe amɔ lenya numnyam alɪ a, mɔmɔ ɔɲe Wankɪhe amɔ gyumagyihe numnyam ɪbéhiɛ dɔn mú! **9** Mbla wanlɪnhe amɔv ɪteha anitegyi ɪpɔn amɔ kuraa ɪbɔ numnyam. Mɔmɔ nkali ɔɲe Wankɪhe gyumagyihe amɔv ɪhiɛ bɔ numnyam dɔn mú amɔ

^y**3:3** Abwi petɛple anyɔ amɔv Bulu lɔwanlɪn mɔ Mbla Du dɪnka músu ha Mose amɔ.

ibóbwe? Tsufe iteha antegyí asu Bulu ansító! **10** Múmú idesuna ání Bulu mbla dada amú itra ma numnyam kúraa. Pópwe anfi numnyam lagyi músu. **11** Tsufe ní Mbla dada amúv imetsia wa ópá amú íbu numnyam alí a, múmú pópwe anfi íbétsia bré fée anfi klé íbéhié dún mó!

12 Aní aní dún ntam pópwe anfisú. Mú sú aníbu ókpa tóí faan. **13** Anímegyí fé Moseá oletsia pú tati bun nwun, mení Israelfó bumóowun mú ansító wankí bréá mú ónó íde asíba. **14** Tame mú ó a, Bulu léha amú kluntó lówa odwin bófon ndé. Mú sú ní búde Bulu mbla dada amú kla amú ofiakpa a, butamanu mú así, tsufe tati amú letin amú agywun. Tótó méetalí bwii tati amú lé amú agywunsú, nkétí amúa Kristo babwe kulé. **15** Bótó ndé kúraa ní búde Mose mbla amú kla a, tati amú itra bun amú agywunsú. Mú sú butamanu mú así. **16** Tame ní óha onya damli kluntó ba aní Wie wa pé, Kristo labwii tati amú lé mú agywunsú. **17** Aní Wie amúv asún anfi ídetóí tsu mú íwí amú gyí Dnje Wankíhé amú ní. Ótinegyíótíneá Dnje amú íbu a, íwígyí tetsia ínv. **18** Aní Wie dé tati amú bwii lé aní fée ansító. Mú sú aníde mú numnyam amú lé suna ní. Mú Dnje amú laha aníde mú lían, tsufe mú numnyam amú itra dewankí anító tsia.

4

Proofread 06-07-09

Ólótó Siadié

1 Bulu lawun aní nwe pú agyuma anfi wa aní íbító. Mú sú abató tamawu aní. **2** Anílakina tóá íbu pelí pú okluntó ató fée. Aníméde aha mlé, aníméde Bulu asún amú é damli bun. Mboun aníde ónókwálí amú onuto blí pule íwí suna aha fée, íwankí amú alíá anígyí Bulu

ansitɔ. **3** Nɪ tɔkʊ ibun asun wanklaan amʊv anɪdeblɪ amʊv kura a, aha amʊv budefwɪ amʊ nkule ibun ha. **4** Ɔbunsam gyi ɔyi lalahe anɪsʊ ogyipʊ. Mɔlapʊ atɔ tin aha anɪ butamahɔ Bulu gyi anɪ ansibi. Mú sʊ bumede asun wanklaan amʊv igyi wankɪ amʊ asɪ nu nɪ. Wankɪ amʊ gyi Kristo. Mulehie lian Bulu numnyam nɪ. **5** Tsufe anumena anumede anɪ onuto ɪwɪ asun ɔkan da. Yesu Kristo ɪwɪ asun ɔkan anɪdeda anɪaa, mʊgyi anɪ Wie. Tɔ́a anɪteblɪ tsu anɪ ɪwɪ gyi, Yesu sʊ anɪlabwe mli asumpʊ. **6** Tsufe Bulu amʊv ɔleblɪ ɔbeɛ, < < Wankɪ ɪdalɪ tsu okluntɔ! > > amʊ ken laha mʊ wankɪ amʊ ɪdewankɪ anɪ kluntɔ. Ula ha anɪlabɪ ání mʊ numnyam amʊ ɪdewankɪ Yesu Kristo ansitɔ.

7 Tame anɪgyi fe nɔ pweheá siadie bu mútɔ. Siadie amʊ gyi wankɪ múa tumi anɪ ɪdewankɪ anɪ kluntɔ. Idesuna ání tumi kpɔnkpɔɔnkpɔntɪ anɪ imotsu anɪ, Bulu wa itsu. **8** Bude anɪ han ɔkpagyɔkpasʊ, tame bumɔkutali sa anɪ tin. ɪwɪ de anɪ klɪ, tame ɪmɔkukpɔn anɪ. **9** Budɪn anɪsʊ, tame Bulu mɔkusi anɪ ha. Butefin anɪ da, tame Bulu sʊ anumɔkʊwʊ. **10** Anɪlatsula ɪde anɪ ɔyʊlʊ anɪ ipian bregyibre. Anɪdewu fe Yesu, menɪ mʊ nkpa amʊ ɪbélin ɔwan anɪtɔ. **11** Yesu sum sʊ anɪ nkpa atsiapʊ anɪ anɪtefia lowu bregyibre. Alɪá ɪbɔ́bwe mʊ nkpa belɪn ɔwan anɪ ɔyʊlʊ anɪ ɪdewu anɪtɔ sʊ. **12** ɪnɪ desuna ání lowu de anɪ lala, mli ε mliɪde nkpa ání itamata nya.

13 Tame anɪbu mʊsʊ anɪde Bulu asun amʊ ɔkan da. Tsufe anɪlɔhɔ mʊ gyi fe alɪá Israel ɪlʊ ɔwapʊ amʊ lowanlɪn wa Bulu asun amʊtɔ ɔbeɛ, < < Nɔhɔ Bulu gyi. Múlaha sʊ nde mú ɔkan da nɪ. > >

14 Anɪyin ání alɪ amʊv Bulu ɔkusʊa anɪ Wie Yesu tsu afulitɔ amʊ a, alɪ ken ɔbɔ́kusʊa anɪ, ɔbékpa anɪa mliɪnyɔ féé ba mʊ ɪwɪ wa nɪ. **15** ɪnɪ féé bówa labi ha mli, menɪ nɪ Bulu hie ɔde awɪtɔle wa, kpa aha ɔdʊdʊ ba Kristo wa a, béhie da mʊ ɪpan, wa mʊ numnyam.

Hogyi Putsia

16 Mú su abato tamawu aní. Ibo mútá aní ɔyulu anfi idewu mú, tame Bulu de aní ɔkla ɔwunlin wa ekekegyieke. 17 Tsufe iwɔsin kpalobi anfi anidewun sei anfi ibéha abénýa numnyam kpɔnkpɔnkpɔntiá itamata, idun iwɔsin anfi. 18 Mú su animede iwɔsin anfi anidewun anfi bu. Múá nyankpusa ansibi tamawun ɔkpa anideki. Tsufe iwɔsin anfi ibéba bɔtsun. Ansigyí amuvu ibo ɔma, ibétsia bre féé amu ɔkpa anideki.

5

Proofread 06-07-09

1 Aní ɔyulu anfi igyi fe kantankpa ání anitsie mútá. Ní bobwie mú a, Bulu ɔbéha aní obu bamba ɔsusu. Mumu a, megyi nyankpusa leyi mú. Mu onuto leyi mú, imóobwie ekekekeke. 2 Tsufe sei kuraa ide aní ipian ɔsulusu-ɔyulu anfitá. Anihie anigyo ekeá ɔbópu aní ɔsusu-ɔyulu wa aní fe atadie. 3 Mumu anumóɔbwe fe ɔjeá uma ɔyulu, anina yaya. 4 Ide aní pian, anidekumí bre anfi anitra anibu aní ɔyulu dada anfitá. Megyi be anidekleá awu, adali ɔyulu anfitá. Mboun anidekleá Bulu ɔwa aní ɔsusu kle amuvu itamawu plɔ amu, mení ibégyi mú anfi itowu plɔ anfisv. 5 Bulu onuto lela aní yai ha mú, ɔlɔpu ɔje Wankihie amu wa anitá. Múgyi ibwiá ɔledunka músu ní.

6 Mú su anitwa klun bregyibre. Ibo mútá bre anfi anibu ɔsulusu-ɔyulu anfitá a, anibu ifo aní Wie wa. 7 Iní su hogyi anlapu anitsie nkpa, megyi tóá ansibi dewun. 8 Ee! Anihie anide klun wa, tsufe tóá anihie anidedunka gyi abówa ifo ɔsulusu-ɔyulu anfi wa, ayetsia aní Wie wa. 9 Mú su ní anibu ɔsulusu nfi o, ɔtine bamba o, tóá idun aní klunsu bre féé gyi, abóbwe tóá ibégyi aní Wie ansi. 10 Tsufe aní féé abéyelu Kristo ansitá, obégyi anitá okugyiaku asun, ka mu iko aní

asulusu-ayulu anfi bwehe ɔno. Yile igyi o, lalahɛ igyi o.

Bulu Onyawiele

11 Anihɛ anyin ání ilehian ání abénýa aní Wie ifu. Mú su anidetu kpla aha aníaa, amú ɛ bunya mu ifu. Bulu hɛ oyin aní. Nahogyiá mli ɛ mliyin aní mli kluntu. **12** Megyi iwí antra anidetsu suna mli.

Mboun anide mli ɔkpa suna, mení mlótsu iwí aní su. Fówun ní aha bude iwí tsu tɔ́a ɔha tɔpu ansibi wun su, imegyi tɔ́a ibu ɔha kluntu su a, mlénýa iku bla amú. **13** Tsufe ní bɛɛ aní nwun layinta kuraa a, Bulu asun igyi. Tame ní bɛɛ aní ansito da mú a, ida ha mli. **14** Odwe amuu Kristo bu ha aní amu de aní kpa, tsufe anílanu iwiasíá mu nkule lowu ha aha féé. Mú su mua aha féé bawu. **15** Olowu ha aha féé lele, mení aha ání bénya nkpa pɔpwe amu buméetra tsia nkpa alíá bodekle. Mboun bétsia nkpa ha Kristo amuu olowu, Bulu lokusa mu ha amú amu.

16 Iní su antra anumedɛ ɔhaa kí fe alíá ɔyito aha buteki mu. Ibu mútɔ́a bre amu aniletsia kí Kristo fe alíá ɔyito aha buteki mu, tame antra anumedɛ mu kí alí. **17** Mú su ní ɔha mua Kristo bɔbwe ikule a, alabwe ɔha pɔpwe. Mu tsiato dada amu féé ɔlatsun. Mu tsiato labwe pɔpwe! **18** Nkpa pɔpwe anfi itsu Bulu wa. Múlotsun Kristosu bwe aní anfi anigyí mu alupu anfi mu anyawie. Alapu agyuma anfi wa aní ibito, ɔbɛɛ alɛ aha bamba ɛ anyawie ha mu. **19** Tsufe Bulu lotsun Kristosu ɔde ɔyito aha damli bwe mu anyawie. Otrá ɔmedɛ amú lakpan iwí akunta bu ha amú. Iní ɔlɔpuwa aní ibito ɔbɛɛ, abla aha ní.

20 Kristo atsiamí anigyí, Bulu detu tsun anisu ha mli. Mú su anílu Kristo ɔlukpa anide mli kokoli aníaa, < < Mlíha Bulu ɔbwe mli mu anyawie! > > **21** Tsufe Kristo mɔbwe lakpan kuku! Tame Bulu lopu mu bɔ afodie aní lakpan su, mení ɔbótsun ania munyo ikulebwe su tsu

anị ání anị asun da ọkpa mu ansịto.

6

Proofread 06-07-09

1 Ania Bulunyo de agyuma ya. Mú su anide mli kokoli aniaa, mlimáha Bulu awitole amuv mlilanya amu ibwe kpaali. **2** Tsufe Bulu lebli mu asun wanlinhe amuto ọbẹ,

< < Breá mli bre lɔfun ání nówun aha nwe a,
nonu mli ọme.

Mli nkpa ọhọke amu ulɔfun a, negyi mli buale. > >

Mlinu! Bre amu lafun a. Nde gyi mli nkpa ọhọke amu n!

3 Anumedekleá abétin ọhaa anị Wie wa ba ọkpa, menị ọhaa méenya asuansu bli tsu anị agyuma anfi iwi. **4** Mboun anị bwehe féétọ a, anitele suna ání Bulu asumbi anigyi ọnọkwalısu. Anitotomi anị iwı́sın, anı ıkplan pú anı asun wunhe kugyiku eto. **5** Bepiti anı ato, wa anı obu, bekpa bun anısu da anı. Anı́yo agyuma ání idun anı. Nkeku anitamadıdı, nkeku e anıtetsia akun. **6** Anı́tsun anı tsiatısu le suna ání ifin kuku má anı iwi. Anıyin asun, anıtenya ıklun. Anıbu awitole, Ọ́ge Wankıhe amu tsie anıto. Anıtehię dwe aha e tsu anı kluntọ. **7** Anıteda Bulu asun amu ọkan ọnọkwalısu pú Bulu tumıto. Yilebwe gyi isa-akotoá anıdeputı aha, anıdeputin anı iwi e. **8** Aku butobu anı, aku e butısupa anı. Aku butekanfu anı, aku e butokpı anı. Anı asun da ọkpa, tame bude anı bu afunupu. **9** Fe anımegyi toto aha ansıto, tame aha anıgyi. Fowun anı féé anıdewu nı, tame kı, anıbu nkpa. Butesian anı mo, tame anıtedalı múto. **10** Anıbu iwı́sınto, tame Kristo su anıbu ansıgyıto. Ahianfo anıgyi, tame anılaha aha bamli iwi anyapu. Anımá toto, tame anıbu togyıto Kristo su.

11 Korintofɔ! Anitɛhiɛ nya mli ɪwɪ ansigyi, lɛ ɪwɪtɔ bla mli asun.
12 Anitamakula ɪwɪ mliɪsɔ, tamɛ mli mɔ mliɛ ɪwɪ kula anɪsɔ. 13 Nde
mli asun bla fɛ mɪ onuto abi. Mli ɛ mliɪmápu asvansu ɲain anɪ.

Ɔmátɔfɔ Pugyi Mba

14 Mliɛ Ɔmátɔfɔ mliɪmágyi mba. Nkalɪ yile mɔa lalahe bétalɪ tsia
tsukule? Nkalɪ wankɪ mua oklun ɛ bóbwe kule? 15 Kristo mua
Ɔbunsam^z bétalɪ bwe agywɪn kule? Ekekeke! Nkalɪ ohogyipu mua
ɔha ání ɔma hogyi bóbwe kule? 16 Nkalɪ bótswɛ ɔkpɪ Bulu ɔtswekpa?
Tsufe anigyi Bulu Ɔkɪankpapu amɔ ɔtswekpa nɪ. Igyi fɛ alɪá bɔwanlɪn
wa Bulu asun amɔtɔ bɛɛ,

< < Bulu ɔbɛɛ, < Nétsia mɪ ahato,
mɪa amúnyɔ abénatɪ.

Nóbwe amó Bulu,

amó ɛ bóbwe mɪ aha. > > >

17 Bɔwanlɪn wa Bulu asun amɔtɔ ɛ bɛɛ,

< < Anɪ Wie Bulu ɔbɛɛ,

< Mliɪdalɪ amótɔ, amlɪmain ɪwɪ lɛ amósɔ. > > >

Betra wanlɪn wa Bulu asun amɔtɔ bɛɛ,

< < Mliɪmáwa ɪbɪ lalaheto,

mɪ anho mli. > >

18 Betra wanlɪn wa Bulu asun amɔtɔ bɛɛ,

< < Bulu ɔbɛɛ, < Nóbwe mli Sɪ,

mli ɛ mlióbwe mɪ abi. >

Alɪ anɪ Wie Otumipu debli nɪ. > >

7

^z6:15 Paulo letɪ Ɔbunsam ɔbɛɛ, < *Belial*. >

1 Mí apio adwepu, Bulu lahié ntobiá igyi alí yaí aní. Mú su mliha afwi ibí le togyitá ibókpoí aní ɔyulu pú aní ɔkla féétɔ. Mliha anya Bulu ifu, mení ibéha aní ɔwí betín, ifin kuku méetra tsia aní ɔwí.

Paulo Ansigyí

2 Kokoli, mliumákula ɔwí anísu! Animókupɔ lalahe gyi ɔhaa. Animókuyinta ɔhaa, animókusisi ɔhaa é. **3** Megyi ipɔn nde mli ha su nde asun anfi blí. Tsufe nabli bɔtsun mbée, anitekle mli asun. Lowuto o, nkpatɔ o, anuméetan mliɔ ekekeéke. **4** Ntetalí bla mli mí kluntɔ asun, nde ɔwí é tsu mliɔ wanklaan. Aní ipian féé ɔma a, mliława mí atetɔ-ɔnlún. Ansigyí kpɔnkpɔntí ku labula mí kluntɔ.

5 Tsufe bréá anilowie Makedonia a, anumenya ɔkpa da ɔkpunɔ. Atsun nfi asun, ayinki nfi utré. Mú su ifu letsia aní ayetɔ. **6** Tame Buluá otolwii aha amɔɔ ɔwí lawu amó uklun amɔ lekpa Tito ba aní, pulwii aní uklun. **7** Megyi mɔ ɔba amɔ nkɔle leha uklun lolwii aní, mboun asun ání ɔlɔputsua unɔ ba é. ɔlebla aní ɔbée, mlihié mliðekleá mliwun mí. Alíá asun amɔ ulahan mli, mliłanu ɔwiasí ání mliłebí bwe pú alíá mliłahié tsula dinka mí klesɔ, su ansí letra gyi mí tsia.

8 Tsufe ní mí ɔwulu amutɔ asun lehan mli kuraa a, mí mú imehan mí. Ubu mútáá ulahan mí bré kutɔ, tsufe nowun ání ulaha awirehɔ lekita mli kpalobi. **9** Ansí de mí gyi sei. Megyi alíá ulowa mli awirehɔ su. Mboun alíá awirehɔsu amɔ ulaha mliładamli kluntɔ su. Tsufe mli awirehɔsu anfi odu Bulu tekle ní. Mú su mí asun amɔ imeyinta tɔtɔ tsu mli ɔwí. **10** Tsufe awirehɔsuá igyi Bulu ape tɔpɔ kluntɔdamli ba. lteha anitenya nkpa. Mú odu bu ɔsín, tame uma ɔsín. ɔyitɔ awirehɔsu mú a, lowu itɔpɔba. **11** Mliki tɔá awirehɔsuá igyi Bulu ape latí ha mli! Ulahe mliłatsu iku le asun amutɔ, mliðesuna ání mli asun da

ɔkpa su ɔblo ε de mli. Uatsii mli opuni, ilaha mlihue mlidekleá mlówun mli. Mlilatsula dinka mli klesu. Mlihue mlidedunka ání mlebiti lalahε ɔbwεpu amu isu. Lele, mlilale suna ání mlimegyi ipɔn asun anfitɔ.

12 Nɔwanlin ɔwulu sisi mli, tame megyi aha anfi su. Megyi ɔha amuu ɔɔbwe ila, nte ɔha amuu ɔɔpu ila gyi mu amu su. Alía néle suna mli Bulu ansitɔ ání mlilatsula dinka mli klesu mboun su. **13** Inu lahue wa anɪ atɛtɔ-ɔnlin.

Múa idun kuraa a, ansi legyi anɪ, breá anulowun ání mli féé mlilaha ansi de Tito gyi, tsufe mlilaha uklun ladɪ mu asi. **14** Nɪ nekanfu mli mu ansitɔ kuraa a, mlumeha peli mekita mli. Alɪ amuu asun amuu anilebla mli amu féé igyi ɔɔkwali amu a, alɪ kanfu amuu nekanfu mli mu ansitɔ amu ε laba mútɔ nɪ. **15** Nɪ Tito ɔkain alía mli féé mliteyaa asu ha mu, hɔ mu asun blihe, pú alía mlitenya ifu kpinki mu ansitɔ a, ɔtetra nya mli iwi ɔdwe tsia. **16** Ansi ihie de mli gyiá nétalɪ pu ansi dinka mli su ɔkpagyiɔkpasu.

8

Proofread 06-07-09

Akristofɔ Atokie

1 Apio, anidekleá mli bi awitɔleá Bulu lawa ha ɔpasua amuu bubu Makedonia ɔmátɔ amu. **2** Iníá bubu ipian múa asun wunhe tsɔtsɔtsɔtɔ kuraa a, bɔpu amú ohian fututuutu le amú awitɔle kpɔnkpɔnkpɔntɪ suna ansigyisu tsun amú atokiehetɔ. **3** Nébli mbeε, bekie atɔ dun alía betalɪ kuraa, tsu amú kluntɔ. **4** Betsia kulɪ anɪ ɔkpa beε, aha amú ε abunya ɔkpa wa awitɔle ha Bulu aha ání bubu Yerusalem. Fowun amú ε amú ibɪ bówie osum agyuma anfitɔ.

5 Bóbwe dún alíá anilosusu. Gyankpapu a, besi amú ɪwɪ ha anɪ Wie, belasi amú ɪwɪ ha anɪ Bulu apɛtɔ. 6 Mú su anɪlaha Tito amusu olegyankpa beha mlɪlɔwa nsi amu anɪaa, ɔtra yinki beha amlɪwa nsi mɔ mlɪ awɪtɔle agyuma amu ɔnɔ wanklaan. 7 Mlɪlafɔn ɔkpagyɔkpasu, tsufe mlɪhɪe mlɪbu hogyi, mlɪyin tɔɪ, mlɪletɪn anɪ. Tɔtɔ tamakpɔn mlɪ, mlɪtɛhɪe dwe anɪ ɛ. Ndekleá mlɪbɔ mbɔdɪ awɪtɔle agyuma anfi etɔ dún ɔhagyɔha.

8 Mmede mlɪ hɪe mbɛɛ, mlɪbwe mú. Mboun ndɛpu mlɪ ɔdwe kapu akúá budepriá amú ɛ bóbua. 9 Tsufe mlɪyin alíá anɪ Wie Yesu Kristo lɔdwe aha, wa awɪtɔle. ɪwɪ onyapu ogyi tɛkɪ, tamɛ anɪ su ɔlɔbwe ɪwɪ ohiani, menɪ abótsun mu ohian amusu bwe ɪwɪ anyapu.

10 Mɪ agywun gyi, nɪ mlɔmɔ agyuma amusu mlɪlefi asɪ ofiku amu ɔnɔ a, ɪbɔwa labi ha mlɪ. Tsufe mlɪgyi ɔpasua gyankpapuá mlɪlɔbwe agywun amu, mlɪ kɛn lefi mú asɪ. 11 Mlɪwuna bwe mú ɪmɔ ɔnɔ. Mlɪle ɪkluntɔ bwe mú, fɛ alíá mlɪlefi mú asɪ. Mlɪkie mú mlɪ ɔwunlɪn ɔnɔ, menɪ ɪbékana agywun amusu mlɪlɔbwe amu. 12 Nɪ ɪhɪe igyi mlɪ apɛá mléha a, mlɪkie tɔá mlɪbu. Mútegyi Bulu anɪ, megyi múá mlɪmá.

13 Megyi bɛɛ, anɪdekleá abéha ɪwɪ bólwiɪ aku, ɪwɪ ɪklɪ mlɪ mú; mboun alíá ɪwɪ bólwiɪ mlɪa amúnyɔ fée kɛkɛ. 14 Sei mlɪbu atɔ tsɔtsɔá mlétalɪ pubua amú. Mumu nɪ ɪwa alɛ ha amú, ɪwɪ lɛklɪ mlɪ ɛ a, amú ɛ bétalɪ bua mlɪ, menɪ mlɪa amúnyɔ fée mlénɪa kɛkɛ. 15 Mlɪkaɪn ání Bulu asun wanlɪnhe amu leblɪ ɔbɛɛ, < < ɔha amusu ɔlekpa tsɔtsɔtsɔ amu ménɪa mú dubɪ. ɔha amusu ɔlekpa kpalobi amu ɛ klɛ lɔfɔn mu. > >

Tito Mva Mu Aba

16 Ada Bulu ɪpan ání alaha Tito ɛ latsula dɪnka mlɪ klɛsu fɛ mlɪ.

17 Breá anɪlɔwa mu anɪaa ɔba mlɪ wa a, olotsula. Mu onuto o, ɪbu

mu ɔdweá ɔbétra ba unu. **18** Anide mua opio ɔku wa sisi mli. ɔpasua amu fée bude mu kanfu, asun wanklaan amu ɔkan da su.

19 Makedonia ɔpasua amu fée lele mu ání ania munyo anati ki, aho atokiehe amu ya Yerusalem. Anide ato anfi bwe puwa aní Wie numnyam, mení ibósuna ání aní onuto latsu dinka iwisúá abóbwe mú.

20 Anide aní iwí kɪ wanklaan, mení ɔhaa méele aní ɪla, tsu alía anɪɔpu anide atokiehe amusu kɪ. **21** Tɔ́á anidesusu gyi, alía abóbwe múá ɪda ɔkpa Bulu mua anyankpusa fée ansɪɔ.

22 Iní su anɪlapu aní apio amuto ɔku manta Tito anásv. Anɪlasɔ mu kɪ, anɪlawun ání ɔhie ɔbu nsi. Alahɔ mli gyi sei. Mú su ɔhie odekleá ɔbétsa aní agyuma amu yɔ. **23** Ní ɔku lefite musu a, mɪɪbla mu mɪɪaa, mɪa munyo de agyuma yɔ posum mli. Makedonia ɔpasua lɔwa apio atrahe amusu mua amúnɔ beba amu. Iní desuna ání Kristo bude numnyam wa. **24** Mú su mɪɪle mli ɔdwe suna amú. Isuna ɔpasua amu fée ání mli su anɪbu ɔkpa tsu iwí.

9

Proofread 06-07-09

Akristofá Buma Tɔtɔ Bua

1 Imehian ání nówanlɪn mli ɔwulɔ tsu alía mɪɪde Bulu aha ání bubu Yerusalem bua iwí. **2** Tsufe nyin ání mɪɪhie mɪɪdekleá mɪɪbua amú. Nagyi mli iwí adansie suna amú mbɛɛ, tsu ofiku ɔpá Akristofá bubu Akaia ɔsulɔsv beda iwísv yai ání bóbua. Mli nsiwa laha ogya ku lawie amú ɔɔɔɔɔɔɔ. Mú su amú ɛ bafi mú asɪ. **3** Tame nde apio anfi wa sisi mli, isuna ání megyi kpaalɪ negyi mli iwí adansie suna amú. Mɪɪda iwísv, fe alía nebla mli yai, amlɪka mli tswitswí fée. **4** Tsufe nɪ

Makedonia Akristofɔ amutɔ aku bobuo mi ba unu, bowun ání mlumɔkuda iwisu fe alíá nebla amú a, abósupa amú ansitɔ, tame mlósupa dun mi. **5** Mú su nabwe agywun ání néha Tito mua mu aba amu abugyankpa ba mli wa, iha amlidunka tɔ́á mlilehiéá mléha yai. Tame mliha mú tsu mli kluntɔ, megyi ɔhie igyi.

6 Mlikaun ání ɔha ání odu kpalobi a, kpalobi ɔtɔkpɔti, tame ɔha ání odu tsɔtsɔ tɔkpɔti tsɔtsɔ. **7** Mlito okugyiokv ɔhaa múá ɔbétali tsu mu kluntɔ. Imábwe ɔhie, tsufe ɔha ání ɔtɔpu ɔdwe kie atɔ asun Bulu tekle. **8** Bulu teha mli tɔ́á mlidehian bregyibre, dun alíá ilehian mli. Mú su mlénýa tɔ́á ide mli hian bregyibre. Ibófun mli sian, mlópubwe yile ha aha bamba. **9** Fe alíá bɔwanlun wa Bulu asun amutɔ bee,
< < Bulu ɔha tele iwitɔ kie ahianfɔ atɔ.

Mu yilebwe tamata. > >

10 Bulu teha adɔtɔpu atɔ-abi butodu, ɔteha aha atogyihe. Mligyi fe amú. ɔbéha mli atɔ-abiá mlópu iku kie aha, atogyihe tsɔtsɔtsɔ bédali tsu mli yilebwe amutɔ. **11** ɔbéhie yula mli ɔkpagyiokpasu, mení mlówa awitɔle ha aha bregyibre. Iní ibéha aha amu béda Bulu ipan, atɔ amuu mlilaputsun anisu ha amú amu su. **12** Tsufe atoku anyɔ ɔbédali tsu mli atɔ hahe anfitɔ. Megyi atɔ amuu mlilapuha Bulu aha amuu atɔ de amú hian, bubu Yerusalem amu nkule, mboun ibéha aha tsɔtsɔtsɔ béhie da Bulu ipan. **13** Tsufe ní mleha amú a, ibéha békanfu Bulu. Ibósuna ání lele mlide Kristo asun wanklaan amuu mlilɔhɔ amusu gyi, mlide awitɔle e wa ha amúa aha bamba. **14** Béhie kaun mlisu, bɔ mpaí ha mli, tsu awitɔle kpɔnkpɔnti amuu Bulu lapuha mli amu su. **15** Ada Bulu ipan ha mu atokiehe anfi idun bli anfi!

Paulo Gyumagyihe Ɔnɔle

1 Ɔbu mútɔ́á mlɛtɔ́ aku mlɛtɛblɛ mlɛaa, nɛ mbu mli wa a, mɛ asun lolwii, tame ntɔ́wanlɛn mɛ nwɔlu tumisɔ. Tame mɛ Paulo nde mli kokoli mbɛɛ, mlɛpukɛ alɛ́a Kristo asun lolwii, ɔleba iwɛasɛ. **2** Mlɛtɔ́ aku buɔɔblɛ bɛɛ, mɛ bwehe lalɛan ɔyɛtɔ́ aha. Mú sɔ nɛ netra ba unu a, nawun ání ilehian ání mɛ ansɛtɔ́ bówa ɔnlɛn. Kokoli, mlɛmáha ampu tsiatɔ́ anfi odu ba unu. **3** Ɔbu mútɔ́á ɔyɛ anfiɛtɔ́ anɛbu, tame megyi ɔyɛ anfiɛtɔ́ agywun anɛɔpukɔ́ isa. **4-5** Megyi ɔyɛtɔ́ akɔ́tɔ́ anɛɔpukɔ́. Bulu akɔ́tɔ́á ɛbu tumi anɛɔpɔ́bwie okpikplikpa kugyikuá itɔ́kusɔ́ lu Bulusɔ. Anɛtɔ́puyinta afunu asun kugyikuá aha butɔ́pɔ́tsu iwɛ, itɛha amú butamabɛ Bulu. Anɛtɔ́pɔ́damli agywun lalahe kugyiku, ha itobu Kristo. **6** Nɛ mli aha trahe amɔ́ mlɛlapu iwɛ ha Kristo, mlɛɔ́ mɛ asunsɔ gyi a, abébitɛ aha amɔ́ buɔ́ asɛtɔ́-ɔnlɛn wa amɔ́ ɛ asɔ.

7 Mlɛkɛ ɔ́nɔ́kwali amɔ́ ɛda mli ansɛtɔ́ amɔ́. Nɛ mlɛɔ́kɛtɛ́a Kristo bu mli a, mɔ́mɔ́ mlɛkɛ mú wanklaan, amlɛbɛ́a mɔ́bu anɛ ɛ. **8** Nɛ nde iwɛ tsu tumi amɔ́ anɛ Wie lapuha anɛ amɔ́ sɔ dubɛ a, uma mɛ pelɛ. Tsufe ɔ́lɔ́puha anɛ ɔ́bɛɛ, apɔ́bɔ́ba mli amlɛɔ́dan. Megyi ɔ́bɛɛ, apuyinta mli.

9 Ɔmábwe mli fe nde nwɔlu wanlɛn, puwa mli ifu. **10** Tsufe aku bɛɛ, < < Mákpɛla Paulo. Mɛ asun wanlɛnhe bu odwin, ɔ́tɔ́puhie aha. Tame nɛ mɛ onuto ɔ́bu anɛ wa a, lolwii, mɛ asun blihe ɛ uma ibia! > >

11 Ɔwankɛ amú́a asun ání anɛtɔ́wanlɛn sɛsɛ aha ken anɛtɔ́bwe nɛ anɛbu amú́ wa nɛ.

12 Lele mú a, amɛndɛ anɛgyiá abópu iwɛ kapu aha anfi buɔ́ ɛ iwɛ kanfu anfi? Amú wɛlewɛle ɔ́ɔpu iwɛ kapu aba, buɔ́ anɛ puɔ́nka abasɔ. Mimla igyi amú. **13** Anɛ mú anɛmóotsu iwɛ dafa, mboun ɔ́kpa amɔ́ Bulu lehɛ ha anɛ amɔ́ ɔ́nɔ́ abótsu iwɛ fun. Múgyi agyuma ání anɛlabwe bɔ́tu mli nɛ. **14** Anɛlegyankpa pu Kristo asun wanklaan amɔ́ ba mli. Mú sɔ nɛ anɛɔ́ mli asun bla a, anɛmɔ́kutɔ́ dafa.

15 Anumedepu ohaa agyuma e tsu iwi. Mboun anide okpa ki ani mli hogyi bedan. Agyuma amuu anideyo mlito amu e ibeklei tsia.

16 Mumu abetalu dafa mlisu yeda asun wanklaan amu okan oma bamba esu, menu imobwe fe anilapu otineá oku lagyankpa yo agyuma tsu iwi.

17 Tame Bulu asun wanlinhe amu lebli obee, < < Ohagyioha ani obee, motsu iwi a, opu toa ani Wie labwe tsu iwi. > > **18** Tsufe ni Bulu okanfu fu gyi asun, iwi kanfu mu kpaali igyi.

11

Proofread 06-07-09

Paulo Mwa Sumbi Ayopu Afunupu

1 Mlunya klun, amlinu mi mimlala kpalobi anfi asu! Kokoli, mlunya klun ha mi. **2** Mmesi mli tswi, fe alia Bulu tamasi mli tswi. Tsufe mligyi fe obitebia omeyin oyin, napu mli ha oyin okule, ogyi Kristo. **3** Tame ali amuu iwo amu lpu mu alape mle Hawa amu a, ifu de mia oku obemle mli, mli ansi bedunki onokwaliwa pu odwe wankihe amuu mlibu ha Kristo amusu. **4** Tsufe nyin ani ni oku oba beda Yesu bamba oku iwi asun okan suna mli, imegyi omuamuu anileda mu iwi asun okan suna mli amu a, mlakosi hogyi. Ni mlenya oge bamba kuá ina otsan ha muamuu mlulegyankpa nya amu e a, mlóho mu gyi. Ali ken ni mlonu asun bamba ani ina otsan ha muamuu anilebla mli amu e a, mlakosi ho musu gyi ni!

5 Mmedehogyiá aha anfi bude iwi ti < < Sumbi ayopu akponkponti > > anfi budun mi okpa okukusu. **6** Ni mmeyin toi kuraa a, nyin asun ani ndeblu. Nahogyiá anlaha asun anfito ulawanki mli okpagyiokpasu.

7 Iníá nɔpu iwiasiba pú obú ha mli breá neda Bulu asun wanklaan amu ɔkan suna mli, mmɔhɔ mli tɔtɔ su ye tsitsa nɔbwe a? **8** Ɖpasua bamba atɔ nɔswu, puba bɔyɔ agyuma ha mli. Mú su netali sum mli, mmɔhɔ mli tɔtɔ ni. **9** Breá mbu mli wa, iwi lekli mi a, mmesi ipian tswi mlito ɔkukusu. Mboun apio amvu botsu Makedonia ba amu leha mi mi atohianhe. Iní su mmesi ipian dinka mlito ɔkukusu, mméesi dinka ε. **10** Iníá ɔnɔkwali nanya ndeblí tsu Kristo iwi mú a, ɔhaa méetali ka mi itin ɔbee, mmápu asun anfi tsu iwi Akaia ɔsulusu féé. **11** Ntogyi su? Ntamadwe mli loo? Ekekeke! Bulu yin ání ntɔdwe mli!

12 Nóbwe mi agyuma fe aliá nde mú bwe dodo. Nóbwe mú putin amú ɔkpa, ni bude iwi tsu bee, gyuma kule ania amúnɔyɔ anidebwe. **13** Afunupu bugyi. Bapina bwe iwi fe Kristo sumbi ayɔpu, buna bude mli mle. **14** Tame uma wanwan! Tsufe Ɖbunsam kuraa tekí ansi bwe iwi fe Bulu-ɔbɔpu wankihe! **15** Mú su uma wanwan ání mu asumpu anfi ε bapina bwe iwi fe yile abwepu. Amú ɔnɔmɔ ibéle amú bwehe kugyiku ɔwan.

Paulo Asun Wunhe

16 Ntra nde mli bla mbee, ɔhaa mábu mi ɔha mimlahe. Tame ni mlide mi bu ali o a, mlitsu mú ali, mi ε anya ɔkpa tsu iwi kpalobi. **17** Aní Wie tamatɔ ali, tame nabwe iwi fe ɔha mimlahe. **18** Aha tsɔtsɔtsɔ butotsu iwi fe ɔyɔtɔ aha, su mi ε nótsu iwi. **19** Ee a, iníá mliaa atiansipu mligyi o a, mlitotsula ha aha mimlahe. **20** Tsufe ni ɔku ɔpu mli bwe nkɔpábi kuraa a, mlitotsula. Ni ɔpu mli nya iwi, ogyi iwie mliɔ, obu mli tɔku odu, ɔda mli usuto kuraa a, mlitotsula ha mu. **21** Mliaa, mma ansito-ɔnlín. Ee, natsula. Mi kle ma unu.

Tame togyitɔá ɔku labwe ɔdeputsu iwi a, mi ε nétaí pú mi kle tsu

iwɪ. (Tame nahogyiá igyi mimlala.) 22 Nɪ bɛɛ Hebrifo bugyi a, mɪ ɛ Hebriyin ngyi. Nɪ Israelfo ɛ bugyi a, Israelyin mɪ ɛ ngyi. Nɪ bɛɛ, botsu Abraham abi-anáto a, ɪnu mɪ ɛ notsu nɪ. 23 Bɛɛ Kristo asumpu bugyi? Mblɪ mú mimlasu, ndun amó! Nayiri iwɪ yɔ agyuma dun amó. Nadi obu dun amó. Bada mɪ dun amó. Nesian wu bre tsɔtsɔtsɔto.

24 Yudafo banwen mɪ mplɪ tse advasa-kweba (39) tse nu keke.

25 Romafo ɛ baptɪ mɪ atɔ tse sa keke. Bɛda mɪ abwi ɔtsawule. Tse sa keke ntsusu-yibi labun mɪ, nasin ntsutso ekewule owito. 26 Mɪ ɔkpa tsɔtsɔtsɔ tuto a, nafa ntsu akpɔnkpɔntɪ, natsun ogyo atswapu ibito dali. Natsun ɔmá bambasufɔ pú anɪ pɪ Yudafo féé ibito dali. Natsun awulusu pú adimbisu, nafa ɔpu. Natsun aha amvu bude amó iwɪ tɪ bɛɛ, Akristofɔ amv aná féé ibito dali. 27 Nayo agyuma kpekple, ɪlapien mɪ kɪ. Ntamadɪdɪ nkekɪ. Ntetsia akun múa ɔmewulɪ. Nteklɪ ɔno, ntɛdɪ atsalɪ, natɪ yaya aná féé. 28 ɪnɪ féé ɔma a, tɔá ɪdɪn mɪ klunsu, ntɔgywun mú iwɪ ekekegyiɛke gyi ɔpasua amv féé alɛwa.

29 Ma ɪpɔn, mmotsu kuku le mu asunto? Ma bekpa wa lakpatɔ, ɪmɔwa mɪ ɔblo.

30 Nɪ bɛɛ ntsu iwɪ a, ntobiá ɪtɛha mɪ hogyi tɛba asɪ nɔputsu iwɪ.

31 Bulu, ogyi anɪ Wie Yesu mu Sɪ, ɔlekana kanfu bre fééto amv yin anɪ mmede afunu wa. 32 Owie dehen Areta leha mu ɔmásu ɔkɪpu

leyete mɪ Damasko wulu ɔno, ɔkɪta mɪ. 33 Tame bɔpu mɪ wa lakpatɔ, le mɪ tsun ikwitɔ, kplɪ mɪ yi buntiá bɔpwe wa wulu amv ɔma, nesri si mu. Paul being lowered in basket outside the

wall|lb00333b.tif|span|2CO11:30-33|Louise Bass, The Bible Society, London|Bɔpu Paulo wa lakpatɔ, le mu tsun ikwitɔ, kplɪ mu yi // buntiá bɔpwe wa wulu amv ɔma.|2 Korintofɔ 11:33

Paulo Atowunhe Pú Mv Atɔ Lesunahe

1 Ilehian ání nótsu iwɪ, tamɛ tɔtɔtɔ uma iwɪtsutɔ. Tamɛ mbli atɔ́á nowun pú tɔ́á anɪ Wie laɛ suna mɪ. **2** Nfi duana (14) nɪ, bɔwan mɪ ya ɔsusu sasitɔ. (Mɪ nyankpusa-oyi lɔyɔ unu o, mɪ ɔkla o, mméetali bɪ. Bulu nkule yin.) **3-4** Fɛ alíá nakubli a, bɔwan mɪ ya Paradiso. (Mɪ nyankpusa-oyi lɔyɔ unu o, mɪ ɔkla o, mméetali bɪ. Bulu nkule yin.) Nonu asun ání uma blitɔ, ɔhaa ɛ má ɔkpa bli mú. **5** Nétalɪ pu itɔ amuv nowun amv tsu iwɪ, tamɛ mmóɔpu mɪ atɔ bwehe tsu iwɪ. Ntobiá iteha mɪ ɔwunlun ɔnɔ tɛba asɪ ntɔputsu iwɪ. **6** Nɪ mbɛɛ nótsu iwɪ kuraa a, mmóotsu iwɪ fɛ ɔha mimlahe, tsufɛ nébli ɔnɔkwali. Tamɛ mmóɔbwe. Mmedekleá ɔhaa ɔkɪ mɪ dafa alíá mɪ tsiatɔ gyi, ntɛ asun amuv nɔpɔba amv.

7 Alíá mmóɔpu ntobi anfi ibu ifu, ibu wanwan, Bulu laɛ suna mɪ anfi tsu iwɪ su a, ɔɔpu owu ku wa mɪ awutɔ, igyi ɔbunsam-ɔɔpu. Itɛda wɔ mɪ, menɪ mmóotsu iwɪ. **8** Nakokoli anɪ Wie Yesu tse sa kɛkɛ mbɛɛ, ɔɛ itɔ amv mitɔ. **9** Tamɛ asun ání ɔtebla mɪ bregyibre gyi, < < Mɪ awitɔɛ pɛ gyi tɔ́á fehian. Tsufɛ ɔha ání mv ɔwunlun ɔnɔ laba asitɔ mɪ tumi tɛhiɛ lun ɔwan. > > Inɪ su ibu mɪ ansigyiá nɔpu tɔ́á iteha mɪ ɔwunlun ɔnɔ tɛba asɪ tsu iwɪ, menɪ Kristo tumi amv ibéhiɛ bun misu. **10** Kristo su ansɪ béggyi mɪ bregyibre. Nɪ mɪ ɔwunlun ɔnɔ iba asɪ, buɔɛ mɪ sia, mbv ikplantɔ, buɔɔn misu, ntɛ iwɪ dɛ mɪ ɔsɪn. Tsufɛ nɪ mɪ ɔwunlun ɔnɔ iba asɪ a, mú ntɛlanya ɔwunlun nɪ.

Korinto ɔpasua Iwɪ Asun

11 Nabwe iwɪ fɛ ɔha mimlahe, tamɛ mlɪlaha ɪlaba alɪ. Tɛkɪ ilehian ání mlébli asun wanklaan tsu mɪ iwɪ. Tsufɛ ibu mútɔ́á mmeggyi tɔtɔ, tamɛ ndun < < sumbi ayɔpu akpɔnkpɔntɪ > > anfi mú. **12** Bréá mbv

mli wa a, notomi bwe tɔ́á ibu wanwan pú osuna múa ofula ɔtsan-
ɔtsan, pusuna mli ání lele sumbi ɔyɔpu ngyi. **13** Ntɔ de mli han? Tɔ́á
nɔ́bwe mliɔ, mmɔ́bwe ɔpasua bambatɔ gyi, mmesi iwi tswi mliɔ.
Kokoli, mliɔsikié mli!

14 Sei a, otse sasi ndeɔ́bweá néba mli wa a. Mmɛ́ɛba besi iwi tswi
mliɔ, tsufe mmɛde tɔ́tɔ fite tsu mli wa. Mli onuto ndehian. Kebi
tamatsu mu si wa akɔ́nkɔ́, mu si totsɔ mu wa akɔ́nkɔ́. **15** Ibu mli
ɔdweá néyinta togyitɔ́á mbu mli su, si mli iwi féé kura ha mli. Iníá
nde mli dwe dubi alí a, ntogyi su ɔdweá mli mú mliɔ ha mli
dɛdɛnkí?

16 Fiali mliɔlawun ání lele, mmɛba besi iwi tswi mliɔ, tamɛ
mliɔdeɔ́ mliɔaa, nofwifwi ansí. Ndepu atɔ tsun mli omua wa mli ɔ́nɔ.
17 Okpa ɔ́mɔ́mɔ́su? Nɔ́tsun aha amɔ́su nɔ́wa mli wa amɔ́tɔ ɔ́kusɔ sisi
mli loo? **18** Breá nokokoli Tito, nɔ́wa mua aní pio Okristoyin amɔ́
mli wa mɛ, olebesisi mli? Ekekeke! Tsufe agywun kule mia munyɔ
anidepuɔ́bwe toku kule.

19 Fiali mliɔde mú tsu bre anfitɔ́ féé mliɔaa, anidɛtɔ́ pu ka iwi le.
Megyi alí igyi. Akristofɔ́ anígyi, anidɛtɔ́ Bulu ansí. Mli adwepu,
anide togyitɔ́ bwe puwa mli ɔ́wɔ́nɔ́n. **20** Tsufe ifu de miá néba
mliɔmetsie wanklaan. Mú su mli asun blihe bówɔ́ mli asutɔ́. Fiali
nóɔ́tɔ́ utɛ, ɔ́nsipe, ɔ́blɔ́, olu, ahasia, aha iwi asunbli, iwitsɔ́ pú
abasɔ́da mliɔ. **21** Nhie nde ifu nya ání nɔ́ neba unu a, mli Bulu ɔ́bétra
ba mli así mli su. Nósu, tsufe mliɔ́ akɔ́ mliɔ́mɔ́kusɔ́ mli lakpan dada
amɔ́ bwe, damli kluntɔ́ si mbuatɔ́, hakpanla pú ɔ́wɔ́lɔ́ lalahe amɔ́.

13

Ikla Pú Olada

1 Otse sasi neba mli wa a. Bulu asun lebli obee, < < Asa mléha oku ipon a, mlinu adansifo abanyo nte abasa on. > > **2** Breá neba mli wa otse nyosi a, neda aha amuv bude lakpan bwe amv fée ola. Ntra nde amúa aha trahe fée ola da, tsufe ni neba unv a, néhie bitu amú isv.

3 Tsufe mlidekleá mlébiá lele Kristo detu tsun misv. Kristo owunlun on okuba asi mlito. Mu tumi e ihie tso mlito. **4** Ibo mótá mu oyikpalihesu lowu ilosuna ání alapon, tame sei a, otsie nkpa Bulu tumito. Breá ania munyo anlobwe kule a, anlobon, tame sei ania munyo anitsie nkpa Bulu tumito. Mú anidepukpa mli ni.

5 Mliyo mli nwunto ki bee, ahogyipu onuto mligyi? Mlikapu mli iwi ki bee, lele Kristo Yesu bu mlito? Mlilawun ání obu mlito? Ni mlumokuwun mu mlito mú a, mumv megyi ahogyipu onuto mligyi.

6 Nahogyiá mléba bebi ání Kristo ahogyipu onuto anigy. **7** Anide Bulu kokoli aniaa, mlumátra bwe lalahe kuvu. Megyi alá ibósuna ání anigy Kristo ahogyipu onuto sv. Tame ni aha budeki bee megyi Kristo ahogyipu onuto anigy o a, oha mli mú amlubwe tóá ida okpa.

8 Tsufe aní mú anuméetalí kusu lu onokwali asun amusu, don ání abéha mú ibóyo nkpa wule. **9** Ni aní mú aní owunlun on laba asi, mli kle ulawa onlun a, ansi bégyi aní. Tóá anide Bulu kuli gyi, oha amlilalu kinkiinkin, amlidan Kristo hogyito. **10** Ini sv nagyankpa nde owulv anfi wanlun sisi mli, asa amba unv ni. Meni ni neba a, mmóobotsu ibi mlisv. Tsufe ndekleá nópu tumi amuv aní Wie lapuha mli amv bua mli amlidan. Mmóopuyinta mli.

11 Apio, utrahe a, ansi igyi mli. Mlibo mbodi amlilu kinkiinkin, amlidan Kristo hogyito. Mliwa aba owunlun. Mli agywun ibwe kule, amlitsia iwilwiito, meni Bulu amuv otodwe aní, oteha aní iwilwii amv obétsia mlito bre fée. Neha mli itsia gyagyagya.

12 Mlɩha aba itsia, amlɩlata aba puta ɔdwesɩ.

Bulu aha amɩɩ bubu nfi amɩ fée beha mli itsia gyagyagya.

13 Anɩ Wie Yesu Kristo bualegyi, Bulu ɔdwe pú Dɩe Wankɩhe
kulɛbwe itsia mli féeɩsɩ.

GAL - - NKO Paul's Letter to the Galatians in the Nkonya Language of Ghana

Galatiafɔ

Dwulvá Paulo Lɔwanlɔn Sɔsɔ Galatiafɔ

Galatiafɔ

Gal.

Dwulvá Paulo Lɔwanlɔn Sɔsɔ

Galatiafɔ

1

Proofread 06-07-09

1 Mɪ sumbi ɔyɔpɔ Paulo dɛ ɔwulɔ anɔ wɔnlɔn. Megyi anyankpɔsa nte ɔhaa lɔwa mɪ. Yesu Kristo mɔa anɔ Sɪ Bulu amɔɔ ɔɔkɔsɔa mɔ tsu afulitɔ amɔ lɔwa mɪ. 2 Nde mɔ wɔnlɔn sɔsɔ ɔpasɔa ání ɪbɔ Galatia ɔsulɔsɔ fée. Mɪa Akristofɔá bubu nɔ fée anɔde mɪ itsia ha anɪaa,

3 < < Anɔ Sɪ Bulu mɔa anɔ Wie Yesu Kristo bugyi mɪ buale, abɔha mɪ iwɪlwii. > >

4 Yesu anɔ lesi ɪwɪ ha bɔmɔ mɔ anɔ lakpan sɔ, mɛnɪ ɔbéle anɔ tsu ɔyi lalahe anɔtɔ; fɛ alɔ amɔɔ anɔ Sɪ Bulu lɛhɪe yaɪ amɔ. 5 Akanfɔ Bulu brɛ fée. Amen!

Asɔn Wanklaan Kuku Má ɪnɪ ɔma

6 Mɪ Galatiafɔ, mɪ ɪwɪ lawa mɪ ifu ání mɪlɔlawuna yɪnki Bulu ɔma. Bulu lɔtsɔn Kristo awɔtɔlesɔ tɪ mɪ ɔbɛɛ, mɪbɔbwe mɔ aha. Mɪkɪ alɪá mɪlɔlawuna mɔde asɔn bamba hɔ mɪlɪaa, mɔgyi asɔn wanklaan amɔ.

7 Tame ɪna ɔtsan ha asɔn wanklaan amɔ. Aha aku dekleá báyinta mɪ

agywun, abutse Kristo asun wanklaan amu. **8** Tame ni ani, nte Bulu-
ɔɔɔɔ ɔku kura lotsu ɔsusu ba, beda asun wanklaan bamba ku ɔkan
suna mli, ina ɔtsan ha mú amuv anilebla mli amu a, Bulu ɔlwu mu.

9 Naku bli asun anfi, tame ntra nde mli bla mbee, ni ɔku ɔba beda
Bulu asun wanklaan bamba ku ɔkan suna mli, ina ɔtsan ha mú amuv
anilebla mli amu a, Bulu ɔlwu mu.

10 Megyi bee, ndekleá aha budwe mi. O-o! Bulu mboun ndekleá
ɔdwe mi. Ni ntra ndekleá aha budwe mi a, teki mmegyi Kristo
osumbi.

Paulo Sumbi ɔɔɔɔ Bwe

11 Mi apio, ndekleá iwanki mliá Bulu asun wanklaan amuv nde mú
ɔkan da amu imotsu nyankpusa agywuntɔ. **12** Megyi ɔhaa wa notsua
mú, nte ɔku losuna mi. Yesu Kristo onuto lele mú suna mi.

13 Tsufe mlilanu mi tsiatɔ asun, alíá ngyi breá mbuo Yudafo-osum
amu, pú alíá nehie dinka Bulu ɔpasua amuv, nɔɔ mbɔdiá néhi amó
féé. **14** Nɔho gyankpa mi abato Yudafo-osum amutɔ, pú alíá nɔwa nsi
gyi mi anain amandie kugyikusu.

15 Tame Bulu lɔwa awitɔle ha mi. ɔlele mi yat tsu breá mbu mi yin
iwitɔ, ɔletɔ mi ɔbee, nyɔ mu agyuma. **16** ɔlele mu Bi amu suna mi,
meni néda mu iwɔ asun wanklaan ɔkan aha ání bumegyi Yudafo.

Mmɔɔɔ ɔhaa wa mbee, osuna mi asun alɔ bre amutɔ. **17** Mmɔɔɔ
Yerusalem mbee, noyowun Kristo sumbi ayɔɔɔ amuv bubu unu asa
neba amu e. Mboun nenatɔ laa yɔ Arabia ɔsulusu, neyinki ba
Damasko wulutɔ. **18** Yesu lele iwɔ suna mi. Mú ofi-sasitɔ a, nyɔ
Yerusalem yowun sumbi ɔɔɔɔ Kefa ání butetra ti mu Petro, netsia
mu wa nke duanu. **19** Mmetra wun sumbi ɔɔɔɔ ɔkuku dun ani Wie
Yesu mu gyama Yakobo.

20 Onǎkwali asun ndewanlun sisi mli. Bulu yin ání mmede afunu wa.

21 Mú ɔma a, nɔyɔ Siria pú Kilikia ɔsulusu. **22** Alí bre amuto a, Akristofɔ ɔpasua amuu ibubu Yudea ɔsulusu amu bumɔkunya bi mɪ.

23 Múá budenu tsu mɪ ɪwɪ fée gyi, aha budebli bee, < < Oyin amuu ɔdun anisu amu na ɔde hogyi amuu anide mú asun bli, ɔde anɪ itin ka amu ken ɔkan da. > > **24** Ina mɪ su bekanfu Bulu.

2

Proofread 06-07-09

Paulo Mva Sumbi Ayɔpu Atrahe Amu

1 Nfi duana ɔma a, mia Barnaba anilekpa Tito buo ɪwɪ, yinki yɔ Yerusalem. **2** Bulu lele suna mɪ ání nyo unu, su nɔyɔ. Alíá mɪ agyuma móɔbwe kpaali su a, negyankpa le asunto suna ɔpasua ahande amu nkule itsetɔ. Nebia amú asun wanklaan amuu nna nde mú ɔkan da aha ání bumegyí Yudafoɔ amu. Botsula dinka músu. **3** Ibo mútoá Grikiyin Tito amuu anilekpa buo ɪwɪ amu gyi, tame bumehie mu bee, ɔtun kete. **4** Ibo mútoá Akristofɔ afunupu akvá beki ansi bowie anito bekleá ɔtun kete. Tsufe bodunka ání béyinta ɪwɪsutsia amuu Kristo Yesu laha anɪ amu; abubwe anɪ amli nkpábi ha Yudafo mbla amu. **5** Tame animesi ɪwɪ ha amú kpalobi kuraa, menɪ ɔnǎkwaliá ɪbu asun wanklaan amuto uméetse ha mli.

6 ɔpasua ahande amuu bubu unu amu bumebli mɪ asvansu bee, mputsia asun wanklaan amuu ndebli amuto. (Iníá nde amú ti ahande kuraa a, megyi bee, amú hande amu ɪbu mɪ labi, tsufe Bulu mú tamaki ɔhaa ansito.) **7** Tame ahande amu bowun ání Bulu lopu asun

wanklaan amu ha mi ɔbɛɛ, nda mú ɔkan aha ání bumegyi Yudafoṭɔ,^a fe alíá ɔlɔpuha Petro ɛ ɔbɛɛ, ɔda mú ɔkan Yudafoṭɔ. **8** Tsufe Bulu leha Kefa ání butetra ti mu Petro tumi, ogyi mu sumbi ɔyɔpu Yudafoṭɔ. Mu ken laha mi tumi, ngyi mu sumbi ɔyɔpu aha ání bumegyi Yudafoṭɔ ɛ ni. **9** Inu a, ulowanki Yakobo mua Petro pú Yohane amuu buhie bugyi ɔpasua amu ɔtan amúá Bulu lapu alí agyuma anfi kie mi. Mú su bɔwa mia Barnaba ibi, pusuna ání anilabwe kule. Botsula ání mia Barnaba ayo agyuma aha ání bumegyi Yudafoṭɔ, amú ɛ abuyo agyuma Yudafoṭɔ. **10** Múá bodunka tsu aní wa gyi, akain amúto aha ání buma tɔtɔsu. Mú ken gyi tɔá ndekleá nóbwe ɛ ni.

Paulo Iyinwa Wa Petro

11 Tame bréá Petro leba Antiokia wuluto a, nɔwa iyin wa mu aha ansito, tsufe tɔá ɔlɔbwe itepi ma ale. **12** Bréá ɔleba a, mua ahogyipuá bumegyi Yudafo butɔwa ibi gyi ato, tame Yudafo aku benya tsu Yakobo wa ba pe, ɔlebiti iwi le aha amuto, tsufe ɔde ahogyipu amuu bɛɛ butun kete amu ifu nya. **13** Iníá ndeblí a, Yudafo atrahe amu ɛ bubuo Petro apinabwebi anfi. Barnaba o leyinki yo obuo amú. **14** Nowun ání amú bwehe amu imekana ɔnɔkwaliá ibu asun wanklaan amuto. Mú su nebla Petro aha amu féé ansito mbee, < < Petro, Yudayin fɔgyi, tame fumedɛ Yudafo amandiesu gyi. Ɔmátɔfo amandiesu fudegyi. Ntogyi su fude aha amuu bumegyi Yudafo amu hie fɛɛ, bubwe Yudafo amandíéá fakina? > >

Hogyisu Bulu Tɔtsun Hɔ Yudafo Pú Ɔmá Bambasufɔ Nkpa

15 Yudafo lɔkwu mia funyo. Megyi aha amuu bumegyi Yudafo, bumeyin Bulu mbla amuto atsu. **16** Tame aní Yudafo Akristofo amu

^a2:7 Aha ání bumegyi Yudafo tamatin kete. Yudafo gyi kete atinpu.

mó anyin ání megyi Mose mbla amusu gyi su Bulu totsú ɔ́ha ání mu asun da ɔ́kpa mu ansító, nketi Yesu Kristo hogyi. Mó su anilahó mu gyi, mení Bulu ɔ́bótsun mu hogyi amusu ha aní asu ní. Tsufé ní mbla amusu gyi su mó a, tɛkí ɔ́haa méegyí asu Bulu ansító. **17** Anidedunka ání Bulu ɔ́tsun aní Kristo hogyisú, otsu aníá aní asun da ɔ́kpa mu ansító. Tame ní Yudafo akú búde aní mboun kí lakpan abwepu a, mumu imosuna ání asukpan Kristo de aní suna a? Ekekeke! **18** Ní nakina Mose mbla amú, layo nde músú gyi a, mumu ilosuna ání uto lalahé nɔ́yo ndebwé a. **19** Tsufé Mose mbla amú ilosuna ání nawu. Uleha negyi íwí, mení nétsia nkpa pɔ́pwe ha Bulu. Mí Kristonyo beda manta oyikpalihesu ɔ́geto. **20** Mó su ntsie nkpa sei, tame megyi mí onuto tsie nkpa ɔ́súv anífu. Kristo, ogyi Bulu mu Bì amú tsie mító. Múlódwe mí, bowu ha mí. Mu hogyi su ntsie nkpa. **21** Mó su mméde Bulu awítóle amú kina. Tsufé ní Mose mbla amú su ɔ́ha obégyi asu Bulu ansító a, mumu kpaalí Kristo lowu!

3

Proofread 06-07-09

Mbla Amusu Gyi Nte Kristo Hogyi

1 Oo Galatiafo aha mimlahe! Ma lale mílí ansí alí? Megyi mílí onuto ansító behíe le suna mílí alíá beda Yesu Kristo manta oyikpalihesu, mɔ́ mu? **2** Nfite mílí asun kuakulé. Mose Mbla amusu gyi leha mílénýa ɔ́ɔ́ge Wankíhe amú loo, nte asun wanklaan amusu mílónu, mílúde mó hogyi amú su? **3** Aha mimlahe mílókukú mílgyi alí a? Iníá mílópú ɔ́ɔ́ge Wankíhe amú tsua mílí Kristotótsia así mɛ, mílí onuto tumi mílaa, mílópumɔ́ mó ɔ́nɔ́ ngya? **4** Kpaalí su mílówun ipian amú fée asun wanklaan amú su? Megyi kpaalí su! **5** Ntra fite mílí. Mílí Mose mbla

amusu gyi su Bulu lapu Dnye Wankihe amu ha mli, ode ofula e bwe mli? Ekekeke! Alia mlilonu asun wanklaan amu, ho musu gyi su olopuha mli.

6 Mlipuki anu nain Abraham. Ibo Bulu asun wanlinhe amuto ani, < < Abraham loho Bulu gyi. Mu su Bulu lotsu mu mu asun da okpa. > > **7** Mu su ilehian ani mlebia aha amu boho Bulu gyi amu gyi Abraham abi onuto ni. **8** Bulu asun wanlinhe amu lebli ya ani Bulu abotsun aha amu bumegy Yudafo amu hogyisu, tsu amua amu asun da okpa. Inu su Bulu lebla Abraham asun wanklaan amu dododo bee, < < Fusu notsun yula osulusu aha fee. > > **9** Abraham loho Bulu gyi. Mu su Bulu loyula mu. Mu su sei anfi a, Bulu abopu oyula amu olopyula Abraham amu yula aha ani baho Kristo gyi.

10 Tame ilwu din aha ani amu anu din Mose mbla amusu gyisu. Tsufe bowanlin wa Bulu asun amuto bee, < < Bulu lalwu chagiyoha ani omegy mbla amu bowanlin wa Bulu mbla owuluto amu feesu. > > **11** Sei a, ilawanki ani chaa ma unu mu mbla amusu gyi su Bulu obotsu mu ani mu asun da okpa. Tsufe Bulu asun wanlinhe amu lebli bee, < < Oha ani mu hogyi su Bulu latsu mu ani mu asun da okpa obenya nkpa. > > **12** Mbla amusu gyi mena hogyisu, tame Bulu asun wanlinhe amu lebli bee, < < Chagiyoha ani otegyi mbla amusu abotsun musu nya nkpa. > >

13 Tame anu su Kristo lemli oha lwuhe bea beda mu manta oyikpalihe amusu. Mu su olele anu tsu ilwu amu mbla amu leti ha anu amu asi. Tsufe Bulu asun wanlinhe amu lebli bee, < < Ilwu din chagiyoha ani beda manta oyisu. > > **14** Kristo lowu, men Bulu abopu oyula amu oheha ha Abraham amu ken yula aha ani bumegy Yudafo, men abotsun anu Kristo Yesu hogyisu nya Dnye Wankihe amu oheha amu.

Mbla Amu Pú Bulu Nhíhíe

15 Mí apio, mpu nde tsiato asun ku flo asun anfi ha mli. Alí amuv
cha ɔdunka ibwi mu asunsu ɔbɛɛ, ɔku ogyi mu ato, ɔhaa má ɔkpa tse
mú, nte le tku múto amu a, alí igyi ntam amuv Bulu leka ha Abraham
amu e ni. **16** Aní nain Abraham muv mu nanyɔ Bulu leka ntam ha.
Alí asun anfi imosuna ání mu aná tsɔtsɔtsɔ, mboun mu na ɔkule pe.
Mu na amu gyi Kristo a. **17** Asun ání ndeblí gyi, Bulu leka ntam ha
aní nain Abraham. Ɔledunka ibwi músu pusuna ání obégyi músu.
Mbla amuv ɔlɔwa ha Mose nfi lafana advasa (430) ɔma amu iméetali
ka ntam amuv ɔledunka ibwi músu amuto, nte tse mú ekekekeke.
18 Tsufe ní mbla amuv gyi su ɔha ibi béda agyapadi amuv Bulu
lehíe yaí amu a, mumu megyi híe Bulu lehíe mú yaí Abraham. Tame
ɔnɔkwali amu gyi, kie ɔlɔpukie mu.
19 Mumu labi momu mbla amu bu? Bulu lɔpu mú e manta músu,
mení ibósuna aha tɔá lakpan gyi. Tame ɔlɔwa mbla amu ání ibétsia
alu yɔfun breá Abraham mu na amu ɔbéba. Múgyi mu ato ogyipu ní.
Ɔlɔpu mbla amu ha mu abɔpu bɔpu bɔwa Mose ibito. Muloɔbwe Bulu
muv Israelfɔ nsine ɔlapu ní. **20** Nsine ɔlapu tamalu ha ɔbakule, tame
ɔbakule Bulu gyi.

Labiá Mbla Amu Ibo

21 Bulu mbla amu ulokusu lu mu nhíhíe amuv ɔlehíe yaí amuv?
Ekekekeke! Ní mbla ku ibétali ha aní nkpa ání itamata a, teki abétali
gyi asu Bulu ansito, ní anilegyi músu. **22** Tame Bulu asun wanlinhe
amu ilebliá lakpan lagyi ɔyito aha féésu plíplíplíplí. Mú su ato amuv
Bulu lehíe yaí amu igyi Kristo ahogyipu kle.
23 Tame asa Yesu Kristo hogyi leba ɔyito a, mbla amu ilekli aní fe
obu adipu. Ɔhaa menya mu tui, bɔfun breá Bulu lebele Kristo hogyi

awan. 24 Mú su mbla amu lɔbwe anɔsu ɔkɪpu bɔfun breá Kristo leba, menɪ Bulu obótsu anɪ ání anɪ asun da ɔkpa mu anɪtɔ, tsun anɪ Kristo hogyiɔ. 25 Iníá Kristo hogyi laba su a, imehian ání mbla amu ɔbétra bwe anɪsu ɔkɪpu.

26 Tsufe mli Kristo Yesu hogyi su mli féé mlɪlabwe Bulu abi. 27 Mli aha ání mliá Yesu Kristo mlɪlabwe kulɛ tsun asubɔsu mlɪlatsu mu tsiatɔ féé. 28 Mú su Yudayin nte Grikiyin tra ɔma unu. ɔkpábi nte ɔdihɛ, ɔtsɪ nte oyin tra ɔma unu. Tsufe mli féé mlɪlabwe kulɛ mliá Kristo Yesunyo ɪkulɛbwɛtɔ. 29 Iníá mlɪlabwe Kristo kle su a, mlɪlabwe Abraham abi-aná onuto, pú mu atɔ agyipɪ. Inɪ su ɪtɔ amuv Bulu lehɛ yaɪ Abraham amu igyi mli kle.

4

Proofread 06-07-09

1 Mliyo asun anɪtɔ kɪ. Nɪ ɔha owu, si mu agyapadiɛ yaɪ mu abi breá bumɔkudan a, bugyi fe nkpábi. Ibv mútɔá amúbu amú sɪ atɔ féé, 2 tame ilehian ání béba ɪwɪasɪ ha amúsu ɔkɪpu alu yɔfun nfi oduá amú sɪ losuna ání buhɔ, asa abupu atɔ amu wa amú ɪbitɔ. 3 Alɪ anɪ ɛ anɪgyi asa Kristo leba nɪ. Anɪlɔbwe nkpábi ha ɔɲɛ, nte tumiá ide ɔyi anɪfɪsu gyi. 4 Tame breá bre amu onuto lɔfun a, Bulu lɔwa mu Bi sɪsɪ, ɔha tsɪhɛ lɔkwu mu wa mbla amu asi. 5 Bulu lɔwa mu ání ɔba bɔhɔ anɪ aha amuv anɪgyi nkpábi ha Mose mbla amu tsu nkpábitɔ, menɪ ɔbɔbwe anɪ mu abi onuto.

6 Bulu lodunka ání obósuna ání mlɪlabwe mu abi. Mú su ɔlɔpu mu Bi amu ɔɲɛ wa anɪ ɪkluntɔ nɪ. ɔɲɛ amu teha antokpoli mu aniaa, < <Abba, mɪ Sɪ! > > nɪ. 7 Mú su opio, futra fumegyi ɔkpábi, mboun Bulu mu bi. Iníá mu bi fugyi su a, mu atɔ féé igyi fu kle.

Galatiafɔ Iwɪ Ipiɒn

8 Brɛ́á mɪmɔkɔnya bɪ Bulu a, mɪlɔbwe nkpábi ha ɪkpíá bumegyɪ tɔtɔ. **9** Tame sei mɪlabɪ Bulu, ntɛ nébli mbɛɛ, alabɪ mɪ. Ntogyi su mɪɔdekleá mɛ́yinki yosum tumi anfi uma labi kukubuku? Ntogyi su mɛ́tra yinki yɔbwe amó nkpábi fɛ bre amu? **10** Mɪɔde amandɛ ku bwe nke kutɔ, tsra kutɔ, bre kutɔ pú nfi kutɔ. **11** Mɪ bwehe anfi su ifu bu mɪtɔ. Iɔde mɪ bwe fɛ ipian amuv ndewun mɪ su amu fɛ́é ɪbɔ́bwe kpaali.

12 Mɪ apio, nokokoli mɪ, nabwe mɪ iwɪ fɛ mɪ. Ntra mma mbla kuku asi. Mú su mɪtsia mɪ atsiabi. Megyi bɛɛ mbɛɛ, mɪlapu lalahe kuku gyi mɪ, su ndɛ unɪ bli. **13** Mɪlakain ání iwɪ ma mɪ ɔnlɪn asa nɛba unɔ bɛda Bulu asun wanklaan amu ɔkan eke gyankpapu?

14 ɪsɔki kpɔ́nkpɔ́ntɪ mɪ ɪɔ amu ɪɔbwe ha mɪ, tame mú o a, mɪmɔbu mɪ tɔku. Mboun mɪlɔhɔ mɪ fɛ Bulu-ɔbɔpu, ntɛ Kristo Yesu onuto kuraa. **15** Ansɪ lɛhiɛ gyi anɪ alɪ bre amutɔ! Ntɔ lɛba? Mɪ onuto nowun ání nɪ mɛ́talɪ a, tɛkɪ mɪlɔloti mɪ ansibi wa mɪ alɪ bre amutɔ. Mú ntɔ de mɪ sei? **16** Alɪ amuv ndɛ mɪ ɔnɔkwali bla amu su namli mɪ olupu?

17 Aha amuv buɔdekleá mɪgyi Yudaɔ mblasu amu buma mɪ iwɪ agywun wanklaan kuku. Tɔ́á buɔdekle gyi bémaɪn mɪ lɛ mɪsu, menɪ mɛ́kle amó asun. **18** ɪbu alɛ́á aha bóɔdunka ání mɪɔdwe amó, agywun wanklaan ɔkpasu. Megyi brɛ́á mbu mɪ wa wulɛ. **19** Mɪ abi adwɛpu! Iwɪ tra ɪɔde mɪ ɔsun ha mɪ, fɛ ɔtsíá ɪkwɪ de mu dwiin. Nketɪ mɪlanya Kristo tsiatɔ mɪtɔ asa iwɪ bési mɪ ɔsun. **20** ɪhiɛ de mɪ han ha mɪ. Nɪ mɪ nkulɛ su mú a, tɛkɪ mbu mɪ wa sei, menɪ nɛ́tse mɪ tɔtɔ.

Hagar Mva Sara Nfantɔhun

21 Nfite mɪ aha amuv mɪɔdekleá mɛ́ɔbuo Mose mbla amu. Mɪmonu

asun ání lebli así? **22** Bɔwanlɛn wa Bulu asun amuto bɛɛ, Abraham
lɔkwu abi yinhe anyɔ. Ɔkule mu yin gyi ɔkpábi, onyɔsi mu yin gyi
ɔdihie. **23** Ɔkpábi amu lɔkwu mu bi keke, tame ɔdihie amu mú a,
Bulu lehie mu yai ání méha mu obi asa ɔlɔkwu. **24** Mliha anu asun
anfi así tsun ɔkpa anfisɔ. Atsi abanyɔ anfi bulu ha ntam anyɔ ání
Bulu leka. Hagar lu ha Sinaibusu kle, tsufe nkɔpábi mu abi bugyi.
25 Sinaibu amu ibu Arabia ɔmáto. Ulu ha nde Yerusalem wulu.
Yerusalem pú móto aha féé bugyi nkɔpábi, Mbla amu su. **26** Sara mó
gyi ɔdihie, ɔlu ha ɔsusu Yerusalem. Mugyi anɛ yin nɛ. **27** Tsufe Bulu
asun wanlinhe amu lebli ɔbɛɛ,

< < Ɔtsi mákwupu, nya ansigyɛ!

Ɔtsiá ikwu mɔkudwiin mu kɛ, kplɔn, afusura okitikiti ansigyisɔ.

Tsufe ɔtsi amuu mu klu lesi mu tswi amu obénya abi tsɔtsɔtsɔ,

dɔn ɔmuamuu mu klu da mu wa ekekegyieke amu. > >

28 Mɛ apio, sei a, mliabwe Bulu aha tsun mu toá ɔlehie yaisɔ; fé
alíá ɔlehie yai asa bɔkwu Isak. **29** Alɛ bre amuto a, obi amuu bɔkwu
mu keke, ogyi Ismael amu ledinka Isak amuu bɔkwu mu Ɔɛɛ
Wankihe tumito amusu. Alɛ ken igyi ha anɛ nde nɛ. **30** Tame nkali
Bulu asun wanlinhe amu lebli? Ɔbɛɛ, < < Gya ɔkpábi amu mua mu
bi, tsufe megyi ɔkpábi mu bi amu mua ɔdihie mu bi amu obégyi amó
sɛ atɔ. > > **31** Mó su apio, megyi ɔkpábi amu abi anigyɛ. Ɔdihie amu
abi anigyɛ.

5

Proofread 06-07-09

Mlɛkɛ Mli lwigyisɔ

1 Anɛ lwigyɛ su Kristo laha anɛlagyi twi! Mó su mlilu kinkiinkin.

Mlímátra tsula abubwe mli nkpábi ha mbla amu.

2 Mlinu! Mí Paulo de mli bla ání ní mlesi iwi ha, betin mli kete a, ilosuna ání to amuv Kristo lóbwe amu uma mli labi kuku. **3** Ntra nde mli ɔla da mbée, ɔhagyioha ání ɔleha betin mu kete a, ilehian ání obégyi Mose mbla amu féésu. **4** Nde mli bla mbée, mli aha amuv mlide mbla amuv gyi, mení Bulu obótsu mliá mli asun da ɔkpa mu ansito amu mlilamain iwi le Kristosu. Bulu awitɔle amu ɔlatswi mli pan. **5** Aní mú aní ansi dín ání Bulu obótsu aní ání aní asun da ɔkpa mu ansito. Iní gyi tɔá anide ɔkpa kí tsun Ɔɣe Wankihe amuv ɔde agyuma yɔ anito, tsun aní hogyisu amuv ní. **6** Tsufe ní ania Kristo Yesu anigyí kule a, ketetin nte ketemátin mehian. Múa idehian gyi anubu hogyiá iteha anitɔdwe Bulu pú aní aba.

7 Teki mlide mbɔdi bɔ asa. Ma koun latin mli ɔkpa ɔbée, mlímátra buo ɔnɔkwali amu? **8** Megyi Bulu bwehe igyi, tsufe mulele mli.

9 Mlíkaín ání bodobodotu-afa kpalobi teha bodobodo amu féé itotu.

10 Aní Wie laha nahogyi ání mlíméetra hɔ ɔha bamba atosunahe dun mí nkule kle. Bulu ɔbébiti ɔha amuv ɔde mli agywun damli amu isu.

11 Mí apio, ní ntra nde ɔkan da bí mbée, ilehian ání aha bétin kete a, mumu ntogyi su Yudafo butra budin misu? Mumu ní nde Kristo oyikpalihesu lowu amu e ɔkan da a, ye ɔhaa méedinka misu o. **12** Mí su mú a, teki aha amuv bude mli han bée, ilehian ání mlétin kete amu bawuna flo amó iwi.

13 Mí apio, Bulu lele mli ɔbée, mlíbegyi iwi. Tame mlímátsun mli iwígyi amuv layotsu mli tsiato dada amu. Mboun mlípu ɔdwe sum mli aba, **14** tsufe Mose mbla amu féé ɔlú mbla kule pe amuv ɔdeblí ɔbée, < <Dwe fu ba fe fu iwi.> > amuv. **15** Tame ní mlílabwe mli iwi fe mbwikita-atɔ, mlide aba finí, mlide aba lala a, mumu mlíkí wanklaan; ní megyi alí mléhi aba.

Tsiato Dada Pú Ɔηeto Atsiabi

16 Mú sv nde mli bla mbée, mliha Dɔɛ Wankihe amu ɔkpa mli. Mumu mliumóɔbwe toá mli tsiato dada tekle. **17** Tsufe toá anɪ tsiato dada tekle ihie na ɔtsan ha toá Dɔɛ Wankihe amu tekle. Toá Dɔɛ Wankihe amu tekle e ihie na ɔtsan ha toá anɪ tsiato dada tekle. Atoku anyɔ anfi ɔlɔkusu lu abasu, menɪ mliumóɔbwe toá mli tekle. **18** Nɪ Dɔɛ Wankihe amu de mli kpa a, mumu mliumá Mose mbala amu asɪ.

19 Tsiato dada bwehe telin owan. Múgyi; atsi mva ayin asunwa, agywun lalahe bwe, ifintotsia, 20 ukpitswe, afatoplei, olu, ure, fu nkule kle dunka, oblokpan, onsiye, aba-asumanu, iwumain le fu abasu, 21 okabagya, ntabu, pleikpada pú múá ilelian uní aná. Mú aná iwi asun nde mli bla, fe aliá nebla mli yaí. Mbée, aha ání butóbwe uní odu buméenya Bulu iwiegyi amuto agyapadie kuku.

22 Tame ni Oge Wankihe amu de anị kpa a, mụ abi swieheá ibétsia anito gyi, odwe, ansigyí, iwílwii, uklunya, awítóle, yilebwe, onokwáli, 23 ilwii pú iwisugyi. Mbla kukvuku má unvá iletin alí ntobi anfi okpa. 24 Aha ání bugyi Kristo kle bamo amú tsiato dada pú amú owoli lalahe Kristo Yesu oyikpalihe amusu. 25 Oge Wankihe amu laha aní nkpa popwe. Mú su mliha agyi mu asunsu. 26 Anumátsu íwí suna aba, nte wa aba oblo, nte pe ansi aba atosu.

6

Proofread 06-07-09

uku Tsu Le Aba Asunto

1 Mí apio, ní mlítò òkú òbwé lakpan kù á, mlí aha amúv Òjé Wankihé dé mlí kpa amú mlinya klun tó kplá mú pútò. Tame mlikú mlí íwí wanklaan, mení mlí é mlinégédída usókí amú odutò. **2** Mlitsú

uku le mli aba asuntɔ. Nɪ mlɪde mʊ bwe alɪ a, mlɪde Kristo mbla amusu gyi nɪ. **3** Nɪ ɔku de mu ɪwɪ kɪ ɔbɛɛ mɔfun togyitɔtɔ, tamɛ omɛgyi tɔtɔ a, ɔde mu ɪwɪ mlɛ. **4** Mlɪkapu mli onuto tsiatɔ kɪ. Nɪ ɪbu alɛ a, mumu mlɛtalɪ pu ɪbɪ si kantɔ mli bwehɛ su, mlimɔɔpu kapu ɔha bamba kle. **5** Tsufɛ anitɔ okugyiɔku ɔbɔsura mu onuto atɔ surahe.

6 Bulu asun amu akasipu buye atɔ wanklaan ání bubu ɪku ha amú asunapu.

7 Mlimámle mli ɪwɪ. ɔhaa tamamle Bulu. ɔhagyɪɔha ɔbɔkpɔtɪ tɔá olodu. **8** Nɪ ɔku lodu tsiatɔ lalahɛ wa mu kluntɔ a, lowu ɔbɔkpɔtɪ tsu mútɔ. Tamɛ nɪ ɔlehɔ ɔɲɛ Wankɪhɛ amu lodu tsiatɔ wanklaan wa mu kluntɔ a, ɔbɔkpɔtɪ nkpa ání itamata tsu mútɔ. **9** Mú su yilebwe mákpon anɪ. Tsufɛ nɪ abatɔ mowu anɪ a, abɔkpɔtɪ nkpa ání itamata mú bretɔ. **10** Mú su bregyibreá anya mú ɪwɪ ɔkpa a, mliha abwe yile ha ɔhagyɪɔha, titriu anɪ apio ahogyipu.

Itsiaha Pú ɔlada

11 Mlɪkɪ atɔ wanlinhɛ akponkpontɪá napu mɪ onuto ɪbɪ wanlin sisi mli! **12** Aha amusu budedunka ání bɛgyi asu aha ansitɔ amu lu mliɔu bɛɛ, mliha abutɪn mli kete nɪ. Megyi tɔtɔ su bude ɪnɪ bwe. Alɪá Yudafo bumɛɛdunka amúsu bɛɛ, budebli bɛɛ Kristo oyikpalihesu lowu amu pesu ɔha ɔbɔtsun nya nkpa. **13** Kete atɪnpu amu onuto o butamagyi Mose mbla amusu. Tamɛ budekleá mlɪtɪn kete, menɪ bɔpɔtsu ɪwɪ suna amú aba ání baha mlɪlatɪn kete. **14** Mɪ mú a, ɪmába mútɔá nótsu ɪwɪ ɔyi anfitɔ tɔtɔɔtsu, dun anɪ Wie Yesu Kristo oyikpalihesu lowu amu. Tsufɛ mu lowu amu su ɔyitɔ tsia ɪtra ma mɪ labi, mɪ ɛ mma labi kuku ha mú. **15** Ketetɪn nte ketemátɪn megyi tɔtɔ. Múá idehian gyi ɔha obémli ɔha pɔpwe. **16** Iwilwii múá nwewun ɪtu aha amusu bude mbla anfisɔ gyi amu, pú aha ání buhɛ bugyi Bulu

aha!^b

17 Asa nékpa m̀ asun opulu a, m̀bla m̀l̀. M̀l̀to ɔhaa mátra wa m̀l̀ tɔl. Tsufe m̀l̀ ɪwɪ apɪna anfi idesuna ání Yesu ɔkpábi ngɪ.

18 M̀l̀ apio, anɪ Wie Yesu Kristo ogyi m̀l̀ buale. Amen!

^b**6:16** *Aha ání bvhɛ bvgɪ Bulu aha gyi Israel pɔpwe amv nɪ.*

EPH - - NKO Paul's Letter to the Ephesians in the Nkonya Language
of Ghana

Efesofɔ

Dwulvá Paulo Lɔwanlɔn Sɔsɔ Efesofɔ

Efesofɔ

Efe.

Dwulvá Paulo Lɔwanlɔn Sɔsɔ

Efesofɔ

1

Proofread 06-07-09

Itsiaha

1 Mɪ Pauloá Bulu aɸe sʊ nabwɛ Kristo Yesu sumbi ɔyɔɔv, dɛ ɔwulʊ
anfi wanlɔn sɔsɔ mli Bulu aha ání mlɪlahɔ Kristo Yesu gyi, mli
munyɔ mlɪlabwɛ kulɛ, mliɔv Efeso wulutɔ. Nde mli itsia ha.

2 Anɪ Sɪ Bulu mva anɪ Wie Yesu Kristo bugyi mli bvalɛ, abvha mli
iwilwii.

Ɔsʊsʊ Oyula Ání Anɔv Kristotɔ

3 Mliha akanfʊ anɪ Wie Yesu Kristo mʊ Sɪ pú mʊ Bulu. Tsufɛ tsʊn
anɪa Kristonyɔ ikulebwɛtɔ a, alapʊ ɔŋɛtɔ atɔá ibékpa anɪ féé yula anɪ
tsʊ ɔsʊsʊ. 4 Asa Bulu lɔbwɛ ɔyi a, ɔlɛlɛ anɪ bwe mʊ klɛ tsʊn anɪa
Kristonyɔ kulebwɛsʊ, ání abwɛ aha ání amú iwɪ letɔn, ifin kuku ma
anɪ iwɪ mʊ ansɪtɔ.

5 Iníá Bulu tɔdwɛ anɪ sʊ a, ɔlɔbwɛ agywɔn yai ɔbɛɛ, mɔpʊ anɪ bwe

mu abi tsun Yesu Kristosu. Iní gyi tǎá olekle, igyi mu aƤe ní. **6** Mlíha akanfu Bulu, mu awitǎle anfi ibu numnyam, ǎlǎwa tsun mu Bi ǎdwepusu ha aní faan anfi su. **7** Ǭlǎpu mu Bi amu obugya ka aní nwunsu ǐkǎ, si aní lakpan kie aní. Awitǎle anfi Bulu lehíe wa ha aní anfi ibu ifu dubí. **8** Mu nyansa pú mu asun-asunu lalé mú fée ǎwan suna aní tsun ǎkpa tsǎtsǎtsǎsu.

9 Alaha anílabí mu asun ǧainheá ǎlekíkí yai dodoodo ǎbee, móbwe tsun Kristosu. **10** Mu asun ǧainhe amu gyi, ní bre amu ifun a, móbwe mu atǎ bweheá ibu ǎsu múa así fée kule, puwa aní Wie Kristo así.

11 Bulu teha mu nwuntǎ-asun pú mu aƤe teba mútǎ bregyibre. Mu onuto lele aní ǎbee abwe mu abi tsun ania Kristonyǎ ǐkulébwetǎ. Tsufe alí ǎlǎbwe agywun yai dodoodo ní. **12** Ǭlele aní agyankpapu amuu aní aní dín Kristosu amu ǎbee, abékanfu mu numnyam.

13 Alí ilegí ha mlí é ní. Bre amuu mlílonu ǎnǎkwali asun, igyi asun wanklaan amuu ǐlǎhǎ mlí nkpa amu, hǎ músu gyi ǎpá mlí Kristonyǎ mlílǎbwe kule. Bulu lǎpu mu Ǭǧe Wankíhe amu híe mlí nsu, pusuna ání mubu mlí, fe alí amuu ǎlehíe yai ǎbee, móbwe amu. **14** Ǭǧe Wankíhe amu gyi ntswiasíá idesuna ání aní ǐbí bédá agyapadíe amuu Bulu lela yai ha mu abi amu ní. Idesuna ání alaka aní nwunsu ǐkǎ, puwa mu numnyam.

Paulo MƤai

15 Mú alí su, tsu breá nonuá mlílahǎ aní Wie Yesu gyi pú alíá mlíǎdwé Bulu aha fée a, **16** mmǎkusi Bulu ǐpan da mlí nwunsu. Ní nde mƤai bǎ a, ntekain mlísu. **17** Ntokokoli aní Wie Yesu Kristo Bulu, numnyam Ǭsí amu mbée, ǎha mu Ǭǧe amu ǎha mlí nyansa. Ule mu ǎwan suna mlí, mení mlébí mu wanklaan. **18** Ntǎkuli mu mbée, obwii mlí aní, amlíwun atǎ wanklaan amuu ǎbee, mlíbekí ǎkpa ha amu,

mení mlébiá ató amúv òlèlè yáí há mú áhà amú ihé bú bíá. **19** Óhà
amlíbì ání mú tumí òn tumí kugyíkú há aní ahogyípú. Mú tumí anfi
òma á, kúkú má únú. **20** Mú kén òlèlè suna bréá òlókúsvà Kristo tsu
afulítò, pú mú yeyáí mú gyòpísv òsúsv únú ní. **21** Ìnú Kristo òé íwíé
gyí awíé féeé, tumí kugyíkú òyé lálàhé pú òmásvgyí tumí féeésv ní. Mú
díbíá òn díbíá kugyíkúá íbú nú sèí pú òyí amúv íbébà amútò.
22 Bulú lópú togyítò wá mú así, òlópú mú bwe togyítò nwun há mú
òpasuá. **23** Ópasuá amú gyí Kristo òyúlv. Kristo wá òpasuá amú tenyá
tumí kugyíkú tsu. Mútèhá togyítò tòwá àlé yí òtíngyíòtíngé.

2

Proofread 06-07-09

Tsu Nkpa Dadatò Bá Pòpwetò

1 Ásà mlèmlí Àkristófò á, ásútò-ònlún múbà lakpanbwe sv mlígyí
òyetò áhà wuhé. **2** Àlì bré amútò á, mlíletsíá òmátòfò atsiabí.
Mlìlobuò òyé lálàhé féeé owíé Òbunsam. Múgyí òyé lálàhéá ídè
agyúma yò áhà amúv bútamabú Bulú amútò ní. **3** Lèlè mú á, aní féeé
aníletsíá amú atsiabí, bwe lálàhéá aní òwòlì lekìlè. Anílobuò tòá aní
òyúlv pú aní agywun letsíá suna aní. Tsiatò anfi sv tèkì Bulú òbébùtì
aní ísv fè áhà atràhé ní.

4-5 Tàmé úníá Bulú nwewun ítsò, òtèhé òwé aní sv á, òlòtsun aníá
Kristonyò òkùlèbwesú há aní nkpa, bré amúv anígyí áhà wuhé mú
ansútò aní lakpan sv amú. Mú awítòlè sv òlòhò aní nkpa. **6** Aníá Kristo
Yèsunyò òkùlèbwe anfi sv Bulú lakúsvà aníá múnýò tsu lowútò, aláhá
aní òtsiákpa Kristo wá. Aníá múnýò abégyí íwíé òsúsv. **7** Bulú lèlè mú
awítòlè kpònkpòònkpòntì anfi suna aní tsun Kristo Yèsúsv, mení áhà
ání bétrà lún féeé bówun ání mú awítòlè lomónì òn togyítò. **8** Bulú

awitɔle pú mli Kristo hɔgyisu Bulu lɔtsun hɔ mli nkpa. Inɩ motsu mli, Bulu atokiehɛ igyi. **9** Megyi mli bwehe wanklaan kuku su, menɩ mlɩtɔ ɔkuku mɔɔpu ibi si kantɔ. **10** Bulu labwe anɩ alɩ anfi anɩgyi. Alabwe anɩ aha pɔpwe tsun anɩa Kristo Yesunyo ukulebwesu, menɩ abɔ́bwe yileá mu onuto ɔlela yaɩ ha anɩ ɔbɛɛ abwe.

Kristotɔ ukulebwe

11 Mú su mlíkain ání tɛkɩ ɔmátɔfɔ mlɩgyi. Bre amu a, Yudafo buteti mli bɛɛ, < <Aha ání bumetin kete,> > buteti amú iwɩ kete atɩnpu. (Tame ketetin amu o a, nyankpusa ɔyulusu pú ibi ɔno atɔ igyi.)

12 Mlíkain ání alɩ bre amutɔ a, mlumeyin Kristo. Afɔɔ mlɩgyi. Mlumegyi Yudafo ɔkpagyiɔkpasu. Mlumá ogyikpa Bulu nhɩhe amuu ɔleka mú iwɩ ntam ha Yudafo amutɔ. Múá idun kuraa a, mli ansi medun tɔtɔsu, mlumeyin mu ɛ. **13** Tame sei a, mli Kristo Yesunyo mlɩlabwe kule. Inɩ su Kristo latsun mu obugya amuu ɔletsei wulɩ ha anɩa mlɩnyɔ amusu, kpa mli aha anfi tɛkɩ mlɩbu ifɔ anfi ba Bulu wa.

14 Tsufe Kristo onuto lapu iwɩlwii wa Yudafo pú ɔmá bambasufɔ nsune, bwe anɩ afunka anyɔ amu féé kule. Alale olu amuu ɩlobwe bunti wa anɩ nsune amu. **15** ɔleka Yudafo mbla pú amú amandɩtɔ, menɩ afunka anyɔ amu bɔ́bwe ɔpasua pɔpwe ukule mutɔ. Fówun mua amúnyɔ bɔ́bwe kule, iwɩlwii bétsia amú nsune. **16** ɔlɔtsun mu oyikpalihesu lowu amusu le olu le amú nsune. Oyikpalihɛ amusu ɔlɔtsun tswɩ amúá Bulunyo ɔno ntsu. **17** Breá Kristo leba a, ɔleda Bulu iwɩlwii asun amu ɔkan ha aha féé. Mli ɔmátɔfɔ́á mliá Bulunyo nsune bu ifɔ pú Yudafóá amúá Bulunyo nsune ma ifɔ féétɔ. **18** Kristo su ɔkpa latii ha anɩ afunka anyɔ amu féé. ɔɲɛ Wankɩhe amu su abétalɩ ba anɩ Sɩ Bulu ansitɔ.

19 Inɩ su mlɩtra mlumegyi afɔɔ. Mliá Bulu aha mlɩlabwe ukule,

mligyi Bulu woyi abi. **20** Mligyi fe obuá bayi. Yesu sumbi ayɔpu amu pú Bulu ɔnɔsu atɔɔpu amu gyi mú nkɔpabi. Kristo Yesu onuto gyi obu amu ɔtan. **21** Mu su obu amu ɔta aba hogyiɔ. Muteha mú itomoni bwe Bulu ɔtswekpa obu wankihe. **22** Iníá mlia Kristonyɔ mlilabwe ikule su a, ɔde mlia Yudafo amu putsa abasu, ɔde obuá Bulu obétsia móto ɔɛeto yi.

3

Proofread 06-07-09

Paulo ɔma Bambasɔfo Bulu Asun Bla

1 Mi Paulo nda obu Kristo Yesu asun wanklaan amusu nde ɔkan da mli aha ání mlimegyi Yudafoɔ amu su. **2** Nyin ání mlilanu awitɔléá Bulu lɔwa ha mi, pu agyuma anfi wa mi ibito ɔbɛɛ, mbwe, iwa labi ha mli. **3** Bulu lele mu asun ɛainhe amusu ɔlekikli yaɔ amu ɔwan suna mi. Mú nawanlin kutuklu a. **4** Ni mlekla ɔwulu anfi a, ibɔwanki mliá nanu Kristo iwa asun ɛainhe amu asi. **5** Tsu ɔyi ɔpá a, Bulu mɔkule asun ɛainhe anfi suna nyankɔusa ɔkuku. Tame sei anfi a, alabele mú ɔwan tsun mu ɔɛe amusu suna aha amusu alale, bɔgyi mu sumbi ayɔpu pú mu ɔnɔsu atɔɔpu wankihe amu. **6** Mu asun ɛainhe amu gyi, Bulu layula ɔma bambasɔfo ɛ fe Yudafo, tsun mu asun wanklaan amusu. Amúá Yudafo bamli ɔlepe ɔkuleto atɔ agyipu. Alabwe amúá Yudafo kule. Mú su babwe ɔyulu kule. Amú ɛ bénya atɔ amusu Bulu lehie ání ɔbéha Yudafo tsun Kristo Yesusu amu ku.

7 Ina Bulu awitɔle pú mu tumisu ɔlobwe mi mu asun wanklaan amu osumpu. **8** Ibo mótoá kebikusu ngyi Bulu aha féeto. Tame Bulu lɔwa awitɔle ha mi ɔbɛɛ, nda Kristo oyula amusu idun bli amu iwa ɔkan ha aha ání bumegyi Yudafo. **9** Mulɔwa mi ɔbɛɛ, nha anyankɔusa féé

abubu alíá ɔdepu mu asun ɲainhe amu yɔ agyuma. Mulɔbwe ɔsu múa asi, ɔlɔpu mu asun anfi ɲain tsu ɔyi ɔpá. **10** Ɖlɔbwe mú alí, mení ɔbɔtsun mu ɔpasua amusu le mu nyansa ɔtsan-ɔtsan suna ɔɲe lalahe awie pú atumipwá bubu ɔtineá bude iwie gyi féé. **11** Iní gyi tɔá Bulu lehihe yai asa ɔlele ɔyi ní. Alaha mú ilaba múto sei tsun aní Wie Kristo Yesusu. **12** Iníá anilahɔ mu gyi, ania munyɔ anilabwe ikule su a, abétali wa klɔn yɔ mu ansito faan, anuméetra nya ifu. **13** Mú su nde ipa bwii ha mli mbee, mlimáha abato iwu mli, iwɔsun anfi ndewun ha mli anfi su; tsufe ibówa labi ha mli.

Kristo Ɖdwe

14 Iní su mli akpawunu iyi asi, nde aní Sɪ amu kokoli. **15** Muto abusuan kugyikuá ibu ɔsu múa asi lelin tsu. **16** Mubu oyula akpɔnkpɔnti ha mu abi. Mú su nde mu kokoli mbee, mu Ɖɲe amu ɔhe wa mli ɔkla ɔwɔnlɔn tsu mu oyula kpɔnkpɔnti atokiehe amuto, **17** Kristo ɔtsun mli hogyisu tsia mli klɔntɔ bregyibre. Nde mu kuli mbee, ɔha amlile nlin yɔ ɔtɔtɔ, Bulu-dwe pú mli abadwetɔ, amlilu kinkiinkin. **18** Fówun mliha Bulu aha atrahe mlétali biá Kristo ɔdwe lehihe moni, ilehihe tɛi, ihe bu iswi, ilehihe fua, ilehihe wie ɔtɔtɔ. **19** Ntra nde mu kokoli mbee, ɔha amlibi Kristo ɔdwe amusu nyankpɔsa ɔkuku méétali nu mú asi yi amu. Fówun mli tsiato bóbwe fe Bulu kle.

20 Iníá Bulu tumi de agyuma yɔ anito su a, ɔtetali bwe ato ha aní dun alíá anitɔkuli mu, nte anitosusu. **21** Iní su mliha akanfu Bulu. Anyankpɔsa ilinto féé bukanfu mu ato akpɔnkpɔnti amusu ɔdebwe Kristo Yesu pú ɔpasua amuto amu su, tsu sei yɔfun breá itamata. Amen!

Ania Kristonyɔ Ukulebwe

1 Ini su mi anfi nda obu ani Wie agyuma yɔ su anfi nde ipa bwii ha mli mbee, mlitsia tsiato oduá ilekana alía Bulu lele mli ɔbee, mlibetsia. **2** Mliba iwiasɩ, amlilwii. Mlunya klun ha aba, amlidwe aba. **3** Ɖɛ Wankihe amu laha mlilabwe kule. Mú su mlibɔ mbɔdi amlitsia iwilwiito, menɩ ukulebwe amu ibétsia mlito yɔ. **4** Ɖyulu kule iwi ntobi ani féé anigyɩ. Ɖɛ Wankihe kule pɛ bu unu. Alɩ ken Bulu lele ani féé ɔbee, abéki toku kule pɛ ɔkpa nɩ. **5** Owie ɔkule; hogyi kule; asubɔ kule. **6** Bulu ɔkule. Mugyi ani féé Ɖsi. Mude ani féésu gyɩ, ɔde agyuma yɔ tsun ani féésu, otsie ani féétɔ.

7 Kristo lɔwa awtɔle ye atokiehe ha ani féé ɔbee, apuyɔ mu agyuma, **8** fe alía bɔwanlɩn wa Bulu asun amuto bee,

< < Breá ɔlɔyɔ ɔsusu a,
ɔlekpa ndoun buo iwi,
kie aha atɔ. > >

9 Nɩ bɔwanlɩn wa Bulu asun amuto bee, < < Ɖlɔyɔ ɔsusu > > a, idesuna ání Kristo legyankpa kpli wie ɔsulɔtɔ. **10** Mumu idesuna ání ɔha amuu ɔlekpli wie ɔsulɔtɔ amu ken lɔyɔ ɔsusu, ɔtineá ulɔfa dun nɩ, menɩ ɔbɔbula ɔsu múa asɩ féé, ha mú ifun. **11** Kristo onuto lɔbwe anito aku mu sumbi ayɔpu. Aku Bulu ɔnɔsu atɔpu. Aku mu asun wanklaan amu ɔkan adapu. Aku ε akpapu pú asunapu. **12** Kristo lele amú alɩ, menɩ Bulu aha bétalɩ yɔ mu agyuma, puwa Kristo ɔyulu ukule; igyi mu ɔpasua amu ɔwunlɩn, **13** menɩ ani féé abɔbwe kule hogyiɔ, bi Bulu mu Bi amu. Fówun abédan, fun ɔkpagyɩɔkpasu fe Kristo. **14** Inɩ su animéetra bwe fe nyebiá aha ání amú ɔno bu ɔdwe bétalɩ pu amú atosunahe pɔpwe kugyiku bemle, fe alía ntsu teda

ɔklun ya ɔtinegyiɔtineá idekle. **15** Mboun mliha abla aba ɔɔkwali asun amu ɔdweto, menɩ abédan togyitɔtɔ, bwe fe Kristo, ogyi ɔpasua amu nwun. **16** Ina musu ɔyulu, igyi ɔpasua amu ɔtinegyiɔtine itsa aba, ide aba wanklaan. Nɩ nyankpusa-oyi iwi ntobi amu féé ide mú agyuma yɔ wanklaan a, Kristo teha mú itedan ɔdweto.

Nkpa Dada Múa Pɔpwe

17 Mú su nde mli ɔla da anɩ Wie idato mbee, mli mátra tsia fe aha ání bumeyin Bulu. Itáá mɔɔwa labi ha amú iwi butɔgywun. **18** Amú nwunto loklun. Mú su buma nkpa pɔpwe amuu itsu Bulu wa amu, tsufe bumeyin tɔtɔ. Iklunto bu amú odwin. **19** Lalahebwe tamawa amú pɛli, butekle hakpanla kugyiku bwe. Butɔbwe lalahe kugyiku, butamatali kɩta iwi.

20 Tame mli mú a, megyi tsiato anfi odu mli lekasi tsu Kristo iwi. **21** Nyin ání mli lanu Yesu iwi asun, basuna mli ɔɔkwaliá ibu mutɔ e. **22** Mú su mlisi mli tsiato dada amuu mli letsia amu. Mli ɔwɔli lalahe lemle mli alɩ bre amuto, ileha mli tsiato leyinta. **23** Mliha Bulu ɔbwe mli klun pú mli agywun pɔpwe. **24** Mli tsia tsiato pɔpweá igyi Bulu atsiabi, mú iwi letun, ina dɩnka ɔɔkwali ɔkpa amuu.

25 Mú su mli to okugyioku ɔ mátra wa afunu. ɔhagyioha ɔbla mu ba Okristoyin ɔɔkwali. Tsufe anɩ féé anɩgyi nyankpusa-oyi ɔkule amu iwi ato. **26** ɔblo ikita mli a, umáha mli amlibwe lakpan. Imátsia mli to yɔfun owi tahe. **27** Mli mátepi ha ɔbunsam ɔkpa ɔmle mli, amlibwe lakpan. **28** Owikplu mátra wi ato. ɔpu mu ibi yɔ agyuma, menɩ obénya tɔku kpa mu iwi, nya iku e ha aha ání buma kuku.

29 Mli máha asun lalahe kuku idali tsu mli ɔno. Mboun múá ibɔbua ɔha, ibɔbwe yile, wa labi, wa mú anupu ɔwunlin. **30** Mli mábwe tɔá ibéhan ɔɩe Wankihe amu. Tsufe mú Bulu loɩuhie mli nsu, pusuna ání

mubu mli, móhó mli nkpa éke amv ní. 31 Mlile ɔnsipekpan, olu pú
ɔblokpan, utre, isia pú lakpan kugyiku agywun le mliɔ. 32 Mboun
mliwa awitole ha aba. Mliwun aba nwe, amlisi lakpan kie aba fe alí
amv Kristo su Bulu lesi mli kle kie mli amv.

5

Proofread 06-07-09

Akristofó Atsiabi

1 Iníá Bulu abíá ɔtehie dwe mligyi su a, mlitsia mu atsiabi.
2 Mlidwe aba ɔkpagyiokpasu, fe alíá Kristo lodwe aní, tsula bomo mu
aní su. Olupu mu iwí bwe ato hahe pú afodie-abotoá ibu ofan
fanfaanfan ha Bulu, ilegyi mu ansi.
3 Bulu latin mli iwí. Mú su mliumáwa atsi muv ayin asun, wa
hakpan, nte ɔnsipe. 4 Mú ɔma a, uma aleá mlébli asun ání ibu peli pú
múá uma anule, nte wa ɔplɔkpan. Mboun mlida Bulu ipan bregyibre.
5 lwanki mliá mbua ɔtopu, ɔhakpan nte ɔnsipe ɔwapu ɔkuku méenya
ogyikpa Kristo muv Bulu iwiegyi amvɔ. (Tsufe ɔnsipe ɔwapu gyi fe
ɔkpi ɔtswepu).
6 Mliumáha ɔkpa ɔhaa ɔpu asun ání uma labi kuku mle mli. Tsufe
tsiatɔ lalahe anfi odu su Bulu tenya ɔblo bití aha ání bubu asuto-ɔnlun
isu ní. 7 Mú su mliumápu amú gyi mba. 8 Bre amv a, okluntɔ mlitsie
mlide lakpan bwe. Tame sei a, mliha aní Wienyɔ mlilabwe ikule. Mú
su mlitsie wankitɔ. Iní su mli tsiatɔ isuna ání mlitsie wankitɔ. 9 Tsufe
ɔha ání ɔbu wankitɔ ɔbwe yile. Mu asun da ɔkpa, ɔbu ɔnokwalí.
10 Mú su mliɔ mbodi amlikasi tɔá Bulu tekle. 11 Mliumágyi mba.
Labi kuku uma mútɔ. Mboun mlile amú bwehe ɔwan. 12 Ihie bu peliá
bébli ntobiá aha butɔbwe ɣaintɔ iwí asun kuraa. 13 Tame ní uto

wankihe iwanki wuli tóá íbú okluntósu a, ítemli itowunhe. 14 Tsufe
ató wankihe tele togyitó òwan. Mú su bẹbli bẹẹ,

< < Ìdídípú, tsinki.

Kusu tsu afulitó,

Kristo òwanki wuli fusu. > > ní.

15 Ìní su mlíkí mlí tsiató wanklaan. Mlímátsia nkpa fe aha
mimlahe, mboun mlítsia fe atiansípú. 16 Ní mlenya bréá mlópubwe
itó wanklaan a, mlímáyinta mú. Tsufe lalahébwé lamoni alí bré
anfító. 17 Mú su mlímábwe mimlala. Mboun mlíbó mbódi amlíbí tóá
aní Wie tekle, amlíbwe mú.

18 Mlímánun nta bú, tsufe iteyinta óha. Mboun mlíha Òghe Wankihe
amú óbula mlí bregyibré. 19 Mlípú Bulu asún wa íbú, amlíwa íbúá Òghe
Wankihe lópúwa mlí kluntó putó kplá aba; amlíwa íbú é tsu mlí
kluntó kanfú aní Wie. 20 Mlída aní Sí Bulu ípan togyitótó bregyibré,
aní Wie Yesu Kristo ídató.

Akristofó Aklu Múa Aka Tsiató

21 Mlíba íwiasí ha aba fe alíá mlíteba íwiasí ha Kristo.

22 Òtsí, ba íwiasí ha fú klu fe alíá fúteba íwiasí ha Kristo. 23 Tsufe
oklu bú tumi mú kasú, fe alíá Kristo bú tumi ópasua amúsu. Ópasua
amú gyí mú óyólu, Kristo amú onuto gyí mú Òlẹpú. 24 Alí amú
ópasua amú teba íwiasí ha Kristo amú a, alí kẹn óka é óba íwiasí ha
mú klu togyitótó ní.

25 Aklu, mlídwe mlí aka fe alí amúsu Kristo lódwe ópasua amú, tsula
bómó mú mú su amú. 26 Kristo lotsula bómó mú putín ópasua amú
íwí ha Bulu. Olebie ópasua amú ntsu, pú mú asún amú gyóra mú íwí.
27 Omekleá ifin pú asúansu bétisia ópasua amú íwí, nte mú ótínẹkú
íbókpukpú tia, mení íbówa mú onuto amú akulé fe obitebí, óbékpa mú

ba mu ɪwɪ wa. 28 Alɪ ken lehian ání oyin ɔ́bódwe mu ka fe mu ɪwɪ nɪ. Oyin ání ɔ́tódwe mu ka tódwe mu onuto ɪwɪ. 29 Tsufe ɔ́haa tamalu mu ɪwɪ, bula ɔ́tebula mu ɪwɪ, kɪ mu ɪwɪsɔ wanklaan fe alɪ́a Kristo e tóbwe ha ɔ́pasua amɔ. 30 Tsufe anɪ fée anɪgyi Kristo ɔ́yɔlɔ ɪwɪ ntobi. 31 Fe alɪ́a bɔ́wanlɪn wa Bulu asun amɔtɔ bɛɛ, < < lɪn sɔ oyin ɔ́bénatɪ si mu sɪ mɔa mu yin, yemanta mu kasɔ. Fówun amó abanyɔ amɔ bóbwe ɔ́yɔlɔ kɔlɛ > > nɪ. 32 Onɔ́kwali, Bulu asun ɲainhe anfitɔ bu odwin. Ndeki mɛɛ, Kristo mɔa ɔ́pasua amɔ ɪwɪ asun igyi. 33 Mli e mli asun igyi. Mú sɔ ntra nde mli bla mɛɛ, oyingyioyin ɔ́dwe mu ka fe mu onuto ɪwɪ, ɔ́tsɪ e obu mu klu.

6

Proofread 06-07-09

Abi Múa Akwɪpu

1 Abi, mliá anɪ Wienyɔ mliɪabwe kɔlɛ. Mú sɔ mliɪbu mli akwɪpu. Tsufe múgyi tɔ́a ɪda ɔ́kpa ání mlióbwe nɪ. 2 lɪn gyi mbla amɔtɔ gyankpapuá ɔ́lehɛ oyula manta músɔ nɪ. < < Bu fɔ sɪ mɔa fɔ yin, 3 mɛnɪ ɪbówa alɛ ha fɔ. Fówun fédan fuli nwun fɔ nkpa anfitɔ. > > 4 Abi asɪ, mliɪmátsia wa mli abi ɔ́blɔ. Mboun mliyat amó, amlɪsuna amó atɔ alɪ́a anɪ Wie tekle.

Nkpábi Pú Amó Awie

5 Nkpábi, mliɪbu mli awie. Mlɪnya amó ifu, amlɪbu amó tsu mli klɔntɔ fe alɪ́a mliɪtobu Kristo. 6 Mliɪmábwe yile amó ansɪtɔ alɪ́a békanfɔ mli sɔ. Tame fe Kristo nkpábi a, mliɪbwe atɔ tsu mli klɔntɔ fe alɪ́a Bulu tekle. 7 Mliɪlɛ ɪwɪtɔ yɔ agyuma ansigyisɔ ha amó, fe Kristo mliɪde mú yɔ ha, megyi nyankpɔsa. 8 Mliɪdɪnka ansiá anɪ Wie ɔ́béka ɔ́hagyɪɔha ɪkɔ, ɪtɔ wanklaan kugyikuá ɔ́lobwe sɔ. Nɪ ɔ́kpábi fugyi o,

futsie fu iwisu o.

9 Awie, mli ε mlikita mli nkpábi wanklaan, fe alíá nablí bɔtsun. Mlímábwe amú kpounkpoun. Mlikain ání mlia amúnycó fée owie amu bu ɔsusu. Mu mú ɔtamakí ɔhaa ansító.

Bulu Akɔtɔ

10 Mí asun trahe-trahe gyi, apio, mlitsun ania aní Wienycó ikulebwesu amlíha mu ɔwa mli ɔwunlín tsu mu tumi kpɔnkpɔntí amutɔ. **11** Mlídida isa-akɔtɔ féeá Bulu laha mli ɔbɛɛ, mlípukɔ Ɔbunsam, mení mlétalí lu mu ɔmlen amu ɔnɔ. Soldier with his armor|lb00196b.tif|span|EPH6:10-20|Louise Bass, The Bible Society, London|Romafo lsa Ɔkɔpu|Efesofɔ 6:11-17 **12** Tsufe megyi ania anyankpusa deko. Mboun ania ɔɣetɔ tumi lalahe, atumipu pú ɔɣe lalaheá bubu ɔyi klunhe anfitɔ pú ɔtinegyiɔtine deko. **13** Mú su mlídida Bulu akɔtɔ amu fée, mení ekeá lalahe ku ifwie mlítɔ a, mlíméesrɔ, mlétalí lu mú ɔnɔ, tra nya ɔɣe wa ɔwunlín lu kinkiinkin. **14** Mú su mlikusu, amlída iwisu. Ɖnɔkwaliwa ibwe ɔfeá uklí mli osiesu. Yilebwe ibwe mli kantɔ-atintɔ. **15** Iwisuda ha iwilwii asun wanklaan amutɔ kíta pú mú blí ibwe mli usatɔ ntukuta. **16** Iní fée ɔma a, mlikita Kristo hogyi amutɔ bregyibre. Ibwe mli atintɔá mlóputin mli íwí, mení Ɔbunsam mbún pɔɔnpɔɔn amuu idetsun amutɔ kuku umóɔwɔ mli. **17** Mlípɔ Bulu nkpahɔ amu bwe mli kutupa. Mlikita Bulu asun amutɔ, ibwe mli usatɔ ɔdayiá Ɖɣe Wankihe amu teha mli. **18** Mlíha Bulu Ɖɣe amu ɔkpa mli, amlíɔ mpai bregyibre. Mlikulí Bulu, ɔtsa mli ɔkpagyiɔkpasu. Mú su mlídinka ansi iwisu. Mlímási mpai bɔ ha Bulu aha fée. **19** Mlíɔ mpai ha mí. Ní nobwii ɔnɔ a, Bulu ɔpu mu asun amu wa mí ɔnɔ; ɔha mí antalí wa klun blí asun ɣainhe amuu íbu mu asun wanklaan amutɔ amu fée. **20** Asun

amu ɪwɪ sumbi ɔyɔpɔ ngyi. Mú ɔkanda sɔ nda obu nɪ. Mlɪbɔ mpai
mlɪaa, Bulu ɔha mɪ antali wa klɔn blɪ mú alɪá ilehian.

Ukla

21 Osumbi ɔnɔkwaliɔ anɪ pio ɔdwɛpɔ Tihiko gyi anɪ Wie agyuma
amutɔ. ɔbébla mɪ mɪ ɪwɪ asun féé, mɛnɪ mlébi alɪá ngyi pú tɔá
ndɛbwe. **22** ɪnɪ koun sɔ ndɛ mu wa mɪ wa nɪ. Ndekle mbɛɛ, ɔbébla
mɪ alɪá togyitɔ idɛ músu yɔ nfi. ɔtɔɪ kpla mɪ puwa mɪ ɔwɔnlɪn.

23 ɔsɪ Bulu mua anɪ Wie Yesu Kristo buha mɪ ahogyipɔ amɔ féé
iwilwii. Buha amlɪtsia dwe aba, mɪ ansɪ idɪnka Bulusu brɛ féé.

24 Ogyi aha ání butamasi anɪ Wie Yesu Kristo dwe féé bualɛ.

PHP - - NKO Paul's Letter to the Philippians in the Nkonya Language of Ghana

Filipifo

Dwulvá Paulo Lɔwanlɔn Sɔsɔ Filipifo

Filipifo

Flp.

Dwulvá Paulo Lɔwanlɔn Sɔsɔ

Filipifo

1

Proofread 07-07-09

Itsiaha

1 Mɔ Paulo pɔ anɔ pio Timoteoá anɔgyi Kristo Yesu asumpu de ɔwulɔ anɔ wanlɔn sɔsɔ mɔ Bulu aha ání mɔlɔ Bulu wuluto, mɔlɔ Yesu Kristo mɔlɔlabwe kule. Mɔlɔ mɔlɔ ɔpasua ahande pɔ amɔ abɔapu fée anɔde mɔ wanlɔn sɔsɔ.

2 Anɔ Sɔ Bulu mɔa anɔ Wie Yesu Kristo bɔgyi mɔlɔ bɔale, abɔha mɔlɔ iwɔlwii.

Paulo Atɔkɔlɔ Pɔ lɔpanda

3 Ntɔda mɔ Bulu ɔpan nɔ nekain mɔlɔ bregyibre. 4 Bregyibreá nde mɔpai bɔ ha mɔlɔ fée a, anɔ tegyi mɔ. 5 Tsufe tsu ekeá mɔlɔlɔtsɔ asun wanklaan amɔ nu a, mɔlɔde anɔ tsa anɔde mɔ ɔkan da bɔtu nde. 6 Nyin ání Bulu amɔlɔ olefi agyuma wanklaan amɔ asɔ mɔlɔ amɔ ken ɔbɔyɔ mɔsɔ alu yɔfun Kristo Yesu ɔbake amɔ. 7 Ulekana ání nɔsusu mɔlɔ fée

iwɪ alɪ, tsufɛ ntehɛ dwe mli. lɪnɪ́ nda obu, nte ndekɔ asun wanklaan amɔ nwunsu, mliɪ mɪ ɔma a, anɪ fée Bulu de buale gyi. **8** Bulu yin ání ntosusu mli iwɪ, ntehɛ dwe mli fɛ alɪ́ Kristo Yesu tɔdwe mli.

9 Nde Bulu kokoli mbɛɛ, ɔha amlɪdwe aba dɔn alɪ, amlɪtɪn ansi, nu asun amɔ ɛ asɪ wanklaan, **10** menɪ mlébi tɔ́ ihɛ ɪbu alɛ. Amlɪtsia nkpa ání mú iwɪ lɛtɪn, ɔlala uma mú iwɪ alɪ yɔfun ɛkɛ́á Kristo ɔbélabá. **11** Yesu Kristo ɔha mu yilebwe ɪbula mliɔ, fɛ alɪ́ oyi toswie abi; ɪpu numnyam múa kanfu ha Bulu.

Paulo ɪkantɔɔɪ Leha Bulu Asun Leklei

12 Mɪ apio, ilehian ání mlébiá ɪkplan anfi ɪlatɪ mɪ anfi laha asun wanklaan amɔ laklei tsia. **13** Tsufɛ ɔhagyɪɔha ání ɔbu nfi, pú isa akɔpɔ́á butogyo owie woyi aná fée babɪ ání Kristo-buo su nda ɪkantɔ.

14 Mɪ ɪkantɔɔɪ su apio tsɔtsɔɔtsɔ bapɪ ansi dɪnka anɪ Wiesu. Buɪɛ buɔɛ klɔn wa da asun wanklaan amɔ ɔkan, ifu mede amó.

15 ɪbu mútɔ́á mɪ iwɪ olu pú mɪ iwɪ ahin su aku buɔɛ Kristo iwɪ asun amɔ ɔkan da. Tame amó aku ɛ bale klɔntɔ buɔɛ mú bwe. **16** Alɪ aha anfi buɔɔpɪ mɪ iwɪ ɔdwe da asun wanklaan amɔ ɔkan. Tsufɛ buyin ání Bulu lɔpɪ mɪ ba nfiá mbɛpɪ mu asun amɔ nwun. **17** Aha amɔ bumede Kristo iwɪ asun amɔ ɔkan da tsu amó klɔntɔ amɔ mú a, amó nkule inya su buɔɛ mú bwe. Nda ɪkantɔ, su buɔɛkleá béyinta mɪ iwɪ tsia.

18 Tame umede mɪ han, nɪ yile su buɔɛ mú bwe o, lalahe su o. Múá ɪɔɛ mɪ hian gyi, banya buɔɛ Kristo asun amɔ ɔkan da nɪ. lɪnɪ su ansi ihɛ de mɪ gyi nɪ. **19** Tsufɛ nyin ání mli mpai pú Yesu Kristo ɔɲɛ amɔ ɔbékpa mɪ, néɔalɪ ɪkplan anfiɔ. **20** Nhɛ nyin, mbu hogyiá mmóɔbwe tɔ́á ɪbéha pelɪ békita mɪ. Mboun nétra wa iwɪ ɔwunlɪn, menɪ nɪ lowu igyi o, nkpa igyi o, mɪ tsiatɔ fée ɪbówa Kristo numnyam. **21** Tsufɛ nɪ

ntsie nkpa a, ntsie ha Kristo. Ní nowu é a, íbówá mí labí dún.

22 Tame ní ntra ntsie ɔyítɔ a, négyí gyuma ání íbówá labí ha mí. Iní sù mmowun múbá nle. **23** Nagyigya, tame íbù mí aláá néyetsia Kristo wa mboun. Múbù alá dún. **24** Tame mí sù íbù aláá nétsia nkpa.

25 Nyin alí. Mú sù nétsia mí wa abóyɔ agyuma amú, mení mlédán, nya ansigyí mí Kristo hogyi sù. **26** Múmù bréá neyinki bá mí wa a, mlénýa ɔkpa kanfù Kristo Yesu, ítɔ amúv alabwé ha mí amú sù.

27 Tɔ́á idehian sei gyí, míha mí tsiatɔ ikana Kristo asun wanklaan amú. Múmù ní néba mí wa o, mmeba o, nónuá mlílú kinkiinkin íkulebwetɔ; mlíde hogyi amúv íbù asun wanklaan amútɔ amú é nwun prí. **28** Mlímánýa aha ání bókusù lú mlísù ifu ɔkpa ɔkukusù. Mlí íklúnwa íbóbwe osuna ha amúbá Bulu onuto ɔbéhí amú fée, tame ɔbóhɔ mí mú nkpa. **29** Tsufe megyí Kristo hogyi nkule sù Bulu lópuha mí. Mboun aláá mlówun ípian ha mú é. **30** Iṣa amúv mlílowun ání ndéko amú ken mlídeko a. Mú kentɔ ntra mbù ní.

2

Proofread 07-07-09

Kristo íwiasíba Kasi

1 Mlíá Kristonyɔ mlílabwé kule. Mú sù aláwa mí atetɔ-ɔnlún. Mú ɔdwe lálwíí mí klún. Mlíá mú ɔ́ge amú íkulebwé sù aláha mlíá mí aba mlílabwé kule, mlíde íkú tsu lé mí aba asuntɔ, mlíde aba nwe wun. **2** Mú sù mlíbwé kule, amlítsula dwe aba tsu mí kluntɔ. Mlíbwé agywun kule, amlíyɔ agyuma wa abatɔ puha mí ansigyí ífun.

3 Mlímábwe awunsípù. Mlímátsu íwí. Mboun mlíba íwiasí, amlítsu múbá mí aba budún mí. **4** Mlímádunka mí nkule kle. Mlídunka mí aba é kle. **5** Mlíha mí agywun íbwe fé Kristo Yesu kle.

- 6 Iníá òlehian Bulu òkpagyiòkpasu o a,
òmbwè agywun ání obótsu mu iwíá muá Bulu bugyi kèkè.
- 7 Mboun olesi mu togyitò òmagya,
bwe mu iwí osumpu.
Bòkwu mu fè aliá bòkwu òhagyiòha.
- 8 Mu nyankpúsabwetò a, òlèba iwíasi.
Olobu atò alu wu oyikpalihèsu,
fè lalahe òbwepu.
- 9 Iní su Bulu lotsu mu fba ya òsusuusu,
ha mu ida ání idun ada fée,
- 10 mení ntobiá bubu òsu múa así
pú òsulú ayasi bédá akpawunu ha mu.
- 11 Òhagyiòha òbéle bí ání < < Yesu Kristo gyi Owie! > >
powa aní Sí Bulu numnyam.

Mlìwankí Fè Ntsrakpabi

- 12 Iní su apio adwepu, alí amuv mlitobu mí brè amuv mbu mlí wa
amu a, uníá mma mlí wa o a, mlíbò mbòdí amlíbwe mú alí. Mlípú ifu
múá kpunkí yò mlí nkpaò agyuma amu mò ònò. 13 Tsufè Bulu onuto
dè agyuma yò mlitò. Alaha mlílatsula mlíde mu apè múa tóá otekle
bwe.
- 14 Mlímátò nte gyi togyitòá mlóbwe iwí nwen, 15 mení òlala
méetsia mlí iwí; mlí iwí bétun, fè Bulu aha brè anfi mlítsie lakpan
kugyiku abwepu òyi anfitò. Mlìwankí fè ntsrakpabi amú ansitò.
- 16 Mlìyò músu amlíbla aha asun amuv itèha nkpa amu, mení mlí su
nétalí pú ibí sí kantò èkéá aní Wie Kristo òbélabá, ání mí mbòdí nte
mí gymagyihe móbwe kpaalí.
- 17 Tame ní íbéba mútòá bópu mí obugya wulí así fè nta, mlí hogyi

uwɪ afɔdiɛ pú Bulu agyuma ání mlɪdeyɔsu kɔraa a, ɪbɔ́wa mɪ ɔdwe.
Ansi bégyi mia mlɪnyɔ fée. 18 Mú su ɪwa mɪ ɔdwe, ansi igyi anɪ fée.

Timoteo Mva Epafrodito

19 Nɪ anɪ Wie Yesu lotsula a, ɪmɔ́wa ɔpá nɔ́wa Timoteo mɪ wa. Nɪ
oyinki bebla miá mlɪtsie wanklaan a, ansi bégyi mɪ. 20 Mma ɔha ání
olotsu ɪku le mɪ asuntɔ dun mu. 21 Tsufe atrahe amv fée bude amó
onuto kle kɪ, megyi Yesu Kristo kle. 22 Tame mɪyin aliá Timoteo
lagyi mu ɪwɪ adansɛ wanklaan. Alatsa mɪ anɪlada asun wanklaan
amv ɔkan fe obi múa ɔsi. 23 Mú su nde ɔkpa kiá nɪ nɛnya wun tɔá
ɪbéba mɪsu nfi pe a, nɔ́wa mu mɪ wa. 24 Nahogyiá anɪ Wie ɔbékpa
mɪ, ɪmɔ́wa ɔpá mɪ onuto néba mɪ wa.

25 Tame nɔ́bwe agywun ání nélayinkia Epafrodito sisi mɪ. Anɪ pioá
mia mɪnyɔ anɪde agyuma yɔ, anɪdekɔ asun wanklaan amv nwunsu.
Mugyi mɪ biá mlɪɔ́wa mlɪaa, ɔba beki mɪsu nɪ. 26 Tsufe ɔde mɪsu
kain dubɪ. ɪhɛ de mu han, tsufe mlɪlonu mu ɪɔ. 27 Lele mú a, alalo
sian wu, tame Bulu lowun mu nwe. Megyi mu nkule, mia mɪnyɔ fée,
menɪ awɪrehɔ mɔ́ɔdun mɪ kɪta. 28 Mú su nhɛ ndekleá nókɔsi wa mu
mɪ wa, menɪ nɪ mɪlawun mu a, ansi bégyi mɪ. Mɪ ɛ mɪ asun
susuhesu békala kuka. 29 Mɪhɛ pu ansigyɪ hɔ mu, fe mɪ ba
Okristoyin, amlɪpu obú ha mva aha ání bugyi fe mu. 30 Tsufe olesi
mu nkpa ha Kristo agyuma amv. Olekle owu mútɔ breá ɔlu mɪ ɪdato,
mu nkule ɔde togyitɔá tekɪ nɪ mlɪbu nfi mlɔ́bwe ha mɪ bwe.

3

Proofread 07-07-09

Yesu Lowu Hɔ Anɪ Nkpa

1 ɪtrahe a, mɪ apio, anɪ Wie su mlɪnya ansigyɪ. ɪmɔ́kukpɔn miá

nétra wanlun asun kuakule anfi sisi mli. Igyi asun ání ibékpa mli é.

2 Mlíki aha lalahe anfi bugyi fe akiaí anfi wanklaan. Lalahe abwepu bugyi, bode aha han bee, butin kete kpaali. **3** Tsufe aní aha amuv anitapu Dnye Wankihe sum Bulu amv gyi kete atinpu onuto ni. Mú su abétali tsu iwí ito amuv Kristo Yesu labwe ha aní amv sv. Anitamapu ansi dinka tóá nyankpusa lapu ibi bwesv. **4** Mí onuto o mbv okpa pu ansi dinka mú anásv. Ní oku obee, mbv okpa pu ansi dinka músu a, mí mboun bu okpa pu ansi dinka músu dun. **5** Tsufe bókwi mí, tin mí kete eke kwesi. Israelyin ngyi. Benyamin abusuantó notsu. Mú su Hebriyin onutonuto ngyi. Mose mbala amusu gyi okpasv é a, Farisiyin ngyi. **6** Nehie wa nsi, dinka Kristo opasua amusu. Negyi Mose mbala amusu wanklaan, olala metsia mí iwí. **7** Tame ntobi anfi bre amv ntekiá ibv mí labi anfi féé a, Kristo sv nde itra megyi mí tótó. **8** Múá idun mú kuraa gyi, ní nópukí alíá nópúbí mí Wie Kristo Yesu a, nawun ání ibv labi dun togyitó. Nawun ání nahulí ntobi anfi ntekiá ibv mí labi anfi féé, alíá Kristo obéda mí ibi sv. **9** Iní sv uníá mbv mv wa sv a, megyi Mose mbala amusu gyi obéha négyi asv Bulu ansitó. Kristo hogyi mboun obéha négyi asv Bulu ansitó. **10** Mí agywun gyi, ndekleá nébí Kristo pú tumi amuv Bulu lopokusua mv tsu afulitó amv tsia. Ndekleá nówun ipian fe alíá Kristo lowun ipian wu, **11** mení okpagyiokpasv a, mí é Bulu obókusua mí tsu afulitó!

Srí Buo Kristo

12 Mmedeblí mbée, mí ibi lada ntobi anfi féé nte Bulu labwe mí nafun. Ntra nde nsi wa alíá ibóbwe mí ibi bédá tó amv sv amuv Kristo Yesu ibi lada mí amv. **13-14** Mí apio, mmedeblí mbée, mí ibi lada mú. Nde mú amuv idetsun amusu tan. Múá ida mí ansitó okpa ngya. Mí ansi lape, mení nénya siadie amuv Bulu obótson Kristo

Yesusu ti mi n'oy'ho mu wa osusu amu. **15** Ilehian aní aní aha amuv aniladan hogyi to amu fée abóho alí asun anfi. Ní íku m'owankí mli a, Bulu ób'owankí m'oto suna mli. **16** Tame mliha akita on'okwali amuv Bulu lasuna aní amuto.

17 Mí apio, mlikasi mí tsiato. Mlikasi ato tsu aha amuv bakasi aní tsiato amu wa. **18** Tsufe ntetsia bla mli asun anfi. Napu ntsú ntra nde mli bla mbee, aha tsotsotsó tsiato losuna aní Kristo oyikpalihesu lowu amu alupu bugyi. **19** Aha anfi béhi. Amó apu gyi amó Bulu. Amó numnyam é gyi peli. Osulusu ato íwí pé butosusu. **20** Tame aní mó a, osusu gyi aní otsiakpa. Otine amuv anide aní Ohopu, ogyi aní Wie Yesu Kristo okpa kíá obótsu ba amu. **21** Mubu tumi, otegyi togyit'osu. Mu óbéba betse aní oyulu wuhe anfi, bwe mó fe mu numnyam oyulu amu.

4

Proofread 07-07-09

1 Iní su apio adwepu, ntodwe mli. Idin mí owoliá nówun mli, tsufe mli su ansí de mí gyi, nénya ipanda é! Mí adwepu, alí ilehian aní mlélu kinkin mli Kristo hogyi to ní.

T'á Bubwe

2 Nde mí apio tsihe Euodia mua Sintike kokoliá bunu aba así, tsufe aní Wie abuppu bugyi. **3** Mí agyumayoba onuto, nde fu é kokoli mbee, futu kpla amó abubwe kule. Tsufe bawa nsi tsa mia Klement pú atrahe amu anilada asun wanklaan amu okan. Bulu lawanlun amó ada wa nkpa aní itamata atsiapu owuloto.

4 Mlihue nya ansigyí aní Wie su bregyibre! Ntra nde mli bla mbee, mlihue nya ansigyí!

5 Mliha ɔhagyioha owun ání mlilolwii. Aní Wie ibabí lafun. 6 Tɔtɔ umáhan mli. Mboun kugyikuá igyi a, mlibɔ mpaɪ kokoli Bulu dɪnka mʊsu, amlida mu ipan. 7 Meni Bulu ɔbéha mli iwilwiiá idun bli, ibékpa mli klun pú mli agywun, mli Kristo Yesu ikulebweto.

8 Itrahe a, mi apio, mliɔ mli agywun dɪnka tɔá igyi ɔnɔkwali, tɔá ibéti obú, tɔá ida ɔkpa, tɔá mú iwi letun, tɔá itegyi aha ansi pú tɔá aha békanfusu. Mliɔgywun tɔá ibu ale, aha butekanfu aná iwi. 9 Mliɔ mʊsu amlipɔ ntobi anfi nasuna mli anfi, múá mlilonu tsu mi wa pú múa mlilowun mi nɔbwe féé wa mli tsiato, meni Bulu amɔv ɔteha iwilwii amɔv ɔbékpa mli.

lpanda

10 Bulu laha ansi ihie de mi gyi, tsufe mlilatra kain mʊsu. Nawun ání mliɔmɔkusi mi iwi gywun, tame tali mliɔmetalɪ le mú suna.

11 Mmede asun anfi bli pusuna ání mbu ikplantɔ. Tsufe nakasi, nabi alía tɔá mbu ibɔfon mi, ni mbu o, mma o! 12 Nasuan alía nɔɔputsia ni mbu o, mma o. Nabi alía tsiato kugyikutɔá mbu ibégyi mi ansi. Ni ntsie akun o, namwe o, mbu o, mma o. 13 Ntetalɪ bwe togyito, tsufe Kristo towa mi ɔwɔnlɪn.

14 Mú alɪ o a, ibu aleá mlilatsu iku le mi ikplan anfitɔ. 15 Mú ɔma a, Filipifo, mliyin ání breá nɔtsɔ mli Yesu Kristo iwi asun wanklaan amɔv bla, nedali Makedonia ɔmáto a, mli ɔpasua anfi nkule de mi bua, mlide mi atɔ sisi ni. 16 Breá ntra mbu Tesalonika wuluto kuraa, iwi lekplan mi a, mliletsia sisi mi. 17 Megyi beɛ nde tɔku kulɪ tsu mli wa. Mboun ndekleá mliɔnya tɔku dɪnka awitɔle amɔv mlidewa ha mi amɔv. 18 Mi ibi lada togyitɔá mlilɔpuha Epafrodito mliaa, ɔpuɔa mi. Ito kuraa dubi. Mú su nanya togyitɔá ibéhian mi. Ito anfi mlilabwe anfi igyi fe mlilaha Bulu igyiá ibu ɔfan fanfaanfan, ilagyi

mu ansi. 19 Mɪ Bulu ɔbɛ́ha mɪ togɪtɔ́á ɪɛ mɪ hian tsu mu
numnyam atɔ tsɔtsɔɔtsɔ́á ɪbu ania Kristo Yesunyo ɪkulebwetɔ.

20 Numnyam ɪbwe anɪ Sɪ Bulu kle bre féé. Amen!

ɪkla

21 Neha Bulu aha ání bugyi Kristo Yesu kle féé itsia. Apioá bubu mɪ
wa nfi ɛ bɛha mɪ itsia. 22 Bulu aha atraheá bubu mɪ wa nfi féé bude
mɪ itsia ha. Titriu amúá botsu Roma owie dehen woyitɔ.

23 Anɪ Wie Yesu Kristo ogyi mɪ buale.

COL - - NKO Paul's Letter to the Colossians in the Nkonya Language
of Ghana

Kolosefo

Dwulvá Paulo Lɔwanlɔn Sɔsɔ Kolosefo

Kolosefo

Kol.

Dwulvá Paulo Lɔwanlɔn Sɔsɔ

Kolosefo

1

Proofread 07-07-09

Itsiaha

1-2 Mɔ Pauloá Bulu aɔ sɔ nabwɛ Yesu Kristo sumbi ɔyɔpɔ pɔ anɔ
pio Timoteo de ɔwulɔ anfi wanlɔn.

Anɔdepɔsɔsɔ anɔ apioá bugyi Bulu aha, bubu Kolose wuluto, bubu
ɔnɔkwali ha Kristo Yesu, mɔa amɔnyɔ ɛ babwɛ kulɛ.

Anɔ Sɔ Bulu mɔa anɔ Wie Yesu Kristo bugyi mɔ bualɛ, abuha mɔ
iwilwii.

ɔpanda Mpai

3 Anɔtɛda anɔ Wie Yesu Kristo mɔ Sɔ Bulu ɔpan bregyibreá anɔde
mpai bɔ mɔ nwunsɔ. **4** Tsufɛ anɔlanuá mɔlɔhɔ Kristo Yesu gyi, mɔibu
ɔdwe ɛ ha Bulu aha fɛɛ. **5** Mɔide ɔkpa kɔ ha tɔá bapuyai ha mɔ ɔsɔsɔ,
fɛ alɔá mɔiyin tsu breá mɔlɛgyankpa nu ɔnɔkwali asɔn amɔv igyi
Bulu asɔn wanklaan amɔ. **6** Asɔn wanklaan amɔ kɛn dekleɔ wa ɔyɔtɔ,

ide aha tsiato tse otinegyi otine; fe alia iletse mli tsu ekea mlilonu mo, mliebia lele Bulu tegyi aha buale. **7** Ani osumba odwepu Epafra gyi cha ani olapu asun wanklaan amu ba mli. Yesu Kristo osumbi onokwalipu ogyi, ode mli bua ani ofansu.^c **8** Muleba bebla ani odwea Dje Wankihe amu lapuwa mlito.

9 Mo su animokusi mpai bo mli nwunsu tsu ekea anilonu mli iwi asun anfi. Anide Bulu kokoli aniaa, cha amlibi mu ape kugyiku wanklaan. Cha mu Dje Wankihe amu cha mli nyansa mua asun-asunu fee, **10** men mlitali tsia tsiatoa ibowa ani Wie numnyam, amligy mu anso okpagyiokpasu. Cha amlibwe yile bregyibre, tra bi Bulu tsia. **11-12** Aniaa, cha mu tumia mo ono bu onlun iwa mli owonlun, amlitali tomi, nya klun, pu ansigy da ani Si Bulu ipan. Mulaha mlilafon ani mlia mu aha mlenya agyapadie amuu alala ya mu iwiegyi wankiheto amu iku. **13** Tsufe mulale ani tsu cha amuu ode oklunsu gyi amu tumi asi, pu ani ba mu Bi odwepu amu iwiegyi amuto. **14** Mu Bi anfisun olotsun ho ani, alasi ani lakpan kie ani ni.

Kristo Dun Togyito

15 Ohaa tamawun Bulu, Kristoto olulun owan. Obu unu asa Bulu lobwe togyito, odun Bulu ito bwehe kugyiku. **16** Musu Bulu lotsun bwe togyitoa ibu osu mua asi. Mua butowun pu mua butamawun fee, oneto awie, omasugyi tumi, atumipu, pu usu agyipu fee. Musu Bulu lotsun bwe oyi fee, puwa mu numnyam. **17** Obu unu asa togyito lefi asi. Musu ato amu fee ide agyuma yo wa abato. **18** Mugyi nwun ha mu nyankpusa-oyi, igyi opasua amu, ode mo nkpa ha. Mulegyankpa kusu tsu afulito, ogyi togyito nkpa ogyapu. **19** Tsufe ibu Bulu odwe ani mu tsiato fee betsia mu Bi amuto. **20** Musu Bulu lotsun yinkia

^c1:7 Mli ofansu bu nwulu dada amu akuto.

togyito ba mu iwɪ wa. Olotsun mu obugya amuu ilowuli asi breá beda mu manta oyikpalihe amusu pu iwilwii wa mua togyito nsune. Múá ibu osusu pú múa ibu osulusu féé.

21 Teki mli ε mliledamli oma ha Bulu, mligyi mu alupu mli asun susuhe pú mli bwehe lalahe su. **22** Tame sei a, ɪtra megyi alɪ. Kristo lobwe nyankpusa, olowu. Bulu lotsun mu oyikpalihesu lowu amusu la mlia munyɔ nsune. Mú su ifin pú asvansu ma mli iwɪ, obékpa mli ba mu ansito. **23** Tame ilehian ání mlóho asun anfisɔ gyi, lu kinkiinkin. Mlimáha abutse mli agywun le ɪto amuu mlide mú okpa kɪ, asun wanklaan amu lapuba mli amu. Asun wanklaan anfi osumpu mɪ Paulo ngyi nɪ. Asun anfi okan budeda oyito féé ε nɪ.

24 Ibu mɪ ansigyɪ ání nde ipian wun mli su. Tsufe nde iwɪɔsun amuu Kristo lowun sian amu ku wun ha mu opasua, igyi mu nyankpusa-oyi amu. **25** Bulu lopu mu asun wanklaan amu wa mɪ ɪbitɔ, ání nda mú féé okan suna mli, ampusum opasua amu. **26** Olupu asun anfi ɣain bumbɪ opá, tame alale mú owan suna mu aha sei. **27** Ibu Bulu odweá obéle mú owan suna mliá mlumegyɪ Yudafo. Asun ɣainhe amu gyi, Kristo tsie mlito. Ibu ibia, ibu numnyam ε. Módésuna ání abénnya mu numnyam amu ɪku nɪ. **28** Mu iwɪ asun anide aha féé bla, anide amú ola da, pu nyansa amuu Bulu laha anɪ amu suna amú ato; menɪ bófun, abékpa amú ba Bulu, amúa Kristo ikulebweto. **29** Inɪ su nahie ndepri, pu Kristo tumi amuu ibu mito amu yɔ agyuma nɪ.

2

Proofread 07-07-09

1 Ndekleá mlibɪ ipriá ndepri owunlinsu, mlia opasua amuu ibu Laodikea pú aha amuu bumakuwun mɪ kɪ amu féé nwunsu. **2** Nde mú bwe puwa amú owunlun, abubwe kule, dwe aba, nu asun asi

wanklaan, mení bónu Bulu asun ɲainhe amuv igyi Kristo amv fée así.
3 Kristoto Bulu lópu mv atonyaheá igyi mv nyansa pú mv asunbí fée wa.

4 Nde mli asun anfi bla, mení ɔhaa mɔɔpu asun ání ibu anule kuku bemle mli. **5** Ibu mútá mbu ifo mli wa, tame ntosusu mli iwi bregyibre. Ansi ε ide mli gyi ání mlitsie wanklaan, mlilu kinkiinkin Kristosu hogyi. **6** Iníá mlilahɔ Kristo Yesu gyi ání mugyi mli Wie su a, mliyo músu mlia munyo amlibwe kule. **7** Mli ε mlihie lu kinkiinkin Kristo hogyi, amlinya ɔwunlun tsu mlia munyo ikulebweto. Mliyo músu amlihɔ mv iwi asun amuv bude mli suna, igyi ɔnɔkwali amv, fe alíá oyi nlin tɔyo ɔtɔɔtɔ, yodunka ntsu ha mú itedan, amlida Bulu ipan ε bregyibre.

8 Mlímáha ɔkpa ɔhaa ɔmle mli, pu mv ansitun móa afunu asun ání igyi amandíé anyankpusa bɔwa kuku, itsu ɔɲe nte tumiá ide ɔyi anfisv gyi, imotsu Kristo wa beha amlimli mv nkpábi. **9** Tsufe Kristoto Bulu tsiato onutonuto amv fée ibu nyankpusa ɔkpasv. **10** Iníá mlia Kristonyo mlilabwe kule sv mlilafun. Mugyi ɔha ání ɔbu tumi ɔɲeto atumipu pú isv agyipu féesv.

11 Mlia munyo ikulebwe sv aladínki mli tsiato dada amv le mli sv fe alí amuv butetun kete, dínki awulí le músu amv. **12** Breá bɔbɔ mli asu a, bopula mli tsiato dada amv fe alíá bopula Kristo; Bulu lokusva mli ba nkpatɔ fe alíá ɔlokusva Kristo, tsufe mlilohogyi ání Bulu bu tumi kusva mv tsu afulito. **13** Teki mli lakpan pú mli tsiato dada amuv bumɔkudínki le mli sv amv sv mlilowu fe ɔha ání ɔmɔkutun kete. Tame sei a, Bulu lakusva ania Kristonyo ba nkpa pɔpweto, alasi aní lakpan fée kie aní. **14** Olédínki asun amuv bɔwanlun wa Mose mblato, ide aní ɔla le amv le anisv, yeda mú manta Kristo oyikpalihe amuv. **15** Bulu lɔswu ɔɲeto atumipu pú isv agyipu tumi, ɔlekita amú ndoun,

le amú ɔwan, wa amú pɛlító, bréá olegyi amúsu Kristo oyikpalihe amusu.

16 Mú su mlumáha ɔhaa ɔle mli ɪla mli atogyihe, mli atonunhe, nkegyi, ɔtsra pɔpwe nke, nte Yudafo ɔkpunu ɔdake aná su. **17** Yiyi kɛke uní fée igyi ha atɔ amuu ɪbéba amu onuto. Mú onutonuto amu lelun ɔwan Kristotɔ. **18** Mlumáha ɔkpa ɔhaa ɔmle mli amliba iwiasu sum Bulu-abɔpu, amlihuli ipan ání Bulu lehie yaí mli. Ní ɔku ɔbɛɛ alawun tɔku tsu mú iwí kuraá po a, ɔyitɔ ansitun laha mu ɔde iwí tsu. **19** Oha anfi odu lamain iwí le Kristo amuu ogyi ɔpasua amu nwun amusu. Tsufe ɔpasua amutɔ aní fée aniletsa abasu, Kristo amuu ogyi nwun amu de aní ɔwonlun wa, mení abédan alíá Bulu dekle.

20 Mliha Kristonyɔ lowu. Mú su mlitra mlumá ɔyitɔ tumi kuku así. Ntogyi su mlitra mlide mbla anfi anásu gyi? **21** Bɛɛ, < < Mágyi uní. Mápu ɪbí da uní, mátsu uní ɛ! > > **22** Ní bɔpu ntobi anfi fée bwe atɔ ta a, iteyinta. Anyankpusa onuto mbla pú amú atosunahe igyi. **23** Anide mbla anfi kí fɛ tɔá nyansa bu mútɔ, ɪbéha abówa ale Bulu ansitɔ. Abéba iwiasí ha mu, wa iwí ɔsin aniaa ɪbéha abébi gyi iwísu. Tame uní aná fée iméetali ha animéegyi iwísu.

3

Proofread 07-07-09

Nkpa Pɔpwe Tsia

1 Mú su ní Bulu lakusua mliha Kristonyɔ ba nkpa pɔpwetɔ a, mlidunka atɔá ɪbu ɔsusu, ɔtine amuu Kristo tsie Bulu gyɔpísu amu. **2** Mliha agywun unu atɔ iwí, megyi ɔsulusu kle. **3** Tsufe mlilawu, Bulu lapu mliha Kristonyɔ nkpa onuto ɣain mutɔ. **4** Ekeá ɔbéle Kristo amuu ogyi mli nkpa onuto amu ɔwan suna ɔyi a, eke amu ken ɔbéle

mliá múnycɔ ɔwan mu numnyamtɔ nɪ.

Tsiatɔ Dada Múá Pɔpwe

5 Mú su mɪmɔ tsiatɔ dada amuv ɪbu mɪtɔ amv. Múgyi; atsɪ mva ayin asunwa, ifintotsia, ɔwɔlɪ lalahe múá pɛlɪla. ɔyi anfitɔ atɔ wanklaan umápe mɪlɪ ansi, tsufe ɔnsɪpe igyi fɛ ɔkpɪsum. **6** Ntobi anfi odu abwepusv Bulu tɛhɛ nya ɔblo nɪ. **7** Mú aná mɪtɔbwe brɛá mɪgyi ɔmátɔfɔ nɪ.

8 Sei gyi brɛá mɪléle ɔblo, ɔblokpan, olu, abakpɔɪ, asukpan blɪ aná lɛ mɪtɔ nɪ. **9** Mɪmáwa afunu suna aba, tsufe mɪlɪlasi mɪlɪ tsiatɔ dada amv pú mú bwehe féé. **10** Mɪlɪlatsu tsiatɔ pɔpwe. Bulu gyi mú ɔbwepv, ɔde mú bwe pɔpwe lian mu ɪwɪ brɛ anfi mɪlɪde mu bɪ anfi. **11** Tsiatɔ pɔpwe anfi mú a, umɛfahvɔn ání Grikiyin nte Yudayin fvgyi. Fɛtɪn kete nte fvmɛtɪn, ɔkpɔtɔpɔv nte okudasɪyin, ɔkpábi nte ɔdɪhɛ fvgyi. Kristo gyi togyitɔ, ɔbu amú féétɔ.

12 Mú su ɪnɪá Bulu lalɛ mɪlɪ pubwe mu aha ání amú ɪwɪ latɪn pú mu adwepv a, mɪlɪha nwewun, awɪtɔlɛwa, ɪwɪasɪba, ilwii pɔ klunya itsia mɪtɔ. **13** Mɪlɪnya ɪklɔn ha aba. Nɪ ɔkv mva mu ba benya a, mɪlɪsikie aba fɛ alɪá Kristo lesi mɪlɪ klɛ kie mɪlɪ. **14** Múá ɪdɔn a, ɔdwe tɔbwe anɪ féé ɪkɔlɛ. ɪbwe mɪlɪ tati dɪdahe. **15** Mɪlɪha Kristo iwɪlwii igyi mɪlɪ klɔnsv, tsufe mútɔ Bulu latɪ mɪlɪ bɔwa; mliá mu nyankpɔsa-oyi amv mɪlɪlabwe kɔlɛ nɪ. Mɪlɪda mu ɪpan ɛ bregyibre. **16** Mɪlɪha Kristo asun amv ɪhɛ bula mɪlɪ klɔntɔ, ɪha mɪlɪ nyansa. Mɪlɪputɔɪ kpla aba, suna aba atɔ. Mɪlɪwa Israelfɔ ɪlv, ɔsankuosv ɪlv pú ɔɳɛtɔ ɪlv mɪlɪ klɔntɔ pɔtsu Bulu fva, pɔda anɪ Sɪ Bulu ɪpan. **17** Mɪlɪ atɔ bwehe pú mɪlɪ asun blɪhe féé ɪbwe anɪ Wie Yesu ɪdatɔ, amɪpɔv ɪpan ha anɪ Sɪ Bulu tsɔn musv.

Akristofɔ Tsiatɔ

18 Aka, mɪlɪba ɪwɪasɪ ha mɪlɪ aklu alɪá ɪlɛkana ha aha ání bvgyi

Kristo kle.

19 Aklɔ, mli ɛ mliɔwɛ mli aka. Mliɔmábwe amú kpounkpoun.

20 Abi, mliɔbu mli akwɔpu, tsufɛ mú Bulu tekle nɪ.

21 Akwɔpu, mliɔmáwa mli abi ɔblɔ, menɪ ɪwɪ móowu amú.

22 Nkpábi, mliɔbu mli ɔsulɔsu awie togyitɔ́á mlióbwɛtɔ. Mliha amú ansɪ igyi mli ɪwɪ bregyibrɛ, megyi amú ansɪtɔ wɔlɛ. Mliɔbwe mú tsu kluntɔ, tsufɛ mliɔtobu anɪ Wie. 23 Mliɔbwe togyitɔ tsu mli kluntɔ, fɛ anɪ Wie mliɔdɛ mú bwe ha, megyi anyankpɔsa. 24 Mliɔkain ání anɪ Wie ɪbɪtɔ mliénɪa mli ɪkɔka ání alala yai mu abi. Tsufɛ Kristo gyi Owieá mliɔdesum. 25 Tame nɪ fɔbwe tɔ́á uma alɛ a, ɔbéka fɔ ɪkɔ, tsufɛ ɔtamaki ɔhaa ansɪtɔ.

4

Proofread 07-07-09

1 Nkpábi awie, mliɔpu tɔ́á ɪbɪ alɛ, igyi ɔnɔkwali kpa mli nkpábi, tsufɛ mli ɛ mliɔbu Owie ɔsɔsu.

2 Mliɔkita mpaɪbɔtɔ. Mliɔdɪnka ansɪ ɪwɪsu, ɪpanda ɛ itsia mli kluntɔ.

3 Mliɔbɔ mpaɪ ha anɪ ɛ. Bulu ofinki ɔkpa ha anɪ atalɪ da Kristo ɪwɪ asun ɲainhe amɔ ɔkan. Mú su nda obu nɪ. 4 Mliɔbɔ mpaɪ mliaa, nda mú ɔkan wanklaan, alíá ilehian.

5 Mliɔkɪ mli natɪtɔ ɔmátɔfɔtɔ. Nɪ ɔkpa ifinki ha mli a, mliɔmáýinta mú. 6 Mli ɪtɔɪ ɪwa anule, ɪwa labi, menɪ mliétalɪ lɛ ɔhagyɪɔha asun fitehe ɔnɔ wanklaan.

Ukla

7 Anɪa opio ɔdwɛpu Tihiko dɛ anɪ Wie agyɔma yɔ. Osumpu ɔnɔkwaliɔpu ogyi. ɔbébla mli alíá mɪ ɪwɪ gyi féé. 8 Nawa mu mli wa mbɛɛ, ɔbébla mli alíá anɪ ɪwɪ gyi, ɔwa mli atɛtɔ-ɔnlɪn. 9 Mɔa anɪ pio

ɔdwepu ɔnɔkwaliyu Onesimo, ogyi mli pi amu ɔbéba bebla mli asun
ání ulaba nfi féé.

10 Aristarko, mi ba ání mia munyɔ anida obu ɔha mli itsia. Ali ken
Marko, ogyi Barnaba mu pio amu ε ɔha mli itsia ni. Mliho Marko ɔfo
wanklaan, ni ɔlotsun ba mli wa fe alía nebla mli ya. **11** Opio Yesu,
butetra ti mu Yusto ε ɔha mli itsia. Aha abasa anfi pe gyi Yudafoá
mia amúnyɔ anide Bulu iwiegyi amu iwi agyuma yɔ ni. Amú tekita
klun wa mi iwito ni.

12 Epafra, otsu mli wa, ogyi Kristo Yesu osumbi amu ε ɔha mli
itsia. Ɔtehiε bó mpaɪ ha mli ání Bulu ɔwa mli ɔwunlin, ɔha amlifun,
amlitali bwe Bulu ape kugyiku. **13** Nétalɪ gyi mu iwi adansiε ání ɔhiε
ɔde agyuma yɔ mliε Akristofóá bubu Laodikea pú Hierapoli idato.

14 Anɪ ɔdwepu Luka, ogyi ilo ɔtsapu mua Dema beha mli itsia.

15 Neha anɪ apio Laodikeafɔ amu itsia. Neha Nunfa mua ɔpasua
amuu ibu mu woyito amu ε itsia. **16** Ni mlekla ɔwulu anfi suna
ɔpasua amu ta a, mliɔɔsɪsɪ Laodikeafɔ ε. Mlikla amú kle amuu
nɔɔɔsɪsɪ amú amu ε. **17** Mlibla Arkipo mliεε, ɔmɔ agyuma amuu Bulu
lɔpuwa mu ibito amu ɔnɔ wanklaan.

18 Mi Paulo, onutonuto lawa ibi ɔwulu anfi asi. Mlumátan ání nda
obu.

Bulu ogyi mli buale.

1TH - - NKO Paul's 1st Letter to the Thessalonians in the Nkonya
Language of Ghana

1 Tesalonikafɔ

Dwulu Gyankpapvá Paulo Lɔwanlɔn Sɔsɔ Tesalonikafɔ

1 Tesalonikafɔ

1 Te.

Dwulu Gyankpapvá Paulo Lɔwanlɔn Sɔsɔ

Tesalonikafɔ

1

Proofread 07-07-09

1 Mɔ Paulo, mɔa Silwano pú Timoteo de ɔwulu anɔ wanlɔn sɔsɔ
ɔpasua ání igyi anɔ Sɔ Bulu mɔa anɔ Wie Yesu Kristo klɛ, ɔbu
Tesalonika wuluto.

Anɔ Sɔ Bulu mɔa anɔ Wie Yesu Kristo bugyi mɔ bualɛ, abuha mɔ
iwilwii.

Tesalonikafɔ Hogyi

2 Nɔ anɔde mpaɔ bɔ ha mɔ bregyibre a, anɔda Bulu ɔpan mɔ fɛé
nwunsu. 3 Anɔtetsia kaɔn anɔ Sɔ Bulu mɔ hogyi gymagyihe. Alɔá
mɔde mbɔdɔ bɔ dwe aba, pú alɔá mɔlatomi ha mɔ anɔ dɔn anɔ Wie
Yesu Kristosɔ kinkiinkin. 4 Apio, anɔyin ání Bulu tɔdwe mɔ, alalɛ mɔ
pubwe mu klɛ. 5 Tsufe megyi ɔnɔ kɛkɛ anɔlɔpɔ bebla mɔ asɔn
wanklaan amɔ. Mboun mɔlowun ɔɔɛ Wankɔhe amɔ tumi ɛ. Inɔ leha
mɔlɛbɔ wanklaan ání asɔn amɔ igyi ɔnɔkwali. Mɔlowun tsiatɔ oduá
anɔlɔputsia mɔtɔ ɛ, alɔá ɔbɔbua mɔ su. 6 Mɔlɛkasɔ anɔa anɔ Wie

tsiatɔ. Tsufe asun amu su mlilowun iwɔsun tsɔtsɔtsɔ, tame mlilɔpu ansigyiá itsu Ɖɛ Wankɩhe wa ho mó. 7 Mú su ɩleha ahogyipuá bubu Makedonia ɔsulusu pú Akaia ɔmáto féé beki mli bwehe, buo mó.

8 Tsufe megyi Makedonia pú Akaia wule anɩ Wie asun amu leklei tsu mli wa yɔ. Mboun mli Bulu hogyi asun ɛ laklei yɔ ɔtɩɛgyiɔtɩɛ. Mú su asvansu má unvá abétra bli tsu mó ɩwɩ. 9 Tsufe amú onuto buɔe alíá mlilɔpukita anɩ breá anileba mli wa bli. Alíá mlilesi ikpi sum ba mlide Bulu Ɖkɩankpapu Ɖɔɔkwaliɔ amu mboun sum. 10 Pú alíá mligyo breá Bulu mu Bi Yesu amuv ɔɔkɩsva tsu afulito amu ɔbélatsu ɔsusu ba. Mvgyi ɔha ání ɔɔe anɩ le tsu Bulu ɔblo amuv ɩba amuto ni.

2

Proofread 07-07-09

Paulo Tsiatɔ Tesalonika Wuluto

1 Apio, mli onuto mliyin ání anɩ mli wa ba mɔbwe kpaali. 2 Mliyin alíá bɔwa anɩ amumuyɔ, supa anɩ Filipi wuluto asa anileba mli wa. Mliyin ání aku bumotsula, behie kusu lu anɩsu; tame anɩ Bulu lɔwa anɩ ɔwɔnlɩn, anilebla mli asun wanklaan amu. 3 Tsufe megyi afunu asun anidebli. Mú su nde mli kokoli. Megyi agywun lalahɛ kuku igyi, anumeɔe mli mle ɛ. 4 Bulu lɔho anɩsu gyi, ɔɔpu mu asun wanklaan amu wa anɩ ɩbitɔ. Mú anidebli ni! Megyi anyankpɔsa ansito anideki bli mó, Bulu yin anɩ klɔntɔ. 5 Mlihe mliyin ání megyi ɔno dɔɔe anilɔpu ba mli. Anumeba bɔwa afunu kuku ɛ suna mli, punya tɔku tsu mli wa. Bulu gyi anɩ ɔdansiɩn. 6 Anomodunka kanfu tsu nyankpɔsa ɔkuku, mli, nte ɔha bamba wa. Kristo sumbi ayɔpu anɩgyi. Mú su tekɩ anɩbu ɔkpa si ɩwɩ tswɩ mlɩsu, 7 tame anilolwii ha mli, ki mli fe alíá abi-oyín tekɩ mu onuto abisu. 8 Anitehe kle mli asun. Mú su megyi

Bulu asun wanklaan amu nkule anilopu ba mli, mboun anulesi anı ıwı ε ha mli, tsufe mlılamli anı adwepu. **9** Apio, ye mlékain agyuma áńı anıloyo opa múa onye punya toá ilehian anı? Alıá anıméesi ipian tswı mlısu breá anıde Bulu asun wanklaan amu okan da suna mli su anılobwe mó alı.

10 Mli ahogyipu amu pú Bulu gyi anı adanstıfı alıá anıloputsia mlıto. Anı ıwı letın, anı asun da okpa, olala ε metsia anı ıwı.

11 Mliyin áńı anılekpa mlıto okugyioku fe alıá abi-ısu tekpa mu abi.

12 Anılowa mli ateto-onlın, lwii mli klın, toı kpla mli anıaa, mlıtsia tsiattoá ilegyi Bulu anı. Muletı mli obee, mlibenya mu iwiegyi pú mu numnyam amu ıku.

13 Toá suá anıteda mu ıpan bregyibre ε gyi, breá anılopu mu asun amu ba mli a, mlımotsu móá nyankpusa wa itsu. Mboun mlıloho mó áńı lele, itsu Bulu wa; tsufe mó Bulu depuyo agyuma mli ahogyipu amuto nı. **14** Apio, mlılamli fe Bulu opasua áńı ıbubu Yudea omáto,

bugyi Kristo Yesu kle amu. Mlılowun ipian mli pı ıbito, fe alı amıu amú ε bowun ipian amú pı Yudafo ıbito amu. **15** Yudafo lomı Bulu onıosu atıpu pú anı Wie Yesu. Amú ken lagya anı le omá amuto.

Butamakle aha asun, butamagyi Bulu anı. **16** Bokısu lu anısu ka anı itin bee, anımábla aha áńı bumegyi Yudafo nkpahı asun amu, Bulu cho amú nkpa. Inı bwe laha amú lakpan labiayi. Mó su ılaha Bulu lanyı oblo, obébutı amú ısu.

Paulo Lkleá Obélayekı Tesalonikafı

17 Apio, anılenatı mli wa opa anımokısi mlısu kain. Mó su anıhie anıde okpa dunka áńı abéla bowun mli anıto, tsufe anıde mlısu kain dubı. **18** Anılekleá abélaba mli wa. Mı Paulo onuto o nabwe agywın

áńı néyinki ba unı ita tsefinı, tame Obunsam meha okpa. **19** Ma su

anɪ anɪ dɪn? Megyi mɪ su anɪ dɛ anɪ gyiá abénya ɔkpa tsu ɪwɪ anɪ
Wie Yesu ansɪɔ bréá ɔbéba? 20 Lɛɛ mú a, mɪgyi anɪ numnyam pú
anɪ ansigyɪ.

3

Proofread 07-07-09

Timoteo Tesalonika Yɔ

1 Mú su bréá anɪmɛbɪ alɪá mɪ tsiatɔ igyi, ɪdɛ anɪ han a, anɪɔbwe
agywun anɪaa, anɪ mú abétsia Atene wulutɔ, 2 awa anɪ pio Timoteo,
ogyi anɪ Bulu agyumayɔba Kristo asun wanklaan amɔ ɔkandatɔ sɪsɪ
mɪ. ɔɔwa mɪ ɔwɔnlɪn, ɔtɔɪ kpla mɪ amlɪlɪ kinkiinkin hogyiɔ,
3 mɛnɪ mlɪɔ ɔkukɔ méeyinki ɔma asun wunhɛ anɪ su. Mɪ onuto
mɪyin ání igyi tɔá ɪda yaɪ ha anɪ Akristofɔ dodo. 4 Tsufɛ bréá anɪbɔ
mɪ wa a, anɪɛbla mɪá bédɪnka mɪsɔ. Lɛɛ bédɪnka mɪsɔ fɛ alɪá
mɪyin. 5 ɪnɪ su bréá netsia mmetsia a, nɔwa Timoteo mɪ wa mbɛɛ,
ɔbékɪ alɪá mlɪdɛ hogyi amutɔ. Tsufɛ ɪbétalɪ ba ání ɔbunsam lasɔ mɪ
kɪ, ha anɪ gyumagyiɛ labwe kpaalɪ.

6 Timoteo layinki pɔ asun wanklaan tsua mɪ wa ba anɪ sei, tsu mɪ
hogyi pú mɪ abadwe ɪwɪ. Alabla anɪ ɔbɛɛ, mɪ ɛ mlɪdɛ anɪsɔ kain
dubɪ. Mɪɪdekleá mlówun anɪ, fɛ alɪ amɔv anɪ ɛ anɪdekleá abówun mɪ
amɔ. 7 Mú su apio, mɪ hogyi lawa anɪ atɛtɔ-ɔnlɪn, anɪ ipian pú anɪ
asun wunhɛ féétɔ; 8 tsufɛ mlɪlɪ anɪ Wie hogyiɔ kinkiinkin. Mú su anɪ
klɪn ladɪ anɪ asɪ. 9 ɪpan mɔmɔ abókukɔ da Bulu mɪ su, ansɪá ɪdɛ anɪ
gyi mɔ ansɪɔ su? 10 Anɪtɛɪɛ bɔ mpaɪ kokoli Bulu ɔpa múa onye
anɪaa, ɔha ayinki bowun mɪ, mɛnɪ abósuna mɪ tɔá ɪbéha mɪ hogyi
bófɔn.

11 Anɪ Sɪ Bulu onuto mɔa anɪ Wie Yesu bɔfinki ɔkpa ha anɪ aba mɪ

wa. **12** Aní Wie ðha mlí apio aba pú aha féé dwe ðnð iwa ðnlún, fé alí amuv anitðdwe mlí amv. **13** Owa mlí ðwðnlún, mení aní Sí Bulu omóowun ðlala mlí iwi, ifin kuku é méetsia mlí iwi mu ansitð, aní Wie Yesu mua mu aha féé ðbake amv.

4

Proofread 07-07-09

Tsiatðá Ilegyi Bulu Ansí

1 Apio, utrahe a, anilosuna mlí tsiatð, mení Bulu ansí bégyi mlí iwi. Lelé mú a, alí mlí tsiatð gyi ní. Sei a, anihie anide mlí kokoli aní Wie Yesu idatð aniaa, mlíbwé mú ðvn alí. **2** Tsufé mliyin mbla amuv anilowa ha mlí aní Wie Yesu idatð amv. **3** Bulu dekleá mliha mlí iwi itún. Mú sv mliwáwa atsi múa ayin asvn. **4** Mlitð okugyiðku ðbí alíá ðbékita iwi, iwitún pú obú ðkpasv. **5** Imábwe ðwðli lalahe ðkpasv, fé alíá aha ání bumeyin Bulu butðbwé. **6** Mlitð ðkuku másisí mu ba, swu mu mu ka. Tsufé aní Wie ðbébiti aha ání butðbwé mú odu isv. Anide mlí ðla da, fé alíá anilðku bla mlí yai. **7** Tsufé Bulu metí aní ðbéé, aba bðtð mbua; mboun ðbéé, ifin kuku mátsia aní iwi. **8** Mú sv ðhagyidha ání omegyi atosunahe anfisv a, megyi nyankpusa omedebu. Mboun Bulu amuv ðlðpv mu Ðhe Wankihe ha mlí amv.

9 Imehian ání abðwanlún asvansv tsu mlí aba akristofð-dwe iwi sisí mlí. Tsufé Bulu onuto lasuna mlí alíá mlíðwe mlí aba dododo.

10 Ðnðkwali a, mlíðe apio ahogyipvá bubu Makedonia ðmátð féé dwe dodo. Mú sv apio, anide ipa bwii ha mlí aniaa, mlitra dwe aba ðvn alí. **11** Mlipudinka iwísvá mlétsia tsiatð wanklaan. Mlópú mlí ibí yð agyuma puki mlí iwísv, fé alíá anilebla mlí, **12** mení mlía aha ání bumegyi ahogyipv mlétsia wanklaan, mliwéetra pv ansí ðnka

ɔhaasu.

Ani Wie Yesu Yinki Ba

13 Apio, anidekle aniaa, mlibi ɔɔkwaliá ibu Akristofá bawu iwi, menɩ mluméetsia gyi awireho fe aha ání amú ansi medin tɔtɔsu.

14 Anulohogyiá Yesu lowu kusu tsu afulito. Alɩ ken anulohogyiá Bulu ɔbékpa aha amuv boho mu gyi asa bowu amv ba nɩ.

15 Ani Wie onuto atosunahe anide mli suna sei a. Ani aha ání anitra anitsie nkpa asa ani Wie ɔbake ibófun a, animéegya awupu amv nkpa yefia mu. **16** Tsufe ani Wie ɔbókplun tumisu, Bulu-ɔbɔpu dehen ɔbéle ɔɔ, bófulɩ Bulu ɔkpe e breá ani Wie onuto dekpɩ tsu ɔsusu ɔba. Ahogyipvá bawu bégyankpa kusu. **17** Mu ɔma a, ani akɩankpapu e féé abóyɔtu amú nwulɔtato, ani féé abéyefia ani Wie afuto. Tsu eke amv a, abétsia ani Wie wa bre féé. **18** Mú su mɩpu asun anfi kita iklun wa aba iwito.

5

Proofread 07-07-09

Iwisuda Gyo Ani Wie Iba

1 Apio, imehian ání abówanlun bre pú ekeá asun anfi ibéba sisi mli.

2 Tsufe mli onuto mɩyin ání ani Wie ɔbake amv ibéba bofwie anito, fe aliá owikplu teba onye. **3** Breá aha bee, < <Owi lata; asun

lata. > > a, alɩ bre amuto béhi nɩ. Ibófwie amúto fe aliá ikwu tekan ɔtsɩ ɔsawule pe. ɔhaa méedali múto. **4** Tame apio, mli mú mɩyin

asun anfi. Mú su mlumétsie oklunto, menɩ eke amv méeba bofwie

mlito fe owikplu. **5** Wankɩ múa ɔyikehetɔ abi mli féé mɩgyi. Megyi

onye nte oklunto abi anɩgyi. **6** Mú su mliha agyo, animádidi fe aha

bamba. Mliha adunka ansi iwisu, akɩ iwisu wanklaan. **7** Onye adidipu

butədidi. Onye nta abupu ε butəbu nta. **8** Tame anı mú a, wankıtə abi anıgyi. Mú su mliha agyi iwısu. Mliha Kristo hogyi pú anı abadwe ıbwε kantə-atıntə tin anı kantə. Mu əkpakıá əkóhə anı nkpa ıbwε kutupa ání ibun anı nwun. **9** Megyi alıá Bulu obénıya əkıə wa anı, bıtı anı ısu su əkεε anı. Mboun alıá əkətsun anı Wie Yesu Kristosu hə anı nkpa su. **10** Kristo lowu ha anı, menı mu babı a, nı anılawu o, anıbu nkpa o, anıa munıyo abétsia. **11** Mlıpu asun anfi kıta klun wa aba iwıtə, puwa aba əwunlın, fe alıá mlıde mú bwe dodo.

ıkla

12 Apio, abwii ipa ha mli, mlıbu mli əkə alıpuá buhıε bude agyuma ıyo mlıtə, bude mli anı Wie tsiatə suna. **13** Gyuma amıu budegıyı amı su mlihıε bu amú, amlıdwe amú. Iwilwii itsia mliıa mli aba nsıne.

14 Apio, anıde mli əla da anıaa, mlıtəı kpla awulıyoıpu. Mlıwa afupu atətə-ənıın. Mlıbuıa amúá bapən, amlınya klun ha əhagyıəha.

15 Mlıkıá əha mókpu lalahe ka mu ba ıkə. Mboun mlıbwe yile ha aba pú aha féé.

16 Anıı igyi mli, **17** amlıbə mpaı bregııbrε. **18** Mlıda Bulu ıpan togyıtə. Múgyı təá Bulu dedunka tsu mli wa mli nkpatə, brε anfi mliıa Kristo Yesunıyo mlııabwe ıkule anfi nı.

19 Mlımákina təá Əhe Wankıhe amı tekle bwe.^d **20** Mlımábu Bulu əkəsı atəıpu asun amı təkı odu. **21** Mlısə togyıtə kı, amlıkıta múá ıbu aletə kinkiinkin. **22** Mlıkina lalahe kugyıkı.

23 Bulu tıha anı iwilwii. Ətın mli ıwı əkpagııəkpası. Əkı mli nyankpusa-oyı, mli əhe pú mli əkılası tsu lalahe kugyıkıtə, menı əlala méetsia mli ıwı anı Wie Yesu Kristo əkake amı. **24** Bulu letı mli.

^d**5:19** Nte *Mlımádun Əhe Wankıhe* ogya amı.

ᏊᏁᏁᏍᏗᏛᏁᏍᏗ ᏙᏍᏗ, ᏊᏁᏁᏍᏗ ᏍᏗ.

25 ᐱᏁᏁ, ᏍᏗᏁᏍᏗ ᏁᏁᏁ Ꮑ.

26 ᐱᏁᏁ ᐱᏙᏍᏗᏁ ᐱᏍᏗ ᏁᏁᏁ ᏁᏁᏁ ᏙᏍᏗᏁᏍᏗ. ᏍᏗᏁᏁ ᐱᏁ ᏁᏁᏁ ᏁᏁᏁ.

27 ᏁᏁ ᏍᏗ ᏁᏁ ᐱᏁ ᏁᏁᏁ ᏁᏁᏁ, ᏍᏗᏁᏁ ᏁᏁᏁ ᐁᏁᏁ ᏁᏁᏁ
ᐱᏙᏍᏗᏁ ᐱᏍᏗ ᏁᏁᏁ.

28 ᐁᏁ ᐱᏁ ᐱᏁᏁ ᏙᏍᏗ ᏍᏗ ᏁᏁᏁ.

2TH - - NKO Paul's 2nd Letter to the Thessalonians in the Nkonya
Language of Ghana

2 Tesalonikafo

Ɔwulu Nyɔsiá Paulo Lɔwanlɔn Sisi Tesalonikafo

2 Tesalonikafo

2 Te.

Ɔwulu Nyɔsiá Paulo Lɔwanlɔn Sisi

Tesalonikafo

1

Proofread 07-07-09

1 Mɪ Paulo pú Silwano mua Timoteo de ɔwulu anfi wanlɔn sisi
ɔpasua ání ibu Tesalonika wuluto, mɔgyi anɪ Sɪ Bulu mua anɪ Wie
Yesu Kristo kle.

2 Anɪ Sɪ Bulu mua anɪ Wie Yesu Kristo bugyi mɪ buale, abuha mɪ
iwilwii.

lpanda

3 Apio, ilehian ání abéda Bulu ɪpan mɪ nwunsu bregyibre. Tsufe
mlidedan hogyiɔ tsia. Ɔdweá mɪbu ha aba ε idemoni tsia. 4 Mú su
anɔɔpu mɪ tsu ɪwɪ Bulu ɔpasua kugyiku ansɔɔ; mɪ nsiwa pú hogyiá
ibu mɪɔ, budɪn mɪsu, ɪɔkɪ de mɪ tu, mɪlatomi su.

5 ɪnɪ dele suna ání Bulu asungyi da ɔkpa. Tsufe obótsu mɪá
mɪlafun ha mu iwiegyi amuu mɪde ipian wun mú su amuto yɔ.

6 Ɔnɔkwaliɔ Bulu gyi. Ɔbéka aha amuu bude mɪ ɪwɔsɪntɔ wa amu
ako. 7 Ɔbéha ɪwɪ bólwii ania mɪ ání mɪde ɪwɔsɪn wun, eke amuu

anɩ Wie Yesu ɔ́békplɩ tsu ɔ́susu beɛ ɩwɩ ɔ́wan mua mu abɔpu atumipu amu. **8** Ogya plenplento ɔ́béba bebitɩ aha amuu bomeyin Bulu^e amu ɩsu. Tsufe butamapu anɩ Wie Yesu ɩwɩ asun wanklaan amu bwe tɔ́tɔ́. **9** Amú ɩsubitɩ gyi, amúba anɩ Wie nsine bówa ɩfɔ́. Mu tumi mɔ́ɔwankɩ wulɩ amúsu, obéyinta amú bre féétɔ́. **10** ɩsubitɩ anfi ɩbéba eke amuu ɔ́béba, Bulu ɔ́bówa mu numnyam aha wankɩhe ansitɔ́ amu. Ifu békɩta ahogyipu. Mli ε mlétsia amúɔ́, tsufe mlɩɔ́hɔ́ mu ɩwɩ adansɩe amuu anlegyi suna mli amusu gyi.

11 Mú su anitɔ́bɔ́ mpai ha mli aniaa, Bulu ɔ́ha amlɩfun nkpa amuu ɔ́letɩ mli ɔ́beɛ, mlibetsia amutɔ́. Mu tumi ɩha amlɩtalɩ bwe yileá mlɩdekleá mló́bwe, pumɔ́ mli hogyi agyuma ɔ́nɔ́. **12** Nɩ mletalɩ bwe ɩnɩ a, mli su aha bópu numnyam ha anɩ Wie Yesu. Mu ε ɔ́bówa mli numnyam; fe alɩ amuu anɩ Sɩ Bulu mua anɩ Wie Yesu Kristo awitɔ́le gyi amu.

2

Proofread 07-07-09

Yesu Mua Mblasu Mágyipu Amu

1-2 Mɩ apio, nobwii ɩpa ha mli. Anɩ Wie Yesu Kristo ɩba, pú alíá abó́bwe kule yefia mu asun ání mlɩlanu ɩmákɔ́sɩ kpɩnkɩ mli klun, nte ɩha opuni itsii mli. Nɩ aku beɛ, ɔ́ɣe Wankɩhe laɛ suna amú loo, nte ɩbu anɩ asun blihe nte anɩ ɔ́wulɩ ɩkutɔ́ ání anɩ Wie ɔ́bake amu laba dodo kuraa a, mlumáhogyi. **3** Mlumáha ɔ́haa ɔ́mle mli ɔ́kpagyɩɔ́kpasu. Eke kpɔ́nkpɔ́ntɩ anfi ɩméɛba, nketɩ aha bakusu lu Bulusu, ɔ́ha amuu ɔ́tamagyi Bulu mblasu, ɔ́béhɩ amu lalin ɔ́wan asa. **4** Obótsu ɩwɩ fua, kusu lu Bulu, ɩkpi pú togyitɔ́á anyankpusa butosumu, bliá ɔ́ɔ́n amú

^e**1:8** Bomeyin Bulu, tsufe bomebɩ mu.

fée. Obéyetsia Bulu ɔtswekpa unu kura, bli ɔbɛɛ mugyi Bulu.

5 Mlɔmɔkukain ání ntebla mli asun anfi breá mbu mli wa? **6** Mliyin tɔá ide mu ɔkpa tin dodo. Nketi mu ɔwanlebi lafun. **7** Tsufe Bulu mblasumágyi tumi anfi ide agyuma yɔ ɲaintɔ dodoodo, tame ɔku de mú ɔkpa tin. Mú su nketi ɔha amu ladalɔ unu. **8** Inu mblasu mágyipu amu ɔbélun ɔwan nɔ. Tame anɔ Wie Yesu oyinki ba a, mu ɔnɔɔ afu keke ibómɔ mu. Mu numnyam ɛ ibɔwankɔ wuli musu yinta mu. **9** Nɔ mblasu mágyipu anfi ɔlun ɔwan a, ɔbɔpu Satan afunu tumi kpɔnkpɔntɔ bwe osuna pú ofula. **10** ɔbɔtsun owuntɔlun ɔkpa ɔtsan-ɔtsansu mle aha amusu Bulu ɔbéhɔ amú amu. Bulu ɔbéhɔ amú, tsufe bumekle ɔnɔkwali amu asun, menɔ Bulu ɔbóhɔ amú nkpa. **11** Inɔ su Bulu ɔbɔpu afunu ɔɲéá mú ɔnɔ bu ɔnlun wa amúɔ, menɔ bóhɔ afunu asunsu gyi. **12** ɔbéhɔ aha anfi bumɔhɔ ɔnɔkwali amusu gyi, butekle lakpan bwe anfi fée ipɔn.

Mli Nkpahɔ Su Bulu Lele Mli

13 Apioá anɔ Wie tɔdwe, ilehian ání abéda Bulu ipan mli nwunsu bregyibre. Tsufe tsu breá ɔyi lelun ɔpá Bulu lele mli ání ɔbɔtsun mu ɔɲɛ amu pú mu ɔnɔkwali asun amusu mlɔlahogyi amusu tin mli iwi, puhɔ mli nkpa. **14** Inɔ su ɔlɔtsun asun wanklaan amusu anilebla mli amusu ti mli ɔbɛɛ, mlibetsia anɔ Wie Yesu Kristo numnyam amúɔ nɔ. **15** Mú su apio, mlɔlu kinkiinkin, amlíkɔta ɔnɔkwali amusu anɔlosuna mli amúɔ, múá anilebla mli pú múá anɔlɔwanlun sisi mli fée.

16-17 Anɔ Wie Yesu Kristo onuto mba anɔ Si Buluá ɔtɔdwe anɔ, alawa awitɔle wa anɔ atetɔ-ɔnlun ání imómɔ ɔnɔ ekekeke. Anɔde uto wanklaan ɔkpa kɔ. Mú su ɔwa mli ɔwunlun mli asun blihe pú mli bwehe kugyikúɔ.

Mpaibɔ

1 Itrahe-trahe a, apio, mlibɔ mpai ha anɪ, anɪ Wie asun amu ikɔsi klei. Aha abupu obú hɔ mú fɛ alɪ amusu mli ɛ mlɪlɔhɔ mú amu.

2 Mlibɔ mpai, Bulu ɔle anɪ tsu awuntɔlinpu pú aha lalahe ibitɔ. Tsufe megyi aha féé lɔhɔ anɪ Wie gyi.

3 Tame anɪ Wie bu ɔnɔkwali. ɔbɔwa mli ɔwunlin, hɔ mli le Lalahe ɔbwepu amu ibitɔ. **4** Anɪ Wie laha anɪlahogyiá mlɪde ntobi amusu anɪlosuna mli amu féé bwe, mluméesi bwe ɛ.

5 ɔkpa mli, amlinu ɔdweá Bulu bu asi yɔ ɔtɔtɔtɔ; ɔha amlɪtomi fɛ Kristo.

Tsiatɔ Wanklaan

6 Apio, anɪde mli ɔla da anɪ Wie Yesu Kristo ɪdatɔ anɪaa, mlumápu Akristofɔ amusu buna budetsun, butamakle agyuma, bumede atosunahe amusu anɪlosuna mli amusu gyi wa mba. **7** Mli onuto mliyin ání ilehian ání mlétsia anɪ atsiabi. Tsufe anumɔwa ɔwuliyɔ, natɪ tsuntsun breá anɪbu mli wa. **8** Anumegyi atɔ ɔhaa wa, kina mú ɪkɔ ka. Mboun anɪlɔyɔ agyuma ɔpa múa onye kinkiinkin, menɪ anuméesi ipian tswɪ mlɪtɔ ɔkukuvuku. **9** Megyi bee, anumá ɔkpa bla mli anɪaa, mlɪkɪ anɪsu, su anɪlɔbwe mú alɪ. Mboun anɪlɔbwe mú suna mli, menɪ mli ɛ mlɔbwe mú odu. **10** Breá anɪbu mli wa kuraa a, anɪlɔwa mbla ha mli anɪaa, < < ɔha ání ɔmɔyɔ agyuma mágyi atɔ. > >

11 Anɪlanuá mlɪtɔ aku butsie kpaali, bumede agyuma kukuvuku yɔ. Okengye buna budewa tsun. **12** Anɪde amú ɔla da anɪ Wie Yesu Kristo

ɪdatɔ anɪaa, busi natɪ tsun, abuyɔ agyuma nya amú atogyihɛ.

13 Tame apio, mɪ mʊ a, yilebwe ɪmáta mɪ ɔŋɛ. **14** Nɪ ɔku megyi asun anfi anɪlawanɪn sɪsɪ mɪ anɪsʊ a, mɪkɪ mʊ wanklaan. Mɪa munyɔ mɪmágyi mba, menɪ pelɪ békɪta mʊ. **15** Tame mɪmálu mʊ, mboun mɪtɔɪ kpla mʊ fɛ mɪ pio.

ɪkla

16 Iwilwii Owie amʊ onuto ɔha mɪ iwilwii bre féétɔ ɔkpagyiɔkpasʊ. Anɪ Wie otsia mɪ féé wa.

17 Mɪ Paulo onuto lapʊ mɪ ɪbɪ wanɪn ɪnɪ. Mɪ ɪda anfi ntɔwanɪn wa mɪ nwʊlʊ féé asɪ, pʊsuna ání itsu mɪ onuto wa nɪ.

18 Anɪ Wie Yesu Kristo ogyi mɪ féé bualɛ.

1TI - - NKO Paul's 1st Letter to Timothy in the Nkonya Language of Ghana

1 Timoteo

Dwulu Gyankpapvá Paulo Lwanlin Sisi Timoteo

1 Timoteo

1 Ti.

Dwulu Gyankpapvá Paulo Lwanlin Sisi

Timoteo

1

Proofread 07-07-09

Itsiaha

1-2 Mí Paulo ání aní Nkpa Dhopu Bulu mua Kristo Yesuá aní aní dín musu lóbwe mí sumbi dypu, de dwulu aní wanlin sisi fu Timoteoá fugyi mí bi onuto Yesu hogyi amuto.

Aní Sí Bulu mua aní Wie Kristo Yesu bugyi fu buale, abuwun fu nwe ha fu iwilwii.

Afunu Atosunahe

3 Breá ndenati nɔyɔ Makedonia nsaintɔ a, nebla fu mbɛɛ, futsia Efeso ɔmáɔ, afuka aha amuu buɔɔ afunu atɔ suna amu itin. **4** Mú ɔma a, da amú ɔla abusi bre yinta ha ɔtewa pú anain ulɔntɔ kla tintuntun. Nwengyi keke ɔtɔpɔba. Itamaha aha abutsia nkpa Bulu hogyiɔ. **5** Tɔá suá aniaa, fuka amú itin gyi, alúá Okristoyin okugyiɔku ɔbɔɔwe mu ba. Mu klun méɛha mu ɔpɔn, obénya agywun

wanklaan m'á hogyi onuto. **6** Aku bumobuo alí òkpa anfi. Mú su bafwí yò b'ude asun ání uma así blí. **7** Budekleá b'óbwe Mose mbla asunapu, tamé buméde itò amuv budesuna amv así nu. I'de amú bwe f'e buyin m'ú, tamé bumeyin m'ú.

8 Aníyin ání mbla amv bu alé, ní b'opusuna atò òkpa wanklaansu. **9** Tamé iwankí aní ání megyi yile abwepu su Bulu l'owa mbla amv. Mboun aha ání butamagyi m'úsu, aha ání amú asutò bu amú ònlun, aha ání butamanya mv ifu, lakpan abwepu, aha ání amú iwí metun, aha ání butòkpò Bulu, aha ání butòmò amú akwupu p'ú aha bamba, **10** mbua atòpu, ayin ání butekle amú aba ayin p'ú atsiá butekle amú aba atsi, anyankpusa ibia agyipu, afunupu, aha ání beka ntam butamagyi m'úsu p'ú tsiat'á umékana atosunahe wanklaan amuv **11** Bulu Onumnyampu, íkanfu gyi mv kle amv l'opuha m'í òbée, nda m'ú òkan amv.

Bulu Paulo Bvalegyi

12 Neda aní Wie Kristo Yesu ípan ání alawa m'í òwunlun, bu m'í ònòkwálupu òbée, nyo agyuma anfi pusum mv. **13** Tekí mitebli mv iwí asun lalahé, ntedunka mv ahasu, supa amú ní. Tamé olowun m'í nwe, tsufe mmòhò mv gyi alí bre amutò, mmeyin t'á ndébwé é. **14** Oo, hie kí al'á òhie òbu awitòlé! Òl'ha m'í n'nya mv hogyi m'á m'í abadwéá íbu ania Kristonyò ikulebwetò. **15** Asun anfi íbu m'útò, ilehian ání òhagyiòha òb'òhò m'úsu gyi. M'úgyi, Kristo Yesu léba òyitò be'é lakpan abwepu. M'ígyi am'útò òlalahé ní. **16** Tamé uní su Bulu lowun m'í nwe, ha Kristo Yesu léle m'í anfi ngyi lakpan òbwepu kpònkpònkpòntí anfi ní. Mení òhagyiòha òbébíá Bulu t'ehie nya klun ha òha ání òbéba b'òhò mv gyi, nya nkpa ání ítamata. **17** Mlíha awa Bulu numnyam, akanfu mv aniaa, < < Fugyi Owieá fu íwiegyi tamamò ònò. Bulu Òkukunu

ɔkule, butamapu ansibi wun fu. Fubu unu bre fée, futamawu!

Amen. > >

18 Mí bi Timoteo, atɔ amuv Bulu lele suna tsu fu ɪwɪ amv sv nde mbla anfi wa ha fu. Pu asun anfi yɔ agyuma, afupuko atosunahe wanklaan amv nwunsu. **19** Kita fu hogyiɔ. Bwe tɔá fuyin fu kluntɔá ɪbu ale, tsufe aku babwe tɔá buyin ání uma ale. Mú sv ɪlaha amú hogyi lawu. **20** Amúɔ aku gyi Himeneo mua Aleksandro. Napu amú wa ɔbunsam ɪbitɔ. ɔbuti amú ɪsv, menɪ bébíá imehian ání fébli Bulu ɪwɪ abususu.

2

Proofread 07-07-09

Bulusum Mbla

1 ɪtɔá ndedunka ání mligyankpa bwe gyi, mlɪkokoli Bulu aha fée nwunsu, amlɪbɔ mpai ha amú. Mlɪkuli Bulu atɔ ha amú, amlɪda mu ɪpan ɔhagyɪɔha nwunsu. **2** ɪlehian ání mlɔ́bwe mú alɪ ha awie pú ahande ε, menɪ asuto bólwii anɪ, abétsia iwɪlwiitɔ, atalɪ sum Bulu ɔkpagyɪɔkpasu. **3** ɪnɪ bu ale, anɪ Nkpa ɔhɔpu Bulu tekle nɪ. **4** Tsufe odekleá ɔbɔ́hɔ aha fée nkpa, menɪ bébí ɔnɔkwali amv. **5** Bulu ɔkukunu ɔkule bu unu. Nsɪne ɔlapu ɔkule pe ε bu Bulu mua anyankpusa nsɪne. Mɔgyi Kristo Yesu, ogyi nyankpusa amv. **6** Mulesi mu nkpa ha puhɔ aha fée nkpa. Asun anfi Bulu ɪpɔha ɔyi fée mú bre wanklaantɔ nɪ. **7** ɔnɔkwali nde mlɪ bla, mmede afunu wa. ɪnɪ sv Bulu lele mɪ ɔbɛɛ, mbwe mu asun ɔkan ɔdapu, mu sumbi ɔyɔpu pú osunapu ha aha ání bumegyi Yudaɔ, mɪ ambla amú ɔnɔkwali asun tsu Yesu hogyi ɪwɪ nɪ.

8 Ndekleá ɔpasua kugyikuto a, ayin ání amú ɪwɪ letɪn butsu ɪbɪ fua

bɔ mpai. Ɔblo nte nwengyi mátsia amúto. **9** Atsi amu e budida tati ɔkpa wanklaansu. Amú ato didahe máwo ansibi. Bumádun imi bwe, wa sika ato, dida atatiá ibu ibia dubi. **10** Atsiá bee butenya Bulu ifu bubwe yile. Mú ɔbéha bówa akile ni. **11** Ilehian ání bétsia asi diin, ba iwiasu suan ato. **12** Mmɔkuha atsi ɔkpa mbée, busuna ayin ato, nte bugyi ayinsu. Mboun butsia diin. **13** Tsufe Adam Bulu legyankpa bwe asa ɔlobwe Hawa. **14** Megyi Adam e Satan lemlé, mboun Hawa ɔlemlé, ɔlokusu lu Bulu mblasu. **15** Tame Bulu ɔbóho ɔtsi nkpa tsun ikwusu.^f Ni ɔletali kita mu hogyi pú mu abadwetɔ, ɔleha mu iwi letin, oletsia nkpa e wanklaan.

3

Proofread 07-07-09

Ɔpasua Ɔhande Bwe

1 Asun anfi bu múto. Ni ɔha ɔbwe agywun ání móbwe ɔpasua ɔhande a, alakle agyuma wanklaan. **2** Imehian ání ɔlala bétsia ɔpasua ɔhande iwi. Ɔbwe ɔka ɔkule otsiapu, mu agywunto da, otegyi iwisu, obú bu musu, ɔtoho afɔ, otosuna ato e wanklaan. **3** Ɔmábwe nta ɔbupu nte ɔha ání ɔbu iyun. Ɔbwe ɔha ání ɔleba iwiasu, mu asun lolwii. Ɔmábwe ɔtrepu, ɔmábwe kɔba ɔdwepu. **4** Ɔbwe ɔha ání ɔteki mu woyisu wanklaan, mu abi beba iwiasu, butobu mu ɔkpagyiɔkpasu. **5** Tsufe ni ɔha meyin mu woyisu ki wanklaan a, nkali ɔbéta ki Bulu ɔpasua amusu? **6** Ɔmábwe ɔha ání ɔledamli klunto umɔkuwa ɔpá. Ni megyi ali a, ibéha mu obótsu iwi, Bulu ɔbébiti mu isu fe Ɔbunsam. **7** Iní féé ɔma a, ilehian ání aha ání buma ɔpasua amuto kuraa bétu

^f**2:15** *Tsun ikwusu, nte Tsun mu abi kwuhesu. Idesuna ání Tsun obiá ɔtsi amu ɔbókwusu, nte tsun Yesu ikwusu.*

mu ɔdayile. Nɪ megyi alɪ a, ɔbékpa wie ɔbunsam yibito supa.

ɔpasua ɔhande ɔbuapu

8 ɔpasua ɔhande ɔbuapu e ɔbwe ɔha ání obú bu musu. ɔma nnonyɔ, ɔtamabu nta, ɔma sika ɔnsipe. **9** Ilehian ání ɔbékita hogyi asun amuu ɔlalɪ ɔwan amuto wanklaan, mu klɪn e méetra ha mu ipɔn.

10 Mligyankpa pu agyuma ɪku wa mu ɪbito, pusɔ mu kɪ bɛɛ, ɔlala ma mu ɪwi, asa amlɪha mu ɔbwe ɔpasua ɔhande ɔbuapu. **11** Alɪ ken mu ka⁸ e ɔbwe ɔtsiá obú bu musu, ɔtamablɪ aha ɪwi asun lalahɛ, otegyi ɪwisu, ɔbu ɔnɔkwali togyitɔtɔ nɪ. **12** ɔpasua ɔhande ɔbuapu ɔbwe ɔka ɔkule ɔtsiapu, ɔtetali kɪ mu abi pú mu woyisu wanklaan. **13** Aha butobu ɔpasua ɔhande ɔbuapuvá ɔtɔyɔ mu agyuma wanklaan. ɪteha mu ɔtetali tɔɪ tsu mu hogyiá ɔbu Kristo Yesuto.

Asun ɪjainhe Kpɔnkpɔnkpɔntɪ

14 Nde ɔwulɔ anfi wanlɪn sisi fu, tame ndɪn ansiá nókɔsi ba ɪnu. **15** Mumu nɪ nde ɔpá wa kuraa a, ɔwulɔ anfi ɪbéha fébɪ tsiatɔ oduá ilehian ání ɔha obétsia Bulu woyi, igyi Bulu ɔkɪankpapu ɔpasua amuto. ɔpasua amu gyi ɔtan pú ntsɔwasi kpekplekpe ha ɔnɔkwali asun amu nɪ. **16** ɔnɔkwali, anɪ Bulusum ɪwi asun amuu ɔlalɪ ɔwan amu lomoni. Múgyi,

Kristo^h lele mu ɪwi suna fe nyankpusa.

ɔɲe Wankɪhe lele mu suna ání yile ɔbwepu ogyi.

Bulu-abɔpu bowun mu,

aha beda mu asun ɔkan suna ɔmá féé.

ɔyuto aha bɔho mu gyi,

⁸**3:11** Mu ka nte ɔpasua ɔhande ɔbuapu tsihe

^h**3:16** Bulu bu nwulɔ dada amu akuto.

Bulu lotsu mu ya osusu numnyamto.

4

Proofread 07-07-09

Afunu Ato Asunapu

1 Onge Wankihe amu lahie le bli obee, bre trahe amuto a, aku besi Kristo hogyi. Beyaa asu nu afunu onge asun pu onge lalahe atosunahe. **2** Apinabwebi abwepu afunu ato asunapu anfi bugyi. Amu klun tamatra ha amu ipon.ⁱ **3** Amude aha hie bee, bukisi atogyihe ku, bumatsia aka mu aklun e ni. Tame Bulu onuto lobwe atogyihe amu, ani ahogyipu ba babi onokwali amu buda mu ipan, abugyi. **4** Togyitaa Bulu lele bu ale. Mu su uma alea abekisi kuku. Ilehian ani aboha kugyiku, da mu ipan. **5** Tsufe Bulu asun pu mpa amu anilabo wuli atogyihe amusu amu laha mu ilamli Bulu kle.

Kristo Osumpu Wanklaan

6 Ni fopu asun anfi tswi apio amu ansito a, fobwe Kristo Yesu osumbi wanklaan ani bapu hogyi amuto asun, pu atosunahe wanklaan amu bula fu, fude mut. **7** Mayaa asu nu atsi dehen ote pu mu imotsu Bulu iwi. Mboun hie fu iwi, afusum Bulu wanklaan. **8** Tsufe ni fude nyankpasa oyulu anfi hie a, labi kpalobi ku bu mut. Tame ni fopu Bulusum hie fu iwi a, ibu ale dun. Tsufe oyula bu mut ha an sei anfi antsie nkpa, pu nkpa amu ibeba amuto. **9** Asun anfi bu mut, ilehian ani aboha mu. **10** (Nkpa anfi su anide iwi lala yo agyuma awunlinsu), an ans dun Bulu Okankpapo, ogyi aha fee Olepu, titriu ahogyipu anfis ni.

ⁱ4:2 Amu klun labwe fe aa bapu idato wa ogya, le to mu.

11 Suna amú atɔ anfi, afuha amú abugyi músu. **12** Máha ɔhaa obu fu kebi. Mboun fu tɔtɔ, fu nkpatɛiatɔ, fu ahadwe, fu Bulu hogyi pú fu iwitɛn ɪbwe atosuanhe ha amú. **13** Nɪ mlefia a, bɔ mbɔdɪ afutsia kla Bulu asun suna amú. Da asun amu ɔkan, afusuna amú atɔ alu yɔfun breá néba. **14** Mákina Bulu atokiehe amuv ɔlɔpuha fu tsun mu ɔnɔsu atɔɪpusu, breá ɔpasua ahande bɔpu ɪbɪ dɪnka fusu amu. **15** Tsia bwe unɪ aná, afusi ɪwɪ ha mú, menɪ aha bówun ání fude nkpa yɔ. **16** Tsia kɪ fu tɛiatɔ pú atosunahe amu. Tomi bwe mú alɪ, menɪ fɔhɔ fua asun amu anupu nkpa.

5

Proofread 07-07-09

Tɔ́á Abóbwe Ha Ahogyipu

1 Mákplun wa oyin dehen. Mboun tɔɪ bla mu asun fe fu sɪ. Kita nyasubi amu fe alɪá fékita fu apio yinhe. **2** Kita atɛɪ dehen amu fe fu yin, afukita mbitebi amu ɛ fe fu apio tsɪhe. Máwa amú mba. **3** ɔpasua amu bukɪ asurapuvá buhie buma ɔbuapusu. **4** Tame nɪ ɔsurapu ɔku bu abi nte aná a, ha amú abubɪ tɔ́á ilehian ání bégyankpa bwe ha amú akwupu nte amú aná Bulusum ɔkpasu, puka amú akɔ. Múgyi amúsu kɪ, tsufe mútegyi Bulu ansɪ nɪ. **5** ɔsurapuvá ɔhie ɔma ɔhaa tɔpu ansɪ dɪnka Bulusu, tsia bɔ mpaɪ ɔpa onye, kulɪ Bulu tɔ́á ɪde mu hian. **6** ɔsurapuvá mu kle gyi nkpagyi kotoo mú lawu asa ɔna ɔyɪtɔ. **7** Bla ɔpasua amu asun anfi, menɪ ɔhaa méebɪ ɔsurapu ɔkuku ɪwɪ asun lalahɛ. **8** Nɪ ɔku mɛkɪ mu abusuanfɔsu, titriu mu woyitɔ ahasu a, mumu aladamli ɔma ha hogyi amu. ɪnɪ su mu lakpan dɔn ɔha ání ɔmɔhɔ Bulu gyi.

9 ɔsurapu oduá mu ɪda bétsia asurapu ada ɔwulutɔ gyi, ɔsurapuvá

alahɔ tsu nfi aduesie puya, ɔlɔwa ɔnɔkwali ha mu klu.^j **10** Ɔbwe ɔha ání aha buyin ání ɔlɔbwe yile, fe abisuki, afɔɔhɔ, olosum Bulu aha,^k ɔtɔbua aha ání bude iwɔɔsin wun, ɔlɔbwe agyuma wanklaan kugyiku.

11 Máwanlɔn asurapɔ́a bumɔkudan ada wa ɔwɔlɔ amɔtɔ, tsufe ni amú ɔwɔlɔ iha amú bɔbwe agywɔn ání belatsia aklu a, buméetra tali sum Kristo ɔnɔkwaliɔ. **12** ɔlɔ ibéha bégyi pɔn, tsufe batɔn amú ntam ání beka ha Bulu. **13** Ɔma a, butebi ɔwɔliɔ wa, yinta bre nati ki aha woyitɔ. Megyi ɔwɔliɔ wule, butemli aha iwi asun abliɔ, nati wa ɔnɔ aha asuntɔ, bli asun ání imehian ání bébli. **14** ɔlɔ su ndekléa asurapɔ amɔv bumɔkudan amɔv buwuna tsia aklu kwɔ abi, abuki amú woyisɔ, menɔ bumééha anɔ alupɔ^l ɔkpa abubli anɔ iwi asun lalahe kuku. **15** Nde asun anfi bli, tsufe asurapɔ aku badamli yɔ bubuo Ɔbunsam dodo. **16** Nɔ Okristoyintse ɔku bu asurapɔ mu abusuantɔ a, ɔki amúɔv. Ɔmási amú tswi ɔpasua amɔv, menɔ ɔpasua amɔv bénɔ ɔkpa ki amúá buma ɔhaasu.

17 ɔlehian ání ɔpasua amɔv béka ɔpasua ahandéa bude amú kpa ako wanklaan, wa amú numnyam. Titriu amúá butɔbɔ mbɔdɔ Bulu asun amɔv ɔkanda pú mú suna iwi. **18** Tsufe Bulu asun wanlɔnhe amɔv ɔlebli ɔbeɛ, < < Butamawa ɔnantswiéa ɔde ayo da ɔnɔ ɔkan. > >^m Ɔletra bli ɔbeɛ, < < Agyuma ɔyɔpɔv buteka ɔkɔ. > > Oxen treading out grain|hk00096b.tif|span|1TI5:17-25|Horace Knowles, The Bible Society, London| < < Butamawa ɔnantswiéa ɔde ayo da ɔnɔ

^j**5:9** Ɔsurapɔ́a ɔmɔkukina oklu ki.

^k**5:10** *ololum Bulu aha nte ɔtɔfwɔ ahogyipɔv ayabiasɔ.*

^l**5:14** Nte *olupɔv*

^m**5:18** Deut. 25:4. Mú asɔ gyi, < < Butamale ɔkwen, pɔv ibi tsitsi ɔsulɔtɔ. > >

ikan. > > | 1 Timoteo 5:18 **19** Ní òkú òdà òpasua òhande asun suna fú a, máhò mọ́, nkètí fanu mọ́ tsu aha abanyò-abasa ònò asa. **20** Wa ọ̀yún wa òhande amú òdè lalàhè bwe amú òpasua amú ansító, mení atrahè bénya ifu.

21 Nlú Bulu mva Kristo Yesu pọ́ Bulu-abòpúá alalè ansító, nde fú híe mbèè, fugyi asun anfísv wanklaan. Máki òhaa ansító nte futi fitatò kí. **22** Mákwí tsia yai òha òpasua òhande. Máwa ịbị òha bamba lalahèbwetò. Ha fú ịwí ịtún bregyibrè.

23 Fú òmetò ịlò amú sv mátsia nun ntsu wulè, tsia nun nta kpalobi-kpalobi.

24 Àkú lakpan mejain. Mọ́ sv butòkwí wun mọ́ bití amú ịsv. Àkú klè é leñain, òma asa ịtèlún òwan. **25** Àlì kèn yilebwe tamajain nì. Nì umòkwí lún òwan kuraa a, ịtèbèlún òwan òma.

6

Proofread 07-07-09

1 Ìlehian ání nkópábiá búbú òpasua amútò béhíe bu amú awie, mení òhaa mọ́òkpọ́ Bulu mva aní atosunahe amú. **2** Ìlehian ání amúá amú awie búbú òpasua amútò bóbu amú awie amú dun. Sei kuraa ilehian ání bóbu amú dun nì. Tsufè ahogyipu bugyi, butòdwe amú é.

Afunu Atosunahe Pọ́ Atonyahe Onuto

Ìnì aná gyi tọ́á fúsuna amú, afúwa amú atètò-ònlún abúbwe nì. **3** Nì òkú losuna atò lalàhè kú, mọ́a aní Wíe Yesu Kristo asun blíhè pọ́ Bulusum atosunahe amú ịmena a, **4** ịdesuna ání òha amú de ịwí tsu. Omeyin tótò, nwenkpangyi labula mótò. Mọ́á ịtèdalí tsu mótò gyi ònsípe, ịtrè, isia pọ́ agywun lalàhè. **5** Asun ání imedehian ịwí nwen aha anfi odu butenatí gyi. Amú agywun lawu, butamablí ònòkwálì.

Amó odu butosusuá Bulusum igyi okpa kuá fótson músu nya iwi.

6 Labi kpónkpónu bu Bulusumto ni toá anibu yaí legyi aní ansi.

7 Tsufe animapu toto ba oyito, animéetali pu totooto e nati. 8 Mú su ni

anibu atogyihe pú ato didahe a, mliha mú kpan igyi aní ansi. 9 Aha
ání butekleá bunya ato a, ibwebwebwe butekpa wie usoki pú ayibito.

Amó mimlala tekpa amú yowie iwusun múa lalaheto, hi amú.

10 Tsufe kobadwe topu lalahé kugyiku ba. Mú oma aku bagya alu,
bafwi dali hogyi amuto, ilaha amú bude awireho tsotsotsoto gyi ni.

Paulo Asun Trahe

11 Timoteo, fu mú a, Bulu oha fogyi. Mú su ha uní aná iwa ifo fu
wa. Hie fu iwi, afubwe toá ida okpa. Bó mbodi afuha yilebwe,

Bulusum, hogyi, odwe, klunya pú iwiasiba itsia futo. 12 Kó hogyi iko

wanklaan amu. Fu ibi béda nkpa amuu itamata, Bulu obékie aní mú
oma amu. Nkpa anfi su Bulu leti fu ni. Mú su fobwii ono aha

tsotsotsoto ansito, gyi fu hogyi iwi adansie ni. 13 Nlu Bulu, ogyi

togyito nkpa Ohapu mua Kristo Yesuá olegyi iwi adansie wanklaan

Pontio Pilato ansito. Nde fu hie 14 mbee, fukita mbla anfi féeto

wanklaan. Mási múto kpefun ekeá aní Wie Yesu Kristo obéle iwi

owan. 15 Bulu okukunu okule amu ilehian ání abékanfu. Mu nkule pe

gyi Otumipu, awie féeto Owie. Mu obéle Kristo suna bre wanklaan

amuu mu onuto okehie yaí amuto. 16 Mu nkule pe tamawu, otsie

owankikpa ání ohaa tamatali kpukpe manta mu. Ohaa makuwun mu

ki, ohaa móowun mu e ekekeke. Mu kle gyi obu múa tumi bre féé!

Amen!

17 Bla oyi anfito iwi anyapu fee, bumátsu iwi. Bumápu ansi dinka

koba anfi iméetsia yo anfisv. Mboun bupu ansi dinka Bulusu. Muteha

aní togyitoá abópunya ansigyi oyi anfito. 18 Bla amú fee, bupu amú

kɔba bwe yile, amú yilebwe imoni. Busankɪ ɪbɪɔ abukie atɔ. 19 Nɪ
bude ɪnɪ bwe a, bude atonyahɛ yaɪ ha bre amuv ɪba amv. Amú ɪbɪ
béda nkpa onuto amv.

20 Timoteo, kɪta ɪɔ amuv Bulu laha fɔ amv wanklaan. Asun ání
ɪma asɪ, imosuna Bulusum mádálɪ fɔ ɔnɔ. Máwa ɪwɪ mimla nwengyiá
ɪtamasuna Bulusumtɔ. Akv bɪtɔwa afunu bæ, asunbɪ igyi. 21 Tsufɛ
akv batsun músɪ si Kristo hogyi.

Bulu ogyi mlɪ bvale.

2TI - - NKO Paul's 2nd Letter to Timothy in the Nkonya Language of Ghana

2 Timoteo

Ɔwɔlv Nyɔsiá Paulo Lɔwanlɔn Sisi Timoteo

2 Timoteo

2 Ti.

Ɔwɔlv Nyɔsiá Paulo Lɔwanlɔn Sisi

Timoteo

1

Proofread 07-07-09

1 Mɪ Paulo mú a, Bulu aɸe sɔ ngɪ Kristo Yesu sumbi ɔyɔɔɔ. Ɔlɔwa mɪ ɔbɛɛ, nyɛda nkpa amɔv ɔlɛhɛ tsɔn Kristo Yesusu amɔ ɔkan.

2 Mɪde ɔwɔlv anfi wanlɔn sisi fɔ, mɪ bi ɔdwɛɔ Timoteo. Anɪ Sɪ Bulu mɔa anɪ Wie Kristo Yesu buwun fɔ nwe, aɔɔɔɔ fɔ buale ha fɔ iwɪlwii.

Ɔpanda Pú Atɛɔ-ɔnlɔn Wa

3 Nɛda Bulu ɪpan. Mɔ ndɛɔv ɪklɔn ání umɛde mɪ ɪɔɔn ha sum, fɛ mɪ anain. Timoteo, nɪ ndɛ mɔaɪ ɔɔ ɔpa mɔa onye a, ntekain fɔvɔ bregyibre. 4 Nɪ nekain ntsúá fɛlɔn brɛá ndɛnatɪ si fɔvɔ a, ntekleá nówun fɔ, mɛnɪ ansigyi bóɔɔla mɔɔ. 5 Ntekain hogyiá fɔvɔ ɔɔkwálɔv. Hogyi anfi odu legyankpa tsia fɔ na Loitɔ nɪ. Ɔlɛtra tsia fɔ yin Eunike ɛɔ. Nahogyiá mú odu bu fɔɔ nɪ. 6 Ɔnɪ sɔ ndɛ fɔ kain ání fɔha Bulu atokiehɛ amɔv ɔlɛha fɔ brɛ amɔv nɔɔv ɪbɪ dɪnka fɔvɔ amɔ ɔɔɔ ɪwa ogya tsia múɔ. 7 Tsufe Bulu mɛha anɪ ɔɔɛá abóɔnya

ifu, mboun m'á iteha aní tumi, ɔdwe p'ó iwisugyi.

8 M'ó su máha aní Wie asun amu bli iwa fu peli. Máha m'í obudí ɛ iwa fu peli. Mboun wa klun Bulu tumito, afutsula wun iwɔsun ání ilehian asun wanklaan amu su. **9** Bulu l'ho aní nkpa. Ɔletí aní ɔbɛɛ, abémli mu aha wankihe. Megyi t'oto anil'obwe su. Mboun igyi t'á mu onuto ɔlobwe agywun ání ɔb'obwe asa ɔyi lebelin. Ɔbɛɛ, ɔb'owa awit'le ha aní, dwe aní tsun ania Kristo Yesunyo ikulebwesu.

10 Tame sei a, Bulu lale mu awit'le amu ɔwan tsun aní Ɔhopu Kristo Yesu ibasu. Muleyinta lowu tumi, ɔlele nkpa ání itamata ɔwan suna aní tsun asun wanklaan amusu.

11 Bulu layai m'í mu asun wanklaan amu ɔkan ɔdapu, m'ó sumbi ɔy'apu p'ó m'ó osunapu. **12** M'ó su nde iwɔsun anfi odu wun n'í. Tame mmede peli nya, tsufe nyin ɔha ání nahogyi. Nyin ání ɔbétali gyo ito amuu ɔl'opwa m'í ibito amu iwi alu y'ofun mu ɔbake. **13** Kita ɔn'kwali asun amuu nosuna fu amuto. Yo m'ósu af'ho Kristo gyi tsia. Dwe fu aba, tsufe fua Kristo Yesunyo mlilabwe kule. **14** Ɔne Wankihe amuu ɔbu anito amu ɔtsa fu, afutali gyo ito wanklaan amuu ɔleha fu amu iwi.

15 Fuyin ání aha amuu bubu Asia, Figelo mua Hermogene bubu am'oto amu f'ée banati si m'í. **16** Aní Wie owun Onesiforo woyito aha nwe, tsufe muletsia wa m'í ansigyi. Omenya m'í obudí peli. **17** Bréa ɔleba Roma wuluto a, olodunka m'í kp'efun bréa olowun m'í. **18** Aní Wie owun mu nwe mu ɔbake amu! Fuyin al'á ɔlobua m'í ɔkpa ts'ots'ots'osu Efeso wuluto.

2

Isa Ọkọpọ Wanklaan

1 Iní sù mí bí, ha Bulu awítólé amúv ọ́lọ́pútsun Kristo Yesusu amú
íwa fú ọ́wúnlín. **2** Pọ́ asun amúv nẹ́bílí, fonu aha tsòtsòtsò ansító amú
wa aha áńí búbú ọ́nọ́kwálí íbító, mení amú é bétalí suna aha bamba.

3 Tomi afọ́wun íwíwọ́sín amúv anídewun amú, fẹ́ Kristo Yesu ísá
ọ́kọ́pọ́ wanklaan. **4** Isá ọ́kọ́pọ́ ọ́kọ́kọ́ tamatra kí ọ́má, tsufẹ́ odekleá
obégyi mú ọ́handẹ́ ansí. **5** Alí kẹ́n ọ́srí otsiipu ọ́kọ́kọ́ tamanya ísugyi
atokiehẹ́, nketí alagyi ọ́srí amú mblasu ní. **6** Ọ́dọ́tọ́pá ọ́bú nsi
tegyankpa da atọ́ pọ́pwe ọ́nọ́. **7** Gywun asun anfi nablá fú anfi íwí.
Aní Wíe é ọ́bẹ́hà fónu mú fẹ́é así.

8 Kain Yesu Kristo, Owie Dawid mú na amúv. Mú Bulu lókúsua tsu
afulító. Múgyi asun wanklaan amúv ndẹ́bílí amú ní. **9** Asun anfi sù
ndẹ́ íwíwọ́sín wun, bawa mí ọ́kan fẹ́ lalahe ọ́bwepu ní. Tame búmọ́kúwa
Bulu asun amú mú ọ́kan. **10** Aha amúv Bulu lalẹ́ amú sù natomi
ọ́kpágyiọ́kpásu ndẹ́ íwíwọ́sín wun, mení Bulu ọ́bọ́tsun Kristo Yesusu họ́
amú nkpa, amú íbí bẹ́da numnyam amúv ítamata amú. **11** Asun anfi
bú móto.

< < Ní ania munyọ́ awu a,
ania munyọ́ obétsia nkpa.

12 Ní atomi wun íwíwọ́sín a,
ania munyọ́ abégyi íwie.

Ní akina mú a,
mú é obékina aní.

13 Ní anímá ọ́nọ́kwálí a,
mú mú a, ọ́nọ́kwálípọ́ ogyi.

Tsufẹ́ ọ́tamatu atsúnọ́ tswí, lapu mú ọ́dandú tsu mú

ẹ́kẹ́kẹ́kẹ́. > >

Agyuma ɔyɔpuá Olegyi Bulu Ansi

14 Tsia kain amú asun anfi. Tɔi kpla amú Bulu ansitɔ fɛɛ, bumátsia tre asunsu. Labi kuku uma mótɔ, tsufe mú odu abwɛpu butɛhi. **15** Bɔ mbɔdi afuhɔ ida Bulu ansitɔ, fɛ agyuma ɔyɔpuá mu agyuma ma mu pɛli, otosuna ɔnɔkwali asun amu wanklaan. **16** Asun ání uma asi, imosuna Bulusum imádalɔ fu ɔnɔ, tsufe itɛha ɔha mu Bulunyo nsune tɔwa ifɔ. **17** Alɔ amusu ɔɔ tɛklei amu a, alɔ asun anfi ablɔpu asun ɛ tɛklei ni. Amú aku gyi Himeneo mu Fileto. **18** Bafwi dalɔ ɔnɔkwali ɔkpa amusu yo budebli bɛɛ, kusu tsu afulitɔ laba bɔtsun, bude aku hogyi yinta. **19** Tame ntswiasɔ amusu Bulu lɔwa ha hogyi amu ulu kinkiinkin. Asun ání bɔwanlɔn dɔnka ntswiasɔ amusu gyi, < < Anɔ Wie yin aha ání bogyi mu kle. > > Nyɔsi ɛ gyi, < < ɔhagyiaha ání ɔtɛti mu iwɔ ɔbɛɛ Okristoyin a, osi lalahe bwe. > >

20 Megyi sika pɛpɛ mɔ́a sika fututu atɔ pɛ tetsia woyi yiletɔ. Oyi mɔ́a ɛtɔ ɛ tetsia mu. Butobu iku dɔn ku. Various types of vessels|hk00143b.tif|col|2Ti2:20-26|Horace Knowles, The Bible Society, London|Sika pɛpɛ mɔ́a sika fututu // pú oyi mɔ́a ɛtɔ ni.|2 Timoteo 2:20 **21** Nɔ ɔku ɔɛ mu iwɔ le lalahɛbwɛtɔ a, Bulu tele mu yaɔ. Alabwe ɔha ání alasi iwɔ ha, ɔbu labi. Mu Wie Bulu ɔbɔpu mu gyi gyuma wanklaan kugyiku. **22** Inɔ su le fu iwɔ tsu nyasubi mɔ́a mbitebi mbagyitɔ. Fówun fua aha amusu butɔpu uklɔn wankiɛ kpoli Bulu amu ansi bédɔnka yilebwe, hogyi, ɔdwe pú iwilwiisu. **23** Le fu iwɔ tsu nwengyiá uma labi, itɔ wanklaan kuku méɛdalɔ tsu mótɔ, tsufe fuyin ání itɛ pɛ itɛti. **24** Uma alɛá anɔ Wie osumpu ɔbɔbwe ɔtrepu. Mboun ilehian ání ɔbɔ́wa awitɔle ha ɔhagyiaha, ɔbɔbwe osunapu wanklaan, otenya klɔn ha aha ání amú asun bu ɔnlɔn. **25** Ilehian ání obénya klɔn tɔi kpla aha ání butɔkusu lu Bulu asun amusu. Fialɔ Bulu obówun amú nwe, ha amú bédamli klɔntɔ, bi

ɔnɔkwali amu, 26 iha amú ansi ɔba asi. Fiali ɔbéha amú bédali tsu
ɔbunsam amuu ɔbée bugyi mu asunsu, abubwe mu ape amu ayibito.

3

Proofread 07-07-09

Nke Trahe Amuto Asun

1 Tame mi bi Timoteo, biá ɔyito ɔbówa ɔnlun nke trahe amuto.
2 Tsufe aha bóbwe awunsipu, bóbwe kɔba adwepu. Bóho amú iwisu
gyi, bótsu iwi, bésia aha, bumóonu amú akwupu asun, buméeyi aha
aye, amú iwi méetin, 3 bumóodwe aha, buméesi asun kie, bóbwe aha
iwi asun ablipu, buméetali gyi iwisu, bóbwe awuntɔlɔnpu, bumóodwe
ito wanklaan kuku. 4 Béle aha ha, bumóosusu asun iwi, békɔ amú
iwiá budun ɔhagyioha, bódwe ɔyito ansigyi si Bulu. 5 Bóbwe iwi fe
Bulu budesum, tame békina mu tumi. Le iwi le aha anfi oduɔ. 6 Amú
odu butebitiwie aha woyito, damli atsiá amú ansito ma ɔnlun
agywun. Atsi amu odu a, lakpan lamli amú ato surahe, ɔwɔli lalahe
labula amúɔ. 7 Butekleá bónu ɔhagyioha atosunahe, tame buméetali
bi ɔnɔkwali amu ekekeke. 8 Alɔ amuu Yane mua Yambre bókusu lu
anɔ nain Mosesu amu a, alɔ aha anfi e bakusu lu ɔnɔkwali asun amusu
ni. Amú agywun lawu. Hogyito e a, buma ɔlukpa. 9 Tame bumóɔyɔ
nkpa dun alɔ, tsufe amú mimla bélun ɔwan, ɔhagyioha obówun. Alɔ
ɔleba Yane mua Yambresu ni.

Paulo Asun Trahe

10 Timoteo, fu mú fuyin mi atosunahe féé, mi tsiato, tɔá ɔkpa ngya,
mi hogyi, mi uklunya, mi aha iwi ɔdwe pú alíá notomi wun ipian,
11 alíá aha bedinka misu pú mi asun wunhe. Múa ɔleba misu
Antiokia, Ikonion pú Listra ɔmáto. Notomi, anɔ Wie lele mi tsu mú

féétó. **12** Lele mú a, ɔhagyiɔha ání odekleá obóbúo aní Wie Kristo Yesu, ɔbwe Bulu ape a, aha butedinka musu. **13** Tame aha lalahe pú aha asisipu mú a, bóyɔ amú lalahɛbwesu dun alí. Bénatí mle aha, aha ɛ bémle amú. **14** Tame fu mú a, kíta fu ɔnɔkwali amuv fakasi, fu onuto fahɔ músu gyi amuto kinkiinkin, tsufe fuyin aha amuv bosuna fu ato amv wanklaan. **15** Tsu fu nyebito ɔpá febi Bulu asun wanlinhe amv. Mú ɔbétali ha fu nyansa fɔpuhɔ Kristo Yesu gyi ní. Mú su Bulu ɔbóhɔ fu nkpa ɛ ní. **16** Bulu asun wanlinhe amv féé itsu Bulu onuto wa. Ibu aleá bópusuna ɔha, pukina asun ha ɔha, putswii ɔha, pubula ɔha, íbéha yilebwe bémanta mu, **17** mení íbéla Bulu ɔha bwe wanklaan, ɔbófun ha gyumagyihe wanklaan kugyiku.

4

Proofread 07-07-09

1 Nlu Bulu mu Kristo Yesuá ɔbéba begyi akiankpapu pú awupu asun. ɔbéba begyi iwie ansitɔ, nde fu ɔla da mbɛɛ, **2** fuda Bulu asun amv ɔkan. Ní fubu ɔkpa o, fuma ɔkpa o, mási mú blí. Nya klun afutswii amú. Kina asun ha amú. Wa amú ateto-ɔnlun, afusuna amú atosunahe wanklaan amv. **3** Tsufe bre ku íba, aha buméetra yaa asu nu atosunahe wanklaan amv. Bóbwe tɔá iletsia amú, natí dunka ato asunapu oduá bósuna amú tɔá budekleá bónu. **4** Békina ɔnɔkwali asun amv yobuo ɔte. **5** Tame fu mú a, ha fu ansi íba así ɔkpagyiɔkpasu. Tomí afuwun íwɔsɔn. Blí asun wanklaan amv wanklaan, afubwe agyuma amuv Bulu leha fu amv mɔ ɔnɔ.

6 Mí mú a, bre lafun ání bópu mí obugya wulí así fe nta ha Bulu fe afɔdiɛ-abɔtɔ. Mí lowu lafun. **7** Nako íko wanklaan amv ta. Natsii ɔsri amv ɛ ta. Nakíta hogyi amuto kinkiinkin. **8** Sei a, tɔá ída gyo mí gyi usugyi atokiehéá Bulu tɔpuha aha ání babwe yile. Aní Wie Yesu, ogyi

asun ogyipu Onokwalipu amu obópaha mí éké yile amuu obéyinki ba amu. Tame megyi mí nkule obóbwe uní ha. Obéha aha amuu búde mu yinki ba okpa kí amu é fée.

Paulo Onuto lwi Asun

9 Bó mbódi afukósi ba mí wa, 10 tsufe oyitò atò de Dema ansigyi wa. Mú su alayinki mí oma, natí oyo Tesalonika wulutò. Kreske oyo Galatia, Tito é oyo Dalmatia. 11 Luka nkule bu mí wa nfi. Mú su ní fèba a, kpa Marko buo lwi, tsufe otetsa mí agyuma yo. 12 Nawa Tihiko sisi Efeso. 13 Tsu mí liga pú mí nwulu amuu nesi tswi Karpo wa Troa wulutò amu ba mí. Mátan nwulu amuu idin nwulu-kpakpasu amu esu. Scrolls and pen|hk00153b.tif|col|2TI4:13-18|Horace Knowles, The Bible Society, London|Nwulu mua owanlin-atò ní. |2 Timoteo 4:13

14 Kóbri atò obwepu Aleksandro lópu lalahe ku gyi mí. Ulehan mí wanklaan. Aní Wie obéka mu íkò. 15 Kí fu lwi wanklaan musu, tsufe olókusu lu aní asun blihe féesu.

16 Breá ahande beha bee, nle mí onò a, ohaa melu mí oma. Amú fée besri si mí. Bulu osikie amú. 17 Tame aní Wie lelu mí oma, olowa mí owonlin. Mú su netali bla amú asun ání nde fée, mení aha ání bumegyi Yudafo fée bónu. Alí Bulu lópule mí tsu lowutò ní. 18 Aní Wie obéle mí tsu lalahe kugyikutò. Obékpa mí putò alu yowie mu osusu iwiegyi amutò. Numnyam ibwe mu kle bre fée. Amen.

Ukla

19 Neha Priska mua mu klu Akwila pú Onesiforo woyitò aha fée itsia. 20 Erasto lesin Korinto wulutò, Trofimo é delò. Mú su nesi mu yayí Mileto wulutò. 21 Bó mbódi afuba asa atsalíbí ifon. Eyubulo mua Pude, Lino mua Klaudia pú apio amu fée beha fu itsia.

22 Anı Wie ɔkpa mlı, ogyi mlı bvalɛ.

TIT - - NKO Paul's Letter to Titus in the Nkonya Language of Ghana

Tito

Dwulvá Paulo Lɔwanlɔn Sɪsɪ Tito

Tito

Tito

Dwulvá Paulo Lɔwanlɔn Sɪsɪ

Tito

1

Proofread 07-07-09

Itsiaha

1 Mɪ Bulu osumbi Paulo, ngɪ Yesu Kristo sumbi ɔyɔpu dɛ ɔwulɔ anfi wanlɔn.

Bulu lele mɪ ɔbɛɛ, mbeha aha amɔv alale amɔ abutra nya hogyi tsia. Mɪ ansuna amɔ abubɪ ɔnɔkwaliá ibéha amɔ bétsia tsiatɔá ilegyi mɔ ansi. **2** Fówun ɪha amɔ abudɪnka ansi nkpa ání utamatasɔ. Bulu tamawa afunu! Mɔlɛhɪɛ mɔ yai asa ɔyi lebelɔn. **3** Anɪ Nkpa ɔhɔpu Bulu lele mɔ asɔn anfi ɔwan mɔ onuto bretɔ, ɔlɔpuwa mɪ ɪbitɔ ɔbɛɛ, nda mɔ ɔkan.

4 Nde ɔwulɔ anfi wanlɔn sɪsɪ fɔ Tito, ání fugyi mɪ bi onuto Kristo hogyi amɔtɔ.

Anɪ Sɪ Bulu mɔva anɪ ɔhɔpu Kristo Yesu bugyi fɔ buale, abuha fɔ iwilwii!

Tito Gyumagyihe Kreta

5 Tóá suá nesi fu yai Kreta omáto gyi alíá fómó aní agyuma onó unu, yai opasua ahande wulugyi wulusu fe alíá nebla fu. **6** Imehian ání olala bétsia opasua ohande iwi. Obwe oká okule otsiapu, mu abi bugyi ahogyipu. Bubu ato; bumábwe nyebi lalahé. **7** Iníá Bulu agyumasu opasua ohande amu deki su a, olala mátsia mu iwi. Omábwe oha ání otamahó aha asun, nte otókosi nya oblo, nte otobu nta, nte otekle iko nte obu sika onsipe. **8** Mboun obwe oha ání otóho afó, otóbwe yile, obu nyansa, mu asun da okpa, mu iwi letin, otegyi iwisu. **9** Obwe oha ání asun amuv bosuna mu amu ibu mutó. Ilehian ání obékita mótó kinkiinkin, mení obétali ha aha bóbuo atosunahe wanklaan amu, tali gyi aha ání bégyi atosunahe amu nwen esu.

10 Tóá suá nde uní bli gyi, aha tsotsótsó bakusu lu atosunahe wanklaan amusu, bude asun ání uma labi pumle aha. Titriu ketetun mblasu agyipu amu de uní bwe ní. **11** Ilehian ání mléka amó itin, tsufe bude atóá imehian ání bosunato. Iní laha abusuan tsotsótsó bafwi okpa. Bude mú bwe e pudunka sika okpa lalahesu tsu aha wa.

12 Kretafó amu onuto yebe ohapu oku kuraa lebli obee, < < Afunupu, mbwikita-ato, apotsuapu pú awulyopu Kretafó bugyi. > >

13 Onókwali asun anfi gyi. Mú su kina ha amó kinkiinkin, mení amó Kristo hogyi onó bówa onlin. **14** Abusi Yudafó ote nu, si aha amuv bakina onókwali amu atosunahe esu gyi. **15** Oha ání mu iwi letin Bulu ansito a, togyito iwi letin ha mu. Tame toto iwi metin ha lalahé obwepvá otamahó Yesu gyi. Lelé mú a, mu agywun layinta, mu klun e

ulasi mu ipon ha su otamabi yile nte lalahé. **16** Butopu onó bli bee buyin Bulu, tame amó bwehe losuna ání bumeyin mu. Bubu Bulu nyanya, butamabu mu, butamatali bwe ito wanklaan kukuku e.

Atosunahe Wanklaan

- 1 Tame fu mú a, suna amú tǎá ɔ̀lekana atosunahe wanklaan amu.
- 2 Suna ayin dehen amu abugyi iwísv, abubwe aha ání obú bu amúsv, butegyi iwísv. Buhie kíta amú hogyiɔ́ kinkiinkin. Budwe aha wanklaan, abuhie tomi. 3 Suna atsi dehen ɛ abutsia tsiatǎá ɔ̀lekana Bulu osumpu. Bumábwe aha iwí asun ablípu, nte ntakpan anunpu. Mboun busuna tǎá ɔ̀bu ale. 4 Amú atosunahe ɔ̀ha mbitebi amu abudwe amú aklu pú amú abi. 5 Buggy iwísv, abuha amú iwí ɔ̀tín. Bubwe atsiá buteki amú woyisu wanklaan, butóbwe yile, butobu amú aklu, mení ɔ̀haa mǎ́kpǎ́ Bulu asun amu.
- 6 Tǎ́ kpla nyasubi ɛ abugyi iwísv togyitǎá bǎ́bwetǎ. 7 Fu onuto ɛ bǎ mbǎdɔ́ afule tsiatǎ wanklaan suna, fu bwehe kugyikutǎ. Ha fu ansi ɔ̀pe, afusuna ɔ̀nǎkwali asun amu tsu fu kluntǎ. 8 Suna ɔ̀nǎkwali amu, mení ɔ̀haa méetalí kusu lu fu atosunahesv. Fówun pelí békíta fu alupu, ní bumenya ɔ̀lala blí tsu aní iwí.
- 9 Suna nkpábi ɛ abubu amú awie ɔ̀kpagyíkpasv. Bubwe togyitǎ igyi amú awie amu ansi. Bumátsia le amú asun ɔ̀nǎ. 10 Bumáwi amú awie, mboun buwa ɔ̀nǎkwali ha amú togyitǎ, mení amú bwehe béha aha ansi bégyi aní nkpa ɔ̀hǎpu Bulu atosunahe amu iwí.
- 11 Tsufe Bulu lale mu awitǎle ɔ̀wan. Múgyi, odekleá ɔ̀bóhǎ anyankpusa féé nkpa. 12 Mu awitǎle amu ɔ̀lasuna ání ilehian ání abési lalahe bwe, si aní ɔ̀wǎlɔ́ lalahe ɔ̀magya, gyi iwísv, bwe yile, aní asun igyi mu ansi ɔ̀yi anfitǎ. 13 Bre anfi anide ɔ̀kpa kí ha eke yile amuv Bulu ɔ̀kpǎnkpǎntí, ogyi aní ɔ̀hǎpu Yesu Kristo ɔ̀béle mu numnyam ɔ̀wan anfi. 14 Mulotsula bǎmǎ mu aní sv, mení ɔ̀béle aní tsu lakpan kugyikutǎ. ɔ̀tín aní iwí, pu aní bwe mu onuto aha, aní

ansị ịpe yilebweṣu.

15 Suna ịnị aná, afutọ́ kpla amú abugyi múṣu. Fubu ọ́kpa wa ịyịn wa amú, nị bumedebị bwe. Máha ọ́haa ọ́kí fú ansịto kotikoti.

3

Proofread 07-07-09

Okristoyin Tsiato

1 Tsia kaịn amú abuba ịwiasị ha ọ́má akpapu, abugyi ahande mblasu, abubu amú. Bukiá bóbwe tọ́a igyi yile bregyibre. **2** Bumáblị ọ́haa ịwị asun lalahe, bumágyi nwen ẹ. Mboun bubwe aha áńí bolwii, abuba ịwiasị ha ọ́hagyicha. **3** Tsufe bre amu a, aha mimlahe anị ẹ anigyi. Asuto lwa anị ọ́nlun. Anilofwị, mli nkpábi ha ọ́wọ́lị lalahe pọ́ atọ́a itowa ọ́ha ansigyi. Anileyinta bre susu lalahe mọ́a tọ́a ịde anị ansị pe ịwị. Aha bolu anị, anị ẹ anilolu amú. **4** Tame anị nkpa Ọ́họpu Bulu lele mu awitole pọ́ ọ́dweá ọ́bu ha anị ọ́wan. **5** Ọ́lele anị, tame megyi yile kuku anilobwe su, mboun mu nwewun su. Ọ́lotsun Ọ́nge Wankihe amusu fwi anị lakpan le anisu, ọ́lelakwu anị, ha anị nkpa pọ́pwe. **6** Ọ́lotsun anị Ọ́họpu Yesu Kristosu, tsei Ọ́nge Wankihe amu wuli anisu. **7** Ọ́lobwe anị alị, menị ọ́bọ́wa awitole ha anị, tsu mọ́a anị asun da ọ́kpa. Fówun anị ịbị bẹ́da nkpa áńí itamata amuu anide mó ọ́kpa kị amu. **8** Asun anfi bu mító.

Yiri ịwị afusuna mó wanklaan, menị aha amuu amú ansị dịn Bulusu amu bẹ́tsia bwe yile bregyibre. Múgyi tọ́a ịbu ale, ịbọ́wa labi ha ọ́hagyicha nị. **9** Mápụ ịwị wa mimla nwengyi, anain ịluntọ́ kla pu mbla amu ịwị utretọ́. Labi ma mító kugyikuto. **10** Tọ́i kpla ọ́ha áńí ọ́teti itre wa aha nsine tse nyo pe. Mú ọ́ma a, si mu asun. **11** Bịa ọ́ha amu odu nwuntọ́ bu oklun. Oyin áńí lalahe mudebwe. Alaha mu ịwị

pɔn dodo.

Paulo Asun Trahe

12 Nenya wa Artema nte Tihiko fu wa pe, bo mbodi afubotu mi Nikopoli wuluto, tsufe nabwe agywun ani netsia unu atsalibi. **13** Bo mbodi afusi mbla osunapu Sena mua Apolo okpa wanklaan. Toto umahian amu okpatu. **14** Ha anu pi amu e abubi alia butobua aba agyuma yo wanklaan, menu betali ki aha ani buma totosu. Fowun bumobwe aha ani amu iwu mowa labi.

15 Aha amuu bubu mi wa nfi amu fee beha fu itsia. Aha ahogyipu amuu butodwe anu amu itsia.

Bulu ogyi mli fee buale.

PHM - - NKO Paul's Letter to Philemon in the Nkonya Language of
Ghana

Filemon

Dwulvá Paulo Lɔwanlɔn Sɪsɪ Filemon

Filemon

Flm.

Dwulvá Paulo Lɔwanlɔn Sɪsɪ

Filemon

1

Proofread 07-07-09

Itsiaha

1-2 Mɪ Pauloá nda obu Kristo Yesu sɔ pú anɪ pio Timoteo de ɔwulɔ
anɪ wanlɔn. Anɪde mú wanlɔn sɪsɪ fɔ anɪ pio ɔdwɛpɔ, fɔgyi anɪ
agyɔmayɔba Filemon. Fɔa anɪ pio tsɪhe Apia mɔa anɪ agyɔmayɔba
ánɪ ogyi ɪsa ɔkɔpɔ Arkipo mɔa Kristo ɔpasua amɔv butefia fɔ woyito
amɔv féé. **3** Anɪ Sɪ Bulu mɔa anɪ Wie Yesu Kristo bɔgyi mɪ bɔale,
abɔha mɪ iwɪlwii.

Filemon ɔdwɛ Pú Mɔ Hogyi

4 Opio Filemon, ntɛda Bulu ɪpan fɔ nwunsɔ bregyibréá nde mpai
bɔ. **5** Tsufɛ ndenu alá fɔde Bulu aha féé dwɛ, fɔde anɪ Wie Yesu
hogyito kinkiinkin. **6** Nde Bulu kokoli mbɛɛ, ɔha afɔtalɔ bla aha fɔ
hogyi ɪwɪ asɔn, mɛnɪ ɪbéha fónu ɪtɔ wanklaan ánɪ anɪlanya Kristo-
buotɔ asɪ. **7** Mɪ pio, ɔdwɛá fɔbɔ laha anɪ de mɪ onuto o gyi. Ulawa

mí atétò-ònlún, tsufé fú awítòlé laha Bulu aha klún ladí amó así.

Paulo Ìpabwii Onesimo Nwunsu

8-9 Ìní sù nétalí wá klún kulí fú atò. Tèkí mbu òkpa híe fú mbée, fúbwé tóá ilehian Kristo sù. Tame ódwe amúv mbu ha fú amú sù ndekleá nókulí fú mboun. Mú sù tsu múá mí oyin dehen Paulo, ngýi fú nyawie Yesu sù, sei nda obu de fú kulí. **10** Nde fú kokoli mbée, fúwun mí biá nda obu asa nakwu mú, ogyi Onesimo nwé. **11** Mú ida amú así gyi óbu labi. Tèkí ómòwa labi ha fú bréá òlesrí sí fú, tame sei mú óbu labi ha mía fúnýò.

12 Ntódwe mú tsu mí kluntò, tame nde mú yinkia sí sí fú. **13** Tèkí ndekleá néha mú otsia fú otsiakpa mí wá nfi. Òtsa mí bré anfi nda obu Bulu asun wanklaan amú ókan da sù anfi. **14** Tame mmedekleá nóbwe tótò tsun fú óma. Mmedekleá néhíe fú é. Ndekleá itsu fú kluntò.

15 Tsu mú fée, Onesimo lesrí sí fú bré itinbitò, mení óbéla betsia fú wá bré fée. **16** Ótra omegyí ókpábi. Alamli opio ódwepú onutonuto ha mí. Múá idun a, falanya ókpábi pú opio dun mí sei.

17 Mú sù ní fúyín ání fú ba gyi mí a, múmú kplá mú wá íwítò fé alíá fóbwe mí. **18** Ní òlòpú ùlá kú gyi fú, nte óde fú íkò kú a, bú mú tswí mí. **19** Mí Paulo onuto lapu mí íbì wanlín úní, < <Néka fú.> > (Ìma alá néblí mbée, fú onuto amú o a, mílòhò fú nkpa.) **20** Ìní sù mí pio ódwepú, aní Wíe sù wá labi ha mí. Ha klún ídì mí así Kristo sù.

21 Nyín ání fónu mí ómè bwe ònka tóá nawanlinsu. Nyín ání fóbwe mú dun alí kuraa. **22** Mú óma a, bó mbòdí afula ódikpa yai mí, tsufé nde ókpa kíá Bulu óbósò fú ónò, néba mílì wá.

Ìklá

23 Epafra ání mĩa múnyc anıda obu Kristo Yesu sv ɔha fu itsia.

24 Alı ken mı agyımayaɔba Marko mva Aristarko pú Dema mva Luka
ε beha fu itsia nı.

25 Anı Wie Yesu ogyi mı bualε.

HEB - - NKO Letter to the Hebrews in the Nkonya Language of Ghana
Hebrifo

Dwulvá Bɔwanlɔn Sɔsɔ Hebrifo

Hebrifo

Heb.

Dwulvá Bɔwanlɔn Sɔsɔ

Hebrifo

1

Reviewers checked 03/04/06

Bulu Asun lna Mu Bi Amusu

1 Bumbi amu a, Bulu lotsun ɔkpa ɔtsan-ɔtsansu tɔi kpla anɔ anain
bre tsɔtsɔtsɔtsɔ tsun mu ɔnɔsu atɔɔpusu. 2 Tame sei anfi ɔyi ɔba bɔmɔ
ɔnɔ anfi mú a, alatɔi kpla anɔ tsun mu Bi amusu. Mugyi ɔha ání Bulu
leleá ogyi mu atɔ nɔ. Mu Bi anfisɔ ɔlotsun bwe togyitɔ. 3 Musu Bulu
ɔkpɔnkpɔntɔ numnyam tɔwankɔ tsun. Mugyi ɔha ání ɔlehɛ lian Bulu,
ɔde mu asun amusu ɔbu tumi amu pɔkɔ togyitɔsu nɔ. Breá ɔlogyɔra anɔ
ta a, ɔletsia ɔsusu Bulu Otumipu amu gyɔpɔsu.

Bulu Mu Bi Amu Lɔfua Dun

4 Bulu lotsu mu Bi amu fua dun Bulu-abɔpu féé. Alɔ ken ɔleha mu
ɔda dun amú nɔ. lɔi losuna ání ɔdun amú féé. 5 Tsufe Bulu mɔkubla
mu abɔpu amutɔ ɔkukubuku kɔ ɔbɛɛ,

< < Mɔ Bi gyi fu,

nde nabwe fu Si. > >

Nte bla amúto okuku obee,

< < Nóbwe fu Si,
fu e fóbwe mi Bi. > >

6 Inu oma asa Bulu obówa mu Biti amu sisi oyito a, obeli obee,

< < Mi abopu féé busum mu. > >

7 Tóá obeli tsu mu abopu amu mú iwí gyi,

< < Nabwe mi abopu fe afu.ⁿ
Nabwe mi asumpu fe ogya plenplen. > >

8 Tame obela mu Bi amu mú obee,

< < Oo Bulu, fu iwiegyi méeta ekekeke!
Yilebwe gyi fu iwiegyi akonfra.

9 Yilebwe futekle. Futekisi lalahé féé.

Mú su mi, fu Wie Bulu nale fu, da fu ofuli.

Napu ansigyi wa futo dun fu aba. > >

10 Bulu asun wanlinhe amu letra bli obee,

< < Mi Wie, fulowa osulu ntswiasi breá fefi oyi asi.

Fu onuto ibi fopubwe osusu.

11 Mú féé ibófwi, tame fu mú fétsia bre féé.

Mú féé ibóbwe dada fe tatida.

12 Fókunta mú fe tati.

Fétse mú fe atadie.

Tame fu mú futamatse.

Fu nkpa móomó onó ekekeke. > >

ⁿ1:7 afu nte ohe. Ohe móa afu lelían aba Griki oblito.

13 Bulu mebla mu abapu okuku obee,
< < Tsia mi gyapusu,
yafun breá nópu fu alupu bwe fu ayabi oyikpa. > > fe alía
olebla mu Bi amu.

14 Nto mee Bulu-abapu bugyi? Megyi oge bugyi, Bulu towa butobua
aha ání obóho amú nkpa?

2

Proofread 07-07-09

Nkpahó Kpónkpónkpónti

1 Iní su ilehian ání abékita onokwali asun amuu anılanu amuto
kinkiinkin, mení uméedali aní ibi. 2 Tsufe mbla amuu Bulu lówa ha
aní anain tsun mu abapusu amu igyi onokwali. Iní su aha amuu bowa
asuto-onlín, bumegyi músu amu benya isubitiá ida okpa. 3 Nkalí aní
mú abétali sri si isubiti amu, ní akina nkpahó kpónkpónkpónti anfi?
Aní Wie onuto legyankpa blí mú asun. Aha amuu bonu mú amu é
begyi mú íwí adansie suna aní bee, íbú mótó. 4 Bulu onuto é lóbwe
ofula pú osuna otsan-otsan mu tumitó, oleha aha mu Oge Wankihe
atokiehe breá iletsia mu, pudínka íbwi músu ání onokwali igyi.

Nkpahó Okpa Osunapu

5 Bulu mọpu oyi amuu íba, aníde mú íwí asun blí amu wa mu
abapu íbitó obee, bugyi músu. 6 Mboun fe alía oku lówanlín wa Bulu
asun amuto otínéku obee,

< < Oo Bulu, nto nyankpusa gyi, su fu aní ídín músu alí?

Nto nyankpusa gyi, su futekí músu?

7 Bre ítinbí kútó pe feba mu así dun fu abapu.

Fɔpu numnyam pú obú dínka músú.

8 Feha mu ɔde atɔ féeɣu gyi. > >

Ni Bulu asun anfi deblɔ ɔbeɛ, < <Atɔ fée> > a, idesuna ání tɔtɔ mesian ání ɔmede músú gyi. Sei anfi a, anumɔkunya wun ání ɔde atɔ féeɣu gyi. **9** Tame anɔlawun Yesu. Bulu leba mu asɔ dun mu abɔpu bre itinbi kɔtɔ. Awɔtɔle Bulu lowa bwe mú alɔ, tsufe ɔleha Yesu lowu ɔhagyioha nwunsu. Anɔlabɔ́a sei a, Bulu lapu numnyam pú obú dínka músú, iwɔɔsin amuu olowun, wu amu su. **10** Bulu, atɔ fée ɔlepu pú músú ɔkɔpu amu ɔbékpa mu abi tsɔtsɔɔtsɔ ba mu numnyamtɔ. Mú su ɔbu aláá ɔɔtsun Yesu amuu ogyi amú Nkpa ɔhɔpu amu lowusu ha mu ɔɔfun, menɔ ɔbɔ́ho amú nkpa.

11 Yesu amuu ɔtɔgyura aha le amú lakpantɔ amu mu aha amuu alagyura amu fée babwe ɔsi ɔkule abi. Mú su uma mu pelɔ́a ɔbéti amú ɔbeɛ mu apio. **12** ɔlebla Bulu ɔbeɛ,

< <Nékla fu bwehe suna mi apio.

Nékanfu fu anɔ ofiakpa. > >

13 ɔleblɔ bre bambatɔ ɛ ɔbeɛ, < <Nɔ́pu ansɔ dínka Bulusu. > > ɔletra blɔ ɔbeɛ, < <Kɔ, mi ahi amuu Bulu lapuha mi amu lu a. > >

14 Inɔ́a anyankpɔsa ahi amuu Bulu lapuha mu amu bugyi su a, ɔɔbwe mu iwɔ nyankpɔsa fe amú, menɔ ɔbɔ́tsun mu lowusu swu ɔbunsam tumi, yinta mu. **15** ɔkpa anfi pesu ɔbétaɔ tsun ha aha amuu benya lowu ifu, su ɔɔbwe nkpábi amú nkpatɔ fée amu bégyi iwɔ ni.

16 Tsufe ida yaɔ ání megyi Bulu-abɔpu nkpa ɔhɔkpa ɔleba, mboun Abraham ahi-aná. **17** Inɔ su ilehian ání ɔbélian mu apio togyitɔtɔ, menɔ ɔbɔ́bwe amú igyi ɔhapu dehen ání obówun aha nwe, wa ɔnɔkwali Bulu ansɔtɔ. Fówun ɔbétaɔ bɔ amú lakpan iwɔ afɔdie ha Bulu, obésikie amú. **18** Bɔsɔ mu kɔ, mu onuto ɛ ɔɔtsun iwɔɔsintɔ. Mú su ɔbétaɔ gyi aha ání butɔsɔ amú kɔ ɛ buale.

Yesu Dun Mose

1 Ini su apio aba ání Bulu lati mli wa ɔsusu ayɔputɔ, mliɔv anɔ dinka Yesusu. Mugyi Bulu sumbi ɔyɔɔv pú mu igyi ɔhapv dehen amuv anɔde mu iwɔ asun bli amv nɔ. 2 Ɔlɔwa ɔnɔkwali ha Bulu, Bulu lele mu ɔbeɛ, ɔbɔyɔ mu agyuma fe alɔ amuv Mose lɔwa ɔnɔkwali ha Bulu, Bulu lɔɔv mu woyi féé wa mu ɔbɔtɔ amv. 3 Tame obú bu Yesusu dun Mose, fe alɔá butobu woyi oyipv dun woyi amv. 4 Woyigiyiwoyi a, ɔha leyi mú, tame atɔ féé ɔbwɛɔv gyi Bulu. 5 Mose lɔbwɛ osumɔv ɔnɔkwaliɔvɔá ɔde Bulu woyisv kɔ. Ɔlebla amú asun ání Bulu ɔbébli ekeku. 6 Tame Kristo lɔbwɛ obi ɔnɔkwaliɔvɔá ɔde Bulu woyisv kɔ. Bulu woyitɔ abi anɔgyi, nɔ anɔlɔwa klun kita mu ɔkpakitɔ kinkiinkin yɔfun mú ɔnɔmɔke.

Bulu Aha Ɔkpunvda

- 7 Mú su ɔbu Bulu asun amɔtɔá Ɖɔe Wankɔhe lebli ɔbeɛ,
 < < Nde, nɔ mlonu Bulu ɔme a,
 8 mliɔmáwa asɔtɔ-ɔnlun, fe alɔá mli anain Israelfɔ
 bɔbwɛ breá bɔkusv lu Bulusv,
 sɔ mu kɔ dimbi amuvsv.
 9 Insv mli anain bɔsɔ mɔ kɔ nɔ.
 ɔbu mútɔá bowun mɔ bwehe nfi advana (40) keke.
 10 Ini su nɔnya ɔblo wa amú, bli mbɛɛ,
 < Butɛdalɔ mɔ ɔma bregyibre,
 kina mɔ asunsv gyi. >
 11 Mú su nɔnya ɔblo ka ntam mbɛɛ,

< Ní bówie mí ɔkpunu ɔdakpa unu fiin! Neka nɔtun! > > >

12 Mí apio, mlíkí wanklaan ání mlító ɔkuku méenya klun lalaheá utamahɔ Bulu gyi, mení uméeha mu ɔdalí Bulu Ɔkiankpapu amu ɔma.

13 Mboun mlító kpla aba ekekegyieheá ɔyi lèke, betí mú

< < Nde, > > fe alíá Bulu asun wanlinhe anfi ɔdeblí. Fówun lakpan méemle mlító ɔkuku, ha mu ɔwa asuto-ɔnlun. **14** Tsufe ní akíta aní hogyi to kinkiinkin, fe bre amuu aniloto hogyi amu yɔfun mú ɔnɔmɔ a, ania Kristonyɔ abékan, bwe toku kule.

15 Fe alíá Bulu asun wanlinhe amu leblí. Ɔbee,

< < Nde, ní mlonu Bulu ɔme a,

mlumáwa asuto-ɔnlun, fe alíá mlí anain Israelfɔ

bokusu lu Bulusu. > >

16 Amendí lonu Bulu asun blihe, tame bokusu lu musu? Megyi aha amuu Mose lèkpa tsu Egypte ɔsulusu amu féé? **17** Amendí Bulu lenya ɔblo wa nfi advana (40) keke? Megyi amú ken lobwe lakpan, bowu sin dimbisu unu ní? **18** Amendí Bulu leka ntam ha ɔbee, < < Ní bówie mí ɔkpunu ɔdakpa unu fiin! Neka nɔtun? > > Megyi aha amuu bokusu lu musu amu? **19** Mumu ulawankí ání amú Bulu mahógyi su bumɔyɔ ɔsulu amusu yeda ɔkpunu.

4

Proofread 07-07-09

1 Nhuhie amuu Bulu lobwe ɔbee, mópu mu ɔkpunu ɔdakpa ha aní amu itra da. Mú su mliha akí wanklaan, mení uméeba ání mlító ɔku oméenya unu yɔ. **2** Tsufe beda asun wanklaan amu ɔkan suna aní, fe amú, tame bumɔhɔ asun amusu gyi. Mú su umɔwa labi ha amú.

3 Tsufe aní aha amuu anilahɔ músu gyi amu obówie mu ɔkpunu ɔdakpa unu. Aha amuu bumɔhɔ músu gyi amu mú a, Bulu leblí tswi

ɔbɛɛ,

< <Nenya ɔblo, ka ntam mbɛɛ,

<Nɪ bówie mɪ ɔkpunu ɔdakpa unu fiin! Neka nɔtun! > > >

lbu mútɔ́á Bulu lɛhɪhɪɛ ɔkpunu ɔdakpa unu yaɪ tsu brɛ́á ɔlɛlɛ ɔyi ɔpá.

4 Tsufɛ bɔ́wanlɪn ɛkɛ sienɔ́sɪ amu ɪwɪ asun wa Bulu asun amuto bɛɛ,

< <Ekɛ sienɔ́sɪ a, Bulu lɛda ɔkpunu tsu mu gyumagyihe fɛ́étɔ. > >

5 Fɛ alɪ́á anɪlanu bɔ́tsun a, Bulu ɔbɛɛ, < <Nɪ bówie mɪ ɔkpunu ɔdakpa unu fiin! Neka nɔtun! > > **6** lɪnɪ desuna ání akɪ mú bówie unu.

Tamɛ aha amuu begyankpa nu asun wanklaan amu bumenya unu yɔ,

tsufɛ bumobu mu. **7** lɪnɪ su Bulu lɛtra hɪɛ ɛkɛ bamba, ɔlɛtɪ mú

< <Nde. > > Nfi tsɔ́tsɔ́tsɔ́ ɔma a, ɔlɔ́tsun Owie Dawidsu tɔɪ tsu alɪ ɛkɛ anfi ɪwɪ, fɛ alɪ́á lbu Bulu asun amuto ɔbɛɛ,

< <Nde, nɪ mlonu Bulu ɔmɛ a,

mlumáwa asuto-ɔnlɪn. > >

8 Nɪ amú ɔkpapu Yosua lɛha bɛda ɔkpunu a, tekɪ Bulu mɛtra hɪɛ ɛkɛ bamba. **9** lɪnɪ su ɔkpunu ɔdakɛ kuá ɪna ɔtsan ɪda gyo Bulu aha, fɛ alɪ́á

Bulu lɛda ɔkpunu ɛkɛ sienɔ́sɪ amu. **10** Tsufɛ ɔha ání olowie ɔkpunu

ɔdakpa unu ɛ lada ɔkpunu tsu mu ɛ mu gyumagyihe kugyikuto, fɛ alɪ

amuu Bulu lɛda ɔkpunu tsu mu klɛ kugyikuto amu. **11** Mú su mliha

abɔ mbɔdɪ awie ɔkpunu ɔdakpa unu, mɛnɪ anito ɔkuku méésin ɔkpatɔ

fɛ alɪ amuu Israelfɔ bɔ́wa asuto-ɔnlɪn, besin ɔkpatɔ amu.

12 Tsufɛ Bulu asun amu lbu nkpa, ɪtɔ́yɔ agyuma. lbu ogya dun

ɔdayɪ ɪya anyɔ kugyiku. lɛka ɔha alɪ yowie mu ɔkla pú mú ɔɲɛ

ofiakpa, mu ntsakpa pú mu awu nfɔ́tɔ. Itɛgyɪ anɪ agywun pú tɔ́á

anɛkle tsu anɪ kluntɔ asun. **13** Tɔ́tɔ́tɔ́ tamanain Bulu! Togyitɔ da

yaya mu ansitɔ. Mu abóyobu anɪ tsiatɔ akunta kugyiku suna nɪ.

Anɪ Bulu Igyi ɔhapu Dehen

14 Anibv igyi ɔhapv dehen kpɔnkpɔntiá alada fa ɔsusu yɔ ɔbv Bulu wa. Mvgyi mv Bi Yesu. Ini sv mliha akita Yesu anfi anide mv iwi adansie gyi anfitɔ kinkiinkin. Animádinkɔ ansi musv. 15 Tsufe mv mó omegyɔ ɔha ání omóonu anɔ asɔ nɔ anumetali gyi iwɔsv. Ogyi ɔha ání bɔsɔ mv kɔ ɔkpagyɔkpasv fe anɔ, tame ɔmɔbwe lakpan ekekeke. 16 Inɔ sv mliha awa klun, ayɔ Awitɔlepɔ Bulu obia asɔ. Fówun obówun anɔ nwe, wa awitɔle, kpa anɔ anɔ ohianke.

5

Proofread 07-07-09

1 Le butele igyi ɔhapv dehen okugyiɔkv tsu mv aba anyankpɔsatɔ, ɔtelu amú nwun Bulu ansɔ. ɔtɔhɔ atɔ hahe pú lakpan afɔdie-abɔtɔ tsu amú wa, pɔha Bulu igyi. 2 Mv onuto e ɔtamatali gyi iwɔsv bre tsɔtsɔtsɔtɔ. Mó sv otenya klun ha aha ání bumeyin ɔlala pú amúá bafwi ɔkpa. 3 Mó sv ilehian ání ɔbɔbɔ afɔdie ha mv onuto lakpan, fe aliá ɔtɔbɔ ha mv aha. 4 ɔhaa tamawa mv iwi numnyam ɔbee, Bulu igyi ɔhapv dehen mvgyi. Mboun Bulu teti ɔha, bwe mv mv igyi ɔhapv dehen, fe aliá ɔlɔbwe Aaron.

5 Alɔ ken Kristo onuto e mɔwa iwi numnyam ání Bulu igyi ɔhapv dehen mvgyi nɔ. Mboun Bulu lebla mv ɔbee,

< < Mɔ Bi gyi fu.

Nde nabwe fu Sɔ. > >

6 Bɔwanlin wa Bulu asun amv ɔtɔnekv e bee, Bulu ɔbee,

< < Bulu igyi ɔhapv fɔgyi bre féétɔ,

fe Melkisedek. > >

7 Breá Yesu tsie nkpa ɔsulv anfisv a, ɔlɔpv kokoli móa isu bɔ mpai, kplun kuvlukuv, pv mv atɔ kulihe tswi Buluá ɔbétali hɔ mv nkpa ansɔ. Mv iwiasɔba sum Bulu sv Bulu lonu mv mpai. 8 Ibv mótoá

Bulu mu Bi ogyi mú, tame ɔlɔtsun iwɔsinto asa ɔletali bi alíá Bulu-bu ihie igyi. **9** Iníá ɔlɔbwe togyitá Bulu lɔwa mu bwe su a, olemli ɔkpa ání aha ání butobu mu fée bótsun músu nya nkpaɔ́ itamata.

10 Bulu lele mu suna ání ogyi mu igyi ɔhapu dehen, fe alíá ɔleyai Melkisedek.

Mlímási Hogyi Amuto

11 Mbu asun tsɔtsɔtsɔ́ abébli tsu Melkisedek asun anfi iwi. Tame mú asile suna mli ibówa ɔnlɔn. Tsufe sei a, mliitra mlíméde asun así nu ɔsasú. **12** Teki bófun alí bre anfito a, mliíamli asunapu, tame mliíetra hian ɔha ání obósuna mli ato gyankpapuá ibu Bulu asun amuto. Múgyi, mliíehian atosuanhéá ɔlɔpɔn fe nyɔpu-ntsu. Megyi múá ibu ɔnlɔn fe ato wihe nte atogyihe onuto. **13** Tame kebi bóbwe tonyɔpu. Omeyin tóá gyi yilebwe. **14** Ohande tegyi tóá ibu ɔnlɔn, tsufe alatsuntsun ntobito kí, alakasí bi yile múa lalahe.

6

Proofread 07-07-09

1 Mú su mlímátra bitia aní ayabi ya ɔma. Mliha akasí múá ibéha aní abóyo nkpa, así Kristo iwi atosunahe gyankpapu amuto pla lapla. Mehian ání abétra suna ato tsu Bulu-hogyi pú klɔntɔdamli tsu bwehéá iteti lowu iwi, **2** atosunahe tsu asubɔ, ibi pudinka ɔhasu,^o Afulikusu pú Bulu asungyi eke trahe amu iwi. **3** Ní Bulu lotsula a, mumu múá ibéha abóyo nkpa sɔɔn abósuna mli ngya.

4 Ní aha ání bawun Bulu wanki amu kí, bada ɔsusu atokiehe ɔno kí,

^o**6:2** *ibi pudinka ɔhasu* igyi amandíéá ɔpasua ahande butɔbwe puwa aha ání bale ha gyuma ku gyi ɔpasua amuto ɔwunlɔn, nte putsa aha ɔlɔ, nte pukuli Bulu ɔ́he Wankihe ha amó.

banya Ɔnye Wankihe amu e ki, **5** bada Bulu asun amuu ibu ale amu pu bre amuu ibeba amuto tumi onɔ ki, **6** mu ɔma bedida hogyi to a, butamatali tra damli klonto. Tsufe amu onuto amu tra buɔe Bulu mu Bi amu da manta oyikpalihesu, tsu mu lu bee, aha bubwe mu ahinla ni.

7 Anyankpusa aku bugyi fe ɔsulva itonun ntsua nyankpu detswie wuli musu. Musu ato towa ale, wa labi ha aha amu su amuu bɔɔ mu amu. Bulu toyula alɔ aha anfi odu. **8** Tame aku e bugyi fe ɔsulva tunkpa mu awu ana tokwe musu, butamawa labi. Ni bumeki wanklaan a, Bulu obolwu amu, wa amu ogya.

9 Tame apio adwepu, ni nde unɔ bli o a, opuni mede mu tsii. Tsufe nyin ani mlide ato wanklaan bwe, idesuna ani Bulu laho mli nkpa.

10 Tsufe toa ida okpa Bulu tobwe. Ometan mli gyumagyihe pu odwea mlilale suna mu tsu mu ahatsato, mlitra mlibu musu. **11** Nhie ndekle mbee, mlito okugyioku obowa iwi ɔwunlin, bwe mu yafun mu onomo, fowun to amuu mli ansi din musu amu ibeba moto ha mli.

12 Mmedeklea mli mli oneto awuliyopu. Mboun mlakasɔ aha amuu amu hogyi pu amu ikunya su amu ibi beda to amuu Bulu lehie yaɔ amu.

Bulu Ledinka Ibwi Toa Oliehe Yaisu

13 Breɔ Bulu leka ntam ha Abraham a, ɔhaa ma unva ɔɔun mu Bulu. Mu su mu onuto iwi ɔɔpuka ntam. **14** Obee, < < Nekase, nehie yula fu. Neha fu abi-ana beklei tsotsɔtsɔ! > > **15** Abraham lenya klun. Mu su olenya to amuu Bulu leka ntam obee, meha mu amu. **16** Ni oku obeka ntam a, ɔha ani ɔɔun mu ida ɔɔpuka ntam amu. Isuna ani nwengyi kuku ma mu ntam amu iwi. **17** Inɔ su breɔ Bulu deklea obosuna aha amuu oliehe to amu ha amu ani ometan mu agywun

ekkekεεε a, ɔletanu mu iwi. **18** Bulu tamawa afunu! Mu to amuv
ɔlehie yai amv, pú ntam amv igyi atoku anyɔ́á uméetse ekkekεεε. Inu
su aní aha amuv anilasri tanu mu amv anibu toá abópɔwa iwi
ɔwunlin, akita to amuv anide ɔkpa kɪ amuto kinkiinkin. **19** Aní
ɔkpakɪ anfi lakita aní yai, fe aliá ɔtan tekita obu lu. Aní ɔkpakɪ anfi
tekpa aní, anitɔtsun tati amuv isian ɔsusu ɔwankɪkpatɔ ɔwankɪkpa
obu-ɔno amuto wie muto. **20** Aní su Yesu lagyankpa yɔ ɔbu obu
amuto unv dodo. Alamli igyi ɔhapu dehen ání ɔbu unv bre féétɔ ha aní,
fe Melkisedek.

7

Proofread 07-07-09

Bulu Igyi ɔhapu Melkisedek

1 Melkisedek anfi a, Salem owie ogyi. ɔlobwe ɔsusuusu Bulu amv
igyi ɔhapu. Eke ɔku Abraham loyɔkɔ awie abana aku isa, gyi amúsu.
Breá oleyinki ɔba a, olefia Melkisedek. Melkisedek loyula mu.

2 Abraham leye atɔ́á olenya tsu isa amuto idu, ɔlopu idusi ha
Melkisedek. Ida anfi asɪ gyi, < <Yilebwe Owie.> > Mu ida kule ε
gyi < <Iwilwii Owie> >, tsufe Salem asɪ gyi, < <Iwilwii.> >

3 Bulu asun mebli asvansu tsu Melkisedek akwupu nte mu ulinto, mu
kwu nte mu lowu iwi. ɔlelian Bulu mu Bi amv. Bulu igyi ɔhapu ogyi
bre féétɔ.

4 Mlúkɪ aliá Melkisedek gyi ɔha kpɔnkpɔɔnkpɔntɪ ɔku. Aní nain
Abraham kuraa leye mu atɔ́á olenya tsu usato idu, pu iku kule ha mu.

5 Mose Mbla leha Lewi abi-aná, bugyi igyi ahapu amv ɔkpa ání buho
atɔye iduto kule tsu amú aha Israelfɔ wa. Ibv mutoá Abraham abi-aná
amú ε bugyi. **6** Melkisedek anfi motsu Lewi abi-anátɔ, tame ɔloho

Abraham atɔye iduto kule, yula Abraham mboun amuu Bulu lɛka ntam ha amu. **7** Nwengyi ma mɔ iwɔ ɔnɔ ɔha ɔnɔ otoyula dun ɔmɔ́a bɔdeyula. **8** Yudafo igyi ahapu amuu butɔho Israelfo ato iduto kule amu butowu, tame ɔlɔho Abraham atɔyeto idusi anfi mɔ tra otsie nkpa, fe alɔ́a Bulu asun wanlinhe amu deblɔ. **9** Nɔ animɔ́ɔwa afunu a, abɛtalɔ blɔ aniaa, bre amuu Abraham lɔpu mu ato iduto kule ha mu amu a, Lewi abusuan amuu butɔho Israelfo ato iduto kule amu e beka mɔ tsun Abrahamsu. **10** Tsufe Lewi bu mu nain Abraham iwɔto, bumɔkunya kwu mu asa mu nain lɔpu mu ato iduto kule ha Melkisedek.

11 Ibo mɔ́tɔ́a Mose mbla amu leblɔ́a Bulu igyi ahapu butsu Lewi abusuantɔ. Nɔ bɛtalɔ ha ɔha ɔbɔfun a, tekɔ Bulu metra le mu igyi ɔhapu bamba ɔnɔ ogyi fe Melkisedek, omotsu Aaron abusuantɔ. **12** Nɔ betse igyi ahapule mbla amu a, mumu ilehian ɔnɔ bɛtse Mose mbla amu e. **13** Tsufe anɔ Wie anfi anɔde mu iwɔ asun blɔ anfi otsu abusuan bambato. Abusuan anfito ɔhaa mɔkusum afɔdie-ɔswɔ amusu kɔ. **14** Ohagyioha yin ɔnɔ Yuda abusuantɔ anɔ Wie anfi otsu. Mose metɔ abusuan anfi ɔda breá ɔde abusuan oduá bɔbwe Bulu igyi ahapu iwɔ asun blɔ.

Bulu Igyi ɔhapu Bamba ɔnɔ Ogyi Fe Melkisedek

15 Bulu mbla anfi tse latra wankɔ anɔ tsia, tsufe igyi ɔhapu bamba labele iwɔ ɔwan fe Melkisedek. **16** Mbla dada amu ilosuna ɔnɔ Lewifo nkule ɔbwe igyi ahapu, tame megyi be mu anain botsu Lewifoto su ɔlɔbwe igyi ɔhapu. Mboun mu nkpa ɔnɔ umɔ́ɔmɔ ɔnɔ ekekeke tumito ɔna ɔlɔbwe igyi ɔhapu. **17** Tsufe bɔwanlin wa Bulu asun amuto be, < <Bulu igyi ɔhapu fɔgyi bre fɛ́eto, fe Melkisedek. > > **18** Idesuna ɔnɔ bale igyiha mbla dada amu ibwi, tsufe umɔ́wa ogya, umɔ́wa labi e.

19 Tsufe Mose mbla amu metalı bwe tɔtɔtɔ ifun. Sei a, Bulu lapu anı ɔkpakı wanklaan ání idun mbla dada amu yaı mú otsiakpa. Múá ıbékpıa anı manta Bulu.

20 Bulu leka Yesu ıwı ntam ání ɔbɔbwe mu igyi ɔhapu bre féétɔ. Ɔmeká igyi ɔhapu bamba ɔkukuvuku ıwı ntam. **21** Yesu ıwı ntam ání ɔleka breá ɔlobwe mu igyi ɔhapu gyi,

< < Mı Bulu, naka mı ıwı ntam ání
igyi ɔhapu fugyi bre féétɔ.
Mméelatse mı agywun! > >

22 İna ntam anı su Yesu labɔbwe ɔma ɔlupu ha Bulu nhıhieá ıhie bu ale dun nhıhie dada amu.

23 Bulu igyi ahapu amuvu betsia nhıhie dada amu ɔno amu buhie butɔ, tsufe butowu si agyuma amu tswı. **24** Yesu mú bu unu bre féétɔ. Mú su mu Bulu igyiha móɔmɔ ɔno ekekekε. **25** Mú su ɔtetalı hɔ aha ání butɔtsun musu ba Bulu wa féé nkpa plıplıplı. Tsufe otsie Bulu wa, ɔde mu kokoli amú nwunsu bre féétɔ.

26 Yesu gyi Bulu igyi ɔhapu dehen onutoá anıdehian nı. Mu ıwı letın, tsitsa kuku uma mu ıwı. Lalahe kıkuvuku ε uma mutɔ. Bulu lele mu le lakpan abwepu ɔkpasu, ha mu otsiakpa fuahe ɔsusuusu.

27 Imehian ání mu mú obégyankpa bɔ mu lakpan ıwı afɔdıe, fe igyi ahapu dehen atrahe amu. Amú mú betsia bɔ ha amú onuto lakpan ekekegyieke, asa bɔtɔbɔ ha aha. Ɔtsawule pe mu mú ɔlobɔ afɔdıe ha aha féé lakpan, breá ɔlopu mu ıwı bɔ afɔdıe aha féé nwunsu. **28** Mose mbla leha aha ání bapɔn bɔbwe Bulu igyi ahapu dehen. Tame mbla amu ɔma a, Bulu leka ntam le mu Bi. Alaha mu Bi amu labwe mu igyi ɔhapu dehen ání ɔlofun bre féétɔ.

Ani Igyi ɔhapu Dehen

1 Asun ání ndeblí fée gyi, aníbu Bulu igyi ɔhapu dehen ání ogyi alí, otsie Bulu Otumipu amu obia gyɔpɔsu ɔsusu. **2** Ode Bulu igyi ha ɔwankɔkpatɔ ɔwankɔkpa onuto ání ibu ɔsusu unu. Mú mú a, Bulu onuto leyi mú, megyi nyankpusa.

3 Bulu igyi ɔhapu dehen okugyiɔku mu agyuma gyi, ɔbɔpu aha amu atɔ hahe pú amú afɔdiɛ-abɔtɔ ha Bulu. Iní su ilehian ání aní Bulu igyi ɔhapu dehen Kristo ɛ obénya tɔá ɔbɔpuha Bulu. **4** Ní ɔsulɔ anfisɔ ɔbu a, tɛkɪ ɔmɔɔbwe Bulu igyi ɔhapu ekekeke. Tsufe Bulu igyi ahapu onuto bubu unvá butɛha Bulu igyi Mose mbla ɔnɔ. **5** Igyi ahapu amu butɔtswe Bulu igyi ɔhakpa ání ilehian ɔsusu tati-obu amu. Iní su Bulu leda Mose ɔla breá ɔbɔbwe tati-obu amu ɔbeɛ, < < Kíá fɔbwe togyitɔ fe obu amuu nele suna fu ibusu unu amu odu pepepepe. > >

Tabernacle|lb00259b.tif|span|HEB8:5|Louise Bass, The Bible Society, London|Bulu ɔtswekpa tati-obu ní.|Hebrifo 8:5 **6** Tame Yesu igyiha agyuma amuu Bulu leha mu amu lehie fua dun ɔsulɔsu igyi ahapu dehen amu kle. Ntam pɔpwe amuu ibu anta Bulu nsune, Yesu gyi mú ɔma ɔlupu amu ɛ ihie bu ale dun ntam dada amu. Tsufe ɔlehie atoyileá mɔbwe ha aní wa mútɔ.

7 Ntam gyankpapo amu umɔfun. Ní ulɔfun a, tɛkɪ nyɔsi metra hian. **8** Tame Bulu lowun ání anyankpusa bumebi bwe. Mú su ɔleblí ɔbeɛ, < < Eke ɔku iba. Mí mlí Wie deblí.

Mia Israelfɔ pú Yudafo abéka ntam pɔpwe.

9 Imɔɔbwe fe mú amuu iletsia mia amú anain nsune, bre amuu nekita amú ibí, kpa amú dalí Egyipte ɔsulɔsu amu.

Tsufe bumegyí mɪ ntam amʊsʊ.

lɪɪ sʊ nesi amó ɪwɪ ha amó.

10 Ntam anfi obétsia mɪa Israelfɔ nsine

ɛke amʊ nɪ. Mɪ mɪ Wie dɛblɪ.

Nópu mɪ mbla wa amó nwuntɔ.

Nówanlɪn mó dɪnka amó klunsʊ.

Nóbwe amó Bulu,

amó ɛ bóbwe mɪ aha.

11 Amótɔ ɔkuku méetra suna mʊ pio,

nte mʊ ba ɔbɛɛ,

ɔbɪ Bulu.

Tsufe amó féé bɛ́bɪ mɪ.

Tsu nyebisʊ yɔfun ahandesʊ.

12 Nési amó lakpan kie amó.

Mméetra kain lalahéá babwesʊ. > >

13 Nɪ anɪ Wie dɛ ntam pɔpwe ɪwɪ asʊn blɪ a, mumʊ ilosuna ání
dada amʊ ɪtra ma labi mʊ ansɪtɔ. Tɔ́á ɪladan bwe dada a, wu itowu.

9

Proofread 07-07-09

Ɔsulʊsʊ Múa Ɔsʊsʊ Bulusum

1 Bulusum mbla letsia Bulu ntam dada amʊtɔ. Bóbwe tati-obu ání
bósum Bulu mótɔ ɔsulʊsʊ nfi. **2** Bɔpu tati tin tati-obu amʊ ɔnɔ, bɔpu
ɪkʊlɛ ɛ ka mótɔ. Bɛtɪ obu gyankpapʊ amʊtɔ bɛɛ, Ɔwankɪkpa. Ɔkandɛ-
oyiá butonywe nkandɛ bian músʊ pú ɔpuɪvá bodobodoá bapuha
Bulu igyi dɪn músʊ bu ɪnʊ. **3** Obu nyɔsɪ amʊ ɪbu tati nyɔsɪ amʊ ɔma
amʊtɔ butetɪ Ɔwankɪkpatɔ Ɔwankɪkpa nɪ. **4** Sika pepe afɔdɛ-ɔswɪ bu

inu. Bulu Ntam-daka ání bɔpu sika pepe piata mú iwɪ fée é itsie inu. Butɔwa ɔhiɛn ogya afɔdiɛ-ɔswɪ amusu. Atoku asa bu Bulu Ntam-daka amuto. Múgyi, sika pepe ɔlankabiá atogyihe kuá beti mú mana bu múto, Aaron oyi yiahe amusu ɪɔpɔi amu pú abwi peteple anyɔ amusu Bulu lɔwanlɪn mu mbla dɪnka músu amu é bu múto. Ark of the Covenant|HK078D.tif|span|HEB9:4-5|Horace Knowles, The Bible Society, London|Bulu Ntam-daka nɪ.|Hebrifo 9:4 5 Bɔbwe Kerubim anyɔá bubu numnyam, bugyi ntobi akuá bubu abamba dɪnka Ntam-daka amu obuasusu. Amú fée betɪnkɪ amú abamba fia aba, ilobun daka amusu. Amú nsɪne inu Bulu tesi aha lakpan kie amú nɪ. Tame megyi sei abéle asun anfi asɪ.

6 Alɪ bela ntobi amu yaɪ inu nɪ. Bulu igyi ahapu amu butowie obu gyankpapo, igyi ɔwankɪkpa amuto ekekegyieke yɔyɔ amú agyuma.

7 Bulu igyi ɔhapu dehen pe towie obu nyɔsɪ, igyi ɔwankɪkpatɔ ɔwankɪkpa amuto. ɔtsawule pe otowie inu ofito. Ilehian ání ɔbɔpu ɔbwi obugya ání ɔbɔpubɔ afɔdiɛ ha Bulu mu onuto nwunsu pú aha lakpan ání bɔbwe, bumeyin su ya inu. 8 Tɔá ɔɲe Wankɪhe amu desuna tsu ntobi anfi iwɪ gyi, ɔwankɪkpatɔ ɔwankɪkpa inu ɔkpa lefin wa amú breá tati-obu amu gyi amú Bulu ɔtswekpa. 9 Inɪ igyi atosuanhe ha nde ɔyikehe. Idesuna ání ɪbu mútoá butɔpu ato hahe pú afɔdiɛ-abɔto ha Bulu igyi. Tame iméetali ha mú ɔhapu amu klun isi mu ɪpɔn ha ání mu iwɪ latɪn tsu mu lakpantɔ. 10 Tsufe ntobiá igyi atogyihe, atonunhe pú amandíé nyankpusa tɔpugyura iwɪ keke mbla amu losuna. Bulu lɔbwe mbla amu fée ha nyankpusa, ání ɔkɪta múto bɔfun bre anfi alabwe ɔkpa pɔpweá bɔpubwe mú anfi, anuméetra bwe dada amu.

11 Kristo labɔbwe Bulu igyi ɔhapu dehen ha ato wanklaan amusu ɪlaba amu. Mu tati-obu ání ɔbu múto bu ɔsusu. Inu tati-obu amu dun

ɔsulusu kle, ulofun dun mú ε. Megyi nyankpusa lɔbwe mú mú, imotsu
ɔyi anfitɔ ε. **12** Megyi atrukpa pú nnantswie yinhe obugya Kristo
lɔpuya Ɖwankɩkpatɔ Ɖwankɩkpa unu. Mu onuto obugya ɔlɔpuya unu,
ɔlɔpuka anɩ nwunsu ɩkɔ ɔtsawule pe, anilenya nkpa ání itamata.

13 Mose mbla amu ɔnɔ a, akpala pú nnantswie obugya pú
ɔnantswiebiá bawa mu ogya, alahɔ nsuo butowunya wulɩ aha ání ifin
lada amú, pugyura amú. **14** Nɩ betalɩ bude mbwɩ obugya kuraa putɩn
aha iwɩ a, ntogyi su Kristo obugya méetalɩ tin aha iwɩ dun? Kristo
lɔtsun Ɖɔɛ amuu ibu unu bre féé amusu, pu mu iwɩ le mbusuo ání
ulofun ha Bulu. Mu obugya amu ibétɩn ání kluntɔ tsu bweheá ibékpa
ání wa lowuto iwɩ, menɩ abétalɩ sum Bulu Ɖkɩankpapu amu.

15 Inɩ su Kristo gyi ntam pɔpwe ání ɔbu Bulu mua anyankpusa
nsune ɔma ɔlupu, menɩ aha amuu Bulu latɩ amu bénya atɔ amuu
itamayinta, ɔlehie yai ha amú amu. Tsufe Kristo lowu amu ulaha amú
bagyi iwɩ tsu lakpan amuu bɔbwe bre amuu bubu ntam gyankpapu
amu asɩ amuto.

16 Nɩ ɔku ɔwanlɩn nhɩhie ha mu atɔtɔye tswɩ a, otowu asa itɔɔ
agyuma. **17** Tsufe nhɩhie amu uma labi breá ɔha amu onuto tsie nkpa.
Mu lowu ɔma itɔwa labi. **18** Inɩ su bɔpu obugya si Bulu ntam
gyankpapu amu esu asa ulɔɔ agyuma nɩ. **19** Tsufe breá Mose lekla
mbla amu féé suna Israelfɔ ta a, ɔlɔpu ntsu fra nnantswie pú akpala
obugyatɔ, pú kufa iwɩ imi pepe múa ayɔɩ wunya obugya frahe amu
wulɩ mbla ɔwulu amu pú aha amu féésu. **20** Muu ɔleblɩ ɔbeɛ,
< <Obugya ání ndepusi ntam ání Bulu laka ha mlɩsu nɩ. > > **21** Alɩ
ken ɔlɔpu obugya amu ku wunya tati-obu pú ntobi amuu butɔputswe
Bulu amu féésu nɩ. **22** Lele mú Bulu mbla amu ɔnɔ a, abétalɩ blɩ
aniaa, obugya butɔpugyura togyitɔ. Nɩ bumɔpu obugya le mbusuo a,
lakpansikie tamaba.

Kristo Afɔdie Tele Anɔ Tsu Lakpantɔ

23 Alɔ ilehian ɔnɔ bɔbwe amandɔ anɔ pugyura ntobi anɔ igyi fe ɔsusu kle amu nɔ. Tame ɔsusu kle amu ilehian afɔdie ɔnɔ ihɔe dun ɔsulusu kle anɔ. **24** Inɔ su Kristo mowie tati-obuá nyankpusa lɔpu mu ibɔ bwe, igyi fe ɔsusu kle amu oduto nɔ. ɔsusu ɔlɔyɔ yelu Bulu ansɔtɔ, ɔde mu kokoli ha anɔ. **25** Omɔpu mu iwɔ yɔbɔ afɔdie tsenyɔ-tsesa, fe alɔ amuu Bulu igyi ahapu dehen amu butɔpu mbwɔ obugya ya ɔsulusu ɔwankɔkpatɔ ɔwankɔkpa unu ofifigyiofi amu. **26** Nɔ alɔ igyi a, tekɔ ilehian ɔnɔ Kristo obétsia wun iwɔsɔn wu tse du tse lafa, tsu breá ɔyi lefi asɔ ɔpá. Mboun alale iwɔ ɔwan ɔyi ɔnɔmɔbɔ anɔ, pu mu iwɔ bɔbɔ afɔdie ɔtsawule pe pule aha tsu amú lakpantɔ. **27** Igyi fe alɔá ida yaɔ ɔnɔ ɔtsawule pe ɔha obówu. Mú ɔma a, Bulu obégyi mu asun. **28** Alɔ ken Kristo lɔpu mu iwɔ bɔ afɔdie ɔtsawule pe, pule aha tsɔtsɔtsɔ tsu amú lakpantɔ nɔ. Mú su nɔ ɔle iwɔ ɔwan otse nyɔsɔ a, imehian ɔnɔ ɔbétra bwe tɔtɔ tsu lakpan iwɔ. Mboun aha ɔnɔ buhɔe butsie bugyo mu nkpa ɔba bɔhɔ.

10

Proofread 07-07-09

1 Alɔ amuu Mose mbla lele suna ɔnɔ bupuha Bulu igyi amu ilehian mú amuu ibéba amu keke. Mú onuto amu Kristo labɔbwe a. Afɔdie oloku ɔkule amu betsia bɔ ha Bulu ofifigyiofi. Tame umetalɔ ha aha amuu butebeha igyi amu abufun Bulu ansɔtɔ. **2** Nɔ ɔletalɔ tin amú iwɔ Bulu ansɔtɔ ɔtsawule pe a, tekɔ besi afɔdie amu bɔ, amú klun e ilesi amú ɔpon ha ɔnɔ babwe lakpan. **3-4** Tsufe nnantwie yinhe pú atrukpa obugya méetalɔ le nyankpusa tsu mu lakpantɔ ekekekeke. Mboun ha uteha mu ɔtekain mu lakpansu ofifigyiofi. **5** Inɔ su breá Kristo ɔba ɔyɔtɔ a, ɔlebla Bulu ɔbee,

< < Megyi ato hahε múa afódie fudedunka.

Mboun ɔyulu fela yaɪ mɪ.

6 Fu ansi megyi ogya-afódie
pú lakpan-afódie ɪwɪ.

7 Muv nebli mbεε, < Mɪ Bulu, mɪ nɪ.

Neba bóbwe fu aɓε,

fε alíá bɔwanlɪn mɪ ɪwɪ asun wa

fu asun wanlɪnhe amuto. > > >

8 Olegyankpa blɪ ɔbεε, < < Megyi afódie múa afódiεto, mbwɪ tɔhe
pú lakpan-afódie fudedunka. Fu ansi megyi mú ɪwɪ. > > ɔleblɪ alɪ,

tame mbla ɔkpasu ilehian ání bóbwe mú. **9** Muv ɔletra blɪ ɔbεε,

< < Mɪ Bulu, mɪ nɪ. Neba bóbwe fu aɓε. > > Mú su Bulu lale afódie

dada amv ibwɪ, pɔ Kristo afódie amv wa mú otsiakpa. **10** Yesu Kristo

lobwe Bulu aɓε, pɔ mu ɪwɪ bɔ afódie anɪ nwunsu ɔtsawule pε, ha bre
féé. Mú su anɪ ɪwɪ latɪn.

11 Igyi ɔhapu okugyiɔku tɛlu bɔ afódie oloku ɔkule amv

ekekegyiεke. Afódie-abɔto amuv otenya pubɔ mú tse du tse lafa amv

ken ɔtɔpubɔ mú nɪ. Tame afódie anfi méetalɪ le aha tsu amú lakpanto

εkekeεke. **12** Kristo mú lenya bɔ lakpan ɪwɪ afódie ɔtsawule pε amv a,

ɪleta féé, oleyetsia Bulu gyɔpɪsu. **13** Tsu alɪ bre amuto ɔpá otsie unv

ogyo breá Bulu ɔbópu mu alupu bwe mu ayabi oyikpa. **14** Mu afódie

kule pε amv ɪlaha aha amuv Bulu lapu amú bwe mu kle amv bafun ha
bre féé, ɔlala kukuvuku ɪtra ma amú ɪwɪ.

15 ɔɲε Wankɪhe ε legyi mú ɪwɪ adansiε suna anɪ. Olegyankpa blɪ
ɔbεε,

16 Anɪ Wie ɔbεε,

< < Ntam anfi obétsia mɪa amónyɔ nsunε,

bre amuv ɪba amuto nɪ.

Nópu mɪ mbla wa amú kluntɔ,
wanlɪn mú wa amú nwuntɔ. > >

17 Oletra bli ɔbɛɛ, < < Mméesetra kain amú lakpan pú amú lalahesu
ekékeké. > > **18** Mú su nɪ Bulu lasi lakpan kie a, mumu mú iwɪ
afɔdiɛ kuku itra medehian ɛ.

Mlɪha Akpukpe Manta Bulu

19 Inɪ su mɪ apio, Yesu obugya amu su anɪbu ɔkpa wie ɔsusu
ɔwankɪkpatɔ ɔwankɪkpa unu faan. **20** Mu lowu amu su alafinki tati
amuu bɔpuka obu amutɔ amu ha anɪ. Múgyi ɔkpa pɔpweá iteha anɪ
nkpa nɪ. **21** Anɪbu Bulu igyi ɔhapu dehen kpɔnkpɔɔnkpɔntɪ ɔkúá ɔde
Bulu ahasu kɪ. **22** Mú su mlɪha apu iklun ání ibu ɔɔɔkwali, pú hogyiá
mú ɔɔ bu ɔnlun kpukpe manta Bulu. Tsufe alapu Kristo obugya gyura
anɪ. Anɪ klun méetra ha anɪ pɔn, alapu ntsu wankɪhe ɛ fwi anɪ iwɪ.
23 Mlɪha akɪta tɔ amuu anɪde mú iwɪ adansɛ gyi, anɪde mú ɔkpa kɪ
amutɔ kinkin, tsufe ɔɔɔkwali pu Bulu gyi. ɔbóbwe tɔá ɔlehɛ ání
móbwe ha anɪ. **24** Mlɪha akɪ alɪá ibóbwe abówa aba ɔwunlun, ɔdwe
múa yilebwetɔ. **25** Mlɪmáha asi anɪ ofiakpa yɔ, fe alɪá aku bɔdebwe.
Mboun mlɪha atra wa aba ɔwunlun tsɪa. Tsufe mlɪdewun ání anɪ Wie
ɔbake amu idekpukpe ba.

26 Mɪ apio, lakpan iwɪ afɔdiɛ kuku itra ma unu ha anɪ, nɪ akɪ ansɪ
bwe lakpan breá anɪlabɪ ɔɔɔkwali amu. **27** Mboun tɔá ɪlasi gyi,
abétsia ifusu gyo Bulu asun ogyike pú ogya kpɔnkpɔɔnkpɔntɪ amuu
ibóhɔ Bulu alupu amu. **28** Nɪ aha abanyɔ-abasa begyi ɔku iwɪ
adansɛ, ání alakina Mose mbla amusu gyi a, butɔmɔ mu. Butamawun
mu nwe. **29** Mumu nɪ ɔku ɔkɪ Bulu mu Bi amu ansɪtɔ kotikoti,
omobuá mu obugya amuu Bulu lɔpusi mu ntamsu, ɪlogyura mu iwɪ
amu bu ibia, olesia Bulu awɪtɔle ɔɔɔ amu mú a, mu ɪsubɪtɪá ɔbéhɛ

nya mééba kí. **30** Tsufe anyin ání Bulu lebli ɔbée, < < Mí, mli Wie teka lalahe ɪkɔ. Mí ɔbéka aha lalahe akɔ amú lakpan su. > > ɔletra bli ɔbée, < < Mí, mli Wie obégyi mí aha asun. > > **31** Ibo ifuá fékpa wie Bulu ɔkiankpapu amu agblatɔ.

32 Mlímátan bre amuv Bulu wanki lɔwanki wuli mli su amuvu. Mlikain ání alí bre amutɔ a, mlilotsun iwɔsun tsɔtsɔɔtsɔɔ, tamé mlilelu kinkiinkin. **33** Betsia sia mli, wa mli iwɔsun aha ansitɔ. Bre kutɔ é a, mliletsa aha ání bude iwɔsun amu odu wun. **34** Mlilosu ha obu adipu. Breá aha bɔpu ɔwunlin swu mli atɔ a, mlilesi ha amú ansigyisu. Tsufe mliyin ání mlibu atɔá ibo ale dun mú, ibétsia bre féétɔ. **35** Mú su umákpɔn mli. Mlikita iwí, amlilu kinkin, tsufe mlibu ɪkɔka kpɔnkpɔnkpɔnti Bulu wa. **36** Ilehian ání mlótomi, mení mlétali bwe Bulu ape, fówun mlénya itɔ amuv Bulu lehie yaí ha mli amu. **37** Tsufe bɔwanlin wa Bulu asun wanlinhe amutɔ bée,

< < Iméegyí nke kuku Bulu obówotii.

ɔmɔ́ɔwa ɔpá.

38 Aha ání amú hogyi su Bulu latsu amú ání amú asun da ɔkpa obétsia nkpa.

Tamé ní amúɔ ɔku mɔ́wa klun kíta iwí mu hogyitɔ, oleyinki ɔma mú a,

Bulu ansí méegyí mu iwí. > >

39 Tamé animegyi fé aha ání badamli ɔma ha Bulu, bafwí. Mboun angyi aha ání amú hogyi laho amú nkpa.

1 Hogyi gyi ansɪ pɔdɪnka tɔ́á fɔmɔkɔwun, tamɛ fɔdɛ mú ɔkpa kɪsɔ.

2 Aha amɔvɔ betsia bɪmbɪ amɔ hogyi sɔ Bulu ansɪ legyi amó iwɪ.

3 Anɪ hogyi sɔ anɪlɛbiá asun Bulu lɛblɪ pɔlɛ ɔyi. Mú sɔ tɔ́á ansibi towun lɛdalɪ tsu tɔ́á ansibi tamawuntɔ.

4 Hogyitɔ Habel lɔpɔ mɔ atɔ haheá ɪbɔ alɛ dɔn mɔ dehen Kain kle ha Bulu igyi. Mɔ hogyi sɔ Bulu ansɪ legyi mɔa mɔ atɔ hahe amɔ iwɪ, olotsu mɔá mɔ asun da ɔkpa. ɪbɔ mútɔ́á olowu dodoodo, tamɛ mɔ hogyi amɔ sɔ ɔtra ɔdetɔ bɔfun ndɛ.

5 Hogyi sɔ Enok mowu asa Bulu lotsu mɔ, ɔhaa mowun mɔ. Bulu asun wanɪnhɛ legyi mɔ iwɪ adansɛá olegyi Bulu ansɪ asa olotsu mɔ natɪ.

6 Mlɪkɪ, ɔhaa méetalɪ gyi Bulu ansɪ nɪ ɔmɔhɔ mɔ gyi. Tsufe ilehian ání ɔha ání ɔbéba Bulu wa obóhogyiá Bulu bɔ unɔ, ɔteka aha ání butodunka mɔ ɪkɔ.

7 Hogyitɔ Noa lonu asun ání Bulu lɛbla mɔ tsu tɔ́á ɪmɔkunya ba iwɪ. Olobu Bulu, sre daka kpɔnkpɔɔnkpɔntɪ, pɔhɔ mɔa mɔ woyitɔ aha nkpa, breá ntsu lɔbɔla. Mɔ hogyi amɔ sɔ ɔyitɔ aha begyi pɔn, ɔlɔbwe ɔha ání mɔ asun da ɔkpa Bulu ansitɔ.

8 Hogyi lɛha Abraham lobu Bulu breá Bulu lɛbla mɔ ɔbɛɛ, ɔdalɪ mɔ ɔmátɔ, ɔyɔ ɔsulɔá mɔ Bulu lɛhiɛ ha mɔsɔ. ɔlenatɪ dalɪ mɔ ɔmátɔ, omeyin ɔtɪnɛá ɔyɔ.

9 Hogyi lɛha ɔlɔyɔbwe ɔfɔɔ ɔsulɔ amɔvɔ Bulu lɛhiɛ yai ha mɔ amɔsɔ. Tati-obuto oletsia unɔ. Alɪ ken Isak mɔa Yakob ání Bulu lɛhiɛ ɔsulɔ amɔ yai ha ɛ betsia tati-mbuto ɔsulɔ amɔsɔ nɪ.

10 Tsufe Abraham letsia tati-obuto, ogyo wulu kpɔnkpɔɔnkpɔntɪá Bulu lɛda, ɪmóobwie ɛkɛkɛkɛ.

11 Hogyi lɛha Abraham mɔa mɔ ka Sara benya obi kwu. ɪbɔ mútɔ́á badan tsun ɪkwusɔ, Sara ɛ menya ɪkwu. Abraham lohogyiá Bulu obégyi tɔ́á alahɛ yaisɔ. 12 ɪnɪ sɔ ɔmá kɛɪn ání buma ɪklatɔ, butɔɔ fɛ ntsrakpabi nte ɔpɔ ɔnɔ ɪsɪ belɪn tsu Abraham ání aladan tsun

ikwusuto.

13 Hogyito aha anfi féé bowu. Ibo mótóá amó ibi meda atóá Bulu lehie yai ha amó asa bowu. Tame bowun mótó sísí, amó ansí legyi mótó iwi. Botsu mótó afóó pótó okpa atupu bugyi óyi anfitó. **14** Aha ání botsu mótó alí búdele suna ání búde ómá ání ibóbwe amó onuto kle dunka.

15 Ní búde ómá amúu bedalí tsu mótó amú iwi susu a, tēkí bodunka okpa yinki yó unu. **16** Tame ósusu ómá ání ibo akile dún mótó amúu

bedalí mótó amúsu amó ansí dún. Mótó su uma Bulu peliá bēti mu bēē, amó Bulu. Tsufē alala wulu kpónkpónkpóntí kú yai ha amó.

17 Hogyi leha Abraham lekita mu bi Isak óyóó afódié ha Bulu bréá Bulu lóó mu kí. Ibo mótóá obi anfi Bulu lehie mu ání óbókwi ní, tame ómótswe mótó kpókpu. Ólókusu pótó mu bi okúkunu okule amú óyóó afódié amú. **18** Ibo mótóá alí bré amótó a, Bulu labla mu óbēē, < <Fu bi Isak abi-aná óbóbwe fu abi-aná ní. > > **19** Tame Abraham lotsu mótó Bulu óbétalí tsinki Isak. Lelē mótó okpa okusu a, ólélanya Isak fē óha ání Bulu lakusva tsu afulitó.

20 Hogyi leha Isak loyula mu atabi Yakob mu Esau. Mu ansí dún ání Bulu óbóbwe tóá ólehié ha amó ekeku.

21 Hogyito bréá Yakob óba bowu a, oloyula Yosef abi anyó amú, olobun mu oyi yiahesu sum Bulu.

22 Hogyito bréá Yosef óba bowu a, óleblí óbēē, Bulu óbéle Israelfó tsu Egypte ómátó. Mótó su ólédá amó óla óbēē, bumási mu awu tswí unu.

23 Hogyi leha bréá bókwi Mose a, bópú mu ñain tsra asa. Tsufē bowun ání óbu akile. Mótó su bumenya owie amú mbla ání ólówá tswí ifu.

24 Hogyi leha Mose lekina ání bumátí mu Egypte owie mu bi tsíhe mu bi bréá ólédan. **25** Olotsula ání búwa mu Bulu aha iwíóóntó,

dun ání obénýa lakpanbwe ɪwɪ ansigyɪ bre itinbi. **26** Olotsula ání busupa mu Kristo su. Tsufe ɪbéhiɛ wa labi ha mu dun ání obénýa Egyipte atonyahɛ féé. Mu ansi dɪn ɪkɔ́á Bulu ɔ́béka mu ekekusu.

27 Hogyi leha Mose lenatɪ Egyipte ɔ́máɔ, omenya owie amu ɔ́blo ifu. Mu ansi dɪn Buluá ɔ́haa tamapu ansibi wunsu. Mú su olotomi, omeyinki ɔ́ma. **28** Hogyi leha mu ɔ́leha Israelfɔ befi Katsun Nke gyi asi. ɔ́leha amú bɔ́pu obugya kpa amú obu-ɔ́nɔ, menɪ Bulu-ɔ́bɔ́pá ɔ́tɔmɔ aha ɔ́mɔ́pu ɪbi da amú bitɪ.

29 Hogyi leha Israelfɔ bɔ́tsun ɔ́pu Pepe amutɔ fe ɔ́sulɔ wulihesu buna. Tame breá Egyiptefɔ ɛ beɛ abutsun a, ɔ́pu amu lekɪta amú.

30 Hogyi leha Israelfɔ benatɪ bomli abuntiá bɔ́pugyi ɪban wa Yeriko wulu nkensienɔ, ilobwie bun gbloo. **31** Hogyi leha obu-ɔ́nɔ otsiapu Rahab mowu tsia aha ání bumɔ́hɔ Bulu gyitɔ. Tsufe ɔ́lɔhɔ Israelfɔ ansi awakɪpu afɔɔ wanklaan.

32 Ilehian ání nétra wanlɪn ɪku ɛ? Bre mɔ́tsɔ́á nɔ́wanlɪn Gideon mua Barak pú Samson, Yefta mua Dawid, Samuel mua Bulu ɔ́nɔsu atɔ́pu amu hogyi ɪwɪ asun. **33** Hogyi leha amú bɔ́kɔ ɔ́má-ɔ́má gyi amúsu, bɔ́bwe tɔ́á ɪda ɔ́kpa. Benya atɔ́á Bulu lehiɛ ha amú, beha agyata ndatɔ lekli. **34** Bodun ogya kpɔ́nkpɔ́ntɪ, bumesin isa. Hogyi leha amúá bɔ́pɔ́n benya ɔ́wunlɪn, amú aku benya ɪkɔ́ tumi, gyi amú anyabasɔ.

35 Bulu letsinki atɪ aku afuli ha amú. Aha beputɪ amú aku atɔ́ alu mɔ́ amú. Mú o a, bumotsula kina Bulu. ɪlɔ́wa amú ɔ́dweá bɔ́mɔ amú dun ání béyinki Bulu ɔ́ma, menɪ Bulu ɔ́bɔ́kusua amú, bénýa nkpa ání ɪbu ale dun.

36 Bɔ́bwe amúɔ́ aku ahinla, putɪ amú mplɪ. Bɔ́wa amú aku ɪkan, pu amú tswɪ obu. **37** Beda amúɔ́ aku abwi mɔ́, pu saa bɔ́i akutɔ, aku ɛ besin ɔ́dayi ɔ́nɔ. Amú aku ɛ bedɪ akufa múa akpala nwulɔ-kpakpatɔ natɪ ki, aku bedɪ akun. Bedinka akusu, wa amú aku ɛ ɪwɪɔ́sɪntɔ.

38 Teki megyi ɔyi anfi oduɔ aha anfi bétsia asa. Adimbitɔ múa abusu benatɪ ki fe ɔkun abɔpu, tsia di abwi alatɔ múa mbɔtɔ.

39 Amú hogyi su Bulu ansi legyi amú fée iwi. Ɔkuku ibi meda tɔá Bulu lehie yai. **40** Tsufe atɔá ibu ale, ibówa labi iwi Bulu lobwe agywun yai ha ania amúnyɔ fée. Mú su amú nkule buméetali nya mó, yɔfun breá Bulu labwe ania amúnyɔ fée anɪlafun mu ansitɔ.

12

Proofread 07-07-09

Ani Si Bulu

1 Anibu ɔdom anfi bɔpu hogyi tsia anfi odu bomli anɪ. Mú su mliha anɪ ε atswi togyitɔá ide anɪ bitia ya ɔma pú lakpan ání ɪlakɪkɪ anɪ kinkiinkin tsalɪfwɪ, atomi tsii ɔsɪ amusu ida anɪ ansitɔ amu. **2** Mliha apu ansi dinka Yesusu. Mɔgyi anɪ hogyi nfiasɪ pú mó ɔnɔmɔ. Iná oyin ansigyi oduá ida gyo mu su a, olotomi wun ipian oyikpalihesu wu. Omobu kpɔá bókpu mu tɔtɔ, alayɔ otsie Bulu owie obia amu gyɔpɪsu.

3 Mlɪpukɪ ipian ání olotomi wun lakpan abwepu ibitɔ, breá bolu mu, wa mu iwɔsintɔ, menɪ ɔɲe méeta mli, mli méesi mu hogyi.

4 Iwá mlidɛpri le iwi lakpantɔ a, mli mɔkutali pri yɔfun breá mlési mli nkpa ha. **5** Mli mátan itɔá Bulu lotɔ kpla mli anfi mligyi mu abisu. Ɔbɛɛ,

< < Mɪ bi, nɪ nebitɪ fu isu a, máhɔ mú lalahe su.

Nɪ nɔwa ɪyɪn wa fu a, máha mú ɪkpɔn fu.

6 Tsufe ɔha ání ntɔdwe a, mu ntɔwa ɪyɪn wa.

Ɔha ání nɔpubwe mɪ bi a, mu ntebitɪ isu. > >

7 Tomi wun ipian, fe isu buɔe fu bitɪ. Bulu de mli isu bitɪ fe mu abi.

Tsufe obi ɔmɔmu bu unvá mu si tamabiti mu isu? **8** Ní ɔmɛbiti fu isu fe alíá ɔtɔbwe mu abi fée a, idesuna ání megyi mu bi onuto fugyi, kletobi fugyi mu. **9** Aní ɔsulv anfisv así butɛbiti aní isu, anitobu amó ε. Ntogyi sv anumóotsula ba iwíasi ha aní Sí Bulu dun amó, anya nkpa ání utamata? **10** Bre itinbi pe aní ɔsulsv así butɔpubiti aní isu alíá budekle. Bulu mú a, alíá abówa ale sv ɔtebiti aní isu, mení aní ε aní iwí bétin fe mu. **11** Ní buɔe aní isu bití a, itehan aní alí bre amuto. Ansi tamagyi aní. Tame isubiti amu ɔma a, anitɔbwe yile, tsia iwilwiito.

Atosunahe Pú ɔlada

12 Mú sv mímáha abato iwu mli, akpawunuto ikpinkí mli. Mliwa iwí ɔwɔnlín! **13** Mliha mli tsiato iwa ale, mení abubupu amu buméesin tsukule, mboun bénya ɔlɔtsa.

14 Mlito mbɔɔdi amlíha iwílwii itsia mliha ɔhagyíɔha nsíne. Mlitsia nkpa ání mú iwí letín, tsufe ɔha ání mu iwí metín móowun aní Wie. **15** Mlíkiá mlito ɔkukuvku móɔhulí Bulu awítɔle amv. Mlito ɔkuku ε mási asv wa mu klɔntɔ, mení ɔmóɔpu asv wa mli nsíne, iyinta mlito aku. **16** Mlíkiá mlito ɔkuku ε móɔbwe mu iwí mbua ɔtɔpu, nte ɔha ání ɔtamabu Bulu fe Esau. Mlɔpu mu hande tse ɔtsawule atogyihe. **17** Fe alíá mliyin yai a, ɔma a, olobodunka obidehen-oyula tsu mu si wa, tame mu si lekina mu ha. Ibo mútɔá ɔlehiε su kokoli mu si, tame omenya mútɔ ɔkpa.

18 Megyi íbvá mletalí pu íbɔ da así mlílaba. ɔtíneá oklun tuun pú afu kpɔnkpɔnkpɔntí bu, ogya ε idetsii fe Sinaibu amv Israelfo bɔyɔ mú así breá Bulu depu mu mbla ha amó amv así mlílaba. **19** Ibo bonu ɔkpe lɔfulí kúklukuv, bonu ɔme kpɔnkpɔnkpɔntí ku lelín bla amó asv, sv bokokoli bæε itsia alí, bumedekleá bétra nu asvansv.

20 Tsufe bumetali gyi mbla amvu Bulu lwa ha amú ɔbɛɛ, < < Nɪ ɔbwɪ ɔku kuraɪ ɪwɪ ɪdɪ ɪbʊ amʊ a, bʊdɪ mʊ abwɪ mɔ > > amʊsʊ.

21 Tɔ́á bowun ɪnʊ lwa amú ifu. Mú sʊ Mose o lɛblɪ ɔbɛɛ, < < Ifu laha mɪ ndɛkpɪnkɪ! > >

22 Mɪ mʊ a, Sionbʊ asɪ mlɪlaba. Bulu ɔkɪankpapʊ amʊ wulu yile, igyi ɔsʊsʊ Yerusalem pʊ Bulu-abɔpʊ mpɪm-mpɪm ansɪ ogyikpa mlɪlaba. **23** Bulu bitɪ amʊ abi, bugyi aha amʊ bawanlɪn amú ada ɔsʊsʊ amʊ ofiakpa mlɪlaba. Bulu, ogyi aha fɛ́ɛ asʊn ogyipʊ amʊ wa mlɪlaba. Mlɪlaba aha amʊ Bulu latsʊ amúá bafun amʊ akla wa.

24 Yesu wa mlɪlaba. Mʊgyi Bulu mʊa anyankpʊsa nsɪnɛ ntam ɔma ɔlʊpʊ nɪ. Yesu obugya wunyahe amʊ ɪlɔpʊ yile ba dʊn Habel obugya amʊ wa mlɪlaba.

25 Mú sʊ mlɪkɪ wanklaan, mɛnɪ mlɪmɛ́ekina Bulu amʊ ɔdɛ mlɪ asʊn bla amʊ. Tsufe Israelfɔ amʊ bekina asʊn ání ɔlwa Mose blɪ Sinaibʊ asɪ nʊ amʊ bumetali sɪ si ɪsʊbitɪ amʊ. Nɪ anɪ ɛ akina ɔha anɪ ɔdɛtɔɪ tsʊ ɔsʊsʊ anɪ ɔmɛ nʊ a, anɪ ɪsʊbitɪ bódʊn amú klɛ.

26 Brɛ́á Bulu lɔtɔɪ Sinaibʊsʊ a, mʊ ɔmɛ leha ɔsʊlʊ lɛkpɪnkɪ. Tame sei a, alahɛ ɔbɛɛ, < < Nétra kpɪnkɪ ɔsʊlʊ ɔtsawʊlɛ, kpɪnkɪ ɔsʊsʊ ɛ tsɪa mútɔ. > > **27** < < Nétra kpɪnkɪ mú ɔtsawʊlɛ > > anɪ ɪdesuna ání Bulu ɔbɛ́kpɪnkɪ atɔ bwehe amʊ, le mú ɪnʊ. Tɔ́á ɪmɛ́ekpɪnkɪ ekekekeke pe obɛ́sian.

28 Mú sʊ mlɪha ada Bulu ɪpan. Tsufe ɪwiegyiá ɪmɛ́ekpɪnkɪ abɛ́nya tsʊ mʊ wa. Mlɪha abʊ mʊ, anya mʊ ifu, mɛnɪ abɛ́gyi mʊ ansɪ.

29 Tsufe lele mú a, ogya anɪ Bulu amʊ gyi, ɔtɔhɔ atɔ plɪplɪplɪplɪ.

13

Alíá Abégyi Bulu Ansi

1 Mlíkita mli aba Akristofɔ dwetɔ kinkiinkin. 2 Mlímátan afɔɔhɔsu. Tsufe múlɛha aku bɔhɔ Bulu-abɔpu afɔɔ, umɔwanki amú nɪ. 3 Mlíkaɪn obu adɪpusu, fe mlia amúnɔɔ da obu. Mlíkaɪn aha ání bude iwɔɔsin wunsu, fe mlia amúnɔɔ de iwɔɔsin amu wun.

4 Aklu mua aka bubu aba amú abatsiatɔ. Okuku mádali mu ba ɔma, tsufe Bulu ɔbébuti aha ání buda aha ání bumegyí amú aklu nte amú aka wa, pú mbua atɔpu fée isu.

5 Kɔba asun umádun mli ɔdwe wa. Tɔá mlibu igyi mli ansi, tsufe Bulu labli ɔbeɛ, < <Mméenati si mli, nte kina mli ekekekeke.> >

6 Mú su abétali wa klun bli aniaa,
< <Mi Wie Bulu gyi mi ɔbuapu.

Mú su tɔtɔ mɔɔwa mi ifu.

Nto nyankpusa ɔbétalɪ bwe mi? > >

7 Mlíkaɪn mli nkpa agyapu amuu begyankpa bla mli Bulu asun amusu. Mlíki alíá bɔputsia, amlɪnya hogyi fe amú. 8 Alɪ amuu Yesu Kristo gyi igye amu a, alɪ ogyi nde, alɪ ken obétsia bre fée e nɪ. 9 Mú su mlímáha atosunahe ɔtsan-ɔtsan igyi mli ansi, ɪbitia mli le ɔkpa wanklaan amusu. Ibu aleá mléha Bulu ɔbɔwa awitɔle ha mli ɔɲeto ɔwunlɪn, megyi atogyihe mbla ání ɪtamawa labi kuku ha músu agyipusu gyi.

10 Anɪbu afɔɔɔɛ-ɔswɪ kuá igyi ahapu amuu beha Bulu igyi ɔsulusu nfi amu buma ɔkpa gyi músu atɔ. 11 Bulu igyi ɔhapu dehen tɔpu mbwɪ obugya wie ɔwankɪkpatɔ ɔwankɪkpa unu yɔbɔ amú lakpan iwɪ afɔɔɔɛ, butɔpu aye amu mú ya mmuatse, yɔwa mú ogya. 12 Inɪ su Yesu e lowu mmuatse, menɪ ɔbɔpu mu onuto obugya gyɔra mu aha, amú lakpan su nɪ. 13 Mú su mliha adali yɔ mu wa mmuatse unu, abukpɔɪ ania munyɔ. 14 Tsufe animá wuluá ɪbétsia yɔ ɔsulusu nfi.

Anigyo wulu amuv ɔba amv. **15** Mú sv mliha atsun Yesuv akanfu Bulu, ɔbwe afɔdiéá anɔdepwa mu ekekegyieke. Múgyi ɔnɔɔ asun ání anɔdepwa aní Wie numnyam nɔ. **16** Mlímátan awɔtɔlewassv. Mliye mli atɔɔ ha aba, tsufe mú aná gyi afɔdiéá itegyi Bulu ansɔ nɔ.

17 Mlibu mli nkpa agyapv, amliba ɔwiasɔ ha amú. Tsufe butamada ɔkpɔnv mli ɔklasvki sv. Buyin ání béyele alíá bɔpɔkɔ anɔ ɔklasv ɔnɔ Bulu ansɔɔ. Mliha amú abubwe amú agyuma ansigyisv, megyi nwessv. Nɔ megyi alɔ a, umɔɔwa labi kuku ha mli.

18 Mlitsia bɔ mpai ha anɔ. Nyin ání anɔ klɔn mɛde anɔ pɔn ha, tamɛ anɔdekleá abétsia tsiatɔ wanklaan bregyibrɛ. **19** Nhɛ ndekleá mlibɔ mpai, Bulu ɔha mɔ ansanki ba mli wa nkenyɔ anfitɔ kotoo.

Mpai Trahe

20-21 Iwilwii ɔhapv Bulu, ɔɔkɔsva anɔ Wie Yesu Kristo tsu afulitɔ amv ɔha amlitalɔ bwe yile kugyikvá odekle. Nde mu kokoli mbɛɛ, ɔtsun Yesu Kristosv ɔbwe tɔá odekle anɔɔ. Yesu gyi akufa ɔkpapv kpɔnkpɔntiá Bulu lɔpv mu obugya ka ntam amuv ɔbɔ unv brɛ féé, mva mu akufa, bugyi mu aha amv nsine nɔ. Numnyam ɔbwe mu kle yɔfun bréá itamata! Amen.

ɔkla

22 Mɔ apio, ɔbɔ mútɔá ɔwulv kutuklu nawanlɔn sɔsɔ mli. Tamɛ nobwii ɔpa, mliyaasv amlɔnu mútɔ asun ání ndepwa mli ɔwɔnlɔn.

23 Nde mli ɔbɔ ha ání bale anɔ pio Timoteo obu. Nɔ ɔɔwa ɔsa bɔɔv mɔ nfi mú a, nékpa mu abéba beki mli.

24 Neha mli nkpa agyapv pú Bulu aha atrahe féé itsia. Akristofɔ amuv bubv Italia ɔmátɔ amv ɛ beha mli itsia.

25 Nde Bulu kokoli mbɛɛ, ɔwa awɔtɔle ha mli féé! Amen!

JAS - - NKO Letter from James in the Nkonya Language of Ghana

Yakobo

Yakobo Dwulu

Yakobo

Yak.

Yakobo

Dwulu

1

Proofread 07-07-09

Itsiaha

1 Mɪ Yakoboá ngɪ Bulu mva anɪ Wie Yesu Kristo osumbi de ɔwulu anfi wanlun sisi mli Bulu aha^p ání mlɪladasaɪn wa ɔyɪtɔ féé. Nde mli itsia ha.

Ansigyinya lkplanto

2 Apio aba, nɪ mlowie ukplan mɔ́a asɔn wunhetɔ a, ansɪ thɛ gyi mli. 3 Tsufe mɪyin ání nɪ bɔsɔ mli hogyi kɪ a, ɪtɛha mlɪtotomi talɪ lu mli asɔn wunhe féé ɔnɔ. 4 Nɪ mletalɪ tomi lu mɔ́ ɔnɔ a, ɪbéha mlédan, wa ale, fun togyitɔtɔ. 5 Nɪ mlɪtɔ ɔku lehian nyansa a, ɔkuli Bulu. ɔbéha mu faan. ɔmɔ́ɔwa mu pelɪtɔ, tsufe Bulu tɔpu awɪtɔle ha aha féé nyansa. 6 Tame nɪ fɔkuli mu a, pu hogyi kuli mu. Másusu fee ɔmééha fu. Tsufe nɪ fumohogyiá ɔbéha fu a, fugyi fe ɔpuá ɪda yɔ nkpa, ɪlada yɔ ɔma. 7-8 ɔha ání ogyi alɪ, mu agywun tamalu tsukule a, ɔmádunka

^p1:1 Yakobo letɪ Bulu aha ɔbɛɛ, *abusuan duanyɔ* amɔ

ansɪ ɔbɛɛ, mɛnya tɔtɔtɔ tsu anɪ Wie Bulu wa, tsufe mu agywun igyi anyɔ.

Ohian Pó lwɪnya

9 Ansɪ igyi Okristoyin ání ɔma tɔtɔ, tsufe Bulu latsu mu fua. **10** Nɪ Bulu ɔba ɪwɪ onyapɔ ɛ asɪ a, ansɪ igyi mu. Tsufe mu nkpa bótsun fɛ oyi ntswɪtswɪ. **11** Alɪ amɔv owi ɔnɔ ɪwa ɔnlɪn, ɪtɔ ɪfa, mú ntswɪtswɪ tɔbɔ kpakpa; ɪfa amɔ alɛ tɛta amɔ a, alɪ kɛn ɪwɪ onyapɔ dɛyɔ ɔdɛba alɪ obówu nɪ.

ɪsɔkɪ

12 Bulu toyula ɔha ání ototomi ɪkplantɔ. Tsufe nɪ ɔlɛdalɪ mútɔ a, Bulu ɔbéda mu ɪpan, ha mu nkpa ání ɪtamata, igyi ɪsugyi-ɪpa amɔv ɔlɛhɪɛ ɔbɛɛ, mɔpɔha aha amɔv butɔdwe mu amɔ. **13** Nɪ bɔsɔ ɔkɔ kɪ a, ɔmáblɪ ɔbɛɛ Bulu lasɔ mu kɪ, tsufe ɔhaa méɛtalɪ sɔ Bulu kɪ ɔbɛɛ, ɔbwe lakpan. Bulu ɛ tamasɔ ɔhaa kɪ ɔbɛɛ, ɔbwe lakpan. **14** Nyankpɔsa onuto ɔwɔlɪ lalahe tɛmlɛ mu, bitia mu wa ɪsɔkɪtɔ. **15** ɔwɔlɪ lalahe tɔkwu lakpan. Lakpan ɛ igyi ɔhasɔ a, ɪtɔpɔ lowu ba.

16 Mú sv apio adwepɔ, mlɪmáha ɔhaa ɔmlɛ mlɪ. **17** Atɔ wanklaan pú atokiehɛ yilɛ kugyiku itsu ɔsɔsɔ. Itsu anɪ Sɪ Bulu, ɔsɔsɔ atɔ wankɪhɛ ɔbwepɔ amɔ wa. ɔtamatsɛ fɛ ɔpa múa onye. **18** Mu apɛtɔ ɔlɔpɔ mu ɔnɔkwálɪ asun kwu anɪ, mɛnɪ abɔbwe agyankpapɔ mu atɔ bwehɛ féétɔ.

Asun-nu Pó Músugyi

19 Apio adwepɔ, mlɪnu. Mlɪkɔsɪ nu asun asɪ. Mlɪ ɔnɔ máwa ɔsa. Mlɪmákɔsɪ nya ɔblɔ ɛ. **20** Tsufe ɔblɔ tamabwe tɔá Bulu tekɛ. **21** Mú sv mlɪlɛ tsiatɔ lalahe kugyiku lɛ mlɪ nkpatɔ, amlɪsɪ lakpan bwe. Mboun mlɪba ɪwɪasɪ, amlɪhɔ Bulu asun amɔv aladu wa mlɪtɔ amɔ.

Mú ɔbéha mli ɔkla obénýa nkpa ní.

22 Mlɔ́bwe dínka Bulu asun amúsu. Mlímábwe mú anupu kéke. Ní mlɔ́bwe mú anupu kéke a, ɪwɪ mlídémle. **23** ɔha ání onu Bulu asun omegyí músú, gyí fɛ ɔha ání alakí mu ɪwɪ ahúhwetɔ. **24** Onya natí mú así pɛ a, alatan alíá olowun mu ɪwɪ. **25** Tame ɔha ání ɔleyaa asu nu Kristo mbla amúsu ɪlɔ́fun, ɪtɛha anategyí ɪwɪ amú, ɔmetan músú, ɔde músú gyí a, Bulu obóyula mu ɔkpagyíɔkpasu.

26 ɔhagyíɔha ání ɔbɛɛ múde Bulu sum, tame ɔtamakíta ɪwɪ mu tɔ́tɔ a, ɔde ɪwɪ mle. Mu Bulusum igyí kpaalí. **27** Bulusum oduá mú ɪwɪ letín, asvansu ma mú ɪwɪ, aní Sɪ Bulu tekle gyí, mléki awumbi mua asurapusu amú ɪkplantɔ. Mléki ání ɔyí anfítɔ lakpanbwe ɛ iméegyí mlisu.

2

Proofread 07-07-09

Fítatɔ Futi Kí

1 Mí apio, ní mlɪlahɔ numnyam Owie Yesu Kristo gyí a, mlímáfuti fítatɔ kí. **2-3** Ní ɪwɪ onyapúá ɔdídí tatiá ɪbú ɪbia, ɔlɔwa sika atɔ pú ohianiá ɔdídí tatida beba mli Bulu osumkpa a, mlímáha ɪwɪ onyapu amú otsiakpa, bla mu mliaa, obétsia oyilekpa nfi; bla ohiani amú mú mliaa, otsia así ɔtínɛkú unú, nte odunka ɔtínɛkú lú. **4** Ní mlobu aha amú ɪwɪnya su a, mlímɔ́kupu agywɪun lalahe gyí asun ní?

5 Apio adwɛpu, mliýaa asu amlínu. Bulu lele ɔyí anfítɔ ahianfɔ ɔbɛɛ, bunya hogyiá mú ɔnɔ bu ɔnlín, abútsia mu iwiegyí amú; fɛ alí amúsu ɔlehíe yai ɔbɛɛ, mópúha aha amúsu búɔ́dwe mu amú. **6** Tame mli mú a, mlítɔkpɔi ahianfɔ. Nfite mli, megyí ɪwɪ anyapu anfi tesisí mli, tswí mli mansu, sama mli wulu ahandɛ wa ní? **7** Megyí amú de

Kristo idayile amuv idin mlisv amv kpai ni?

8 Bulu mbla amv féé nwun ání bɔwanlun wa Bulu asun wanlinhe amuto gyi, < <Dwe fu ba fe fu iwi.> > Ni mlide mɔsv gyi lele a, mumv mlide ito wanklaan bwe. **9** Tame ni mlofuti fitato ki a, mliabwe lakpan. Bulu mbla amv laha mli ipɔn. **10** Tsufe fuá fegyi mbla amv féésv, tame fepan kule pe a, fagyi pɔn ání fatun mbla amv féé. **11** Tsufe Bulu lebli ɔbée, < <Máto mbua.> > Mu ken lebli ɔbée, < <Mámɔ ɔha> > ε ni. Mú sv ni fumɔkuto mbua, tame famɔ ɔha a, fumɔkukina Bulu mblasv gyi ni? **12** Bulu ɔbɔpv mbla anfi iteha antegy iwi anfi gyi aha asun. Mú sv mliki wanklaan mli asun blihe pú mli bweheto. **13** Tsufe ɔha ání ɔtamawun aha nwe a, Bulu omóowun mv nwe. Tame ni futowun aha nwe a, Bulu obóowun fu nwe mv asun ogyike.

Hogyi Pú Bwehe

14 Apio aba, ni ɔkv ɔbée, mɔho Bulu gyi, tame mv bwehe mosuna ali a, labi mɔmv mv hogyi amv bu? Mú odu ibétali ha mv ɔkla obénya nkpa? **15-16** Ni fowun fu aba akv buma ato didahe pú ɔyikeheto atogyihe, tame fumeha amú, febla amú fee, < <Ne ha mli itsia. Mlitsia wanklaan. Bulu ɔkpa mli, ɔha mli toá ide mli hian> > a, labi mɔmv fu asun blihe amv ilowa? **17** Ali hogyi igyi ni. Hogyi oduá yilebwe ha fu ba uma múto a, igyi hogyi wuhe.

18 ɔkv ɔbétali bli ɔbée < <Fubv hogyi. Mi ε ntɔbwe yile.> > Néle bla mv mbée, < <Suna mi fu hogyi amuv yilebwe uma múto amv. Mi ε nɔsuna fu mi hogyi tsu mi yilebweto.> > **19** Fu hogyi desuna ání Bulu ɔkule pe bu unv? Ibv ale! Tame biá ɔge lalahe féé bohogyi ali. Mú sv butenya mv ifu, kpunkv kpakpakpakpa. **20** Fu ɔha mimlahe, fudekleá fówun ání hogyiá utamabwe yile igyi hogyi kpaali? **21** Anv

nain Abraham lɔbwe yile Bulu ansitɔ, tsufe olotsula kpa mu bi Isak ya pututɔ, tekɪ ɔyɔmɔ mu bɔ afɔdie ha Bulu. 22 Mlɪlawun alɪá nanain Abraham hogyi pú mu bwehe lenatɪ? Mu bwehe su mu hogyi lɔfun.

23 Alɪ Bulu asun wanlɪnhe anfi ɔleba mútɔ nɪ. ɔbeɛ, < < Abraham lɔhɔ Bulu gyi. Mú su Bulu lobu mu yile ɔbweɔ > > tɪ mu mu nyawie nɪ. 24 ɪnɪ su sei a, mɪlɪbíá yilebwe teha Bulu totsɔ ɔha ání mu asun da ɔkpa mu ansitɔ, megyi mu hogyi pɛ.

25 Alɪ ɔleba ha obu-ɔnɔ otsiapu Rahab ɛ nɪ. Bulu lotsu muá mu asun da ɔkpa, tsu tɔá ɔlɔbwe su. ɔlɔpu Yudafo akvá beba buɔe anɪ wa kɪ mu ɔmátɔ nain, ɔleha amú betse ɔkpa sɪ.

26 Alɪ amuv ɔɛ uma ɔhatɔ ogyi itowuhe amv a, alɪ nɪ yilebwe memá hogyisv ɛ igyi hogyi wuhe nɪ.

3

Proofread 07-07-09

ɔdandu

1 Mɪ apio, mɪ fée mɪmábwe ɪwɪ atɔ asunapu. Tsufe Bulu obégyi anɪ atɔ asunapu anfi asun kinkiinkin. 2 Anɪ fée anɪtepan bregyibre, tame nɪ ɔku tamapan mu tɔtɔ a, mumu ɔlɔfun. ɔbétalɪ gyi mu ɪwisv ɔkpagyiɔkpasv. 3 Apukɪ, datɔbi ku pɛ butɔpuwa ɔpɔnkɔ ɔnɔ, pudamli mu, suna mu ɔkpa pú tɔá ɔbwe. ɪteha otobu anɪ. Horses with bridles|hk00029b.tif|col|JAS3:1-5|Horace Knowles, The Bible Society, London|Datɔbi ku pɛ butɔpuwa ɔpɔnkɔ ɔnɔ, pudamli mu, suna mu ɔkpa pú tɔá ɔbwe.|Yakobo 3:3 4 Mɪkɪ ntsusv-yibiá ɪdɪn ntsu ansitɔ. ɪlomoni, afu kpɔnkpɔntɪ tɔpu mú natɪ. Tame ɔtabv pataplabi ku tɛdamli mú, suna ɔtɪneá ɪyɔ. 5 Alɪ anɪ ɔdandu ɛ igyi nɪ. Ig yi anɪ ɪwɪ ɪtɔ tukuriibi ku. Tame ɪtetɪlɪ blɪ asun akpɔnkpɔntɪ putsu ɪwɪ.

Igyi fe ogya plenplenbiá itowa ipu yile ogya. **6** Igyi ito lalaheá iteyinta ato féé aní iwi. Itokpoi nyankpusa, yinta mu nkpatsiato féé. Isubiti ogya ání itamadunto odandu ogya anfi tetsanki tsu.

7 Nyankpusa tetali bwe pututo-mbwi, mbubwi, awo pu ntsutso mbwi akugyiaku butemanta. **8** Tame ohaa mokotali bwe odandu omanta ki. Ito lalahe odandu gyi. Otamatsia diin. Elin ání itomo soon bo mó.

9 Anitapu aní odandu kanfu aní Wie pu aní Si Bulu. Mú ken anitapulwu aha ni. Tame Bulu onuto lobwe nyankpusa fe mu iwi.

10 Ono kule pe amuto ikanfu múa ilwu tedali tsu. Mi apio, uma aleá

ibéba alí. **11** Ntsuá ibu anunle pu ntsuá uma anunle betali lin tsu

obun kuleto? **12** Mango oyi betali swie kankaba? Nte bafle oyi betali

swie mango? Ekekeke! Alí ntsuá ibu anunle metali lin tsu obun ání muto ntsu ma anunleto ni.

Nyansa Ání Itsu Bulu Wa

13 Ni oku bu nyansa múa asun-asinu mlito a, mumu opu mu tsiato wanklaan le mú suna tsun mu bwehe pu mu iwiasiba ání itsu mu

nyansato. **14** Tame ni olu pu onsipe tsiato bu muto a, mumu omapu ibi si kanto, bli obee mubu nyansa. Ni obli alí a, alawa afunu dinka

onkwali amusu. **15** Nyansa anfi odu motsu osusu. Itsu oyito ato

omagya, tsiato lalahe pu ohe lalahe wa. **16** Tsufe otinegyiotineá olu pu

onsipe bu a, aba-asumanu pu lalahebwe tetsia un. **17** Tame oha ání

mu nyansa itsu osusu a, gyankpapu, mu iwi letin. Ololwii, otodwe

aha, otéba iwiasí. Otowun aha nwe, otobwe yile. Otamafuti fitato ki,

otobwe ato tsu mu klunto. **18** Aha nsine olapu todú iwilwiiá itapu

yilebwe ba.

Ɔyɛtɔ Atɔ Dwe

1 Ntɔ teti ɛkɔ mɔ́a utre wa mli nsune? Megyi ɔwɔli lalaheá idekle igyi mliɔv tɔpɔba? **2** Mlilapɔ ɔnsipe mlide atɔ kle, mlimede mɔ́ nya. Inɛ su mlide aha mɔ́. Mli ansi depe aha atɔsv. Mɔ́ sv mlidetɛ kɔ nɛ, tame mli ɛbɛ méeɗa mɔ́ kɛ. Tɔ́a svá mliɛnya gyi, mliɛmakuli Bulu ɔha mli. **3** Nɛ mlɔkuli kura a, ɔtamaha mli, tsufe agywun lalahe mliɛpɔkuli mu. Alíá mliɔpɔwa ɛwɛ ansigyɛ su mlide mu kuli. **4** Mliɛdamli ɔma ha Bulu. Mliɛmeyin ání nɛ mlide ɔyɛtɔ atɔ dwe a, mlide Bulu lu? Nɛ fɔɗekle fɛe fɔɗwe ɔyɛtɔ atɔ a, fɔɗɔbwe Bulu olupɔ. **5** Nte mlidekɛ mlihaa, kpaali Bulu asun wanlinhe amɔ ɛɛbli ɔɛɛ, < < Bulu tamatsula Ɔɛ amɔv ɔɔpɔwa anɛtɔ amɔsv? > > **6** Inɛ su ɔɔpɔ awɛɔle tsɔtsɔɔtsɔ kpa anɛ, fe alíá Bulu asun wanlinhe amɔ ɛɛbli nɛ. Ɔɛɛ,

< < Ɔɔkɔsv lu ɛwɛ atsupɔsv,

tame ɔɔpɔ awɛɔle kpa ɛwɛasɛ abapɔ. > >

7 Mɔ́ sv nde mli bla mɛɛ, mliɛba ɛwɛasɛ ha Bulu. Mliɛkɔsv lu Ɔbunsamsɔ, ɔɛsɛɛ nati mli wa. **8** Mliɛpɔkɛ manta Bulu, Bulu ɛ ɔɔɔpɔkɛ manta mli. Lakpan abwepɔ, mliɛfwɛ ɛbɛ le lakpanbwetɔ. Aha ání mli agywun igyi anyɔ, mliha mli klɔntɔ ɛtɛn. **9** Mliɛsu, amliha mli ɛwɛ ɛwa mli nwe mli lakpan sv. Mli mɔ́sɛ ɛdamli ɛsu, mli ansigyɛ imli pɛli. **10** Mliɛba ɛwɛasɛ Bulu ansɛtɔ, mɛnɛ obótsu mli fɔa.

Aba ɛwɛ Asun Bli

11 Apio adwepɔ, mliɛmátra bli mli aba ɛwɛ asun. Mliɛmátra tsii aba, kpa aba. Ɔhagyɛɔha ání ɔɛɛ mu ba ɛla nte gyi mu asun a, ɛlosuna ání ɔɛɛbli ɔɛɛ, Bulu mbla amɔ ɛma ale. Inɛ desuna ání alatsu mu ɛwɛá ɔɔvɛn mbla amɔ. Nɛ ɔɔvɛn mbla amɔ a, mɔ́mɔ ɔmɛɗe Bulu mbla

amu bu. 12 Bulu lwa mbla amu. Mu pe obetalu pu mu gyi anu asun. Mu pe obetalu ho anu nkpa, nte mo anu. Ni igyi alu mu a, fugyi ma anu fegyfu ba asun?

Ansi Pudinka Okesu

13 Mliya asu amlinu. Mli aha amuu mlitebli mliaa, < <Nde nte oke aboyo wulu yile kusu, yetsia unu ofi okule gyi ibia nya iwu > >

amu. 14 Mbese, mliyin oketo? Mliyin alia mli nkpatiatu bobwe?

Mligyi fe agyinde, itedali dinka, tame itamawa opa kuku, itofwi.

15 Mu su toa ilehian anu mlebli gyi, < <Ni Bulu lotsula ha anu nkpa a, abobwe unu nte unu. > > 16 Ni imegyi alu a, ilosuna anu mlide iwu tsu, pu ibi si kantu. Lakpan iwutsu anfu odu gyi.

17 Mu su oha anu oyin utu wanklaan, tame otamabwe a, ode lakpan bwe.

5

Proofread 07-07-09

Iwu Anyapu Asun

1 Iwu anyapu, mli su amlisura okitikiti, tsufe ipian kpunkpuntu iba mli su. 2 Sei anfu a, mli atonyahe fee lapu. Ateple bawu mli atati.

3 Mli sika atu e ilakpu, wu nkanu. Mu nkanu amu obegy mli iwu adansie, yinta mli oyulu fe alia ogya teyinta atu. Mlilakle atu tsotsotsu ya kpaali, bre anfu oy i ba bomo on anfu. 4 Mlikaun anu aha amuu mlilobu ipa, boyo agyuma mli ndutu, tame mlilekina amu uko ka amu isu latu Bulu, tumi fee Owie amu. 5 Mlilatsia oyulu anfis, gyi nkpa muu odwe puwa nfu fe nnantwie ha mli omoke. 6 Mlilaha oha anu mu asun da okpa ipon, mo mu, omepri iwu.

Uklunya Múa Mpaibɔ

7 Apio aba, mɔnya klɔn tsia gyo anɩ Wie Yesu Kristo ɩba. Mlɩkɩ alɩ́á ɔ́dɔ́tɔ́pɔ tenya klɔn tsia gyo nyankpɔ gyankpapɔ múa trahe, pú alɩ́á otetsia gyo bréá ɔsulɔ amɔ ɩbéha atɔ pɔpwe bówie woyi. **8-9** Mlɩ ɛ mɔnya klɔn amlɩlɩ kinkin, tsufe anɩ Wie, ogyi asɔn ogyipɔ amɔ ɩba lafɔn. Mú sɔ mlɩmátsia tɔɩ mlɩ abasɔ, menɩ ɔmééha mlɩ ipɔn.

10 Apio, mlɩpɔ Bulu ɔ́nɔ́sɔ atɔpɔ amɔv beblɩ Bulu asɔn amɔ bwe mlɩ atosuanhe. Bowun asɔn tsɔtsɔ́tsɔ́, tame benya klɔn. **11** Mlɩkɩ alɩ́á anitobu amó. Itsu alɩ́á botomi amó asɔn wunhetɔ sɔ. Mlɩkain Hiob ɛ ɩwɩ asunsɔ. Alɩ́á olotomi mɔ asɔn wunhetɔ. ɩnɩ sɔ Bulu loyula mɔ mú ɔma. Lele, Bulu bu awɩ́tɔ́le, otowun aha nwe.

12 Mlɩ apio, ndekle mbée mlɩbɩ wanklaan ání mlɩmátanɔ ɔ́sɔ́sɔ nte ɔsulɔ, nte ka tɔ́tɔ́tɔ́. Mlɩ < <Ee!> > ɩbwe < <Ee!> > mlɩ < <O-o!> > ɛ ɩbwe < <O-o!> > menɩ Bulu mééha mlɩ pɔn.

13 Nɩ ɔ́kɔ de ipian wun mlɩtɔ a, okokoli Bulu. Nɩ ansɩ de ɔ́kɔ gyi ɛ a, ɔ́wa ɩlɔ kanfɩ Bulu. **14** Nɩ ɔ́kɔ deɔ mlɩtɔ a, ɔ́tɩ ɔ́pasua ahande abuba bokokoli Bulu, abukpa mɔ ofobi anɩ Wie ɩdatɔ. **15** Nɩ bokokoli anɩ Wie hogyitɔ a, ɔ́bétsa mɔ ɩlɔ, ɔ́bókɔsɔ. Nɩ alabwe lakpan kɔ a, Bulu obési mú féé kie mɔ. **16** Mú alɩ sɔ mlɩle mlɩ lakpan blɩ, amlɩkokoli Bulu ha aba, menɩ ɔ́bétsa mlɩ ɩlɔ. ɔ́ha ání mɔ asɔn da ɔ́kpa mpai tɔ́wa ogya, ɩtɔ́yɔ agyɔma wanklaan. **17** Nyankpɔsa Elia ɛ gyi fe mia funyɔ. Olokokoli Bulu kinkiinkin ání nyankpɔ mátswie. Lele imotswie nfinsa múa ɩfɔn. **18** ɔ́lelakɔlɩ mɔ ání itswie. Lele nyankpɔ letii, ɩleha atɔ lelawe ale ɔsulɔsɔ.

19 Mlɩ apio, nɩ mlɩtɔ ɔ́kɔ ɔ́dɩda hogyitɔ a, ɔ́kɔ ɔ́sankia mɔ ba.

20 Mlɩbíá ɔ́ha amɔ lale ɔ́kla tsu lowuá tekɩ obówutɔ. Mú sɔ Bulu obési mɔ lakpan tsɔtsɔ́tsɔ́ kie mɔ.

1PE - - NKO 1st Letter of Peter in the Nkonya Language of Ghana

1 Petro

Petro Dɔwɔlv Gyankpapv

1 Petro

1 Pe.

Petro

Dɔwɔlv Gyankpapv

1

Proofread 07-07-09

Itsiaha

1 Dɔwɔlv anfi itsu mɪ Petroá ngɪ Yesu Kristo sumbi ɔyɔpɔ wa.

Nde mú wanlɪn sɪsɪ mlɪ aha ání Bulu lale bwe mu abi, mlɪladasaun yɔbwe afɔɔ Ponto, Galatia, Kapadokia, Asia yedali Bitinia ɔmátɔ féé.

2 Ɔsɪ Bulu lale mlɪ fe alɪ amɔv ɔlehɪhɪe mú yai ání ɪba mútɔ amɔ.

Bulu latsun Ɔɣe Wankɪhɪe amɔv bwe mlɪ mu aha, menɪ mlóbu Yesu Kristo, mu obugya e ɪbógyɔra mlɪ.

Bulu ɔhɪe gyɪ mlɪ buale, ɔha mlɪ iwɪlwii tsɔtsɔtsɔ!

Ɔkpakɪá ɪmóɔbwe Kpaalɪ

3 Mlɪha akanfɔ Bulu. Mɔgyɪ anɪ Wie Yesu Kristo mu Sɪ pú mu Bulu nɪ. Mu nwewun kpɔnkpɔnkpɔntɪ amɔ su alakɔsva anɪ Wie Yesu Kristo tsu afulɪtɔ puha anɪ nkpa pɔpwe. ɪnɪ laha anɪlanu ɪwɪasɪá anɪ ɔkpakɪ móɔbwe kpaalɪ. 4 Mú su anɪ ansɪdɪn ání anɪ ɪbɪ bédá siadɪe yile amɔv Bulu lehɪeá ɔbópɔha mu abi amɔ. Alala mú yai ɔsɔsvɔ

wanklaan ha mli, Igyi tɔ́á itamayinta, itamaplo, itamakpa ε. **5** Siadiε yile anfi igyi mli aha amuv mlilahogyi amv kle. Mli hogyi sv Bulu tumi bun mliεv, ide mliεv ki alu yɔfun atɔ́ fée nkpa ɔhɔke amuv Bulu lala yai ání ɔbéle mú ɔwan ɔyi ɔnɔmɔke amv.

6 Ibv mútɔ́á usɔki ɔtsan-ɔtsan ide mli tv, mlide asun wun, tame ito anfi mli ansidin músu anfi sv ansi mɔkusi mli gyi. **7** Tɔ́á svá mlide asun wun gyi, mú obósuna ání mlilahɔ Yesu gyi lele ni. Tɔ́ butɔ́tɔ́ sika pepeá itetalɔ́ yinta kuraa ki bee, wanklaan igyi. Alɔ́ ken bópu asun wunhe sɔ́ mli hogyiá ibv labi dun sika pepe ki bee, lele mlilahɔ Yesu gyi, menɔ́ mlétalɔ́ lu kinkin ni. Iba alɔ́ a, békanfu mli, wa mli numnyam, ha mli idayile eke amuv Yesu Kristo ɔbéle iwɔ́ ɔwan amv.

8 Ibv mútɔ́á mlimɔkuvun Yesu ki, tame mlitɔ́dwe mv. Mlimede mv wun mú, tame mlide mv hogyi. Iɔ́ sv ansigyɔ́ kpɔ́nkpɔ́nkpɔ́ntiá ɔ́nɔ́ méetalɔ́ bli labula mlitɔ́. **9** Tsufe mlide mli nkpahɔ́ amuv mlénya tsu mv hogyitɔ́ amv nya.

10 Bulu ɔ́nɔ́sv atɔ́pu amv bebli nkpa anfi Bulu ɔ́bóhɔ́ mli anfi asun tswɔ́. Betete mv awitɔ́le asun anfitɔ́ wanklaan, menɔ́ bónu mú asɔ́.

11 Kristo ɔ́ɔ́e letsia Bulu ɔ́nɔ́sv atɔ́pu anfitɔ́, tsia suna amú, bebli yai alɔ́á Kristo obówun ipian. Mú ɔ́ma a, numnyam kpɔ́nkpɔ́nkpɔ́ntɔ́ béba. Mú sv besen ansitɔ́ ání bebi breá nkpahɔ́ anfi ibéba pú ɔ́ha oduá ibótsun musu ba. **12** Bulu lele suna amú ání megyi amú sv bude asun amv ɔ́kan da, mboun mli sv bude mú ɔ́kan da. Sei mú mlɔ́lanu asun amv. Tsufe Bulu lɔ́wa mv ɔ́ɔ́e Wankihe tsu ɔ́susv bebla asun wanklaan amv ɔ́kan adapu alɔ́ asun anfi, amú ε beda mú ɔ́kan suna mli. Bulu-abɔ́pu kuraa ansi tepeá bónu alɔ́ asun anfi asɔ́.

Iwɔ́tɔ́ntɔ́ Tsia

13 Iɔ́ sv mlɔ́da iwɔ́sv amlíkita iwɔ́. Mlɔ́pu mli ansi fée dinka awitɔ́le

amuv Bulu obówa ha mli ekeá aní Wie Yesu Kristo obékplí tsu osusu belee iwí owan amuvu. **14** Mlíbu Bulu fe alí amuv nyebi butobu amó akwupu amv. Mlíháha tsiatɔ lalahe amuv iletsia mlítɔ bre amuv mlímeyin tɔtɔ tsu Yesu iwí amv igyi mlísv. **15** Mboun mlíha mli iwí utin mli bwehe féétɔ, fe alí amuv Bulu amuv ɔletí mli amv iwí letin amv. **16** Tsufe bɔwanlín wa Bulu asun amutɔ bee, < < Bulu obee, < Mlíha mli iwí utin, tsufe mli iwí letin. > > >

17 Mbugyi cha ání mlítetí mlíaa mli Sí, ní mlíde mpai bó ní. Otamakí cha ansitɔ ní ɔde aha asun gyi. Mboun chagyiɔha bwehe ɔtɔpugyi mu asun. Mú sv mlípu Bulu-ifunya bwe mli bwehe kugyiku nke trahe anfi ulasi mli ɔyi anfitɔ. **18** Tsufe mlíyin tɔá ɔlɔpuka mli nwunsu ɔkɔ, ha mlílagyi iwí tsu mli anain amandíe lalahe amuv iletin mli ɔkpa amutɔ. Itɔ amuv ɔlɔpuka mli nwunsu ɔkɔ amv megyi fe sika pepe móa sika fututu ání utetalí yinta. **19** Kristo obugya ání ihíe bu ibia ɔlɔpuka mli nwunsu ɔkɔ amv. Kristo gyi fe okufabiá ɔlɔfun ha mbusuo kugyiku le, pına kuku ɔma mu iwí. **20** Asa Bulu lɔbwe ɔyi a, ɔlehíhíe tɔá íbéba Kristosu yai. Mli sv Bulu lale mu suna bre trahe anfitɔ.

21 Kristo laha mlílahɔ Bulu gyi. Bulu lɔkusva mu tsu afulitɔ, wa mu numnyam. Mú sv mli ansídín Bulusu, mlíde tɔá alahíe ɔkpa kí ní.

22 Mlílagyi dínka ɔnɔkwali amuv íbu Kristotɔ amuvu. Mú sv mlílatín mli iwí ha Bulu, mlíde aba dwe fe apio. Megyi ansitɔ-ɔdwe mlídepuha aba. Mlíyɔ músu amlídwe aba wanklaan tsu mli kluntɔ.

23 Bulu lakwu mli pɔpwe. Megyi nyankpusa ání oméetsia nkpa wa ɔpásu ɔlɔtsun kwu mli. Mboun Bulu asun amuv íbu nkpa, íbu unu bre féétɔ amuvu ɔlɔtsun kwu mli. **24** Bɔwanlín wa Bulu asun amutɔ bee, < < Anyankpusa bugyi fe ifa. Amó numnyam é igyi fe ifa ntswitswi. lfa towu, mú ntswitswi tɔbu kpakpa, **25** tame aní Wie asun amv mó bu unu bre féétɔ. > >

Asun anfi gyi asun wanklaan amuv mú òkan adapu beda suna mli amu ni.

2

Proofread 07-07-09

1 Mú sv mlile agywun lalahé kugyiku le mlító. Mlumátra mle aba, nte bwe apinabwebi. Mlumátra pe ansi abasu, nte tsii aba. 2 Mlibwe mli iwi fe nyebi bóbwe, amlíha Bulu asun amuv iletin, tótó mēfra mútó amu idinka mli òwólí bregyibre, fe alí amuv nyòpu-ntsu tedinka nyebi òwólí amu. Meni íbéha mlédan, nya nkpahò tsu Bulu wa.

3 Mlilakapu aní Wie amu kí, mlilawun ání òbu awítóle.

Akristofò Aha Pòpwe Bwe Ha Bulu

4 Mú sv mlíkpuke ba aní Wie Yesu Kristo wa. Múgyi nkpa Owie ni. Ogyi fe íbwiá aha bekina mú ání uma labi, tame Bulu lele múá íbu labi mu ansító. 5 Òñetò asun neba beblí a. Mlíba Bulu wa bre anfi mlibu nkpa anfi, òbwe mli fe abwiá òdepuyi obuá bótswe mu mútó. Òbwe mli mu igyi ahapvá amú iwi letin, amlitsun Yesu Kristosu ha Bulu igyi amuv mu Òñe losusu suna mli, itegyi mu ansi amu. 6 Tsufe bòwanlun wa Bulu asun amutò bee,

< < Bulu òbee, mlíkí, nale íbwiá íbu labi,
pubwe okonkísubwi yat Sion wulutò.

Òhagyícha ání òlòhò aní Wie, ogyi okonkísubwi amuvu gyi a,
pelí méékita mu ékééééé. > >

7 Ibwi anfi híe íbu labi ha mli aha ání mlóhò Kristo gyi. Tame ha aha ání bumóhò mu gyi mú a, Bulu asun amu íleblí òbee,

< < Ibwi anfi obu ayipu bekina ni.

Tame múlebemli íbwiá íhíe bu labi dun mú féé ni. > >

8 Asa ε a,

< < lni gyi ibwiá aha bósutin músu dıda nı. > >

Bósutin músu, tsufe bumegyí Bulu asun amusu. Alı Bulu lehıe yaı áńı ıba ha amó nı.

9 Tame mlı mú a, mlıgyi ómá áńı Bulu lale. Owie amu igyi ahapu.

Ómá wankıheá alapu mlı bwe mu onuto aha nı. Mılale mlı tsu okluntó, pu mlı ba mu okandıe wankıhe amu ası óbee, mlıbéda ofula amuu alabwe amu ıwı okan. **10** Tekı bre amu a, megyi Bulu aha mlıgyi, tame sei mú a, mlılabwe mu aha. Bre amu a, tekı Bulu nwewun uma mlısu, tame sei mú a, mu nwewun laba mlısu.

Bulu Nkpábi

11 Apio adwepu, nhıe nde mlı óla da. Afóó mlıgyi, mlıméetsia ósulı anısu wa ópá. Mú su mlıle ıwı tsu nyankpusa ówólı lalahe amuu ıtóko mlı okla ısa amuto. **12** lniá mlıa ómátófo tsie su a, mlıtsia tsiato wanklaan, menı nı búdebli bee mlı tsiato uma ale a, bówun mlı yilebwe. Fówun békanfu Bulu eke amuu óbéba beki amó gyumagyihe amu.

13 Anı Wie Yesu su mlıbu aban mua óhagyioha áńı bapu tumi wa mu ıbitó. Mlıbu ómá okpapuá óde ómá amu féésu gyi. **14** Mlıbu ómásu akıpu amuu ómá okpapu lale óbee, bubıtı lakpan abwepu ısu, abukanfu yile abwepu amu. **15** Mlıbwe yile puka asun lalahe amuu aha mimlahe buteblı mábusu, tsu mlı ıwı amu itin. Tsufe okpa anısu Bulu dekle óbee, mlıbwe mú nı. **16** Mlıtsia nkpa fe aha áńı butsie ıwısu, tame mlımápu mlı ıwıutsia amu tin ansibi bwe lalahe. Mboun mlıtsia nkpa fe Bulu asumpu. **17** Mlıbu óhagyioha, amlıdwe mlı aba ahogyipu. Mlınya Bulu ifu, amlıbu mlı ómá okpapu.

Asumpu lwıasıba

18 Nkpábi, mlunya mli awie ifu, amlipụ obú ha amú. Megyi amúá bolwii, bubu awítóle ha mli nkule. Mlibu amúá bubu owuntólin mlisu ε. **19** Ní ńlẹba mítóá beha mli lowun iwíwín kuku kpaali, tamé Bulu su mlotomi hǎ mǎ faan a, Bulu aní bégýi mli íwí. **20** Labi mǎmu íbu ní fatomi, bada fu fu lakpan su? Labi kuku uma mító. Tamé ní fǎbwe yile asa fotomi beda fu a, Bulu aní tegyi fu íwí. **21** Asun wunhe anfi aná su Bulu lẹtí mli ní. Tsufe mli su Kristo onuto ε lotomi tsun asun wunhetó ńbwe ńfantuhun ha mli, mení mli ε mlótsun mǎsu. **22** Bǎwanlín wa Bulu asun wanlinhe amuto bée, < < Ọmǎbwe lakpan kuku. Ọmemle ọhaa ε. > > **23** Besia mu, mu mǎ omesia ọhaa. Bréá ọde ipian wun a, ọmeká ọhaasu, tamé ọlọpụ mu aní dínka Bulu, asun ogyipụ ọńkwalipụ amusu. **24** Yesu Kristo onuto lǎhǎ aní lakpan fée sura, beda mu manta oyikpalihé amusu, mení abégýi íwí tsu aní lakpantó, tsia nkpa ha yilebwe. Tsufe bǎwanlín wa Bulu asun amuto bée, < < Mu íwí nǎ amuto mli lenya mli ńlǎtsa. > > **25** Tsufe mligyi fẹ akufa fwihe, fẹ alí amusu bǎwanlín wa Bulu asuntó amu. Tamé sei mǎ a, mli layinki ba mlibuo Yesu, mli ọklasụ ọkípụ pú mu ọkpapụ amu.

3

Proofread 07-07-09

Aklu Múa Aka

1 Atsi, mlibu mli aklu alí kẹn, mení ní amító aku bumǎhǎ Bulu asunsu gyi kuraa, bowun mli tsiatǎ a, íbétse amú, megyi mli obétepi tra bla amú asvansu. **2** Tsufe bǎwun mli tsiatǎ wanklaan pú alíá mli tẹhíe bu atǎ. **3** Mli alé umátsu mli imi bwe, atati yile dída nte sika atǎá íbu íbia watǎ. **4** Mboun mliha mli alé itsu mli kluntǎ. Aléá utamayinta gyi mǎá íbu alé, ilolwii. Mítóhíe gyi Bulu aní ní. **5** Tsufe

alí kén bumbi amú atsiá bɔpu amú ɪwɪ ha Bulu, pu ansi dinka musu bobu amú aklu, su bɔwa akile ni. **6** Alí kén Sara lobu mu klu, oletsia ti mu ɔbɛɛ, < < Mi wie > > ni. Mu abi mligyi, ni mlɔbwe yile, mlimenya tɔtɔ ifu.

7 Alí kén mli ayin ε, ni mlia mli aka mlibu unu a, mlibiá buma awutɔ-ɔwɔnlɪn fe mli. Mliwun amú nwe, amlipu obú ha amú. Tsufe mlia amónyɔ obénya Bulu atokiehe amuv igyi nkpa amu. Mlikita mli aka tsun ɔkpa anfisv, mení ni mlide mpat bɔ a, tɔtɔ méetin mli ɔkpa.

Ipiawun Yilebwe Su

8 ltrahe-trahe a, mli féé mliha mli agywun ɪbwe kule. Mlisu ha aba, amlidwe mli aba Akristofɔ. Mliwun aba nwe, amliba ɪwiasɪ ha aba.

9 Mlumápu lalahe ka lalahe ɪkɔ. Nte ni aha besia mli a, mlumásia amú ka ɪkɔ. Mboun mliyula amú, tsufe Bulu leti mli ání mliboyula aha, mení obóyula mli. **10** Bɔwanlɪn wa Bulu asun amutɔ bɛɛ,

< < Ni ɔku dekle ɔbɛɛ, mu tsiatɔ ɪwa ale,

otsia ansigyitɔ a,

mumu osi aha ɪwɪ asun lalahe bli,

osi afunu wa.

11 Osi lalahe bwe, ɔbwe yile.

Odunka iwilwii, ogya mú ɔkpa.

12 Tsufe Bulu ansi bu yile abwepusv.

ɔteyaa asv nu amú atɔ kulihɛ.

Tame ɔtɔkusv lu lalahe abwepusv. > >

13 Ma ɔbɔpu lalahe gyi mli, ni mli ansi ɪpe yilebwesv? **14** Tame ni ɪleba ání mlide ipiawun yilebwe sv kuraa a, nwun lawa mli olu.

Opuni mátsii mli, mlumánya ɔhaa ε ifu. **15** Mboun mlibi tsu mli kluntɔá Kristo gyi mli Wie. Mu ɪwɪ letɪn. Mlida ɪwisv, mení bregyibre

nɪ ɔku lefite hogyi amuvu ɪbu mlɪtɔ amu ɪwɪ asun a, mlɛ́bɪ lɛ mʊ ɔno wanklaan. Tame mlɪnya klɪn, amlɪba ɪwɪasi lɛ mʊ ɔno. **16** Mlɪ klɪn máha mlɪ pɔn tɔtɔ ɪwɪ, menɪ nɪ bude asun lalahe blɪ tsu mlɪ tsiatɔ wanklaan amuvu mlɪlɔpu mlɪbuo Kristo amu ɪwɪ a, pɛlɪ békɪta amʊ. **17** Nɪ igyi Bulu apɛ́á fɔwun ipian kuraa a, ɪbu alɛ́á fɔwun ipian yilebwe sv, dɔn ání fɔwun ipian lalahebwe sv. **18** Tsufe Kristo ɛ lowu aha lakpan sv ɔtsawule pɛ. Mu asun da ɔkpa, tame olowu ha lakpan abwepu fɛ́é, menɪ ɔbékpa mlɪ ba Bulu wa. Bɔmɔ mu nyankpɔsa-oyi, tame Bulu lɔkusva mu ɔnɛtɔ. **19** ɔlɔtsun ɔnɛ amutɔ yɛda asun amu ɔkan ha afuli amuvu buda obu amu. **20** Afuli amu gyi, aha amuvu bumobu Bulu asun, Bulu lenya klɪn ha amʊ brɛ amuvu anɪ nain Noa dɛ daka kpɔnkpɔɔnkpɔntɪ sre amu. Aha ikwe pɛ lɔtsun ntsubula amutɔ nya nkpa. **21** Ntsu anfi lɛlu ha asubɔ. Alɪ amuvu aha amu bɔtsun ntsubula amuvu nya nkpa amu a, alɪ ken asubɔ anfi dɛ mlɪ nkpa hɔ nɪ. Megyi mlɪ ɪwɪ ifin asubɔ tɔfwɪ. Mboun igyi ɪpabwii ha Bulu ání mlɪ klɪn ɪdɪ mlɪ asi, ɪmátra ha mlɪ pɔn. Asubɔ anfi laho mlɪ nkpa tsun Yesu Kristo kusv tsu afulitɔ amuvu. **22** Alayɔ ɔsusu yetsia Bulu gyɔpɪsv sei. Bulu-abɔpu, ɔnɛtɔ awie pʊ tumi kugyiku bubu mu asi.

4

Proofread 07-07-09

Nkpatsia Ha Bulu

1 Kristo lowun ɪwɪɔsɪn. Mʊ sv mlɪda ɪwɪsv mlɪ ɛ, amlɪpu mu ɔkpa amu alɪ ken. Tsufe ɔha ání owun ɪwɪɔsɪn lale mu ɪwɪ lɛ lakpantɔ. **2** ɪnɪ sv ɔmátra ha ɔwɔlɪ lalahe igyi musv. Mboun ɔha Bulu apɛ́bwe itsia mu klɪntɔ mu nkpa ání ɪlasi ɔyi anfitɔ fɛ́é. **3** Asa mlɪlebemli

Akristofɔ a, mlileyinta bre tsɔtsɔɔtsɔ tsia bwe tɔ́á aha ání bumeyin Bulu butekle bwe. Mú aná gyi; atsi múa ayin asunwa, ntabu, pleikpada múa ntakpan onunkpa yɔ́ pú ikpitsweá igyi mli akisito. 4 Itobwie ɔ́mátɔ́fɔ amu ɔ́nɔ́á sei mlitra mlumedesri buo amú yɔ́bwe lalahɛ. Mú su butesia mli nɪ. 5 Tame béle amú bwehe féé ɔ́nɔ́ Bulu ansito. Mu ɔ́ba begyi akiankpapu pú awupu féé asun nɪ. 6 Mú su beyeda Bulu asun wanklaan amu ɔ́kan ha awupu nɪ. Amú lowu amu igyi usá Bulu labiti amú ɔ́yulu, fé alíá ɔ́tebiti ɔ́hagyioha usu. Beyeda Bulu asun amu ɔ́kan ha amú, menɪ amú ɔ́kla obénýa nkpa fé alíá Bulu bu nkpa.

Bulu Atokiehe Kíta Wanklaan

7 Togyito ɔ́nɔ́mɔ́ lafun ta. Mú su mlíkíta iwi, amlíha mli agywuntɔ́ idi, menɪ mlétali bó mpat. 8 Múá idun mú féé gyi, mlidwe aba tsu mli kluntɔ́. Tsufɛ ɔ́dwe anfi odu ɔ́béha mlétali si aha lakpan kie amú nɪ. 9 Mlípɔ́ ansigyi hó mli aba Akristofɔ́ afɔ́ɔ́. Mlímáblɪ mliáa, ulakpon mli. 10 Bulu lakie ɔ́hagyioha atɔ́ ɔ́tsan-ɔ́tsan. Mú su ɔ́hagyioha ɔ́kíta mu kletɔ́ wanklaan, amlípukpa aba. 11 Nɪ ɔ́ku kle gyi Bulu asunbli a, ɔ́bli asun ání itsu Bulu wa. Nɪ ɔ́ku kle gyi aha sum a, ɔ́pu ɔ́wunlin amuu Bulu laha mu amu féé sum mu aba. Inɪ ɔ́béha aha békanfu Bulu tsun Yesu Kristosu togyitɔ́tɔ́. Numnyam múa tumi igyi Bulu kle bre féé. Amen.

Akristofɔ́ Ipianwun

12 Mɪ apio adwepu, mlímáha asun wunhe kpɔ́nkpɔ́nkpɔ́ntɪ anfi budepusɔ́ mli kí anfi ibwie mli ɔ́nɔ́. Mlímákɪ mú ání asun pɔ́pwe de mli tu. 13 Mlíha ansɪ mboun igyi mlíá mlíde Kristo asun wunhe amu ku wun, menɪ ansɪ bétra híe gyi mli eke amuu mu numnyam bélin ɔ́wan amu. 14 Nɪ aha bude mli sia Kristo buo su a, idesuna ání nwun

lawa mli olu. Bulu Numnyam Ɔɔɛ Wankɩhe amu bu mliɔ. **15** Mliɔ ɔkuku ɔmáwun asun ahamɔ, owi, lakpanbwe, nte okengyewa su.

16 Tame ni mligyi Akristofɔ su mliɔ asun wun a, umáwa mli pɛli. Mboun mlikanfu Bulu ání Kristo ida dɩn mliɔ.

17 Tsufe bre lafun ání Bulu obégyi ɔhagyioha asun. Obégyankpa gyi mu onuto aha asun. Ni Bulu obéfi mú asɩ tsu anɩsu a, mumu nkali aha amɩ buɔhɔ mu asun wanklaan amɩsu gyi amu kle bóbwɛ? Ibéhiɛ wa ifu. **18** Bowanlɩn wa Bulu asuntɔ bɛɛ,

< < Ni ibɔwa ɔnlɩn asa Bulu ɔbɔhɔ yile abwɛpu nkpa a,
mumu nkali ibégyi ha lakpan abwɛpu pú aha ání butamabu
Bulu ɛ? Iméetepi wa alɛ ha amú. > >

19 Mú su aha amɩ igyi Bulu apɛá buwun asun amu bupu amú iwɩ féé wa amú Ɔlɛpu amu ibiɔ, abukita yilebwɛɔ kinkiinkin. Otegyi mu asunsu bregyibre.

5

Proofread 07-07-09

Bulu Akufasu Ki

1 Sei a, ndekle mbɛɛ, nótɔ kpla mliɔ mligyi ahandɛ Kristo ɔpasuatɔ. Ɔpasua ɔhandɛ mi ɛ ngyi. Ntra ngyi ipian amɩ Yesu lowun amu iwɩ adansɛ ogyipu. Mi ɛ nénya mu numnyam amɩ ibélɩn ɔwan amu iku.

2 Nde mli kokoli mbɛɛ, mliki aha amɩ Bulu lapuwa mli ibiɔ amɩsu wanklaan fɛ akufa ɔkpaɩ. Imábwe mli fɛ bude mli hiɛ, mboun mliɔwɛ mú tsu mli kluntɔ alíá Bulu dekle. Megyi sika ɔnsɩpɛ su, mboun ɔdweá mliɔ ha osum amu su. **3** Mliɔmábwe aha amɩ Bulu lapuwa mli ibiɔ amu kpounkpoun. Mboun mliɩsia tsiatɔ wanklaan ání ibóbwe nfantuhun ha amú, **4** menɩ ɛkéá Kristo, ogyi akufa akpaɩ

Owie amu ɔba a, ɔbéha mli usugyi-ɔpa ání ibu numnyam, uméekpa ekekeke.

5 Nyasubi móa mbitebi, mli ε mliɔv obú ha mli ahande. Mli féé mliɔv iwiasiba kpa aba. Tsufe ɔɔwanlin wa Bulu asun amuto beɛ,
< < Bulu tokusu lu iwi atsupusu, tame ɔɔwa awitole ha aha ání beba

iwiasu. > > 6 Mú su mliɔba iwiasu, amlipɔ mli iwi wa Bulu tumi kɔɔnkɔɔnkɔɔnti amu asi, fówun obótsu mli fua mu bre wanklaanto.

7 Mliɔv mli asun wunhe féé wa Bulu ibito, tsufe ɔɔgywun mli iwi.

8 Mlikita iwi, amlidinka ansi iwisu, tsufe mli olupu, ogyi ɔbunsam na odekpoun, odeki fe gyata, ɔde ɔku dunka ɔkita wi. 9 lni su mlikita mli hogyito kinkiinkin, amlitin mu ɔkpa. Mliɔbá mli aba Akristofóá bubu ɔyito féé buɔe ipian anfi odu wun. 10 Tame Bulu hie ɔbu awitole ha mli togyitoto. Mɔlati mli ba mu numnyamto tsun mliɔ Kristonyo ikulebweto. Mu numnyam amu bu unu bre féétɔ. Ni mlowun ipian kpalobi a, umówa ɔpa mu onuto obótsu mli kusu, ha mleyinki lu. ɔbówa mli ɔwunlin, ha mélé nlin Kristoto. 11 Mubɔ iwiegyi bre féétɔ. Amen!

Ukla

12 Silwano letsa mi ɔɔwanlin ɔwulu kutuklu anfi sisi mli. Nyin ání opio Okristoyin ogyi, ɔbu ɔɔkwali. Ndekleá nówa mli ɔwunlin, mi angyi adansie suna mliá asun anfi nabla mli ɔwulu anfito féé idesuna ání unu gyi Bulu awitole onutonuto amu ni. Mlikita móto kinkiinkin.

13 Mli apio ahogyipová bubu Babilon ɔpasuato beha mli itsia. Mi bi Marko ε ɔha mli itsia. 14 Mliɔv aba-ɔdwe amuvu ibu Akristofoto amu ha aba itsia bregyibre. Nde Bulu kuli mbée, ɔha mli aha amuvu mligyi Akristofɔ amu féé iwilwii.

2PE - - NKO 2nd Letter from Peter in the Nkonya Language of Ghana

[Proofread 08-07-09](#)

2 Petro

Petro Ɔwulu Nyɔsi

2 Petro

2 Pe.

Petro

Ɔwulu Nyɔsi

1

[Proofread 09-07-09](#)

Itsiaha

1 Mɛ Yesu Kristo osumbi pɔ mu sumbi ɔyɔpu Simon Petro de ɔwulu anfi wanlin.

Nde mɔ wanlin sisi mli fɛɛá mlɔlanya hogyiá ɔbu labi fe anɛ kle,
Bulu mua anɛ Ɔlepu Yesu Kristo yilebwe laha anɔlanya amɔ.

2 Bulu ɔhiɛ gyi mli buale, ɔha mli iwilwii, tsufe mlɔlabɛ mua anɛ
Wie Yesu Kristo tsia.

Bulu Aha Tɛ Pɔ Tɔá Odedunka

3 Iníá anɔlabɛ Yesu wanklaan su a, Bulu laha anɛ togyitɔá abɔputsia
nkpa ání itegyɛ mu anɛ. Ɔleti anɛ mu onuto tumitɔ ɔbeɛ, abénya mu
numnyam pɔ mu yilebwe. **4** Mu tumi kpɔnkɔɔnkɔntɛ amɔ ken
ɔlɔpukie anɛ atɔ yileá ɔbu bia. Mɔ ɔlehiɛ yaiá ɔbɔpuha anɛ nɛ. Ɔlehiɛá
ɔbéle anɛ tsu ɔyitɔ ɔwɔli lalahɛ amɔv iteyinta nyankpɔsa amɔtɔ.

Atsun mósv tsia mv atsiabi. **5** Iníá Bulu labwe uní ha mli sv a, mlitsun mli hogyisu amlibwe yile ɔkpagyɔkpasu. Mlitsun mli yilebwe amusu amlibi asun. **6** Mlitsun mli asunbi amusu amligyí iwísv. Mlitsun mli iwísvgyi amusu amlíwa nsi. Mlitsun mli nsiwa amusu amlisum Bulu. **7** Mlitsun mli Bulusum amusu amlíwa awítɔlɛ. Mlitsun mli awítɔlɛwa amusu amlídwe mli aba Akristofɔ. **8** Ní uní aná dedan mlítɔ a, ibósuna ání mliłabi aní Wie Yesu Kristo. Mv bi amv desuna ání mliława labi, swie abi ní. **9** Tame ní tsiatɔ anfi aná uma akutɔ a, butamawun yɔ tsutsu. Amú ansibi labwie. Batan ání Bulu łofwí amú lakpan dada amv le amú iwí.

10 Mó sv mli apio adwepv, mlišen ansítɔ. Bulu letí aha, ɔlele aku ha mv iwí. Mliha mli bwehe isuna ání lele mliłbv amútɔ. Ní mliđe uní bwe a, mliíméedída ekekeke. **11** Iba alí a, Bulu obéfinki ɔkpa gbagya ha mlówie aní Wie pú aní ɔlepɔ Yesu Kristo iwiegyi amv utamamɔ ɔnɔ amutɔ.

12 Mméesi mli asun anfi kain. Ibv mútɔá mliyin mú dodo. Mliłv mli ɔnɔkwali amusu kinkiinkin. **13** Ee, nawun ání uníá nenyá mbv nkpa anfi mú a, ibv aleá nétsia kain mli asun anfi bregyibre. **14** Tsufe aní Wie Yesu Kristo laha mli nabíá mli nke utra mɔtsɔ ɔsvlv anfisv. **15** Mó sv nótson ɔkpagyɔkpasu ha mlétsia kain mósv mli ɔma.

Kristo Numnyam

16 Megyi nyansa anilɔpusre ɔte bɔwa suna mli tsu aní Wie Yesu Kristo tumi pú mv yinki ba amv iwí. Mboun anilehíe pv aní ansibi wun mv numnyam. **17** Tsufe aní ansítɔ aní Sí Bulu łpv obú múa numnyam kpɔnkpvɔnkpvɔntí ha Yesu, breá Bulu Onumnyampv amv ɔme ledalí tsu ɔsvsv ɔbee, < < Oní gyi mli Bi ɔdwepvá olegyi mli ansí ní. > > **18** Aní onuto lonu ɔme amv tsu ɔsvsv, breá ania munyɔ anilv

ibu wankihe amusu.

19 Iní su anilahie wun ání asun amuu Bulu ɔnɔsu atɔɪpu amu bebli tswi amu ihie ibu mútɔ. Ibéhie wa ale ha mli, ni mleyaa asu nu mú, gyi músu. Tsufe amú asun amu igyi fe ɔkandíá idewanki okluntɔ; yɔfun breá ɔyi ɔbéke, bake ɔtsrakpabi amu ɔbówanki mli kluntɔ.

Lamp at night|hk00151b.tif|col|2PE1:19-21|Horace Knowles, The Bible Society, London|ɔkandíá idewanki // okluntɔ ni.|2 Petro 1:19

20 lwanki mliá megyi Bulu ɔnɔsu atɔɪpu amu onuto ape bɔpuwanlun Bulu asun amu. **21** Tsufe megyi amú onuto lɔpu amú agywun bli Bulu ɔnɔ asun tswi. Mboun ɔɲe Wankihe leba amúsu bebli asun ání Bulu dekle.

2

Proofread 08-07-09

Afunu Atɔ Asunapu

1 Bumbi amu a, Bulu ɔnɔsu atɔɪpu afunupu betsia Bulu ahato. Ali ken bétsia mliɔ ni. Bóbwe hie pu amú onuto atosunaheá itɔmɔ bɔwa mliɔ. Bókusu lu amú Wie amuu ɔlɔhɔ amú amusu kuraa, puhɪ amú iwɪ. **2** Aha tsɔtsɔɔtsɔ bóbuo amú tsiato lalahe pú pelɪla anfi. Amú su aha bókpuɔ ɔnɔkwali ɔkpa amu. **3** Amú ɔnsɪpe su békpekpɛ asun bli puswu mli kɔba. Asun ogyipu Bulu leda iwɪsu ɔyi ɔpá ání ɔbébitɪ amú isɪ, hi amú.

4 Tsufe omesikie mu abɔpu amuu bóbwe lakpan amu kuraa. ɔlɔwa amú ikan, tswi amú wa isubiti ogya amuu itamadun amu oklukluuklukpa okluntɔ.^q Bétsia unu yɔfun amú asun ogyike. **5** Mliyin ání Bulu mekina atutɪfɔ amuu bumobu mu amu isubiti. Mboun ɔleha

^q2:4 *Tataro* buteti unu Griki ɔblitɔ.

ntsu leme amú fée. Noa mva aha abasienco pe lesian. Noa leda okan bla aha ali bre amuto obee, butsia tsiatoa ilegyi Bulu ansi. **6** Ida mli ansitoa Bulu leha ogya loko Sodom mua Gomora awulu mli nsuo. Amú lakpan su Bulu lebuti amú isu, isuna toa ibeba aha ani butokusu lu mususu ekeku. **7** Tame Bulu lele yile obwepu Lot mu ali bre amuto. Aha amu tsiato lalahe pu amú mblasumágyi letsia han mu. **8** Oletsia nu, oletsia wun amú bwehe lalahe ekekegyieke, iletsia to mu klun. **9** Iní fée ilosuna ani Wie yin alia obele yile abwepu tsu isokito, pu alia obebuti lalahe abwepu isu yofon ekea obegyí amú asun. **10** Múa idun a, aha anfi odu butamagyí iwisu. lwitsu bu amuto. Butamasusu toto iwí dun hakpan ani amú owoli lalahe tekle. Bulu obehie buti amú isu.

Ni bude anumnyampuá bubu osusu sia a, itamawa amú ifu. **11** Bulu-abopuá buhie bubu tumi, bubu owunlun kuraa butamasia anumnyampu anfi Bulu ansito. **12** Afunu ato asunapu anfi bugyi fe pututo-mbwia buma agywun. Butokwu amú keke, aha butekita amú, mo amú. Butebli asun lalahe tsu toa bmonu mu asi iwí. Amú lalahewe ibehi amú fe pututo-mbwi. **13** Ali amuv baha aha bude asun wun amu su Bulu obopu asun wunhe ka amú ako. Butegyí odwe nketo, tsufe ansigyila butobwe. Butobwe pelila, kpai iwí, wie anito ani nkegyito. Bude iwí mle. **14** Toto uma amú ansigyí dun mbuato. Butamasi lalahe bwe. Butemle aha ani amú hogyi melu tsukule, ha butobwe lakpan. Bahie bi onsipe wa. Amú bwehe lalahe anfi su bugyowi ni! **15** Basi okpa wanklaan amu tswi, yo bubuo Beor mu bi Bulu onosu otapu Bileam bwehe lalahe. Odwe sika ani obenya tsu lalaheweto. **16** Mu su Bulu leha mu afrimu lotai wa mu, leha olesi mu gbedela amu bwe.

17 Afunu ato asunapu anfi buma labi kuku. Bugyi fe ntsua ilakpi nte

nyankpová ilabila tuun, afu latsvan mú nati. Iní su amú otsiakpa ání Bulu lala yaí amú gyi oklun tuunto. **18** Butotsu íwí, ka ɔnɔɔ, pu amú ɔwɔli lalahɛ tɔn ɔnɔ, mɛ aha butelabwɛ lakpan ání besi bwe umɔkuwa ɔpá. **19** Butɛhiɛ aha bɛɛ, nɪ begyi amú atosunahɛsu a, bégyi íwí. Tame amú onuto bugyi nkɔ́ábi ha tsiatɔ lalahɛ. Tsufɛ nyankpɔsa gyi ɔkpábi ha tɔ́á ɪdɛ musu gyi. **20** Aha ání babɪ anɪ Wie pú anɪ ɔlɛpu Yesu Kristo, si ɔyɪtɔ ɔwɔli lalahɛ́a iteyinta nyankpɔsa bwe, beyinki yebitiwie mútɔ, igyi amúsu a, amú tsiatɔ tɛlayinta dɔn alá igyi yaí. **21** Nɪ bumetɛpi wun ɔkpa wanklaan amu kuraa a, tɛkɪ ɪbu alá ha amú dɔn ání bówun mú yinki ɔma, si mbla wankɪhɛ amuv bɔpuha amú amuvu gyi. **22** Amú bwehɛ anfi laha yebi anfi laba mútɔ. < < Kɪaɪ tɛkplai, lapu mu ɔdandɔ tsu > > pú < < Febie ɔprakuo ntsu alíagyialíá a, ɔtɛlayebie ɔdɪba. > >

3

Proofread 08-07-09

Anɪ Wie ɔbake

1 Mɪ apio adwɛpu, ɪnɪ gyi ɔwɔlu nyɔsɪ́á ndɛwanlɪn sɪsɪ mlɪ nɪ. Nɛpu nwɔlu anyɔ anfi kain mlɪ, mɛnɪ mlógywun mú íwí wanklaan. **2** Nɛkleá mlɪkain asun amuv Bulu ɔnɔsu atɔpu wankɪhɛ amu bɛbli yaí amuvu. Mlɪkain anɪ Wie, ogyi anɪ ɔlɛpu Yesu Kristo mbla amuv ɔlɔtsun mu sumbi ayɔpusu wa ha mlɪ amuvu. **3-4** Gyankpapu a, ndekleá nékain mlíá nke trahe amutɔ a, ahinla abwɛpu aku bóbuo amú onuto ɔwɔli lalahɛ. Bómɔsɪ mlɪ, fɪtɛ mlɪ bɛɛ, < < Yɛ Yesu lɛbli yaí ɔbɛɛ, mélayinki ba a? Mú nkɪ mu mɛ? Tsu anɪ anain lowu brɛsu ɔpá a, tɔtɔɔtɔ umɔkutɛ. Alɪ amuv ilenya igyi amu nɪ. > > **5** Bakɪ ansɪ tan ání ɔnɔ Bulu lɔpubli asun bumbɪ amu, ɔsu múa asɪ lelɪn, ɔsulɔ

ledali tsu ntsutso. Ntsu e ɔlɔpubwe mú. **6** Ntsu ken ɔleha ɔlobula yinta bumbi ɔyi amu. **7** Ono amu ken ɔletra publiá ɔsu múa asi anfi mú ibétsia ɔɔfun ekeá obégyi aha amuu butamanya mu ifu amu asun, pu ogya hi togyito.

8 Tame apio adwepu, mlimátan uní músu. Ekewule igyi fe nfi-ɔpum, nfi-ɔpum e igyi fe ekewule aní Wie ansito. **9** Aha buki bɛɛ, Bulu tesi tsia tɔá alahieá ɔbɔbwesu. Megyi alí igyi, mboun klun otenya ha mli; mení ɔhagyioha ɔbédamli klunto si lakpan bwe, tsufe omedekleá ɔhaa ɔbɔfwí.

10 Tame aní Wie ɔbake amu ibófwie ahato, fe alíá owikplu tofwie ɔhato. Eke amu a, ɔsusu bósura okitikiti kuklukuu ŋa. Ogya bɛŋlain ntobiá ɔlɔpubwe ɔsu múa asi féé. ɔsulu múa músu ato e féé bóho plíplíplíplí. **11** Iníá lele Bulu obéyinta ɔyito ato féé alí a, tsiato momu ilehian ání mlóputsia, ibégyi mu ansi? Ilehian ání mli iwí bétin, mlósum mu. **12** Mlutsia tsiato anfi pukí ɔkpa ha Kristo ɔbake amu, amlíha mú ikɔsi ba. Bulu ɔbɔpu ogya hi togyito ɔsusu eke amu. Mú okunku e ibɛŋlain unu ato féé. **13** Tame Bulu lehieá ɔbɔbwe ɔsu múa asi pɔpwe ha aní. ɔtineá aha ání amú asun da ɔkpa bétisia. Mú anigyo ní.

14 Mú su apio adwepu, iníá mligyo uní su a, mliyiri iwí amlutsia tsiatoá mú iwí letin, ɔlala méetsia mli iwí Bulu ansito, mení iwílwii bétisia mliha munyo nsine. **15** Mlimátan ání aha nkpaɔ su aní Wie de uklun nya, fe alíá aní pio ɔdwepu Paulo lɔpu nyansa ání Bulu leha mu wanlin asun anfi ken sisi mli. **16** Asun anfi aná iwí ɔlɔtɔi tsu mu nwulu féétɔ ní. Tame mu asun amu iku asinu bu ɔnlín. Mú su aha ání butamakasi tɔtɔ pú aha ání amú hogyi melu tsukule butedamli Paulo asun amu, fe alí amuu butedamli Bulu asun wanlinhe bun amu. Mú ɔbéha Bulu ɔbéhi amú ní.

17 Tame apio adwepu, unia mliyin mu alu su a, nde mli ala da ya.
Mlidinka anu iwisu, menu aha anfi butamagyi mblasu anfi bumowu
amu atosunahe lalahe amu bemle mli, amlidida. 18 Mboun mliyo
musu, menu anu Wie pu anu Olep Yesu Kristo awitole pu mu bi
bomoni mliyo. Numnyam ibwe mu kle tsu sei puya bre feeto! Amen.

1JN - - NKO 1st Letter from John in the Nkonya Language of Ghana

1 Yohane

Yohane Ɔwulu Gyankpavu

1 Yohane

1 Yoh.

Yohane

Ɔwulu Gyankpavu

1

Proofread 08-07-09

Nkpa Asun

1 Anɔde ɔwulu anfi wanlɔn sɔsɔ mli tsu Asun amɔv utɛha nkpa, ɔbu unv asa ɔyi lebelɔn amv ɔwi. Anɔ onuto anɔlonu mɔ ɔwi asun, pɔ ansibi wun mɔ, ki mɔ, pɔ ɔbi da mɔ. 2 Bulu lele Nkpa Ɔhapv anfi ɔwan suna anɔ, anɔlowun mɔ. Anɔde adansɛ gyi, bla mli anɔaa, mɔtɛha nkpa ɔnɔ itamata nɔ. Mɔva Ɔsɔ amv nɔv bu unv yaɔ, asa alale mɔ ɔwan suna anɔ. 3 Asun ɔnɔ anɔlonu pɔ tɔɔ anɔlowun anɔde mli bla, mɔnɔ anɔa mɔnɔv abɔbwe kule. Tsufe anɔa Ɔsɔ amv pɔ mɔ Bi Yesu Kristonɔv gyi kule. 4 Anɔde mɔ wanlɔn sɔsɔ mli, mɔnɔ anɔa mɔnɔv ansigyɔ bɔfun.

Bulu Wankɔ

5 Asun ɔnɔ anɔlonu tsu mɔ Bi amv wa, anɔde mli bla gyi, Bulu lowankɔ. Oklun kukubuku ɔma mɔtɔ. 6 Mɔv sɔ nɔ anɔdeblɔ anɔaa, anɔa mɔnɔv anɔde mbagyɔ, tame anɔtra anɔna okluntɔ a, anɔde afunu wa.

Animelebwe dinka onokwali asun amuvu. **7** Tame ni anina wanki amuto, fe alia mu onuto ona a, ikulebwe bu ania ani aba nsune. Mu su mu Bi Yesu Kristo obugya amu tetin ani iwi tsu ani lakpanto.

8 Ni abli aniaa, lakpan ima ani iwi a, anide iwi mle. Anima onokwali. **9** Tame ni ale ani lakpan bla Bulu a, obesikie ani, tin ani iwi tsu lalahe feeso; tsufe yile obwepu pu onokwalipu ogyi. **10** Ni abli aniaa, anmegyi lakpan abwepu a, anilawa mu afunuto. Idesuna ani anumoho mu asun amu.

2

Proofread 08-07-09

Ani Buale Ogyipu

1 Mi abi adwepu, nde asun anfi wanlin sisi mli, meni mlumetra bwe lakpan. Tame ni mlito oku obwe lakpan a, anibu cha ani otokokoli ani Si amu ha ani. Mugyi yile obwepu Yesu Kristo. **2** Tsufe mulowu, pu mu obugya le ani nwunsu mbusuo. Megyi ani nkule pe lakpan, tame oyito aha fees kle.

3 Ni anide Bulu mblasu gyi a, mu obéha abébiá anilabi mu ni. **4** Ni oku obli obee, < <Nyin Bulu,> > tame otamagyi mu mblasu a, ofunupu ogyi. Oma onokwali. **5-6** Tame ni oku tegyi Bulu mblasu a, idesuna ani mu Bulu-dwe lfon. Tóá ibéha abébiá ikulebwe bu ania Bulu nsune gyi, anutsie nkpa fe Yesu Kristo.

Mbla Popwe Amu

7 Apio adwepu, megyi mbla popwe kuku ndewanlin sisi mli. Mbla dada amuv mliyin tsu bre amuv mlilotsu hogyi amu ni. Mbla dada anfi igyi asun ani mlilanu dodo. **8** Tame mbla popwe igyi. Tsufe Kristo tsiato pu mli kle lale mu suna ani mbla popwe igyi. Oklun amu

idetsun. Wanki amu onuto idewanki dodo.

9 Mú su zha ání zbeε, zha wanki amuto, tame zde mu ba Okristoyin lu a, idesuna ání ztra zbu oklunto. **10** Zha ání ztadzwe mu ba Okristoyin na wanki amuto. Mú su ztadzto imécha mu zbwe lakpan.

11 Tame zha ání otolu mu ba Okristoyin mú tsie oklunto. Zha oklunto, su omeyin ztineá zyo; tsufe oklun amu ɪlatin mu ansi.

12 Mɪ abi adwepu, nde zɔwɔlu anfi wanɔɔn sɪsɪ mɪ, tsufe Yesu Kristo su Bulu lasi mɪ lakpan kie mɪ. **13** Mɪ asɪ, nde zɔwɔlu anfi wanɔɔn sɪsɪ mɪ, tsufe mlɪlabɪ zha amuu zbu unu tsu zyi nfiasɪ amu. Nyasubi, nde zɔwɔlu anfi wanɔɔn sɪsɪ mɪ, tsufe mlɪlagyi Zbunsamsu.

14 Mɪ abi adwepu, nde zɔwɔlu anfi wanɔɔn sɪsɪ mɪ, tsufe mlɪlabɪ Zsɪ amu. Mɪ asɪ, nde zɔwɔlu anfi wanɔɔn sɪsɪ mɪ, tsufe mlɪlabɪ zha amuu zbu unu asa Bulu lbwe zyi amu. Nyasubi, nde zɔwɔlu anfi wanɔɔn sɪsɪ mɪ, tsufe mɪ hogyi zɔɔ bu zɔɔn, Bulu asun bu mɪto. Mlɪlagyi Zbunsamsu.

15 Mú su nde mɪ féé bla mbεε, mlɪmápu mɪ klun dɪnka zyi pú móto atɔsu. Nɪ zku de zyi anfi dwe a, zméetali tra dwe anɪ Sɪ Bulu ε.

16 Zyito atɔ amu ɪku gyi, atɔ lalaheá ɪtedɪnka zha zɔwɔɪ; atɔá zha towun, ɪtedɪnka mu zɔwɔɪ pú ntobiá zha zɔputsu ɪwɪ. ɪnɪ anfi odu kɔkɔvuku imotsu anɪ Sɪ Bulu wa. Zyi anfitɔ ɪtsu. **17** Zyi anfi pu móto atɔá ɪtedɪnka zha zɔwɔɪ féé detsun. Tame zha ání ztɔzbwe tɔá Bulu tekle obétsia nkpa ání ɪtamata.

Kristo Alupu

18 Mɪ abi adwepu, bre trahe nɪ. Mɪkain ání bebla mɪ beε, Kristo olupu amu zbéba. Sei anfi a, Kristo alupu tsɔtsɔɔtsɔ baba. ɪnɪ desuna ání lele bre trahe nɪ. **19** Kristo alupu anfi betsia anito asa bedali. Nɪ lele anɪ kle bugyi a, tɛkɪ besi tsia anito. Amó anitɔdali losuna ání

bumegyi aní apio Kristotɔ. Mú su bedalı anıtɔ nı.

20 Tame mli mú a, Kristo lapu mu Ɔɣe Wankihe amu wa mlıtɔ. Mú su mli féé mlılalı ɔɔkwalı amu. **21** Megyi bee, mlımeysin ɔɔkwalı amu, su nde asun anfi wanlın sısı mli. Mboun alıá mliyin ɔɔkwalı amu, pú alı amuv mliyin wanklaan ání ɔtineá ɔɔkwalı amu bu a, afunu kıkıvıku ma ınu amu su.

22 Ma gyi ofunupu kpɔɔkpɔntı anfi? Mıgyi ɔha ání olekina ɔbee, < < Megyi Yesu gyi Kristo, (ɔha amuv Bulu lada mu ofuli amu). > > Idesuna ání alakina Ɔsı Bulu mua mu Bi Yesu Kristo amu. Mú su mıgyi Kristo olupu amu nı. **23** Tsufe ɔha ání okina Bulu mu Bi amu lakina mu Sı Bulu ε nı. Tame ɔha ání ɔlɔɔ mu Bi amu lahɔ mu Sı amu ε.

24 Mú su mliha asun amuv mlılɔnu tsu bre amuv mlılɔtsɔ hogyi amu isin mlıtɔ. Tsufe nı isin mlıtɔ a, mumu ıkulebwe bétsia mlıa Yesu pú Ɔsı Bulu nsıne. **25** ını gyi tɔá Kristo lehie ɔbee, méha anı, igyi nkpa ání itamata amu nı.

26 Aha amuv budekleá bémle mli amu, su nde asun anfi wanlın sısı mli. **27** Mli mú a, Ɔɣe Wankihe amuv Kristo lɔpuwa mlıtɔ amu bu mlıtɔ. Mú su imehian ání ɔhaa ɔbétra suna mli atɔ. Tsufe Ɔɣe Wankihe amu tosuna mli togyıtɔ. Mu atosunahe ε igyi ɔɔkwalı onuto. ını su mlıkıta tɔá olosuna mlıtɔ, amlıtsia Kristotɔ.

28 ını su mı abi adwepu, mlıtsia Kristotɔ. Fówun nı ɔba a, pelı méékıta anı, abétalı fia mu. **29** Nı mliyin ání yile ɔbwepu Yesu gyi a, mumu mlıbíá yile ɔbwepu Bulu mu bi okugyiɔku gyi.

3

Bulu Abi

1 Mlúkí alíá aní Sí Bulu tēhíe dwe aní, su butetí aní mu abi. Lēlē a, mu abi anígyi. Tame tóá svá òyi anfitó aha bumeyin aní gyi, bumeyin aní Sí Bulu. **2** Mí apio adwepu, sei a, Bulu aha anígyi. Alíá abébemli wùlē òmòkunya lē suna aní. Tame aníyin ání Kristo òba a, abélian mu, tsufē abówun alíá ogyi. **3** Ohagyicha ání òdín ansiá melian mu tēha mu íwí tetín, fē alíá mu íwí letín.

4 Ohagyicha ání òtóbwe lakpan a, òdekusu lu Bulu mblasu. Tsufē lakpan gyi Bulu mblasumágyi. **5** Mlíyin ání Kristo lēba òyító belē aní tsu aní lakpantó, tame mu mú òmòbwe lakpan kuku. **6** Iní su òha ání mua Kristo bude mbagyi tamatra bwe lakpan. Mú su ohagyicha ání òtra òde lakpan bwe mòkòwun Kristo, òmòkubí mu ē.

7 Mí abi adwepu, mlímáha òhaa òmlē mlí. Ohagyicha ání òtóbwe yile a, mu asun da òkpa Bulu ansító fē Yesu. **8** Tame Òbunsam mu bi òha ání òtra òde lakpan bwe gyi. Tsufē Òbunsam de lakpan bwe tsu bréá òyi lefí así òpá. Bulu mu Bi Yesu Kristo lēba òyító beyinta Òbunsam gymagyihe kugyiku.

9 Aha ání babwe Bulu aha butamatra bwe lakpan, tsufē Bulu tsiatò bu amútò. Mú su buméetalí tra bwe lakpan. **10** Tóá abópubí Bulu-abi pú Òbunsam-abi gyi, ohagyicha ání òtamabwe yile, nte dwe mu ba megyi Bulu mu bi.

Abadwe

11 Asun ání mlílonu tsu bréá mlílemli Akristofó gyi, adwe aba. **12** Mlímábwe mlí íwí fē Kain. Òlóbwe Òbunsam mu bi, mò mu gyama. Ntò lēha su òlómò mu? Òlóbwe uto lalāhē, mu gyama mú lóbwe uto wanklaan su òlómò mu.

13 Mí apio Akristofó, umáwa mlí wanwan ní òyi anfitó aha butolu

mli. **14** Aní mǔ anyin ání aniladali lowu así yǒ nkpa ání itamatatǒ, tsufe anide aní aba dwe. Oha ání otamadwe mu aba lasin lowutǒ.

15 Oha ání otolu mu ba gyi aha omǎpu. Mliyin ání aha omǎpu okuku má nkpa ání itamata. **16** Alí amuv Kristo lotsula wu ha aní amv

ulasuna aní alíá odwe gyi. Mǔ sv ilehian ání aní ɛ abówu ha aní aba alí ken. **17** Ní oku bu atǒ, alawun ání tku de mu ba hian, tame omowun mu nwe ha mu a, mumu oméetali bli obee, mutǒdwe Bulu.

18 Mí abi adwepu, ní igyi alí a, mlimápu onǎkpan dwe aba. Mboun mliha apu aní bwehe pú onǎkwali dwe aba.

Uklonwa Bulu Ansitǒ

19 Ní anitǒdwe aba alí a, mǔ abébiá anibuo onǎkwali amv ní. Mǔ sv ní anilu Bulu ansitǒ a, tǒtǒ mééhan aní. **20** Ní aní klun tha aní pǎn kuraa a, Bulu yin asun dun aní klun, oyin aní bwehe kugyiku.

21 Apio adwepu, ní aní klun méha aní pǎn breá anilu mu ansitǒ a, ifu méékita aní. **22** Bulu obéha aní tǒá anide mu kuli, tsufe anide mu mblasv gyi, aní tsiatǒ ɛ legyi mu ansi. **23** Mbla ání Bulu lowa ha aní gyi, ahǒ mu Bi Yesu Kristo gyi, adwe aba fe alíá Yesu lebla aní.

24 Oha ání ode Bulu mblasv gyi mua Bulu babwe kule. Bulu bu mu kluntǒ. Tǒá itosuna aníá obu aní kluntǒ gyi Oge Wankihe amuv olǒpuha aní amv.

4

[Proofread 08-07-09](#)

Oge Wankihe Pú Oge Lalahe

1 Apio adwepu, mlimáho aha fééá bee, bubu Oge Wankihe amv asunsu gyi. Mboun mliǒ oge amuv budepusuna atǒ amv kí. Tsufe Bulu onǒsv atǒpu afunupu tsǒtsǒtsǒ babula oyi anfitǒ. **2** Iní apubiá

ɔŋɛ amɔ itsu Bulu wa nɪ. Nɪ ɔkɔ dɛ atɔ suna, ɔlɛblɪ ɔbɛɛ, Yesu Kristo lelɪn fɛ nyankpɔsa a, mɔmɔ mɔ atosunaɛ amɔ itsu Bulu wa. **3** Tame nɪ ɔkɔ lɛblɪ ɔbɛɛ, Yesu mɛlɪn fɛ nyankpɔsa a, mɔmɔ ɔŋɛ Wankɪɛ amɔ mǎ mɔtɔ. Kristo olupɔ ɔŋɛ amɔ mɪlɔnuǎ bɛɛ, ɪbɛba amɔ nɪ. llaba ɔyɪtɔ dodo.

4 Mɪ abi adwɛpɔ, Bulu aha mɪgyi. Mɪlagyi Bulu ɔnɔsɔ atɔɪpɔ afunupɔ amɔsɔ. Tsufɛ ɔŋɛ amɔ ɪbɔ mɪtɔ amɔ bɔ ɔnlɪn dɔn mɔamɔ ɪdɛ ɔyɪ anfɪtɔ ahasɔ gyi amɔ. **5** Yesu alupɔ amɔ bɔmeyin Bulu. ɪnɪ sɔ amɔ atosunaɛ fɛɛ igyi aha ǎnɪ bɔmeyin Bulu atosunaɛ. Mɔ sɔ aha ǎnɪ bɔmeyin Bulu tɔhɔ amɔ asɔnsɔ gyi. **6** Anɪ mɔ a, Bulu aha anɪgyi. Mɔ sɔ ɔhagyɪɔha ǎnɪ oyin Bulu tɔhɔ anɪ asɔnsɔ gyi. Tame ɔha ǎnɪ omeyin Bulu tamahɔ anɪ asɔn. ɪnɪ anɪtɔpɔbɪ ɔnɔkwali ɔŋɛ amɔ pɔ afunu kle nɪ.

Bulu Gyi ɔdwe

7 Mɪ adwɛpɔ, mɪlɪha adwɛ aba, tsufɛ ɔdwe itsu Bulu wa. ɔhagyɪɔha ǎnɪ ɔtɔdwe aha a, Bulu mɔ bi ogyi, oyin Bulu. **8** ɔhagyɪɔha ǎnɪ ɔtamadwɛ aha meyin Bulu, tsufɛ Bulu gyi ɔdwe.^r **9** Alɪǎ Bulu lele mɔ ɔdwe suna anɪ gyi, ɔlɔpɔ mɔ Bi ɔkukɔnɔ ɔkulɛ amɔ sɪsɪ ɔyɪtɔ, mɛnɪ abɔtsɔn mɔsɔ nya nkpa ǎnɪ ɪtamata. **10** Megyi alɪǎ anɪtɔdwe Bulu gyi Bulu-dwe ɔnɔkwaliɔ. Mboun alɪǎ ɔlɔdwe anɪ, pɔ mɔ Bi sɪsɪ anɪǎ ɔbɔpɔ mɔ obugya le anɪ ɪwɪ mɔbusuo gyi ɔdwe.

11 Apio adwɛpɔ, ɪnɪǎ Bulu lɛɪɛ dwɛ anɪ alɪ sɔ a, ɪlɛhɪan ǎnɪ anɪ ɛ abɔdwe aba. **12** ɔhaa mɔkɔvɪɛ wun Bulu kɪ. Nɪ anɪdɛ aba dwɛ a, ɪdɛsuna ǎnɪ Bulu bɔ anɪ klɔntɔ. Mɔ sɔ mɔ ɔdwe ɪɔfɔn anɪtɔ.

13 Bulu lapɔ ɔŋɛ Wankɪɛ amɔ ha anɪ. Mɔ sɔ anɪlabɪǎ anɪa mɔnyɔ anɪlabwɛ kulɛ, ɔbɔ anɪ klɔntɔ. **14** Anɪlawun mɔ alɪ. Mɔ sɔ anɪdɛ

^r4:8 Bulu gyi ɔdwe asɪ gyi, ɔdwe itsu Bulu wa.

adansie gyi aniaa, anı Sı Bulu lwa mu Bi Yesu Kristo ɔɔɛ, ɔɔɛle anyankpɔsa f   tsu am  lakpant . 15  hagyiaha  n  olohogyi,  lebl  ɔɔɛ Yesu gyi Bulu mu Bi am  a, Bulu bu mut , mu   ɔbu Bulut .

16 M  su anyin  dwe  Bulu bu ha an , an    m su gyi.

Bulu gyi  dwe. M  su n   ku t dwe Bulu p  mu aba a, ɔbu Bulut , Bulu   bu mut . 17  n  desuna  n  Bulu  dwe  fun an n  n . M  su an   nyia pel  mu as n ogyike, tsufe an latsia nkpa  yi anfit  fe Yesu. 18  ha  n  Bulu  dwe bu mut  tamanya ifu. M  su n  an de Bulu p  an  aba dwe a, an   nyia Bulu ifu. Tsufe aha  n  buyin  n  Bulu    bit  am  is  tenya ifu.  n  su n   ku de Bulu ifu nya a,  losuna  n  Bulu  dwe m fun mut .

19 An  dwe Bulu p  an  aba, tsufe Bulu legyankpa dwe an . 20 N   ku lebl  ɔɔɛ < <N dwe Bulu,> > tam  otolu mu ba a, ofunupu ogyi. Tsufe  ha  n  otolu mu ba  n  otowun, m  tal  dwe Bulu   m kwun k . 21 Mbla  n  Yesu Kristo lwa ha an  gyi, < < ha  n    dwe Bulu  dwe mu ba  .> >

5

Proofread 08-07-09

Tsiat  Lalah sugyi

1  hagyiaha  n  olohogyi ɔɔɛ, Yesu gyi Kristo, ( ha  n  Bulu lada mu ofuli am ) a, Bulu mu Bi ogyi. N  fut dwe  kwup  a, f dwe mu bi  . 2 M  su n  an de Bulu dwe, an de mu mblas  gyi a, m  ab p bi  an de mu abi dwe n . 3 N  an de Bulu dwe a, ab gyi mu mblas . Mu mbla am su gyi   uma  nl n. 4 Tsufe Bulu mu bi okugyi ku tetali gyi tsiat  lalah s . An  hogyi an  pugyi m su. 5 Ma    tal  gyi tsiat  lalah s ?  ha  n  olohogyi  Yesu gyi Bulu mu Bi am  nk le    tal 

gyi mósu.

Yesu Kristo lwi Adansięgyi

6 Yesu Kristo gyi ɔha ání ɔlotsun ntsu múa obugyato ba. Megyi ntsu nkuletɔ ɔlotsun. ɔlotsun obugyato ε. ɔŋe Wankiɛ amu legyi asun anfi ɪwi adansiéá igyi ɔnɔkwali. ɔtamawa afunu. **7** Atɔ asa legyi Yesu ɪwi adansié. **8** Múgyi, ɔŋe Wankiɛ, ntsu pú obugya. Atɔ asa anfi féeé lebli toku kule. **9** Nɪ aha begyi adansié suna anɪ, anitohogyi a, mumu ilehian ání abóhɔ Bulu kle dun. Tsufe mu onuto legyi mu Bi amu ɪwi adansié. **10** ɔhagyioha ání ɔlɔhɔ Bulu mu Bi amu gyi lahɔ Bulu adansié anfisv gyi mu kluntɔ. Alɪ ken ɔhagyioha ání ɔmɔhɔ Bulu adansié anfisv gyi de mu afunuto wa nɪ. Tsufe ɔmɔhɔ adansié amuv Bulu legyi tsu mu Bi ɪwi amuvu gyi. **11** Adansié amu gyi, Bulu lapu nkpa ání itamata ha anɪ tsun mu Bi amuvu. **12** ɔhagyioha ání ɔbu Bulu mu Bi amu bu nkpa ání itamata. Alɪ ken ɔhagyioha ání ɔma Bulu mu Bi amu má nkpa ání itamata nɪ.

Asun Traɛ

13 Mlɪlahɔ Bulu mu Bi amu gyi. Mú sv nde ɔwulu anfi wanlɪn sɪsɪ mɪɪ, menɪ mlébiá mlɪbu nkpa ání itamata. **14** Tɔá ɪtɛha anitɔwa klun yɔ Bulu ansɪto gyi, akulɪ mu togyitɔá igyi mu ape a, otonu anɪ ɔme. **15** Nɪ anɪyin ání otonu anɪ ɔme a, mumu akulɪ mu togyito a, anɪyin ání ɔbéha anɪ.

16 Mú sv nɪ ɔku owun mu ba Okristoyin de lakpan bwe a, ɔbɔ mpaɪ ha mu. Bulu ɔbéha mu nkpa. Aha ání amú lakpan méekpa amú wa lowuto asun ndeblɪ. Lakpan ku bu unvá ɪtekpa ɔha wa lowuto. Megyi ɔha ání ɔbwe lakpan amu odu mbée, mlɪbɔ mpaɪ ha. **17** Lalaɛ kugyiku igyi lakpan, tame lakpan ku bu unvá ɪtamakpa ɔha wa lowuto.

18 Aniyin ání ɔha ání alabwε Bulu mu bi ɔkuku tamatsia bwe lakpan, tsufe Bulu mu Bi amu togyo mu iwi. Inu su Ɖbunsam tamatali bwe mu toto.

19 Aniyin ání Bulu aha anigyi, tame Ɖbunsam de ɔyito aha féésu gyi.

20 Aniyin ání Bulu mu Bi amu laba. Alaha anlanu asun asi, menu abébi Bulu Ɖnɔkwaliɔ amu. Ania munyo anilabwε kule, ania mu Bi Yesu Kristo ε anilabwε kule. Lele a, mu nkule pe gyi Bulu Ɖnɔkwaliɔ pú nkpa ání itamata amu ni.

21 Mú su mi abi adwepu, mliki mli iwi wanklaan ikpɔsumsu.

2JN - - NKO 2nd Letter from John in the Nkonya Language of Ghana

2 Yohane

Yohane Ɔwɔlv Nyɔsi

2 Yohane

2 Yoh.

Yohane

Ɔwɔlv Nyɔsi

1

Proofread 08-07-09

1 Anɩ yɩn ʼnɩ Bulu lalɛ, mɩ ɔpasua ɔhandɛ Yohane dɛ ɔwɔlv anfi wanlɩn sɩsɩ fɔa fɔ abi. Ntɔdwe mɩ fɛɛ ɔnɔkwali amɔtɔ. Megyi mɩ nkɔlɛ pɛ tɔdwe mɩ, tamɛ ɔhagyɔɔha ʼnɩ oyin ɔnɔkwali amɩ ɛ. **2** Tsufɛ ɔnɔkwali amɩ bu anɩtɔ, ibɛtsia anɩtɔ bregyibrɛ.

3 Anɩ Sɩ Bulu mɩa mɩ Bi Yesu Kristo bugyi anɩ bualɛ. Buwun anɩ nwe, abuha anɩ iwilwii. Anɩ aha amɩv anɩtɔdwe aba ɔnɔkwaliɩv amɩ.

Ɔnɔkwali Mɩa Ɔdwe

4 Ansɩ lehɩɛ gyi mɩ brɛʼa nowun ʼnɩ fɔ abi amɩ akɩ buɩa ɔnɔkwali ɔkpa amɩv, fɛ alɩʼa anɩ Sɩ Bulu lɛbla anɩ. **5** Anɩ yɩn ɔdwɛpɩ, mɩha adwe aba. Megyi mɩla pɔpwe ndɛwanlɩn sɩsɩ fɔ. Mɩla amɩv anɩlɛbɩ tsu brɛ amɩv anɩlɔtsɔ hogyi amɩ nɩ. **6** Nɩ fɔtɔdwe Bulu a, fɛgyi mɩ mɩblasɩ. Mɩla ʼnɩ anɩlɛbɩ tsu brɛʼa anɩlɔtsɔ hogyi gyi, adwe aba.

7 Aha amɩpɩ tsɔtsɔɔtsɔ baba ɔyi anɩtɔ. Buɔɔblɩ bɛɛ, Yesu Kristo mɛlɩn fɛ nyankpɩsa. Aha anɩ gyi aha amɩpɩ pɩ Kristo alupɩ amɩ nɩ.

8 Mɩ su mɩkɩ wanklaan, mɛnɩ mɩ gymagyihe mɔɔbwe kpaali, fɛkɩ

mlénýa mli ukaka féé.

9 Ohagyioha ání òmede Kristo atosunahe amuto, òlotsun mú òma yò òde tò bamba suna a, mua Bulu bumegyí kule. Tame òha ání òde Kristo atosunahe amuto a, mua aní Sí pú Mú Bì amu féé bugyí kule.

10 Ní òkú òba mli wa, òmede Kristo atosunahe anfi suna a, mliumáho mu wa mli woyito, mliumátsula mu itsia. **11** Ohagyioha ání otsula mu itsia latsa mu lakpan amuu òdebwe amu bwe.

12 Asun tsòtsòtsò bu unvá tèkí nébla mli, tame mmedekleá nówanlun mú sisi mli. Mboun nde òkpa kíá néba mli wa, mení mua mlinyò abétsia así, atòí nya ansigyí wanklaan.

13 Fú pio tsihe amuu Bulu lale amu abi beha fú itsia.

3JN - - NKO 3rd Letter from John in the Nkonya Language of Ghana

3 Yohane

Yohane Dwulu Sasi

3 Yohane

3 Yoh.

Yohane

Dwulu Sasi

1

Proofread 08-07-09

1 Mɪ ɔdwɛpɔ Gaio, ntɔdwɛ fɔ ɔnɔkwali amɔtɔ. Mɪ ɔpasua ɔhandɛ Yohane dɛ ɔwulu anfi wanlin sisi fɔ.

2 Mɪ ɔdwɛpɔ, ndehógyiá ɪwɪ bu fɔ ɔnlin, togyitɔ ɛ una wanklaan fɛ alíá fɔdɛ fɔ Bulu sum. 3 Ansi lɛhiɛ gyi mɪ brɛá apio aku bɛba bɛbla anɪ alíá fɔdɛ Bulu mbla amɔsɔ gyi, pú alíá funa ɔnɔkwali ɔkpa amɔsɔ. 4 Bregyibrɛá nonu alíá mɪ abi Akristofɔ buna ɔnɔkwali ɔkpa amɔsɔ a, itɛhiɛ wa mɪ ansigyɪ.

Gaio Kanfu

5 Mɪ ɔdwɛpɔ, ɪtɔ wanklaan fɔdɛbwe. Fɔdɛ anɪ apiosɔ kɪ, titriu afɔɔ amɔ. 6 Amúɔtɔ aku baba bɛbla anɪ ɔpasua amɔ alíá fɛkɪ amúɔsɔ fɛé. Bɔ mbɔdɪ afusi amú ɔkpa alíá ibégyi Bulu ansi ɛ. 7 Tsufɛ Kristo sɔ buna. Bumɛdɛ tɔtɔ hɔ tsu aha ání bumegyɪ Akristofɔ wa. 8 Ilɛhian ání abéki aha anfi odusɔ alɪ, fɛkɪ anɪa amúnyɔ abóbwe kule yɔ ɔnɔkwali agyuma amɔ.

Diotrefe Mva Demetrio

9 Nawanolun ɔwulu ku sisi mli dodo, tame Diotrefe dekleá ɔbɔbwe mu iwi ɔpasua ɔhande. Mú su ɔmede anɩ pubwe tɔtɔ. 10 Nɩ neba mli wa a, nébla mli mu asun lalaheá ɔdeblɩ tsu anɩ iwi. Múá uma ale kuraa gyi ɔbee, mumóɔho apio amu afɔɔ. Ɔde aha e itin ka ɔbee, bumáki amósu. Ɔde aha ání beki amósu e gya le ɔpasua amuto.

11 Mɩ adwepu, mɩumákasi mu bwehe lalahe anfi. Mboun mɩkasi yile abwepu amu bwehe. Ɔhagyioha ání ɔɔbwe yile a, Bulu mu bi ogyi, tame ɔha ání ɔɔbwe lalahe mú meyin Bulu.

12 Demetrio mú a, ɔhagyioha tetɩ mu ɩdayile. Mu tsiato e idesuna ání ɔha wanklaan ogyi. Mɩ e ntetɩ mu ɩdayile. Mɩyin ání mɩ asun blihe igyi ɔnokwalɩ.

Ukla

13 Tekɩ asun tsɔtsɔtsɔ bu unvá nébla fu, tame mmedekleá nówanlun mú sisi fu. 14 Nde ɔkpa kíá móɔwa ɔpá kuraa néba mli wa, abétsia asɩ tɔɩ.

15 Bulu ɔha fu iwilwii.

Fu anyawie féé beha fu itsia. Neha anɩ anyawie amuto okugyioku e itsia.

JUD - - NKO Letter from Jude in the Nkonya Language of Ghana

Yuda

Yuda Ɔwɔlv

Yuda

Yuda

Yuda

Ɔwɔlv

1

Proofread 08-07-09

Itsiaha

1 Mɪ Yesu Kristo osumbi Yuda, Yakobo mu pio de ɔwɔlv anfi wanlɪn sɪsɪ aha ʼnɪ anɪ Sɪ Bulu letɪ, ɔtɔdwe amú, Yesu Kristo de amúsu kɪ.^s

2 Nde Bulu kokoli mbɛɛ, ɔhiɛ wun mlɪ nwe, ɔha mlɪ iwɪlwii pú ɔdwe.

Afunu Ato Asunapu

3 Apio adwɛpɔ, tɛkɪ nahɛ bwe agywɪn ʼnɪ nɔwanlɪn mlɪ ɔwɔlv tsu nkpa amɔv Bulu lahɔ mia mlɪnyɔ amɔ iwɪ. Tamɛ ilehian ʼnɪ nɔwanlɪn kokoli mlɪ, amlɪprɪ hogyi amɔv Bulu lapɔha mu aha ɔtsawɔlɛ pɛ amɔ nwun. 4 Tsufɛ aha aku baɣain bowie mlɪtɔ. Aha anfi ada ɪda ɔwɔlvɔtɔ dodo ha ɪsɔbitɪ, tsufɛ bɔtamanya Bulu ifu. Bɔdɛblɪ bɛɛ, unɪá Bulu tesi anɪ lakpan kie anɪ sɔ a, abɛtalɪ tsia tsiatɔ lalahɛ.

^s1:1 Ntɛ Bulu de amúsu kɪ ha Kristo.

Bakusu lu aní Wie pú aní Okpapu Yesu Kristo okule pe amusu.

5 Mliyin asun anfi fée dodo, tame ntra kain mliá aní Wie Bulu^t lekpa mu aha dali Egyipte osulusu, tame oma a, olomo amúá bumohu mu gyi fée tsalífwí. **6** Mlikain aní Bulu-abopu aku bumetsia otineá oleha amú tumi obee butsia. Mú su Bulu leha bowa amú ukan, butsie oklunto bugyo mu asun ogyike kpónkponti amu. **7** Sodom múa Gomorafu pú nkuda aní ilekafia amú e betsia wa atsi múa ayin asun. Alí ken Bulu leha ogya aní itamadun loho amú awulu fée, puda aha fée ola ní.

8 Alí nkude akunpu anfi e butokun nkude ní. Iteha butobwe lakpan pukpu amú íwí, butamanya Bulu tumi ifu. Butebli abususu pukpu onéá íbu numnyam e. **9** Bulu-abopu dehen Mikael kuraa mebli asun lalahe breá muá Obunsam bepri Mose fuli. Tóá olebli gyi, < < Bulu owa íyin wa fu! > > **10** Tame aha anfi mú butebli asun lalahe tsu toá bumonu mú así íwí. Amú bwehe lelían mbwíá buma agywíun. Múgyi toá ítehi amú e ní. **11** Alí aha amu bugyowí! Tsufe bapu Kain amu olomo mu gyama amu okpa. Bakula sika yobwe toá Bileam lobwe, bakusu lu Bulusu fe Kora.^u Mú su Bulu obéhi amú. **12** Aha anfi butopu ifin da ikulebwe atogyihe amu. Ní mliá amúnyc mlíde atogyi a, peli tamakíta amú. Akpapu bugyi, tame amú nkule kle buteki. Bugyi fe agyindeá itamatswie, afu tótsuan mú natí. Bugyi fe nyiá itamaswie nte bapuli mú, tu mú así, ílawu plíplíplí. **13** Amú pelula bu nyanya fe ntsusu-afuá itéda bobun ogbemgbesu. Bugyi fe ntsrakpabiá una detsun nwulutasu keke. Amú otsiakpa gyi oklun tuun aní Bulu lelayai ha amú bre fée.

^t1:5 Aní Wie Yesu nte Yosua bu nwulu dada amu akuto.

^u1:11 Kora lokusu lu Mose mu dehen Aaronsu.

14 Adam ɔma ɔlɔntɔ sienɔsɔtɔ obi Enok lebli amú ɔwɛ asun tswɛ. Ɔbɛɛ, < < Mlíkí, aní Wie mwa mu abɔpu wankíhe mpum afíní-afíní bɛba. **15** Ɔba begyi ɔyɛtɔ aha féé asun, ɔbitɛ aha ání butamanya mu ifu ɔsɔ. Amú lalaheá babwe pukusu lu musu, pú mu ɔwɛ asun lalaheá babli sɔ! > >

16 Aha anfi butɔtɔ ahasu, le aha ɔla, bwe lalahe kugyikvá budekle. Butotsu ɔwɛ, bun aha kpantsapa, mení bénya tɔá budekle.

Ɔlada Pú Tɔi Kpla

17 Tame apio adwepu, mlíkain asun ání aní Wie Yesu Kristo sumbi ayɔpu amu bɛbla mlisɔ. **18** Bɛbla mli bɛɛ, < < Nke trahe amutɔ a, ahinla abwepu bɛba. Bóbuo amú ɔwɔli lalahe. > > **19** Bubɔ mlitɔ dodo. Amú de mli nsune yinta nɛ. Amú onuto agywun de amú kpa, tsufe Ɔɛ Wankíhe amu má amúɔ. **20** Tame apio adwepu, mli mú a, mlipwe mli tsiatɔ dinka mli hogyi wankíhe amusu. Mlibɔ mpai Ɔɛ Wankíhe amu tumitɔ. **21** Mlitsia tsiatɔá Bulu-ɔdwe lasuna mli, bre anfi mlɛgyo aní Wie Yesu Kristoá ɔbɛba bowun mli nwe, ha mli nkpa ání itamata anfi.

22 Mliwun aha ání asun amu ɔmede amú wanki nwe. **23** Mlipri aku le ogya amutɔ, puhɔ amú nkpa. Mliwun aku nwe ifusu. Mlíkí wanklaan ání amú lalahe amu ɔméetsanki mli.

Bulu Kanfu Mpai

24 Muteha anitamadida, ɔtele lalahe le aní ɔwɛ, kpa aní ba numnyam amusu ibu bomli mu amu asi ansigyitɔ. **25** Mu nkule gyi Bulu pú aní Ɔhɔpu. Numnyam, obú, ɔwunlin pú tumi itsun aní Wie Yesu Kristosɔ itu mu. Tsu breá ɔyi mɔkutsua asi, bɔtu nde puya bre féé. Amen.

REV - - NKO Revelation to John in the Nkonya Language of Ghana

Atɔ Lɛsunahe

Atɔ́ Bɛɛ Suna Yohane

Atɔ Lɛsunahe

Atɔɛ.

Atɔ́ Bɛɛ Suna

Yohane

1

Proofread 08-07-09

1 Ini gyi atɔ́ Bulu leha Yesu Kristo lele suna mu asumpu tsu tɔ́ ibéba nke anfitɔ ɪwɪ nɪ. Yesu lɔwa Bulu-ɔbɔpu leba bɛɛ mú suna mu osumbi Yohane. 2 Yohane legyi togyitɔ́ olowun ɪwɪ adansɛ. Olegyi Bulu asun amu pú asun ání Yesu Kristo lebla mu féé ɪwɪ adansɛ ɔnɔkwaliɔ. 3 Bulu obóyula ɔha ání ɔtekla mu ɔnɔsu ɔtɔpu asun wanlinhe anfi suna Kristo ɔpasua amu. Obóyula aha ání butonu asun amu, gyi dɪnka músu ε, tsufe mú féé babɪ lafun ta.

Kristo ɔpasua Asienɔ Amu Itsiaha

4-5 Mɪ Yohane de ɔwɔɔ anfi wanlin sisi Kristo ɔpasua asienɔ́ mliɔ Asia ɔmáɔ.

ɔha amuu oletsia, ɔbu unu, ɔbélaba amu mua ɔɲe asienɔ́ bulu mu owie obia ansɔ́ pú Yesu Kristo bugyi mli buale, abuha mli iwilwii. Mugyi ɔdansɪyin ɔnɔkwaliɔ, ogyankpapuá ɔlɔkusɔ tsu afulitɔ, ɔyɔ́ awie féésu ogyipu.

Mutɔdwe anɪ, ɔlɔpu mu obugya ka anɪ nwunsu ɪkɔ, si anɪ lakpan kie

anị. **6** Alabwε anị mu iwie ogyikpa pú mu igyi ahapvá abósum mu Sị Bulu. Numnyam múa tumi ibwε mu kle bre fée! Amen.

7 Kí! Ọna nwulutasu ọba! Ọhagyiọha obówun mu. Aha amuu bowa mu pia amu kuraa bówun mu. Mu su ọyito aha fée bósu kuklukuu. Alị ibéba nị!

8 Anị Wie Bulu leblị ọbεε, < < Mıgyi Alfa múa Omega. Otumipu amuu oletsia, ọbu unu, ọbéba amu nị. > >

Kristo Le Suna

9 Mị, mli pio Yohane nị. Mịa mlinyo de ipian wun Yesu pú Bulu iwiegyi amu su, anide uklun nya lu kinkin. Bulu asun ọkanda pú Kristo ịwị asunbli su bale mị ya Patmo ọpu nsine ọsulusu. **10** Eke ọkúá igyi anị Wie eke a, Bulu Ọnye leba mịsu. Nonu ọme kv, ịlelin kuklukuu fe ọkpe ọtsawule pe mị ọma. **11** Ọme amu ọbεε, < < Wanlun toá fudewun wa ọwuluto, afupuya Kristo ọpasua asienọ, bugyi Efeso, Smirna, Pergamo, Tiatira, Sardis, Filadelfia pú Laodikea. > >

12 Breá nedamli mbεε, ankị ọha ání ọde mị asun bla a, nowun sika pepe ọkandie-oyiá ịbu abambi asienọ. **13** Ọha ọkúá ọlelian Nyankpusa-Mu-Bi amu lu ọkandie-oyi amu nsine. Ọlwa liga, ọlpu sika pepe ọfe tsan mu kantọ. **14** Mu nwun pú mu imi fée lofuli fe opuli mputo nte ọhrada. Mu ansibi aklambi ε lowankị fe ogya mpumpi.

15 Mu ayabi de ogya kpa fe kọbriá bafwị mú le ogyato ununu. Mu ọme idetsula fe ntsuá idekpa yi. **16** Ọde ntsrakpabi asienọ mu gyọputo.

Ọdayi ịya anyo klakla ledali tsu mu ọnọto. Mu ansito ihie dewankị fe ọpawị. **17** Breá nowun mu a, nemli bun mu ayabiasị fe ọha wuhe,

tame ọlpu mu gyọpi ịbị dinka mịsu, blị ọbεε, < < Mánya ifu! Mıgyi Ogyankpapu múa Ọtrahe amu nị. **18** Mıgyi ọkiankpapu amuu nowu amu nị. Kí, mbu nkpa bre fée! Mbu tumi lowu múa afulitọsu.

19 < < Wanlun tɔ́á fawun bɔtsun, mɔ́á ɪdɛba sei pú mɔ́á ɪbéba ɔma wa ɔwulɔ amɔtɔ. **20** Ntsrakpabi asienɔ amɔv fowun mɪ gyɔpɪtɔ pú sika pepɛ ɔkandɪɛ-oyi abambi asienɔ amɔ asɪ nɪ. Ntsrakpabi asienɔ amɔ igyi ɔpasua asienɔ amɔ abɔpu. ɔkandɪɛ-oyi abambi asienɔ amɔ ɛ gyi ɔpasua asienɔ amɔ.

2

Proofread 08-07-09

Efeso ɔpasua Nkla

1 < < Wanlun asun anfi sɪsɪ Akristofɔ ɔpasua ání ɪbu Efeso wulɔtɔ ɔbɔpu fɛɛ,^v

< < ɔha amɔv ɔdɛ ntsrakpabi asienɔ mɔ gyɔpɪtɔ, ɔna sika pepɛ ɔkandɪɛ-oyi abambi asienɔ amɔ nsɪnɛ amɔ ɔbɛɛ: **2** Nyin tɔ́á fɔdɛbwe fɛ́é. Nawun alɪ́á fɔvɪɛ fɔdɛ agyɔma yɔ, pú alɪ́á fɔdɛ nsi wa lu kinkin. Nyin ání futamakle aha lalahe asun. Fakapu aha amɔv buɔdɛ amú ɪwɪ tɪ Kristo sumbi ayɔpu amɔ, wun ání afunupu bugyi. **3** Fotomi wun ipian mɪ su, fɔmɛyinki ɔma. **4** Tame asun kulɛ pɛ́á mbu fu ɪwɪ gyi, ɔdwe ɪtra ma mɪa fɔnyɔ ntɛ fɔa fu aba nsɪnɛ fɛ gyankpapu amɔ. **5** Mú su kaɪn alɪ́á tɛkɪ fɔgyi asa fadɪda. Damli klɔntɔ, afɔlatsia fu atsiabi. Nɪ megyi alɪ a, néba beɛ fu ɔkandɪɛ-oyi amɔ lɛ mú aba ɔpasua atrahe amɔtɔ. **6** Tame toku kulɛ́á ɪbu alɛ fu ɪwɪ gyi, futamakle Nikolai abupɔv bwehe lalahe amɔ, fɛ alɪ́á mɪ ɛ ntamakle mú.

7 < < ɔha ání ɔbu asu onu asun ání ɔɲɛ Wankɪhe amɔ dɛ ɔpasua amɔ bla asɪ. Néha ɔha ání olegyi ɪsu obégyi Paradiso ndobitɔ oyi-abi amɔv ɪtɛha nkpa amɔ. > >

^v**2:1** ɔbɔpu anfi gyi Bulu-ɔbɔpúá ɔlu ha ɔpasua amɔ nɪ. ɪbu nfi mɔ́a 2:8, 12, 18; 3:1, 7, 14 ɛtɔ.

Smirna Ɔpasua Nkla

8 Ɔletra bla mɪ ɔbɛɛ, < < Wanlɪn asun anfi sɪsɪ Akristofɔ ɔpasua ání ɪbu Smirna wuluto ɔbɔpu fɛɛ,

< < Ɔha amuu ogyi Ogyankpapu mɔ́a Ɔtrahe, olowu lakusu tsu afulito amu ɔbɛɛ: **9** Nyin fu ipian wunhe pú ohian ání fudegyi, tame fubu ato! Nyin alɔ́a ɔpasua amuu bude ɪwɪ kɪ bɛɛ, Yudafo bugyi amu bude afunu wa dɪnka fusu. Megyi Yudafo bugyi, Ɔbunsam abuopu ɔpasua bugyi. **10** Máha ipian ání ɪbéba fusu ɪwa fu ifu. Nde fu bla, Ɔbunsam ɔbéha békita mlito aku tswɪ obu. Ɔbɔ́sɔ mli kɪ. Bédɪnka fusu nke du. Nɪ lowuto igyi o a, fu mú wa ɔnɔkwali. Néha fu usugyi-ɪpa, igyi nkpa ání ɪtamata.

11 < < Ɔha ání ɔbu asu onu asun ání Ɔɛ Wankɪhe amu de ɔpasua amu bla asɪ. Ɔhagyɪɔha ání olegyi usu a, lowu nyɔsɪ amu ɪméeda mu. > >

Pergamo Ɔpasua Nkla

12 Ɔletra bla mɪ ɔbɛɛ, < < Wanlɪn asun anfi sɪsɪ Akristofɔ ɔpasua ání ɪbu Pergamo wuluto ɔbɔpu fɛɛ,

< < Ɔha amuu ɔbu ɔdayi ɪya anyɔ klakla amu ɔbɛɛ: **13** Nyin ání futsie ɔtɪnéá Ɔbunsam owie obia tsie, tame fude fu hogyito kinkiinkin. Breá bɔmɔ mɪ adansɪe ogyipu ɔnɔkwaliɔ Antipa mli wa ɪnu kuraa a, fumekpa mɪ ɔma. **14** Tame mú o a, mbu fu ɪwɪ asun kpalobi ku. Mlito aku bubuo Balaam amuu olosuna Balak^w alɔ́a ɔbɔ́bwe Israelfɔ bɔ́bwe lakpan, ɔleha amú betsia wa atsi mɔ́a ayin asun, tsia gyi ɔkpɪto-ato amu. **15** Alɪ ken aku bubu mlitoá bubuo Nikolai atosunahe nɪ.

16 Mlɪdamli klunto. Nɪ megyi alɪ nóbofwie mlito, pu mɪ ɔnɔto ɔdayi

^w**2:14** lɪn bu Numeri 22--24to

amu kɔ amú.

17 < < Ɔha ání ɔbu asu onu asun ání Ɔɣe Wankihe amu de ɔpasua amu bla así.

< < Ɔhagyiɔha ání olegyi usu obégyi atogyihe amuu bɔpuɔain amu ku. Nétra ha okugyiɔku ibwi fututuá bɔwanlun ɔda pɔpwe dinka músu. Mu nkule ɔbébi ɔda amu. Ɔhaa méebi mú tsia mutɔ. > >

Tiatira Ɔpasua Nkla

18 Ɔletra bla mí ɔbeɛ, < < Wanlun asun anfi sisi Akristofɔ ɔpasua ání ɔbu Tiatira wuluto ɔbɔpu féé,

< < Bulu mu Bi amuu mu ansibi igyi fe ogya ɔdandu, mu ayabiasí igyi fe kɔbriá bapɔwa ogya, plí mú ɔwí amu ɔbeɛ: **19** Nyin fu bwehe féé. Nyin fu ahadwe, fu hogyi, fu osum agyuma pú fu nsiwa lu kinkin. Nyin ání fudebi bwe dun gyankpapu amu. **20** Tame asun ání mbu ha fu gyi, faha ɔtsi amuu buteti mu Yesebel, ɔde mu ɔwí ti ɔbeɛ, Bulu ɔnɔsu ɔtɔpu amu depu mu atosunahe mle mí asumpu, bude atsi mua ayin asun wa, bude ɔkpɔtɔ-atɔ e gyi. **21** Naki mu ansitɔ ání ɔbédamli kluntɔ bobuo Bulu, tame omedekleá obési mbuatɔ. **22** Mú su néda mu, wa mu ɔlɔ. Obówun ipian. Ní mua aha amuu bude mbua tɔ amu e bumesi, le ɔwí le mútɔ a, néha amú behie wun ipian. **23** Nómɔ mu abuopu amu. Akristofɔ ɔpasua féé bébiá mɔgyi ɔha amuu otowun aha kluntɔ pú amú nwuntɔ asun amu ní. Néka okugyiɔku ɔkɔ mu bwehe ɔnɔ.

24 < < Tame mlí aha trahe ání mlílasi mlíbu Tiatira wuluto, mlímobuo ɔtsi amu atosunahe amuu bude mú ti < Ɔbunsam asun ɔgainhe > amu mú a, mmóɔpu atɔ surahe kuku sura mlí. **25** Tame mlíkita mí atosunahe amuu mlíbu amutɔ kinkiinkin yɔfun breá néba. **26** Néha ɔha ání olegyi togyitɔsu, ɔletali bwe mí ape yɔfun ɔyi

onmoke tumi, obégyi omá féésu. 27-28 Obékpa amó owuntolinsu, bwiebwie amó blublublu fe abua. Obénya tumi amuvu mi Si lopuha mi amu odu. Nópú mu baka otsrakpabi ha mu, pusuna ání alagyi isu.^x

29 < <Oha ání obu asu onu asun ání Oge Wankihe amu de opasua amu bla asi.> >

3

Proofread 08-07-09

Sardis Opasua Nkla

1 Oleta bla mi obee, < <Wanlin asun anfi sisi Akristofu opasua ání ibu Sardis wuluto obopu fee,

< <Oha amuvu obu Bulu Oge asieno pu ntsrakpabi asieno amu obee: Nyin fu bwehe féé. Fubu ida ání fuki nkpa, tame fawu funa. 2 Mú su tsinki, afowa fu ato trahe amu owunlin, tsufe idekle iwu. Nawun ání fu bwehe lesian mi Bulu ansito. 3 Mú su kain toa bosuna fu pu múa fonusu. Gyi músu, afudamli klunto. Tame ni fumetsinki a, nóbofwie futu fe owikplu, fuméebi breá néba. 4 Tame aha aku bubu wulu amutoa bumokukpoi amó atadie.^y Bówa atadie fututu, mia amónyo abénati, tsufe bafun. 5 Néha oha ání olegyi isu obówa atadie fututu. Mméetsitsi mu ida le nkpa owulu amuto. Nébli mi Si mua mu abopu ansito mbee, mibu mu.

6 < <Oha ání obu asu onu asun ání Oge Wankihe amu de opasua amu bla asi.> >

Filadelfia Opasua Nkla

^x2:27-28 Israelfu luv 2:8-9

^y3:4 Bumokukpoi amó atadie asi gyi bumokubwe lalahé.

7 Oleta bla mi ɔbɛɛ, < < Wanlɛn asɛn anfi sɛsɛ Akristofɔ ɔpasua ɛnɛ
ibu Filadelfia wuluto ɔɔɔpu fɛɛ,

< < Oha amuu ɔɔwankɛ, ɔtamawa afunu, ɔɔɛ Owie Dawid saafi,
ofinki ohaa tamatalɛ fin, ofin ɛ ohaa tamatalɛ finki amu ɔbɛɛ: **8** Nyin
fu bwehe fɛɛ. Kɛ, nafinki obu yaɛ ha fu. Ohaa mɛɛtalɛ fin mɔ. Nyin ɛnɛ
fuma ɔwɛnɛn, tamɛ fagyi mi atosunahɛsu, fumɛkpa mi ɔma.

9 ɔbunsam abuoɔ amuu buɔɛ afunu wa bɛɛ, Yudaɔ bugyi amu a,
nɛka amɔ hɛ bɛba bɛɔa akpawunu fu ayabiasɛ. Amɔ fɛɛ bɛbɛɛ ntɔɔwe
fu. **10** Fagyi mi asunsu, fanya klɛn lu kinkiinkin. Mɔ su nɛɛ fu lɛ
ipian amuu nɔɔpuɔ ɔyɛɔ aha fɛɛ kɛ amuto. **11** Kɛ, nɛba nɛ. Mɔ su kita
uto amuu fubu amuto kinkiinkin, mɛnɛ ohaa mɔɔho fu usugyi-ɛpa lɛ fu
ibɛɔ. **12** Oha ɛnɛ olegyi usɛ a, nɔɔpu mu bwe mi Bulu ɔtswekpa obu
amu ɔtan. ɔmɛɛtra dalɛ unɛ ekekeɛke. Nɔwanlɛn mi Bulu ida dɛnka
musu. Nɔwanlɛn mi Bulu wulu, igyi Yerusalem ɔɔpwe amu ida dɛnka
musu. Wulu amuu ibɛkplɛ tsu ɔsusu mi wa ba amu, nɔwanlɛn mi
onuto ida ɔɔpwe amu ɛ dɛnka musu.

13 < < Oha ɛnɛ ɔbu asɛ onu asɛn ɛnɛ ɔɔɛ Wankɛhe amu ɔɛ ɔpasua
amu bla asɛ. > >

Laodikea ɔpasua Nkla

14 Oleta bla mi ɔbɛɛ, < < Wanlɛn asɛn anfi sɛsɛ Akristofɔ ɔpasua
ɛnɛ ibu Laodikea wuluto ɔɔɔpu fɛɛ,

< < Oha amuu butɛtɛ mu Amen, mu su Bulu asɛn fɛɛ uteba mɔɔɔ,
ogyi ɔɔɛnsɛyin ɔɔɔkwaliɔ, ɔtamawa afunu, ogyi Bulu atɔ bwehe fɛɛ
nwun amu ɔbɛɛ: **15** Nyin fu bwehe fɛɛ. Fumɛblɛ ogya, fumolwii ɛ. Nɛ
fɛblɛ ogya nte folwii a, tektɛ ibu alɛ. **16** Tamɛ fugyi bwianbwian,
fumɛblɛ ogya, fumolwii ɛ. Mɔ alɛ su nɔɔtu fu tsitsa. **17** Fɛɛ, atɔ onyapu
fugyi, fubu atɔ. Tɔɔɔ mɛɛɛ fu hian, tamɛ fuma tɔɔɔ. Fumeyin ɛnɛ

ohiani fugyi. Fubu nwe, fu ansibi labwie, funa yaya. **18** Mú su ndetɔ kpla fu mbɛɛ, pu kɔba bɔhɔ sika pepeá bafwi mú ogyatɔ mi wa. Mú ɔbéha fénya atɔ onutonuto ni. Ntra nde fu bla mbɛɛ, fubɔhɔ atadiɛ fututu, afuputin fu peli múa fu yaya amu. Bɔhɔ afa da fu ansibisu, menɪ fówun atɔ. **19** Aha ání ntɔdwe a, amú ntɔwa ɪyɪn wa, bitɪ amú ɪsu. Mú su wa nsi, afudamli kluntɔ. **20** Kɪ, nlu obu-ɔnɔ, nde agoo tswɪ. Nɪ ɔku lonu mi ɔmɛ, olefinki ha mi a, nébitiwie mu wa, mia munyɔ abówa ɪbi gyi atɔ. **21** Oha ání olegyi ɪsu a, néha mu obétsia mi wa, mi owie obia amusu. Alɪ ken mi ε negyi ɪsu, ntsie mi Sɪ wa mu owie obia amusu ni.

22 < <Oha ání ɔbu asu onu asun ání Oɲe Wankɪhe amu de ɔpasua amu bla asɪ. > >

4

Proofread 08-07-09

ɔsusu Bulusum

1 Inɪ ɔma a, nelawun atɔ bamba. Nowun ání obu lafinki ɔsusu. Nelanu ɔmɛ amusu ilegyankpa bla mi asun amu. ɔmɛ amu igyi fé ɔkpe. ɔlebla mi ɔbɛɛ, < <Du ba nfi, mi ansuna fu tɔá ilehian ání ɪbéba ɪnɪ ɔma. > > **2** Bulu Oɲe leba misu ɔtsawɔle pe. Múá nowun a, owie obia ku tsie ɔsusu ɪnu, ɔku tsie músu. **3** Oha amusu otsie músu amu ɪwɪ de ogya kpa fé abwi wanklaan kuá igyi pepe múa fututu. Mú ɔtɪneku ε igyi fé nyankputaa, ɪde ogya kpa bomli owie obia amu fé ɪbwi wanklaan kuá igyi fita bɔbwe.^z **4** Owie-mbia advanyɔ-na itsie bomli owie obia amu. Ahande advanyɔ-na bɔwa atadiɛ fututu butsie

^z4:3 Ibwi fututu amu ɪda gyi anfi yaspa. Pepe amu ɪda gyi kanelia. Fita bɔbwe amu ε ɪda gyi emerald.

mbia amusu, bubun sika pepe ipa. **5** Inu nyankpu lwa ibi fwi bi. Odekpie, oprada deputi dali owie obia amuto. Ibia asieno ulu owie obia amu ansito, idetsii. Mogyi Bulu Dje asieno amu ni. **6** Nowun glaasi opu kva musu ide ogya kpa fe atsufolibi, ida owie obia amu ansito.

Mbwi akva buki nkpa ana, ansibi iduadua amu nkpa mua oma fee, bobomli owie obia amu obun nsune unu. **7** Amuto ogyankpawu gyi fe gyata. Onyosi gyi fe onantwie yinhe. Osasi ansito igyi fe nyankpusa, onasi e gyi fe oyitsuá odefuli. **8** Okugyioku bu abamba asie, ansibi iduadua muto mua mu oma fee. Bude ulu wa opa onye bee,

< < Wanki, wanki, wanki gyi aní Wie Bulu Otumipu.

Muletsia, otsie, obelaba. > >

9 Mbwi amu butowa ulu amu, pu numnyam, obu mua ipan ha cha amuu otsie owie obia amusu, omooowu ekekeeke amu. Ni bobwe mu ali a, **10** ahande adwanyo-na amu e bamli bun cha amuu otsie owie obiasu amu ansito sum mu. Mubu unu bre fee ni. Fowun babwii amu owiepa amu tswi obia amu ansito bli bee,

11 < < Aní Wie pu aní Bulu!

Fulehian ani abopu obu, numnyam mua tumi ha, tsufe fulobwe ato fee. Fobwe togyito fu apeto.

Mu fee ulaba muto. > >

5

Proofread 08-07-09

Okufabi Amu Owulu Amu Tii

1 Inu oma a, nowun ani cha amuu otsie owie obia amusu amu de owulu kuntahe mu gyopito. Bowanlin ato dinka mu nkpa mua mu

ama fée, bapu okpin tan mú ɔnɔ tse sienɔ. **2** Inu nowun Bulu-ɔbapu otumipu ɔkúá ɔdekplun fite ɔbée, < <Ma lɔfun ání ɔbémain atɔ asienɔ anfi, tii ɔwulu amu ɔnɔ? > > **3** Bumenya ɔhaa ɔsusu nte ɔsulusu nte ɔwulu ayasiá ɔbétalɔ tii mú ɔnɔ, kla mú. **4** Inɔ su nehie su, tsufe bumenya ɔha ání ɔlɔfun, obétii ɔwulu amu nte ɔbékla mú. **5** Inu ahande amuto ɔkulɛ lebla mɔ ɔbée, < <Mátra su. Kɔ, Yuda abusuantɔ Gyata, ogyi Owie Dawid mu na amu lagyi isu. ɔlɔfun ání ɔbémain atɔ asienɔ amu, tii ɔwulu amu ɔnɔ. > >

6 Inu nowun Okufabi ɔku. Ulelian ání bapu mu ha igyi kɔ. ɔlu owie obia amu, akɔankpapu ana amu pú ahande advanyɔ-na amu nsune. ɔbu nsiebi asienɔ pú ansibi asienɔ. Mu ansibi asienɔ amu gyi ɔɛ asienɔá Bulu tɔwa sisi ɔwulu anfisɔ ɔtɛɛgyiɔtɛɛ nɔ. **7** Okufabi amu ledalɔ ba nkpa, ɔlɔbɔhɔ ɔwulu amu le ɔha amuu otsie owie obiasu amu gyɔpɔtɔ. **8** Inu mbwɔ amuu bukɔ nkpa ana amu pú ahande advanyɔ-na amuto okugyiɔku lemli bun Okufabi amu ansitɔ. Okugyiɔku de ɔsankuo pú sika pepe blanwebiá ɔhiɛn bɔ mú. Bulu aha mpai gyi ɔhiɛn anfi. **9** Akɔankpapu ana amu pú ahande advanyɔ-na amu buɛ ɔlɔ pɔpwe wa bée,

< <Fulɔfun ání fótɔsu ɔwulu amu,
main atɔ asienɔ amuu bɔputan mú ɔnɔ amu.

Tsufe bapu fu ha igyi, fɔpu fu obugya hɔ aha ha Bulu.

Fɔhɔ aha abusuangyiabusuan, ɔbligyiɔbli, ɔmágyiɔmá pú
ɔsulusu aha ɔtsan-ɔtsan féeɛtɔ.

10 Fayai fu iwie ogyikpa ha amú, fabwe amú fu igyi ahapúá bétɔsia
ha anɔ Bulu amu igyi.

Bégyi iwie ɔsulusu. > >

11 Nelakɔ, nonu Bulu-abapu tsɔtsɔtsɔ ɔmɛ. Buhie butɔá buma
ɔklatɔ. Bobomli owie obia amu múa akɔankpapu amu pú ahande

advanyo-na amu. **12** Bopu ome kpɔnkpɔnkpɔnti wa ɩv beɛ,

< < Okufabi amuv bɔpuha igyi amu lofun

ha tumi, iwinya mɔa

nyansa pɔ awuto ɔwɔnlɩn,

ɩdayile mɔa numnyam pɔ kanfu. > >

13 ɩnu nonu atɔá Bulu loɔwe fée ome. Mɔa ɩv ɔsu mɔa asi, ɔsulv

ayasi pɔ ɔputo fée, buɔe ɩv wa beɛ,

< < Kanfu, ɩdayile, numnyam pɔ tumi fée

iletsia oha amuv otsie owie obiasu amu

pɔ Okufabi amu bre fée! > >

14 Muv akɩankpapu ana amu bebli beɛ, < < Amen! > > ɩnu ahande
advanyo-na amu bemli bun sum Bulu mva Okufabi amu.

6

[Proofread 08-07-09](#)

Okpin Asienɔ Amu Main

1 Mi ansito ɩnu a, Okufabi amu lemain atɔ asienɔ amuv bɔputan
ɔwɩv amu ɔno amuto kule. ɩnu nonuá akɩankpapu ana amuto ɔkule
lele ɔno. Mu ome lelɩn fe ɔprada ɔbeɛ, < < Ba! > > **2** Nekɩ a, ɔpɔnko
fututu ɔku ni. Muv odɩnkapu amu ɔe ita, bobun mu owiepa. ɔlɔpu
ɔpɔnko amu kplɩ ba ɔsuluvu fe ɩv ogyipú ɔtra ɔba boko isa tsɔtsɔtsɔ,
ɔtra gyi ɩv.

3 Breá Okufabi amu lemain atɔ nyɔsiá bɔputan ɔwɩv amu ɔno a,
nonuá akɩankpapu amuto onyɔsi lebli ɔbeɛ, < < Ba! > > **4** ɔpɔnko
pepe ɔku ledali ba. Beha muv ɔdɩnkapu ɔdayi ɩya anyo tintɩn ku.
Beha mu tumiá ɔle iwilwii le ɔyito. Mú sv isa leda ɔtinegyiɔtine, aha
bomo aba.

5 Breá Okufabi amu lemain atɔ sasiá bɔputan ɔwulu amu ɔno a, nonuá akɪankpapu amuto ɔsasi lebli ɔbɛɛ, < <Ba! > > Neki a, ɔpɔnko bibi ɔku ni. Musu ɔdɪnkapu amu de skeeli. **6** Inu nonu ɔme ku ledali tsu mbwi amuv butsie nkpa ana amuto ɔbɛɛ, < <Ayo olonka kule nte umɔ olonka asa ɪbɔ́bwe ekewule ɪkɔka.^a Tame máyinta nfo múa wain-nyi mú. > >

7 Breá Okufabi amu lemain atɔ nasiá bɔputan ɔwulu amu ɔno a, nonuá akɪankpapu amuto ɔnasi lebli ɔbɛɛ, < <Ba! > > **8** Inu nowun ɔpɔnko ɔkuá mu ɪwi igyi fe nsuo. Musu ɔdɪnkapu amu ida gyi Lowu. Afulito e buo mu. Beha amú tumiá ni beye ɔyɪtɔ aku ana a, bumɔ iku kule. Bupu ɔdayi ɪya anyɔ múa akun, ɪɔ múa ɔsulusu mbwikita-atɔ mɔ amú.

9 Breá Okufabi amu lemain atɔ nusiá bɔputan mú ɔno a, nowun Bulu asuntɔ akɪtapu amu ɔkla afɔdiɛ-ɔswɪ amu ayasi. Bulu asun amu ɪwi adansɛ gyi su bɔmɔ amú. **10** Inu bɔsura okitikiti kuklukuu bɛɛ, < <Oo! Bulu Otumipu, fu ɪwi lɔwankɪ, fubu ɔnɔkwali. ɔmenke fégyi ɔsulɔ anfisɔ aha asun, fite anɪ obugya tsu anɪ amɔpu amu wa? > >

11 Mú ɔma a, beha amú féé liga fututu, bebla amú bɛɛ, butra tsia kpalobi. Butsia yɔfun breá bamɔ amú aba asumpu ahogyipu amu e, amú ɔdɔdɔɔ lafun asa.

12 Breá ndeki a, Okufabi amu lemain atɔ siesiá bɔputan ɔwulu amu ɔno. ɔsulɔ lekpunkɪ kuklukuu, owi lebi tuun fe tati bibi, ɔtsra e lepe kɔɔ fe obugya. **13** Musu ntsrakpabi bekpakpa bun ɔsulusu, fe afu kpɔnkpɔnkpɔntɪ latsun kpakpa pɔntɔ-abiá umɔkudan bun.

14 Nwulɔta lokunta fe ɔwulu, tsu mú natɪ. Abu múa ɔpu nsine ɔsulɔ féé ledali mú otsiakpa. **15** Inu nowun ání ɔyɪtɔ awie pú ahande pú isa

^a6:6 Ilosuna ání isa su atɔ béhiɛ wa ibia.

fututuutu, bude mbla. 10 Bɔsura okitikiti kuklukuu bɛɛ, < < Anɪ Bulu amuu otsie owie obiasu pɔ Okufabi amu tɔhɔ aha nkpa! > > 11 Inu a, Bulu-abɔpu amu fɛɛ belu bomli owie obia amu pɔ ahandɛ aduanyɔ-na amu pɔ akɪankpapu ana amu. Bemli bun, pu ansitɔ bun ɔsulutɔ owie obia amu ansitɔ, sum Bulu, 12 bli bɛɛ, < < Amen! lkanfu, numnyam, nyansa, ɪpan, obú, tumi pɔ ɔwunlɪn ɪbwe mu kle bre fɛɛ! Amen! > >

13 Inu ahandɛ amutɔ ɔkule lefitɛ mɪ ɔbɛɛ, < < Amɛndɪ gyi aha anfi bɔwa liga fututuutu anfi? Nkunu botsu? > >

14 Muu nebla mu mbɛɛ, < < ɔhandɛ, fu yin. > >

Muu ɔlebla mɪ ɔbɛɛ, < < Aha anfi gyi aha ání batsun asun wunhe kpɔnkpɔntɪ amutɔ dalɪ nɪ. Amú lafwɪ amú atadiɛ Okufabi amu obugyatɔ, ɪlafuli fututuutu nɪ. 15 Mú su bulu Bulu owie obia amu ansitɔ, bude mu sum ɔpa-onye mu ɔtswekpa ɪnu nɪ. ɔha amuu otsie owie obia amuu ɛ obétsia amútɔ, bun amúsu. 16 Akun mɔa ɔmɛwulɪ méɛtra kɪta amú, owi nte ɔpawɪ ɛ ɪmétra tɔ amú. 17 Tsufɛ Okufabi amuu ɔlu Bulu owie obia amu asɪ amu ɔbɔbwe amú ɔkpapu. Obégya amú nkpa, kpa amú ya nkpa-ntsu amu ɔwɪkpa, anɪ Wie Bulu obétsitsi amú ansi ntsú fɛɛ. > >

8

Proofread 08-07-09

Okpin Sienɔsɪ Amu Main

1 Breá Okufabi amu lemain atɔ sienɔsɪá bɔputan ɔwulɪ amu ɔnɔ a, ɔsusu lɔlɔa fɛ dɔnhwɪrɪ-fun. 2 Inu nowun Bulu-abɔpu asienɔ amuu bulu mu ansitɔ amu. Beha amútɔ okugyiɔku ɔkpe.

3 Bulu-ɔbɔpu bamba leba belu afɔdiɛ-ɔswɪ amu ansitɔ. ɔde sika

pepe blanwebiá butɔwa ɔhiɛn ogya mútɔ. Beha mu ɔhiɛn tsɔtsɔtsɔ, ɔlɔputsia Bulu aha mpaitɔ, puyedinka sika pepe afɔdie-ɔswi amuv iyi owie obia amu ansitɔ amuvu. **4** Mu ɔhiɛn amu ogyasi letsia Bulu aha amu mpaitɔ, kusuv tsu afɔdie-ɔswi amuvu yɔ Bulu ansitɔ. **5** Inu Bulu-ɔbɔpu amu lotsu ɔhiɛn blanwebi amu, ɔlele ogya afɔdie-ɔswi amuvu wa mútɔ, fin mú da ɔsuluvu. Inu nyankpu lɔwa ibi fwɔ bi. Odekpɛ, ɔprada deputi, ɔme ɔtsan-ɔtsan delin kuklukuv, ɔsulv ε dekpinki kpakpakpakpa.

Ikpe Asienɔ Amu

6 Bulu-abɔpu asienɔ amuv bude ikpe asienɔ amu ε beda iwɔsv ha mú fuli.

7 Bulu-ɔbɔpu gyankpapu lɔfuli mu ɔkpe. Muv botsu atsufolibi múa ogya ání obugya lefra mú, tswi mú wuli ɔsuluvu. Nɔ beye ɔsulutɔ asa a, mútɔ iku kule múa músv nyi pú músv ifa féé lɔhɔ plɔplɔplɔli.

8 Bulu-ɔbɔpu nyɔsi lɔfuli mu ɔkpe. Inu bɔtswi tɔku fe ibv kpɔnkpɔntiá idehɔ wa ɔputɔ, ɔputɔye asatɔ ikule ledamli obugya.

9 ɔputɔ mbwiá buki nkpa féétɔ ye asatɔ iku kule bowu. Ntsuvu ayibitɔye asatɔ iku kule ε lobwiebwie.

10 Inu Bulu-ɔbɔpu sasi lɔfuli mu ɔkpe. ɔtsrakpabi kpɔnkpɔnkpɔnti kuvá ide ogya tsii fe obia lekpa tsu ɔsvuv beda ntsu tsunheá ibv ɔyitɔ féétɔ ye asatɔ iku kulesv. **11** ɔtsrakpabi amu ida gyi < <ɔkita.> > Inu ntsu tsunhe amutɔye asatɔ iku kule lɔwa ɔkita dun ɔkpɔn. Mú ɔkita sv aha tsɔtsɔtsɔá bonu mú bowu.

12 ɔbɔpu nasɔ lɔfuli mu kle. lɔwɔ owi múa ɔtsra pú ntsrakpabitɔye asatɔ iku kule. Mú féé lodun. Inu sv ɔyikehe múa owi tahetɔye asatɔ iku kule ε loklun.

13 Neki a, oyitsu ɔku defuli, odesu kuklukuv ɔbeε, < <Aha ání

bétsia ɔsɔlɔ anɔfɔsɔ asa Bulu-abɔpɔ asa atrahe amɔ bófulɔ amó nkpe
bugyɔwɔ tsenyɔ-tsesa! > >

9

Proofread 08-07-09

- 1 Bulu-ɔbɔpɔ nusi lɔfulɔ mu ɔkpe. Nowun ání ɔtsrakpabi lekpa tsu
ɔsɔsɔ beda ɔsɔlɔsɔ, bɔpɔ ɔlɔn klukluukluá uma ɔka saafi ha mu.
- 2 Muɔ olefinki ɔlɔn klukluuklu amɔ ɔnɔ, ogyasi ledalɔ mútɔ fe obuntɔ.
Ogyasi amɔ ɔleha nsaintɔ féé ilebi tuun. 3 Inu atsantsanku bedalɔ tsu
ogyasi amutɔ ba ɔsɔlɔsɔ. Beha amó tumi bee, busura aha fe
nyankpukpie. 4 Bebla atsantsanku amɔ bee, bumápu ɔnɔ da ɔfa nte
nyi kuku, dɔn aha amɔ Bulu nsuhietɔ medɔn amó ɔɔkpɔ amɔ.
- 5 Bumeha amó ɔkpa ání bumɔ amó, tame buhie wa amó ɔwɔsɔn tsra
anu keke. Amó ɔwɔsɔn amɔ ibwe fe alíá nyankpukpie-sura tɔhɔ ɔsɔn.
- 6 Aha bóɔdunka lowu nke amutɔ, tame buméenya. Bɔbɔ mbɔɔɔɔ bówu,
tame bumóowu.
- 7 Atsantsanku amɔ belian mpɔnkɔá bahɔhie amó ha ɔsa, tɔku dɔn
amó nwunsɔ fe sika pepe ɔpa. Bɔwa anyankpɔsa ansitɔ. 8 Amó
nwunsɔ-imi bu ɔswɔ fe ɔtsɔ kle. Amó ayin e igyi fe gyata kle. 9 Bɔwa
kantɔ atintɔá bɔpɔ ɔɔɔtɔ bwe. Nɔ buɔɔɔɔɔɔ a, amó ate totsula fe
mpɔnkɔ múa akeke tsɔtsɔɔtsɔá busɔ bɔyɔ ɔsa. 10 Bubɔ odu, ɔtɔsura fe
nyankpukpie. Beha amó tumi bee, bɔpɔ amó odu amɔ pilan aha tsra
anu keke. 11 ɔlɔn klukluukluá uma ɔka amɔ ɔbɔpɔ gyi amó owie.
Butetɔ mu Hebrifɔ ɔblitɔ bee, Abadon. Griki ɔblitɔ e butetɔ mu bee,
Apolion. Mú asɔ gyi, < < Atɔ Oyintapɔ. > >
- 12 Asɔn wunhe gyankpapɔ lamɔ ɔnɔ a. Anyɔ trahe e iba.
- 13 Breá Bulu-ɔbɔpɔ siesɔ lɔfulɔ mu ɔkpe a, nonu ɔme ku ledalɔ.
ɔledalɔ tsu sika pepe afɔɔɔɔ-ɔswɔ amɔ okonki ana amutɔ Bulu ansitɔ

inu. **14** Ide ɔbɔpu amuu ɔlɔfuli ɔkpe amu bla ɔbɛɛ, < < Sanki abɔpu ana amuu beklɪ manta ntsu yile Efrate ɔno amu. > > **15** Bulu lɛla amú yai ha alɪ bre anfi, ofi anfi, ɔtsra anfi, eke anfi pú dɔnhwiri anfi ɔbɛɛ, busanki amú abuyɔmɔ ɔyito ahatɔye asato iku kule fée. **16** Bebla mía isa akɔpu amu ɔdɔdɔ bóbwe blɪba lafanyɔ (200,000,000), budɪn mpɔnkɔsu. **17** Nowun mpɔnkɔ pú amúsu adɪnkapu mɪ atowunhe amuto, bɔwa kantɔ atinto. Aku kle lɛpe fɛ ogya, aku kle lebi, aku ɛ kle igyi bate-nfɔ. Mpɔnkɔ amu nwun igyi fɛ gyata kle, ogya mía ogyasi pú atonkodu dɛdalɪ amú ɔno. **18** Alɪ asun wunhe aku asa, igyi ogya, ogyasi pú atonkodu amu ɪdɛdalɪ tsu mpɔnkɔ amu ɔno, ɪlɔmɔ ɔyito ahatɔye asato iku kule. **19** Megyi amú ɔno nkule asun wunhe tumi tɛdalɪ tsu. Ibu amú oduɔ ɛ, tsufe amú odu igyi fɛ ɪwɔ, ɪbu nwun, itepilan aha.

20 Anyankpusa amuu besian ɔsulɔsu, bumowu asun wunhe amuto amu fée bekina bumɛdamli klɪntɔ. Bumesi ɔɲɛ lalahe mía atunkuá bapu sika pepɛ, sika fututu, kɔbri, abwi mía nyi aná bwe sum. Alɪ ɔɲɛ lalahe pú atunku anfi butamawun ato, butamanu asun, butamanati. **21** Alɪ kɛn bumɛdamli klɪntɔ si amú tsiato lalahe; igyi ahamɔ, ɔkpé, atsi mía ayin asunwa mía owi amu ɛ bwe ni.

10

Proofread 08-07-09

Bulu-ɔbɔpu Mɪa ɔwulu Tukuriibi

1 Inu nɛlawun Bulu-ɔbɔpu ɔwunɪnpu bamba ɔkuá otsu ɔsusu. Agyinde lobomli mu, nyankputaa ɪlan mu awunsu. Mu ansito lɔwanki fɛ owi, mu ayabi igyi fɛ ɔsɔtiá ogya bu mútɔ. **2** ɔde ɔwulu tukuriibi kuá ɔletɛi mútɔ. Mu gyɔpi yabi iyi ɔpusu, mu bina yabi ɛ iyi ɔsulɔsu.

3 Ɔlɔkplɔn kuklukuu fe gyata dekpoun, ɔprada asienɔ amu lɔputi.

4 Breá ɔprada asienɔ amu lɔputi, mbɛɛ anwanlɔn asun amuu ɔleɓli amu a, nonu ɔme bamba tsu ɔsusu. Ɔme amu deɓli ɔbeɛ,

< < Máwanlɔn asun amuu ɔprada asienɔ amu ɔleɓli amu. Pɔwa fu kpawunuto. > >

5 Muu Bulu-ɔɔɔpu amuu nowun, ɔlu ɔpu múa ɔsulusu amu lotsu mu gyɔpi ibi fu a ɔsusu. 6 ɔnu ɔleka ɔha amuu ɔbu nkpa bre féé amu ntam. Muɔɔbwe ɔsu múa asi, ɔpu múa múto ato féé, ɔleɓli ɔbeɛ,

< < Buméetra si tsia! 7 Tame breá Bulu-ɔɔɔpu sienɔsi amu ɔɔɔfuli mu ɔkpe a, alɔ bre amuto Bulu asun ɔgainhe amuu ɔleɓiɛ yaɔ ɔbeɛ, múbwe amu ɔléba múto ni. ɔléba múto fe alɔ ɔleɓla mu asumpu, bugyi mu ɔnɔsu atɔpu amu. > >

8 ɔnu ɔme amuu ɔde mi asun bla tsu ɔsusu amu letra bla mi ɔbeɛ, < < Yɔho ɔwulu amuu ɔlafinki amu le Bulu-ɔɔɔpu amuu ɔlu ɔpu múa ɔsulusu amu ɔbitɔ. > >

9 Mú su nɔyo Bulu-ɔɔɔpu amu wa mbɛɛ, ɔpu ɔwulubi amu ha mi. Muu ɔleɓla mi ɔbeɛ, < < Ho, afuwɔ mú! ɔbɔwa fu ɔdwe debidebi fe ɔkwen, tame ɔméekana fu iputo. > >

10 ɔnu nɔho ɔwulubi amu le mu ɔbitɔ, nɔwi mú. ɔlɔwa mi ɔdwe debidebi fe ɔkwen, tame imetepi kana mi iputo. 11 Muu ɔletra bla mi ɔbeɛ, < < ɔlehian ání féleɓli asun amuu ɔléba aha féésu amu. ɔléba ɔmá féé, ɔbli ɔtsan-ɔtsan ablɔpu pú awie féésu, fe alɔ amuu Bulu lale suna fu amu! > >

11

Proofread 08-07-09

Adansifo Abanyo Amu

1 Iní ɔma a, beha mí oyiá butɔpususu atɔ. Muv Bulu-ɔbɔpu amu lebla mí ɔbeɛ, < <Kusu afuyosusu Bulu ɔtswekpa obu amu pú afɔdie-ɔswi amu, afukla unu asumpu amu. **2-3** Tame másusu nwunsinesu amu mú. Si unu tswi, tsufe Bulu lasi unu ha aha ání bumegyí Yudafɔ. Alí aha anfi bétsatsa wulu wankihe amusu tsra aduana-nyɔ (42), igyi nke ɔpum-ɔkule lafanyɔ aduesie (1,260). Néha mí adansíɔ abanyɔ bédida akpekpe, ha amú tumi bébli mí asun ání nale suna amú nke amuto. > >

4 Amúgyi nfo-nyi anyɔ pú ɔkandie-nyi anyɔ amuv ilu Bulu, ogyi ɔyi féésu ogyipu amu ansito ní. **5** Ní ɔku ɔbwe agywun ání obépilan amú a, ogya bédali amú ɔnɔ, ho mu mɔ. Alí ɔha ání odekleá obépilan amú obówu ní. **6** Bulu adansíɔ amu bubu tumiá bétali ha nyankpu omóotswie nkeá bópubli Bulu asun amu féé. Bubu tumiá bétali ha ntsu kugyiku bédamli obugya. Bétali le asun wunhe kugyiku ɛ ba ɔsulusu bregyibreá budekle.

7 Ní adansíɔ anfi bébli amú asun ta a, ɔbwikita-atɔ amuv ɔtedali tsu ilan klukluukluá uma ɔkato amu ɔbókɔ amú isa, gyi amúsu, mɔ amú. **8** Amú afuli bédí amú wulu yile brɔnusu. Buteti wulu yile anfi beɛ, < <Sodom múa Egypte. > >^b Inu beɛda amú Wie Yesu manta oyikpalihesu, mɔ ní. **9** Aha bótsu abusuangyiabusuan, ɔbligyiɔbli, ɔmágyiɔmá pú ɔsulusu aha ɔtsan-ɔtsan fééto ba beki afuli amu nkensa múa ifun. Buméeha ɔkpa abupula amú kuraa. **10** Bulu ɔnɔsu atɔpu abanyɔ anfi bawu su ansí bégýi ɔsulusu atsiapu. Bégýi nke kpɔnkpɔntí, kie aba atɔ, tsufe Bulu ɔnɔsu atɔpu anfi bawa amú ipian kpɔnkpɔntito kí. **11** Tame nkensa múa ifun amu ɔma a, Bulu leha ɔɛ

^b**11:8** Wulu yile anfi ida onuto gyi Yerusalem. Bɔpukapu Sodom múa Egypte, tsufe amú bwehe lalahe lelían aba.

lelawie amúto, belakusu lu ayabisu. Mú su ifu lehie kita aha ání
bowun amú. 12 Inu Bulu onosu atapu abanyo amu bonu ome
kpónkponti ku tsu osusu, ilebla amú obee, < < Mludu ba nfi! > > Amú
alupu amu bulu bude amú ki, agyinde lotsu amú ya osusu. 13 Osulu
lekpunku kpukpukpukpu ali bre amuto ken. Ni beye wulu amuto idu a,
iku kule féé lobwie bun osuluto gbloo. Aha mpum-sieno (7,000) bowu
osulukpunku amuto. Ifu lehie kita atrahe amu. Mú su bowa osusu Bulu
numnyam.

14 Asun wunhe nyosi latsun, sasi sri iba a.

Okpe Sienosi

15 Mvu Bulu-obapu osienosi lofuli mu okpe. Inu ome akpónkponti
lelu tsu osusu bee, < < Sei a, oyito iwiegyi lamli ani Wie Bulu mua
Kristo, (oha amvu Bulu lada mu ofuli amu) kle. Obégyi iwie bre
féé! > > 16 Inu ahande adwanyo-na amvu butsie amú mbiasu Bulu
ansito amu féé bobun, sum mu, 17 bli bee,

< < Ani Wie Bulu Otumipu, ada fu ipan.

Fuletsia, fubu unu bre féé.

Tsufe fapu fu tumi kpónkponti amu

fi fu iwiegyi asu!

18 Omá-omá benya oblo,

bre lafun ání fu e fénya oblo.

Bre lafun ání fégyi awupu asun.

Bre lafun ání fóbwe yile ha fu asumbi, bugyi fu onosu atapu
amu,

pú Bulu aha ání butenya fu ifu,

nyebi ahande féé.

Bre lafun ání féhi aha ání bamo aha oyito féé. > >

19 Ịnu befinki Bulu ọtswekpa kpọnkpọntị amụu ibu ọsusu amụ, bowun mụ Ntam-daka obu amụto. Ịnu nyankpu lwa ibi fwi bi. Odekpie, ọprada deputi, ọme ọtsan-ọtsan lẹlin kukluku, ọsulu lekpunku; atsufolibiá igyi fe akwebi lẹhie kpa.

12

Proofread 08-07-09

Ọtsi Amu Mba Buti Amu

1 Ịnu osuna kpọnkpọnti ku ledali ọsusu. Nowun ọtsi ọkwa ọdidi owi, mụ ayabi yi ọtsrasu. Obun owiepa, ntsrakpabi duanyo ipan mọsu.

2 Ọtsi amu de ọme, ikwu de mụ dwiin, odekikini, ọde okitikiti ogyo obi amu kwu.

3 Ịnu osuna bamba letra dali ọsusu. Nowun buti kpọnkpọnkpọnti ọkwa ọlẹpe, ọbu nwun asienọ pú nsiebi du. Owiepa asienọ bun nwun asienọ amusu. **4** Nị beye ntsrakpabi fẹ́eto aku asa a, buti amu lọpu mụ odu kiki mla iku kule, ọlẹbutia mọ kpa beda ọsulusu. Ọlu ọtsi amu ọme de mụ dwiin amu ansito, menị ọtsi amu onya kwu pe a, obotsu mụ bi amu me. **5** Ọtsi amu lọkwu obiyimbiá ọbékpa ọmá fẹ́e owuntolinsu. Botsu kebi amu ya Bulu wa, yeyai mụ obiasu. **6** Ịnu ọtsi amu lesri yo dimbisu ọtineá Bulu lẹla yai ha mụ. Beki mụsu nke ọpum-ọkule lafanyo aduesie (1,260).^c

7 Ịnu isa lẹda ọsusu. Bulu-ọbọpu dehen Mikael mba mụ aba abọpu bọkọ buti amu mba mụ aba abọpu. **8** Tame buti amu mba mụ abuopu bumetalu lu amú ọkọ, begya amú le ọsusu inu. **9** Ịnu bekpa buti amu buteti mụ iwo dada amu mba mụ abọpu beda ọsulusu. Mụ butetra ti

^c12:6 Nke ọpum ọkule lafanyo aduesie (1,260) anfi igyi nfinsa mba ifun.

Bulu olupu nte Satan pú ɔyito aha féé ɔmlepú ní.

10 Inu nonu ɔme kuklukuú kú lelín ɔsusu. Uleblí ɔbeɛ,

< < Sei gyi breá Bulu ɔbóho mu aha nkpa ní!

Bulu ɔbópu mu tumi gyi iwie.

Mu Kristo, (ɔha amuu Bulu lada mu ofuli amú) ɛ ɔbéle mu tumi
ɔwan.

Tsufe bakpa ɔha amuu oletsia le aní Akristofó ɔla amú da
ɔsulusu.

Ɔbunsam méetra ka asun dínka aní apiosu,
aní Bulu ansito ɛ.

11 Bapu Okufabi amú obugya pú mu ɔwí adansie amuu
begyi amú gyi musu.

Bumɔdwe amú ɔwí dubídubi,
su bumenya amú lowu kuraa ifu.

12 Iní su ɔsusu pú mlíá mlíbu inu féé,
mlínya ansigyí.

Tame ɔsulú múa ɔpu,
mlígyɔwí ní.

Ɔbunsam laba mlí wa ɔblɔsu,
tsufe alawun ání mu nke ɔtra mɔtsɔ. > >

13 Breá butí amú lowun ání bafin mu da ɔsulusu a, ɔlɔkusú kpíla gya
ɔtsí amuu ɔlɔkwú obi amú. **14** Tame beha ɔtsí amú oyitsu

kpɔnkpɔnkpɔntí abamba anyɔ, mení ɔbétalí fulí sí butí amú yɔ mu
otsiakpa dimbisú inu. Bulu ɔbékí musu inu nfinsa múa ifun.^d **15** Inu

butí amú lefen ntsu tsunhe dalí mu ɔnɔtɔ wulí ɔtsí amú ɔma, mení
ɔbékíta mu natí. **16** Tame ɔsulú legyi ɔtsí amú buale. Ntsu amuu butí

^d**12:14** Nfinsa múa ifun igyi nke ɔpum ɔkulé lafanyɔ aduesie (1,260).

amu lefen tsu mu ɔnɔɔ amu fée leme wie ɔsulɔɔ. 17 lnu buti amu lenya ɔblo ɔtsi amusu, pu mu ɔblo gya mu abi atrahesu. Amúgyi aha ání butegyí Bulu mblasu, buɔe Yesu iwi adansie gyi a. 18 lnu buti amu lesi ɔda ɔpu amu ɔno.^e

13

Proofread 08-07-09

Mbwikita-atɔ Anyɔ Aku

1 lni ɔma a, nowun ání ɔbwikita-atɔ kpɔnkpɔnti ɔku dedali tsu ɔpu amuto ɔba. ɔbu nwun asienɔ pú nsiebi du. Owiepa bun nsiebi amu kugyikusu. Bɔwanlin ida ání ɔlɔkusu lu Bulusu dinka nwun amu kugyikusu. 2 ɔbwi amu gyi fe dundu, tame mu ayabi lomoni, mu akuti bu iswi fe osisre ayabi, mu ɔno e igyi fe gyata ɔno. Buti amu ɔpu mu tumi, iwiegyi pú ɔwunlin ku ha ɔbwi anfi. 3 Nowun ání ɔlɔ kpɔnkpɔnti ku idin ɔbwi amu nwun asienɔ amuto kulesu. ɔlɔ amu lomoni, ibétali mɔ mu, tame ɔlɔta, omowu. ɔlɔwa ɔyito aha fée wanwan, bekpla buo mu. 4 Bosum buti amu, tsufe alapu mu tumi ha ɔbwi amu. Bosum ɔbwi amu e, fite beɛ, < < Ma ɔfun ɔbwi anfi? Ma ɔbétali lu kɔ mu? > >

5 Bulu leha ɔbwi amu ɔkpa ání ɔbli abususu akpɔnkpɔnti pukusu lu musu. ɔleha mu ɔkpa ání ɔbwe tumila kugyikuá odekle tsra advananyo (42), igyi nfinso móa ifun amuto. 6 ɔbwi amu lobwii ɔno, bli abususu pukpɔi Bulu mua mu ida pú aha amusu bubu ɔsusu, igyi mu otsiakpa amu. 7 Bulu leha mu ɔkpa ání ɔko Bulu aha, ogyi amúsu. ɔleha mu ɔkpa ání ogyi iwie abusuangyiabusuan, ɔbligyiɔbli, ɔmágyiɔmá pú ɔsulusu aha ɔtsan-ɔtsan féesu. 8 ɔyito aha fée bósum

^e12:18 lni bu nwulu dada amu akuto: *lnu nesi lu ɔpu amu ɔno.*

ɔbwi amu. Aha ání bumóosum mu gyi aha ání bɔwanlɔn amú ada wa Okufabi amuu bɔpuha igyi asa ɔyi lebelɔn amu nkpa ɔwulɔɔ.

9 ɔha ání ɔbu asu onu. **10** ɔha ání ida yai ání békita mu ndoun ɛsato a, békita mu ɛsato, kpa mu nati. Nɛ ida yai ání ɔku obésin ɔdayi ɔno ɛ a, ɔdayi ɔno obésin. Inɛ su Bulu aha butomi, abulu kinkin amú hogyiɔɔ.

11 Inu netra wun ɔbwi ɔku ɛ lɔwɔ dali ɔsulɔɔ. ɔbu nsiebi anyɔ fe okufabi, tame ɔlɔɔ fe buti. **12** ɔbwi anfi lu ɔbwi gyankpapu amu ansito, ɔlɔɔ mu agyuma kugyiku ɔbwi gyankpapu amu tumiɔɔ. Inɛ leha ɔsulɔsu atsiapu féé bosum ɔbwi gyankpapu amuu ɔlɔ ledinka mu, ulɛta, omowu amu. **13** ɔbwi nyɔsi amu lɔbwe osuna akpɔnkpɔnti. ɔleha ogya lekpa tsu ɔsusu beda, aha féé bowun. **14** ɔlɔpu osuna amuu ɔlɔbwe ɔbwi gyankpapu amu ansito amu mle ɔyito aha ɔbeɛ, buɔwe ɔkpi, ogyi fe ɔbwi gyankpapu amuu bɔwɔ mu ɔdayi ɛya anyɔ, omowu, ɔtra otsie nkpa amu. **15** Bulu leha ɔbwi nyɔsi anfi ɔkpa ání ɔwa ɔkpi amu ɔɛ, fówun ibétali tɔ. Inu ɔkpi amu leha ɔbeɛ, bumɔ aha ání bumóosum mu. **16** ɔleha ání buhie aha féé nsu, amú gyɔpi ibisu nte amú ɔsukpi; nyebi ahandɛ, ahianfɔ múa asikafɔ, nkɔpábi múa ɛwi agyipu. **17** ɔhaa méetalɛ fe tɔtɔ nte ho tɔtɔ, nketi ɔha ání ɔbwi amu nsuhieto, igyi mu ida nte ibiá ulu ha mu ida dɛn musu.

18 Inɛ lehian nyansa, menɛ fétali nu ibi amu asi. Ibi amu ulu ha ɔbwi gyankpapu amu, igyi oyin ɔku ida. Ibi amu gyi lafasie aduesie-sie (666).

14

Proofread 08-07-09

Okufabi Amu Mwa Mu Aha

1 Inu nelawun Okufabi amu lu Sionbusu. Aha mpim lafakule advana-na (144,000) bulu mu wa. Okufabi amu mua mu Si ida din amú osukpi. 2 Inu nonu ome ku tsu osusu fe ntsu labula, idekpa yi, nte oprada deputi, nte fe nsankuo tsotsotsotsu budeda. 3 Bude ilu popwe ku wa owie obia amu, akiankpapu ana amu pu ahande advanyo-na amu ansito. Ohaa ma unwa obetali suan ilu amu osulu anfisv, nketi aha mpim lafakule advana-na (144,000) amuv Bulu laho amú nkpa tsu osulusu amu nkule pe. 4 Ali aha anfi gyi aha ani amú iwi letin, bumeyin otsi, butobuo Okufabi amu otinegyiotineá oyo ni. Amú nwunsu iko oleka anyankpusa féétó, fe ato-abi gyankpapo ha Bulu mua Okufabi amu ni. 5 Butamawa afunu, olala kuku e uma amú iwi.

Bulu-abopu Abasa Asun Blihe

6 Inu nelawun Bulu-abopu okwa ona afuto, ode asun wanklaan amuv ibu nu bre féé amu. Oba bebla oyito aha, abusuangyiabusuan, obli gyi obli ablipu, omágyi omátó aha pu aha otsan-otsan. 7 Bulu-abopu amu lokplun bli obee, < < Mlunya Bulu ifu, amlwa mu numnyam, tsufe mu asungyibi lafun. Mlsum mu. Mulobwe osu mua asi, opu mua ntsu féé! > >

8 Bulu-abopu onyosi e lobuo mu, bebli obee, < < Babilon labwie. Wulu yile Babilon labwie. Tsufe Babilon laha omá-omá banu mu mbuato-nta ani iteha Bulu oblo tokusu! > >

9 Bulu-abopu sasi e buo amú, odebli obee, < < Ni oku losum obwi amu mua mu okpi amu, ha bopu amú nsuho to hie mu osukpi nte mu ibi nsu a, 10 ali oha amu obónun Bulu oblo-nta, bumefra mú asa betsei mú wa Bulu oblo-eweto ni. Bulu abopu ogya mua atonkodu bitu mu isu, mu abopu wankihe pu Okufabi amu ansito. 11 Amú isubiti ogya amu ogyasi bokusu yo osusu bre féé. Ali aha amu gyi aha amuv

bosum ɔbwɪ amɔ pɔ mu ɔkpɪ, ɔbwɪ amɔ nsuhɪɛɔ dɪn amɔsɔ amɔ nɪ.
lɪ mɔɔlwɪi amɔ ekekeɛɛɛ. > >

12 lɪ sɔ ilehɪan ʌnɪ Bulu aha bɔtɔmɪ lu kɪnkɪn, gyɪ Bulu mblasɔ,
wa ɔɔkwɪlɪ ha Yesu nɪ.

13 lɪv nonu ɔmɛ ku lotsu ɔsɔsɔ ɔbɛɛ, < < Wanlɪn tswɪ fɛɛ, < Ansɪ
bɛgyɪ aha ʌnɪ bɔwu ʌnɪ Wie agyɔmatɔ tsu sei pɔya! > > >

Bulu ɔɲɛ amɔ ɔbɛɛ, < < Eɛ, ɪbɔ mɔtɔ. Ansɪ bɛgyɪ amɔ leɛ. Bɛda
ɔkpɔnɔ tsu amɔ ipɪan fɛɛtɔ, tsufɛ amɔ bwehɛ wanklaan bɔbuo
amɔ. > >

Bulu Asungyi lɪ Atowunhɛ

14 lɪv nɛlakɪ a, agyɪnde fututu ku nɪ. ɔha ɔkvɔ ɔgyɪ fɛ Nyankpɔsa-
Mu-Bɪ amɔ tsɪɛ agyɪnde amɔsɔ. Obun sɪka pɛpɛ owɪɛpa, ɔdɛ tsɪnɪ
klakla ku. **15** lɪv Bulu-ɔbɔpɔ ɔku ɛ leɔalɪ tsu ɔsɔsɔ Bulu ɔtswekpa ɪnɔ
ba. Mɔv ɔɔkplɪn bla ɔha amɔv ɔtsɪɛ agyɪndesɔ amɔ ɔbɛɛ, < < Pɔ fu
tsɪnɪ amɔ tɪn atɔ-ʌbɪ, tsufɛ ɔsulɔsɔ atɔ-ʌbɪ lapɛ yɔɪ. Mɔ tɪnbɪ
lafɔn! > > **16** Mɔ sɔ ɔha amɔv ɔtsɪɛ agyɪndesɔ amɔ letɪnkɪ mu tsɪnɪ
amɔ, tɪn ɔsulɔsɔ atɔ-ʌbɪ amɔ fɛɛ.

17 Bulu-ɔbɔpɔ ɔku ɛ leɔalɪ tsu ɔsɔsɔ Bulu ɔtswekpa obuto ɪnɔ. Mu ɛ
ɔdɛ tsɪnɪ klakla ku.

18 Mɔv Bulu-ɔbɔpɔ ɔkvɔ ɔbɔ tumɪ ɔgya amɔsɔ ɛ leɔalɪ tsu afɔɔɔɛ-
ɔswɪ amɔ ʌsɪ ba. ɔɔkplɪn bla Bulu-ɔbɔpɔ amɔv ɔdɛ tsɪnɪ amɔ ɔbɛɛ,
< < Pɔ fu tsɪnɪ amɔ ka wɪn-ʌbɪ amɔ ɔkpɪtsa, tsufɛ ʌbɪ amɔ
ɪlapɛ. > > **19** Mɔ sɔ Bulu-ɔbɔpɔ amɔ lɔtsɪwɪ mu tsɪnɪ amɔ kaka
ɔsulɔsɔ wɪn-ʌbɪ ɔkpɪtsa fɛɛ, kpa wɪn-ʌbɪ amɔ wa ɔtɪnɛá butenyɪmɛ
ntsɔ le mɔtɔ. lɪ ɪlu ha Bulu ɔblɔ. **20** Wulu amɔ mmuatse benyɪmɛ
wɪn-ʌbɪ amɔ. Obugya leɔalɪ mɔtɔ, ɪɔɔtsɪn waa fɛ ntsɔ tsɪnhɛ. Mɔ
ɪswɪtɔ bɔbwe maɪlɪ lafakɔlɛ adukwe (180). Mɔ oklu ɛ bɔbwe ayabɪ

anu.

15

Proofread 08-07-09

Bulu-abɔpu Pú Asun Wunhe Asienɔ Trahe

1 Inu nowun osuna bamba kuá ibu ifu, ibu wanwan ɔsusu. Nowun ání Bulu-abɔpu asienɔ bude asun wunhe asienɔ́ Bulu ɔbɔpubiti aha usu asa uklonto bólwi mu.

2 Inu nowun ɔpu kuá igyi fe ahuhwe, ulepe fe ogya. Nowun ání aha bulu mú ɔno, bude Bulu nsankuo. Alí aha anfi gyi aha ání bakɔ gyi ɔbwi gyankpapo amu mua mu ɔkpi amu pú nsuhie-ibi amuu ulu ha mu ida amusu ni. 3 Bude Bulu osumbi Mose mua Okufabi amu ulu wa bee,

< < Aní Wie Otumipu,
fu bwehe bu ifu, ibu wanwan.
Fu bwehe féé igyi ɔnokwalí, ida ɔkpa.
Owieá mu iwiegyi tamamɔ ɔno.

4 Aní Wie, ma oméenya fu ifu, wa fu numnyam?

Tsufe fu nkule lowanki.
ɔma féé béba bosum fu,
tsufe fale fu yilebwe ɔwan. > >

5 Iní ɔma a, neki ɔsusu, nowun ání Bulu ɔtswekpa obu, igyi tati-obu amuu itosuna ání Bulu bu amú wa amu ɔno iyaa. Nowun múto ɔwankikpa amu. 6 Nowun Bulu-abɔpu asienɔ amuu bɔpu asun wunhe kpɔnkpɔnti asienɔ ba amu. Bedali tsu ɔwankikpa unu. Bɔwa ɔhrada atadiéá ulowanki, ide ogya kpa, bɔpu sika pepe ɔfe tsan.

7 Akiankpapu ana amuto ɔkule leha Bulu-abɔpu asienɔ amuto

okugyioku sika blanwebiá Buluá ɔbu unu bre féé ɔblo ibo mú dededede. **8** Bulu numnyam pú mu tumi leha ogyasi lobula Bulu Ɔwankíkpa unu féé. Ɔhaa metalí bitiwie múto, yɔfun breá Bulu-abɔpu asienɔ amu batsei asun wunhe asienɔ amu féé wuli ɔsulusu.

16

Proofread 08-07-09

Bulu Ɔblo Ablanwebi

1 Inu nonu ɔme kpɔnkpɔnti kuá ɔledali tsu Bulu Ɔwankíkpa unu. Ide abɔpu asienɔ amu bla ɔbeɛ, < < Mliyo, amliyetsei Bulu ɔblo ablanwebi asienɔ amu wuli ɔsulusu. > >

2 Mú su ɔbɔpu gyankpapu ledali tsu Bulu ɔtswekpa unu yetsei mu kle wuli ɔsulusu. Inu aha amuu ɔbwi amu nsuhieto idin amúsu, bude ɔkpi amu sum amu iwi letsitsi nlo akpɔnkpɔnti, ide amú dwiin.

3 Ɔbɔpu nyɔsi letsei mu kle wa ɔputo. Ɔpu amu lemli fe fuli obugya. Togyitoá ɔbu ɔpu amuto lowu.

4 Ɔbɔpu sasi letsei mu kle wa ntsu tsunhe pú abunkpabi féétɔ. Mú féé ilemli obugya. **5** Inu nonuá Bulu-ɔbɔpuá ɔteki ntsusu lebla Bulu ɔbeɛ, < < Oo Ɔwankípúá fubu unu bre féé. Fu asun da ɔkpa ání fabiti amú isu ali. **6** Tsufe bamɔ fu ɔnɔsu atɔɔpu pú fu aha, tsei amú obugya wuli ɔsulusu. Mú su faha bapu obugya ha amú fée, bunun ni. Inu lekana ha amú ni. > > **7** Inu nonu ɔme kuá ɔledali tsu afɔdiɛ-ɔswi amu asi ɔbeɛ, < < Ee, aní Wie Bulu Otumipu, fu isubiti igyi ɔnɔkwali, ida ɔkpa. > >

8 Muu ɔbɔpu nasi letsei mu kle wuli owi. Mú su owi ɔno lɔwa ɔnlun, ɔleha mú ide aha to fe ogya. **9** Owi amu ɔlɔto okugyioku. Bulu bu tumi asun wunhe anfi féésu, tame bekina bumedamli klunto; puwa mu

numnyam, mboun lwu bɔlwu mu.

10 Onusi letsei mu kle wuli ɔbwi amu owie obiasu. ɔbwi amu iwie ogyikpa fée loklun. lwɔsin su mu abuoƆu amu ɔbwi amú ɔdandu.

11 Tame bekina bumedamli kluntɔ si amú lalahe amu fée bwe.

Mboun bɔlwu ɔsusu Bulu, lwɔsin amuu budewun amu su.

12 Osiesi letsei mu kle wa ntsu yile Efratetɔ. Ntsu amu fée lekpi le mú ɔbuntɔ. lɔ lɛla ɔkpa ha awieá botsu owi ɔdalɔkpa pú amú isa akɔƆu betalɔ tsun ba unu. **13** lɔu nowun ɔɲe lalahe asa akvá bugyi fe agyongyo, bedalɔ tsu butɔ amu ɔntɔ, ɔbwi amu ɔntɔ pú ɔntɔ ɔtɔɔƆu ofunupu amu ɔntɔ. **14** ɔɲe lalahe anfi bubu tumi bwe osuna akƆɔnkƆɔntɔ. Bɔtsun ɔsulɔsu awie féeƆu, menɔ békpa amú fée wa abatɔ, béba bɔkɔ anɔ Wie Bulu Otumipu isa eke yile amuu igyi mu asun ogyike amu.

15 Anɔ Wie ɔbɛɛ, < < Kɔ, néba fe owikplu. Bulu obóyula ɔha ání ɔlɛda lwɔsu, alala mu atadie yai, menɔ ɔméenatɔ yaya, pelɔ méekita mu. > >

16 Muu ɔɲe lalahe amu bekpa awie amu yefia ɔtɔnekvá butetɔ unu Hebrifo ɔblɔtɔ bɛɛ, < < Harmagedon. > >^f

17 lɔu Bulu-ɔbɔƆu sienɔsi letsei mu kle wa afutɔ. ɔme kuklukuƆu ku ledalɔ tsu Bulu ɔtswekpa unu owie obia amutɔ ɔbɛɛ, < < Ulata! > >

18 lɔu nyankƆu lɔwa ibɔ fwi bɔ. Odekie, ɔprada deƆutɔ. ɔme ɔtsan-ɔtsan lelun kuklukuƆu, ɔsulɔ lekƆunkɔ kƆunkɔ kvá mú odu mɔkuba kɔ tsu breá aha belun ɔyɔtɔ ɔpá. **19** Wulu yile Babilontɔ leye asa. Awulu yileá ibɔ ɔyɔtɔ fée ilobwiebwie. lɔu Bulu lekain Babilon lakpan féeƆu, ɔbɔƆu mu ɔblɔ kƆɔnkƆɔntɔ ewetɔ-nta amu ha mu olonun. **20** ɔƆu nsine ɔsulɔ kugyiku lɔfwɔ, abu e fée leɲa. **21** Atsufolibi akƆɔnkƆɔntɔá mú

^f**16:16** *Harmagedon* asɔ gyi, Megidobu. Bɔkɔ isa tsɔtsɔtsɔ ibɔ anfisɔ.

odwinto bóbwe fe kilo adueni (50) lekpa tsu nwulutasu beda ahasu.
Atsufolibi amu onno onlin su bolwu Bulu.

17

Proofread 08-07-09

Obu-onno Otsiapu Kponkponti Amu

1 Inu Bulu-abopu abasienco amuu bekita ablanwebi amuto okule leba
bebla mi obee, < < Ba, ansuna fu alia breá Bulu obébuti obu-onno
otsiapu kponkponti amuu otsie ntsu tsotsotsotsu amu isu. **2** Mwa oyito
awie féé bató mbua. Oyito aha féé banun mu mbuato-nta bu. > >

3 Inu Onye amu leba misu, Bulu-abopu amu lotsu mi ya dimbisu.
Nowun otso oku tsie obwikita-ato pepe okusu unu. Obwu amu bu nwun
asienco pu nsiebi idu. Bowanlin ada aní ulokusu lu Bulusu dinka mu
iwí féé. **4** Otso amu lwa atadiéá igyi faasi-ntsu múa pepe. Olwa
abuto wulhe otsan-otsan, ode sika pepe owebi mu gyopito. Akisito pu
mu obu-onotsia ifin lobula mú dedeéde. **5** Bowanlin ida kuá mú así
lenain dinka mu osukpi bee, < < Wulu yile Babilon, obu-onno atsiapu
féé oyin. Osulusu akisito féé owie. > > **6** Nowun aní otso amu lanun
Bulu aha obugya bu. Aha anfi bomo Yesu iwí adansiégyi su ní.

Breá nowun mu a, onno lobwie mi. **7** Mwu Bulu-abopu amu lefite mi
obee, < < Ntogyi onno labwie fu alí? Néle asun gainheá ibu otso amu
mwa obwikita-ato amuu obu nwun asienco múa nsiebi du amu así suna
fu. **8** Obwu amuu fowun amu latsia kí. Otra oma unu sei, obélaba.
Tame umówa opa obédali tsu ilan klukluuklu amuu uma oka amuto yo
ohikpa. Osulusu atsiapu amuu Bulu mowanlin amú ada wa nkpa
owulu amuto tsu breá oyi lefi así amu onno bóbwie amú, tsufe bowun
aní obwu amuu oletsia, otra oma unu amu lala ba.

9 < < lnu lehian nyansa ání bópunu mú así. Nwun asienɔ amv igyi abu asienɔá⁸ ɔtsi amv de iwie gyi músu. **10** Nwun asienɔ amv ulu ha awie asienɔ ε. Abanu bawu bɔtsun, osiesi tsie obiasu sei a. Osienɔsi mɔkunya ba. ɔba a, bre kpalobi ku pe obétsia. **11** Owie okwesti gyi ɔbwɪ amvu oletsia, ɔtra ɔma unv sei amv. Abasienɔ amvɔ ɔkulɛ ogyi. Mv ε ɔbéhɪ fe mv aba amv.

12 < < Nsiebi du amvu fowun amv igyi awie iduá bumɔkunya tsia obiasu. Tame béyai amú mbiasu amú iwie ogyikpa. Amúa ɔbwɪ amv bégyi iwie bre itinbi. **13** Amú féé bóbwe agywun kulɛ, pv amú tumi ha ɔbwɪ amv. **14** Amúa ɔbwɪ amv bókwɔ Okufabi amv, tame Okufabi amv obégyi amúsu, tsufe mugyi asitɔ ɔsi pú awietɔ Owie nɪ. Mv abuopv gyi aha amvu Bulu latɪ amú, le amú, bubu ɔnɔkwali ha mv amv. > >

15 lnu Bulu-ɔbɔpv amv lebla mɪ ɔbɛɛ, < < Ntsu tsɔtsɔɔtsɔ amvu fowun ání obu-ɔnɔ otsiapv amv tsie músu amv ulu ha ɔmá-ɔmá pú ɔbli ɔtsan-ɔtsantɔ aha. **16** Nsiebi du amvu fowun ɔbwɪ amv nwunsu amv ε ulu ha awie iduá mva amúnɔyɔ bégyi iwie. Amú féé bólu obu-ɔnɔ otsiapv amv, swu mv atɔ féé, le mv yaya, wɪ mv aye, wa trahe ogya, ɪbóhɔ plɪplɪplɪplɪ. **17** Tsufe Bulu lɔpv agywun anfi wa amú féé nwuntɔ, menɪ bóbwe mv ape. Amú féé bɔpv amú tumi ha ɔbwɪ amv, yɔfun breá Bulu asun amv féé ɪbéba mútɔ. > >

18 lnu Bulu-ɔbɔpv amv letra bla mɪ ɔbɛɛ, < < ɔtsi amvu fowun atowunhe amvɔ amv gyi wulu yileá ɪde ɔsulusu awie féésu gyi nɪ. > >

18

⁸17:9 Abu asienɔ anfisv Roma wulu ɪdɪn nɪ.

Babilon Bwie

1 Iní ɔma a, nɛtra wun Bulu-ɔbɔpu ɔku ɛ dɛkpli tsu ɔsusu ɔba. ɔbu tumi kpɔnkpɔnti. Mu numnyam dɛwanki wuli ɔsulusu. 2 ɔlɔkplun kuklukuu ɔbɛɛ, < < Babilon labwie! Wulu yile Babilon labwie! Ulamli ɔŋɛ lalahe ɔtsan-ɔtsan fɛ́ɛ ɔŋainkpa. Ulabwɛ isia ha mbubwi lalahe pú mbwikíta-atɔ lalahe fɛ́ɛ. 3 Tsufɛ alapu mu mbuatɔ-nta amu da ɔmá-ɔmá fɛ́ɛ ɔno. Mba ɔyitɔ awie fɛ́ɛ batɔ mbua. Ibia agyipɔ fɛ́ɛ banya iwɪ tsu nkpa amuu olegyi amutɔ. > >

4 Inu nɛlanu ɔmɛ ku tsu ɔsusu ɔbɛɛ,
< < Mɪ abi, mlɪɛ iwɪ lɛ mutɔ!
Mlɪmáwa ibi mu lakpan amutɔ,
mɛnti mu asun wunhɛ amu ku mɛ́ɛba mlisu.

5 Tsufɛ mu lakpan lawɔ nwaluta.
Mú su Bulu lakain músu.

6 Pu mu lalaheá alapugyi fu aha ka mu ɪkɔ.
Pu mu bwɛhɛ ka mu ɪkɔ tsenyɔ-tsesa.
ɔlɔpu nta kpekple ha aha bonun.
Mú su pu múá ibu ɔnlun dɔn mú aku anyɔ ha mu onun.

7 Alagyi ɔdwe lalahe, tsu iwɪ dubi.
Mú su pu iwɪɔsin múa asun wunhɛ ka mu ɪkɔ sei.
ɔtɛbla mu iwɪ ɔbɛɛ,
< Owie tsihɛ ngyi, ntsie mɪ obiasu.

Megyi ɔsurapu ngyi, mmɔ́ɔwa nwe ɛkɛkɛkɛ! >

8 Mú su asun wunheá igyi akun, isu pú lowu bótu mu ɛkewule pɛ.
Bówa mu ogya, ɔbóho plɪplɪplɪ,
tsufɛ Otumipu anɪ Wie Bulu gyi. Mude mu isu bitɪ. > >

9 Osulusu awie amuv mva amúnyo bɔtɔ mbua, begyi ɔdwe lalahe amv bówun mv ogyasi, su kpisi. **10** Mv ipian amuv odewun amv ɔbɔwa amú ifu. Mú sv bélu tsutsuutsu bli bee, < < Gyɔwɪ nɪ! Babilon gyɔwɪ nɪ! Wulu kpɔnkpɔɔnkpɔntɪ, nkali sv Bulu labɪtɪ fu usv ɔtsawule pe alɪ? > >

11 Ɔyɪtɔ bia agyipu bósu, gyi awɪrehɔ, tsufe ɔhaa tra ɔma unvá ɔbɔhɔ amú atɔ fɛhe. Treasures|hk00144b.tif|span|REV18:11-14|Horace Knowles, The Bible Society, London|Ɔyɪtɔ bia agyipu atɔ fɛhe.|Atɔ Lɛsunahɛ 18:11 **12** Mvletsia hɔ sika pepe pú sika fututu atɔ, abwi wanklaan pú abuto wulihɛ, ɔhrada, ago, sɪkɪ atati pú kogyan, nyiá ɪbu ɔfan, atɔá bɔpv sɪfɔ-ɪse bwe, múá bɔpv nyiá ɪbu ɪbia sre, pú múá bɔpv kɔbrɪ múa ɪdatɔ pú abwiá ɪhɛ bu akɪle aná fɛé bwe tsɔtsɔɔtsɔ tsu amú wa. **13** Oletsia hɔ amú pɪpɪ, ɔhɪɛn, ohuam, apuse, nta, olif-nfɔ, nfuo wanklaan, ayo, nnantswie, akufa, mpɔnkɔ, akeke, tsia hɔ aha nkɔ́abi kura.^h **14** Bósu bli bee, < < Ntobi amuv futekle amv fɛé ladali fu ɪbɪ. Atɔ amuv futɔpuwa bite amv fɛé lahulɪ fu. Fuméetra wun mú ekekeke! > > **15** Bia agyipu amuv batsun musu nya ɪwɪ amv fɛé belu ɪfuntɔ, tsufe bude ifu nya ání bówun mv ɪwɪɔsɪn amv odu. Béki mv ipian amv, su gyi awɪrehɔ! **16** Bébli bee, < < Gyɔwɪ nɪ! Wulu yile, gyɔwɪ nɪ! Tekɪ fuhɛ fubv akɪle. Atati fututu múa pepe pú ago futɛdɪda. Sika pepe atɔ múa abutoá ɪde ogya kpa srasrasra futɔwa. **17** Atonyahe tsɔtsɔɔtsɔ anɪ fɛé lahulɪ fu ɔtsawule pe! > >

Ntsusu-yibi akanpu, mú ahande pú mútɔ agyuma ayɔpu pú ɪbia agyipu fɛé bɔwa ɪfɔ mv wa. **18** Nɪ bowun mv ogyasi amv a, bósura okitikiti bee, < < Wulu mɔmv ɪɔfun wulu anɪ ɔyɪtɔ fɛé? > >

^h**18:13** *aha nkɔ́abi nte anyankpusa-oyi múa akla.*

19 Békpa isi wa nwuntɔ, gyi awirehɔ, bli bɛɛ, < < Gyɔwɪ nɪ. Wulu yile, gyɔwɪ nɪ! Fv nyatɔ anɪ ntsusu ayibi awie féé anɪlanya ɪwɪ tsu. Fv ɪwɪsu atɔ féé lahi ɔtsawule pɛ! > >

20 Ɔsusu atsiapu féé, mɪnya ansigyɪ. Bulu aha, mu sumbi ayɔpu pú mu ɔnɔsu atɔpu féé, mɪnya ansigyɪ. Tsufe Bulu lagyi mu asun, bitɪ mu ɪsu, ɪtɔ amuv alapugyi mɪ amv sv.

21 ɪnu Bulu-ɔbɔpu ɔwɔnɪnpu ɔku lotsu ibwi kpɔnkpɔntɪ ku, tswɪ wa ɔputɔ. Muv ɔleblɪ ɔbɛɛ, < < Alɪ Bulu ɔbɔpu ɔblɔ bwie wulu yile Babilon, ɔhaa méetra wun mú ekekekɛ nɪ. **22** Ɔhaa méetra nu ɔsankuo adapu, ɪlɔ awapu, ɔtente afɔlɪpu pú ikpɛ afɔlɪpu nka wulu amutɔ ekekekɛ. ɪbɪ ɔnɔ agyuma kukuvku ε ɪméetra tsia unv. Búmétrɔ kwe nfuɔ unv ekekekɛ. **23** Ɔkandɛ kuku méetra wankɪ wulɪ unv, ɔhaa ε méetra nu oklu muv ɔka pɔpwe ɔmɛ unv ekekekɛ. Tsufe tɛkɪ mu ibia agyipu gyi aha kpɔnkpɔntɪ ɔyɪtɔ nɪ. Alapu mu atɔla mɛ ɔyɪtɔ aha féé, ha bafwɪ!

24 < < Babilon brɔnusu Bulu ɔnɔsu atɔpu amv obugya ibun. Mvɔmɔ Bulu aha ɔyɪtɔ féé nɪ. > >

19

Proofread 08-07-09

1 ɪnɪ féé ɔma a, nonu ɔmɛ kvá igyi fɛ ɔɔm ánɪ budɛkplɔn kuklɔkuv ɔsusu. Budɛblɪ bɛɛ, < < Haleluia!ⁱ Anɪ Bulu tɔhɔ aha nkpa. Mv nkule bu tumi múa numnyam, **2** tsufe mu ɪsubɪtɪ igyi ɔnɔkwali, ɪda ɔkpa. Alabɪtɪ okipu kpɔnkpɔnkpɔntɪ amuv ɔlɔpu mu obu-ɔnɔtsia yinta ɔyɪtɔ amv ɪsu, alafɪtɛ mu asumpu obugya tsu mu wa. > > **3** Butra budɛkplɔn kuklɔkuv bɛɛ, < < Haleluia! Wulu amv ogyasi lakusu yɔ

ⁱ19:1 *Haleluia* igyi Hebrifo ɔblɪ. Mú asɪ gyi, *Kanfɔ anɪ Wie Bulu!*

asusu bre fée! > > 4 lnu ahande aduanyo-na amu pú akiankpapu ana
amu bemli bun sum Bulu amuu otsie owie obia amusu, bli bée,
< < Amen! Haleluia! > >

Okufabi Amu Ōka Otsiake

5 lnu ome ku lelun tsu owie obia amuto obee, < < Mli Bulu asumpuá
mlitenya mu ifu, nyebi ahande fée, mlikanfu aní Bulu amu! > > 6 Mú
oma a, ome tsotsotsotsu lelun, fe ntsu bulahe detsun waa, nte oprada
deputi kuklukuu obee, < < Haleluia! Aní Wie Bulu Otumipu amu de
iwie gyi. 7 Mliha anya ansigyi, iwi isanki aní, awa mu numnyam!
Tsufe Okufabi amu ōka otsiake lafun. Mu ka amu lahíhíe iwi ta. > >

8 Beha mu okpa bée, owa ohrada atadiéá ulowanki, ide ogya kpa.
(Ohrada atadié anfi ulu ha Bulu aha yilebwe.)

9 Muu Bulu-óbopu amu lebla mi obee, < < Wanlun fée, < Bulu layula
aha ání alatí Okufabi amu okatsia nke amu así. > > > Muu oleta bla
mi obee, < < Asun anfi igyi onokwali, Bulu wa itsu. > >

10 lnu nemli bun mu ayabito, mbee ansum mu, tame olebla mi obee,
< < Mábwe! Tsufe Bulu osumbi ngyi fe fua fu apio amuu mlide Yesu
iwi adansie gyi amu. Sum Bulu nkule pe!

< < Tsufe aha amuu bude Yesu iwi adansie gyi amu bubu Bulu
onosu asunbli oge. > >^j

Ōponko Fututusu Ōdinkapu

11 lnu mua nówun a, asusu lafinki. Nelaki a, oponko fututu oku lu
a! Muu odinkapu amu ida gyi, < < Yile Obwepu pú Onokwalipu. > >
Otegyi asun, otoko isa e onokwalisu. 12 Mu ansibi aklambi igyi fe

^j19:10 Nte Onokwali amuu Yesu lebele owan amu teha aha butetali bli
Bulu asun amu ni.

ogya plenplen. Owiepa tsotsotsotsó ibun mu nwun. Ọbú ıda kúá
bówanlín dínka músú, ọhaa meyin mú tsia muto. **13** Ọlọwa liga áńí
bọwa mú obugyato. Mu ıda gyi, < <Bulu Asun.> > **14** Ọsusu isa
akọpú budín mpọnkọ fututusu. Bọwa ọhrada atadiéá ọlọwankí, ıde
ogya kpa bubuo mu. **15** Ọdayi ıya anyọ klaklaakla kú ledalı tsu mu
ọno. Mú ọbọpúsain ọmá-ọmá bun nı. Ọbọpú owuntọlın kpa amú. Bulu
Otumipú amú ọblọ kpọnkpọntı amú ọbọpúnyime amú, fe alıá
butenyime wain-abi. **16** ıda áńí bówanlín dínka ọha amú ọdın
ọpọnkọ fututu amú atadiésu pú mu obiansu gyi, < <Asıtı Ọsı, Awietọ
Owie.> >

17 lnu nowun Bulu-ọbọpú ọkú lu owito. Ọlọkplın kpoli mbubwiá
buna afuto fée ọbée, < <Mlıba! Mlıbefia Bulu ọpunu kpọnkpọntı
amú alatswı ha mlı amú ası! **18** Menı mlégyi awie, isa ọno alıpu,
ısa akọpú akinkin, mpọnkọsu adınkapu pú amú mpọnkọ, ọyıtı aha,
ıwı agyipú, nkápábi, nyebi ahande fée aye.> >

19 lnu nowun áńí ọbwıkıta-ato amú mua ọsulusu awie pú amú isa
akọpú fée bekpa aba bọyọkọ ọpọnkọ fututusu ọdınkapu amú mua mu
ısa akọpú. **20** Tame begyi ọbwıkıta-ato amúsu, bekıta mua mu ọno
ọtọpú amú ọtọbwe osuna akpọnkpọntı mu ıdato amú. Ofula amú
ọlọpumle aha amú ọbwıkıta-ato amú nsuhıeto dın amúsu, butosum
ọkpı amú ọbọpwe lıan ọbwi amú nı. Bọtswı ọbwi amú mua mu ọno
ọtọpú amú wa ogya patı kpọnkpọntıá ogya mua atonkodu ihıe detsii
múto. **21** Ọpọnkọsu ọdınkapu amú lọpú ọdayi ıya anyọ amú ıledalı
tsu mu ọno amú mo ısa akọpú atrahe amú fée. Mbubwi amú begyi
amú aye plıplıplıplı.

Bɔwa Ɖbunsam Ikan Nfi Ɖpum

1 Ihu nowun ání Bulu-ɔbɔpu ɔku lekplɪ tsu ɔsusu. Ɖde ilan klukluukluá uma ɔka saafi pú ikan kpɔnkpɔntɪ ku. **2** Ɖlekɪta butɪ, ogyi iwo dada amuv butetɪ mu Ɖbunsam nte Satan amv, ɔɔwa mu ikan nfi ɔpum-ɔkule. **3** Ɖɔtswɪ mu wa ilan klukluuklu amutɔ, fin mú, wa mú ɔno saafi, menɪ Ɖbunsam méetra talɪ mle ɔmá-ɔmá amv. Nfi ɔpum amv ɔma asa béle mu kpalobi.

4 Mú ɔma a, nowun awie-mbia ku. Aha amuv baha amú ɔkpa ání bégýi asun amv butsie músu. Nowun aha aku ɔkla. Amúgyi aha ání betɪn amú Yesu iwi adansiegyi pú Bulu asun ɔkanda su nɪ. Amú ken gyi aha amuv bumotsula sum ɔbwikɪta-atɔ amv nte mu ɔkpɪ amv, bumotsula abupu mu nsuhietɔ dɪnka amú ɔsɔkpɪ nte amú ibasu nɪ. Bulu lɛha amú betsinki, amúa Kristo begyi iwie nfi ɔpum-ɔkule amutɔ.

5 Amú Bulu legyankpa kusva tsu afulitɔ nɪ. (Awupu atrahe buméetsinki, nkɛtɪ nfi ɔpum amv ɪlatsun.) **6** Bulu loyula mu aha agyankpapu amuv ɔɔkusva tsu afulitɔ amv. Amú mú a, lowu nyɔsɪ amv uma amúsu tumi. Bóbwe igyi ahapu ha Bulu mua Kristo, mua amúnyɔ bégýi iwie nfi ɔpum-ɔkule amv.

Satansu Gyi

7 Nfi ɔpum amv ɔma a, béle Satan obu. **8** Ɖbédalɪ yemle ɔmá-ɔmá ání bubu ɔyi afunka ana, igyi Gog mua Magog amv, menɪ ɔbékpa aha tsɔtsɔtsɔá buma ɪklatɔ buo iwi ya isa. **9** Nowun ání benatɪ tsun ɔyɪtɔ féé, kafia Bulu aha pú amú wulu yileá Bulu tekle, tamɛ ogya lekpa tsu ɔsusu behɪ amú akɔpu féé plɪplɪplɪ. **10** Ihu bɔtswɪ Ɖbunsam amuv ɔlemle amú amv wa obun ání ogya múa atonkodu detsii mútɔ plenplenplentɔ. Mua ɔbwikɪta-atɔ amv pú mu ɔnɔsu atɔpu afunupu amv bétsia iwɔsuntɔ ɔpa onye bre féé.

Asungyi Trahe

11 Inu nowun owie obia fututu kpɔnkpɔnti kuá ɔku tsie músu. Nwuluta móa ɔsulu besri si mu, tame bumenya oɲainkpa. **12** Nowun awupu, nyebi ahande bulu owie obia amu ansitɔ. Bobwii nwuluta tswi. Bobwii nkpa ɔwulu amu etɔ tswi. Inu bɔpu tɔá nwulu amu ilebli tsu awupu amu bwehe iwi gyi amú asun. **13** Ɔpu lele awupúá bubu mutɔ ba. Lowu mua afulitɔ ε bele amúá bubu amúɔ ba. Bulu legyi okugyiɔku asun mu bwehe ɔnɔ. **14** Inu bɔtswi lowu mua afulitɔ féé wa ogya ání itamaduntɔ. Inu gyi lowu nyɔsi ni. **15** Bɔtswi ɔhagyiɔha ání bumowun mu ida nkpa ɔwulu amutɔ ε wa ogya amutɔ.

21

Proofread 08-07-09

Ɔsusu Múa Ɔsulu Pɔpwe

1 Inu nowun ɔsusu móa ɔsulu pɔpwe, tsufe ɔsusu móa ɔsulu gyankpapu amu itra ma inu. Ɔpu ε tra ma inu. **2** Muv nowun wulu wankihe, igyi Yerusalem pɔpwe amu, idekpli tsu Bulu wa ɔsusu iba. Bulu lehihie mú fé ɔtsiá bawa mu atɔ wanklaan, oyefia mu klu. **3** Nonu ɔme kpɔnkpɔnti kuá ilelin tsu owie obia amu asi ɔbeé, < < Kí! Sei mú a, Bulu otsiakpa laba anyankpusatɔ. Obétsia amúɔ, bóbwe mu aha. Mu onuto obétsia amúɔ, ɔbóbwe amú Bulu. **4** Obétsitsi amú ntsú féé. Lowu nte isu nte ipian nte asun wunhe kuku ε uméetra tsia, tsufe atɔ dada amu féé ilatsun. > > **5** Muv owie obiasu otsiapu amu lebli ɔbeé, < < Kí, nde togyitɔ bwe pɔpwe. > > Muv ɔlelabla mi ɔbeé, < < Wanlin asun anfi tswi, tsufe mú féé ibu múɔ, igyi ɔnɔkwali. > > **6** Muv ɔletra bla mi ɔbeé < < Nabwe mú féé ta. Mígyi Alfa móa Omega, Ogyankpapu móa

Ɔtrahe. Néha ɔha ání ɔmɛwuli de mu nkpa-ntsu, ɔmɛ́ɛka mú ɪkɔ.

7 Nɔ́pu oyula anfi ha ɔha ání olegyi isu. Nɔ́bwe mu Bulu, mu ɛ ɔbɔ́bwe mi bi. **8** Tame afupwá beyinki mi ɔma, aha ání bumɔho mi gyi, mbusuo abɔpu, aha amɔpu, mbua atɔpu, atɔ alapu, ikpi atswɛpu pú afunupu fée otsiakpa gyi ogya patɪ kpɔnkpɔntɪ, ogya mɔ́a atonkodu ihɛ detsii mútɔ. lɪ gyi lowu nyɔsi amu ni. > >

Yerusalem Pɔpwe

9 lɪ Bulu-abɔpu abasiɛɔ amɔ buɔɔ ablanwe asienɔ amɔ asɔn wunhe asienɔ trahe ɪbɔ mú amɔtɔ ɔkule lɛba bebla mi ɔbɛɛ, < < Ba, ansuna fu ɔtsiá Okufabi amu ɔba betsia. > > **10** lɪ ɔlekpa mi Ɔɲɛtɔ ya ɪbu fuahe kpɔnkpɔɔnkpɔntɪ kusu, olosuna mi Yerusalem wulu wankiɛ́á idekpli tsu ɔsusu Bulu wa ɪba. **11** Bulu numnyam dɛwankɪ wuli wulu amɔsu. Ihɛ dɛwankɪ hunanana fe atsufolibi, ide ogya kpa fe ahuhwéá mú ansitɔ lowankɪ. **12** Bɔpwe bunti trihe fuahe ku bomli mú, ɪbu aklɔn akpɔnkpɔntɪ duanyɔ. Bulu-abɔpu duanyɔ buɔɔ aklɔn amu ɔnɔ gyo. Bɔwanlɪn Israel abusuan duanyɔ amu ada dɪnka aklɔn amɔsu ɪkule-kule. **13** Aklɔn asa bu owi ɔdalɪkpa. Asa bu owi ɔkpliwiɛkpa, asa bu ɔsusu, asa ɛ bu ayasi. **14** Beyi bunti amu dɪnka abwi yileyile duanyɔsu. Bɔwanlɪn Okufabi amu sumbi ayɔpu amu ada dɪnka abwi amɔsu ɪkule-kule. **15** Bulu-ɔbɔpu amɔ ɔɔɔ mi asɔn bla amu de sika pepe oyiá butɔpususu atɔ. Ɔbɔpususu wulu amu, mú abunti pú aklɔn ání ilobomli mú fée. **16** Wulu amu iswɪtɔ pú mú tɛitɔ fée igyi kɛkɛ. Brɛ́a olosusu mú a, mú iswɪtɔ, mú tɛitɔ pú mú fɔatɔ fée igyi mailɪ ɔpum-ɔkule lafana (1,400). **17** lɪ olosusu bunti amu tritɔ ɛ. Ig yi ayabi lafanyɔ mɔ́a duasie (216), nyankpɔsa atosusuhe ɔnɔ. **18** Abwiá igyi fe ahuhwe bɔpupwe abunti amu. Bɔpu sika pepéá tɔtɔ mɛfra mú, igyi fe glaasi pwe wulu amu. **19** Bɔpu abwiá ɪbu bia ɔtsan-

otsan duanyo wa abunti amu ntswiası. Abwi amu ada gyi, yaspa, safiri, agate, emerald. 20 Oniks, kanelia, krisolit, beril, topas, krisopas, yasint pú ametiste. 21 Abuto wulıhe fututu wanklaan duanyo bopubwe aklun amu. Iklun amu kugyiku igyi butobi fututu kule. Sika pepeá toto mefra mú, igyi fe glaasi bopuwa abronu wulu amuto. Fétaı kı tsun muto.

22 Mmowun Bulu otswekpa kuku wulu amuto, tsufe Bulu Otumipu amu mua Okufabi amu gyi Bulu otswekpa unu. 23 Wulu amu imehian owi nte otsra wankı muto, tsufe Bulu numnyam towankı ha mú, Okufabi amu e gyi mú okandıe. 24 Omá-omá benatı wulu amu wankıto. Oyıto awie e bopu amú numnyam ba muto. 25 Buméefin mú onı aklun, tsufe oklun ma unu. 26 Omá féé bopu amú numnyam pú amú obú ba mú. 27 Togyitá mú ıwı metın, mbusuo abopu nte afunupu bumóowie wulu amuto, nketı aha amuv bowanlın amú ada wa Okufabi amu nkpa owuluto amu nkule.

22

Proofread 08-07-09

Nkpa-ntsu Tsunhe

1 Unu Bulu-obopu amu losuna mı nkpa-ntsu amuv ılowankı fe ahıhwe amu. Idetsun tsu Bulu mua Okufabi amu owie obia amuto. 2 Ntsu amu una bronu yileá ıda wulu amu nsıne. Nkpa-oyi ılu ntsu amu agbemgbe anyo amuv, itoswie abi otsan-otsan otsragyiotsra. Itoswie tse duanyo ofi okuleto. Mú afıta e igyi afa ha omá féétı aha. 3 Togyitá Bulu lalwu mú méetsia wulu amuto.

Mboun Bulu mua Okufabi amu owie obia obétsia unu, mu asumpu bósum mu. 4 Bówun mu ansıto, mu ıda e bédınka amú owukpi. 5 Owi

méetra ta unu ekekeke. Buméetra hian okandue nte owi, tsufe aní Wie Bulu obówanki wuli amúsu. Bégyi iwie bre féé.

Yesu lba

6 Inu Bulu-obópu amu lebla mi obee, < < Asun anfi bu múto, igyi onokwali. Aní Wie Bulu tele tóá ibéba suna mu onosu atápu. Múlawa mu obópu obee, obéle tóá ibéba nke anfito suna mu asumpu. > >

7 < < Kí! Imówa opá néba! Owulu anfito asun béba múto. Mú su Bulu obóyula oha aní olegyi mú féésu! > >

8 Mí Yohane lonu asun anfi, nowun mú féé. Breá nonu asun anfi, nowun ato amu e a, nemli bun Bulu-obópu amuu olee mú suna mi amu ayabito, mbee ansum mu. **9** Tame oleta bla mi obee, < < Mábwe! Tsufe Bulu osumbi ngyi fe fua fu apio Bulu onosu atápu, pú aha amuu bégyi asun amuu bowanlun wa owulu anfito amusu. Sum Bulu nkule! > > **10** Mú olebla mi obee, < < Mápú ato lesunahe anfi ngain, tsufe mú babí lafun ta. **11** Ha lalahe obwepu oyo mu lalahebwe. Ifinto otsiapu otsia mu ifinto, yile obwepu e okita mu yilebweto. Oha aní obee, mópu mu iwi ha Bulu osi mu iwi ha Bulu. > >

12 Inu Yesu lebla mi obee, < < Kí, imówa opá néba! Neba iko okakpa. Néka ohagyi oha iko mu bwehe onó. **13** Mígyi Alfa múa Omega. Ogyankpapu múa Otrahé, asi Otsuapu pú onó Omópu.

14 < < Bulu obóyula aha aní bude amú atadie fwi, mení bétali nya okpa tsun wulu yile amuu iba amu onó wie múto yegyi nkpa-oyi amu abi. **15** Akia obésin iban amu oma. Amú gyi; ato alapu, mbua atápu, aha amópu, ikpi atswepu pú aha aní butekle afunu, butowa mú e féé.

16 < < Mí Yesu lawa mi obópu mbee, oha bebla fu asun anfi, afupubla Akristofó opasua amu féé. Mígyi Owie Dawid mu na, mu ato

ogyipu pú Bake Ɔtsrakpabi wankihe amu ni. > >

17 Inu Bulu Ɔɲe amu pú ɔka pɔpwe amu bebli bee, < < Ba! > >

Ɔhagyioha ání onu asun anfi ɔbli ɔbee, < < Ba! > >

Ɔhagyioha ání ɔmewuli de mu ɔba. Ɔhagyioha ání odekle ɔba, Bulu okie mu nkpa-ntsu amu.

ltrahe

18 Mi Yohane, nde ɔhagyioha ɔla da kpakpaakpa. Mbee, ni ɔku lonu ato lesunahe ɔwulu anfito asun, ɔɔpu ku tsia múto a, Bulu e ɔbéha asun wunheá ibu ɔwulu anfito ibéba musu. **19** Ni ɔku e lele ɔku tsu ɔwulu anfito a, mumu Bulu e ɔbéle mu ogyikpa ání ibu nkpa-oyi amu pú wulu wankihe amu nɔwanlin mú iwɛ asun wa ɔwulu anfito amuto.

20 Ɔha amu ɔde ntobi anfi iwɛ adansie gyi ɔnɔkwaliu amu ɔbee, < < Ee! Imɔɔwa ɔpá néba! > >

Amen! Owie Yesu, ba!

21 Aní Wie Yesu ogyi Bulu aha buale!